

BIBLIOTECA NAZ.

Vittorio Emanuele III

LI

B


10

NAPOLI

L1

15

10



T. LIVII

PATAVINI

LATINAE HI-

STORIAE

PRINCIPIS

PIS

*

DECAS

PRIMA.



VIRTVTE DVCE,



COMITE FORTVNA.

LVGDVNI APVD SEB.

GRYPHIVM,

1542.



6750-2-5



GENEROSO

ADOLESCENTI CARO

LO MONTIOIO

SAL. D.



TSI nunquam haectenus mihi cōtigit faciē intueri tuam iuuenis ornatissime, tamen in tuis ad me literis mire puris, doctis, argutis, amicis, candidis, optimā tui partem animum, sic expressam uideo, ut nullus Apelles corporis effigiem in tabula representare possit cuidētius. Tam raras tamq; uarias naturæ tuæ doctes ista præsertim ætate, quū libenter, tum summa cū animi mei uoluptate sum exosculatus. Equidē nihil nō præclarū expectabā à Guilhelmi MONTIOII filio, sed ingenuè fateor, longe uicisti spem meā quam de tuo profectu conceperam. Eam epistolam non in hoc tantū seruabo, quo me subinde tui contemplatione delectet, uerum etiam ut hoc instrumento tecum uelut obsignatis tabulis agere possim, nisi quā cœpisti perrexeris, donec operi pulcherrimo colophonem imposueris. Scribis te illa mea epistola, quam adagijs præfixi, uelut in theatrum productum, ut uelis nolis cogaris, bene saltata fabula, multitudinis auribus oculisq; satisfacere. Hoc oneris tibi per me impositum esse, mi CAROLE, nondum sanè me pœnitet: altera uero sarcina, quā te magis etiam premi dicis, sollicitum quo pacto meis in te meritis gratiam refras, facile te exonero. Nec enim metuo ne fallas tuorū de te expectationem: quin ista tam præclara exordia, uel, ut melius dicam, primus fabulæ actus, nobis spem faciūt fore, ut

quemadmodum superasti meam, ita uincas et ceterorum
 expectationem. Quod si præstiteris, arbitror mihi pro,
 si quid est meorum in te officiorum, ~~in te~~ etiam
 cumulate relatam gratiam. Vera pietas, qua clarissimum
 patrem tuum perpetuo sum prosequutus, quamq; nunc in
 te uelut alterum illum transtuli, non moratur aliam mer
 cedem, quam ut te ipsum talem præstes, qualem optat illa.
 Verum ne tibi fabulam istam saltanti, nihil aliud quam
 hortator applausorq; uidear, sed ut nonnihil etiam opis
 adferam, uisum est tuo nomini dicare **TITVM LIVVM**, Latine historię principem, iam quidē frequen
 ter excusum, sed nunquā antehac uel magnificentius uel
 emendatius: & si hoc parū est, quinq; libris modo reper
 tis auctum: quos bono quodam genio in bibliotheca mo
 nasterij Laurisseni, aut, ut uulgo, Lorschensis, reperit **SIMON GRYNÆVS**, uir ut in omni genere literarū
 citra supercilium eruditus, ita prouehēdis liberalibus stu
 dijs natus. Id autem monasterium est ē regione Vormae
 ciæ, siue Berbethomagi trans Rhenum, a **CAROLO**
 Magno septingentis abhinc annis & eo amplius extru
 ctum, ac librorum copiosissima supellectile instructum.
 Nam hæc olim præcipua cura principum fuit, & hic so
 let esse charissimus cœnobiorum thesaurus. Archetypum
 erat admirandæ uetustatis, prisco more perpetua litera
 rum serie ita depictum, ut difficilimum fuerit uerbū a uer
 bo dirimere, nisi docto, attento, & in hoc ipsum exercita
 to, Vnde non parum negotij fuit in parando exemplari,
 quod typographicis operis traderetur utendum. Nec mi
 nore cura quam fide aduigilatum est, ne usquā in descri
 bendo ab archetypo recederetur. Quod si pridē magna
 studiosorum gratulatione merito exceptū est, quaecun
 que

quæ fragmentum quod nobis dedit Mogontia: quanto
 plausu excipi par est, tantam Liuianae historiae accessio-
 nem. Atq; utinam faxit deus Opt. Max. ut hic autor to-
 tus & integer uobis restituatur. Eius rei spem nonnullam
 præbent rumores per ora quorundam uolitantes: dū hic
 apud Dauos, ille apud Polonos, alius apud Germanos,
 haberi Liuiana quædam nondū edita iactitat. Certe post-
 ea quàm hasce reliquias præter omnū spem obiecit for-
 tuna, non uideo cur desperemus & plura posse continge-
 re. Atq; hic, mea quidem sententia, principes uiri rem se-
 dignam facerent, si præmijs propositis, eruditos ad per-
 uestigandum tantum thesaurum sollicitarent, aut etiā ad
 editionem percellerent: si qui forte sunt, qui rem publi-
 cæ utilitati paratam, graui studiorū iactura premunt ab-
 duntq;. Vehementer enim absurdum uidetur, homines ut
 parum auri argentiue inueniāt, tantis impendijs tātisq;
 periculis, ad ipsos penè inferos terræ uiscera perferre: et
 huiusmodi thesauros tanto illis preciosiores, quanto cor-
 pore præstantior est animus, prorsus negligere, nec ulla
 uestigatione dignos iudicare. Midarū hic animus est, non
 principum, à quo quum sciam tuam indolem quam lon-
 gissime abhorrere, nō dubito quin hoc lucrum sis auidis-
 sime amplexurus. Iam ne quis dubitare possit, an hæc di-
 midata Decas sit uere T. Liuij, duæ res potissimum effi-
 ciunt: primū ipsa phrasis omnibus notis suum autorem re-
 ferens: dein Argumēta siue Epitome L. Flori, hisce libris
 per omnia respondentes. Itaq; quum scirem, magnatibus
 uiris nullam esse lectionem magis accommodam quàm hi-
 storicorū, inter quos facile primas tenet T. Liuius, de La-
 tinis loquor, præsertim quum Sallustianum nihil extet,
 præter duo fragmenta: reputaremq; quātus quāq; inex-

6
plebilis historiarū, ut ita loquar, belluo semper fuerit pater tuus, quem non dubito quin hac quoq; parte refras: uisus sum mihi nō incongruē facturus, si hi quinque libri, tibi proprie dicati prodirent in lucem. Quāquam hic nō lim te parentis nimium esse similem. Solet enim ille singulis diebus à cœna ad mediam usq; noctem incumbere libris, non sine uxoris ac pedisequarum tædio, magnoq; famulorum murmure: quod quanquam illi hætenus præter uoletudinis dispendium licuit, non arbitror tamē consultum, ut eandem tu iacias aleam, fortasse non perinde feliciter casuram. Certe quū pater tuus huic regi etiamnum adolescenti socius esset studiorum, in historijs potissimum uersabantur, idq; uehementer approbante patre Henrico Septimo singulari iudicio prudētiaq; rege. Ad iuncta autem est huic editioni, Chronologia HENRICI GLAREANI, hominis exquisite multifariamq; docti, cuius indefatigabilis industria, nō solum hoc inclytum gymnasium Friburgense, uerum etiā totam hanc regionem, liberalibus disciplinis expolit, exornat, locupletat. Ea Chronologia commonstrat temporum ordinē, bellorum species, ac personarū nomina, in quibus hætenus fuit mira cōfusio, scribarum ac sciolorum uitio inducta. Atqui hæc erat unica historiæ lux. Quòd si hæc absit cy-nosura, cæca prorsus est in historiarum pelago nauigatio: & nisi hoc adsit filum, inextricabilis error inuoluit lectorem etiam cruditum in his rerum gestarum labyrinthis. Hoc munere si tuam epistolam bene pensatam arbitrabere, tuæ iam uices erunt nos tuis impartire literis. Bene uale. Apud Friburgum Brisgoiæ, calend. Martijs, anno M D X X X I.

TITILIVII

PATAVINI HIST

STORIARVM AB

VRBE CONDI

TA DECA

Iohannis spinuly .f. DIS
I. U. D.

LIBER PRIMVS.



ACTVRVS ne operæ pre
tiū sim, si à primordio urbis
res populi Rom. perscripse
rim, nec satis scio: nec si sciā,
diccre ausim. Quippe qui cū
ucterē, tum uulgatā esse rem
uideā: dum noui semper scri
ptores, aut in rebus certius
aliquid allaturos se, aut scri

bendi arte rudē uetustatem superaturos credūt. Vt cunq;
erit, iuuabit tamē rerum gestarū memoriæ principis ter
rarum populi pro uirili parte & me ipsum cōsuluisse. Et
si in tanta scriptorū turba mea fama in obscuro sit, nobi
litate ac magnitudine eorū qui nomini officient meo, me
cōsoler. Res est præterea & immēsi operis, ut quæ supra
septingentesimū annū repetatur: et quæ ab exiguis profe
cta initijs eò creuerit, ut iam magnitudine laboret sua: et
legētū plerisq; haud dubito, quin primæ origines proxi
māq; originibus, minus præbitura uoluptatis sint, festinā
tibus ad hæc noua, quibus iam pridem præualētis populi

uires se ipsæ conficiunt. Ego contrā hoc quoq; laboris
 præmiū petam, ut me à conspectu malorū, quæ nostra tot
 per annos uidit ætas, tātisper certe, dū prisca illa tota mē
 te repeto, auertā, omnis expers curæ, quæ scribentis ani=
 mum, et si nō flectere à uero, sollicitū tamē efficere possit.
 Que ante conditam condēdam uē urbem, poëticis magis
 decora fabulis, quā incorruptis rerū gestarum monumē
 tis traduntur: ea nec affirmare, nec ~~refellere in quibus est~~
 Datur hæc uenia antiquitati, ut miscendo humana diui=
 nis, primordia urbiū augustiora faciat. Et si cui populo
 licere oportet cōsecrare origines suas, et ad deos referre
 autores: ea belli gloria est populo Ro. ut cū suum cōdito
 risq; sui parentē Martem potissimū ferat: tam et hoc gen
 tes humanæ patiātur æquo animo, quā imperiū patiun
 tur. Sed hæc et his similia, utcūq; animaduersa aut existi
 mata erūt, haud in magno equidem ponā discriminē. Ad
 illa mihi pro se quisq; acriter intēdat animum, quæ uita,
 qui mores fuerint: per quos uiros, quibusq; artibus, do=
 mi, militiæq; et partū et auctum imperiū sit: labēte dein
 de paulatim disciplina, uelut disidētes primo mores se=
 quatur animo: deinde ut magis magisq; lapsi sint, tū ire
 cœperint præcipites, donec ad hæc tēpora, quibus nec ui
 tia nostra, nec remedia pati possumus, peruētum est. Hoc
 illud est præcipuē in cognitione rerū salubre ac frugife=
 rum, Omnis te exēpli documēta in illustri posita monumē
 to intueri: inde tibi tuæq; rcipub. quod imitere capias:
 inde scdū inceptu, scdum exitu, quod uites. Caterū aut
 me amor negocij suscepti fallit, aut nulla unquā res publi
 ca nec maior, nec sanctior, nec bonis exēplis ditior fuit:
 nec in quam tam seræ auaritia luxuriaq; immigrauerint:
 nec ubi tantus, ac tū diu paupertati ac parsimoniæ honos
 fuerit;

honnate

fuerit: adeo quanto rerum minus, tanto minus cupiditatis erat. Nuper diuitiæ auaritiā, & abūdantes uoluptates desiderium per luxum atq; libidinem pereundi perdendiq; omnia inuexere. Sed querelæ ne tum quidem gratæ futuræ, cum forsitan necessariæ erunt, ab initio certe tantæ ordiendæ rei absint: cum bonis potius omnibus, uotisq; ac precationibus deorum dearumq; si ut poëtis, nobis quoq; mos esset, libentius inciperemus, ut orsis tanti operi successus prosperos darent.



LA M primū omnium satis constat, Troia capta in cæteros sæuitum esse Troianos, duobus, Aenea Antenoreq; & uetusti iure hospitij, & quia pacis reddēdæq; Helenæ semper autores fuerāt, omne ius belli Achiuos abstinuiffe. Casibus deinde uarijs Antenorem cum multitudine Henetū, qui seditione ex Paphlagonia pulsī, & sedes & ducē rege Pylemene ad Troiā amisso, quærebāt: uenisse in intīmū maris Adriatici sinum: Euganeisq; qui inter mare alpesq; incolebāt, pulsīs, Henetos Troianosq; eas tenuisse terras: & in quē primum egressi sunt locū, Troia uocatur: pagoq; inde Troia nomen est, gens uniuersa Veneti appellati. Aeneā ab simili clade domo profugum, sed ad maiora rerū initia ducentibus satis, primo in Macedoniā uenisse: inde in Siciliā, quærentem sedes, delatū: ab Sicilia classe Laurentē agrum tenuisse: Troia & huic loco nomē est. Ibi egressi Troiani, ut quibus ab immēso propè errore nihil præter arma & naues superesset, cū prædam ex agris agerēt: Latinus rex, Aboriginesq; qui tū ea tenebant loca, ad arcendā uim aduenarum armati ex urbe atq; agris cōcurrunt. Duplex exinde fama est: alij prælio uictū Latinū, pacē cum Aenea,

deinde affinitatē iunxisse tradunt: alij eū instructæ acies
 cōstitissent, priusquam signa canerent, processisse Latinū
 inter primores, ducēq; aduenarū euocasse ad colloquiū:
 percunctatū deinde qui mortales essent? unde? aut quo ca
 su profecti domo? quid ue querētes in agrum Laurētem
 exissent? postquā audierit multitudinē Troianos esse: du
 cem Aeneā, filium Anchisæ & Veneris: cremata patria
 & domo profugos, sedē, condendæq; urbi locū querere:
 & nobilitatē admiratum gentis uiriq; , & animū uel bel
 lo uel paci paratum, dextera data fidem futuræ amicitia
 sanxisse. Inde sœdus ictum inter duces, inter exercitus sa
 lutationē factam. Aeneam apud Latinū fuisse in hospitio:
 ibi Latinū apud penates deos domesticū publico adiun
 xisse sœdus, filia Aeneæ in matrimoniū data: ea res utiq;
 Troianis spem affirmat tandē stabili certaq; sede finicdi
 erroris. Oppidum cōdunt. Aencas ab nomine uxoris La
 uinium appellat: breui stirps quoq; uirilis ex nouo matri
 monio fuit, cui Ascanium parētes dixere nomē. Bello de
 inde Aborigines Troianiq; simul petiti. Turnus rex Ru
 tulorum, cui pacta Lauinia ante aduētum Aeneæ fuerat,
 prælatus sibi aduenā ægre patiens, simul Aeneæ Lati
 noq; bellū intulerat. Neutra acies leta ex eo certamine
 abiit: uicti Rutuli, uictores Aborigines Troianiq; , ducem
 Latinum amisere. Inde Tūnus Rutuliq; diffisi rebus, ad
 florētes Hetruscorū opes, Mezētiumq; eorum regē con
 fugiunt, qui Cære opulento tū oppido imperitans, iā in
 de ab initio minime letus nouæ origine urbis, & tum ni
 mio plus, quàm satis tutū esset accolis, rē Troianam cre
 scere ratus, haud grauatim socia arma Rutulis iūxit. Ae
 neas aduersus tātī belli terrorē, ut animos Aboriginū si
 bi cōciliaret, ne sub eodem iure solum, sed etiam nomine

omnes

omnes essent: Latinos utrāq; gentē appellauit: nec deinde Aborigines Troianis studio, ac fide erga regē Aeneā cessere: fretusq; his animis coalescentium in dies magis duorū populorum Aeneas, quanquā tanta opibus Hetruia erat, ut iam nō terras solum, sed mare etiā per totam Italiā longitudinē ab alpibus ad fretū Siculū fama nominis sui impleffet: tamen cū mœnibus bellū propulsare posset, in aciē copias eduxit. Secundū inde prælium Latinis, Aeneā etiā ultimum operū mortaliū fuit. Situs est, quēcunq; cum dici ius fasq; est, super Numicū flumen. Iouem Indigetem appellant. Nondū maturus imperio Ascanius Aeneā filius erat, tamē id imperiū ei ad puberem ætatem incolume mansit: tantisper tutela muliebri (tanta in dolēs in Lauinia erat) res Latina et regnū auitum, paternūq; puero stetit. Haud nihil ambigam (quis enim rem tam ueterē pro certo affirmet?) hiccine fuerit Ascanius: an maior quā hic, Creusa matre Ilio incolumi natus, comesq; inde paternā fugā, quem Iulum eundē Iulia gens autorē nominis sui nūcupat. Is Ascanius, ubicūq; et quacūq; matre genitus (certe natum Aenea constat) abundante Lauinij multitudine, florentē iam (ut tum res erāt) atq; opulentā urbem matri, seu nouercæ reliquit: nouam ipse aliā sub Albano monte condidit, quæ ab situ porrectæ in dorso urbis lōga Alba appellata. Inter Lauiniū et Albā lōgam coloniā deductam triginta ferme interfuere anni, tantum tamē opes creuerant, maxime suscipiens Hetruscis, ut ne morte quidē Aeneā, nec deinde inter muliebrem tutelam rudimentūq; primum puerilis regni mouere arma aut Mezentius Hetrusciq; aut ulli alij accolæ ausi sint. Pax ita conuenerat, ut Hetruscis Latinisq; siuius Albulā, quē nūc Tyberim uocāt, finis esset. Syluius deinde regnat Ascanij filius, casu quodā in syluis natus: is Aeneā

Sylvium creat: is deinde Latinum Sylvium: ab eo colonia aliquot deducta, Prisci Latini appellati: mansit Syluius postea omnibus cognomen, qui Albæ regnarūt. Latino Alba ortus, Alba Atys, Ati Capys, Capi Capetus, Capeto Tyberinus, qui in traicctu Albulæ amnis submersus, celebre ad posteros nomen flumini dedit. Agrippa inde Tyberini filius, post Agrippā Romulus Sylvius à patre accepto imperio regnat. Auentino fulmine ipse iectus regnum per manus tradidit: is sepultus in eo colle, qui nunc est pars Romanæ urbis, cognomen colli fecit. Proca deinde regnat: is Numitorem atq; Amulium procreat: Numitori, qui stirpis maximus erat, regnū uetustū Syluiæ gentis legat: plus tamē uis potuit, quam uoluntas patris, aut uerecūdia ætatis: pulso fratre Amulius regnat: addit sceleri scelus, stirpē fratris uirilem interimit: fratris filiæ Rheæ Syluiæ per speciē honoris, cum uestalem eā legisset, perpetua uirginitate spem partus adimit. Sed debebatur (ut opinor) fatis tātæ origo urbis, maximiq; secundū deorum opes imperij principiū: ui cōpressa uestalis, cū geminum partū edidisset, seu ita rata, seu quia deus autor culpæ honestior erat, Martem incertæ stirpis patrē nuncupat. Sed nec dii, nec homines aut ipsam, aut stirpē à crudelitate regia uindicāt: sacerdos uincta in custodiam datur, pueros in profluentē aquam mitti iubet. Sorte quadā diuinitus super ripas Tyberis effusus lenibus stagnis, nec adiri usquam ad iusti cursum poterat amnis, et posse quāuis lāguida mergi aqua infantes, spem ferētibus dabat. Ita uelut defuncti regis imperio, in proxima alluuiæ, ubi nūc ficus ruminalis est (Romularē uocatam ferūt) pueros exponūt: uastæ tum in ijs locis solitudines erāt. Tenet fama, cum fluitantem alucū, quo expositi erant

erant pueri, tenuis in sicco aqua destituiſſet, lupã ſitien-
tem ex mōtibꝯ, qui circã ſunt, ad puerilẽ uagitũ curſum
flexiſſe: eã ſummiſſas inſantibus adeo miſe præbuiſſe mã-
mas, ut lingua lambentem pueros magiſter regiꝯ pecoris
inuenerit (Fauſtulo fuiſſe nomẽ ſerunt) ab eo ad ſtabula
Laurẽtiæ uxori educãdos datos. Sunt qui Laurentiã uul-
gato corpore lupam inter paſtores uocatam putent: inde
locum fabulæ ac miraculo datum. Ita geniti, ita educati,
cum primum adolcuit ætas, nec in ſtabulis, nec ad pecora
ſegnes, uenãdo peragrarẽ ſaltus: hinc robore corporibus
animisq; ſumpto, iam nõ ſeras tantũ ſuſſiſtere, ſed in læ-
trones præda onuſtos impetũ facere, paſtoribusq; rapta
diuidere: & cũ his, creſcente in dies grege iuuenũ, ſerias
ac iocos celebrare. Iam tum in Palatino monte Lupercal
hoc fuiſſe ludicrũ ſerunt, et à Palanteo urbe Arcadica Pa-
lantiũ, deinde Palatinũ montem appellatũ. ibi Euandrũ,
qui ex eo genere Arcadũ multis antẽ tẽpeſtatibus ca te-
nuerat loca, ſolenne allatũ ex Arcadia inſtituiſſe, ut nu-
di iuuenes Lyceũ Pana uenerãtes, per luxũ atq; laſciuiã
currerent: quẽ Romani deinde uocarũt Inuum. Huic dedi-
tis ludicro, cum ſolenne uotũ eſſet, inſidiatos ob irã præ-
dæ amiſſæ latrones, cũ Romulus ui ſe defendiſſet, Remum
cepiſſe: captũ regi Amulio tradidiſſe, ultro accuſantes:
crimini maxime dabãt in Numitoris agros ab his impe-
tum fieri: inde eos collecta iuuenũ manu hoſtilẽ in modũ
prædas agere: ſic Numitori ad ſuppliciũ Remus deditur.
Iam inde ab initio Fauſtulo ſpes fuerat regiã ſtirpẽ apud
ſe educari: nã et expoſitos iuſſu regis inſantes ſciebat, et
tẽpus, quo ipſe eos ſuſtuliffet, ad id ipſum congruere: ſed
rẽ immaturã, niſi aut per occaſionem, aut per neceſſitatẽ
aperiri noluerat, Neceſſitas prior uenit. Ita metu ſuba-
ctus,

Atus, Romulo rem aperit. Forte & Numitori, cū in custo-
 dia Remum haberet: audiisset q̃; geminos esse fratres: com-
 parādo eorum etatem, et ipsam minime seruilcm indolē,
 tetigerat animum memoria nepotū: sciscitando q̃; eōdem
 peruenit, ut haud procul esset, quin Remū agnosceret: Ita
 undiq; regi dolus nectitur. Romulus nō cum globo iuue-
 num (nec enim erat ad uim apertā par) sed alijs alio iti-
 nere iussis certo tēpore ad regiam uenire pastoribus, ad
 regem impetū facit: & a domo Numitoris alia cōparata
 manu, adiuuat Remus: ita regem obtruncāt. Numitor in-
 ter primum tumultū hostes inuasisse urbē, atq; adortos
 regiam dictitās, cum pubem Albanam in arcem præsidio
 armisq; obtinendā aduocasset: posteaquā iuuenes perpe-
 trata cæde pergere ad se gratulātes uidit: extēplo aduo-
 cato cōcilio, scelera in se fratris, originē nepotum, ut ge-
 niti, ut educati, ut cogniti essent, cædē deinceps tyranni;
 seq; eius auctorē ostendit. Iuuenes per mediā concionem
 agmine ingressi, cū auum regem salutassent: secuta ex o-
 mni multitudine cōsentiens uox ratū nomen imperiumq;
 regi effecit. Ita Numitori Albana permissa re, Romulum
 Remūq; cupido cepit, in ijs locis ubi expositi, ubiq; edu-
 cati erāt, urbis condendæ: & supererat multitudo Alba-
 norum Latinorumq;: ad id pastores quoq; accesserāt, qui
 omnes facile spem facerēt: paruam Albam, paruum Lau-
 nium, præ ea urbe quæ cōderetur, fore. Interuenit deinde
 his cogitationibus auitum malum, regni cupido, atq; in-
 de fœdum certamē coortum a satis miti principio: quo-
 niā gemini essent, nec etatis uerecundia discrimen facere
 posset: ut dii in quorū tutela ea loca essent, augurijs lege-
 rent, qui nomē nouæ urbi daret, qui cōditam imperio re-
 geret. Palatinū Romulus, Remus Auentinum ad inaugu-
 randum

random tēpla capiunt. Priori Remo auguriū uenisse fer-
 tur, sex uultures iamq; nūtiato augurio, cum duplex nu-
 merus Romulo se ostēdisset, utrunq; regē sua multitudo
 cōsalutauerat: tempore illi praecepto, at hi numero auiū
 regnum trahebāt. Inde cū altercatione congressi certamē-
 ne irarum ad cadē uertūtur: ibi in turba ictus Remus ce-
 cidit. Vulgatioꝝ fama est: ludibrio fratris Remum nouos
 trāsiluisse muros: inde ab irato Romulo, cū uerbis quoq;
 increpitans adieciſſet: sic deinde, quicūq; alius transiliet
 moenia mea: interfectū. Ita solus potitus imperio Roma-
 nus: cōdita urbs cōditoris nomine appellata. Palatinū pri-
 mū, in quo ipse erat educatus, muniit: sacra dijs alijs Al-
 bano ritu, Graeco Herculi, ut ab Euandro instituta erāt, fa-
 cit. Hercule in ea loca Geryone interempto boues mira
 specie abegisse memorant, ac propē Tyberim fluuiū, quā
 prae se armentū agens nando traiecerat: locum herbido, ut
 quiete et pabulo lato reficeret boues, et ipsum fissum uia
 procubuisse: ibi cum eum cibo uinoq; grauātū sopor op-
 pressisset, pastor accola eius loci nomine Cacus, ferox ui-
 ribus, captus pulchritudine bouum, cum auertere eā prae-
 dam uellet: quia, si agendo armentum in speluncam com-
 pulisset, ipsa uestigia quærētem dominum eō deductura
 erant: auersos boues eximium quenq; pulchritudine, cau-
 dis in speluncam traxit. Hercules ad primam auroram
 somno excitus cum gregem perlustrasset oculis, et par-
 tem abesse numero sensisset, pergit ad proximam spelun-
 cam, si forte eō uestigia ferrent: quae ubi omnia foras uer-
 sa uidit, nec in partem aliam ferre: cōfusus atque incerta-
 tus animi, ex loco infesto agere porrō armētum occēpit.
 Inde cum actae boues quaedam ad desiderium (ut fit) re-
 lietarum mugissent, reddita inclusarum ex spelūca bouum
 uox Herculem conuertit: quem cum uadentem ad spe-

luncam Cacus uī prohibere conatus esset, ictus claua, si-
dem pastorum nequicquam inuocans, morte occubuit.
Euander tū ea, profugus ex Peloponneso, auctoritate ma-
gis, quā imperio regebat loca: uenerabilis uir miracu-
lo literarum, rei nouæ inter rudes artium homines: uene-
rabilior diuinitate credita Carmentæ matris, quam fati-
loquam ante Sibyllæ in Italiam aduentum miratæ hæ gē-
tes fuerant. Is tum Euāder concursu pastorum trepidan-
tium circa aduenam manifestæ reum cædis excitus, post-
quam facinus facinorisq; causam audiuit, habitum for-
mamq; uiri aliquantum ampliorem augustioremq; huma-
na intuens, rogitat, qui uir esset? ubi nomen patremq; ac
patriam accepit: Ioue nate Hercules salue, inquit: te mihi
mater ueridica interpretes deūm aucturum cœlestium nu-
merum cecinit: tibiq; arā hic dicatum iri, quam opulētis-
sima olim in terris gens maximā uocet, tuoq; ritu colat.
Dextra Hercules data accipere se omē, impleturūq; fata,
ara cōdita atq; dicata, ait. Ibi tum primū boue eximia ca-
pta de grege, sacrū, adhibitis ad ministeriū dapemq; Po-
titijs ac Pinarijs, quæ tū familiæ maximè inclytæ ea loca
incolebant, factum. Forte ita euenit, ut Potitij ad tempus
præsto essent, ijsq; exta apponeretur: Pinarij extis ade-
sis ad ceteram uenirent dapem: inde institutum mansit,
donec Pinarium genus fuit, ne extis solēnibus uesceren-
tur. Potitij ab Euandro edocti antistites sacri eius per
multas ætates fuerunt, donec tradito seruis publicis so-
lenni familiæ ministerio, genus omne Potitiorū interiit.
Hæc tum sacra Romulus una ex omnibus peregrina su-
scepit, iam tum immortalitatis uirtute partæ, ad quam
eum sua fata ducebant, fautor. Rebus diuinis rite per-
petratis, uocataq; ad conciliū multitudine, quæ coalesce-
re in populi unius corpus nulla re, præterquam legibus

poterat, iura dedit: quæ ita sancta generi hominum a greſſi fore ratus, ſi ſe ipſe uenerabilem inſignibus imperij feciſſet, cum cætero habitu ſe auguſtiorẽ, tum maxime liſtoribus duodecim ſumptis fecit. Alij ab numero auium quæ augurio regnum portenderant, cum ſecutum numerum putant. Me haud pœnitet eorum ſententiæ eſſe, quibus et apparitores, et hoc genus ab Hetruſcis finitimis, unde ſella curulis, unde toga prætexta ſumpta eſt, numerum quoq; ipſum ductum placet: et ita habuiſſe Hetruſcos, quod ex duodecim populis communiter creato rege, ſingulos ſinguli populi liſtores dederint. Creſcebat interim urbs munitionibus, alia atq; alia appetendo loca: cum in ſpem magis futuræ multitudinis, quàm ad id quod tum hominum erat, munirent. deinde, ne uana urbis magnitudo eſſet, adijciendæ multitudinis cauſa, uetere conſilio condentium urbes, qui obſcuram atque humilem conciendo ad ſe multitudinem, natam e terra ſibi prolem mentiebantur: locũ qui nunc ſeptus denſis ſentibus inter duos lucos eſt, aſylum aperit: eo ex finitimis populis turba omnis, ſine diſcrimine liber an ſeruus eſſet, auida nouarum rerum perſugit: idq; primum ad cœptam magnitudinem roboris fuit. Cum iam uirium haud pœniteret, conſilium deinde uiribus parat: cœtum creat ſenatores: ſiue quia is numerus ſatis erat, ſiue quia ſoli centum erant, qui creati patres poſſent. Patres certe ab honore, patricijq; progenies eorum, appellati. Iam res Romana adeo erat ualida, ut cuilibet finitimarum ciuitatum bello par eſſet: ſed penuria mulierũ hominis etatẽ duratura magnitudo erat: quippe quibus nec domi ſpes prolis, nec cum finitimis connubia eſſent. Tum ex conſilio patrum Romulus legatos circa uicinas gentes miſit, qui ſocietatem connubiumq; nouo populo peterent.

Urbes quoque, ut cætera, ex infimo nasci: deinde quas sua uirtus ac dii iuuent, magnas opes magnūq; nomē sibi facere: satis scire origini Romanæ & deos affuisse, & nō defuturā uirtutem: proinde ne grauarētur homines cū hominibus sanguinē & genus miscere. Nusquā benigne legatio audita est: adeo simul omnes spernebāt, simul tantā in medio crescentē molem sibi ac posteris suis metuebāt: à plebisq; rogitationibus dimissi, ecquod sœmunis quoq; asylū aperuissent? id enim demum compar connubiū fore. Aegre id Romana pubes passa: & haud dubie ad uim spectare res cœpit: cui tēpus locumq; aptum ut daret Romulus, ægritudine animi dissimulans, ludos ex industria parat Neptuno equestri solennes: Cōsualia uocat. Indici deinde finitimis spectaculū iubet: quantoq; apparatu tum sciebant aut poterāt, cōcelebrāt, ut rē clarā expectatamq; facerēt. Multi mortales cōuenere studio etiā uidendæ nouæ urbis: maxime proximi quiq; Ceninēses, Crustumini, Antēnates. Iam Sabinorū omnis multitudo cū liberis ac coniugibus uenit: inuitati hospitaliter per domos, cū situm mœniāq; & frequentē tectis urbē uidissent, mirātur tam breui rem Romanam creuisse. Vbi spectaculi tēpus uenit, deditæq; eō mentes cū oculis erant, tū ex cōposito orta uis: signoq; dato iuentus Romana ad capiendas uirgines discurrit: magna pars sorte, ut in quē quæq; incidrat, raptæ: quasdā forma excellētes primoribus patrū destinatas ex plebe homines, quibus datum negociū erat, domos deferebant. Vnam longe ante alias specie ac pulchritudine insignē à globo Talaßij cuiusdam raptam ferunt: multisq; sciscitantibus cuiam eam ferret, identidem, nequis uiolaret, Talaßio ferri clamitatum: inde nuptialem hanc uocem factam. Turbato per metum ludicro, mœsti parentes uirginum profugiūt,

incu

incusantes uiolati hospitij fœdus: deumq; inuocâtes, cuius
ad solenne ludosq; per fas ac fidem decepti uenissent. Nec
raptis aut spes de se melior, aut indignatio est minor: sed
ipse Romulus circumibat docebatq; , patrum id superbia
factum, qui cōnubium finitimis negassent: illas tamē in ma-
trimonio in societate fortunarū omnīū ciuitatisq; , & , quo
nihil charius humano generi sit, liberū fore: mollirēt mo-
do iras, & quibus sors corpora dedisset, darēt animos: sœ-
pe ex iniuria postmodū gratiā ortam: eoq; melioribus usue-
ras uiris, quod annixurus pro se quisq; sit, ut cum sua uice
functus officio sit, parētum etiā patriæq; expleat deside-
rium. Accedebāt blanditiæ uirorum factum purgantiū cu-
piditate atq; amore: quæ maxime ad muliebre ingenīū effi-
caces preces sunt. Iam admodū mitigati animi raptis erāt.
At rapturum parētes tū maxime sordida ueste, lacrymisq;
& querelis ciuitates cōcitabant: nec domi tantum indigna-
tiones cōtinebant, sed cōgregabantur undiq; ad Titū Ta-
tium regē Sabinorū: & legationes eò, quod maximū Ta-
tij nomen in his regionibus erat, conueniebāt. Ceninenses
Crustuminiq; & Antemnates erant, ad quos eius iniuriæ
pars pertinebat: lente agere ijs Tatius Sabiniq; uisi sunt.
Ipsi inter se tres populi communiter bellum parant: nec
Crustumini quidem atque Antemnantes pro ardore, iraq;
Ceninensium satis se impigre mouent: ita per seipsum no-
men Ceninum in agrum Romanum impetum facit: sed es-
fusse uasstantibus sit obuius cum exercitu Romulus, le-
uēque certamine docet uanam sine uiribus iram esse: ex-
ercitum fundit fugatque, fusum persequitur: regem in
prælio obtruncat & spoliât: duce hostium occiso, urbem
primo impetu capit. Inde exercitu uictore reducto, ipse
cum factis uir magnificus, tum factorum ostentator haud
b 2 min

minor, spolia ducis hostium cæsi suspensa, fabricato ad id apte ferculo, gerēs in Capitolium ascendit: ibiq; ea cū ad quercum pastoribus sacram deposuisset, simul cū dono designauit templo Iouis fines, cognomenq; addidit deo: Iupiter Feretri, inquit, hæc tibi uictor Romulus rex regia arma fero, tēplumq; ijs regionibus quas modo animo metatus sum, dedico: sedē opimis spolijs quæ regibus ducibusq; hostiū cæsis me autorem sequētes posterī ferent. Hæc tēpli est origo, quod primum omniū Romæ sacratū est. Ita dein de dijs uisum, nec irritam cōditoris templi uocem esse, quæ laturos eō spolia posteros nūcupauit: nec multitudine cōpotum eius doni uulgari laudē. bina postea inter tot annos, tot bella opima parua sunt spolia: adeo rara eius fortuna decoris fuit. Dum ea ibi Romani gerunt, Antemnatum exercitus per occasionē ac solitudinem hostiliter in fines Romanos incursionē facit: raptim & ad hos Romana legio ducta, palantes in agris oppressit. Fusi sunt igitur primo impetu et clamore hostes: oppidū captum, dupliciq; uictoria ouātem Romulum Herfiliā cōiunx precibus raptarum fatigata, orat ut parētibus earum det ueniā, & in ciuitatem accipiat: ita rē coalescere concordia posse, facile impetratum. Inde contra Crustuminos profectus, bellum inferentes: ibi minus etiā, quod alienis cladibus ceciderāt animi, certaminis fuit. Vtroque colonie missæ: plures inuenti, qui propter ubertatem terræ in Crustuminiū nomina darent: & Romam inde frequenter migratū est, à parētibus maxime, ac propinquis raptarū. Nouissimum ab Sabinis bellum ortum, multoq; id maximū fuit: nihil enim per irā aut cupiditatem actū est: nec ostēderūt bellum prius, quā intulerunt: consilio etiam additus dolus. Sp. Tarpeius Romana præerat arci: huius filiā uirginem auro corrumpit

Tatius,

Tatius, ut armatos in arcem accipiat. aquam forte ea tum
 sacris extra mœnia petitū ierat. accepti obrutā armis ne=
 cauere: seu ut ui capta potius arx uideretur, seu prodendi
 exēpli causa: nequid usquam fidum proditori esset. Addi=
 tur fabulæ, quòd uulgo Sabini aureas armillas magni pon=
 deris brachio læuo, gemmatisq; magna specie annulos ha=
 buerint: pepigisse eam quod in sinistris manibus haberēt:
 eo scuta illi pro aureis donis congesta. Sūt qui eam ex pa=
 tto tradendi, quod in sinistris manibus esset, decreto arma
 petisse dicant: & fraude uisam agere, sua ipsam perēptam
 mercede. Tenuere tamen arcem Sabini: atque inde postera
 die, cum Romanus exercitus instructus, quod inter Pala=
 tinum Capitolinumq; collem campū est, cōpleisset: nō prius
 descenderunt in æquum, quàm ira & cupiditate recuperā
 de arcis stimulante animos in aduersum Romani subiere.
 Principes utrinq; pugnā ciebant: ab Sabinis Metius Cur=
 tius, ab Romanis Hostius Hostilius. hic rem Romanam ini
 quo loco ad prima signa animo atque audacia sustinebat.
 Ut Hostius cecidit, confestim Romana inclinatur acies, su=
 saq; est ad ueterē portam palatij. Romulus & ipse turba
 fugientium actus, arma ad cœlum tollens: Iupiter tuis, in=
 quit, iussus auibus hic in Palatino prima urbi fundamenta
 ieci: arcē iam scelere emptam Sabini habēt: inde huc arma
 ti superata media ualle tendunt: at tu pater dcūm homi=
 numq; hinc saltē arce hostes: deme terrorem Romanis, fu=
 gamq; fœdam siste: hic ego tibi tēplum Statori Ioui, quod
 monimētum sit posteris, tua præsenti ope seruata urbem
 esse, noueo. Hæc precatus, ueluti sensisset auditas preces:
 Hinc, inquit, Romani Iupiter optimus maximus resistere
 atq; iterare pugnā iubet. Restitere Romani, tanquā cœle=
 sti uoce iussi: ipse ad primores Romulus prouolat. Metius

Curtius ab Sabinis princeps ab arce decurrerat, & effusus egerat Romanos, toto quantū foro spatium est: nec procul iam à porta palatij erat, clamitās, Vicinus perfidos hostes, imbelles hostes: iam sciunt longe aliud esse uirgines rapere, aliud pugnare cum uiris. In eū hæc gloriante cum globo ferocissimorum iuuenum Romulus impetū facit: ex equo tum forte Metius pugnabat, eò pelli facilius fuit: pulsum Romani persequitur: & alia Romana acies audacia regis accensa, fundit Sabinos. Metius in paludē sese strepitū sequentium trepidante equo coniecit: auerteratq; ea res etiā Sabinos tanti periculo uiri. Et ille quidē annuentibus ac uocantibus suis, fauore multorum addito animo, euadit. Romani Sabinique in media cōualle duorum motuum redintegrant prælium: sed res Romana erat superior. Tum Sabine mulieres, quarum ex iniuria bellum ortū erat, crinibus passis, scissaq; ueste, uictō malis muliebri pauore, auferte inter tela uolantia inferre: ex transuerso impetu facto, dirimere infestas acies, dirimere iras: hinc patres, hinc uiros orātes, ne se sanguine nefando soceri generique respergerent: ne parricidio macularēt partus suos: nepotū illi, liberū hi progeniē. si affinitatis inter uos, si cōnubij piget, in nos uertite iras: nos causa belli, nos uulnerū ac cædium uiris ac parētibus sumus: melius peribimus, quā sine alteris uestrū uiduæ, aut orbē uiuemus. Mouet res tum multitudinē, tum duces: silentium & repentina fit quies: inde ad fœdus faciendum duces prodeunt: nec pacem modo, sed ciuitatē unam ex duabus faciunt: regnum cōsociant, imperium omne conferunt Romanam. Ita geminata urbe, ut Sabinis tamen aliquid daretur, Quirites à Curibus appellati: monumentum eius pugne, ubi primum ex profunda emersus palude equum Curtius in uado statuit, Curtium lacum appellant.

larunt. Ex bello tam tristi læta repēte pax chariores Sabi-
nas uiris ac parentibus, & ante omnes Romulo ipsi fecit.
Itaq; cum populū in curias triginta diuideret, non una ea-
rum curijs imposuit, id non traditur, cum haud dubie ali-
quāto numerus maior hoc mulierū fuerit: ætate, an digni-
tatibus suis uirorum, uel, an sorte lectæ sint, quæ nomina cu-
rijs darent. Eodem tēpore & centuriæ tres equitum con-
scriptæ sunt, Ramnenses ab Romulo, ab Tito Tatius Ti-
tenses appellati: Lucerū nominis & originis causa incer-
ta est. Inde nō modò cōmune, sed concors etiā regnū duo-
bus regibus fuit. Post aliquot annos propinqui regis Ta-
tij legatos Laurentium pulsant: cumq; Laurētes iure gen-
tium agerēt, apud Tatium gratia suorum, & preces plus
poterāt: igitur illorum pœnā in se uertit: nam Lauinij, cū
ad solenne sacrificium eō uenisset, cōcursu factō interfici-
tur. Eam rem minus ægre quā dignū erat, tulisse Romu-
lum ferunt: seu ob infidam societatem regni, seu quia haud
iniuria cæsum credebat. Itaq; bello quidem abstinuit. ut ta-
men expiarentur legatorum iniuriæ, regisq; cædes, fœdus
inter Romam Lauiniumq; urbes renouatum est. Et cū his
quidem insperata pax erat, aliud multo propius, atque in
ipsis propē portis bellum ortum. Fidenates nimis uicinas
prope se conualescere opes rati, prius quā tantum robo-
ris esset, quantum futurum apparebat, occupant bellum fi-
cere: iuuentute armata immissa, uastatur agri quod inter ur-
bem ac Fidenas est. Inde ad læuam uersi, quia dextra Ty-
beris arcebat, cum magna trepidatione agrestium populan-
tur: tumultusq; repens ex agris in urbem illatus pro nun-
tio fuit. Excitus Romulus (neque enim dilationem pati
tam uicinum bellum poterat) exercitum educit: castra à
Fidenis mille passuum locat: ibi modico præsidio relicto,

egressus omnibus copijs, partem multum locis circa densa obsita uirgulta obscuris subsidere in insidijs iussit: cum parte maiore atque omni equitatu profectus, id quod querebat, tumultuoso et munaci genere pugnae obequitando ipsis propè portis hoste exciuit: fugæ quoq; quæ simulanda erat, eadē equestris pugna causam munus mirabilem dedit: & cum uelut inter pugnae fugæq; consilium trepidante equitatu pedes quoq; referret gradū, plenis repente portis effusi hostes, impulsæ Romana acie, studio instandi sequendiq; trahuntur ad locum insidiarū: inde subito exorti Romani, transversam inuadūt hostium aciem: addūt pauiorem mota ē castris signa eorū qui in præsidio relictī fuerant: ita multiplici terrore perculsi Fidenates, prius penè quàm Romulus, quiq; cum eo equites erant, circumagerent frænis equos, terga uertunt: multoq; effusius, quippe uera fuga, qui simulantes paulo ante secuti erāt, oppidum repetebāt: non tamē eripuerunt se hosti. Hærens in terga Romanus, prius quàm fores portarū obijcerentur, uelut agmine uno irrupit. Belli Fidenatis contagione iritati Veientium animi, & cōsanguinitate: nam Fidenates quoq; Hetrusci fuerunt: et quòd ipsa propinquitas loci, si Romana arma omnibus infesta finitimis essent, stimulabat: in fines Romanos excurrerūt, populabundi magis, quàm iusti more belli. Itaq; non castris positīs, nō expectato hostiū exercitu, raptam ex agris prædā portantes, Veios rediere. Romanus contrā, postquam hostē in agris non inuenit, dimicationi ultimæ instructus intentusq; Tyberim trāsit: quē postquam castra ponere, & ad urbem accessurum Veientes audiuerunt, obuiā egressi, ut potius acie decerneret, quàm inclusi de tectis mœnibusq; dimicaret: ibi uiribus nulla parte adiutis, tantū ueterani robore exercitus rex Romanus

nus uicit: persecutusq; fusos ad moenia hostes, urbe ualida
 muris ac situ ipso munita abstinuit: agros rediens uastat,
 ulciscendi magis, quàm praeda studio: eaq; clade haud mi-
 nus quàm aduersa pugna subacti Veientes, pacem petitū
 oratores Romam mittunt: agri parte multatis in centum
 annos induciæ datæ. Hæc ferme Romulo regnate domu mi-
 litieq; gesta: quorum nihil absonū fidei diuinæ originis,
 diuinitatisq; post mortē creditæ, fuit: non animus in regno
 auito recuperādo, non condendæ urbis consilium, non bel-
 lo ac pace firmādæ: ab illo enim profecto uiribus datis tan-
 tum ualuit, ut in quadraginta deinde annos tutam pacem
 haberet: multitudini tamē gratior fuit quàm patribus: lon-
 ge ante alios acceptissimus militū animis: trecentosq; ar-
 matos ad custodiā corporis, quos Celeres appellauit, non
 in bello solū, sed etiā in pace habuit. His immortalibus edi-
 tis operibus, cum ad exercitū recēsendū concionē in cāpo
 ad Capræ paludem haberet, subito coorta tēpestas cū ma-
 gno fragore tonitribusq; tam dēso regem operuit nimbo,
 ut conspectū eius concioni abstulerit: nec deinde in terris
 Romulus fuit. Romana pubes sedato tandē pauore, post-
 quā ex tam turbido die serena & trāquilla lux redijt, ubi
 uacuam sedem regiā uidit, etsi satis credebat patribus, qui
 proximu steterāt, sublimem raptum procella: tamē uelut or-
 bitatus metu icta, mœstum aliquādiu silentiū obtinuit: dein-
 de à paucis initio factō, deum deo natū, regem parētemq;
 urbis Romanæ saluere uniuersi Romulum iubent, pacem
 precibus exposcunt, uti uolens propitius suam semper so-
 spitet progeniem. Fuisse credo tum quoq; aliquos, qui di-
 scriptum regem patrum manibus taciti arguerent: man-
 uit enim hæc quoq; sed perobscura fama, illam alterā ad-
 muratio uiri, & pauor præsens nobilitauit. Consilio etiam

unius hominis addita rei dicitur fides: nanq; Proculus Iu-
 lius sollicita ciuitate desiderio regis, et infensa patribus, gra-
 uis, ut traditur, quāuis magnæ rei autor, in concionē pro-
 dit: Romulus, inquit, Quirites parēs urbis huius prima ho-
 dierna luce cælo repente delapsus se mihi obuium dedit:
 cū persusus horrore uenerabūdusq; astitissē, petēs preci-
 bus, ut cōtrā intueri fas esset: Abi, nuntia, inquit, Romanis
 cœlestes ita uelle, ut mea Roma caput orbis terrarum sit.
 Proinde rem militārē colant, sciantq;: & ita posteris tra-
 dant, nullas opes humanas armis Romanis resistere posse.
 hæc, inquit, locutus, sublimis abiit. Mirum, quantū illi ui-
 ro nūtiāti hæc fides fuerit, quamq; desiderium Romuli
 apud plebē exercitumq;: facta fide immortalitatis, lenitum
 sit. Patrū interim animos certamē regni ac cupido uersa-
 bat: necdū à singulis, quia nemo magnopere emūnebat in
 nouo populo, peruenerāt factiones: inter ordines certaba-
 tur. Oriūdi ab Sabinis, ne, quia post Tatij mortem ab sua
 parte nō erat regnatum in societate æqua, possessionē im-
 perij amitterēt, sui corporis creari regē uolebant. Romani
 ueteres peregrinū regem aspernabātur. In uarijs uolunta-
 tibus, regem tamē omnes uolebāt, libertatis dulcedine nō-
 dum experta. Timor deinde patres incesit, ne ciuitatē sine
 imperio, exercitum sine duce, multarū circā ciuitatū irita-
 tis animis uis aliqua externa adoriretur: & esse igitur ali-
 quod caput placebat, & nemo alteri cōcedere in animum
 inducebat. Itaq; rē inter se cētum patres, decē decurijs fa-
 ctis, singulisq; in singulas decurias creatis, qui summæ re-
 rum præessent, cōsociant: decē imperitabant, unus cū insi-
 gnibus imperij et liētoribus erat: quinq; dierū spatio finie-
 batur imperiū, ac per omnes in orbē ibat: annuūq; inter-
 uallū regni fuit. id ab re, qd' nūc quoq; tenet nomē, interre-
 gnum

gnum appellatū. Fremere deinde plebs multiplicatā scrui-
tutem: cētum pro uno dominos factos: nec ultrā, nisi regē
et ab ipsis creatū uidebantur passuri. Cū sensissent ea mo-
ueri patres, offrendū ultro rati quod amissuri erāt, ita gra-
tiam ineunt, summa potestate populo permissa, ut nō plus
darēt iuris quā detinerent. Decreuerūt enim, ut cū popu-
lus regem iussisset, id sic ratum esset, si patres autores fie-
rent: hodieq; in legibus magistratibusq; rogādis usurpa-
tur idem ius, ui adēptum: priusquam populus suffragium
ineat, in incertum comitorū euentū patres autores fiunt.
Tum interrex concione aduocata, Quod bonum, faustum
felixq; sit, inquit, Quirites regē create, ita patribus uisum
est: patres deinde, si dignū qui secūsus ab Romulo nume-
retur, crearetis, autores fient. Adeo id gratum plebi fuit,
ut, ne uicti beneficio uiderentur, id modo sciscirent iube-
rētq; ut senatus decerneret, qui Romae regnaret. Inclyta
iustitia, religioq; ea tēpestate Numae Pompilij erat. Curia
bus Sabinis habitabat cōsultissimus uir, ut in illa quisquam
etate esse poterat, omnis diuini atq; humani iuris. Autorē
doctrinae eius, quia nō extat alius, falsō Samuē Pythagorā
edunt: quē Seruio Tullo regnante Romae, centum amplius
post annos, in ultima Italia ora circa Metapontum Hera-
cleamq; et Crotonē iuuenum emulātium studia cōtus ha-
buisse constat. ex quibus locus, etsi eiusdē etatis fuisset, quē
fama in Sabinos, aut quo linguae commercio quēquam ad
cupiditatem discendi exciuisset? quo uē praesidio unus per
tot gentes dissonas sermone, moribusq; peruenisset? Suo-
pte igitur ingenio temperatum animum uirtutibus fuis-
se opinor magis: instructum quē non tam peregrinus ar-
tibus, quā disciplina tetrica, ac tristi ueterum Sa-
binorum: quo genere nullum quondam incorruptius
fuit.

fuit. Audito nomine Numæ patres Romani, quanquā inclinari opes ad Sabinos, rege inde sumpto, uidebātur: tamen neq; se quisquam, nec factionis suæ alium, nec deniq; patrum aut ciuū quenquā præferre illi uiro ausi, ad unū omnes Numæ Pompilio regnum destrēdum decernūt. Accitus, sicut Romulus augurato in urbe condenda regnum adeptus est, de se quoq; deos cōsuli iussit. inde ab augure, cui deinde honoris gratia publicum id perpetuumq; sacerdotium fuit, deductus in arcem, in lapide ad meridiē uersus confedit. augur ad læuam eius capite uelato sedē cepit, dextra manu baculum sine nodo aduncū tenens, quem lituū appellauerūt: inde ubi prospectu in urbē agrumq; capto, deos precatus, regiones ab oriente ad occasum determinauit: dextras ad meridiē partes, læuasq; ad septētrionem esse dixit: signum cōtra quod longissime cōspectum oculi ferebant, animo finiuit: tum lituo in læuam manum translato, dextra in capite Numæ imposita, precatus est ita: Iupiter pater, si est fas hunc Numam Pompilium, cuius ego caput teneo, regem Romæ esse, ut tua signa nobis certa ac clara sint inter eos fines, quos feci. Tū peregit uerbis auspicia quæ mutti uellet. quibus müssis, declaratus rex Numa de templo descēdit: qui regno ita potitus, urbē nouam conditam ui et armis, iure eam legibusq; ac moribus de integro cōdere parat. quibus cum inter bella assuescere uideret nō posse: quippe effratis militia animis: mitigandū ferocem populum armorum desuetudine ratus, Ianū ad inferum Argiletū indicem pacis belliq; fecit: apertus ut in armis esse ciuitatē, clausus pacatos circā omneis populos significaret. Bis deinde post Numæ regnū clausus fuit: semel T. Manlio cōsule, post Punicum primum perfectum bellum: iterum, quod nostræ ætati dii dederunt ut uideremus,

post

post bellum Actiacum ab imperatore Cesare Augusto pa-
 ce terra mariq; parta. Clauso eo, cum omnium circa finiti-
 morum societate ac foederibus iunisset animos: positus ex-
 ternorum periculorum curis, ne luxuriaret ocio animi, quos
 metus hostium disciplinaq; militaris continuerat: omnium pri-
 mum rem ad multitudinem imperitam, et illis seculis rudem,
 efficacissimam, deorum metum iniiciendum ratus est. qui cum
 descendere ad animos sine aliquo commento miraculi non pos-
 set: simulat sibi cum dea Aegeria congressus nocturnos esse:
 eius se monitu, quae acceptissima diis essent, sacra institue-
 re: sacerdotes suos cuiq; deorum praeficere: atq; omnium
 primum ad cursum lunae in duodecim menses describit an-
 num: quem, quia tricenos dies singulis mensibus luna non
 explet, desuntq; dies solido anno, qui solstitiali circuma-
 gitur orbe: intercalares mensibus interponendo ita dispen-
 sit, ut uigesimo quarto quoq; anno ad metam eadem solis,
 unde orsi essent, plenae annorum omnium spatium dies con-
 gruerent. Idem nefastos dies fastosq; fecit, quia aliquando
 nihil cum populo agi utile futurum erat. Tum sacerdotibus
 creandis animam adiecit, quanquam ipse plurima sacra obibat:
 ea maxime quae nunc ad Dialem flaminem pertinet. sed quia
 in ciuitate bellicosa plures Romuli, quam Numae similes
 reges putabat fore, iturosq; ipsos ad bella, ne sacra regie-
 uicis desererentur, Flaminem Ioui assiduum sacerdotem crea-
 uit: insigniq; eum ueste, et curuli regia sella adornauit. huic
 duos flamines adiecit: Marti unum, alterum Quirino. Vir-
 ginesq; Vestae legit: Alba oriundum sacerdotium, et geri
 conditoris haud alienum. his, ut assidue templi antistites
 essent, stipendium de publico statuit: uirginitate alijsq; ce-
 rimonijs uenerabiles ac sanctas fecit. Salios item duodecim
 Marti Gradiuo legit, tunicaq; pictae insigne dedit, et su-
 per

per tunicam æneum pectori tegumē: cœlestiaq; arma quæ ancilia appellantur, ferre, ac per urbem ire canētes carmina cum tripudijs solenniq; saltatu iussit. Pōtificem deinde Numa Marcium Marci filium ex patribus legit: eiq; sacra omnia exscripta exsignataq; attribuit: quibus hostijs, quibus diebus ad quæ templa sacra fierent: atque unde in eos sumptus pecunia erogaretur. cætera quoq; omnia publica priuataq; sacra pontificis scitis subiecit: ut esset quod cōsultum plebs ueniret: nequid diuini iuris negligendo patrios ritus, peregrinosq; asciscendo turbaretur. nec cœlestes modo cærimonias, sed iusta quoq; funebria, placādosq; manes ut idem pōtifex edoceret: quæq; prodigia fulminibus, alio uē quo uisu missa susciperentur, atq; curarentur: ad ea elicienda ex mētibus diuinis Ioui Elicio arā in Auētino dicauit: deumq; consuluit augurijs quæ suscipienda essent. ad hæc cōsultanda procurandaq; multitudo omnium a ui & armis conuersa, & animum aliquid agendo occupati erant: & deorum assidua insidēs cura, cum interesse rebus humanis cœleste numen uideretur, ea pietate omnium pectora imbuerat, ut fides ac iusiurādum propulso legū ac pœnarum metu ciuitatem regerēt. & cum ipsi se homines in regis, uelut unici exēpli, mores formarēt: tum finitimi etiā populi, qui antē castra, nō urbem positam in medio ad solicitandam omnium pacem crediderant, in eam uerecundiam adducti sunt, ut ciuitatē totam in cultū uersam deorum, uiolari ducerent nefās. Lucus erat, quem medium ex opaco specu fons perenni rigabat aqua: quod quia se persæpe Numa sine arbitris, uelut ad cōgressum deæ inferebat, Camœnis eum lucū sacrauit, quod earum sibi concilia cū coniuge sua Aegeria essent: & soli Fidei solenne instituit, ad id sacrarium Flamines bigis curru arcuato uehi iussit,

manu

manuq; ad digitos usq; inuoluta rē diuinam facere: signifi-
cantes fidem tutandam, sedemq; eius etiam in dextris sa-
cratam esse. Multa alia sacrificia, locaq; sacris faciendis,
quæ Argeos pontifices uocant, dedicauit. omnium tamen
maximum eius operum fuit tutela per omne regni tempus
haud minor pacis quàm regni. Ita duo deinceps reges, a-
lius alia uia, ille bello, hic pace ciuitatem auxerunt. Ro-
mulus septem & triginta regnauit annos: Numa tres &
quadraginta. Tum ualida, tum temperata & belli & pa-
cis artibus erat ciuitas. Numæ morte ad interregnum res
rediit. Inde Tullum Hostilium nepotē Hostilij, cuius in in-
fima arce clara pugna aduersus Sabinos fuerat, regem po-
pulus iussit: patres auctores facti. Hic non solum proximo
regi dissimulus, sed ferocior etiam Romulo fuit: tum ætas ui-
resq; tum auita quoq; gloria animum stimulabat. Senesce-
re igitur ciuitatē ocio ratus, undiq; materiam excitandi bel-
li quærebat. Forte euenit, ut agrestes Romani ex Albano
agro, Albani ex Romano prædas inuicē agerent: imperita-
bat tum C. Cluilius Albæ: utrinq; legati ferē sub idē tēpus
ad res repetendas missi. Tullus præceperat suis, ne quid
prius quàm mādāta agerent. satis sciebat negaturū Alba-
num: ita pie bellum indici posse. ab Albanis socordius res
acta. excepti hospitio ab Tullo blandē ac benignē, comi-
ter regis conuiuū celebrant: tantisper Romani & res re-
petiuerant priores, & neganti Albano bellum in trigesimū
diē indixerant. Hæc renuntiant Tullo. Tum legatis
Tullus dicendi potestātē, quid petentes uenerint, facit. illi
omnium ignari, primum purgando terunt tempus. Se inui-
tos quicquā, quod minus placeat Tullo, dicturos, sed impe-
rio subigi. res repetitū se uenisse: ni reddātur, bellū indice-
re iussos. Ad hæc Tullus, Nuntiate, inquit, regi uestro re-
gem

gem Romanum deos facere testes: uter prius populus res repetētes legatos aspernatus dimiserit, ut in eū omnes expectant huiusce clades belli. Hæc nuntiant domum Albani. Et bellum utrinq; summa ope parabatur, ciuili simulimum bello, propè inter parētes natosq;, Troianam utrāq; prolem, cum Lauinium ab Troia, ab Lauinio Alba, ab Albanorum stirpe regum oriundi Romani essent. E uētus tamen belli minus miserabilē dimicationē fecit: quod nec acie certatum est, & tectis modò dirutis alterius urbis, duo populi in unū cōfusi sunt. Albani priores ingēti exercitu in agrū Romanū impetum fecere: castra ab urbe haud plus quinque millia passuum locāt, fossa circundāt. fossa Cluilia ab nomine ducis per aliquot secula appellata est, donec cum re nomen quoq; uetustate aboleuit. in his castris Cluilius Albanus rex moritur: Dictatorem Albani Metium Suffetium creant. Interim Tullus ferox præcipuè morte regis, magnūq; deorū numen ab ipso capite orsum, in omne nomen Albanum expetiturum pœnas ob bellum impium dititas, nocte præteritis hostium castris, infesto exercitu in agrū Albanū pergit. Ea res ab statuiis exciuit Metium: is ducit exercitū quā proximè ad hostē potest: inde legatū præmissum nūtiare Tullo iubet, priusquā dimicet, opus esse colloquio: si secū cōgressus sit, satis scire ea se allaturū, quæ nihilo minus ad rē Romanam, quā ad Albanā pertineāt. haud spernatus Tullus, tamen si uana asserēbatur, suos in aciem educit: excūt contrā & Albani. Postquā instructi utrinq; stabāt, cum paucis procerū in mediū duces procedūt: ibi infit Albanus: In iurias, et nō redditas res ex fœdere quæ repetitæ sunt: et ego regem nostrū Cluiliū causam huiusce esse belli audisse uideor: nec te dubito Tulle eadem præ te ferre, sed si uera potius quā dictu speciosa dicēda sunt,

sunt, cupido imperij duos cognatos uicinosq; populos ad
 arma stimulat: neq; recte, an perperam interpretor: fuerit
 ista eius deliberatio, qui bellum suscepit: me Albani geren-
 do bello ducē creauere. Illud te Tulle monitū uelim: Hetru-
 sca res, quanta circa nos, teq; maximē sit, quō propiores
 uos, hoc magis scis. multū illi terra, plurimū mari pollent.
 memor esto iam cū signū pugnae dabis, has duas acies spe-
 ctaculo fore: ut seßos confectosq; simul uictorē ac uictum
 aggrediatur. Itaq; si nos dii amant, quoniā non contenti
 libertate certa, in dubiā imperij scruijūq; aleam imus: in ea
 mus aliquā uiam, qua utri utris imperēt, sine magna cla-
 de, sine multo sanguine utriusque populi decerni possit.
 Haud displicet res Tullo, quanquā tum indole animi, tum
 spe uictoriae ferocior erat. Querētibus utrinq; ratio ini-
 tur, cui et fortuna ipsa praeuit materiā. Forte in duobus
 tū exercitibus erāt trigemini fratres, nec etate nec uiribus
 dispares. Horatios Curiatiosq; fuisse satis cōstat, nec fr-
 meres antiqua alia est nobilior. tamē in re tā clara nomnū
 error manet, utrius populi Horatij, utrius Curiatij fuerit:
 auctores utroq; trahūt. plures tamē inuenio, qui Romanos
 Horatios uocent: hos ut sequar, inclināt animus. Cum tri-
 geminis agunt reges, ut pro sua quisq; patria dimicet fr-
 ro: ibi imperiū fore, unde uictoria fuerit. Nihil recusatur,
 tempus et locus cōuenit. Priusquā dimicarent, fœdus ic-
 tum inter Romanos et Albanos est his legibus, Vt cuius popu-
 li ciues eo certamine uicissent, is alteri populo cū bona pa-
 ce imperitaret. Fœdera alia alijs legibus, ceterū eodē mo-
 do omnia fiunt. Tū ita factum accepimus, nec ullius uetu-
 stior fœderis memoria est: Fœcialis regē Tullum ita roga-
 uit: Iubes ne me rex cum patre patrato populi Albani fœ-
 dus firres: iubēte rege, Sagmina, inquit, te rex posco. Rex
 c ait

ait, Purā tollito. Fœcialis ex arce graminis herbā puram attulit, postea regē ita rogauit: Rex facis'ne me tu regium nuntiū populi Romani Quiritium? uasa comutesq; meos? Rex respondit, Quod sine fraude mea, populiq; Romani Quiritiū fiat, facio. Fœcialis erat M. Valerius. is patrem patrātū Sp. Fusiū fecit, uerbena caput capillosq; tangens (paterpatratus ad iusiurandū patrandū, id est sanciendū fit) fœdus, multisq; id uerbis, quæ lōgo effata carmine nō operæ est referre, peragit. Legibus deinde recitatis, Audi, inquit Iupiter, audi paterpatrate populi Albani, audi tu populus Albanus: ut illa palam prima postrema ex illis tabulis cœra'ue recitata sunt sine dolo malo: utiq; ea hic hodie rectissime intellecta sunt: illis legibus populus Romanus prior nō deficiet. si prior defexit publico cōsilio, dolo malo: tu illo die Iupiter populū Romanū sic serito, ut ego hūc porcū hodie seriā: tantoq; magis serito, quanto magis potes pollesq; id ubi dixit, porcū saxo silice percussit. Sua itē carmina Albani, suumq; iusiurandū per suū dictatōrē, suosq; sacerdotes peregerūt. Fœdere itō, trigemini, sicut cōuenerat, arma capiūt. Cum sui utrosq; adhortaretur: deos patrios, patriā ac parētes, quicquid ciuiū domi, quicquid in exercitu sit, illorū tūc arma, illorū intueri manus: feroces & suo pte ingenio, & pleni adhortantiū uocibus in mediū inter duas acies procedūt. Cōfederāt utrinq; pro castris duo exercitus, periculi magis præsēntis quam curæ expertes. Quippe imperiū agebatur, in tā paucorū uirtute atq; fortuna positū: itaq; ergo erecti suspēnsiq; in minime gratū spectaculū animo incēduntur. Datur signū: infestisq; armis, uelut acies, terni iuuenes, magnorū exercitū animos gerētes, cōcurrunt: nec his, nec illis periculū suū, sed publicū imperiū seruitiūq; obuērsatur animo: futuraq;

futuq; ea deinde patriæ fortuna, quam ipsi fecissent. Ut
 primo statim cōcursu increpuere arma, nūcantesq; fuisse
 gladij, horror ingēs spectantes perstringit, et neutro in=
 clinata spe torpebat uox spiritusq;. Cōsertis deinde mani=
 bus, cum iā nō motus tantū corporū, agitatioq; anceps te=
 lorū armorumq;, sed uulnera quoq; et sanguis spectacu=
 lo essent: duo Romani, super alium alius, uulneratis tribus
 Albanis, expirātes corruerūt. Ad quorū casum cū cōcla=
 masset gaudio Albanus exercitus, Romanas legiones iam
 spes tota, nōdū tamē cura deseruerat, exanimes uice unius,
 quē tres Curiatij circūsteterāt. Forte is integer fuit, ut uni=
 uersis solus nequaquā par, sic aduersus singulos ferox: er=
 go, ut segregaret pugnā eorū, capebat fugā: ita ratus se=
 cuturos, ut quēq; uulnere affectum corpus sineret. Iā ali=
 quantū spatij ex eo loco, ubi pugnatū est, aufugerat, cum
 respiciens uidet magnis interuallis sequentes: unum haud
 procul ab sese abesse. in eū magno impetu redijt. Et dum
 Albanus exercitus inclamat Curiatijs, uti opē ferant fra=
 tri, iā Horatius casso hoste uictor secundā pugnā petebat.
 Tunc clamore, qualis ex insperato pauētium solet, Roma=
 ni adiuuāt militē suū: et ille defungi praelio festinat. Prius
 itaq; quā alter qui nec procul aberat, cōsequi posset, et
 alterum Curiatium cōficit. Iamq; a quato Marte singuli
 supererant, sed nec spe, nec uiribus pares. alterum intactū
 ferro corpus, et geminata uictoria ferocē in certamen ter=
 tium dabāt: alter fessum uulnere, fessum cursu trahens cor=
 pus, uictusq; fratrum ante se strage, uictori obijcitur hosti:
 nec illud praeliū fuit. Romanus exultans, Duos, inquit, fra=
 trū manibus dedi: tertium causam belli huiusce, ut Romanus
 Albano imperet, dabo. Male sustinēti arma gladiū super=
 ne iugulo defigit, iacentē spoliāt. Romani ouātes ac gra=

tulantes Horatium accipiunt, eo maiore cum gaudio, quo
 prope metū res fuerat. Ad sepulturā inde suorū nequaquā
 paribus animis uertuntur: quippe imperio alteri aucti, al-
 teri ditionis alienae facti. Sepulchra extāt, quo quisq; loco
 cecidit: duo Romana uno loco propius Albā, tria Albana
 Romā uersus: sed distantia locis, ut & pugnatū est. Prius=
 quā inde digrederētur, rogāti Metio ex fœdere isto quid
 imperaret, imperat Tullus, uti iuuentutē in armis habeat:
 usurum se eorū opera, si bellū cum Viciētibus foret: ita ex=
 ercitus inde domos abducti. Princeps Horatius ibat, trige=
 mina spolia præ se gerens: cui soror uirgo, quæ desponsa
 uni ex Curiatij fuerat, obuia ante portā Capenā fuit: co=
 gnitoq; super humeros fratris paludamento sponsi, quod
 ipsa cōfecerat, soluit crines, & flebiliter nonne sponsum
 mortuū appellat. Mouet feroci iuueni animū comploratio
 sororis in uictoria sua, tātoq; gaudio publico. Stricto ita=
 que gladio, simul uerbis increpās transfigit puellam: Abi
 hinc cū immaturo amore ad sponsum, inquit, oblita fratrum
 mortuorū uiuīq; oblita patria. Sic eat quæcunq; Romana
 lugebit hostem. Atrox uisum id facinus patribus plebiq;:
 sed recens meritū factō obstabat: tamē raptus in ius ad re=
 gem. Rex, ne ipse tā tristis ingratiq; ad uulgus iudicij, ac
 secundū iudicium supplicij autor esset, cōcilio populi ad=
 uocato, Duumuiros, inquit, qui Horatio perduellionē iu=
 dicent secundū legem, facio. Lex horrendi carminis erat:
 Duumuiri perduellionē iudicent: si à duūuiris prouocarit,
 prouocatione certato: si uicent, caput obnubito: infelici
 arbori reſte ſuſpendito: uerberato uel intra pomerium,
 uel extra pomerium. Hac lege duumuiri creati, qui se
 absoluerē non rebantur ea lege ne innoxium quidem pos=
 se, cum condemnassent: tū alter ex his, P. Horati tibi per=
 duellionem

duellionem iudico, inquit, Licitor colliga manus. Accesserat licitor, inijciebatq; laqueū: tum Horatius, autore Tulo clemēte legis interprete, prouoco, inquit: ita de prouocatione certatū ad populū est. Moti homines sunt in eo iudicio, maxime P. Horatio patre proclamāte, se filiam iure casam iudicare: nī ita esset, patrio iure in filiū animaduersurum fuisse. Orabat deinde, ne se, quē paulo ante cū egregia stirpe cōspexissent, orbū liberis facerent. Inter hæc senex iuuenē amplexus, spolia Curiatorū fixa eo loco, qui nunc Pila Horatia appellatur, ostēdēans: Hunc cine aiebat, quē modo decoratū ouantemq; uictoria incedentē uidistis Quirites, eū sub furca uinctū inter uerbera et cruciatus uidere potestis? quod uix Albanorū oculi tam deforme spectaculū ferre possēt. I licitor, colliga manus, quæ paulo ante armatæ imperium populo Ro. pepererūt: i caput obnubel liberatoris urbis huius, arbori infelici suspende: uerbera uel intra pomerium, modò inter illa pila, et spolia hostium: uel extra pomeriū, modò intra sepulchra Curiatorum. quò enim ducere hunc iuuenē potestis, ubi nō sua decora cū à tanta fœditate supplicij uindicerent? Nō tulit populus nec patris lacrymas, nec ipsius parē in omni periculo animū: absoluerūtq; admiratione magis uirtutis, quàm iure causæ. Itaq; ut cædes manifesta, aliquo tamen piaculo lucretur, imperatū patri, ut filiū expiaret pecunia publica. Is quibusdā piacularibus sacrificijs factis, quæ deinde gēti Horatiæ tradita sunt, trāsmissō per uia tiglio, capite adoperto, uelut sub iugum misit iuuenē. id hodie publicè quoq; semper resectū manet: sororū tigillum uocant. Horatiæ sepulchrū, quo loco corruerat icta, cōstructū est saxo quadrato. Nec diu pax Albana mansit: inuidia uulgi, quòd tribus milibus fortuna publica cōmissa fuerit, uanū

ingeniū dictatoris corrūpit: & quoniā recta cōsilia haud bene cuenerant, prauis recōciliare populariū animos cōcepit. Igitur ut prius in bello pacē, sic in pace bellum quærrens, quia suæ ciuitati animorum plus, quā uirium cernebat esse, ad bellū palām, atq; ex edicto gerēdum alios concitat populos, suis per speciē societatis proditiōem referuat. Fidenates colonia Romana, Veientibus socijs consilij assumptis, pacto transitionis Albanorū, ad bellum atq; arma incitantur. Cū Fidenæ aperte descissent, Tullus Metio, exercituq; eius ab Alba accito, cōtra hostes ducit: ubi Anienem transijt, ad confluentes collocat castra. Inter eū locum & Fidenas Veientium exercitus Tyberim trāsierat. Hi & in acie prope flumen tenuere dextrū cornu, in sinistro Fidenates propius montes cōsistunt. Tullus aduersus Veientē hostē dirigit suos, Albanos cōtra legionē Fidenatiū collocat. Albano non plus animi erat, quā fidei: nec manere ergo, nec trāsire aperte ausus, sensim ad montes succedit. Inde ubi satis subisse sese ratus est, erigit totā aciem, fluctuansq; animo, ut tereret tempus, ordines explicat. Cōsiliū erat, quā fortuna rē daret, eā inclinare uires. Miraculo primo esse Romanis, qui proximū steterant, ut nudari latera sua sociorum digressu senserunt. Inde eques citato equo nuntiat regi, abire Albanos. Tullus in re trepida duodecim uouit salios, fanaq; Pallori, ac Pauori: equitē clara increpans uoce, ut hostes exaudirēt, redire in prælium iubet: Nihil trepidatione opus esse: suo iussu circunduci Albanorū exercitū, ut Fidenatiū nuda terga inuadat. Idē imperat, ut hastas equites erigere iubeat. Id factum magnæ parti peditū Romanorum cōspectum abeuntis Albani exercitus interfecit. qui uiderāt, id quod ab rege auditū erat, rati, eo acrius pugnant. Terror ad hostes transit:

transit: & audiuerāt clara uoce dictū: & magna pars Fidenatiū, ut qui coloni additi Romanis essent, Latine sciebant. Itaq; ne subito ex collibus decursu Albanorū includerentur ab oppido, terga uertūt. Instat Tullus, fusoq; Fidenatium cornu, in Veientē alieno pauore percussus ferocior redit. Nec illi tulere impetū, sed ab effusa fuga flumen obiectum à tergo arcebat. Quò postquā fuga inclinauit, alij arma sode iactantes in aquā cecideruebant: alij, dum cunctātur in ripis, inter fugę pugneq; consiliū oppressi: nō alia antē Romana pugna atrocior fuit. Tū Albanus exercitus spectator certaminis deductus in campos. Metius Tullo deuictos hostes gratulatur: contrā Tullus Metiū benigne alloquitur. quod bene uertat, castra Albanos Romanis castris iungere iubet: sacrificiū lustrale in diē posterum parat. Vbi illuxit, paratis omnibus, ut assolcet, uocari ad concionē utrunq; exercitū iubet. Præcones ab extremo orsi, primos exciungere Albanos: hi nouitate etiā rei moti, ut regē Romanum cōcionantem audirent, proximi cōstitere: ex cōposito armata circumdatur Romana legio: cēturionibus datū negociū erat, ut sine mora imperia exquerētur. Tū ita Tullus inquit: Romani, si unquā antē aliās ullo in bello fuit, quod primū dijs immortalibus gratias ageretur, deinde uestre ipsorū uirtuti, hesternū id prælium fuit: dimicatū enim nō magis cum hostibus, quā (quę dimicatio maior, ac periculosior est) cū proditiōe ac perfidia sociorū: nā, ne uos falsa opinio teneat, iniussu meo Albani subiere ad montes: nec imperium illud meū, sed consiliū, & imperij simulatio fuit: ut nec uobis ignorātibus deserui uos, auerteretur à certamine animus: & hostibus cūueniri se ab tergo ratis, terror ac fuga inijceretur. Nec ea culpa, quā arguo, oīm Albanorū est: ducē secuti sunt, ut

xc | xc

c 4 & uos

Et uos, si quò ego inde agmē declinare uoluissē, fecissetis.
 Metius ille est ductor itineris huius, Metius idē huius ma-
 chinator belli, Metius fœderis Romani Albaniq; ruptor.
 audeat deinde talia alius, nisi in hunc insigne iā documen-
 tum mortalibus dederò. Cēturiones armati Metium circū
 sistunt: rex cetera, ut orsus erat, peragit. Quod bonū, fau-
 stum, felixq; sit populo Romano, ac nubi uobisq; Albani,
 populum omnē Albanum Romā traducere in animo est:
 ciuitatē dare plebi, primores in patres legere: unā urbē,
 unā rēpub. facere: ut ex uno quōdā in duos populos diui-
 sa Albana res est, sic nunc in unū redeat. Ad hæc Albana
 pubes inermis ab armatis septa in uarijs uoluntatibus, cō-
 muni tamē metu cogente, silentiū tenet. Tum Tullus, Me-
 ti Suffeti, inquit, si ipse discere posses fidē ac fœdera ser-
 uare, uiuo tibi ea disciplina à me adhibita esset: nunc quo-
 niā tuum insanabile ingeniū est, at tu tuo supplicio doce
 humanū genus ea sancta credere, quæ à te uiolata sunt: ut
 igitur paulo antē animiū inter Fidenatē Romanamq; rem
 ancipitē gessisti, ita iā corpus passim distrahendum dabis.
 Exinde duabus admotis quadrigis, in currus earū disten-
 tum illigat Metium: deinde in diuersum iter equi cōcita-
 ti, lacerum in utroq; curru corpus, qua inhæserāt uinculis
 mēbra, portātes. Auertēre omnes à tanta fœditate specta-
 culi oculos. Primū, ultimumq; illud suppliciū apud Roma-
 nos exempli parū memoris legū humanarum fuit: in alijs
 gloriari licet, nulli gētiū natiores placuisse pœnas. Inter
 hæc iā præmissi Albam crant equites, qui multitudinē tra-
 ducerent Romā: legiones deinde ductæ ad diruendam ur-
 bem: quæ ubi intrauere portas, non quidē fuit tumultus il-
 le, nec pauor, qualis captarum esse urbium solet, cum effra-
 ctis portis, stratisue ariete muris, aut arce ui capta, cla-
 mor

isse, fecisset.
 idē huius ma-
 aniq; ruptor.
 e iā documen-
 etium cirā
 quod bonū, su-
 bisq; Albani,
 in animo est.
 re: unā urbē,
 opulos diui-
 hęc Albani
 untatibus, cū
 Tullus, Ma-
 e fœdera sen-
 et: nunc quo-
 ppicio doc-
 olati sunt: ut
 anamq; rem
 idam dabi-
 carū disten-
 equi cōcin-
 rat uinculo
 itate specta-
 pud Romā
 uit: in alijs
 nas. Inter
 itudinē tra-
 endam ur-
 umultus il-
 cum effra-
 apta, clas-
 mot

mor hostilis, et cursus per urbem armatorum omnia ferro
 flammaq; miscet: sed silentium triste, ac tacita mœstitia ita
 defixit omnium animos, ut prae metu obliti quid relinque-
 rent, quid secum ferret, deficiente consilio, rogitantesq; alij
 alios, nunc in liminibus starent, nunc errabundi domos suas,
 ultimum illud usuri peruagaretur. Ut uero iam equitum cla-
 mor exire iubentium instabat: iam fragor testorum, quae di-
 ruebantur, ultimis urbis partibus audiebatur, puluisq; ex
 distantibus locis ortus, uelut nube inducta omnia impleue-
 rat: raptim quibus quisq; poterat elatis, cum larē ac pena-
 tes, testaq; in quibus natus quisq; educatusq; esset, relin-
 quentes exirent, iam continens agmen migrantium impleue-
 rat uias: et conspectus aliorum mutua miseratione integra-
 bat lacrymas: uocesq; etiam miserales exaudiebantur, mu-
 licum praecipue, cum obsesta ab armatis templa augusta
 praeteriret, ac uelut captos relinquerent deos. Egressus ur-
 bē Albanis Romanus passim publica priuataq; omnia te-
 sta adaequat solo: unaq; hora quadringentorum annorum
 opas, quibus Alba steterat, ex cidio ac ruinis dedit: templis
 tamen deum (ita enim edictum ab rege fuerat) temperatum
 est. Roma interim crescit Albæ ruinis, duplicatur ciuium
 numerus: Coelius additur urbi mons: et quo frequentius
 habitaretur, eā sedē Tullus regiae capit, ibiq; deinde habi-
 tauit. Principes Albanorum in patres, ut ea quoq; pars rei-
 publicae cresceret, legit: Tullios, Seruilios, Quintios, Ge-
 ganios, Curiatios, Cloelios: templūq; ordini ab se aucto cu-
 riam fecit, quae Hostilia usq; ad patrum nostrorum aetatem
 appellata est. Et ut omnium ordinum uiribus aliquid ex no-
 uo populo adijceretur, equitum decem turmas ex Albanis
 legit: legiones, et ueteres eodē supplemento expleuit, et
 nouas scripsit. Hac fiducia uirium Tullus Sabinis bellum

indicit, genti ea tempestate secundū Hetruscos opulentissimæ uiris, armisq; : utrinq; iniuriæ factæ, ac res nequicquam erāt repetitæ. Tullus ad Feroniæ sanū mercatu frequenti negotiatores Romanos cōprehensos querebatur: Sabini suos prius in lucum cōfugisse, ac Romæ retentos. Hæ causæ belli ferebātur. Sabini haud parū memores, & suarū uirium partē Romæ ab Tatio locatā, & Romanā rem nuper etiā adiectione populi Albani auctā, circumspecte & ipsi externa auxilia. Hetruria erat uicina, proximi Hetruscorum Veientes: inde ob residuas bellorum iras maxime sollicitatis ad defectionē animis, uolūtarios traxere, & apud uagos quosdā ex inopi plebe etiā merces ualuit: publico auxilio nullo adiuti sunt: ualuitq; apud Veientes (nā de cæteris minus mirum est) pacta cū Romulo induciarum fides. Cū bellum utrinq; summa ope pararet, uertiq; in eo res uideretur, utri prius arma inferrent, occupat Tullus in agrum Sabinum transire. Pugna atrox ad syluā Malicūsam fuit: ubi & peditum quidē robore, cæterum equitatu aucto nuper, plurimū Romana acies ualuit. Ab equitibus repente inuectis turbati ordines sunt Sabinorum: nec pugna deinde illis cōstare, nec fuga explicari sine magna cæde potuit. Deuictis Sabinis, cum in magna gloria, magnisq; opibus regnum Tulli ac tota res Romana esset, nuntiātū regi, patribusq; est, in monte Albano lapidibus pluisse: quod cū credi uix posset, missis ad id uisendum prodigiū, in cōspectu haud aliter, quam cum gradinem uenti glomeratā in terras agunt, crebri cecidere cælo lapides. Visi etiā audire uocē ingentem ex summo cacuminis loco, ut patrio ritu sacra Albani facerent: quæ, uelut dijs quoq; simul cū patria relictis, obliuioni dederant: & aut Romana sacra susceperāt, aut fortunæ (ut fit) obirati, cultum

cultum reliquerāt deūm. Romanis quoq; ab eodem prodigio nouendiale sacrum publice susceptū est: seu uoce coelesti ex Albano mōte iussa (nā id quoq; traditur) seu aruspicum monitu: māsit certe solenne, ut quodocunq; idem prodigium nuntiaretur, feriæ per nouem dies agerentur. Haud ita multo pōst pestilentia laboratū est: unde cum pigritia militandi oriretur, nulla tamē ab armis quies dabatur à bellicoso rege, salubriora etiā credente militiæ quàm domi iuuenū corpora esse, donec ipse quoq; lōginquo morbo est implicitus: tūc adeo fracti simul cum corpore sunt spiritus illi feroces, ut qui nihil antè ratus esset minus regium, quàm sacris dedere animū, repēte omnibus, magnis, paruisq; superstitionibus obnoxius degeret, religiōibusq; etiā populū impleret. uulgo iā homines cum statū rerum, qui sub Numa rege fuerat, requirētes, unam opem ægris corporibus relictā, si pax ueniatq; ab dijs impetrata esset, credebāt. Ipsum regē tradunt uoluentē cōmentarios Numæ, cum ibi quædā occulta solēnia sacrificia Ioui Elicio facta inuenisset, operatum his sacris se abdidisse: sed nō rite initū, aut curatū id sacrum esse: nec solum nullā ei oblatam coelestiū speciem, sed ira Iouis sollicitati praua religione fulmine ipsum cū domo cōflagrasse. Tullus magna gloria belli regnauit annos duos & triginta. Mortuo Tullo, res, ut institutū iam inde ab initio erat, ad patres redierat, biq; inter regem nominauerant: quo comitia habente, Ancum Martium regem populus creauit, patres fuere aiores. Numæ Pompilij regis nepos filia ortus Ancus Martius erat: qui ut regnare cœpit, & auitæ gloriæ memor, & quia proximum regnum cetera egregium ab una parte haud satis prosperum fuerat, aut neglectus religionibus, aut prauæ cultis: longeq; antiquissimum ratus sacra publica

X X III

publica, ut ab Numa instituta erant, facere: omnia ea ex
 commentarijs regis pontificem maximum in album relata
 proponere in publico iubet: inde & ciuibus otij cupidis,
 & finitimus ciuitatibus facta spes, in aui mores atq; insti-
 tuta regē abiturum. Igitur Latini, cum quibus Tullo re-
 gnante iſtum foedus erat, suſtulerant animos: & cū incur-
 sionem in agrum Romanū feciſſent, repetentibus res Ro-
 manis superbe reſponſum reddiderunt: deſidem Romanū
 regē inter ſacella & aras acturū eſſe regnum rati. Mediū
 erat in Anco ingenium, & Numæ, & Romuli memor:
 & præterquàm quòd aui regno magis neceſſariam fuiſſe
 pacē credebat, cū in nouo, tum ſero ci populo: etiā quod il-
 li contigiſſet otīū ſine iniuria, id ſe haud facile habiturū:
 tentari patientiā, & tentatā cōtemni, tēporaq; eſſe Tullo
 regi aptiora quàm Numæ. ut tamē, quoniā Numa in pace
 religiones inſtituiſſet, à ſe bellicæ cærimoniæ proderētur:
 nec gererentur ſolū, ſed etiam indicerentur bella aliquo
 ritu: ius ab antiqua gēte Aequicolis, quod nūc ſociates ha-
 bent, deſcripſit, quo res repetuntur. Legatus ubi ad fines
 eorū uenit, unde res repetuntur, capite uelato (ſilum lanæ
 uelamē eſt) Audi Iupiter, inquit, audite fines (cuiuſcunq;
 gentis ſunt, nonūnat) audiat ſas: Ego ſum publicus nūtiuſ
 populi Romani, iuſte pieq; legatus uenio, uerbisq; meis fī-
 des ſit. Peragit deinde poſtulata: inde Iouem teſtē facit: Si
 ego iniuſte, impieq; illos hoīes, illasq; res dedier nūtio po-
 puli Romani mihi expoſco, tum patriæ compotē me nun-
 quam ſinas eſſe. Hæc, cū fines ſupra ſcandit, hæc quicūq;
 ei primus ur obuiuſ fuerit, hæc portā ingrediens, hæc fo-
 rū ingreſſuſ, paucis uerbis carminis, cōcipiendiq; iuriſiu-
 randi mutatiſ, peragit. ſi nō deduntur, quos expoſcit, die-
 bus tribus & triginta (tot enim ſolēnes ſunt) peractis, bel-
 lum ita

lum ita indicit: Audi Iupiter, et tu Iuno, Quirine, dijque omnes cœlestes, uosque terrestres, uosque inferni audite. Ego uos testor, populū illum (quicumque est, nominat) iniustū esse, neque ius persolvere. sed de istis rebus in patria maiores nati cōsulemus, quo pacto ius nostrū adipiscamur. Cū his nuntius Romā ad consulendū redit, cōfestim rex ex his ferme uerbis patres cōsulebat: Quarū rerum, litiū, causarum cōdixit paterpatratus populi Romani Quiritiū patratrato priscorū Latinorum, hominibusque priscis Latinis, quas res nec dederūt, nec soluerunt, nec fecerunt: quas res dari, fieri, solui oportuit: dic, inquit ei, quē primū sententiā rogabat, quid censes? Tum ille: Puro pioque duello querendas censeo, itaque cōsentio, cōsciscoque. Inde ordine alij rogabātur: quandoque pars maior corū, qui aderant, in eandē sententiā ibat. bellum erat consensū fieri solitū: ut sacralis hastam ferratā, aut sanguineā præustam ad fines corū ferret, et nō minus tribus puberibus præsētibus diceret: Quod populi priscorum Latinorum, homines uel prisci Latini aduersus populū Romanū Quiritiū fecerūt, deliquerunt, quod populus Romanus Quiritiū bellum cū priscis Latinis iussit esse, senatusque populi Romani Quiritium censuit, consensit, cōsciuit, ut bellū cū priscis Latinis fieret: ob eam rē ego, populusque Romanus populis priscorū Latinorū, hominibusque priscis Latinis bellū indico, facioque. Id ubi dixisset, hastā in fines corū emittebat. Hoc tum modo ab Latinis repetitæ res, ac bellum indictū: moreque eū posterī acceperūt. Ancus demandata cura sacrorum flamīnibus, sacerdotibusque alijs, exercitu nouo conscripto profectus Politorium urbē Latinorū ui cepit: secutusque morē regū priorū, qui rem Romanā auxerant hostibus in ciuitatē accipiendis, multitudinem omnem Romanam traduxit.

traduxit. Et cum circa palatium sedem ueteres Romani, Sabini Capitolium atque arcem, Coelium montem Albani impleverant, Auentinum nouae multitudini datum. additi eadem haud ita multo post, Tellenis, Ficanaque captis, noui ciues. Politorium inde rursus bello repetitum, quod uacuum occupauerant prisca Latini: eaque causa diruenda urbis eius fuit Romanis, ne hostium semper receptaculum esset. Postremo omnino bello Latino Medulliam compulso, aliquandiu ibi Marte incerto, uaria uictoria pugnatum est. nam et urbs tuta munitionibus, praesidioque firmata ualido erat: et castris in aperto positis, aliquoties exercitus Latinus conuinus cum Romanis signa contulerat. Ad ultimum omnibus copiis connixus Ancus acie primum uincit, inde ingenti praeda potius Romam reddit, tum quoque multis millibus Latinorum in ciuitate acceptis: quibus, ut iungeretur Palatio Auentinum, ad Murtiae data sedes. Ianiculum quoque adiectum, non inopia loci, sed nequando ea arx hostium esset. id non muro solum, sed etiam ob commoditatem itineris potest Sublicio, tum in Tyberi facto, coniungi urbi placuit. Quiritium quoque fossa, haud paruum munimentum a planioribus aditu locis, Anci regis opus est. Ingenti incremento rebus auctis, cum in tanta multitudine hominum, discrimine recte an perperam facti confuso, facinorae clandestina fierent, carcer ad terrorem incrementis audaciae media urbe imminens foro aedificatur. nec urbs tantum hoc rege creuit, sed etiam ager finesque: sylua Maesia uicentibus adempta, usque ad mare imperium prolatum: et in ore Tyberis Hostia urbs condita, salinae circa factae: egregieque rebus bello gestis, aedes Iouis Feretrii amplificata. Anco regnante Lucumo uir impiger, ac diuitijs potens Romam commigravit, cupidine maxime ac spe magni honoris, cuius adipiscendi Tarquinijs (nam ibi quoque peregrina stirpe oriund

oriundus erat) facultas nō fuerat. Demarati Corinthij filius erat: qui ob seditiones domo profugus, cū Tarquinij forte cōsediſſet, uxore ibi ducta duos filios genuit: nomena his Lucumo, atq; Aruns fuerunt. Lucumo superſuit patri bonorū omniū hāres: Aruns prior quā pater moritur, uxore grauida relicta. nec diu manet ſuperſtes filio pater, qui cum ignorans nurum uentrē ferre, immemor in teſtādo nepotis deceſſiſſet, puero poſt aui moriē in nullam fortē bonorum nato ab inopia Egerio inditū nomen. Lucumoni cōtrā omnium hāredi bonorum cum diuitiæ iam animos facerent, auxit ducta in matrimonium Tanaquil, ſummo loco nata, & quæ haud facile ijs, in quibus nata erat, humilia ſineret. Ea cū innupſiſſet, ſpernentibus Hetruſcis Lucumonē exule aduena ortum, ferre indignitatem nō potuit: oblitaq; ingeniæ erga patriam charitatis, dūmodo uirum honoratū uideret, conſilium migrandi ab Tarquinij cepit. Roma eſt ad id potiſſimū uiſa. In nouo populo, ubi omnis repentina atq; ex uirtute nobilitas ſit, futurum locū forti ac ſtrenuo uiro. Regnaſſe Tatium Sabinum: accerſitū in regnum Numā à Curibus: & Ancū Sabina matre ortum, nobilemq; una imagine Numæ eſſe. Facile perſuadet, ut cupido honorū, & cui Tarquinij mater tantū patria eſſet. Sublatis itaq; rebus cōmigrāt Romanam. Ad Ianiculū forte uentū erat: ibi ei carpēto ſedenti cū uxore, aquila ſuſpēſis demuſſa leniter alis pileū auferit: ſuperq; carpentū cū magno clangore uolitās, ruruſ uelut miniſterio diuinituſ miſſa capiti apte reponit: inde ſublimis abiit. Accepiſſe id auguriū leta dicitur Tanaquil, perita, ut uulgo Hetruſci, cœleſtiū prodigiorū mulier. excelleſa alta ſperare cōplexa uirū iubet. eā alitē ea regiōe cœli & eiꝯ dei nūtiū ueniſſe: circa ſummū culmen hois auſpicium

cium fecisse: leuasse humano superpositū capiti decus, ut diuinitus eidē redderet. Has spes cogitationesq; secū portantes urbē ingressi sunt: domicilioq; ibi comparato, L. Tarquinium Priscum edidere nomen. Iam & Romanis conspicuum cum nouitas diuitiæq; faciebant: & ipse quoque fortunā benigno alloquio, comitate inuitandi, beneficijsq; quos poterat sibi cōciliando, adiuuabat: donec in regiam quoque de eo fama perlata est. notitiamq; eam breui apud regem, liberaliter dextreq; obeundo officia, in familiaris amicitiae adduxerat iura: ut publicis pariter, ac priuatis consilijs bello domiq; interesset: & per omnia expertus, postremo tutor etiā liberis regis testamento institueretur. Regnauit Ancus annos quatuor & uiginti, cuiuslibet superiorum regum belli pacisq; & artibus & gloria par. Iam filij prope puberem ætatem erant: eo magis Tarquinius instare, ut quamprimum comitia regi creando fieret: quibus indictis, sub tempus pueros uenatum ablegauit: isq; primus & petisse ambitiose regnum, & orationem dicitur habuisse ad conciliandos plebis animos compositam. Cum se non rē nouam petere: quippe qui nō primus, quod quisquā murari indignariue posset, sed tertius Romæ peregrinus regnum afficeret: & Tatium non ex peregrino solum, sed etiam ex hoste regem factum: & Numam ignarum urbis, non petentem in regnum ultro accitum: se ex quo sui potens fuerit, Romam cum coniuge ac fortunis omnibus commigrasse: maiorem partem ætatis eius, qua ciuilibus officijs fungantur homines, Romæ se quàm in uetere patria uixisse: domum militiæq; sub haud poenitendo magistro, ipso Anco rege, Romana se iura, Romanos ritus didicisse: obsequio & obseruantia in regem cum omnibus, benignitate erga alios cum rege ipso certasse. Hæc

cū haud falsa memorantē ingenti cōsensu populus Roma-
 nus regnare iussit. ergo uirū cætera egregiū, secuta, quā in-
 petido habuerat, etiā regnantē ambitio est: nec minus re-
 gni sui firmādi, quā augēdæ reip. memor centū in patres
 legi: qui deinde minorū gentiū sunt appellati: factio haud
 dubia regis, cuius beneficio in curiā uenerāt. Bellū primū
 cū Latinis gessit, & oppidū ibi Appiolas ui cepit: præ-
 daq; inde maiore quā quāta belli fama fuerat, reuecta, lu-
 dos opulētius instructiusq; quā priores reges fecit. Tū
 primum circo, qui nunc maximus dicitur, designatus locus
 est: loca diuisa patribus, equitibusque, ubi spectacula sibi
 quisq; facerent, fori appellati. Spectauere, furcis duodenos
 ab terra spectacula alta sustinentibus pedes. ludicrum fuit
 equi, pugilesq; ex Hetruria maxime acciti. solēnes deinde
 annui māsere ludi, Romani Magniq; uariē appellati. Ab
 eodē rege & circa forū priuatis ædificāda diuisa sunt lo-
 ca: porticus, tabernæq; factæ. Muro quoq; lapideo circum-
 dare urbē parabat, cum Sabinū bellum cœptis interuenit:
 adeoq; ea subita res fuit, ut prius Anienem transirent ho-
 stes, quā obuiā ire, ac prohibere exercitus Romanus pos-
 set. Ita q; trepidatū Romæ est: & primo dubia uictoria ma-
 gna utrinq; cæde pugnatum est: reductis deinde in castra
 hostium copijs, datoq; spatio Romanis ad comparādum
 de integro bellū, Tarquinius equitē maximē suis deesse ui-
 ribus ratus, ad Ramnenses, Titenses, Luceres, quas centu-
 rias Romulus scripserat, addere alias constituit, suoq; in-
 signes relinquere nomine. Id quia inaugurato Romulus
 fecerat, negare Accius Nauius, inclytus ea tempestate au-
 gur, neq; mutari, neq; nouū cōstitui, nisi aues addixissent,
 posse. Ex eo ira regi mota, eludensq; artē (ut ferunt) Age-
 dū, inquit, diuine tu, inaugura, fieri ne possit, quod nunc
 d ego

ego mēte cōcipio. cū ille in augurio rem expertus pro se
 ēto futurā dixisset: Atqui hoc animo agitaui, inquit: te no
 uacula cotem discissurum: cape hæc, & perage quod aues
 tuæ fieri posse portendūt. Tū illum haud cunctanter disci
 disse cotem ferunt. Statua Accij capite uelato, quo in loco
 res acta est, in conitio in gradibus ipsis ad læuam curiæ
 fuit: cotē quoq; eodē loco sitam fuisse memorāt, ut esset ad
 posteros miraculi eius monimētum. Augurijs certe, sacer=
 dotioq; augurum tantus honos accessit, ut nihil belli, do=
 miq; postea, nisi auspicato gereretur: cōcilia populi, exer
 citus uocati, summa rerū, ubi aues nō admisissent, dirime=
 rentur. Neq; tum Tarquinius de equitū centurijs quic=
 quā mutauit, numero tantū alterū adiecit, ut mille & tre=
 centi equites in tribus cēturijs essent. posteriore modo sub
 hisdem nominibus, qui additi erant, appellati sunt: quas
 nunc, quia geminatæ sunt, sex uocant centurias. Hac par=
 te copiarū aucta, iterū cum Sabinis confligitur: sed præ=
 terquā quòd uiribus creuerat Romanus exercitus, ex oc=
 culto etiā additur dolus, missis qui magnam uim lignorum
 in Anienis ripa iacentē, ardentē in flumē conijcerent, uen
 toq; iuuante accensa ligna, & pleraq; in ratibus impacta
 sublicijs cū hæerent, pontē incēdunt. ea quoq; res in pu=
 gna terrorem attulit Sabinis, effusis eadē fugā impediūt:
 multiq; mortales, cū hostem effugissent, in flumine ipso
 periere: quorū fluitantia arma ad urbem cognita in Tybe
 ri, prius penē, quā nuntiari posset, insignem uictoriā fe=
 cere. Eo prælio præcipua equi tum gloria fuit: utrinq; ab
 cornibus positos, cū iam pelleretur media peditū suorum
 acies, ita incurrisse ab lateribus ferunt, ut nō sisterēt modò
 Sabinas legiones, ferociter instantes cedētibus, sed subito
 in fugā auerterent: montes effuso cursu Sabini petebant,
 & pauci tenuere: maxima pars, ut antè dictū est, ab equi-

tibus in flumē acti sunt. Tarquinius instandum perterritis
 ratus, præda, captiuisq; Romam missis, spolijs hostiū (no-
 tū id Vulcano erat) ingenti cumulo accēsis, pergit porrō
 in agrū Sabinū exercitū inducere: & quanquā male ge-
 sta res erat, nec gesturos melius sperare poterāt: tamē quia
 cōsulendi res nō dabat spatiū, iere obuiā Sabini tumultua-
 rio milite: iterūq; ibi fusi, perditis iā propè rebus, pacē pe-
 tiere. Collatia, & quicquid circa Collatiā agri erat, Sabinis
 adēptū. Egerius (fratris hic filius erat regis) Collatiæ
 in præsidio relictus: deditosq; Collatinos ita accipio, eāq;
 deditionis formulā esse. Rex interrogauit: Estis ne uos le-
 gati oratoresq; missi à populo Collatino, ut uos, popu-
 lumq; Collatinū dederetis? Sumus. Est ne populus Colla-
 tinus in sua potestate? Est. Deditis ne uos, populūq; Colla-
 tinū, urbē, agros, aquā, terminos, delubra, utensilia, diuina
 humanaq; omnia, in meā populiq; Romani ditionē? Dedi-
 mus. Et ego recipio. Bello Sabino perfectō, Tarquinius
 triumphās Romā redijt. inde priscis Latinis bellum fecit:
 ubi nusquam ad uniuersæ rei dimicationē uentū est: ad sin-
 gula oppida circunferendo arma, nomē omne Latinū do-
 muit. Corniculum, Ficulnea uetus, Cameria, Crustumē-
 rium, Ameriola, Medullia, Nomentum, hæc de priscis
 Latinis, aut qui ad Latinos defecerant, capta oppida. Pax
 deinde facta. Maiore inde animo pacis opera inchoata,
 quā quanta mole gesserat bella, ut non quietior populus
 domi esset, quā militiæ fuisset. nam & muro lapideo,
 cuius exordium operis Sabino bello turbatum erat, ur-
 bē, quā nondum munierat, cingere parat: & infima
 urbis loca circa forū, aliasq; interiectas collibus conual-
 les, quia ex planis locis haud facile euehebant aquas, cloa-
 cis ē fastigio in Tyberim ductis siccāt: & arēā ad ædē in

XXIX

XXX

Capitolio Iouis, quam uouerat bello Sabino, iam præsa-
 giente animo futuram olim amplitudinē loci, occupat fun-
 damentis. Eo tempore in regia prodigium uisu euentuq;
 mirabile fuit. Puerō dormiēti, cui Seruio Tullo nomē fuit,
 caput arsisse ferunt multorum in conspectu. Plurimo igitur
 clamore inde ad tantæ rei miraculum orto excitum re-
 gem: & cum quidam familiarium aquam ad restinguendū
 ferret, ab regina retentum: sedatoq; iam tumultu, moueri
 uetuisse puerum, donec sua sponte experrectus esset: mox
 cum sonino & flammam abiisse. Tum abducto in secretū
 uiro Tanaquil, Vides ne tu puerum hunc, inquit, quē tam
 humili cultu educamus? scire licet hunc lumen quondā re-
 bus nostris dubijs futurum, præsidiumq; regiæ afflictæ.
 proinde materiem ingentis publice priuatimq; decoris o-
 mni indulgentia nostra nutriamus. inde puerum liberū
 loco ceptum haberi, erudiriq; artibus, quibus ingenia ad
 magnæ fortunæ cultū excitantur. Euenit facile, quod dijs
 cordi esset. iuuenis euasit uerē indolis regiæ. nec, cū quæ-
 reretur gener Tarquinio, quisquam Romanæ iuuentutis
 ulla arte conferri potuit: filiamq; ei suam rex despondit.
 Hic quacunque de causa tantus illi honos habitus credere
 prohibet serua natum cum, paruumq; ipsum seruisse. eo-
 rum magis sententiæ sum, qui Corniculo capto Seruij Tul-
 li, qui princeps in illa urbe fuerat, grauidam uiro occiso
 uxorem, cum inter reliquas captiuas cognita esset, ob uni-
 cam nobilitatem ab regina Romana prohibitam ferunt ser-
 uitio partum Romæ edidisse Prisci Tarquinij domo: inde
 tanto beneficio, & inter mulieres familiaritatem auctam,
 & puerum in domo à paruo eductum in charitate, atque
 honore fuisse: fortunam matris, quod capta patria in ho-
 stium manus uenerit, ut serua natus crederetur, fecisse.

Duode

Duodequadragesimo ferme anno, ex quo regnare cœperat Tarquinius, non apud regem modò, sed apud patres plebemq; longe maximo honore Servius Tullus erat. Tū Anci filij duo, etsi antea semper pro indignissimo habuerant, se patrio regno tutoris fraude pulsos, regnare Romæ aduenam, non modò uicinæ, sed ne Italicæ quidem stirpis: tum impensius his indignitas crescere, si ne ab Tarquinio quidem ad se rediret regnum, sed præceps inde porrò ad seruitia caderet: ut in eadem ciuitate post centesimū fere annum, quàm Romulus deo prognatus, deus ipse tenuerit regnū, donec in terris fuerit, id seruus serua natus possideat: tum cōmune Romani nominis, tum præcipue id domus suæ dedecus fore, si Anci regis uirili stirpe salua, non modo aduenis, sed seruis etiam regnū Romæ pateret. Fero igitur eam arcere contumeliam statuunt. Sed et iniuriæ dolor in Tarquinium ipsum magis, quàm in Seruium eos stimulabat: et quia grauior ultor cædis, si superesset, rex futurus erat quàm priuatus: tum Seruio occiso, quemcunq; alium generum delegisset, eundem regni hæredem facturus uidebatur: ob hæc ipsi regi insidiæ parantur. Ex pastoribus duo ferocissimi delecti ad facinus, quibus cōsueti erant uterq; agrestibus ferramentis, in uestibulo regiæ quàm potuere tumultuosissimè specie rixæ in se omnes apparitores regio conuertunt: inde cum ambo regem appellarent, clamorq; eorum penitus in regiam peruenisset, uocati ad regem pergunt. Primo uterq; uociferari, et certatim alter alteri obstrepere: coërciti ab lictore, et iussi in uicem dicere, tandem obloqui desistunt: unus rem ex composito orditur: dum intentus in eum se rex totius auerteret, alter elatam securim in caput deiecit: relictoq; in uulnere telo, ambo se foras eijciunt. Tarquiniū moribundum

xxx i

cum qui circa erant exceperant, illos fugientes lictores comprehendunt: clamor inde, concursusque populi mirantium quid rei esset. Tanaquil inter tumultum claudi regiam iubet, arbitros eijcit: simul quæ curando uulneri opus sunt, tanquam spes subesset, sedulo comparat: simul, si destituat spes, alia præsidia molitur. Seruio propterea accito cum penè exanguem uirum ostendisset, dextram tenens, orat, ne inultam mortem soceri, ne socerum inimicis ludibrio esse sinat. Tuum est, inquit, Serui, si uir es, regnum, non eorum qui alienis manibus pessimum facinus fecere. erige te, deosque duces sequere, qui clarum hoc fore caput diuino quodam circumfuso igni portenderunt. nunc te illa cœlestis excitet flamma: nunc expergiscere uere: et nos peregrini regnauimus: qui sis, nō unde natus sis, reputa: si tua re subita consilia torpent, at tu mea consilia sequere. Cum clamor impetusque multitudinis uix sustineri posset, ex superiore parte ædium per fenestras in Nouam uiam uersas (habitabat enim rex ad Iouis Statoris) populum Tanaquil alloquitur. Iubet bono animo esse: sopitum fuisse regem subito ictu, ferrum haud altè in corpus descendisse: iam ad se redisse, inspectum uulnus absterso cruore, omnia salubria esse. cōfidere propediem ipsum eos uisuros. Interim Seruio Tullo iubere populum dicto audientem esse: cum iura redditurum, obiturumque alia regis munia. Seruius cum trabea et lictoribus prodit: ac sede regia sedens alia decernit, de alijs consulturum se regem esse simulat. Itaque per aliquot dies, cum iam expirasset Tarquinius, celata morte per speciem alienæ fungendæ uicis, suas opes firmavit: tum demum palam facta ex comploratione in regia orta, Seruius præsidio firmo munitus, primus iniussu populi uoluntate patrum regnauit. Anci liberi iam tum comprehensis scelcris ministris

stris, ut uiuere regem, & tantas esses ope Seruij nuntiatiū
 est, Sueffam Pometiam exulatum ierant. Nec iam publicis
 magis consilijs Seruius quā priuatis munire opes: & ne
 qualis Anci liberū animus aduersus Tarquiniū fuerat,
 talis aduersus se Tarquiniū liberū esset, duas filias iuueni-
 bus regijs, Lucio atq; Arūti Tarquinijs, iungit. Nec ru-
 pit tamen fātī necessitatem humanis consilijs, quin inuidia
 regni etiam inter domesticos infida omnia atq; infesta fa-
 ceret. Peropportune ad præsētis quietem status bellum
 cum Veientibus (iam enim induciæ exierant) alijsq; He-
 truscis sumptum: in eo bello & uirtus, & fortuna enituit
 Tulli: fusoq; ingenti hostiū exercitu haud dubius rex, seu
 patrum, seu plebis animus periclitaretur, Romam redijt:
 aggrediturq; inde pacis longe maximum opus, ut quem-
 admodum Numa diuini autor iuris fuisset, ita Seruiū con-
 ditorem omnis in ciuitate discriminis, ordinumq; quibus
 inter gradus dignitatis, fortunæq; aliquid interlucet, po-
 steri fama ferrent. Censum enim instituit, rem saluberrimā
 tanto futuro imperio: ex quo belli, pacisq; munia non ui-
 ritim, ut antè, sed pro habitu pecuniarum fierent. tū clas-
 ses, centuriasq; & hunc ordinem ex censu descripsit, uel
 paci decorum, uel bello. Ex ijs, qui centum millium æris,
 aut maiorem censum haberent, L x x x. cōfecit cēturias,
 quadragenas seniorum, ac iuniorum. prima classi omnes
 appellati seniores, ad urbis custodiam ut præsēto essent: iu-
 uenes, ut foris bella gererent. arma his imperata, galea, cly-
 peus, ocreæ, lorica, omnia ex ære, hæc ut tegumenta cor-
 poris essent. tela in hostē, hastaq; & gladius. additæ huic
 classi duæ fabrum centuriæ, quæ sine armis stipendia face-
 rent. datum munus, ut machinas in bello ferrent. Secunda
 classi intra centum usq; ad quinq; & septuaginta milliū
 d 4 censum

X x x ii

15 11 20

censum instituta. & ex his senioribus, iunioribusq; uiginti conscriptæ centuriæ: arma imperata, scutum pro clypeo, & præter lorica omnia eadem. Tertiæ clāssis quinquaginta millium censum esse uoluit. totidem centuriæ & hæ, eodemq; discrimine ætatum factæ: nec de armis quicquam mutatum, ocreæ tantum ademptæ. In quarta classe census quinq; & uiginti millium, totidem centuriæ factæ: arma mutata, nihil præter hastam & uerutū datū. Quinta classis aucta, cēturiæ triginta factæ. fundas, lapidesq; missiles hi secum gerebant. in his accensi cornicines, tibicinesq; in tres centurias distributi. undecim millibus hæc classis censebatur. Hoc minor census reliquam multitudinem habuit. Inde una centuria facta est immunis militiæ. Ita pedestri exercitu ornato, distributoq; equitum ex primoribus ciuitatis $\times 11$. scripsit centurias. sex item alias centurias, tribus ab Romulo institutis, sub iisdem, quibus inauguratæ erant, nominibus fecit. ad equos emendos dena millia æris ex publico data: & quibus equos alerēt, uiduæ attributæ, quæ bina millia æris in annos singulos penderent. Hæc omnia in dites à pauperibus inclinata onera. Deinde est homines additus. non enim, ut ab Romulo traditum cæteri seruauerant reges, uiritim suffragium eadem ui, eodemq; iure promiscuè omnibus datum est: sed gradus facti, ut neq; exclusus quisquam suffragio uideretur, & uis omnis penes primores ciuitatis esset. equites enim uocabantur primi, $L \times \times$. inde primæ clāssis centuriæ primum peditum uocabantur. ibi si uariaret, quod raro incidebat, ut secundæ clāssis uocarentur: nec ferè unquam inf: à ita descenderent, ut ad infimos peruenirent. Nec mirari oportet, hunc ordinem, qui nunc est, post expletas quinq; & $\times \times \times$. tribus, duplicato earum numero, centurijs iuniorum, seniorumq;

rumq; ad institutam ab Seruio Tullio summam non conuenire. quadrisariam enim urbe diuisa regionibus, collibusq; quæ habitabantur partes, tribus eas appellauit, ut ego arbitror, ab tributo. nam eius quoq; equaliter ex censu cõferendi ab eodẽ inita ratio est. neq; hæ tribus ad centuriarum distributionẽ numerumq; quicquam pertinere. Censu perfectõ, quem maturauerat metu legis de incensis late, cum uinculorũ minis mortisq; edixit, ut omnes ciues Romani, equites, peditesq; in suis quisq; centurijs in campo Martio prima luce adessent. ibi instructum exercitum omnẽ suouetaurilibus lustrauit. idq; conditum lustrum appellatum, quia in censendo finis factus est. Millia LXXX. eo lustro ciuium censa dicuntur. Adijcit scriptorum antiquissimus Fabius Pictor: eorũ, qui ferre arma possent, eum numerum fuisse. Ad eam multitudinẽ urbs quoq; amplificanda uisa est. addit duos colles, Quirinalẽ, Viminalẽq;. inde deinceps auget Esquilias: ibiq; ipse, ut loco dignitas fieret, habitat. aggere, & fossis, & muro urbẽ circumdat: ita pomœrium profert. Pomœrium uerbi uim solam intuitentes postmœnium interpretantur esse. est autem magis circa murum locus, quem in condendis urbibus quondam Hetrusci, quã murum ducturi erant, certis circã terminis inaugurato consecrabant: ut neq; interiore parte ædificia mœnibus continuarentur, quæ nunc uulgò etiam coniungunt, & extrinsecus puri aliquid ab humano cultu pateret soli. hoc spatium, quod neque habitari, neque arari fas erat, non magis quòd post murum esset, quàm quòd murus post id, pomœrium Romani appellarunt. & in urbis incremento semper, quantum mœnia processura erant, tantum termini hi consecrati proferebantur. Aucta ciuitate magnitudine urbis, formatis omnibus domi, & ad

d s belli

xxxi

belli & pacis usus, ne semper armis opes acquirerentur, consilio augere imperiū conatus est, simul et aliquod addere urbi decus. Iam tum erat inclytum Dianæ Ephesiæ fanū. id cōmuniter à ciuitatibus Asiæ factū fama ferebat. Cum cōsensum, deosq; cōsociatos laudaret mire Seruius inter procures Latinorū, cum quibus publicè priuatimq; hospitia amicitiasq; de industria iunxerat, sæpe iterando eadem, perpulit tandē, ut Romæ fanum Dianæ populi Latini cum populo Rom. facerēt. ea erat confessio, caput rerum Romam esse: de quo toties armis certatum fuerat. id quanquam onus iam ex omnium cura Latinorum obrem toties infelicitè tentatam armis, uidebatur, uni sc̃ ex Sabinis fors dare uisa est priuato consilio imperij recuprandi. Bos in Sabinis nata cuidam patrifamiliæ dicitur miranda magnitudine ac specie: fixa per multas ætates cornua in uestibulo templi Dianæ monumentū ei fuere miraculo: habita, ut erat, res prodigij loco est: & cecinere uates, cuius ciuitatis eam ciuis Dianæ immolasset, ibi fore imperium: idq; carmen peruenerat ad antistitē fani Dianæ. Sabinus, ut primū apta dies sacrificio uisa est, bouem Romanam actam deducit ad fanū Dianæ, & ante aram statuit. Ibi antistes Romanus, cum eum magnitudo uictimæ celebrata fama mouisset, memor responsi, Sabinū ita alloquitur, Quidnam tu hospes paras, inquit, incestè sacrificium Dianæ facere? quin tu antè uiuo perfunderis flumine? infima ualle præfluit Tyberis. Religione tactus hospes, qui omnia, ut prodigia respōderet euentus, cuperet rite facta, extemplo descendit ad Tyberim: interea Romanus immolat Dianæ bouem: id mire gratum regi, atq; ciuitati fuit. Seruius, quanquam iam usu haud dubie regnum possederat, tamen quia interdum iactari uoces à iuuenē Tarquinio

nio audiebat, se iniussu populi regnare, conciliata prius uoluntate plebis, agro capto ex hostibus uiritim diuiso, ausus est ferre ad populū, uellēt, iuberēt ne se regnare: tantoq; cōsensu, quanto haud quisquam alius antè, rex est declaratus. neq; ea res Tarquinio spem affectandi regni minuit: imò eo impensius, quia de agro plebis aduersum patrum uoluntatē senserat agi, criminandi Seruij apud patres, crescendiq; in curia sibi occasionem datam ratus est, & ipse iuuenis ardentis animi, & domi uxore Tullia in quietum animū stimulantē. Tulit enim et Romana regia sceleris Tragici exemplum, ut tædio regum maturior ueniret libertas, ultimumq; regnum esset, quod scelere partū foret. Hic L. Tarquinius Prisci Tarquinijs regis filius nepos uel fuerit, parum liquet: pluribus tamen autoribus filiū crediderim: fratrem habuerat Aruntē Tarquinium, mitis ingenij iuuenem. His duobus, ut antè dictum est, duæ Tullia regis filia nupsrant, & ipsæ longe dispares moribus. Fortè ita inciderat, ne duo uiolenta ingenia matrimonio iungerentur, fortuna credo populi Romani, quò diuturnius Seruij regnum esset, constituiq; ciuitatis mores possent.angebatur ferox Tullia nihil materiae in uiro neq; ad cupiditatem, neq; ad audaciam esse: tota in alterū uersa Tarquinium, eum mirari, eum uirum dicere, ac regio sanguine ortum: spernere sororem, quòd uirum nata, muliebri cessaret audacia. Cōtrahit celeriter similitudinem eos, ut ferè fit malum malo aptissimum: sed initium turbandi omnia à foemina ortum est: ea secretis uiri alieni assuefacta sermonibus, nullis uerborum contumelijs parcere de uiro ad fratrem, de sorore ad uirum: & se rectius uiduam, & illum cœlibem futurum fuisse contendere, quàm cum impari iungi, ut elanguescendum aliena igna-

uid esset: si sibi cum, quo digna esset, dii dedissent uirum, domum se propediem uisuram regnum fuisse, quod apud patrem uideat: celeriter adolescētem suae temeritatis implet. Aruns Tarquinius, & Tullia minor propē continuatis funeribus cum domos uacuas nouo matrimonio fecissent, iunguntur nuptijs magis non prohibente Seruio, quā approbante. Tum uerō in dies infestior Tulli senectus, infestius coepit regnum esse. iam enim ab scelere ad aliud spectare mulier scelus: nec nocte, nec interdium uirum con- quiescere pati, ne gratuita prae terita parricidia essent: nō sibi defuisse cui nupta diccretur, nec cum quo tacita serui- ret: defuisse qui se regno dignum putaret, qui meminisset se esse Prisci Tarquinij filium, qui habere quā sperare regnum mallet. si tu is es, cui nuptam esse me arbitror, & uirum, & regem appello: sin minus, eō nunc peius mutata est res, quod istuc cum ignauia est scelus. quin accingeris? non tibi ab Corintho, nec ab Tarquinij, ut patri tuo, peregrina regna moliri necesse est. dii te penates, patrij q; et patris imago, & domus regia, & in domo regale solium, & nomen Tarquiniū creat, uocatq; regem. aut si ad hanc parum est animi, quid frustraris ciuitatem? quid te ut regium iuuenem conspici sinis? facesse hinc Tarquinius, aut Corinthū: deuoluere retro ad stirpē, fratri simulior quā patri. His alijs q; increpando iuuenem instigat: nec con- quiescere ipsa potest: si, cum Tanaquil peregrina mulier tantum moliri potuisset animo, ut duo continua regna, uiro, ac deinceps genero dedisset: ipsa regio semine orta nul- lum momentum in dando adimendoq; regno faceret. His muliebribus instinctus furij Tarquinius, circumire & prehensare minorum maxime gentium patres, admonere paterni beneficij, ac pro eo gratiam repetere: allicere do-
nis

nis iuuenes: tum de se ingentia pollicendo, tum regis criminibus omnibus locis crescere. Postremo ut iam agenda rei tempus uisum est: stipatus agmine armatorum in forū irrupit: inde omnibus percussis pauore, in regia sede pro curia sedens, patres in curiam per præconē ad regē Tarquinium citari iussit. Conuenere extemplo, alij iam antè ad hoc præparati, alij metu: ne nō uenisse fraudi esset; nouitate ac miraculo attoniti, etiā de Seruio actum rati. Ibi Tarquinius maledicta ab stirpe ultima orsus: Seruum, seruāq; natum post mortē indignam parentis sui, non inter regno, ut antea, inito, nō comitijs habitis, non per suffragium populi, nō auctoribus patribus, muliebri dolo regnū occupasse. Ita natum, ita creatum regem fauctorem infimi generis hominum, ex quo ipse sit, odio alienæ honestatis creptum primoribus agrum sordidissimo cuiq; diuississe: omnia onera, quæ communia quondam fuerint, inclinasse in primores ciuitatis: instituisse censum: ut insignis ad inuidiam locupletiorum fortuna esset, & parata, ubi uellet, egentissimis largiretur. Huic orationi Seruius cum interuenisset, trepido nuncio excitatus: extemplo à uestibulo curiæ magna uoce, Quid hoc, inquit, Tarquini rei est? qua tu audacia me uiuo uocare ausus es patres? aut in sede confidere mea? Cum ille ferociter ad hæc: se patris sui tenere sedem, multo quàm seruum potiore filium regis regni hæredem: satis illum diu per licentiam eludentē insulasse dominis. Clamor ab utriusq; fautoribus oritur, & concursus populi fiebat in curiam: apparebatq; regnatorum, qui uicisset. Tum Tarquinius necessitate iam etiam ipsa cogente ultima audere, multo et ætate, & uiribus ualidior, medium arripit Seruium: elatumq; è curia in inferiorem partem per gradus deijcit: inde ad cogendum senatum

natum in curiam redit. fit fuga regis apparitorum, atque comitum: ipse propè exanguis cū semianimis regio comitatu domū se reciperet: peruenissetq; ad summū Cyprium uicum: ab ijs, qui missi ab Tarquinio fugientem consecuti erant, interficitur. Creditur, quia non abhorret à cætero scelere: admonitu Tulliae id factū. carpento certè, id quod satis cōstat, in forum inuecta, nec reuerita cœtum uirorū, euocauit uirum è curia, regemq; prima appellauit: à quo facessere iussa ex tanto tumultu, cum se domum reciperet, peruenissetq; ad summum Cyprium uicum, ubi Dianium nuper fuit: flectēte carpētum dextra in Virbium cliuum, ut in collem Esquiliarū eueheretur, restitit pavidus, atq; inhibuit frēnos is, qui iumenta agebat, iacētēq; dominæ Seruium trucidatum ostēdit. Fœdum, inhumanumq; inde traditur scelus: monumentoq; locus est: Sceleratum uicum uocāt: quo aynēs agitantibus furijs sororis, ac uiri, Tullia per patris corpus carpentum egisse fertur: partemq; sanguinis ac cædis paternæ cruento uehiculo, contaminata ipsa respersaq; tulisse ad penates suos, uiriq; sui: quibus iratis malo regni principio similes propediē exitus sequerentur. Seruius Tullius regnauit annos quatuor & quadraginta: ita, ut bono etiam, moderatoq; succedenti regi difficilis æmulatio esset. ceterū id quoq; ad gloriā accessit, quòd cū illo simul iusta, ac legitima regna occiderūt. Id ipsum tam mite, ac tam moderatū imperium, tamē quia unius esset, deponere eum in animo habuisse quidam auctores sunt: ni scelus intestinum liberadæ patriæ cōsilia agitantī interuenisset. Inde L. Tarquinius regnare occepit, cui Superbo cognomen facta indiderunt: quia socerū gener sepultura prohibuit, Romulum quoq; insepultum perisse dictitans: primoresq; patrum, quos Seruij rebus fuisse

uisse credebat, interfecit. conscius deinde male quærendi regni ab seipso aduersus se exemplum capi posse, armatis corpus circumsēpsit. neq; enim ad ius regni quicquā præter uim habebat: ut qui neq; populi iussu, neq; autoribus patribus regnaret. eo accedebat, ut in charitate ciuium nihil spei reponenti metu regnum tutandum esset. quem ut pluribus incuteret, cognitiones capitalium rerū sine consilijs per se solus exercebat: perq; eam causam occidere, in exilium agere, bonis multare poterat nō suspectos modò aut inuisos, sed unde nihil aliud, quàm prædam sperare posset. Ita patrū præcipuè numero imminuto, statuit nullos in patres legere: quo contemptior paucitate ipsa ordo esset, minusq; per se nihil agi indignarentur. Hic enim regum primus traditum à prioribus morem de omnibus senatum consulendi soluit, domesticis consilijs rempublicā administrauit: bellum, pacē, fœdera, societates per se ipse cum quibus uoluit, iniussu populi ac senatus fecit diremutq;. Latinorum sibi maxime gentem conciliabat, ut peregrinis quoque opibus tutior inter ciues esset. neque hospitia modo cum primoribus eorum, sed affinitates quoq; iungebat. Octauio Mamulio Thusculano: is longe princeps Latini nominis erat, si famæ credimus, ab Vlysse dea'que Circe oriundus: ei Mamulio filiam nuptum dat: perque eas nuptias multos sibi cognatos, amicosque eius conciliat. Iam magna Tarquinij autoritas inter Latinorū proceres erat, cum in diem certam ut ad lucum Ferentinæ conueniant, indicit. esse quæ agere de rebus communibus uelit. Cōueniunt frequētes prima luce. ipse Tarquinius diem quidē seruauit, sed paulò antè-quàm sol occideret, uenit. multa ibi toto die in cōcilio uarijs iactata sermonibus erant. Turnus Herdonius ab Aricia ferociter in absen

absentem Tarquinius erat inuectus. Haud mirum esse, Superbo inditum Romæ cognomen (iam enim ita clàm quidam musitantes, uulgò tamen eū appellabāt) an quicquam superbius esse, quàm ludificari sic omne nomen Latinum? principibus longe ab domo excitis, ipsum, qui concilium indixerit, nō adesse. tentari profecto patientiā, ut si iugum acceperint, obnoxios premat. cui enim nō apparere, affectare eum imperium in Latinos? Quod si sui bene crediderint ciues, aut si creditum illud & non raptum parricidio sit: credere & Latinos. quanquam ne sic quidē alienigenæ deberent. sin suos eius pœniteat, quippe qui alij super alios trucidantur, exulatū eant, bona amittant, quid spei melioris Latinis portendi? si se audiant, domum suam quenq; inde abituros: neq; magis obseruatuos diē consilij, quàm ipse, qui indixerit, obseruet. Hæc atq; alia eodem pertinentia seditiosus facinorosusq; homo, his que artibus opes domi nactus, cum maxime differeret, interuenit Tarquinius. Is finis orationi fuit. Auerſi omnes ad Tarquinium salutadū. Qui silentio factò, monitus à proximis ut purgaret se, quòd id tēporis uenisset, disceptatorem ait se sumptum inter patrē & filium, cura recōciliandi eos in gratiam, moratum esse. & quia ea res exemisset illum diem, postero die acturū, quæ cōstituiſſet. Ne id quidem ab Turno tulisse tacitum ferunt. dixisse enim, nullam breuiorem esse cognitionem, quàm inter patrē & filium, paucisq; transigi uerbis posse: ni pareat patri, habiturum infortunium esse. Hæc Aricinus in regem Romanū increpans ex concilio abiit. Quam rem Tarquinius aliquāto, quàm uidebatur, ægrius ferens, cōfestim Turno necem machinatur: ut eundem terrorem, quo ciuium animos domi oppresserat, Latinis inijceret. et quia pro imperio palàm interſi

interfici non poterat, oblato falso crimine infontē oppres-
 sit. per aduersæ factionis quosdam Aricinos seruum Tur-
 ni auro corripit, in diuersorium eius uim magnam gladio
 rum inferri clam sineret. ea cum una nocte perfecta essent,
 Tarquinius pauloante lucem accitis ad se principibus La-
 tinorum, quasi re noua perturbatus, moram suam hester-
 nam uelut deorum quadam prouidentia illatam, ait saluti
 sibi atq; illis fuisse. ab Turno dici sibi et primoribus po-
 pulorum parari necem, ut Latinorum solus imperium te-
 neat. aggressurum fuisse hesterno die in concilio: dilata-
 rem esse, quod autor concilij absuerit, quem maxime pe-
 teret. inde illam absentis insectationem esse natam, quod
 morando spem destituerit. non dubitare, si uera de seran-
 tur, quin prima luce ubi uentum in concilium sit, instru-
 ctus cum coniuratorum manu, armatusq; uenturus sit. di-
 ci gladiatorum ingentem numerum esse ad eum conuictum.
 id uanum necne sit, extemplo sciri posse. rogare eos, ut
 inde secum ad Turnum ueniant. Suspectam fecit rem, et
 ingenium Turni ferox, et oratio hesternæ, et mora Tar-
 quini, quod uidebatur ob eam differri cædes potuisse.
 Eunt inclinatis quidem ad credendum animis, tamen, nisi
 gladijs deprehensis, cætera uana existimaturi. ubi est cõ-
 uentum, Turnum ex somno excitatum circumsistunt cus-
 todes: comprehensisq; seruis, qui charitate domini uim
 parabant, cum gladij abditi ex omnibus locis diuerticuli
 protraherentur: enimuero manifesta res uisa, iniecta q;
 Turno catenæ: et confestim Latinorum concilium ma-
 gno cum tumultu aduocatur. ibi tam atrox inuidia orta
 est, gladijs in medio positis, ut indicta causa nouo genere
 leti, deiectus ad caput aquæ Ferentinæ crate superne in-
 iecta, saxisq; congestis mergeretur. Reuocatis deinde ad
 c concilium

concilium Latinis Tarquinius, collaudatisq; , qui Turnum
nouantem res pro manifesto parricidio merita poena af=
fecissent, ita uerba fecit: Posse quidem se uetusto iure age=
re, quod cum omnes Latini ab Alba oriundi sint, in eo fœ=
dere teneantur, quo ab Tullo res omnis Albana cum colo=
nis suis in Romanum cesserit imperium. ceterum se utilita=
tis id magis omnium causa censere, ut renouetur id fœdus:
secundaq; potius fortuna populi Romani ut participes
Latini fruantur, quàm urbiũ excidia, uastationesq; agro=
rum, quas Anco prius, patre deinde suo regnante perpeßi
sint, semper aut expectent aut patiantur. Haud difficul=
ter persuasum Latinis: quanquam in eo fœdere superior
Romana res erat. ceterum & capita nominis Latini sta=
re, ac sentire cum rege uidebant: & Turnus sui cuiq; pe=
riculi, si aduersatus esset, recens erat documentum. Ita re=
nouatum fœdus: indictumq; iunioribus Latinorum, ut ex
fœdere die certa ad lucũ Ferentinæ armati frequentes ad=
essent. Qui ubi ad edictum Romani regis ex omnibus po=
pulis conuenere, ne ducem suum, ne'ue secretum imperiũ,
propria'ue signa haberent, miscuit manipulos ex Latinis,
Romanisq;: ut ex binis singulos faceret, binosq; ex singu=
lis. ita geminatis manipulis, centuriones imposuit. Nec ut
iniustus in pace rex, ita dux belli prauus fuit. quin ea ar=
te æquasset superiores reges, ni degeneratum in alijs, huic
quoque decori obsecisset. Is primus Volscis bellum in du=
centos amplius post suam ætatem annos mouit: Sueßamq;
Pometiam ex his ui cepit. ubi cum diuendita præda x l.
talenta argenti, auriq; recepisset: cœcepit animo cam am=
plitudinem Iouis templi: quæ digna deũ hominumq; re=
ge, quæ Romano imperio, quæ ipsius etiam loci maiesta=
te esset. captiuam pecuniam in ædificationem eius templi
se po

seposuit. Excepit deinde eum lentius spe bellum: quo Gabios propinquam urbem nequicquam ui adortus, cum obfidendi quoque urbem spes pulso à mœnibus adempta esset: postremo minime arte Romana, fraude ac dolo aggressus est. nam cum uelut posito bello fundamentis templi faciendis, alijsq; urbanis operibus intentum se esse simularet: Sextus filius eius, qui minimus ex tribus erat, transfugit ex composito Gabios, patris in se seuitiam intolerabilem conquerens. Iam ab alienis in suos uertisse superbiam: & liberorum quoque eum frequentie tædere, ut quam in curia solitudinem fecerit, domi quoque faciat: ne quam stirpem, ne quem heredem regni relinquat. se quidem inter tela & gladios patris elapsum, nihil usquã sibi tutum, nisi apud hostes L. Tarquinij credidisse. nam ne errarent, manere his bellum, quod positum simuletur: & per occasionem eum incautos inuasurum. Quod si apud eos supplicibus locus non sit, pererraturum se omne Latium: Volscosq; se inde, & Aequos, & Hernicos petiturum: donec ad eos perueniat, qui à patrum crudelibus atq; impijs supplicijs tegere liberos sciant. forsitan etiam ardoris aliquid ad bellum armaq; se aduersus superbissimum regem ac ferocissimum populum inuentarum. Cum, si nihil mouerentur, infensus ira porro inde abiturus uideretur: benigne ab Gabinis excipitur. Vetât mirari, si qualis in ciues, qualis in socios, talis ad ultimũ in liberos esset. in seipsum postremo seuiturum, si alia desint. sibi uero gratum aduentum eius esse: futurumq; credere breui, ut illo adiuuante ab portis Gabinis sub Romana mœnia bellum transferatur. Inde in consilia publica adhiberi. ubi cum de alijs rebus assentire se ueteribus Gabinis diceret, quibus hæ notiores essent, ipse identidẽ belli autor esset, in eo sibi præ-

cipuam prudentiam assumere: quod utriusq; populi vires
 nossset: sciretq; inuiso profecto superbiam regiam ciui-
 bus esse, quam ferre ne liberi quidem potuissent. Ita cum
 sensim ad rebellandum primores Gabinorū incitaret, ipse
 cum promptissimis iuuenum prædatum, atque in expedi-
 tiones iret, & dictis factisq; omnibus ad fallendum instru-
 ctus uana accresceret fides, dux ad ultimum belli legitur.
 ibi cum inscia multitudo quid ageretur, prælia parua
 inter Romam Gabiosq; fierent, quibus plerunq; Gabina
 res superior esset: tum certatim summi infimiq; Gabino-
 rum Sext. Tarquinius dono deū sibi mīsum ducem
 credere. apud milites uerò obeundo pericula ac labores,
 pariter prædam munifice largiēdo, tanta charitate esse, ut
 non pater Tarquinius potentior Romæ, quàm filius Ga-
 bijs esset. Itaq; postquam satis uirium collectum ad omnes
 conatus uidebat: tum è suis unum sci, citatum Romam ad
 patrem mittit, quidnam se facere uellet: quandoquidem ut
 omnia unus Gabijs posset, ei dij dedissent. Huic nuncio,
 quia credo dubiæ fidei uidebatur, nihil uoce responsum
 est. rex uelut deliberabundus in hortum ædium transit se-
 quente nuncio filij. ibi inambulans tacitus summa papaue-
 rum capita dicitur baculo decussisse. Interrogando expe-
 ctandoq; responsum nuncius fessus, ut re imperfecta redit
 Gabios. quæ dixerit ipse, quæq; uiderit, refert. seu ira, seu
 odio, seu superbia insita ingenio, nullam cum uocem emi-
 sisse. Sexto ubi quid uellet parens, quid'ue præciperet ta-
 citis ambagibus, patuit: primores ciuitatis, criminando
 alios apud populum, alios sua ipsos inuidia opportunos
 interemit. multi palàm, quidam, in quibus minus specio-
 sa criminatio erat futura, clàm interfecti. patuit quibus-
 dam uolentibus fuga, aut in exiliū acti sunt. absentiumq;

bona

XL

bona iuxta atque interemptorum diuisa fuere. Largitionis inde prædæq; & dulcedine priuati commodi, sensus maiorum publicorum adimi, donec orba consilio auxilioque Gabina res regi Romano sine ulla dimicatione in manum traditur. Gabijs receptis Tarquinius pacem cum Aequorum gente fecit, foedus cum Tuscis renouauit. Inde ad negotia urbana animum conuertit. quorum erat primum, ut Iouis templum in monte Tarpeio monumentum regni sui nominisq; relinqueret. Tarquinius reges ambos, patrem uouisse, filium perfecisse. & ut libera à ceteris religionibus area esset tota Iouis templiq; eius quod inædificaretur, exaugurare sana sacellaq; statuit: quæ aliquot ibi à Tatio rege primum in ipso discrimine aduersus Romulum pugnae uota, consecrata in augurataq; postea fuerant. Inter principia condendi huius operis, mouisse numen ad indicandam tanti imperij molem traditur deos. nam cum omnium sacellorum exaugurationes admitterent aues, in Termini sano non addixere. idq; omen auguriumq; ita acceptum est, non motam Termini sedem, unumq; cum deorum non euocatū sacratis sibi finibus firma stabiliaq; cuncta portendere. Hoc perpetuitatis auspicio accepto secutum aliud magnitudinem imperij portendens prodigium est. caput humanum integra facie aperientibus fundamenta templi dicitur apparuisse. quæ uisa species haud per ambages arcem eam imperij, caputq; rerum fore portendebat. idq; ita cecinere uates, quiq; in urbe erant, quosq; ad eam rem consultandam ex Etruria acciuerant. Augēbatur ad impensas regis animus. itaque pompinae manubiae, quæ perducendo ad cūmen operi destinatae erant, uix in fundamenta suppeditauere. Eo magis Fabio, præterquā quod antiquior est, crediderim XL. ea sola talenta

fuisse,

fuisse, quàm Pisoni, qui x l. nullia pondo argenti seposita in eam rem scribit. quam summam pecuniæ neque ex unius tum urbis præda sperandam: & nullius ne horum quidem magnificentiae operum fundamenta non exuperatueram. Intentus perficiendo templo fabris undique ex Hetruria accitis, non pecunia solum ad id publica est usus, sed operis etiam ex plebe. qui cum haud paruus & ipse militiæ adderetur labor, munus tamen plebs grauabatur, se templi deum exedificare manibus suis. quæ posthac & ad alia ut speciei minora, sic laboris aliquanto maioris traducebantur opera, foros in circo faciendos, cloacamque maximam receptaculum omnium purgamentorum urbis, sub terrâ agendam. quibus duobus operibus uix noua hæc magnificentia quicquam adæquare potuit. His laboribus exercita plebe, quia & urbi multitudinem, ubi usus non esset, oneri rebatur esse: & colonis mittendis occupari latius imperij fines uolebat: Signiam Circeiosque colonos misit, præsidia urbi futura terra marique. Hæc agenti portentum terribile uisum. anguis ex columna lignea elapsus cum terrorem fugamque in regiam fecisset: ipsius regis non tam subito pauore perculit pectus, quàm anxijis impleuit curis. Itaque cum ad publica prodigia Hetrusci tantum uates adhiberentur, hoc uelut domestico exterritus uisu, Delphos ad maxime inclytum in terris oraculum mittere statuit. neque responsa sortium ulli alij committere ausus, duos filios per ignotas & tempestate terras, ignotiora maria in Græciam misit. Titus & Aruns profecti. comes his additus L. Iunius Brutus Tarquinia sorore regis natus, iuuenis longe alius ingenio quàm cuius simulationem inducrat. Is, cum primores ciuitatis in quibus fratrem suum ab auunculo interfectum audisset: neque in animo suo quicquam

quam regi timendum, neq; in fortuna concupiscendum relinquare statuit: contemptuq; tutus esse, ubi in iure parum praesidij esset. Ergo ex industria factus ad imitationem stultitiae, cum se suaq; praedae esse regi sineret, Bruti quoq; haud abnuuit cognomen: ut sub eius obtentu cognominis liberator ille populi Romani animus latens aperiretur tempore suo. Is tum ab Tarquinijs ductus Delphos ludibrium uerius quam comes, aureum baculum inclusum cerneor eaduo ad id baculo tulisse donum Apollini dicitur, per ambas effigiem ingenij sui. Quo postquam uentum est, per se etis patris mādatis, cupido incesit animos iuuenum sciscitandi, ad quem eorum regnum Romanum esset uenturum. ex infimo specu uocem redditam ferunt, Imperium summū Romae habebit, qui uestrū primus o iuuenes osculū matri tulerit. Tarquinijs, ut Sextus, qui Romae relictus fuerat, ignarus responsi expersq; imperij esset, rem summa ope taceri iubent. ipsi inter se uter prior cum Roman redisset, matri osculum daret, sorti permittunt. Brutus aliò ratijs spectare Pythicam uocem, uelut si prolapsus cecidisset, terram osculo contigit: scilicet quod ea communis mater omnium mortalium esset. Reditum inde Romam, ubi aduersus Rutulos bellum summa ui parabatur. Ardeam Rutuli habebant, gens ut in ea regione atq; in ea etate, diuitijs praepollens. eaq; ipsa causa belli fuit, quod rex Romanus tum ipse ditari exhaustus magnificētia publicorū operum, tum praeda delinere populariū animos studebat, praeter aliam superbiam regno infestos etiam, quod se in fabrorū ministerijs, ac seruili tandiu habitos opere ab reage indignabatur. Tentata res est, si primo impetu capi Ardea posset, ubi id parum processit, obsidione munitionibusq; coepti premi hostes. In ijs statiuus (ut fit) lōgo magis

XLII

quàm acri bello satis liberi commeatus erant : primoribus
tamen magis quàm militibus. regij quidem iuuenes inter=
dum otium conuiujs comessationibusq; inter se terebant.
Forte potantibus his apud Sex. Tarquinium, ubi & Col=
latinus cœnabat Tarquinius Egerij filius, incidit de uxo=
ribus mentio. suam quisq; laudare miris modis. inde certa=
mine accenso, Collatinus negat uerbis opus esse. paucis id
quidem horis posse sciri, quantum cæteris præstet Lucre=
tia sua. quin si uigor iuuentæ inest, conscendimus equos?
inuicimusq; præsentis nostrarum ingenia? Idq; cuiq; spe=
ctatissimum sit, quod nec opinato uiri aduentu occurrerit
oculis. incaluerant uino. age sanè, omnes citatis equis ad=
uolant Romam. quò cum primis se intendentibus tenebris
peruenissent, pergunt inde Collatiam: ubi Lucretiā haud=
quaquam ut regias nurus, quas in conuiuio luxuq; cum æ=
qualibus uiderant tempus terentes, sed nocte scra deditam
lanæ inter lucubrantès ancillas in medio ædium sedentem
inueniūt. Muliebris certaminis laus penes Lucretiam fuit.
adueniens uir Tarquiniq; excepti benigne. uictor mari=
tus comiter inuitat regios iuuenes. ibi Sex. Tarquinium
mala libido Lucretiæ per uim stuprandæ capit : tum for=
ma, tum spectata castitas incitat. & tum quidē ab noctur=
no iuuenili ludo in castra redeunt. Paucis interiectis die=
bus, Sext. Tarquinius in scio Collatino cum comite uno
Collatiam uenit. ubi exceptus benigne ab ignaris con=
silijs, cum post cœnam in hospitale cubiculum deductus es=
set: amore ardēs postquam satis omnia tuta circà, sopitiq;
omnes uidebantur, stricto gladio ad dormientē Lucretiā
uenit. sinistraq; manu mulieris pectore oppresso, tace Lu=
cretia, inquit, Sex. Tarquinius sum. ferrū in manu est: mo=
rire, si emiseris uocē. Cum pauida è somno mulier nullam
opem,

opem, propè mortem imminentē uideret, tum Tarquinius
 fateri amorē, orare: mīscere precibus minas: uersare in o=
 mnes partes muliebrem animum. ubi obstinatam uidebat,
 & ne mortis quidem metu inclinari, addit ad metū dede=
 cus. cum mortua iugulatum seruū nudum positurum ait:
 ut in sordido adulterio necata dicatur. Quo terrore cum
 uicisset obstinatam pudicitia uelut uictrix libido, profe=
 ctusq; inde Tarquinius ferox expugnato decore muliebri
 esset: Lucretia mœsta tanto malo nuntium Romam eundē
 ad patrem Ardeamq; ad uirū mittit, ut cum singulis fide=
 bus amicis ueniāt: ita factō maturatoq; opus esse, rem atro=
 cem incidisse. Sp. Lucretius cum P. Valerio Volesi filio,
 Collatinus cum L. Iunio Bruto uenit: cum quo forte Romā
 rediens, ab nuntio uxoris erat conuentus. Lucretiā seden=
 tem mœstam in cubiculo inueniunt. aduentu suorū lacry=
 mæ obortæ. quærentiq; uiro satīn' saluæ? minime, inquit.
 quid enim salui est mulieri anissa pudicitia? uestigia uiri
 alieni Collatine in lecto sunt tuo. cæterū corpus est tantū
 uiolatum, animus insons: mors testis erit. sed date dextras
 fidemq; haud impune adultero fore. Sex. est Tarquinius,
 qui hostis pro hospite priore nocte ui armatus mihi sibiq;
 si uos uiri estis, pestiferum hinc abstulit gaudium. Dant
 ordine omnes fidem: consolantur ægram animi, auertēdo
 noxam ab coacta in autorem delicti. mentem peccare non
 corpus: & unde consilium absuerit, culpam abesse. Vos,
 inquit, uideritis, quid illi debeatur: ego me etsi peccato
 absoluo, supplicio non libero. nec ulla deinde impudica
 Lucretiæ exemplo uiuet. Cultrum, quem sub ueste abdi=
 tum habebat, cum in corde defigit: prolapsaq; in uulnus
 moribunda cecidit. Conclamant uir paterq;. Brutus illis
 luctu occupatis, cultrum ex uulnere Lucretiæ extractum

manantem cruore præ se tenens, Per hunc, inquit, castissimum ante regiam iniuriam sanguinè iuro, uosq; dii testes facio; me L. Tarquiniū Superbum cum scelerata coniuge, & omni liberorum stirpe, ferro, igni, quacunq; dehinc ui possim, exacturū: nec illos, nec alium quenquam regnare Romæ passurum. cultrū deinde Collatino tradit. inde Lucretio ac Valerio stupētibus miraculo rei, unde nouum in Bruti pectore ingenium: ut præceptum erat, iurant. toti q; ab luctu uersi in iram, Brutum iam inde ad expugnandum regnum uocantē sequuntur duce. Elatum domo Lucretiæ corpus in forum deferunt, concientq; miraculo (ut fit) rei nouæ, atq; indignitate homines. pro se quisq; scelus regiū ac uim queruntur. mouet tum patris mœstitia; tum Brutus castigator lacrymarū atq; inertium querelarum, autorq;, quod uiros, quod Romanos deceret, arma capiendū aduersus hostilia ausos. Ferocissimus quisq; iuuenum cum armis uoluntarius adest: sequitur & cetera iuuentus. inde pari præsidio relicto Collatiæ ad portas, custodibusq; datis, nequis eum motum regibus nuntiaret: ceteri armati duce Bruto Romā profecti. ubi eò uentum est, quacunq; incedit armata multitudo, pauorem ac tumultum facit. rursus ubi anteire primores ciuitatis uident, quicquid sit, haud temere esse rentur. nec minorē motum animorum Romæ tam atrox res facit, quàm Collatiæ fecerat. Ergo ex omnibus locis urbis in forum curritur. quò simul uentum est, præco ad tribunal celerum, in quo tum magistratu forte Bruius erat, populum aduocauit. Ibi oratio habita nequaquā eius pectoris ingenijq;, quod simulatum ad eam diem fuerat: de ui ac libidine Sex. Tarquini, de stupro infando Lucretiæ et miserabili cæde, de orbitate Tricipitini, cui morte filiæ causa mortis indignior ac miserabilior esset. addita superbia ipsi

bia ipsius regis, miseriæq; et labores plebis in fossas cloacasq; exhauriendas demersæ. Romanos homines uictores omnium circa populorū, opifices ac lapicidas pro bellatoribus factos. indigna Seruij Tullij regis memorata cædes: et inuecta corpori patris nefando uehiculo filia, inuocantiq; ultores parentum dij. His atrocioribusq; credo alijs, quæ præsens rerum indignitas haudquaquā relatu scriptoribus facilia subiicit, memoratis, incensam multitudinem perpulit, ut imperium regi abrogaret, exulesq; esse iuberet L. Tarquiniū cum coniuge ac liberis. ipse iunioribus qui ultro nomina dabant lectis armatisq;, ad cōcitandum inde aduersus regem exercitum Ardeam in castra est profectus. imperium in urbe Lucretio præfecto urbis iam antè ab rege instituto reliquit. Inter hunc tumultū Tullia domo profugit: execrantibus quacunq; incedebat, inuocantibusq; parentum furias uiris mulieribusq;. Harum rerum nuntijs in castra perlatis, cum re noua trepidus rex pergeret Romam ad comprimendos motus, flexit uiam Brutus (senferat enim aduentum) ne obuius fieret. eodemq; ferè tempore diuersis itineribus Brutus Ardeā, Tarquinius Romam uenerunt. Tarquinio clausæ portæ, exiliūq; indictum: liberatorem urbis læta castra accepere. exactiq; inde liberi regis, duo patrē secuti sunt, qui exulatū Cære in Hetruscos ierunt. Sex. Tarquinius Gabios tanquam in suum regnum profectus, ab ultoribus ueterum simultatū, quas sibi ipse cædibus rapinisq; cōciuerat, est interfectus. L. Tarquinius Superbus regnauit annos v. et xx. Regnum Romæ ab condita urbe ad liberatam annos cc. xlii. Duo consules inde comitijs centuriatis à præfecto urbis ex commentarijs Seruij Tullij creati sunt, L. Iunius Brutus, et L. Tarquinius Collatinus.

D E C A D I S I.

L I B E R I I.



LIBERI iam hinc populi Romani res pace belloq; gestas, annuos magistratus imperiaq; legum potentiora quam hominum peragam. quæ libertas ut latior esset, proximi regis superbia fecerat. nam priores ita regnarunt, ut haud immerito omnes deinceps conditores partium cœptæ urbis, quas novas ipsi sedes ab se auctæ multitudini addiderunt, numerentur. neque ambigitur, quin Brutus idem, qui tantum gloriæ Superbo exacto rege meruit, pessimo publico id facturus fuerit, si libertatis immaturæ cupidine priorum regum alicui regnum extorsisset. Quid enim futurum fuit, si illa pauperum conuenarumq; plebs transfuga ex suis populis, sub tutela inuiolati templi aut libertatem aut certe impunitatem adeptæ, soluta regio metu agitari cœpta esset tribunitijs procellis? Et in aliena urbe cum patribus serere certamina, priusquam pignora coniugum ac liberorum, charitasq; ipsius soli, cui longo tempore assuescitur, animos eorum consociasset? dissipatæ res nondum adultæ discordia forent: quas fouit tranquilla moderatio imperij, eoq; nutriendo perduxit, ut bonam frugem libertatis maturis iam uiribus ferre possent. libertatis autem originem inde magis, quia annuum imperium consulare factum est, quam quòd diminutum quicquam sit ex regia potestate, numerores. omnia iura, omnia insignia primi consules tenere. id modo cautum est, ne si ambo fasces haberent, duplicatus terror uideretur. Brutus prior concedente collega fasces habuit: qui non acrior uindex libertatis fuerat, quam deinde cu

inde custos fuit. Omnium primum auidum nouæ libertatis populum, ne postmodum flecti precibus aut donis regijs posset, iureiurando adexit, neminem Romæ passuros regnare. deinde quo plus uirum in senatu frequentia etiam ordinis faceret: cædibus regis diminutum patrum numerum primoribus equestri gradus lectis ad trecentorum summam expleuit. traditumque inde fertur, ut in senatum uocarentur, qui patres quique conscripti essent. conscriptos uidelicet nouum senatum, appellabant lectos. Id mirum quantum profuit ad concordiam ciuitatis, iungendosque patribus plebis animos. Rerum deinde diuinarum habita cura. Et quia quedam publica sacra per ipsos reges factitata erant, nec ubi regum desiderium esset, regem sacrificulum creant. id sacerdotium pontifici subiecere, ne additus nomini honos aliquid libertati, cuius tunc prima erat cura, officeret. ac nescio an nimis undique eam minimis quoque rebus muniendo, modum excesserint. consulis enim alterius, cum nihil aliud offenderit, nomen inuisum ciuitati fuit. Nimirum Tarquinius regno assuesse. initium à Prisco factum. regnasse deinde Seruium Tullium. ne interuallo quidem facto oblitum tanquam alieni regni Superbum Tarquinium uelut hereditatem gentis, scelere ac ui repetisse. pulso Superbo, penes Collatinum imperium esse. nescire Tarquinius priuatos uiuere. non placere nomen, periculosum libertati esse. Hic primo sensim tentantium animos sermo per totam ciuitatem est datus, sollicitatamque suspicionem plebem Brutus ad concionem uocat. ibi omnium primum iusiurandum populi recitat, neminem regnare passuros, nec esse Romæ unde periculum libertati foret. id summa optuendum esse, neque ullam rem quæ eò pertineat, contemnendam. inuitum se dicere hominis causa; nec dicturum fuisse.

fuisse, ni charitas reipublicæ uinceret. non credere populum Romanum solidam libertatem recuperatam esse. regium genus, regium nomē non solum in ciuitate, sed etiam in imperio esse. id officere, id obstare libertati. Hunc tu, inquit, tua uoluntate L. Tarquini remoue metum. mēnimus, fatemur: eiecisti reges. absolue beneficium tuum, aufer hinc regium nomen. res tuas tibi non solum reddēt ciues tui autore me, sed siquid deest, munifice augebunt. amicus abi, exonera ciuitatem uano forsitan mei u. ita persuasum est animis, cum gente Tarquinia regnum hinc abiturum. Consuli primo tam nouæ rei ac subitæ admiratio incluserat uocem. dicere deinde incipientem primores ciuitatis circumfistunt, eadem multis precibus orant. & cæteri quidem mouebāt minus. postquā Sp. Lucretius maior ætate ac dignitate, socer præterea ipsius agere uarie, rogando alternis suadendoq; cœpit, ut uinci se consensu ciuitatis pateretur: timens consul ne postmodū priuato sibi eadem illa cum bonorum amissione, additaq; alia insuper ignominia acciderent, abdicauit se consulatu: rebusq; suis omnibus Lauinium translatis, ciuitate cēssit. Brutus ex senatuscōsulto ad populum tulit, ut omnes Tarquinie gentis exules essent. collegam sibi comitijs centuriatis creauit P. Valeriū, quo adiutore reges eiecerat. Cum haud cuiquam in dubio esset, bellum ab Tarquinijs imminere, id quidem spe omnium serius fuit. cæterum id quod non timebant, per dolum ac prodicionem propē libertas amissa est. Erant in Romana iuuentute adolefcētes aliquot, nec ij tenui loco orti, quorum in regno libido solutior fuerat: æquales sodalesq; adolescentium Tarquiniorum, assueti more regio uiuere. eam tum æquato iure omnium licentiam quærentes, libertatem aliorum in suam uertisse seruitutem

uitutem inter se conquerebantur. Regem hominem esse, à quo impetres ubi ius, ubi iniuria opus sit. esse gratiæ locum, esse beneficio, & irasci & ignoscere posse: inter amicū atq; inimicū discrimen nosse. leges rem surdam, inexorabilem esse, salubriorem melioremq; inopi quàm potenti: nihil laxamenti nec ueniam habere, si modum excesseris. periculosum esse, in tot humanis erroribus sola innocentia uiuere. Ita iam sua sponte agris animis legati ab regibus superueniunt, sine mentione redditus bona tantum repetentes. eorum uerba postquam in senatu audita sunt, per aliquot dies ea consultatio tenuit: ne non reddita belli causa, reddita belli materia & adiumentum essent. Interim legati cum alijs alia moliri, aperte bona repetentes, clam recuperandi regni consilia struere: & tanquam ad id quod agi uidebatur, ambientes nobilium adolescentium animos pertentabant. à quibus placide oratio accepta est. his literas ab Tarquinijs reddunt: & de accipiendis clam nocte in urbem regibus colloquuntur. Vitellij Aquilijq; fratribus primo commissa res est. Vitelliorū soror consuli nupta Bruto erat. iamq; ex eo matrimonio adolescententes erant liberi, Titus Tiberiusq;: eos quoq; in societatem consilij auunculi assumunt. præterea & nobiles aliquot adolescentes conscij assumpti, quorum uetustate memoria abiit. Interim cum in senatu uicisset sententia quæ cenſebat reddēda bona: eamq; ipsam causam moræ in urbe haberent legati, quod spatium ad uehicula comparanda à consulibus sumpsissent, quibus regum asportarent res: omne id tēpus cum coniuratis cōsultando absumūt: euincūtq; instando, ut literæ sibi ad Tarquinius darētur. nam aliter quī credituros eos, non uana ab legatis super rebus tātis afferri? Datae literæ, ut pignus fidei esset, manifestum facinus

facinus fecerunt, nam cum pridie quàm legati ad T a r-
 quinius proficisceretur, & cœnatum forte apud Vitellios
 esset, coniuratiq; ibi remotis arbitris multa inter se de no-
 uo (ut fit) consilio egissent, sermonē eorum ex seruis unus
 excepit, qui iam antea id senserat agi: sed eam occasio-
 nem, ut literæ legatis darentur, quæ deprehensæ rem co-
 arguere possent, expectabat. postquam datas sensit, rem
 ad consules detulit. Consules ad deprehendendos legatos
 coniuratosq; profecti domo, sine tumultu rem omnem op-
 pressere. literarum in primis habita cura, ne interciderent.
 proditoribus extemplo in uincla cōiectis, de legatis pau-
 lulum addubitatum est. & quanquam uisi sunt commississe,
 ut hostium loco essent, ius tamen gentium ualuit. De bonis
 regijs quæ reddenda antè censuerant, res integra refertur
 ad patres. illi uicti ira uetuerē reddi, uetuerē in publicum
 redigi. diripienda plebi sunt data, ut contacta regia præda
 spem in perpetuum cum his pacis amitteret. ager T a r q u i-
 niorum qui inter urbem ac T y b e r i m fuit, consecratus
 Marti, Martius deinde campus fuit. Forte ibi tum seges
 farris dicitur fuisse matura messi. quem campi fructū quia
 religiosum erat consumere, desectam cum stramēto sege-
 tem magna uis hominum simul inmissa corbis fudere in
 T y b e r i m tenui fluentem aqua, ut medijs caloribus solet.
 ita in uadis hæsitantis frumenti acruos sedisse illitos limo:
 insulam inde paulatim, & alijs quæ fert temere flumen
 eodem inuectis, factam. postea credō additas moles, ma-
 nuq; adiutum, ut tam emīnens arca, firmaq; templis quoq;
 ac porticibus sustinendis esset. Direptis bonis regum, da-
 mnati proditores, sumptumq; supplicium, conspectus eo,
 quod poenæ capiendæ ministerium patri de liberis consu-
 latus imposuit: & qui spectator erat amouendus, cum
 ipsa

ipsum fortuna exactorem supplicij dedit. Stabant deligati ad palum nobilissimi iuvenes. sed à cæteris uelut ab ignotis capitibus, consulis liberi omnium in se auerterant oculos, miserebatq; non pœnæ magis homines quàm sceleris, quo pœnam meriti essent. illos eo potissimum anno patriam liberatam, patrem liberatorem, consulatum ortum ex domo Iunia, patres, plebem, quicquid decorum hominumq; Romanorum esset, induxisse in animum ut Superbo quondam regi, tum infesto exuli proderent. Consules in sedem processere suam: missiq; lictores ad sumendum supplicium, nudatos uirgis cadunt, securiq; feriunt: cum inter omne tempus pater, uultusq; et os eius, spectaculo esset, eminente animo patrio inter publicæ pœnæ ministerium. Secundum pœnam nocentium, ut in utranq; partem arcendis sceleribus exemplum nobile esset, præmium indici, pecunia ex ærario, libertas, et ciuitas data. Ille primum dicitur uindicta liberatus. quidam uindictæ quoq; nomen tractum ab illo putant: Vindicio ipsi nomen fuisse. post illum obseruatum, ut qui ita liberati essent, in ciuitatem accepti uiderentur. His sicut acta erant, nuntiatis, incensus Tarquinius non dolore solum tantæ ad irritum cadentis spei, sed etiam odio iraq; postquam dolo uiam obseptam uidit: bellum aperte moliendum ratus, circumire supplex Etruriæ urbes: orare maxime Veientes Tarquiniensesq;, ne se ortum eiusdem sanguinis extorrem, egentem ex tanto modo regno cum liberis adolescentibus ante oculos suos perire sinceret. alios peregre in regnum Romam accitos: se regem augentem bello Romanum imperium, à proximis scelerata coniuratione pulsum. eos inter se, quia nemo unus satis dignus regno uisus sit, partes regni rapuisse: bona sua diripienda populo dedisse, nequis expers sceleris esset. patriam se re-

f

gnum

gnum'que suū repetere, & persequi ingratos ciues uelle. ferrent opem, adiuuarent: suas quoq; ueteres iniurias ultū irent: toties cæsas legiones, agrum ademptum. Hæc mouerunt Veientes, ac pro se quisq; Romano saltē ducē ignominias demendas, belloq; amissa repetenda, minaciter fremunt. Tarquinienſes nomen ac cognatio mouet. pulchrū uidebatur ſuos Romæ regnare. Ita duo duarum ciuitatum exercitus ad repetendum regnum, belloq; persequendos Romanos ſecuti Tarquinium. Poſtquam in agrum Romanum uentum eſt, obuiam hoſti conſules eunt. Valerius quadrato agmine peditem ducit: Brutus ad explorandum cum equitatu anteceſſit, Eodem modo primus eques hoſtiū agminis fuit: præerat Aruns Tarquinius filius regis: rex ipſe cum legionibus ſequebatur. Aruns, ubi ex liſtoribus procul conſulem eſſe, deinde iam propius, ac certius facie quoq; Brutū cognouit: inflammatus ira, Ille eſt uir, inquit, qui nos extorres expulſit patria. ipſe en ille noſtris decoratus inſignibus magnifice incedit, diſ regum ultores adeſte. concitat calcaribus equum, atq; in ipſum inſeſtus conſulem dirigit. ſenſit in ſe iri Brutus. decorum erat tum ipſis capeſſere pugnam ducibus. auide itaque ſe certamini offert. adeoq; inſeſtis animis concurrerunt, neuter, dū hoſtem uulneraret, ſui protegendī corporis memor, ut cōtrario ictu per parmam uterq; tranſfixus, duabus hærentes haſtis moribūdi ex equis lapſi ſint. ſimul & cætera equeſtris pugna coepit. neq; ita multo poſt & pedites ſuperueniunt. Ibi uaria uictoria, & uelut æquo Marte pugnatū eſt. dextra utrinq; cornua uicere, læua ſuperata. Veientes uinci ab Romano milite aſſueti, fuſi fugatiq; ſunt. Tarquinienſis nouus hoſtis non ſtetit ſolum, ſed etiā ab ſua parte Romanum pepulit. Ita cum pugnatum eſſet, tantus terror

Tarq

Tarquinium atque Hetruscos incesſit, ut omiſſa irrita re,
nocte ambo exercitus, Vciens Tarquiniēſisq; ſuas quiſq;
abirent domos. Adijciunt miracula huic pugnae, ſilentio
proximae noctis ex ſylua Arſia ingentem editam uocem:
Syluani uocem eam creditam:hæc dicta, Vno plus Hetru=
ſcorum cecidiſſe in acie: uincere bello Romanum. Ita
certe inde abicre Romani ut uictores, Hetrufci pro uictis.
nam poſtquam illuxit, nec quiſquam hoſtium in conſpe=
ctu erat, P. Valerius c o s. ſpolia legit: triumphansq;
inde Romam redijt.collegæ funus, quanto tum potuit ap=
paratu, fecit. ſed multo maius morti decus publica fuit
mœſtitia, eo ante omnia inſignis, quia matronæ annum,
ut parentem, eum luxerunt, quòd tam acer ultor uiolatæ
pudicitiaē fuiſſet. Conſuli deinde qui ſuper fuerat, ut ſunt
mutabiles uulgi animi, ex fauore non inuidia modo, ſed
ſuſpitiſſio etiam cum atroci crimine orta. regnum eum affe=
ctare, fama ferebat: quia nec collegam ſubrogauerat in
locum Bruti, & ædificabat in ſumma Velia. ibi alto atque
munito loco arcem inexpugnabilem fore. Hæc dicta uul=
go credita, que cum indignitate angerent cōſulis animum:
uocato ad concilium populo, ſummiſſis ſcīſcibus in concio
nem aſcendit. Gratum id multitudini ſpectaculum fuit.
ſummiſſa ſibi eſſe imperij inſignia: conſeſſionem que fa=
ctam, populi quàm cōſulis maiestatem uimq; maiore eſſe.
Vbi audire iuſſi, conſul laudare fortunam collegæ, quod
liberata patria in ſummo honore pro Republica dimi=
cans, matura gloria, necdum ſc uertente in inuidiam, mor=
tem occubuiſſet. ſe ſuperſtitem gloriae ſuæ ad crimen atq;
inuidiam ſupereſſe: ex liberatore patriæ ad Aquilios Vi=
telliosq; recidiſſe. Nunquam ne ergo, inquit, ulla adeo
f 2 à nobis

à uobis spectata uirtus crit, ut suspitione uiolari nequeat? ego me illum acerrimū regum hostem, ipsum cupiditatis regni crimen subiturum timerem? ego si in ipsa arce Capi-
tolioq; habitarem, metui me credere posse à ciuibz meis? tam leui momento mea apud uos fama pendet? adeo ne est fundata leuiter fides, ut ubi sim, quàm qui sim magis refe-
rat? Non obstabunt P. Valcrij ædes libertati uestre Qui-
rites, tuta erit uobis Velia. deſtram non in planum modo ædes, sed colli etiam subiiciam: ut uos supra suspectum me ciuem habitetis. in Velia ædificent, quibus melius quàm P. Valerio creditur libertas. Delata confestim materia om-
nis infra Veliam, et ubi nunc uicus publicus est, domus in infimo cliuo ædificata. Latæ deinde leges, non solū quæ regni suspitione cōsulem absoluerent: sed quæ adeo in con-
trarium uerterent, ut popularē etiam facerent. Inde co-
gnomen factū Publicolæ est. Ante omnes de prouocatione aduersus magistratus ad populum, sacrandoque cum bonis capite eius, qui regni occupandi consilia inisset. Gratiæ in uul-
gus leges fuerunt, quas cum solus pertulisset, ut sua unius in his gratia esset: tum deinde comitia collegæ subrogando habuit. Creatus Sp. Lucretius c o s. qui magno natu, non suffi-
cientibus iam uiribus ad consularia munera obcunda, intra paucos dies moritur. Suffectus in Lucretij locum M. Horatius Pul-
uillus. Apud quosdam ueteres autores non inuenio Lucretium cōsulem. Bruto statim Horatium sug-
gerunt. credo, quia nulla gesta res insignem fecerit consu-
latum, memoria intercidisse. Nondū dedicata erat in Ca-
pitolio Iouis ædes. Valcrius Horatiusque c o s s. sortiti uter dedicaret: Horatio sorte euenit: Publicola ad Veien-
tium bellum profectus. Aegrius quàm dignum erat tulere Valcrij necessarij, dedicationem tam inclyti templi Ho-
ratio

ratio dari. id omnibus modis impedire conati, postquam alia frustra tentata erant, postem iam tenenti consuli fecerunt inter precationem deum nuntium incutiunt: mortuum eius filium esse, funestaque familia dedicare eum templum non posse. Non crediderit factum, an tantum animo roboris fuerit: nec traditur certum, nec interpretatio est facilis. nihil aliud ad eum nuntium a proposito auersus, quam ut cadauer efferrī iuberet, tenens postem, precationem peragit, et dedicat templum. Hæc post exactos reges domi militieque gesta primo anno. Inde P. Valerius iterum, T. Lucretius cōs s. facti. Iam Tarquinij ad Lartem Porsenam Clusinum regem per fugerant. ibi miscendo consilium precesque, nunc orabant, ne se oriundos ex Hetruscis, eiusdem sanguinis nominisque, egentes exulare pateretur: nunc monebant etiam, ne orientem morem pellendi reges inultum sineret. satis libertatem ipsam habere dulcedinis, nisi quanta uicinitates eam expetant, tanta regna reges defendant: æquari summa infimis, nihil excelsum, nihil quod supra cetera emineat, in ciuitatibus fore: adesse finem regnis rei inter deos hominesque pulcherrimæ. Porsena tum regem esse Romæ, tum Hetruscæ gentis regem amplum Thuscis ratus, Romam infesto exercitu uenit. Non unquam aliàs antea tantus terror senatum inuasit: adeo ualida res tunc Clusina erat, magnumque Porsenæ nomen. nec hostes modo timebant, sed suosmetipsi ciues, ne Romana plebs metu percussa, receptis in urbem regibus uel cum seruitute pacem acciperet. Multa igitur blandimenta plebi per id tempus ab senatu data. annonæ in primis habita cura, et ad frumentum comparandum missi, alij in Volscos, alij Cumas. salis quoque uendendi arbitrium, quia *impensō pretio ue-

*immensō

portorijs quoque et tributo plebe liberata, ut diuites con-
ferrent, qui oneri ferendo essent. pauperes satis stipendij
pendere, si liberos educent. Itaque hæc indulgentia pa-
trum asperis postmodum rebus in obsidione ac fame, adeo
concordem ciuitatem tenuit, ut regium nomen non summi
magis quam infimi horrerent: nec quisquam unus malis
artibus postea tam popularis esset, quam tum bene impe-
rando uniuersus senatus fuit. Cum hostes adessent, pro
se quisque in urbem ex agris demigrant: urbem ipsam se-
piunt præsidij. alia muris, alia Tyberi obiecto uideban-
tur tuta. pons Sublicius iter penè hostibus dedit: ni unus
uir fuisset, Horatius Cocles (id munimentum illo die for-
tuna urbis Romanæ habuit) qui positus forte in statione
pontis, cum captum repentino impetu Ianiculum, atque
inde citatos decurrere hostes uidisset: trepidamque turbam
suorum arma ordinesque relinquere, reprehensans singu-
los, obstitens, obtestansque deum et hominum fidem, testa-
batur, nequicquam deserto præsidio eos fugere. si transi-
tum pontem à tergo reliquissent, iam plus hostium in Pa-
latio Capitolioque, quam in Ianiculo fore. Itaque monere,
prædicere, ut pontem ferro, igni, quacunque ui possent, in-
terrumpant: se impetum hostium, quantum corpore uno
posset obstiti, excepturum. Vadit inde in primum aditu
pontis: insignisque inter conspecta cedentium pugnae ter-
ga, obuersis comunus ad ineundum prælium armis, ipso mi-
raculo audaciæ obstupescit hostes. duos tamen cum eo pu-
dor tenuit, Sp. Largium ac T. Herminium, ambos claros
genere factisque. Cum his primam periculi procellam, et
quod tumultuosissimum pugnae erat, parumper sustinuit:
deinde eos quoque ipsos exigua parte pontis relicta, re-
uocantibus qui rescindebant, cedere in tutum coëgit. Cir-
cumferens

cumferens inde minaciter truces oculos ad proceres He-
truscorum, nunc singulos prouocare, nunc increpare o-
mnes: seruitia regum superborum suæ libertatis immemo-
res alienam oppugnatum uenire. Cunctati aliquandiu
sunt, dum alius alium, ut præliū incipiant, circumspectant.
pudor deinde cōmouit aciem, & clamore sublato undiq;
in unum hostem tela coniiciunt. quæ cum in obiecto cun-
cta scuto hæssissent, neq; ille minus obstinatus ingenti pon-
tem obtineret gradu: iam impetu detrudere conabantur
uirum, cum simul fragor rupti pontis, simul clamor Ro-
manorū alacritate perfecti operis sublatus, pauore subito
impetum sustinuit. Tum Cocles, Tyberine pater, inquit,
te sancte precor, hæc arma & hunc militem propitio flui-
mine accipias. ita sic armatus in Tyberim desiluit, nul-
tisq; superincidentibus telis, incolumis ad suos tranauit:
rem ausus plus famæ habituram ad posteros quàm fidei.
Grata erga tantam uirtutem ciuitas fuit. statua in comitio
posita, agri quantum uno die circūarauit, datum. priuata
quoq; inter publicos honores studia eminebāt. nam in ma-
gna inopia pro domesticis copijs unusquisq; ei aliquid,
fraudans se ipse uictu suo, contulit. Porsena primo cona-
tu repulsus, consilijs ab oppugnanda urbe ad obsidendam
uersis, præsidio in Ianiculo locato, ipse in plano ripisq;
Tyberis castra posuit: nauibus undiq; accitis & ad custo-
diam, nequid Romam frumēti subuehi sineret: & ut præ-
datum milites trans flumen per occasiones alijs atq; alijs
locis traiceret. breuiq; adeo infestum omnem Romanum
agrum reddidit, ut non cætera solum ex agris, sed pecus
quoq; omne in urbem compelleretur: neq; quisquā extra
portas propellere auderet. Hoc tantum licentiæ Hetru-
scis non metu magis quàm consilio concessum. namque

Valerius consul intentus in occasionem multos simul & effusos improuiso adoriundi, in paruis rebus negligēs ultor grauem se ad maiora uindicem seruabat. itaq; ut eliceret prædadores, edicit suis, postero die frequentes porta Esquilina, quæ auersissima ab hoste erat, expellerēt pecus: scituros id hostes ratus, quòd in obsidione & fame seruitia infida trās fugerēt. Et sciare per fugæ indicio: multoq; plures, ut in spem uniuerse prædæ, flumē traijiunt. P. Valerius inde T. Herminiū cum modicis copijs ad secundum lapidem Gabina uia occultum considerare iubet: Sp. Largiū cum expedita iuuentute ad portam Collinam stare, donec hostis prætereat. deinde se obijcere, ne sit ad flumen reditus. consulum alter T. Lucretius porta Næuia cū aliquot manipulis militum egressus: ipse Valerius Cælio mōte cohortes delectas educit. hī quæ primi apparuere hosti. Herminius ubi tumultum sensit, concurrit ex insidijs: uersis q; in Lucretium Hetruscis terga cedit. dextra leuaq; hinc à porta Collina, illinc ab Næuia redditus clamor. ita cæsi in medio prædadores, neq; ad pugnam uiribus pares, & ad fugam septis omnibus uijs, finisq; ille tam effuse uagandi Hetruscis fuit. Obsidio erat nihilo minus, & frumenti cū summa caritate inopia: sedendoq; expugnaturum se urbē, spem Porfena habebat. cum C. Mutius adolescens nobilis, cui indignum uidebatur, populum Romanum seruientē, cum sub regibus esset, nullo bello, nec ab hostibus ullis obseßum esse: liberum eundem populum ab ijsdem Hetruscis obsideri, quorū sæpe exercitus fuderit: itaque magno audaci quæ aliquo facinore eam indignitatem uindicandam ratus, primo sua sponte penetrare in hostium castra constituit: dein metuens ne si consulum iniussu, & ignaris omnibus iret, forte deprehensus à custodibus

Romanis

Romanis retraheretur ut transfuga, fortuna tum urbis cri-
men affirmante, senatū adiit. Transire Tyberim, inquit,
patres, & intrare, si possim, castra hostiū uolo, non præ-
do, nec populationū inuicem ultor. maius, si dii iuuant, in
animo est facinus. Approbant patres. abdito intra uestem
ferro proficiscitur: ubi eò uenit, in cōfertiſſima turba pro-
pe regium tribunal constitit. ibi cū stipendium fortè mili-
tibus daretur, & scriba cum rege sedens pari fere ornatu
multa ageret, eumq; milites uulgo adirēt: timens sciscitari
uter Porsena esset, ne ignorādo regem semetipſe aperiret
quis esset: quò temere traxit fortuna facinus, scribam pro
rege obtrūcat. uadentē inde quā per trepidā turbam cru-
ento mucrone sibi ipse fecerat uiam, cū concursu ad cla-
morē factō cōprehensum regij satellites retraxissent ante
tribunal regis: destitutus tū quoq; inter tātas fortune mi-
nas, metuendus magis quā metuens, Romanus sum, in-
quit, ciuis: C. Mutium uocāt. hostis hostē occidere uolui.
nec ad mortem minus animi est, quā ad cādem fuit. & fa-
cere & pati fortia, Romanum est. nec unus in te ego hos
animos gessi: longus post me ordo est idem petentiū decus:
proinde in hoc discriminē, si iuuat, accingere: ut in singulas
horas capite dimices tuo: ferrū hostemq; in uestibulo ha-
beas regiæ. hoc tibi iuuentus Romana indicimus bellum.
nullā aciem, nullum prælium timueris. uni tibi, & cū sin-
gulis res erit. Cū rex simul ira insensus periculoq; cōter-
ritus, circumdari ignes minitabundus iuberet, nisi expro-
meret propere, quas insidiarum sibi minas per ambages
iaceret: En tibi, inquit, ut sentias quā uile corpus sit ijs
qui magnam gloriam petunt. dextramq; accenso ad sa-
crificium foculo iniicit. quam cum uelut alienato ab sensu
torreret animo, propè attonitus miraculo rex, cū ab sede

sua profiluisset, amoueriq; ab altaribus iuuenem iussisset, Tu uerò abi, inquit, in te magis q̄ in me hostilia ausus. iuberē mactē uirtute esse, si pro mea patria ista uirtus staret. nunc iure belli liberum te, intactū inuiolatumq; hinc dimitto. Tum Mutius quasi remunerās meritum, Quandoquidē, inquit, est apud te uirtuti honos, ut beneficio tuleris à me, quod minus nequisti: trecēti coniurauimus principes iuuentutis Romanæ, ut in te hac uia grassaremur. mea prima sors fuit. ceteri, ut cunq; ceciderit primū, quoad te oportunum fortuna dederit, suo quisq; tempore aderunt. Mutium dimissum, cui postea Sceuolæ à clade dextræ manus cognomentū inditum, legati à Porsena Romā secuti sunt. adeo mouerat cum & primū periculi casus, quo nihil se præter errorē insidiatoris texisset: & subeunda dimicatio toties quot coniurati superessent, ut pacis cōditiones ultro ferret Romanis. lactatum in conditionibus nequicquam de Tarquinijs in regnum restituēdis, magis quia id negare ipse nequiuerat Tarquinijs, quàm q̄ negatū iri sibi ab Romanis ignoraret. de agro Veientibus restituendo impetratū: expressaq; necessitas obsides dandi Romanis, si Ianiculo præsidium deduci uellēt. His conditionibus composita pace, exercitum ab Ianiculo deduxit Porsena, et agro Romano excessit. Patres C. Mutio uirtutis causa trans Tyberim agrū dono dedere, quæ postea sunt Mutia prata appellata. Ergo ita honorata uirtute, fœminæ quoq; ad publica decora excitatæ. Clælia uirgo, una ex obsidibus, cum castra Hetruscorum fortè haud procul ripa Tyberis locata essent: frustrata custodes, dux agminis uirginum inter tela hostium Tyberim tranauit: sospitesq; omnes Romam ad propinquos restituit. Quod ubi regi nunciatum est, primo incensus ira oratores

VIII

...

tores Romam misit ad Cloeliam obsidem deposcendam, alias haud magni facere. deinde in admirationem uersus supra Coclites Mutiosq; dicere id facinus esse: & præ se ferre, quemadmodum, si non dedatur obses, pro rupto se foedus habiturum: sic dedit, intactam inuiolatamq; ad suos remissurum. Vtrinq; constitit fides: & Romani pignus pacis ex foedere restituerunt: & apud regem Hetruscum non tuta solum, sed honorata etiam uirtus fuit. laudatamq; uirginem parte obsidum se donare dixit: ipsa quos uellet, legeret. productis omnibus elegisse impubes dicitur: quod & uirginitati decorum, & consensu obsidum ipsorum probabile erat: eam etatem potissimum liberari ab hoste, quæ maxime opportuna iniuriæ esset. Pace redintegrata Romani nouam infœmina uirtutem nouo genere honoris, statua equestri donauere. in summa Sacra uia fuit posita uirgo insidens equo. Huic tam pacatæ profectiōi ab urbe regis Hetrusci abhorrens mos traditus ab antiquis usque ad nostram etatem inter cetera solennia manet: bonis uendendis bona Porsenæ regis uendendi. cuius originem moris necesse est aut inter bellum natam esse, neque omisam in pace: aut à mitiore creuisse principio, quam hic præ se ferat titulus, bona hostiliter uendendi. proximū uerò est ex ijs quæ traduntur: Porsenam discedentē ab Ianiculo castra opulenta conuecto ex propinquis ac fertilibus Hetruriæ aruis com meatu, Romanis dono dedisse: inopitum urbe ab longinqua obsidione. ea deinde, ne populo immisso diriperentur hostiliter, uenisse bona: quæ Porsenæ appellata, gratiam muneris magis significante titulo, quam auctionem fortunæ regiæ, quæ ne in potestate quidem populi Romani esset. Omisso Romano bello Porsena, ne frustra in ea loca exercitus adductus uideretur, cum parte copiarum filium Aruntem

Aruntem Ariciam oppugnatū mittit. Primo Aricinos res
 nec opinata perculerat. accersita deinde auxilia & à La
 tinis populis, & à Cumis tantū spei fecere, ut acie decere
 nere auderent. Prælio inito adeo concitato impetu se intus
 lerāt Hetrusci, ut funderēt ipso incurſu Aricinos. Cum a
 næ cohortes arte aduerſus uim uſæ, declinauere paululū:
 effuſe q̃; prælatos hoſtes cōuerſis ſignis ab tergo adortæ
 ſunt. Ita in medio propè iam uictōres caſi Hetrusci: pars
 per exigua duce amiſſo, quia nullum propius perſugium
 erat, Romam inermes & fortuna & ſpecie ſupplicum de
 lati ſunt. ibi benigne excepti, diuiſi q̃; in hoſpitia. Curatis
 uulneribus alij proſecti domos, nuncij hoſpitalium benefi
 ciorum: multos Romæ hoſpitem urbis q̃; charitas tenuit.
 his locus ad habitandum datus, quem deinde Thuſcum ui
 cum appellarunt. P. Lucretius inde & P. Valerius Publi
 cola tertium conſules facti. Eo anno poſtremum legati à
 Porſena de reducendo in regnum Tarquinio uenerunt.
 quibus cum reſponſum eſſet, miſſurum ad regem ſenatum
 legatos: miſi cōjeſtim honoratiſſimus quiſq̃; ex patribus.
 non quin breuiter reddi reſponſum potuerit, non recipi
 reges: ideo potius delectos patrū ad eū miſſos, q̃ legatis
 eius Romæ daretur reſponſum: ſed ut in perpetuū mentio
 eius rei finiretur, neu in tantis mutuis beneficijs inuicē
 animi ſolicitarētur: cū ille peteret qd' cōtra libertatē pop.
 Rō. eſſet, Romani niſi in pernitiē ſuā faciles eſſe uellent,
 negarent, cui nihil negatū uellent. Non in bello populū
 Rom. ſed in libertate eſſe. ita induxiſſe in animū: hoſtibus
 potius quàm regibus portas patefacere. eā eſſe uoluntatē
 omniū, ut qui libertati erit in illa urbe ſinis, idem urbi ſit.
 proinde ſi ſaluam eſſe uellet Romam, ut patiatuſ liberam
 eſſe, orare. Rex uerecūdia uictus, Quādo id certum atq̃;
 obſtina

obstinatum est, inquit, neq; ego obtundam, sæpius eadem nequicquam agendo, nec Tarquinius spe auxilij, quod nullū in me est, frustrabor. alium hinc, seu bello opus est, seu quiete, exilio quærant locū, nequid meā uobiscum pacem distineat. Dictis facta amiciora adiecit. obsidū quod reliquū erat, reddidit. agrum Veientē, fœdere ad Ianiculum icto ademptum, restituit. Tarquinius spe omni reditus incisa, exulatū ad generū Mamulium Octauium Tusculum abiit. Romanis pax fida ita cū Porfena fuit. Consules deinde M. Valerius, P. Posthumius. Eo anno bene pugnatum cum Sabinis, consules triumpharunt. Maiore inde mole Sabini bellum parabāt aduersus eos. & nequid simul ab Tusculo, unde etsi non apertū, suspectum tamen bellum erat, repentini periculi oriretur, P. Valerius quartum, T. Lucretius iterū consules facti. Seditio inter belli pacisq; autores orta in Sabinis, aliquantum inde uirium trāstulit ad Romanos. nanq; Ap. Clausus, cui postea Ap. Claudio fuit Romæ cognomen, cū pacis ipse autor à turbatoribus belli premeretur, nec par factioni esset, ab Regillo magna clientium comitatus manu, Romā trans fugit. His ciuitas data, agerq; trans Anienē, uetus Claudia tribus, additis postea nouis tribulibus, qui ex eo uenirent agro, appellata. Appius inter patres lectus haud ita multo post in principum dignationē peruenit. Consules infesto exercitu in agrum Sabinū profecti, cū ita uastatione, deinde prælio afflixissent opes hostiū, ut diu nihil inde rebellionis timere possent, triumphantes Romam redierunt. P. Valerius omnium consensu princeps belli pacisq; artibus, anno post, Agrippa Menenio, P. Posthumio c o s s. moritur, gloria ingenti, copijs familiaribus adeo exiguis, ut funeri sumptus deesset. de publico est elatus. Luxere ma
tronæ

trona, ut Brutū. Eodē anno duæ coloniæ Latinæ, Pometia & Cora ad Auruncos deficiūt. cū Auruncis bellū initum. fusoq; ingēti exercitu, qui se ingrediētibus fines consulibus ferociter obtulerat: omne Auruncum bellum Pometiam compulsum est. Nec magis post prælium, quàm in prælio cædibus temperatum est. & cæsi aliquanto plures erant quàm capti. & captos passim trucidauerunt. ne ab obsidibus quidem, qui c c c. accepti numero erant, ira belli abstinuit. Et hoc anno Romæ triumphatum. Secuti consules Opiter Virginius, Sp. Cassius Pometiam primò ui, deinde uineis alijsq; operibus oppugnaverunt. in quos Aurūci magis iam inexpiabili odio, q̄ s̄pe aliqua, aut occasione coorti, cum plures igni quàm ferro armati excurrissent, cæde incendioq; cuncta complent: uineis incensis, multis hostium uulneratis & occisis, consulum quoque alterum (sed uerum nomen autores non adiiciunt) graui uulnere ex equo deiectum propè interfecerunt. Romam inde male gesta re reditum. inter multos saucios consul s̄pe incerta uitæ relictus, interiecto deinde haud magno s̄patio, quod uulneribus curandis supplendoq; exercitui satis esset: tum ira maiore belli, tum uiribus etiam auctis Pometiæ armā illata. & cum uineis resectis, aliq; mole belli, iā in eo esset, ut in muros euaderet miles, deditio est facta. cæterum nihilo minus fœde dedita urbe quàm si capta foret, Aurūci passim principes securi percussi, sub corona uenierūt coloni alij: oppidum dirutum, ager uenijt. Consules magis ob iras grauius ultas, quàm ob magnitudinem perfecti belli triumpharunt. Insequens annus Posthumium Cominium, & T. Largium c o s s. habuit. Eo anno Romæ cum per ludos ab Sabinorum iuuentute per lasciuiam scorta raperentur, concursu hominum

num

num rixa ac propè prælium fuit: paruaq; ex re ad rebellionem spectare res uidebatur. Supra belli Latini metum id quoque accesserat, quòd triginta iam coniurasse populos concitante Octauio Mamulio, satis constabat. In hac tantarum expectatione rerum sollicita ciuitate, dictatoris primū creandi mentio orta. sed nec quo anno, nec quibus consulibus, quia ex factione Tarquinia essent (id quoq; enim traditur) parum creditū sit: nec quis primū dictator creatus sit, satis constat. apud ueterrimos tamen autores T. Largium dictatorem primum, Sp. Cassium magistrum equitum, creatos inuenio. consulares legere. ita lex iuebat, de dictatore creando lata. eo magis adducor ut credam Largium, qui consularis erat, potius quàm M. Valerium, Marci filium, Volesi nepotem, qui nondum consul fuerat, moderatorem & magistrum consulibus appositū. qui si maxime ex ea familia legi dictatorem uellent, patrē multo potius M. Valerium spectatæ uirtutis & consularum uirum legissent. Creato dictatore primum Romæ, postquam præferri secures uiderunt, magnus plebem metus incescit, ut intentiores essent ad dicto parendum. neq; enim ut in consulibus, qui pari potestate essent, alterius auxilium, neq; prouocatio erat: neq; ullum usquam, nisi in cura parendi auxilium. Sabinis etiam creatus Romæ dictator eo magis, quòd propter se creatum crediderant, metum incussit. Itaque legatos de pace mittunt. quibus orantibus dictatorem senatumque, ut ueniam erroris hominibus adolescentibus darent: responsum, ignosci adolescentibus posse, senibus non posse, qui bella ex belis sererent. actum tamen est de pace, impetrataq; foret, si quod impensæ factum in bellum erat, præstare Sabini (id enim postulatum erat) in animum induxissent. bellum
indictum

indictum. tacitè induciæ quietum annum tenuere. Consul
 les Seruius Sulpitius, M. Manlius Tullus, nihil dignū me-
 moria actum. T. Ebutius deinde & C. Vetusius. His con-
 sulibus Fidenæ obsessæ, Crustumeria capta, Præneste ab
 Latinis ad Romanos desciuit. nec ultra bellum Latinum
 gliscens iam per aliquot annos dilatum. A. Posthumius
 dictator, T. Ebutius magister equitum magnis copijs pe-
 ditum equitumq; profecti ad lacū Regillum in agro Tu-
 sculano agmini hostium occurrerūt. & quia Tarquinius
 esse in exercitu Latinorum auditum est, sustineri ira non
 potuit, quin exemplo confligerent. ergo etiam prælium
 aliquāto quā cætera grauius atq; atrocius fuit. nō enim
 duces ad regendā modo consilio rem affuere, sed suis met-
 ipsis corporibus dimicantes miscuere certamina. nec quis-
 quam procerum ferme hac aut illa ex acie sine uulnere,
 præter dictatorem Romanum, excessit. In Posthumium
 prima in acie suos adhortantem instruētēq; Tarquinius
 Superbus, quanquam iam ætate & uiribus erat grauior,
 equū infestus admisit, iectusq; ab latere cōcursu suorū rece-
 ptus in tutum est. Et ad alterum cornu Ebutius magister
 equitū in Octauīū Mamiliū impetū dederat. nec sefellit
 ueniens Tusculanum ducem: contra quem & ille concitat
 equum. tantaq; uis infestis uenientium hastis fuit, ut bra-
 chium Ebutio traiectum sit, Mamilio pectus percussū.
 hunc quidem in secundam aciem Latini recepere: Ebutius
 cum saucio brachio tenere telum non posset, pugna ex-
 cessit. Latinus dux nihil deterritus uulnere, prælium
 ciet. & quia suos perculos uidebat, accersit cohortem
 exulum Romanorum, cui L. Tarquiniij filius præerat.
 ea quo maiore pugnabat ira ob erepta bona, patriamq;
 ademptam, pugnam parumper restituit. Reserentibus
 iam

tam pedem ab ea parte Romanis, M. Valerius Publicolæ frater conspicatus ferocem iuuenem Tarquinium ostentantem se in prima exulum acie, domestica etiam gloria accensus, ut cuius familiæ decus eiekti reges erant, eiusdem interfecti forent: subdit calcaria equo, & Tarquinium infesto spiculo petit. Tarquinius retro in agmen suorum insenso cessit hosti. Valerium temere inuectum in exulum aciem ex transuerso quidam adortus transfigit: nec quicquam equitis uulnere equo retardato, moribundus Romanus labentibus super corpus armis ad terram defluxit. Dictator Posthumius postquam cecidisse talem uirum, exules ferociter citato agmine inuehi, suos percussos cedere animaduertit: cohorti suæ quam delecta manu præsidij causa circa se habebat, dat signum, ut quem suorum fugientem uiderint, pro hoste habeant. ita metu ancipiti uersi à fuga Romani in hostem, & restituta acies. Cohors dictatoris tum primum prælium iniit, integris corporibus animisq; fessos adorti exules cædunt. Ibi alia inter procures coorta pugna. imperator Latinus ubi cohortem exulum à dictatore Romano propè circumuentam uidit, ex subsidiarijs manipulos aliquot in primâ aciem secum rapit. hos agmine uenientes T. Herminius legatus conspicatus, interq; eos insignem ueste armisq; Mamilium noscitans, tanto ui maiore, quàm paulo antè magister equitum cum hostium duce prælium iniit, ut & uno ictu transfixum per latus occiderit Mamilium: & ipse inter spoliandum corpus hostis ueruto percussus, cum uictor in castra esset relatus, inter primam curationem expirauit. Tum ad equites dictator aduolat, obtestans, ut fesso iam pedite descendant ex equis, & pugnam capeffant. dicto paruer: desiliunt ex equis, prouolant in primum; & pro an-

tesignanis parmas obijciunt. recipit extemplo animum pedestris acies, postquam iuuentutis proceres equato genere pugnae secum partem periculi sustinentes uidit. tum demum impulsit Latini, perculsaq; inclinauit acies. equitibus admoti equi, ut persequi hostem possent. secuta & pedestris acies. Ibi nihil nec diuinæ, nec humanæ opis dictator prætermittens ædem Castori uouisse fertur: ac pronuntiassse militi præmia, qui primus, qui secundus castra hostium intrasset. tantusq; ardor fuit, ut eodē impetu quofuderant hostem, Romani castra caperent. Hoc modo ad lacum Regillum pugnatū est. Dictator & magister equitum triumphantes in urbem rediere. Triennio deinde nec certa pax, nec bellū fuit. Cōsules Q. Clælius & T. Lartius. Inde A. Sempronius & M. Minutius. his consulibus ædes Saturno dedicata: Saturnalia institutus festus dies. A. deinde Posthumius & T. Virginius c o s s. facti. Hoc demum anno ad Regillum lacum pugnatum apud quosdam inuenio. A. Posthumium, quia collega dubie fidei fuerit, se consulatu abdicasse, dictatorem inde factum. Tanti errores implicant temporum, aliter apud alios ordinatis magistratibus, ut nec qui consules secundū quosdam, nec quid quoq; anno actum sit, in tanta uetustate non rerum modo, sed etiam autorum digerere possis. Ap. Claudius deinde & P. Seruilius consules facti. Insignis hic annus est nuntio Tarquinij mortis. Mortuus est Cumis, quò se post fractas opes Latinorum ad Aristodemum tyrannū contulcrat. Eo nuntio erecti patres, erecta plebs. sed patribus nimis luxuriosa ea fuit letitia. plebi, cui ad eam diem summa ope inseruitum erat, iniuria à primoribus fieri cœpere. Eodem anno Signia colonia, quam rex Tarquinius deduxerat, suppleto numero colonorum

norum iterum deducta est. Romæ tribus una & x x x. factæ. Aedes Mercurij dedicata est idibus Maijs. Cum Volscorum gente Latino bello neq; pax, neq; bellum fuerat. nam & Volsci comparauerant auxilia quæ mitterent Latinis, ni maturatum ab dictatore Romano esset: & maturauit Romanus, ne prælio uno cum Latino Volscosq; contenderet. Hac ira consules in Volscum agrum legiones duxere. Volscos consilij pænam non metuentes nec opinata res percudit. armorum immemores obsides dant CCC. principum à Cora atq; Pometia liberos. ita sine certamine inde abductæ legiones. Nec ita multo post Volscis leuatæ metu suum redijt ingenium. rursus occultum parant bellum, Hernicis in societatem armorum assumptis. legatos quoq; ad sollicitandum Latium passim dimittunt. sed recens ad Regillum lacum accepta clades Latinos ira odioq; eius, quicumq; arma suaderet, ne ab legatis quidem uiolandis abstinuit. comprehensos Volscos Romanos duxere. ibi traditi consulibus, indicatumq; est, Volscos Hernicosq; parare bellum Romanis. Relatare ad senatum, adeo fuit gratum patribus, ut & captiuorum sex millia Latinis remitterent, & de fœdere, quod propè in perpetuum negatum fuerat, rem ad nouos magistratus reijcerent. Enim uero tum Latini gaudere facto, pacis autores in ingenti gloria esse. coronam auream Ioui donum in Capitolium mittunt. cum legatis, donoq;, qui captiuorum remissi ad suos fuerant, magna circumfusa multitudo uenit. pergunt domos eorum, apud quem quisq; seruierant. gratias agunt liberaliter habiti, cultiq; in calamitate sua, inde hospitia iungunt. Nunquam aliàs antè publice priuatimq; Latinum nomen Romano imperio coniunctius fuit. Sed & bellum Volscum immincebat, & ciuitas secum ipsa discors intesti-

xiv

no inter patres plebemq; flagrabat odio, maxime propter nexos ob æs alienum. Fremebant, se foris pro libertate & imperio dimicantes, domi à ciuibus captos & oppressos esse: tutioremq; in bello, quàm in pace, inter hostes, quàm inter ciues libertatem plebis esse. inuidiamq; eam sua sponte gliscentem insignis unius calamitas accendit. Magno natu quidam cum omnium maiorum suorum insignibus se in forum proiecit. obsita erat squalore uestis, scædior corporis habitus pallore ac macie perempti. ad hoc promissa barba & capilli efferauerant speciem oris. noscitabatur tamen in tanta deformitate, & ordines duxisse aiebant, aliaq; militiæ decora uulgo miserantes cum iactabant. ipse testes honestarum aliquot locis pugnarum cicatrices aduerso pectore ostentabat. Sciscitantibus unde ille habitus? unde deformitas? cum circumfusa turba esset propè in concionis modum: Sabino bello ait se militantem, quia propter populationes agri non fructu modo caruerit, sed uilla incensa fuerit, direpta omnia, pecora abacta, tributum iniquo suo tempore imperatum, æs alienum fecisse. id cumulatū usuris primo se agro paterno auitoq; exuisse, deinde fortunis alijs, postremo uelut tabem peruenisse ad corpus. ductum se ab creditore non in seruitium, sed in ergastulum & carnificinam esse. inde ostentare tergum scædum recentibus uestigijs uerberum. Ad hæc uisa auditaq; clamor ingens oritur. non iam foro se tumultus continet, sed passim totam urbem peruadit. nexu uincti, solutiq; se undiq; in publicum proripiunt, implorant Quiritium fidem. nullo loco deest seditionis uoluntarius comes. multis passim agminibus per omnes uias cum clamore in forum curritur. Magno cum periculo suo, qui forte patrum in foro erant, in eam turbam inciderunt. nec
tempe

temperatum manibus foret, ni propere consules P. Serui-
lius, & Ap. Claudius ad comprimendam seditionem in-
teruenissent. At in eos multitudo uersa ostentare uincula
sua, deformitatemq; aliam. hæc se meritos dicere, expro-
brantes suam quisq; alius alibi militiam. postulare muna-
citer magis, quàm suppliciter, ut senatum uocarent. curi-
amq; ipsi futuri arbitri, moderatoresq; publici consilij
circumsistunt. Pauci admodum patrum, quos casus obtu-
lerat, contracti ad consules: cæteros metus non curia mo-
do, sed etiam foro arcebat. nec agi quicquam per infre-
quentiam poterat senatus. Tum uero eludi atq; extrahi
se multitudo putare, & patrum qui abessent, non casu, nō
metu, sed impediendæ rei causa abesse, & consules ipsos
tergiuersari: nec dubie ludibrio esse miseras suas. Iā pro-
pè erat, ut ne consulum quidem maiestas coerceret iras ho-
minum, cum incerti morando, an ueniendo plus periculi
contraherent, tandem in senatū ueniunt. frequentiq; tan-
dem curia non modo inter patres, sed ne inter consules
quidem ipsos satis conueniebat. Appius uehementis inge-
nij uir, imperio consulari rem agendam censebat: uno aut
altero arrepto, quieturos alios. Seruilius lenibus remedijs
aptior, concitatos animos flecti, quàm frāgi putabat cum
tutius, tum facilius esse. Inter hæc maior alius terror. La-
tini equites cum tumultuoso aduolant nuntio: Volscos
in festo exercitu ad urbem oppugnandam uenire. quæ au-
dita (adeo duas ex una ciuitate discordia fecerat) longe
aliter patres ac plebem affecere. exultare gaudio plebes,
ultores superbiæ patrum adesse dicere deos. alius alium
confirmare ne nomina darent: cum omnibus potius, quàm
solos perituros. patres militarent, patres arma caperēt, ut
penes eosdem pericula belli, penes quos præmia essent. At

xv

uero curia mœsta ac trepida ancipiti metu, & ab ciue, & ab hoste, Seruiliū consulem, cui ingenium magis populare erat, orare, ut tantis circumuentam terroribus expediret rempublicam. Tum consul misso senatu in concionem prodit. ibi curæ esse patribus ostendit, ut consulatur plebi. cæterum deliberationi de maxima quidem illa, sed tamen parte ciuitatis, metum pro uniuersa republica interuenisse. nec posse, cum hostes propè ad portas essent, bello præuertisse quicquam: nec, si sit laxamenti aliquid, aut plebi honestum esse, nisi mercede prius accepta, arma pro patria non cepisse: neq; patribus satis decorum, per metum potius, quam postmodum uoluntate, afflictis ciuium suorum fortunis consuluisse. Concioni deinde edicto addidit fidem. quo edixit, ne quis ciuem Romanum uinctū aut clausum teneret, quo minus ei nominis edendi apud consules potestas fieret: ne quis militis, donec in castris esset, bona possideret, aut uenderet: liberos, nepotes uel eius moraretur. Hoc proposito edicto, & qui aderant nexi, profiteri extemplo nomina: & undiq; ex tota urbe propientium se ex priuato, cum retinendi ius creditori non esset, concursus in forum, ut sacramēto dicerent, fieri. magna ea manus fuit: neq; aliorum magis in Volscō bello uirtus, atq; opera enituit. Consul copias contra hostem educit, paruo dirimente iutervallo castra ponit. proxima inde nocte Volsci discordia Romana freti, si qua nocturna trāsitus proditio uel fieri possit, tentant castra. sensere uigiles: excitatus exercitus: signo dato concursus est ad arma. ita frustra id inceptum Volscis fuit. reliquum noctis utrinque quieti datum. postero die prima luce Volsci fossis repletis uallum inuadunt. Iamq; ab omni parte munimenta uellantur, cum consul, quanquā cuncti undiq; & nexi ante

omnes

omnes ut signum daret, clamabant, experiendi animos militum causa parumper moratus, postquam satis apparebat ingens ardor, dato tandem ad erumpendum signo, militem audum certaminis emittit. primo statim incursum pulsi hostes: fugientibus quoad insequi pedes potuit, terga cessa. eques usque ad castra pauidos egit. mox ipsa castra legionibus circumdatis, cum Volscos inde etiam paucos expulisset, capta, direptaque. Postero die ad Sueffam Pometiam, quò confugerant hostes, legionibus ductis, intra paucos dies oppidum capitur: captum praeda datum. inde paulum recreatus egens miles. Consul cum maxima gloria suam victorem exercitum Romam reducit. decedentem Romam Ectranorum Volscorum legati rebus suis timentes post Pometiam captam, adeunt. His ex senatus consulto data pax, ager ademptus. Confestim et Sabini Romanos terreatuere. tumultus enim fuit uerius, quam bellum. Nocte in urbem nuntiatum est, exercitum Sabinum praedabundum ad Anienem amnem peruenisse: ibi passim diripi, atque incendi uillas. Missus extemplo eo cum omnibus copiis equitum A. Posthumius, qui dictator bello Latino fuerat. secutus consul Seruilius cum delecta peditum manu. plebsque palantes eques circumuenit. nec aduenienti peditum agmini restitit Sabina legio. fessum tum itinere, tum populatione nocturna, magna pars in uillis repleti cibo uinoque, uix fugae quod satis esset uirium habuere. Nocte una audito, perfectoque bello Sabino, postero die in magnam spe undique partae pacis legati Aurunci senatum ad-eunt, ni decedatur Volscis agro, bellum indicentes. cum legatis simul exercitus Auruncorum domo profectus erat. cuius fama haud procul iam ab Aricia uisi tanto tumultu conciuuit Romanos, ut nec consuli ordine patres, nec

pacatum responsum arma inferentibus arma ipsi capientes dare possent. Ariciam infesto agmine itur: nec procul inde cum Auruncis signa collata: prælioq; uno debellatum est. Fufis Auruncis victor tot intra paucos dies bellis Romanus promissa consulis, fidemq; senatus expectabat: cum Appius & insita superbia animo, & ut collega uanum faceret fidem, quàm asperrime poterat, ius de creditis pecunijs dicere. deinceps & qui antè nexi fuerant, creditoribus tradebantur, & neclebantur alij. Quod ubi cui militi inciderat, collegam appellabat, cōkursus ad Seruilium fiebat: illius promissa iactabāt, illi exprobrabāt sua quisq; belli merita, cicatricesq; acceptas: postulabant, ut aut referret ad senatum, aut ut auxilio esset consul ciuibus suis, imperator militibus. Mouebant consulem hæc, sed tergiversari res cogebat. adeo in alteram causam non collega solum præceps ierat, sed omnis factio nobiliū. ita medium se gerendo, nec plebis uitauit odium, nec apud patres gratiam iniit. Patres mollem consulem & ambitiosum rati, plebs fallacem. breuiq; apparuit, æquasse cum Appij odiū. Certamen consulibus inciderat, uter dedicaret Mercurij ædem. senatus à se rem ad populum reiecit. utri eorum dedicatio iussu populi data esset, eum præesse annonæ, mercatorum collegium instituere, solennia pro pontifice iussit suscipere. populus dedicationem ædis dat M. Lectorio primipili cēturioni: quod facile apparet nō tam ad honorē eius, cui curatio altior fastigio suo data esset, factū, quàm ad consulū ignominiā. Sæuire inde utiq; consulū alter patresq; sed plebi creuerāt animi, & longe alia quàm primo instituerant, uia grassabantur. desperato enim consulū senatusq; auxilio, cum in ius duci debitore uidisset, undiq; cōuolabant: neq; decretū exaudiri cōsulis præ sirepitu & clamore

clamore poterat: neq; cum decreuisset, quisquā obtēpera-
bat. ui agebatur, metusq; omnis et periculū libertatis, cum
in cōspectu cōsulū singuli à pluribus uiolarētur, in credi-
tores à debitoribus uerterant. Super hæc timor incessit Sa-
bini belli. delectuq; decreto, nemo nomē dedit, furēte Ap-
pio, & insectante ambitionē collegæ: qui populari silētio
republicam proderet, & ad id, quod de credita pecunia
ius non dixisset, adijceret, ut ne delectum quidem ex sena-
tus cōsulto haberet. non esse tamen desertam omnino rem-
publicam, neq; proiectum cōsulare imperium. se unum &
sue & patrum maiestatis uindicem fore. Cum circumsta-
ret quotidiana multitudo licētia accensa, arripi unum in-
signem ducem seditionum iussit. ille, cum à lictoribus iam
traheretur, prouocauit, nec cessisset prouocationi consul,
quia non dubiū erat populi iudicium, nisi ægre uicta per-
tinacia foret cōsilio magis & autoritate principū, quàm
populi clamore. adeo supererāt animi ad sustinendam in-
uidiam. Crescere inde malum in dies non clamoribus mo-
do apertis, sed, quod multo perniciosius erat, secessione,
occultisq; colloquijs. Tandem inuisi plebi consules magi-
stratu abeūt: Seruilius neutris, Appius patribus mire gra-
tus. A. Virginius inde, & T. Vetusius consulatum ineunt.
Tum uero plebs incerta quales habitura cōsules esset, cœ-
tus nocturnos pars in Esquilij, pars in Auentino facere,
ne in foro subitis trepidaret consilijs, & omnia temere ac
fortuito ageret. Eam rem consules rati, ut erat, pernicio-
sam, ad patres referunt: sed delatam consulere ordine non
licuit. adeo tumultuose excepta est clamoribus undiq; &
indignatione patrum. si quod imperio consulari exequen-
dum esset, inuidiam eius consules ad senatum reijcerent.
profecto si essent in repub. magistratus, nullum futurum
8 3 fuisse

fuisse Romæ nisi publicum cōcilium. nunc in mille curias, concionesq; cum alia in Esquilis, alia in Auentino fiant concilia, dispersam & dissipatam esse rempub. unum Hercule uirum (id enim plus esse, quàm consulem) qualis Ap. Claudius fuerit, momento temporis discussurum illos cœtus fuisse. Correpti consules cum quid erga se facere uellēt (nihil enim segnius molliusue, quàm patribus placeat, æturos) percunctarentur: decernunt, ut delectū quamacerimum habeant. ocio lasciuiare plebem. Dimissos enatu consules in tribunal ascendūt, citant nominatim iuniores. cum ad nomen nemo responderet, circumfusa multitudo in concionis modum, negare ultrà decipi plebem posse. nunquā unum militē habituros, ni præstaretur fides publica. libertatem unicuiq; prius reddendam esse, quàm arma danda, ut pro patria ciuibusq; non pro dominis pugnent. Consules quid mandatum esset à senatu, uidebāt: sed eorum, qui intra parietes curiæ ferociter loquerentur, neminem adesse inuidiæ suæ participem. & apparebat atrox cum plebe certamen. prius itaq; quàm ultima experirentur, senatum iterum consulere placuit. tum uero ad sellas cōsulum prope conuolauere minimus quisq; natu patrum, abdicare consulatu iubentes, & deponere imperium, ad quod tuendum animus decesset. Vtraq; re satis experta, tum demū consules: Ne prædictum negetis Patres Conscripti, adest ingens seditio. postulamus, ut ij, qui maxime ignauia incerpant, adsint nobis habentibus delectum. acerrimi cuiusque arbitrio, quando ita placet, rem agemus. Redeunt in tribunal, citari nominatim unum ex ijs, qui in conspectu erant, dedita opera iubent. cum staret tacitus, & circa eū aliquot hominum, ne forte uiolaretur, constitisset globus, licetorem ad eum consules mittunt. quo repulso, tum uero indignum facinus

facinus esse clamitantes, qui patrū consulibus aderant, de-
uolant de tribunali, ut liſtori auxilio eſſent. ſed ab liſtore
nihil aliud quàm prehendere prohibito, cum conuerſus in
patres impetus eſſet, conſulum intercuſſu rixa ſedata eſt.
in qua tamen ſine lapide, ſine telo plus clamoris atq; ira=
rum, quàm iniuriæ fuerat. Senatus tumultuoſe uocatus, tu=
multuoſius conſulitur, quaſtionem poſtulantibus ijs, qui
pulſati fuerant, decernente ferociſſimo quoq; non ſenten=
tijs magis, quàm clamore & ſtrepitu. tandem cum iræ reſe=
diſſent, exprobrantibus conſulibus nihilo plus ſanitati in=
curia, quàm in foro eſſe, ordine conſuli cœpit. Tres fuce
ſententiæ. P. Virginius rem non uulgabat. de ijs tantum,
qui fidem ſecuti P. Seruili conſulis Volſco, Aurunco, Sa=
binoq; militaſſent bello, agendum cēſebat. T. Largius, non
id tempus eſſe, ut merita tantummodo exoluerentur. totam
plebem ære alieno demerſam eſſe: nec ſiſti poſſe, ni omni=
bus cōſulatur. quin ſi alia aliorum ſit cōditio, accendi ma=
gis diſcordiam, quàm ſedari. Ap. Claudius & natura im=
mitis, & effratus hinc plebis odio, illinc patrū laudibus:
non miſerijs ait, ſed licentia tantum concitū turbarum: &
laſciuire magis plebem, quàm ſæuire. id adeo malū ex pro=
uocatione natum. quippe minas eſſe conſulum, non impe=
rium, ubi ad eos, qui unā peccauerint, prouocare liceat.
Agedum, inquit, dictatōrē, à quo prouocatio non eſt, cree=
mus. iam hic, quo nunc omnia ardent, cōticeſcet furor. pul=
ſet tum mihi liſtorem, qui ſciat ius de tergo uitaq; ſua pe=
nes unum illum eſſe, cuius maiestatem uiolauit. Multis, ut
erat, horrida & atrox uidebatur Appij ſententia: rursus
Virginij Largijq; exemplo haud ſalubres: utique Largij
putabant ſententiā, quæ totam fidem tolleret. medium ma=
xime, & moderatum utroq; conſilium Virginij habeba=
tur.

tur. sed factione, respectuq; rerum priuatarū, quæ semper
officere, officientq; publicis cōsilijs, Appius uicit: ac pro-
pè fuit, ut dictator ille idem crearetur. quæ res utiq; alie-
nasset plebē periculosissimo tempore, cum Volsci Aequiq;
& Sabini fortè unā omnes in armis essent. sed curæ fuit cō-
sulibus, & senioribus patrum, ut imperium suo uehemens
mansueto permitteretur ingenio. M. Valerium dictatorem
Volsi filiū creant. Plebs etsi aduersus se creatū dictatorem
uidebat, tamen cum prouocationem fratris lege haberet,
nihil ex ea familia triste, nec superbum timebat. edictū de-
inde à dictatore propositum confirmavit animos, Seruiliū
fere consulis edicto conueniens. sed & homini & potesta-
ti melius rati credi, omisso certamine nomina dedēre. quan-
tus nunquam antè exercitus, legiones decem effēta. ternæ
inde datæ consulibus, quatuor dictator usus. Nec poterat
iam bellum differri. Aequi Latinū agrum inuasērant. ora-
tores Latinorū à senatu petebant, ut aut mitterent subsi-
dium, aut seipsos tuendorum finium causa capere arma si-
nerent. Tutius uisum est, defendi inermes Latinos, quam
pati retractare arma. Vetustius consul missus est. is finis po-
pulationibus fuit. Cessere Aequi campis, locoq; magis,
quàm armis freti, summis se iugis montiū tutabantur. Al-
ter cōsul in Volscos profectus, ne & ipse tereretur tempus,
uastandis maxime agris hostem ad conferenda propius ca-
stra, dimicandumq; acie exciuit. medio inter castra campo
ante suum quisq; uallum infestis signis cōstitere, multitu-
dine aliquantū Volsci superabant. itaq; effusi, & contem-
ptim pugnam iniere. Cōsul Romanus nec promouit aciē:
nec clamorē reddi passus, defixis pilis stare suos iussit: ubi
ad manum uenisset hostis, tum coortos tota ui gladijs rem-
gerere. Volsci cursu & clamore fessi cum se uelut stupenti-
bus

bus metu intulissent Romanis, postquā impressionem sentire ex aduerso factam, & ante oculos micare gladios, haud secus quā si in insidias incidissent, turbati uertunt terga. & ne ad fugam quidem satis uirium fuit, quia cursu in praelium ierant. Romani contrā, quia principio pugnae quieti steterant, uigentes corporibus facile adepti fessos, & castra impetu ceperunt: & castris exutum hostem Velitras persecuti, uno agmine uictores cum uictis in urbem irrupere. plusq; ibi sanguinis promiscua omnium generum cæde, quā in ipsa dimicatione factum. paucis data uenia, qui inermes in deditionem uenerunt. Dum hæc in Volscis geruntur, dictator Sabinos, ubi longe plurimum belli fuerat, fundit fugatq; exuitq; castris. Equitatu immisso mediam turbauerat hostium aciem, qua, dum se cornua latius pandunt, parum apte introrsum ordinibus acie firmauerant. turbatos pedes inuasit. eodem impetu castra capta, debellatumq; est. Post pugnam ad Regillum lacū non alia illis annis pugna clarior fuit. dictator triumphans urbem inuehitur. super solitos honores locus in circo ipsi, posterisq; ad spectaculum datus, sella in eo loco curulis posita. Volscis deuictis Veliternus ager ademptus: Velitras coloni ab urbe missi & colonia deducta. Cum Aequis post aliquanto pugnatum est, inuito quidem consule, quia loco iniquo subeundum erat ad hostes. sed milites extrahi rem criminantes, ut dictator, priusquam ipsi redirent in urbē, magistratu abiret: irritaq; sicut antè cōsulis, promissa eius caderent: perpulere, ut forte temere in aduersos montes agmen erigeret. id male commissum ignauia hostiū in bonum uertit. qui, priusquā ad coniectum teli ueniretur, obstupescit audacia Romanorum, relictis castris, quæ munitissimis tenuerāt locis, in aduersas ualles desilire. ubi satis

xvi

tis

tis prædæ, & uictoria incruenta fuit. Ita trifariam re bello
 bene gesta, de domesticarum rerum euentu nec patribus,
 nec plebi cura decesserat. tanta cum gratia, tum arte præ=
 parauerant fœneratores, quæ non modo plebẽ, sed ipsum
 etiam dictatorem frustrarentur. Nanq; Valerius post Ve=
 tusij cõsulis reditum omnium actionũ in senatu primã ha=
 buit pro uictore populo, retulitq; quid de nexis fieri pla=
 ceret. quæ cum reiecta relatio esset, Nõ placeo, inquit, cõ=
 cordiæ autor. optabitis mediufidius propediẽ, ut mei simi=
 les Romana plebs patronos habeat. quod ad me attinet,
 neq; frustrabor ultrà ciues meos, neq; ipse frustra dicta=
 tor ero. discordiæ intestinæ, bellum externũ, fecere ut hoc
 magistratu egeret respub. pax foris parta est, domi impe=
 ditur. priuatus potius, quàm dictator seditioni interero.
 Ita curia egressus dictatura se abdicauit. apparuit causa
 plebi, suam uicem indignantem magistratu abisse. Itaque
 uelut persoluta fide, quoniam per eum non stetisset quin
 præstaretur, decedentem domum cum fauore ac laudibus
 profecuti sunt. Timor inde patres incescit, ne si dimissus
 exercitus foret, rursus cõtus occulti coniurationesq; fie=
 rent. itaq; quanquam per dictatorem delectus habitus es=
 set, tamen quid in consulum uerba iurassent, sacramẽto te=
 neri militẽ rati, per causam renouati ab Aequis belli educi
 ex urbe legiones iussere. quo factõ maturata est seditio. &
 primo agitatum dicitur de consulum cæde, ut soluerentur
 sacramento. doctos deinde nullã scelere religionẽ exolui,
 Sicinio quodam autore iniussu consulum in Sacrum mon=
 tem secessisse trans Anienẽ annem tria ab urbe millia pas=
 suum. ea frequentior fama est, quàm, cuius Piso autor
 est, in Auentinum secessionem factam esse. Ibi sine ullo
 duce, uallo fossa'que communis castris, quieti rem nul=
 lam

Non nisi necessariam ad uictum sumendo, per aliquot dies neq; laceßiti, neq; laceßentes sese tenuere. paupor ingens in urbe, metuq; mutuo suspensa erant omnia. timere relicta ab suis plebes uiolentiam patrum, timere patres resident in urbe plebē, incerti manere eam, an abire mallent. quam diu autem tranquillam, quæ secesserit, multitudinem fore? quid futurum deinde, si quod externū interim bellum exi- stat? nullam profecto, nisi in concordia ciuium spem reli- quam ducere, eam per æqua, per iniqua reconciliandam ci- uitati esse. Placuit igitur oratorē ad plebem mitti Mene- nium Agrippā, facundum uirum, et, quod inde oriundus erat, plebi charū. is intromissus in castra, prisco illo dicēdi et horrido modo nihil aliud, quàm hoc narrasse fertur. Tempore, quo in homine non, ut nunc, omnia in unū con- sentiebant: sed singulis membris suum cuiq; consiliū, suus sermo fuerat: indignatas reliquas partes, sua cura, suo la- bore ac ministerio uentri omnia quæri: uentrem in medio quietum nihil aliud, quàm datis uoluptatibus frui: conspi- rasse inde ne manus ad os cibum ferrent: nec os acciperet datum: nec dentes cōficerent. hac ira dum uentrē fame do- mare uellent, ipsa unā membra, totumq; corpus ad extre- mam tabē uenisse. inde apparuisse, uētris quoq; haud segne ministeriū esse: nec magis ali, quàm alere eum, reddentē in omnes corporis partes hunc, quo uiuimus uigemusq; diui sum pariter in uenas maturū cōfecto cibo sanguinē. Com- parando hinc quàm intestina corporis seditio similis esset iræ plebis in patres, flexisse mētes hominū. Agi deinde de cōcordia coeptū, cōcessumq; in cōditiones: ut plebi sui ma- gistratus essēt sacrosancti, quibus auxilij latio aduersus cō- sules esset: ne uē cui patrū capere eū magistratū liceret. ita tribuni plebeiij creati duo, C. Licinius, et L. Albius. Hi tres colleg

xvii

collegas sibi creauerūt. in his Siciniū fuisse seditionis aucto-
 rē, de duobus qui fuerint, minus cōuenit. Sunt qui duos tan-
 tū in sacro mōte creatos tribunos esse dicāt, ibiq; sacratā
 legem latam. Per secessionē plebis Sp. Cassius, & Posthu-
 mus Cominius consulatū inierunt. his consulibus cum La-
 tinis populis iētum fœdus. ad id feriendū consul alter Ro-
 mæ mansit, alter ad Volscum bellum missus. Antiates Vol-
 scos fundit fugatq; compulsos in oppidum Longulā per-
 secutus, mœnibus potitur. inde protinus Mucanitem Vol-
 scorū cepit. tum magna ui adortus est Coriolos. Erat tum
 in castris inter primores iuuenum Cn. Martius, adolescēs
 & consilio & manu promptus, cui cognomen postea Co-
 riolano fuit. Cum subito exercitum Romanum Coriolos
 obsidentem, atque in oppidanos, quos intus clausos ha-
 bebat, intentum sine ullo metu extrinsecus imminētis bel-
 li Volscae legiones profectæ ab Antio inuasissēt, eodemq;
 tempore ex oppido erupissēt hostes, forte in statione Mar-
 tius fuit. is cum delecta militum manu non modo impetum
 erumpentium retudit, sed per patentem portam ferox irru-
 pit, cædeq; in proximo urbis facta, ignem temere arreptū
 imminētibus muro ædificijs iniecit. clamor inde oppida-
 norum mistus muliebri pueriliq; ploratu ad terrorem, ut
 solet, primo ortus, & Romanis auxit animum, & turba-
 uit Volscos: utpote capta urbe, cui ad ferendam opem ue-
 nerant. Ita fusi Volsci Antiates, Corioli oppidum ca-
 ptum. tantumq; sua laude obstitit famæ consulis Martius:
 ut, nisi fœdus cum Latinis columna ænea insculptum mo-
 numento esset, ab Sp. Cassio uno, quia collega abfuerat,
 iētum: Posthumū Cominiū bellū gessisse cum Volscis, me-
 moria cessisset. Eodē anno Agrippa Menenius moritur,
 uir omni uita pariter patribus ac plebi charus, post se-
 cessionem

cessionem carior plebi factus. Huic interpreti arbitroq; cō
cordiæ ciuium, legato patrum ad plebem, reductori plebis
Romanæ in urbem, sumptus funeri defuit. extulit cū plebs
sextantibus collatis in capita. Consules deinde T. Gegæ
nius, P. Minucius facti. Eo anno, cū & foris quieta omnia
bello essent, & domi sanata discordia, aliud multo grauius
malum ciuitatem inuasit, caritas primum annonæ ex incul
tis per secessionem plebis agris, fames deinde, qualis clau
sis solet. uentumq; ad interitum scruiutorum utiq; & ple
bis esset, ni cōsules prouidissent, dimissis passim ad frumen
tum cōmendum nō in Hetruriam modo dextris ab hostia
litoribus, læuoq; per Volscos mari usque ad Cumas, sed
quesitum in Sicilia quoq; adeo finitimorum odia longin
quis cōgerant indigere auxilijs. Frumentum cum Cumis
cōemptum esset, naues pro bonis Tarquiniorum ab Ari
stodemo tyranno, qui hæres erat, retentæ sunt. in Volscis
Pomptinoq; ne emu quidem potuit. periculum quoq; ab im
petu hominum ipsis frumētatoribus fuit. Ex Hetruscis fru
mentum Tyberi uenit. eo sustentata est plebs, Incommodo
bello in tam arctis commeatibus uexati forent, ni Volscos
iam mouentes arma pestilentia ingens inuasisset. ea clade
conterritis hostium animis, ut etiam ubi ea remisisset, ter
rore aliquo tenerentur, & Velitris auxere numerum colo
norum Romani, & Norbæ in montes nouam coloniam,
quæ arx in Pōptino esset, miserunt. M. Minucio deinde, et
A. Sēpronio cōsulibus, magna uis frumēti ex Sicilia adue
cta: agitatūq; in senatu, quāti plebi daretur. Multi uenisse
tēpus premendæ plebis putabant, recuperandiq; iura, quæ
extorta secessione ac ui patribus essent. In primis Martius
Coriolanus hostis tribuniciæ potestatis, Si annonā, inquit,
ueterē uolunt, ius pristinum reddāt patribus. cur ego ple

h

bcios

x vlt

beios magistratus, cur Sicinium potentē uideo sub iugum missus, tanquā à latronibus redēptus? ego ne has indignitates diutius patiar, quā necesse est? Tarquiniū regem qui nō tulerim, Sicinium feram? secedat nunc, auocet plebem, patet uia in Sacrum mōtem, aliosq; colles: rapiāt frumētā ex agris nostris, quēadmodum tertio anno rapuere: utantur annonā, quā furore suo fecere. audeo dicere, hoc malo domitos ipsos potius cultores agrorū fore, quā ut armati per secessionem coli prohibeant. Haud tam facile dictu est, faciendū ne fuerit, quā potuisse arbitror fieri, ut cōditionibus laxandi annonam, & tribunitiam potestatem, & omnia inuitis iura imposita patres demerent sibi. Et senatui nimis atrox uisa sentētia est, & ira plebē propē armauit. Fame iā se sicut hostes peti, cibo uictuq; fraudari: peregrinum frumētum, quæ sola alimēta ex insperato fortuna dederit, ab ore rapi, nisi Cn. Martio uincti dantur tribuni, nisi de tergo plebis Romanæ satisfiat. cū sibi carnificem nouum exortum, qui aut mori aut seruire iubeat. In exētem ē curia impetus factus esset, ni peropportune tribuni diē dixissent. ibi ira est suppressa. se iudicem quisq; se dominū uitæ, necisq; inimici factum uidebat. Contemptim primo Martius audiebat minas tribunitias. auxilij, nō pœnæ ius datum illi potestati: plebisq; non patrum tribunos esse. sed adeo coorta erat infensa plebs, ut unius pœna defungendū esset patribus. resisterūt tamē aduersa inuidia, usiq; sunt quā suis quisq; quā totius ordinis uiribus. ac primo tentata res est, si dispositis clientibus absterrendo singulos à concionibus, cōcilijsq; disijcere rem possent. uniuerſi deinde processere (quicquid erat patrū, reos diceret) precibus plebem exposcentes: unum sibi ciuem, unum senatorem, si innocentem absolueret nollēt, pro

nocente donarēt. ipse cum die dicta nō adesset, perseverantem in ira est. dānatus absens in Volscos exulatum abiit, minitans patriæ, hostilesq; iam tum spiritus gerēs. Vtēnī Volsci benigne exceperē: benigniusq; in dies colebant, quo maior ira in suos eminebat, crebræq; nunc querele, nūc mīnæ percipiebantur. Hospitio utebatur Accij Tullij. longē is tū princeps Volsci nominis erat, Romanisq; semper infestus. ita cum alterum uetus odium, alterum ira recens stimularēt, consilia cōferunt de Romano bello. haud facile credebant plebem suam impelli posse, ut toties infelicitē tentata arma caperent. multis sepe bellis, pestilentia postremo amissa iuuentute, fractos spiritus esse. arte agendū in exoleto iam uetustate odio, ut recenti aliqua ira excitarētur animi. Ludi forte ex instauratione magni Romæ parabantur. instaurādis hæc causa fuerat ludis. Mane seruum quidam paterfamiliæ nōdum commissō spectaculo sub furca cæsum medio egerat circo. cæpti inde ludi, uelut ea res nihil ad religionē pertinuiſſet. haud ita multo post T. Latinio de plebe homini somnium fuit. Visus Iupiter dicere, sibi ludis præſultatorem displicuisse. nisi magnifice instaurarentur hi ludi, periculum urbi fore. iret, ea consulis nuntiaret. Quāquam haud sanè liber erat religione animus, uerecundia tamen maiestatis magistratuum timorem uicit, ne in ora hominum pro ludibrio abiret. magno illi ea cunctatio stetit. filium nanque intra paucos dies amisit. cuius repentinæ cladis ne causa dubia esset, ægro animi eadem illa in somnis obuersata species, uisa est rogare, satīn? magnam spreti numinis haberet mercedē maiorem instare, ni eat propere ac nūtiēt consulibus. Iam præsentior res erat: cunctantem tamen, ac prolatantem ingens uis morbi adorta est debilitate subita. tum

enimvero decorum ira admonuit. fessus igitur malis præteritis instantibusq; consilio propinquorum adhibito, cum uisa atque audita, et obuersatum toties somno Iouem, minas irasq; cœlestes representatas casibus suis exposuisset, consensu inde haud dubio omnium qui aderant, in forum ad consules lectica defertur. inde in curiam iussu cōsulum delatus, eadem illa cum patribus ingenti omnium admiratione enarrasset, ecce aliud miraculum. qui captus omnibus membris delatus in curiam esset, cum functum officia pedibus suis domum redisse, traditum memoriæ est. Ludi quàm ampliissimū ut fierent, senatus decreuit. Ad eos ludos autore Accio Tullio uis magna Volscorū uenit. priusquā cōmitterentur ludi, Tullius, ut domi compositū cum Martio fuerat, ad cōsules uenit. dicit esse quæ secretò agere de repub. uelit. arbitris remotis, Inuitus, inquit, quod se quius sit, de meis ciuibus loquor. non tamen admissum quicquam ab ijs, criminatum uenio, sed cautum, ne admittant. Nimio plus quàm uelim, nostrorum ingenia sunt mobilia. multis id cladibus sensimus, quippe qui non nostro merito, sed uestra patientia incolumes sinus. magna hic nunc Volscorū multitudo est, ludi sunt, spectaculo intentæ ciuitas erit. memini quid per eandem occasionem ab Sabinorum iuuentute in hac urbe commissum sit. horret animus, nequid inconsulte, ac temere fiat. hæc nostra, uestraq; causa prius dicenda uobis consules ratus sum. Quod ad me attinet, extemplo hinc domum abire in animo est, ne cuius facti, dicti uel contagione præsens uioler. Hæc locutus abiit. Consules cū ad patres rem dubiam sub autore certo detulissent, autor magis (ut fit) quàm res ad precauendum uel ex superuacuo mouit. factoque senatusconsulto ut urbem excederent Volsci, præcones dimittuntur, qui omnes eos proficisci

ante

ante noctem iuberent. Ingens paucorū primo discurrētes ad
 suas res tollendas in hospitia perculit: proficiscētibus de-
 inde indignatio oborta, se ut consceleratos cōtaminatosq;
 ab ludis, festis diebus, cœtu quodammodo hominum deo-
 rumq; abactos esse. Cum propè continuato agnuncie irent,
 prægressus Tullius ad caput Ferentinum, ut quisq; ueni-
 ret, priuiores eorum excipiens, querendo, indignādoq; et
 eos ipsos sedulo audientes secunda iræ uerba, et per eos
 multitudinem aliam in subiectum uiæ campū deduxit. ibi
 in concionis modum orationē exorsus. Veteres populi Ro-
 mani iniurias, cladesq; gentis Volscorū, ut omnia, inquit,
 obliuiscamini alia, hodiernam hanc contumeliam quo tan-
 dem animo fertis? qua per nostram ignominiam ludos com-
 mittere? an non sensistis triumphatum hodie de uobis esse?
 uos omnibus ciuibus, peregrinis, tot finitimis populis spe-
 ctaculo abeūtes fuisse? uestras cōiuges, uestros liberos tra-
 ductos per ora hominū? quid eos, qui audiuerunt uocē præ-
 conis? quid qui uos uidere abeūtes? quid eos, qui huic igno-
 minioso agmini suere obuij, existimasse putatis? nisi aliqd'
 profecto nefas esse, qd si intersimus spectaculo, uiolaturi
 simus ludos, piaculūq; meritori: ideo nos ab sede priorū, cœ-
 tu, cōcilioq; abigi. quid deinde illud non succurrit? uiuere
 nos, quod maturauimus proficisci? si hæc profectio, et nō
 fuga est. et hanc urbē uos nō hostium ducitis, ubi si unum
 diem morati essetis, moriēdum omnibus fuit. Bellum uobis
 indictum est magno eorum malo, qui indixere, si uiri estis.
 Ita et sua sponte irarum pleni, et incitati domos inde di-
 gressi sunt. instigandoq; suos quisque populos effecere, ut
 omne Volsceum nomē deficeret. Imperatores ad id bellum
 de omnium populorum sententia lecti Accius Tullius, et
 Cn. Martius exul Romanus, in quo aliquāto plus spei re-

x 2

h 3 posi

positum, quam spem nequaquam seſclit, ut facile appare-
ret, ducibus ualidiorem, quam exercitum Romana eſſe.
Circeios proſectus, primum colonos inde Romanos expu-
lit: liberamq; eam urbem Volſcis tradidit: inde in Latinam
uiam trāſuerſis tramutibus trāſgreſſus, Satricum, Longu-
lam, Polluſtiā, Coriolos, nouella hæc Romanis oppida ade-
mit, inde Lanuium recepit, tūc deinceps Corbionē, Vite-
liam, Trebiam, Labicos, Pedū, cepit. poſtrēmū ad urbem à
Fedo ducit, & ad ſoſſas Cluilias quinq; ab urbe nullia paſ-
ſuum caſtris poſitus, populatur inde agrū Romanum, cu-
ſtodibus inter populatores muſſis, qui patritiorū agros in-
taſtos ſeruarent: ſiue inſenſus plebi magis: ſiue ut diſcor-
dia inde inter patres plebemq; oriretur. Quæ proſectio or-
ta eſſet. adeo tribuni iam ſero cē per ſe plebē criminādo in
primores ciuitatis inſtigabant: ſed externus timor maximū
concordiæ uinculū, quamuis ſuſpectos, inſenſosq; inter ſe
iungebat animos. Id modo nō conueniebat, quòd ſenatus,
cōſulesq; nuſquam alibi ſpem, quā in armis ponebant:
plebes omnia quā bellum malebat. Sp. Nautius iam, &
Sex. Furius cōſules erant. Eos recēſcentes legiones, præſi-
dia per muros, aliaq; in quibus ſtationes uigiliæ que eſſe
placuerat, loca diſtribuentes multitudo ingens pacem po-
ſcentium primum ſeditioſo clamore cōterrui: deinde uo-
care ſenatum, referre de legatis ad Cn. Martium mittendis
coēgit. Acceperunt relationem patres, poſtquam apparuit
labare plebis animos. muſſiq; de pace ad Martium orato-
res, atrox reſpoſum retulerut. Si Volſcis ager redderetur,
poſſe agi de pace. ſi præda belli per otium frui uelint: me-
morem ſe & ciuium iniuriæ, & hoſpitem beneficij, adni-
ſurum: ut appareat exilio ſibi iritatos, non fractos ani-
mos eſſe. Iterum deinde ijdem muſſi non recipiuntur in ca-
ſtra.

fra, sacerdotes quoq; suis insignibus uelatos isse supplices ad castra hostium, traditum est: nihilo magis quam legatos flexisse animum. Tum matronæ ad Veturiam matrem Coriolani, Volumniamq; uxore frequentes cōiunt. id publicum consiliū, an muliebris timor fuerit, parum inuenio. peruicere certe, ut et Veturia magno natu mulier, & Voluminia duos paruos ex Martio Ierens filios secum in castra hostium irēt: & quam armis uiri defendere urbem nō possent, mulieres precibus lacrymisq; defenderēt. Vbi ad castra uētum est, nūtiatumq; Coriolano, adesse ingēs mulierum agmē: primo, ut qui nec publica maiestate in legatis, nec in sacerdotibus tāta offusa oculis animoq; religione motus esset, multo obstinatioꝝ aduersus lacrymas muliebres erat, dein famularium quidam, qui insignē mœstitia inter ceteras cognouerat Veturiā, inter nurū nepotesq; stantē: Nisi me frustrātur, inquit, oculi, mater tibi cōiuxq; & liberi adsunt. Coriolanus propē ut amens, cōsternatus ab sede sua cū ferret matri obuiæ cōplexum: mulier in irā ex precibus uersa, Sine priusquā cōplexum accipio, sciā, inquit, ad hostem, an ad filium uenerim: captiua, mater ne in castris tuis sim. in hoc me longa uita, & infelix senectū traxit: ut exulem te, deinde hostem uidere? potuisti populari hanc terram, quæ te genuit atq; aluit? nō tibi, quāuis infesto animo et minaci perueneras, ingrediēti fines ira cecidit: nō, cum in conspectu Roma fuit, succurrit, intra illa moenia domus ac penates mei sunt? mater, cōiux, liberiq;? Ergo ego nisi peperissem, Roma non oppugnaretur? nisi filium haberem, libera in libera patria mortua essem? Sed ego nihiliā pati nec tibi turpius, quā mihi miserrimus possum: nec ut sim miserrima, diu futura sum. de his uidearis: quos, si pergis, aut immatura mors, aut longa scruius

XXI

manet. Vxor deinde ac liberi amplexi, fletus que ab omni turba mulierum ortus, et comploratio sui patriæque, fregere tandem uirum. complexus inde suos, dimittit: ipse retro ab urbe castra mouit. Abductis deinde legionibus ex agro Romano, inuidia rei oppressum perisse tradunt, alij alio lecto. apud Fabium longe antiquissimum autorem, usque ad senectutem uixisse eundem inuenio. refert certe hanc sæpe eum exacta ætate usurpasse uocem, Multo miseriori seni exilium esse. Non inuiderunt laudes suas mulieribus uiri Romani. adeo sine obtrectatione gloriæ alienæ uiuebatur. monumēto quoque, quod esset, templum Fortunæ muliebri ædificatum dedicatumque est. Rediere deinde Volsci adiunctis Aequis in agrum Romanum. sed Aequi Accium Tullium haud ultra tulere ducem. Hinc ex certamine Volsci Aequi ne imperatorem coniuncto exercitui darent, seditio, deinde atrox prælium ortum. Ibi fortuna populi Romani duos hostium exercitus haud minus pernicioso, quam pertinaci certamine confecit. Consules T. Sicinius, et C. Aquilius. Sicinio Volsci, Aquilio Hernici (nam ij quoque in armis erant) prouincia euenit. eo anno Hernici deuicti: cum Volscis æquo Marte discessum est. Sp. Cassius deinde et Proculus Virginius consules facti. cum Hernicis foedus ictum, agri partes duæ ademptæ. inde dimidium Latinis, dimidium plebi diuisurus consul Cassius erat. adijciebat huic muneri agri aliquantum, quem publicum possideri à priuatis criminabatur. Id multos quidem patrū, ipsos possessores, periculo rerum suarū terrebat. sed et publica patribus sollicitudo inerat, largitione cōsulem periculosas libertati opes struere. Tū primum lex agraria promulgata est, nunquā deinde usque ad hanc memoriā sine maximis motibus rerū agitata. Cōsul alter largitioni resistebat, autoribus

ribus patribus, nec omni plebe aduersante: quæ primo coeperat fastidire munus uulgatū à ciuibus isse in socios. sæpe deinde et Virginiū consulē in cōcionibus uelut uaticinantem audiebat: pestilens collegæ munus esse: agros illos seruitutem ijs, qui acceperint, laturos: regno uiam fieri. quid ita enim assūni socios, & nomen Latinū? quid attinuisse, Hernicis paulo ante hostibus capti agri tertiam partē redidit: nisi ut hæ gentes pro Coriolano duce Cassium habeāt? Popularis iam esse dissuasor, & intercessor legis agrariæ coeperat. uterque deinde consul certatim plebi indulgere. Virginius dicere, passurum se assignari agros, dum ne cui, nisi ciui Romano assignentur. Cassius, quia in agraria largitione ambitiosus in socios, eoq; ciuibus uilior erat: ut alio munere sibi reconciliaret ciuium animos, iubere pro Siculo frumento pecuniam acceptam retribui populo. Id uero haud secus, quàm præsentem mercedem regni aspernata plebs: adeo propter suspicionem insitam regni, uelut abundarent omnia, munera eius in animis hominū respuebantur. quem, ubi primum magistratu abiit, damnatū, necatumq; constat. Sunt, qui patrem autorem eius supplicij ferant. cum cognita domu causa uerberasse, ac necasse: peculiumq; filij Cereri consecrauisse: signum inde factū esse, et inscriptum, Ex Cassia familia datū. Inuenio apud quosdam, idq; propius fidem est, à quæstoribus Cæsone Fabio, & L. Valerio diem dictam perduellionis: damnatumq; populi iudicio, dirutas publice ædes. ea est area ante Telluris ædem. Cæterū siue illud domesticū, siue publicum: fuit iudicium, damnatur Serg. Cornelio, Q. Fabio cōsulibus. Haud diuturna ira populi in Cassiū fuit. dulcedo agrariæ legis ipsa per se dēpto autore subibat animos: accensaq; ea cupiditas est malignitate patrū, qui deuictis eo anno Volscis,

h 3 Aequis

Acquisq; militē praeda fraudauere, quicquid captū ex hostibus est uendidit Fabius consul, ac redegit in publicū. inuisum erat Fabium nomē plebi propter nouissimum consulem: tenuere tamen patres, ut cum L. Aemylio Cæso Fabius cōsul crearetur, eo infestior facta plebes, seditio domestica bellum externum exciuit: bello deinde ciuiles discordiæ intermissæ. uno animo patres ac plebs rebellātes Volscos, & Aequos duce Aemylio prospera pugna uicere. plus tamē hostiū fuga, quā praeliū absumpsit. adeo pertinaciter fusos insecuti sunt equites. Castoris ædes eodē anno Idibus Quintilibus dedicata est. uota erat Latino bello Posthumio dictatore. filius eius duumuir ad id ipsam creatus dedicauit. Solicitū & eo anno sunt dulcedine agrariæ legis animi plebis. tribuni plebis popularem potestatem lege populari celebrabāt. patres satis superq; gratuiti furoris in multitudine credentes esse, largitiones, temeritatēq; inuitamēta horrebant. acerrimū patribus duces ad resistendum cōsules fuere. ea igitur pars reipublicæ uicit. nec in præsens modo, sed in ueniētem etiam annum M. Fabiū Cæsonis fratrem, & magis inuisum alterū plebi accusatio-
ne Sp. Cassij, L. Valerium cōsulem dedit. Certatū eo quoq; anno cū tribunis est. uana lex, uaniq; legis autores, iactando irritum munus, facti. Fabium inde nomen ingens post tres continuos consulatus, unoq; uelut tenore omnes expertos tribunitijs certaminibus habitum. itaq; ut bene locatus mansit in ea familia aliquandiu honos. Bellum inde Viciens initum. & Volsci rebellarunt. sed ad bella externa propē supererāt uires, abutebanturq; ijs inter semetipsos certādo. Accessere ad agras iam omniū mentes prodigia cœlestia, propē quotidianas in urbe, agris que ostendant minas. motiq; ira numinis causam nullam aliam uates ca-
nebant,

nebant, publicè priuatimq; nunc extis, nunc per aues con=
sulti, quàm, haud rite sacra fieri. qui terrores tamen eò eua=
sere, ut Oppia uirgo uestalis damnata incesti poenas dede=
rit. Q. Fabius inde, et C. Tullius cōsules facti. Eo anno nō
segnior discordia domū, et bellum fēris atrocius fuit. Ab
Aequis arma sumpta. Veientes agrū quoq; Romanorum
populantes inierunt. quorum bellorum crescēte cura, Cae=
so Fabius, et Sp. Furius consules fiunt. Artonam Latinā
urbem Aequi oppugnabant. Veientes pleni iam popula=
tionum Romam ipsam se oppugnatos munitabātur. qui
terrores, cū compescere deberent, auxere insuper animos
plebis: redibatq; non sua sponte plebi mos detrectandi mi=
litiam, sed Sp. Licinius tribunus plebis uenisse tempus ra=
tus per ultimam necessitatē legis agrariæ patribus iniūgen=
dæ, suscepit rem militarē impediendam. ceterū tota inui=
dia tribunitiæ potestatis uersa in autorem est: nec in eum
cōsules acrius, quàm ipsius eius collegæ coorti sunt. auxi=
liūq; eorum delectum cōsules habent. Ad duo simul bella
exercitus scribitur: ducēdus Fabio in Veientes, in Aequos
Furio datur. et in Aequis quidem nihil dignum memoria
gestum est. Fabio aliquanto plus negocij cū ciuibus, quàm
cum hostibus fuit. unus ille uir ipse consul rem publicā su=
stinuit, quam exercitus odio consulis, quantum in se fuit,
prodebat. nam cum consul præter ceteras imperatorias
artes, quas parando gerendoq; bello edidit plurimas, ita
instruxisset aciem, ut solo equitatu emisso exercitum ho=
stium funderet, insequi fusos pedes noluit. nec illos, etsi
non adhortatio inuisi ducis, suum saltem flagitium, et
publicum in præsentia dedecus, postmodo periculum, si
animus hosti redisset, cogere potuit gradum accelera=
re: aut si aliud nihil, instare instructos. iniussu signa refe=
runt:

runt: mœstiq; (crederes uictos) execrantes nunc imperatorem, nunc nauatam ab equite operā, redeunt in castra. Nec huic tam pestilenti exemplo remedia ulla ab imperatore quæsitæ sunt. adeo excellentibus ingenijs citius defuerit ars qua ciuem regant, quàm qua hostem superent. Consul Romam redijt, non tam belli gloria aucta, quàm irato exacerbatq; in se militum odio. Obtinuere tamen patres, ut in Fabia gente consulatus maneret. M. Fabium cōsulem creant: Fabio collega Cn. Mālius datur. Et hic annus tribunum autorem legis Agrariæ habuit. Tib. Pontificius fuit. is eandem uiam, uelut processisset Sp. Licinio, ingressus, delectum paulisper impedijt. Perturbatis iterū patribus Ap. Claudius uictam tribunitiæ potestatem dicere priore anno, in præsentia re ipsa, exemplo in perpetuum: quando inuētum sit, suis ipsam uiribus dissolui. neq; enim unquam defuturum, qui ex collega uictoriam sibi, & gratiam melioris partis bono publico uelit quæsitam. & plures, si pluribus opus sit, tribunos ad auxilium consulū paratos fore, & unum uel aduersus omnes satis esse. darēt modo & consules, & primores patrum operam, ut, si minus omnes, aliquos tamen ex tribunis reip. ac senatui cōciliarent. Præceptis Appij moniti patres & uniuerſi comiter ac benigne tribunos appellare: & cōsulares, ut cuiq; eorū priuatim aliquid iuris aduersus singulos erat, partim gratia, partim auctoritate obtinuerē, ut tribunitiæ potestatis uires salubres uellēt reip. esse. quatuorq; tribunorū aduersus unum moratorē publici cōmodi auxilio delectum consules habent. Inde ad Veiens bellum profecti: quò undiq; ex Hetruria auxilia conuenerant, non tam Veientiū gratia concitata, quàm quòd in spem uentum erat, discordia intestina dissolui rē Romanā posse. principesq; in omniū

Hetru

Hetruriæ populorū concilijs fremebant, æternas opes esse Romanas, nisi inter semetipsos seditionibus sæuiāt. id unū uenenum, eam labem ciuitatibus opulentis repperam, ut magna imperia mortalia essent. diu sustētatum id malum partim patrum consilijs, partim patiētia plebis, iam ad extrema uenisse: duas ciuitates ex una factas: suos cuique parti magistratus, suas leges esse. primum in delectibus scuire solitos, eosdem in bello tamen paruissē ducibus. qualicunque urbis statu, manente disciplina militari, sisti potuisse. iam non parendi magistratibus morem in castra quoque Romanum militem sequi. proximo bello in ipsa acie, in ipso certamine consensu exercitus traditam ultro uictoriam uictis Aequis: signa deserta: imperatorem in acie relictum, iniussu in castra reditū. profecto si instetur, suo milite uinci Romam posse. nihil aliud opus esse, quā iudici ostendiq; bellum: cætera sua sponte fata et deos gesturos. Hæ spes Hetruscos armauerant, multis inuicem casibus uictos uictoresque. Coss. quoque Romani nihil præterea aliud, quā suas uires, sua arma horrebant: memoriaq; pessimi proximo bello exempli terrebantur: ne rem committerent eò, ubi duæ simul acies timendæ essent. itaq; castris se tenebant, tam ancipiti periculo auersi. diem, tempusq; forsitan ipsum leniturum iras, sanitatemq; animis allaturum. Veiens hostis Hetrusciq; eo magis præpropere agere: læcessere ad pugnam primo obequitando castris, prouocandoque: postremo ut nihil mouebant quā consules ipsos, quā exercitum increpādo, simulationem intestinæ discordiæ remedium timoris inuentum: et consules magis non confidere, quā non credere suis militibus, nouum seditionis genus, silentium, ociumque inter armatos. ad hæc in nouitatem generis, originisq; quā falsa, quā uera iacere.

Hæc

Hæc cum sub ipso uallo portisq; streperent, haud ægre cōsules pati. at imperitæ multitudini nunc indignatio, nunc pudor pectora uersare, & ab intestinis auertere malis. nolle inultos hostes, nolle successum, non patribus, non consulis. externa, & domestica odia certare in animis, tandem superant externa, adeo superbe insolenterq; hostis eludebat. frequentes in prætorium cōueniunt, poscunt pugnam, postulant ut signum detur. Consules uelut deliberabundi capita conferunt, diu colloquuntur. pugnare cupiebant, sed retro reuocanda, & addenda cupiditas erat, ut aduersando remorandoq; incitato semel militi adderent impetum. Redditur responsum, immaturam rem agi, nondum tempus pugnae esse: castris se tenerent: edicunt inde, ut abstineant pugna. si quis iniussu pugnauerit, ut in hostem animaduersuros. ita dimissis, quo munus consules uelle credunt, crescit ardor pugnandi. accedunt insuper hostes ferocius multo, ut statuisse non pugnare consules cognitum est. quippe impune se insultaturos. non credi militi arma. rem ad ultimum seditionis erupturam, finemq; uenisse Romano imperio. His freti occursant portis, ingerunt probra, ægre abstinent, quin castra oppugnent. Enimuero non ultra contumeliā pati Romanus posset. totis castris undiq; ad consules curritur. non iam sensim, ut ante, per centurionum principes postulant, sed passim omnes clamoribus agunt. Matura res erat, tergiuersatur tamē Fabius. deinde ad crescentem tumultum, iam metu seditionis collega concedēte, cum silentium classico fecisset: Ego istos Cn. Māli posse uincere scio, uelle ne scirem, ipsi fecerunt. itaque certum atq; decretum est, non dare signum, nisi uictores se redituros ex hac pugna iurent. consulem Romanum miles semel in acie fessulit, deos nunquam fallit. Centurio erat M. Flauoleius in-

ter primores pugnae flagitator. Victor, inquit, M. Fabi reuertar ex acie, si fallat, Iouem patrem, Graduumq; Martē, aliosq; iuratus inuocat deos. Idē deinceps omnis exercitus in se quisq; iurat. Iuratis datur signū, arma capiunt, eunt in pugnam irarum speiq; pleni. nunc iubent Hetruscos probra iacere, nunc armatis sibi quisq; lingua promptum hostem offerri. Omnium illo die, quā plebis, quā patrum eximia uirtus fuit. Fabium nomen, Fabia gens maxime enituit: multis ciuilibus certaminibus insensos plebis animos illa pugna sibi reconciliare statuunt. instruitur acies. Nec Veiens hostis Hetruscāq; legiones detrectant. propē certa spes erat, nō magis secum pugnatos, quā pugnauerint cum Aequis. maius quoque aliquod in tam iritatis animis, et occasione ancipiti, haud desperandum esse facinus, res aliter longe euenit, nam non alio antē bello infestior Romanus (adeo hinc contumelijs hostes, hinc consules mora exacerbauerant) praelium iniit. Vix explicandi ordinis spatium Hetruscis fuit, cum pilis inter primam trepidationē abiectis temere magis quā emissis, pugna iam ad manus, iam ad gladios, ubi Mars est atrocissimus, uenerat. Inter primores genus Fabium insigne spectaculo exemploq; ciuibus erat. ex his Q. Fabium (tertio hic anno antē consul fuerat) principem in confertos Veienses euntem ferox uiribus et armorum arte Thuscus, incautum inter multas uersantē hostiū manus, gladio perpectus transfigit. telo extracto præcepit Fabius in uulnus abiit. Sensit utraq; acies unius uiri casum. cedebatq; inde Romanus: cū M. Fabius cōsul trāsiliit iacētis corpus, obiectaq; parma, Hoc iurastis, inquit, milites? fugiētes uos in castra redituros? adeo ignauissimos hostes magis timetis, quā Iouē, Martēq; per quos iurastis? at ego iniuratus aut victor

Etor reuertar, aut prope te hic Q. Fabi dimicās cadā. cōsulī
 tū Cæso Fabius prioris anni cōsul, Verbis ne istis frater ut
 pugnent te impetraturū credis? dij impetrabunt, per quos
 iurauere. & nos, ut decet procures, ut Fabio nomine est di
 gnum, pugnando potius, quā adhortando accēdamus mi
 litum animos. Sic in primum infestis hastis prouolant duo
 Fabij, totamq; mouerunt secum acie. Prælio ex parte una
 restituto, nihilo segnius in altero cornu Cn. Manlius cōsul
 pugnam ciebat, ubi propè similis fortuna est uersata. nam
 ut altero in cornu Q. Fabium, sic in hoc ipsum consulem
 Manlium iam uelut fusos agentem hostes, & impigre mi
 lites secuti sunt: & ut ille graui uulnere ictus ex acie ces
 sit, interfectum rati, gradum retulere: cessissentq; loco, ni
 consul alter cum aliquot turmis equitum in eam partem ci
 tato equo aduectus, uiuere clamitans collegam, se uictorem
 fuso altero cornu adesse, rem inclinatam sustinuisset. Man
 lius quoq; ad restituēdam aciem se ipse corā offert. duo
 rum consulum cognita ora accendunt militum animos. si
 mul & uanior iam erat hostiū acies, dum abundante mul
 titudine freti subtracta subsidia mittunt ad castra oppu
 gnanda, in quæ haud magno certamine impetu factō, dum
 prædæ magis quā pugnae memores tererēt tempus, tria
 rij Romani, qui primam irruptionem sustinere non potue
 rant, missis ad consules nuntijs quo loco res essent, conglo
 bati ad prætorium redeūt, & sua sponte prælium ipsi re
 nouant: & Manlius consul reuectus in castra ad omnes
 portas milite opposito hostibus uiam clauserat, ea despera
 tio Thuscis rabiem magis quā audaciam accendit. nam
 cum incursantes quacunque exitum ostenderet spes, uano
 aliquoties impetu issent: globus iuuenū unus in ipsum cō
 sulem insignem armis inuadit. prima excepta à circūstan
 tibus

tibus tela: sustineri deinde uis nequit. consul mortifero uulnere ictus cadit, fusiq; circa omnes. Thuscis crescit audacia. Romanos terror per tota castra trepidos agit. Et ad extrema uentum foret, ni legati rapto consulis corpore patescissent una porta hostibus uiam. ea erumpunt, conslernatoq; agmine abeuntes in uictorem alterum incidunt consulem. ibi iterum caesi, fusiq; passim. Victoria egregie parata, tristis tamen duobus tam claris funeribus. Itaq; consul, decernente senatu triumphum, si exercitus sine imperatore triumphare possit, pro eximia eo bello opera facile passurum respondit: se familia funesta Q. Fabij fratris morte, rep. ex parte orba consule altero amisso, publico priuatoq; deformem luctu lauream non accepturum. Omni acto triumpho depositus triumphus clarior fuit. adeo spreta in tempore gloria interdum cumulatior redit. Funera deinde duo deinceps, collegæ fratrisq; ducit. idem in utroque laudator, cum concedendo illis suas laudes, ipse maximam partem earum ferret. neque immemor eius, quod initio consulatus imbiberat: reconciliandi animos plebis, saucios milites curandos diuidit patribus. Fabijs plurimi dati: nec alibi maiore cura habiti. inde populares iam esse Fabij: nec hoc ulla, nisi salubri reipublicæ arte. Igitur non parum magis quam plebis studijs Cæso Fabius cum T. Virgínio consul factus, neque bella, neque delectus, neque ullam aliam priorem curam agere, quam ut iam aliqua ex parte inchoata cõcordiæ spe primo quoque tempore cum patribus coalescerent animi plebis. Itaque principio anni censuit: priusquam quisquam agrariæ legis autor tribunus existeret, occuparent patres ipsi suum munus facere: captiuum agrum plebi quammaxime æqualiter darent. æquum esse habere eos, quorum sanguine ac sudore par-

i tus sit.

tus sit. aspernati patres sunt: questi quoque quidam, nimia gloria luxuriare & evanescere uiuidum quondam illud Casonis ingenium. nullae deinde urbanae factiones fuerunt. Vexabantur incursionibus Aequorum Latini. eò cum cum exercitu Caso missus, in ipsorum Aequorum agrum depopulandum transit. Aequi se in oppida receperunt, muris que se tenebant. eò nulla pugna memorabilis fuit. At à Veiente hoste clades accepta temeritate alterius consulis. actumque de exercitu foret, ni Caso Fabius in tempore subsidio uenisset. Ex eo tempore neque pax neque bellum cum Veientibus fuit. res proxime formam latrocinij uenerat. legionibus Romanis cedebant in urbem: ubi abductas senserant legiones, agros incurfabant, bellum quiete, quiete bello inuicem eludentes. ita neque omitti tota res, neque perfici poterat. & alia bella aut praesentia instabant, ut ab Aequis Volscisque, non diutius, quam recens dolor proximae cladis transisset, quiescentibus: aut mox moturos se apparebat Sabinos semper infestos, Hetruriamque omnem. sed Veiens hostis asiduus magis quam grauis; contumeliosus saepius quam periculo animos agitabat: quod nullo tempore negligi poterat, aut auerti alio sinebat. Tum Fabia gens senatum adit. consul pro gente loquitur. Asiduus magis, quam magno praesidio, ut scitis patres conscripti, bellum Veiens eget. uos alia bella curate: Fabios hostes Veientibus date. autores sumus, tutam ibi maiestatem Romani nominis fore. nostrum id nobis uelut familiare bellum priuato sumptu gerere in animo est. respublica. & milite illic, & pecunia uacet. Gratiae ingentes actae. Consul è curia egressus comitante Fabiorum agnune qui in uestibulo curiae senatusconsultum expectantes steterant, domum redijt. iussi armati postero die ad limen consulis adesse,

esse, domos inde discedunt. Manat tota urbe rumor: Fabios ad cœlum laudibus ferunt: familiam unam subiisse ciuitatis onus: Veiens bellum in priuatam curam, in priuata arma uersum. si sint duæ roboris eiusdem in urbe gentes: deposcant, hæc Volscos sibi, illa Aequos: populo Romano tranquillam pacē agente, omnes finitimos subiigi populos posse. Fabij postera die arma capiunt: quò iussi erant, conueniunt. Consul paludatus egrediens in uestibulo gentem omnem suam instructo agmine uidet: acceptus in medium signa ferri iubet. nunquam exercitus neque minor numero, neque clarior fama & admiratio: ne hominum per urbem incescit. Sex & ccc. milites, omnes patricij, omnes unius gentis, quorum neminem duce[m] sperneret egregius quibuslibet temporibus senatus, ibant unius familiæ uiribus Veienti populo pestem munitantes. sequebatur turba, propria alia cognatorum sodaliumque, nihil medium nec spem nec curam, sed immensa omnia uoluentium animo: alia publica sollicitudine excitata, fauore & admiratione stupens. ire fortes, ire felices iubent: inceptis euentus pares reddere: consulatus inde ac triumphos, omnia præmia ab se, omnes honores sperare. Prætercūtibis Capitolium arcemq; & alia templa, quicquid deorum oculis, quicquid animo occurrit, precantur: ut illud agmen faustum atq; felix mittant: sospites breui in patriam ad parentes restituāt. Incaßum missæ preces. infelicī uia à dextro Iano portæ Carmentalis profecti, ad Cremeram flumen perueniunt. is opportunus uisus locus cōmuniendo præsidio. L. Aemilius inde, & C. Seruilius coss. facti. & donec nil aliud quàm in populatiōibus res fuit, nō ad præsidium modo tutandū Fabij satis erāt, sed tota regiōe, qua Thuscus ager Romano adiacet: sua tuta

omnia infesta hostium, uagātes per utrunq; finem fecere: Interuallū deinde haud magnū populationibus fuit: dum & Veiētes accito ex Hetruria exercitu praesidiū Cremerae oppugnāt: & Romanae legiones ab L. Aemylio cos. adductae cominus cum Hetruscis dimicant acie. quanquam uix dirigendi aciem spatium Veiētib; fuit. adeo inter primam trepidationē, dum post signa ordines introeūt, subsidiaq; locant, inuecta subito ab latere Romana equitum ala, non pugnae modo incipiendae, sed cōsistendi ademit locum. ita fusi retro ad saxa Rubra (ibi castra habebāt) pacem supplices petunt. cuius impetratae ab insita animis leuitate ante deductum Cremera Romanum praesidium poenituit. rursus cum Fabijs erat Veiēti populo sine ullo maioris belli apparatu certamen. nec erāt incursiones modo in agros, aut subiti impetus incurfantium, sed aliquoties aequo campo, collatisq; signis certatū: gensq; una populi Ro. saepe ex opulentissima, ut tum res erāt, Hetrusca ciuitate uictoriā tulit. Id primo acerbum indignumq; Veiētib; uisum. inde consilium ex re natum, insidijs ferocē hostem captandi. gaudere etiā multo successu Fabijs audaciam crescere. itaq; & pecora praedantibus aliquoties uelut casu incidissent, obuiam acta: & agrestium fuga uasti relictī agri: & subsidia armatorum ad arcendas populationes missa, saepius simulato quā uero pauore refugerunt. Iamq; Fabij adeo contēpserant hostē, ut sua inuicta arma neq; loco, neq; tempore ullo crederent sustineri posse. haec spes adeo prouexit, ut ad cōspecta procul à Cremera magno campi interuallo pecora, quanquā rara hostium apparebant arma, decurrerent. & cum improvidi effuso cursu insidias circa ipsum iter locatas superassent, palatīque passim uaga (ut fit) pauore iniecto raperēt pecora, subito

ex insidijs consurgitur. & aduersi & undiq; hostes erāt. primo clamor circūlatus exterruit, dein tela ab omni parte accidebāt. cōeuntibusq; Hetruscis iam cōtinenti agmine armatorum septi, quo magis se hostis infrebat, cogeantur breuiore spatio & ipsi orbem colligere. quæ res & paucitatem eorum insignem, & multitudinem Hetruscorum, multiplicatis in arcto ordinibus, faciebat. tum omīssa pugna quā in omnes partes parem intenderant, in unum locū se omnes inclinant. eò nixi corporibus armisq; rupere cuneo uiam. duxit uia in editum leniter collē. inde primo resistere: mox ut respirādi superior locus spatium dedit, recipi endiq; à pauore tanto animum, pepulere etiā subeūtes: uincebatq; auxilio loci paucitas, ni iugo circūmissus Veiens, in uerticē collis euasisset. ita superior rursus hostis factus, Fabij cæsi ad unū omnes, præsidiumq; expugnatum. C C C V I. perisse satis cōuenit: unum propè puberē ætate relictum, stirpē genti Fabiæ dubijsq; rebus populi Ro. sepe domū belli; uel maximum futurum auxilium. Cum hæc accepta clades esset, iam C. Horatius & T. Menenius C O S S. erāt. Menenius aduersus Thuscōs uictoria elatos confestim missus, tum quoq; male pugnatū est. & Ianiculū hostes occupauere: obsessaq; urbs foret, super bellum annona premente (transierant enim Hetrusci Tyberim) ni Horatius C O S. ex Volscis esset reuocatus. adeo'que id bellum ipsis institit mœnibus, ut primo pugnatum ad Spei sit æquo Marte, iterū ad portā Collinā. ibi quanquam paruo momēto superior Romana res fuit: meliorem tamen militem recepto pristino animo in futura prælia id certamen fecit. A. Virginius & Sp. Seruilius C O S S. fiunt. post acceptam proximā pugne cladem Veientes abstinuere acie. populatiōes erāt, & uelut ab arce

XXVI

Ianiciuli passim in Romanū agrum impetus dabant. non usquam pecora tuta, non agrestes erant. capti deinde eadem arte sunt, qua ceperant Fabios. Secuti dedita opera passim ad illecebras propulsa pecora precipitauere in insidias. quo plures erant, maior cædes fuit. ex hac clade atrox ira maioris cladis causa atque initium fuit. traiecto enim nocte Tyberi castra Seruiliij c o s. adorti sunt oppugnare. inde fusi magna cæde in Ianiculum se aggreceperunt. Confestim cōsul & ipse transit Tyberim, castra sub Ianiculo communit. postero die luce orta nō nihil & hesternæ felicitate pugnae ferox: magis tamen, quod inopia frumētī, quamuis in præcipitia, dum celeriora essent, agebat consilia: temere aduerso Ianiculo ad castra hostiū acie erexit. fœdiusq; inde pulsus quàm pridie pepulerat, interuentu collegæ ipse exercitusq; est seruatus. inter duas acies Hetrusci, cum inuicem his atq; illis terga darent occisione occisi. Ita oppressum temeritate felici Vciens. bellum. Vrbi cum pace laxior etiam annona redijt, & aduecto ex Campania frumēto, & postquàm timor sibi cuiq; futuræ inopiæ abiit, eo quod abditum fuerat, prolato. Ex copia deinde otioq; lasciuiare rursus animi: & pristina mala, postquam foris deerant, domi querere. tribuni plebem agitare suo ueneno, agraria lege: in resistentes incitare patres, nec in uniuersos modo, sed in singulos. Q. Considius & T. Genutius autores agrariæ legis T. Menenio diem dicunt. inuidiæ erat amissum Cremeræ præsidium, cū haud procul inde statua cōsul habuisset. eā oppressit: cū & patres haud minus quàm pro Coriolano annexi esset, & patris Agrippæ fauor haud dum exoleuisset. In multa temperarunt tribuni: cum capitis anquississent, duo millia æris damnato mulctā edixerunt. ea in caput uertit. negant tulisse

lisse ignominiā : ægritudineq; inde morbo absumptū esse.
 Alius deinde reus Sp. Servilius, ut consulatu abiit, C. Nautio
 & P. Valerio coss. initio statim anni ab L. Ceditio
 & T. Statio trib. die dicta, nō ut Menenius precibus suis
 aut patrum, sed cū multa fiducia innocentiae gratiaq; tri-
 bunitios impetus tulit. & huic praelium cū Thuscis ad Ia-
 niculū erat crimini. sed seruidi animi uir ut in publico pe-
 riculo antē, sic tū in suo, nō tribunos modo, sed plebē ora-
 tione feroci refutādo, exprobrādoq; T. Menenij dānationem
 mortēq; : cuius patris munere restituta quondā plebs
 eos ipsos, quibus tum seuiret magistratus, eas leges habe-
 ret : periculū audacia discussit. iuuit & Virginius collega
 testis productus, participando laudes : magis tamē Mene-
 nianum (adeo mutauerant auimū) profuit iudiciū. Certami-
 ne domi finito, Veiens bellū exortum, quibus Sabini arma
 coniunxerāt. P. Valerius coss. accitis Latinorū Hernico-
 rumq; auxilijs cum exercitu Veios missus, castra Sabina
 quæ pro mœnibus sociorum locata erāt, cō festim aggredi-
 tur : tātāq; trepidationē iniecit, ut dum dispersi, alij aliā
 manipulatim excurrūt ad arcendā hostium uim, ea porta
 cui signa primum intulerat caperetur. intra uallum dein-
 de cædes magis quàm praeliū esse. tumultus è castris & in
 urbem penetrat. tanquam Veijs captis, ita pauidi Veietes
 ad arma currunt. pars Sabinus eunt subsidio, pars Roma-
 nos toto impetu intentos in castra adoriuntur. paulisper
 auersi turbatiq; sunt. deinde & ipsi utroque uersis signis
 resistunt : & eques ab consule immensus Thuscis fundit fu-
 gatq; . eademq; hora duo exercitus duæq; potētissimæ &
 maximæ finitimæ gētes superatæ sunt. Dum hæc ad Ve-
 ios geruntur, Volsci Aequiq; in Latino agro posuerāt ca-
 stra, populatiq; fines erant. eos per se ipsi Latini assum-

XXVII

ptis Hernicis sine Romano aut duce, aut auxilio castris exuerunt. ingenti præda præter suas recuperatas res partiti sunt. missus tamen ab Roma consul in Volscos C. Nautilus. mos credo non placebat, sine Romano duce exercituq; socios proprijs uiribus cõsilijsq; bella gerere. nullũ genus calamitatis contumeliæ que non editum in Volscos est. nec tamen percelli potuere, ut acie dimicarent. L. Furius inde & C. Manlius c o s s. Manlio Veietes prouincia euenit. nõ tamen bellatum. induciæ in annos x l. petentibus datæ: frumento stipendioq; imperato. Paci externæ cõfestim cõtinuatur discordia domi. agrariæ legis tribunitijs stimulis plebs furebat. cõsules nihil Menenij damnatione, nihil periculo deterriti Seruilijs, summa ui resistunt. abeuntes magistratu consules Genutius Tr. pl. arripuit. L. Aemilius & Opiter Virginius cõsulatum ineunt. Vopiscum Iulium pro Virginio in quibusdã annalibus cõsulẽ inuenio. Hoc anno, quoscunq; consules habuit, rei ad populum Furius & Manlius circumeunt sordidati non plebem magis quàm iuniores patrum. suadent, monent, honoribus & administratione reip. abstineant. consulares uero fasces, prætextam curulem que sellã, nihil aliud quàm pompam funeris putent. claris insignibus uelut infulis uelatos ad mortem destinari. quod si cõsulatus tanta dulcedo sit, iam nunc ita animum inducant: cõsulatum captum & oppressum ab tribunitia potestate esse. consuli uelut apparitori tribunitio omnia ad nutum imperium que tribuni agenda esse. si se commouerit, si respexerit patres, si aliud quàm plebem esse in repub. crediderit: exilium Cn. Martij, Menenij damnationem & mortem sibi proponat ante oculos. His accensi uocibus patres, consilia inde nõ publica, sed in priuato, seductaq; à plurium conscientia habuere

buere. ubi cum id modo constaret, iure an iniuria eripien-
 dos esse reos: atrocissima quæq; maximè placebat senten-
 tia: nec autor quāvis audaci facinori deerat. Igitur iudicij
 die cū plebs in foro erecta expectatione staret: murari pri-
 mo, quòd non descenderet tribunus: deinde cum iam mora
 suspectior fieret, deterritū à primoribus credere, & deser-
 tam ac proditam causam publicam queri. tandè qui obuera-
 sati uestibulo tribuni fuerant, nuntiant, domi mortuū esse
 inuentum. quòd ubi in totam cōcionem pertulit rumor: si-
 cut acies funditur duce occiso, ita dilapsi passim alij aliò.
 præcipuus pauor tribunos inuaserat, quàm nihil auxilij
 sacratæ leges haberent, morte collegæ monitos. Nec pa-
 tres satis moderate ferre lætitiā. adeoq; neminem noxæ
 pœnitebat, ut etiam insontes fecisse uideri uellēt, palamq;
 ferrent, malo domandam tribunitiā potestatem. Sub hac
 pessimi exempli uictoria delectus edicitur, pauentibusq;
 tribunis sine intercessione ulla consules rem peragunt. Tū
 uero irasci plebs tribunorum magis silentio, quàm consu-
 lum imperio: & dicere, actum esse de libertate sua: rursus
 ad antiqua reditum, cum Genutio unā mortuam ac sepul-
 tam tribunitiam potestatem: aliud agendum, ac cogitandū
 quo modo resistatur patribus. id autem unum consilium
 esse, ut se ipsa plebs, quādo aliud nihil auxilij habeat, de-
 fendat. quatuor & uiginti lictores apparere consulibus,
 & eos ipsos plebis homines: nihil contemptius neq; infir-
 mius, si sint qui contemnant. sibi quenque ea magna atq;
 horrenda facere. His uocibus alij alios cum incitassent, ad
 Vleronem Publium de plebe hominem, quia quòd ordi-
 nes duxisset, negaret se nulitem fieri debere, lictor missus
 est à consulibus. Volo appellat tribunos. cum auxilio
 nemo esset, consules spoliari hominem, & uirgæ expediri
 i 5 iubent

XCVIII

iubent. Prouoco inquit ad populū Volero, quoniam tribuni ciuem Romanum in cōspectu suo uirgis cadi malūt, quā ipsi in lecto suo à uobis trucidari. quo ferocius clamabat, eo infestius circumscindere & spoliare licitor. Tū Volero & praeualēs ipse, & adiuuantibus aduocatis repulso licitore, ubi indignantium pro se accerrimus erat clamor, cōse in turbā confertissimam recipit clamitans, Pro uoco & fidem plebis imploro. adeste ciues, adeste cōmilitones, nihil est quod expectetis tribunos, quibus ipsis uestro auxilio opus est. Concitati homines ueluti ad praeliū se expediunt: apparebatq; omne discrimē adesse, nihil cuiquam sanctum nō publici fore, non priuati iuris. Huic tantæ tempestati cū se cōsules obtulissent, facile experti sunt, parum tutam maiestatem sine uiribus esse: uiolatis licitoribus, fascibus fractis è foro in curiā compelluntur, incerti quatenus Volero exerceret uictoriam. Conticescente deinde tumultu, cum senatum uocari iussissent: querūtur iniurias suas, uim plebis, Vleronis audaciam. Multis ferociter dictis sententijs, uicere seniores, quibus ira patrum aduersus temeritatē plebis certari non placuit. Vleronem amplexa fāuore plebs, proximis comitijs tribunum plebis creat in eum annum, qui L. Pinarium, F. Furium c o s s. habuit. contraq; omnium opinionem, qui cum uexandis prioris anni consulibus administraturū tribunatum credebant, post publicam causam priuato dolore habito, ne uerbo quidem uiolatis consulibus rogationem tulit ad populum, ut plebeij magistratus tributis comitijs fierent. Haud parua res sub titulo prima specie minime atroci ferebatur, sed quæ patricijs omnem potestatem per cliētum suffragia creandi quos uellent tribunos, auferret. Huic actioni gratissimæ plebi cum summa ui resisterēt patres: nec quæ

una uis ad resistendum erat, ut intercederet aliquis ex collegio, autoritate aut consulum, aut principum adduci posset: res tamē suo ipsa molimine grauis certaminibus in annum extrahitur. Plebs Voleronē trib. reficit. patres ad ultimum dimicationis rati rē uenturam, Ap. Claudii Appij filium, iā inde à paternis certaminibus inuisum infestūq; plebi, cōsulem faciūt. collega ei T. Quintius datur. Principio statim anni nihil prius quā de lege agebatur. sed ut inuentor legis Volero, sic Lectorius collega eius autor tū recentior, tum acrior erat. ferocē faciebat belli gloria ingēs, quod ætatis eius haud quisquā manu promptior erat. is cum Volero nihil præterquā de lege loqueretur in sessione abstinēs c o s s. ipse in accusatione Appij famulicq; superbissima, ac crudelissima in Plebē Ro. exorsus, cum à patribus nō c o s s. sed carnificem ad uexandam et lacerandā plebem creatum esse cōtenderet, rudis in militari homine lingua nō suppetebat libertati animoq; . itaque deficiēte oratione, Quandoquidē non tā facile loquor, inquit, Quirites, quā quod locutus sum præsto, crastino die adeste. ego hic aut in cōspectu uestro moriar, aut perfram legē. Occupant tribuni templū postero die. consules nobilitasq; ad impediendā legē in concione consistūt. summoueri Lectorius iubet, præterquā qui suffragiū in eant. adolescentes nobiles stabant nihil cedentes uiatori. tū ex his prehendi quosdā Lectorius iubet. Cōsul Appius negare, ius esse tribuno in quenquam, nisi in plebeiu: non enim populi, sed plebis eū magistratū esse: nec illum ipsum summouere pro imperio posse more maiorum, quia ita dicatur: si uobis uidetur, discedite Quirites. Facile et cōtempnim de iure disserendo perturbare Lectorium poterat. ardens igitur ira tribunus uiatorē mittit ad cōsulē: cōsul li-

ctorem

ctorem ad tribunū, priuatum esse clamitans, sine imperio, sine magistratu. uiolatusq; esset tribunus, ni & concio omnis atrox coorta pro tribuno in consulē esset: & cōcur- sus hominū in forū ex tota urbe cōcitata multitudinis fie- ret. suslinebat tamen Appius pertinacia tantā tempestatem: certatumq; haud incruento praelio foret, ni Quintius cos. alter consularibus negotio dato, ut collegam ui, si aliter nō possent, de foro abducerent: ipse nunc plebem sauientē precibus lenisset: nunc orasset tribunos, ut concilium di- mitterent: darent iræ spatium, non uim suam illis tempus adempturū, sed cōsiliū uiribus additurum: & patres in populi, & cōsulem in patrum fore potestate. Aegre sedata ab Quintio plebs, multo ægrius consul alter à patribus. Dimisso tandē concilio plebis, senatū consules habent. ubi cum timor atq; ira inuicē sentētias uariassent, quo magis spatium interposito ab impetu ad cōsultandum aduocaban- tur, eo plus abhorrebāt à certatione animi: adeo ut Quin- tio gratias agerent, quòd eius opera mitigata discordia es- set. ab Appio petitur, ut tantā consularē maiestatem esse uellet, quanta in concordi ciuitate esse posset. dum tribuni cōsulesq; ad se quisq; omnia trahant, nihil relictū esse ui- rium in medio. distractam laceratamq; rempub. per magi- stratus, magis quorum in manu sit, quàm ut incolumis sit, queri. Appius cōtrā, testari deos atq; homines, rempubli. prodi per metum ac descri: non consulē senatui, sed sena- tum consuli deesse: grauiores accipi leges, quàm in Sacro monte acceptæ sint. uictus tamen patrum cōsensu quieuit. lex silentio perfertur. Tum primū tributis comitijs creati tribuni sunt. numero etiā additos tres, perinde ac duo an- tē fuerint, Piso autor est. nominat quoq; tribunos, Cn. Sic- cium, L. Numitoriū, M. Duelliū, Sp. Iuliū, L. Mecilium.

Volscei

Volsi tum Aequiꝑ; inter seditionē Romanam & bellum
coortum, uastauerāt agros, ut si qua secessio plebis fieret,
ad se receptū haberent. cōpositis deinde rebus, castra re-
tro mouere. Ap. Claudius in Volscos missus. Quintio Ae-
qui provincia euenit. Eadē in militia scuitia Appij, quae
domi esse, eo liberior quod sine tribunitijs uinculis erat.
odisse plebē plus quā paterno odio, quod se uictū uide-
bat ab ea, se unico cōsule obiecto aduersus tribunitiā po-
testatem, perlatam legē esse, quam minore conatu, nequa-
quam tanta patrum spe, priores impedierant cōsules. Hae-
c ira indignatioꝑ; feroce animū ad uexandū suo impe-
rio exercitū stimulabat. nec ulla ui domari poterat, tantū
certamen animis imbiberāt. segniter, otiose, negligenter,
contumaciter omnia agere. nec pudor nec metus coërce-
bat. si citius agi uellet agmen, tardius sedulo incedere. si
adhortator operis adesset, omnes sua spē motā remitte-
re industriam: praesenti uultus demittere, tacite praetereun-
tem execrari: ut inuictus ille odio plebeio animus interdū
moueretur, omni nequicquā acerbitate prompta: nihil iam
cū militibus ageret, à centurionibus corruptū exercitū di-
ceret: tribunos plebei, cauillās interdū & Volerones uo-
caret. Nihil corū Volsi nesciebāt: instabantꝑ; eo magis,
sperantes idē certamē animorū aduersus Appiū habiturū
exercitū Romanū, quod aduersus Fabiū eos. habuisset.
ceterū multo Appio quā Fabio uiolentior fuit. nō enim
uincere tantum noluit, ut Fabianus exercitus, sed uinci uo-
luit. productus in aciem turpi fuga petit castra, nec antē
restitit, quā signa inferentē Volsū munimētis uidit, soe-
damꝑ; extremi agnūnis cēdem. tū expressa uis ad pugnan-
dum, ut uictor iā à uallo summoueretur hostis: satis tamen
appareret, capi tantū castra militē Romanū noluisse. alij
gaudere

gaudere sua clade atq; ignominia. Quibus nihil infractus
 ferox Appij animus, cum insuper ſeuire uellet, cōcionēq;
 aduocaret, concurrunt ad eum legati tribuniq; monētes,
 ne utiq; experiri uellet imperium, cuius uis omnis in con=
 ſenſu obediētiū eſſet. negare uulgo milites ſe ad cōcionē
 ituros, paſſimq; exaudiri uoces poſtulantium, ut caſtra ex
 Volſco agro moueātur. hoſtem uiſtorem paulo ante propē
 in portis ac uallo fuiſſe, ingentisq; mali non ſuſpicionem
 modo, ſed apertā ſpeciem obuerti ante oculos. Viſtus tā
 dem (quandoquidē nihil præter tempus noxæ lucraretur)
 remiſſa concione iter in ſequentem diem pronūtiari cum
 iuſſiſſet, prima luce claſſico ſignum proſectionis dedit. Cū
 maxime agmen è caſtris explicaretur, Volſci ut eodem ſi=
 gno excitati nouiſſimos adoriuntur. à quibus perlatus ad
 primos tumultus, eo pauore ſigna q; & ordines turbauit,
 ut neq; imperia exaudiri, neq; inſtrui acies poſſent. nemo
 ullius niſi fugæ memor, ita effuſo agmine per ſtragem cor=
 porū armorumq; euasere, ut prius hoſtis deſiſteret ſequi,
 quàm Romanus fugere. Tandē collectis ex diſſipato cur=
 ſu militibus, conſul cū reuocando nequicquam ſuos perſe=
 cutus eſſet, in pacato agro caſtra poſuit. aduocataq; cōcio
 ne, inuectus haud falſo in proditorem exercitum militaris
 diſciplinæ, deſertorē ſignorū, ubi ſigna, ubi arma eſſēt?
 ſingulos rogitans, inermes milites, ſigno amiſſo ſigniſe=
 ros, ad hoc centuriones duplicariosq; qui reliquerāt ordi=
 nes, uirgis caſos ſecuri percuſſit. cætera multitudo ſorte
 decimus quiſq; ad ſupplicium lecti. Contra ea in Aequis
 inter conſulē ac militem comitate ac beneficijs certatum
 eſt. & natura Quintius erat lenior, & ſeuitia infelix col=
 legæ quo is magis gauderet ingenio ſuo, effecerat. Huic
 tātæ cōcordiæ ducis exercitusq; nō auſi offerre ſe Aequi,
 uagari

vagari populabundū hostem per agros passi, nec ullo antè
 bello latius inde actæ prædæ, omnis militi data est. addebā
 tur & laudes, quibus baud minus quàm præmio gaudent
 militū animi. Tum duci, tū propter ducē patribus quoq;
 placatior exercitus redijt. sibi parentē, alteri exercitui do
 munum datum ab senatu memorans. Varia fortuna belli,
 atroci discordia domi forisq; annum exactum, insignē ma
 xime comitia tributa efficiunt: res maior uictoria suscepti
 certaminis quàm usu. plus enim dignitatis comitijs ipsis
 detractū est, patribus ex cōcilio summouendis, quàm uiriū
 aut plebi additū, aut demptū patribus. Turbulentior in
 de annus excepit, L. Valerio, T. Aemylio c o s s. tū pro
 pter certamina ordinū de lege agraria: tum propter iudi
 cium Ap. Claudij, cui acerrimo aduersario legis, causamq;
 possessorū publici agri tāquam tertio cōsuli sustinēti M.
 Duellius & Cn. Siccus dicm dixere. Nūquā antè tā in
 uisus plebi reus ad iudicium uocatus populi est, plenus sua
 rum, plenus paternarū irarū. patres quoq; nō temere pro
 ullo æque annexi sunt: propugnatorē senatus, maiestatisq;
 uindicē suæ ad omnes tribunitios, plebeiosq; oppositum
 tumultus, modum duntaxat in certamine egressum, obijci
 iratæ plebi. Vnus è patribus ipse Ap. Claudius & tribu
 nos & plebē & suum iudiciū pro nihilo habebat. illū nō
 minæ plebis, non senatus preces percellere unquā potue
 re, nō modo ut uestem mutaret, aut supplex prehensaret
 homines, sed ne ut ex consueta quidē asperitate orationis,
 cū ad populū agenda causa esset, aliquid leniret atq; sum
 mitteret. idē habitus oris, eadem contumacia in uultu, idē
 in oratione spiritus erat: adeo ut magna pars plebis Ap
 pium non minus reum timeret, quàm consulem timuerat.
 semel causam dixit, quo semper agere omnia solitus erat,
 accusa

accusatorio spiritu: adeoq; cōstantia sua & tribunos ob-
 stupefecit & plebē, ut diē ipsi sua uoluntate producerent:
 trahi deinde rem sinerent. haud ita multū interim tempo-
 ris fuit: antē tamē quā prādicta dies ueniret, morbo mo-
 ritur. cuius laudationē cum tribuni plebis impedire cona-
 rentur, plebs fraudari solenni honore supremum diē tanti
 uiri noluit: & laudationē tam æquis auribus mortui audi-
 uit, quā uiui accusationē audierat, & exequias frequēs
 celebrauit. Eodem anno Valerius c o s. cum exercitu in
 Aequos profectus, cum hostē ad prælium elicere non pos-
 set, castra oppugnare est adortus. prohibuit fœda tempe-
 stas, cum grandine ac tonitribus cœlo deiecta. admiratio-
 nem deinde auxit, signo receptui dato, adeo trāquilla se-
 renitas reddita, ut uelut numine aliquo defensa castra op-
 pugnare iterū religio fuerit. omnis ira belli ad populatio-
 nem agri uertit. Alter cōsul Aemilius in Sabinis bellum
 gessit. & ibi, quia hostis mœnibus se tenebat, uastati agri
 sunt. Incendijs deinde non uillarū modo, sed etiam uico-
 rum, quibus frequēter habitabatur, Sabini exciti cū prae-
 datoribus occurrisset, ancipiti prælio digressi, postero die
 retulere castra in tutiora loca. id satis consuli uisum, cur
 pro uicto relinqueret hostē, integro inde decedens bello.
 Inter hæc bella manente discordia domi, T. Numitius Pri-
 scus, A. Virginii c o s s. facti. Non ultrā uidebatur la-
 tura plebs dilationem agrariae legis, ultimaq; uis paraba-
 tur, cū Volscos adesse, fumo ex incendijs uillarum, fugaq;
 agrestium cognitum est. ea res maturā iam seditionē ac pro-
 pē crumpentem repressit. Cōsules coacti extemplo ab se-
 natu ad bellum educta ex urbe iuuentute, trāquilliorē cete-
 ram plebē fecerūt. Et hostes quidē nihil aliud quā per-
 fusis p̄ano timore Romanis, citato agmine abeunt. Numi-
 tius

tius Antium aduersus Volscos, Virginius contra Aequos profectus, ibi ex insidijs propè magna accepta clade, uirtus militum rem prolapsam negligentia consulis restituit. Melius in Volscis imperatum est. fusi primo prælio hostes, fugaq; in urbem Antium, ut tum res erāt, opulentissimam acti, quam consul oppugnare nō ausus, Cennonem aliud oppidum nequaquam tam opulentum ab Antiatis cepit. Dum Aequi Volsciq; Romanos exercitus tenēt, Sabini usque ad portas urbis populantes incessere. deinde ipsi paucis post diebus à duobus exercitibus, utroq; per iram cōsule ingresso in fines, plus cladium quàm intulerant, acceperunt. Extremo anno pacis aliquid fuit: sed ut semper aliās, sollicitæ certamine patrum & plebis. Irata plebs intercesse consularibus comitijs noluit, per patres clientesq; patrum consules creati, T. Quintius & Q. Seruilius. similem annum priori consules habent, seditiosa initia, bello deinde externo trāquilla. Sabini Crustumino cāpos citato agmine transgressi, cum cædes & incendium circum Anienem flumen fecissent, à porta propè Collina mœnibusq; pulsī, ingentes tamē prædas hominū pecorumq; egēre. quos Seruilius cōs. infesto exercitu insecutus, ipsum quidem agmen adipisci æquis locis nō potuit: populationem adeo effuse fecit, ut nihil bello intactum relinqueret, multipliciq; capta præda rediret. Et in Volscis respublica egregie gesta, tum ducis, tum militū opera. Primum æquo campo signis collatis pugnatum, ingenti cæde utrinque, plurimo sanguine. Et Romani, quia paucitas damno sentiendo propior erat, gradum retulissent, ni salubri mendacio consul fugere hostes ab cornu altero clamitans concitasset aciem. impetu factō, dum se putant uincere, uicere. Consul metuens ne nimis instando renouaret certamē, signum re-

ceptui dedit. Intercessere pauci dies, uelut tacitis inducijs utrinq; quiete sumpta: per quos ingēs uis hominum ex omnibus Volsis Aequisq; populis in castra uenit: haud dubitans, si senserint, Romanos nocte abituros. itaque tertia ferē uigilia ad castra oppugnāda ueniunt. Quintius sedato tumultu, quem terror subitus exciuerat, cum manere in tentorijs quietum militem iussisset, Hernicorum cohortem in stationem educit: cornicines tubicinesq; in equos impositos canere ante uallum iubet, sollicitumq; hostem ad lucē tenere. reliquū noctis adeo tranquilla omnia in castris fuerē, ut somni quoque Romanis copia esset. Volscos species armatorum peditū, quos & plures esse & Romanos putabant: fremitus hinnitusq; equorum, qui & insueto sedente equite, & insuper aures agitante sonitu, seuiebant: intētos uelut ad impetum hostium tenuit. Vbi illuxit, Romanus integer satiatusq; somno, productus in aciem, festum stando et uigilijs Volscū primo impetu perculit. quāquam cessere magis, quā pulsī hostes sunt: quia ab tergo erāt cliui, in quos post principia integris ordinibus tutus receptus fuit. Consul ubi ad iniquum locum uētum est, sistit aciem, mules aggre teneri, clamare & poscere, ut perculsis instare liceat. ferocius agunt equites circūfusi ducibus: uociferātur se ante signa ituros. Dum cunctatur cōsul uirtutum milite fretus, loco parū fidens, cōclamant se ituros: clamoremq; res est secuta, fixis in terram pilis, quo leuior res ardua euaderēt, cursu subeunt. Volsceus effusis ad primū impetū missilibus telis, saxa obiacētia pedibus ingerit in subeuntē: turbatosq; ictibus crebris urget ex superiore loco. Sic propē oneratū est sinistrū Romanis cornu, nreferentibus iam gradū cōsul increpādo simul temeritatē, simul ignauiam, pudore metum excussisset, resistere primo obsti

obstinatis animis: deinde ut obtinētes locum vires ferebāt, audent ultro gradum inferre, & clamore renouato cōmo- uent aciem. tum rursus impetu capto enitūtur atque exu- perant iniquitatem loci. iam propè erat ut in summum cli- ui iugum euaderēt, cum terga hostes dedere: effusoq; cur- su penè agmine uno, fugiētes sequentesq; castris incidēre. in eo pauore castra capiuntur. qui Volscorum effugere po- tuerunt, Antium petunt. Antium & Romanus exercitus ductus. paucos circumfessum dies deditur, nulla oppugnan- tiū noua ui, sed quòd iam inde ab infelici pugna, castrisq; amissis ceciderant animi.

DECADIS I.

LIBER III.



NTIO capto T. Aemilius & Q. Fa- bius c o s s. fiunt. hic erat Fabius, qui unus extinctæ ad Cremeram gēti superfue- rat. Iam priore cōsulatu Aemilius dandī agri plebi fuerat autor. itaq; secūdo quo- que cōsulatu eius & agrarij se in spem legis crexerāt: & tribuni rē contra cōsales saepe tētatam adiutore utiq; cōsu- le obtineri posse rati, suscipiūt: et consul manebat in sentē- tia sua. possessores & magna pars patrū tribunitijs se ia- ctare actionibus principē ciuitatis, & largiēdo de alieno popularē fieri querētes, totius inuidiā rei à tribunis in cō- sulē auerterāt. atrox certamē aderat, ni Fabius cōsilio neu- tri parti acerbo rē expedisset. T. Quintij ductu & auspi- cio agri capti priore anno aliquantū à Volscis esse, Antiū propinquā, opportunā et maritimam urbē coloniā deduci posse: ita sine querelis possessorū plebē in agros iturā, ciui-

k 2 tatem

tatē in cōcordia fore. Hęc sententia accepta est. Triumui-
 ros agro dando creat T. Quintium, A. Virginium, P. Fu-
 rium. iussi nomina dare, qui agrum accipere uellent. Fecit
 statim (ut fit) fastidium copia: adeoq; pauci nomina dede-
 re, ut ad explendum numerum coloni Volsi adderentur:
 cetera multitudo poscere Romę agrum malle, quā ali-
 bi accipere. Aequi à Q. Fabio (is eò cum exercitu uene-
 rat) pacem petiere, iritamque eam ipsi subita indursione
 in agrum Latinum fecere. Q. Seruilius insequēti anno,
 is enim cum Sp. Posthumio c o s. fuit: in Aequos missus,
 in Latino agro statiuā habuit. intra castra quies necessa-
 ria morbo implicitum exercitum tenuit. Extractum in ter-
 tium annum bellum est, Q. Fabio & T. Quintio c o s s.
 Fabio extra ordinem, quia is uictor pacem Aequis dede-
 rat, ea prouincia data. Qui haud dubia spe profectus famā
 nominis sui pacaturam Aequos, legatos in concilium gen-
 tis missos nūtiare iussit; Q. Fabiū c o s. dicere, se ex Ae-
 quis pacem Romam tulisse, ab Roma Aequis bellum affer-
 re, eadem dextera armata, quam pacatam illis antea dede-
 rat. quorum id perfidia & periurio fiat, deos nunc testes
 esse, mox fore ultores. se tamen, utcunque sit, etiam nūc, pœ-
 nitere sua sponte Aequos, quā pati hostilia, malle. si pœ-
 niteat, tutum receptum ad expertam clementiam fore. sin
 periurio gaudeant, dijs magis iratis quā hostibus gestu-
 ros bellum. Hęc dicta adeo nihil mouerunt quenquam,
 ut legati propē uiolati sint, exercitusque in Algidum ad-
 uersus Romanos missus. Quę ubi Romam sunt nuntiata,
 indignitas rei magis quā periculum consulem alterum
 ab urbe exciuit. ita duo cōsulares exercitus ad hostem ac-
 cessere, acie instructa, ut confestim dinicarent. Sed cum
 forte haud multum diei superesset, unus ab statione ho-
 stium

sium exclamat, Ostentare hoc est Romani, non gerere bel-
 lum. in noctem imminentem aciem instruitis. longiore lu-
 ce ad id certamen quod instat, nobis opus est. crastino die
 oriente sole redite in aciem: erit copia pugnandi, ne time-
 te. His uocibus iritatus miles in diem postcrum in castra
 reducitur, longam uenire noctem ratus, quæ moram certi-
 mini faceret. tum quidam corpora cibo somnoque curât.
 ubi illuxit postero die, prior aliquanto constitit Romana
 acies, tandem & Aequi processere. prælium fuit utrinque
 uehemens, quod & Romanus miles ira odioque pugna-
 bat: & Aequos conscientia contracti culpa periculi, &
 desperatio futuræ sibi postea fidei, ultima audere & expe-
 riri cogeabat. Non tamen sustinuerunt aciem Romanam Aequi.
 pulsiq; cum in fines suos se recepissent, nihilo inclina-
 tioribus ad pacem, animus ferox multitudo increpare du-
 ces, quod in aciem qua pugnandi arte Romanus excellat,
 commissa res sit. Aequos populationibus incursionibusq;
 meliores esse: & multas passim manus, quàm magnam mo-
 lem unius exercitus, rectius bella gerere. Relicto itaque ca-
 stris præsidio, egressi tãto cum tumultu inuasere fines Ro-
 manos, ut ad urbem quoque terrorem pertulerint. nec opi-
 nata etiam res plus trepidationis fecit, quod nihil minus
 quàm ne uictus, ac propè in castris obseffus hostis memor
 populationis esset, timeri poterat. agrestesque pauidi in-
 cidentes portis non populationem, nec prædonum paruas
 manus, sed omnia uano augentes timore, exercitus & le-
 giones adesse hostium, & infesto agmine ruerent ad ur-
 bem clamabant. Ab his proxima audita incerta, eoque uaniora
 ferre ad alios: cursus clamorque uocantium ad arma,
 haud multum à pauore captæ urbis abesse. Forte ab
 Alcido Quintius c o s . redierat Romanum: id remedium

timori fuit: tumultuq; sedato, uictos timeri increpans ho-
 stes, praesidia portis imposuit. uocato deinde senatu cū ex
 autoritate patrum iustitio indicto profectus ad tutandos fe-
 nes esset, Q. Scruilio praefecto urbis relicto, hostē in agris
 non inuenit. Ab altero consule res gesta egregie est. qui
 quā uēturum hostem sciebat, grauem praeda, eoq; impedi-
 tiore agmune incedētem aggressus, funestam ei populatio-
 nem fecit. pauci hostium euasere ex insidijs, praeda omnis
 recepta est. Sic finem iustitio, quod quatrimum fuit, redi-
 tus Quintij c o s . in urbem fecit. Censui deinde actus,
 et conditum à Quintio lustrum. Censa ciuium capita cen-
 tum quatuor et xx. millia, c c x i i i i . dicuntur, praeter
 orbos orbasq;. In Aequis nihil memorabile actum. in op-
 pida sua se recepere, uri sua populariq; passi. Consul cum
 aliquoties per omnem hostium agrum in festo agmune po-
 pulabundus isset, cum ingēti laude praedaq; Romam re-
 diit. Consules inde Posthumius Albus, Sp. Furius. Furios
 Fusios scripsere quidam. id admoneo, nequis immutationē
 uirorum ipsorum esse, quae nomen est, putet. Haud du-
 bium erat, quin cum Aequis alter consulum bellum gere-
 ret. itaque Aequi ab Ecetranis Volscis praesidium petiere,
 quo cupide oblato (adco ciuitates hae perpetuo in Roma-
 nos odio certauere) bellum summa ui parabatur. Sentiant
 Hernici et praedicunt Romanis, Ecetranū ad Aequos de-
 scisse. suspecta et colonia Antium fuit, quod magna uis ho-
 minum inde, cum oppidum captū esset, confugisset ad Ae-
 quos. usq; miles per bellum Aequicum uel acerrimus fuit.
 Compulsis deinde in oppida Aequis, ea multitudo dilapsa
 cum Antium redisset, sua sponte iam infidos colonos Ro-
 manis abalienauit. Necdum matura re, cum defectionem
 parari delatum ad senatum esset, datum negotium est con-
 suli

sulibus, ut principibus coloniae Romanae excitis, quaerere
 quidnam rei esset. qui cum haud grauate uenissent: intro-
 ducti à cōsulibus ad senatum, ita responderunt ad interro-
 gata, ut magis suspecti quàm uenerat, dinatterentur. Bel-
 lum inde haud dubium haberi. Sp. Furius consulum alter,
 cui ea provincia euenerat, profectus in Aequos, Hernico-
 rum in agro populabundū hostem inuenit: ignarusq; mul-
 titudinis, quia nusquam uniuerſa cōspecta fuerat, imparē
 copijs exercitum temere pugnae commisit. primo concur-
 su pulsus se in castra recepit. neq; is finis periculi fuit. nan-
 que & proxima nocte & postero die tanta uis castra sunt
 circūseſſa atq; oppugnata, ut ne nuntius quidem inde mit-
 ti Romam posset. Hernici & male pugnatum, & cōsulem
 exercitumq; obsideri, nūtiauerunt: tantumq; terrorem in-
 cussere patribus, ut (quae forma senatuscōsulti ultimae sem-
 per necessitatis habita est) Posthumio alteri cōsulum nego-
 tiū daretur: uideret nequid respublica detrimenti caperet.
 Ipsum consulem Romae manere ad conscribendos omnes
 qui arma ferre possent, optimū uisum est, procōsulem T.
 Quintium subsidio castris cum sociali exercitu mitti. ad
 eū explendum Latini Herniciq;, & colonia Antium dare
 Quintio subitarios milites (ita tum repentina auxilia ap-
 pellabant) iussi. Multi per eos dies motus, multiq; impe-
 tus hinc atque illinc facti, quia superante multitudine ho-
 stes carpere multifariam uires Romanas ut non sufficere-
 ras ad omnia, aggressi sunt. simul castra oppugnabantur,
 simul pars exercitus ad populandum agrum Romanum
 missa, urbemque ipsam, si qua fortuna daret, tentandam.
 L. Valerius ad praesidium urbis relictus: consul Posthu-
 mius ad arcendas populationes finium missus. Nihil re-
 missum ab ulla parte curae aut laboris. uigiliae in urbe,

stationes ante portas, præsidia que in muris disposita: & quod necesse erat in tanto tumultu, iuslitium per aliquot dies seruatum. Interim in castris Furius c o s. cum primo quietus obsidionem passus esset, in incautum hostem decumana porta erupit: & cum persequi posset, metu substitit, nequa ex parte altera in castra uis fieret. Furium legatum (frater idem cōsulū erat) longius extulit cursus: nec suos ille redeūtes persequendi studio, neq; hostiū ab tergo incursum uidit. ita exclusus multis sæpe frustra conatibus capitis, ut uiam sibi ad castra faceret, acriter dimicās cecidit. Et consul nuntio circūuenti fratris cōuersus ad pugnam, dum se temere magis quā sātis caute in mediam dimicationem infert, uulnere accepto, ægre ab circūstantibus ereptus, & suorum animos turbauit, & ferociōres hostes fecit: qui cæde legati, & cōsulis uulnere accensi nulla deinde uis sustineri potuere, cum cōpuli in castra Romani rursus obsiderētur, nec spe nec uiribus pares: uenissetq; in periculum summa rerum, ni T. Quintius peregrinis copiis cum Latino Hernicōq; exercitu subuenisset. is intentos in castra Romana Aequos, legatiq; caput ferociter ostentantes ab tergo adortus, simul ad signum à se procul editū ex castris eruptione facta, magnam uim hostium circūuenit. Minor cædes, fuga effusior Aequorum in agro fuit Romano. in quos palatos prædam agentes Posthumius aliquot locis, quibus opportuna imposuerat præsidia, impetum dedit. ij uagi dissipato agmine fugiētes in Quintium uictorē cum saucio consule reuertētē incidēre. Tum cōsularis exercitus egregia pugna cōsulis uulnus, legati et cohortium ultus est cædem. Magnæ clades ultro citroq; illis diebus & illatæ & acceptæ. difficile ad fidē est in tam antiqua re quot pugnauerint ceciderint uē, exacto affirmare nume

re numero. audet tamē Antiās Valerius cōcipere summas. Romanos cecidiſſe in Hernico agro v. mil. ac ccc. Ex prædatoribus Aequorum, qui populabundi in finibus Romanis uagabātur, ab A. Poſthumio cōs. duo millia & ccc. caſos: cæteram multitudinem prædam agentem quæ inciderit in Quintium, nequaquam pari deſunctā eſſe cæde: interfecta inde quatuor millia, & exequēdo ſubtiliter numerum, ccc. ait, & xxx. Inde Romam reditum eſt, iuſtitium remiſſum eſt. Cælum uiſum eſt ardere plurimo igni, portētaq; alia aut obuſata oculis, aut uanas exterritis oſcētare ſpecies. His auertendis terroribus in triuum feriæ indiçtæ, per quas omnia delubra pacem deūm expoſcētium uirorum mulierumq; turba implebātur. Cohortes inde Latine Hernicæq; ab ſenatu gratijs ob impiam mulitiam actis, remiſſæ domos. Antiates nulle milites, quia ſerum auxiliū poſt prælium uenerāt, propè cū ignominia dimiſſi. Comutia inde habita. creati cōſules L. Ebutius, P. Seruilius calēdis ſextilibus, ut tūc principium anni agebatur, cōſulatum ineunt. Graue tempus et forte annus peſtilēs erat urbi agrisq; nec hominibus magis quàm pecori. & auxere uim morbi terrores populationis, pecoribus agreſtibusq; in urbē acceptis. ea colluuiο muſtorum omnis generis animantiū, & odore inſolito urbanos, & agreſtem confertum in arcta teçta æſtu ac uigilijs angebat: miſteriaq; inuicē ac contagio ipſa uulgabāt morbos. Vix inſtantes ſuſtinētibus clades repente legati Hernici nuntiant: in agro ſuo Aequos Volſcosq; cōiunctis copijs caſtra poſuiſſe, inde ingenti exercitu fines ſuos depopulari, præterquam quòd inſrequēs ſenatus indicio erat ſocijs, aſſiçtā ciuitatem peſtilentia eſſe: mœſtum etiam reſponſum tulere, ut per ſe ipſi Hernici cum Latinis res ſuas tuta-

rentur: urbem Romanam subita deum ira morbo popula-
 ri, si qua eius mali quies ueniat, ut anno antè, ut semper
 aliàs, socijs opem laturos. Discessere socij, pro tristi nuntio
 tristiore domum referentes: quippe quibus per se sustinen-
 dum bellum erat, quod uix Romanis fulti uiribus sustinuis-
 sent. Non diutius se in Hernico hostis cōtinuit. pergit in-
 de infestus in agros Romanos, etiam sine belli iniuria na-
 statos. Vbi cū obuius nemo ne inermis quidem fieret: perq;
 omnia non præsidijs modo deserta, sed etiam cultu agre-
 sti, trāsirent: peruenere ad tertium lapidem Gabina uia.
 Mortuus Ebutius erat Romanus cōsul, collega eius Serui-
 lius exigua in spe trahebat animam: affecti pleriq; princi-
 pum, patrum maior pars, militaris ferè ætas omnis: ut nō
 modo ad expeditiones quas in tãto tumultu res poscebat,
 sed uix ad quietas stationes uiribus sufficerent. munus ui-
 giliarum senatores, qui per ætatem ac ualetudinem pote-
 rant, per se ipsi obibant: circuitio ac cura ædiliū plebis
 erat: ad eos summa rerum ac maiestas consularis imperij
 euenerat. Deserta omnia sine capite, sine uiribus dij præsi-
 des ac fortuna urbis tutata est: quæ Volscis Aequisq; præ-
 donum potius mētem quàm hostium dedit. adeo enim nul-
 la spes nō potiundi modo, sed ne adcundi quidem Roma-
 na mœnia animos eorum cepit: tectaq; procul uisa atque
 imminentes tumuli auertere mentes eorum: ut totis passim
 castris fremitu orto, quid in uasto ac deserto agro, inter ta-
 bem pecorum hominumq;, desides sine præda tempus te-
 rerent, cum integra loca, Tusculanum agrum opimum
 copijs petere possent? signa repente conuellerent: trāsuer-
 sisq; itineribus per Lauicanos agros in Tusculanos col-
 les transirent. eò uis omnis tempestasq; belli conuersa est.
 Interim Hernici Latiniq; pudore etiam, non misericordia
 solum

solum moti, si nec obsitissent communibus hostibus, in festo agmune Romanam urbem petentibus, nec opem ullam obsej's socijs ferrent: coniuncto exercitu Romam pergūt, ubi cum hostes non inuenissent, secuti famam ac uestigia, obuij fiunt descendentibus a Thusculano in Albanam uallem. ibi haudquaquam æquo prælio pugnatum est: fidesq; sua socijs parum felix in præsentia fuit. Haud minor Romæ fuit morbo strages, quàm quanta ferro sociorum facta erat. consul qui unus supererat, moritur. mortui & alij clari uiri, M. Valerius, T. Virginus Rutilius, augures: Ser. Sulpitius, curio maximus. & per ignota capita late uagata est uis morbi: inopsq; senatus auxilij humani, ad deos populum ac uota uertit. iussi cum coniugibus ac liberis supplicatum ire, pacemque exposcere deum. ad id quod sua quenq; mala cogeant, auctoritate publica euocati, omnia delubra implent. stratae passim matres crinibus templa uerrentes, ueniam irarum coelestium finemq; pesti exposcunt. Inde paulatim seu pace deum impetrata, seu grauiore tempore anni iam circumacto, defuncta morbis corpora salubriora esse cœpere: uersisque animis iam ad publicam curam, cum aliquot interregna exissent, P. Valerius Publicola tertio die quàm interregnum inierat, consules creat L. Lucretium Tricipitinum & T. Veturium Geminum, siue ille Vetustius fuit. Ante diem 111. idus sextiles consulatum ineunt, iam satis ualida ciuitate, ut non solum arcere bellum, sed ultro etiam inferre posset. Igitur nuntiantibus Hernicis, in fines suos transcendisse hostes, impigre promissum auxilium. duo consulares exercitus scripti. Veturius missus in Volscos ad bellum ultro inferendum. Tricipitinus populationibus arcēdis sociorum agro oppositus, non ultra quàm in Hernicos procedit. Veturius primo prælio host

hostes fundit fugatq; . Lucretium dum in Hernicis sedet,
 prædonum agmen fessellit, supra montes Prænestinos du=
 ctum. inde dimissum in campos, uastare agros, Prænesti=
 num Gabinumq; ex Gabino in Thusculanos flexere col=
 les. urbi quoq; Romæ ingens præbitus terror, magis in re
 subita, quàm quòd ad arcendam uim parum uirium esset.
 Q. Fabius præerat urbi. is armata iuuentute, dispositisq;
 præsijs tuta omnia ac tranquilla fecit. Itaq; hostes præ=
 da ex proximis locis rapta appropinquare urbi non ausi,
 cum circumacto agmine redirent, quanto longius ab urbe
 hostium abscederent, eo solutiore cura, in Lucretium inci=
 dunt consulem, iam antè exploratis itineribus suis instru=
 ctum, & ad certamen intentum. Igitur præparatis animis
 repentino pauore percussos adorti, aliquanto pauciores
 multitudinem ingentem fundunt fugantq; : & compulsos
 in cauas ualles, cum exitus haud in facili esset, circumue=
 niunt. ibi Volscum nomen propè deletum est. x i i i. mil=
 lia c c c c l x x. cecidisse in acie ac fuga, m. c c l. ui=
 uos captos, signa x x v i i. militaria relata, in quibusdam
 annalibus inuenio. ubi etsi adiectum aliquid numero sit,
 magna certe cædes fuit. Victor consul ingenti præda po=
 titus eadem in statiuâ redijt. tũ consules castra coniungũt,
 & Volsci Aequiq; afflictas uires suas in unum contulere.
 Tertia illa pugna eo anno fuit. eadem fortuna uictoriam
 dedit. fuis hostibus etiam castra capta. Sic res Romana in
 antiquum statum redijt: secūdaq; bellires extemplo urba=
 nos motus excitauerũt. C. Terentillus Arsa tribunus ple=
 bis eo anno fuit. is consulibus absentibus ratus locum tri=
 bunitijs actionibus datum, per aliquot dies patrũ super=
 biam ad plebẽ criminatus, maxime in consulare imperium
 tanquam nimium, nec tolerabile liberæ ciuitati inueheba=
 tur.

tur. nomine enim tantum minus inuidiosum, re ipsa propè atrocius quàm regium esse. quippe duos pro uno dominos acceptos immoderata, infinita potestate: qui soluti atq; effrenati ipsi, omnis metus legū, omniaq; supplicia uerterēt in plebem. quæ ne æterna illis licetia sit, legem se promulgaturum, ut quinqueuiri creentur legibus de imperio consulari scribendis. quod populus in se ius dederit, eo consulem usurum: non ipsos libidinem ac licentiam suam pro lege habituros. Qua promulgata lege, cum timerēt patres, ne absentibus consulibus iugū acciperent: senatus à præfecto urbis Q. Fabio uocatur. qui adeo atrociter in rogatione latorēq; ipsum est inuectus, ut nihil, si ambo cōsules infesti circumstarent tribunum, relictū minarum atq; terroris sit. Infidiatum eum, et tempore capto adortum rempublicam. si quē similem eius priore anno inter morbum, bellumq; irati dii tribunum dedissent, nō potuisse sisti. mortuis duobus consulibus, iacente ægra ciuitate in colluuiatione omnium rerum, ad tollendum è rep. consulare imperium laturum leges fuisse: ducem Volscis, Acquisq; ad oppugnandam urbem futurum. Quid tandem illi nō licere? siquid cōsules superbe in aliquem ciuium, aut crudeliter fecerint, diem dicere: accusare his ipsis iudicibus, quorum in aliquē seuitum sit. non illum consulare imperium, sed tribuniciam potestatem inuisam, intolerandam que facere: quam pacatam reconciliatamq; patribus deintegro in antiqua redigi mala. neque illum se deprecari quo minus pergat ut cœperit. Vos, inquit Fabius, cæteri tribuni oramus, ut primum omnium cogitetis, potestatem istam ad singulorum auxilium, non ad perniciem uniuersorum comparatam esse: tribunos plebis uos creatos, non hostes patribus, nobis miserum, inuidiosum uobis est, desertam rempublicam

blican inuadi. non ius uestrū, sed inuidiam minueritis. agite cum collega, ut rem integram in aduentum cōsulum differat. ne Aequi quidem ac Volsci morbo absumptis priore anno consulibus, crudeli superboque nobis bello institere. Agunt cum Terētillo tribuni. dilataque in speciem actione, re ipsa sublata, consules extemplo accersiti. Lucretius cū ingenti praeda, maiore multo gloria redijt. Et auget gloriam adueniens exposita omni in campo Martio praeda, ut suum quisque per triduum cognitum abduceret. reliqua uendita, quibus domini nō extitere. Debeatur omniū consensu consuli triumphus: sed dilata res est, tribuno de lege agente. id antiquius consuli fuit. Iactata per aliquot dies tum in senatu res, tum ad populum est. cessit ad ultimum maiestati cōsulis tribunus, et destitit. Tum imperatori exercituique honos suus redditus. Triūphauit de Volscis Aequisque, triumphantem secutæ suæ legiones. Alteri consuli datum, ut ouans sine militibus urbem iniret. Anno deinde insequenti lex Terentilla ab toto relata collegio nouos aggressa consules est. erant consules P. Volūnius, Ser. Sulpitius. Eo anno cælum ardere uisum, terra ingenti concussa motu est. bouē locutam, cui rei priore anno fides non fuerat, creditum. Inter alia prodigia et carne pluit, quem imbrem ingens numerus auium interuolitando rapuisse fertur: quod intercidit, sparsum ita iacuisse per aliquot dies, ut nihil odor mutaret. Libri per duumuiros sacrorū aditi. pericula à conuentu alienigenarum prædicta, ne qui in loca summa urbis impetus cædesque inde fierent. inter cetera monitum, ut seditionibus abstineretur. Id factum ad impediendam legem tribuni criminabantur, ingensque aderat certamen. Ecce (ut idem in singulos annos orbis uolueretur) Hernici nuntiant: Volscos et Aequos etsi accisere

res sint, reficere exercitus: Antij summam rei positā, Ece-
 trae Antiates colonos palam concilia facere: id caput, eas
 vires belli esse. Vt hæc dicta in senatu sunt, delectus edici-
 tur. cōsules belli administrationē inter se dispartiri iussi: al-
 teri ut Volsci, alteri ut Aequi prouincia esset. Tribuni com-
 rām in foro personare, fabulam compositam Volsci belli,
 Hernicos ad partes paratos. iam ne uirtute quidem premi
 libertatem populi Romani, sed arte eludi. quia occidione
 propè occisos Volscos, & Aequos mouere sua sponte ar-
 ma posse, iam fides abierit: nouos hostes quæri. coloniam
 fidam, propinquam, infamem fieri. bellum innoxijs Antia-
 tibus indici, geri cum plebe Romana, quam oneratam ar-
 mis ex urbe præcipiti agmine acturi essent, exilio & rele-
 gatione ciuium ulciscentes tribunos. sic nequid aliud actū
 putent, uictam legem esse: nisi dum integro res sit, dum do-
 mi, dum togati sint, caueant, ne possessione urbis pellantur,
 ne iugum accipiant, si animus sit, non de fore auxilium. cō-
 sentire omnes tribunos, nullum terrorem externum, nul-
 lum periculum esse. cauisse deos priore anno ut tutò liber-
 tas defendi posset. Hæc tribuni. At ex parte altera consu-
 les in conspectu eorum positis sellis delectum habebāt. eò
 decurrunt tribuni, concionemq; secum trahunt. citati pau-
 ci, uelut rei experiūdæ causa, & statim uis coorta. quencū-
 que licitor iussu consulisprehendisset, tribunus mitti iube-
 bat. neq; suum cuiq; ius modum faciebat: sed uiriū spe, sed
 manu obtinēdum erat quod intenderes. quemadmodum se
 tribuni gessissent in prohibendo delectu: sic patres in lege
 que per omneis comitiales dies ferebatur, impedienda ge-
 rebant. Initium erat rixæ, cū discedere populum iussissent
 tribuni, quòd patres se summoueri haud sinebant. nec frè
 seniores rei intererant: quippe quæ non consilio regēda,
 sed

III

sed permissa temeritati audaciæq; esset. multum & consu-
les se abstinebant, necui in colluuiione rerum maiestatem
suam cõtumeliæ offerrent. Cæso erat Quintius ferox iuue-
nis quâ nobilitate gentis, quâ corporis magnitudine ac ui-
ribus. ad ea munera data à dijs, et ipse addiderat multa bel-
li decora, facundiâq; in foro, ut nemo nō lingua, non manu
prōptior in ciuitate haberetur. Hic cū in medio patrū agmi-
ne cōstitisset, eminens inter alios, uelut omnes dictaturas
consulatusq; gerens in uoce ac uiribus suis, unus impetus
tribunitios popularesq; procellas sustinebat. hoc duce sæ-
pe pulsī foro tribuni, fusa ac fugata plebs est. qui obuius
fuerat, mulctatus nudatusq; abibat: ut satis appareret, si
sic agi liceret, uictam legem esse. Tum propè iam percul-
sis alijs tribunis, A. Virginius ex collegio unus Cæsoni ca-
pitis diem dicit. atrox ingenium accenderat eo facto ma-
gis quàm contrerruerat. eo acrius obstare legi, agitare ple-
bē, tribunos uelut iusto persequi bello. accusator pati reū
rueret, inuidiæq; flammā ac materiam criminibus suis sug-
gerere: legem interim nō tam ad spem perferendi, quàm ad
laceffendam Cæsonis temeritatem ferre. Ibi multa sæpe ab
iuuentute incōsulte dicta factaq; in unius Cæsonis suspe-
ctum incidūt ingenium. tamen legi resistebatur. Et A. Vir-
ginius identidem plebi, Ecquid sentitis iam uos Quirites,
Cæsonem simul ciuem, & legem quam cupitis, habere nō
posse? quanquam quid ego legem loquor? libertati obstat,
omnes Tarquinius superbia exuperat. expectate dum con-
sul aut dictator fiat, quem priuatum uiribus & audacia
regnantem uidetis. Assentiebantur multi, pulsatos se-
querentes, & tribunum ad rem peragendam ultro inci-
tabant. Iam aderat iudicio dies, apparebat que uulgo
homines in damnatione Cæsonis libertatem agi credere,

tum

tum demum coactus cum multa indignitate prehensabat singulos. sequebantur necessarij, principes ciuitatis. T. Quintius Capitolinus, qui ter consul fuerat, cum multa referret sua familiæq; decora, affirmabat neque in Quinlia gente, neque in ciuitate Romana tantam indolem tam naturæ uirtutis unquam extitisse. suum primum mulierem fuisse, se saepe uidente pugnasse in hostem. Sp. Furius rursus ab Quintio Capitolino sibi cum in dubijs suis rebus uenisse subsidio. neminem unum esse, cuius magis opera putet Rempublicam restitutam. L. Lucretius COS. anni prioris, recenti gloria nitens, suas laudes participare cum Cæsone, commemorare pugnas, referre egregia facinora nunc in expeditionibus, nunc in acie. suadere & mone-
re, iuuenem egregium, instructum naturæ fortunæ omni-
bus bonis, maximum momentum rerum eius ciuitatis in
quancunque uenisset, suum quàm alienum mallent ciuem
esse. quod offendat in eo, feruorem & audaciam ætatem
quotidie auferre. quod desideretur consilium, id in dies
crescere. senescentibus uitijs, maturescnte uirtute, sine-
rent tantum uirum senem in ciuitate fieri. Pater inter hos
L. Quintius, cui Cincinnato cognomen erat, non iterando
laudes, ne cumlaret inuidiam, sed ueniam errori atque
adolescentiæ petendo, sibi qui non dicto, non factio quen-
quam offendisset, ut condonarent filium, orabat. Sed
alij auersabantur preces, aut uerecundia aut metu: alij
se suosque mulctatos querentes, atroci responso iudiciū
suum præferebant. Premebat reum, præter uulgatam in-
uidiam, crimen unum: quod M. Volscius Fictor, qui ante
aliquot annos tribunus plebis fuerat, testis extiterat, se
haud multo post quàm pestilentia in urbe fuerat, in iuuen-
tutem grassantem in Suburra incidisse. Ibi rixam natam
l esse

esse, fratremq; suum maiorem natu necdum ex morbo sa-
 tis ualidum pugno ictum à Cæsone cecidisse semianimum:
 inter manus domum allatum: mortuumq; inde arbitrari.
 nec sibi rem exequi tam atrocem per consules superiorum
 annorum licuisse. Hæc Volscio clamitante adeo concitati
 homines sunt, ut haud multum absuerit, quin impetu po-
 puli Cæso interiret. Virginius arripi iubet hominem, &
 in uincula duci. patricij uero contra uim resistunt. T. Quin-
 tius clamat, cui rei capitalis dies dicta sit, & de quo futu-
 rum propediem iudicium, cum indemnatum indicta cau-
 sa non debere uiolari. Tribunus supplicium negat sumptu-
 rum se de indemnato, seruaturum tamē in uinculis esse ad
 iudicij diem: ut qui hominem necauerit, de eo supplicij su-
 mendæ copia populo Romano fiat. Appellati tribuni me-
 dio decreto ius auxilij sui expediunt: in uincula conijci ue-
 rant: sisti reum, pecuniamq; nisi sistatur populo promitti,
 placere pronuntiant. summam pecuniæ quantam æquum
 esset promitti, ueniebat in dubium. id ad senatū reijcitur.
 reus dum consulerentur patres, retentus in publico est. ua-
 des dare placuit. unum uadem 111. mil. æris obligarunt.
 quot darentur, permissum tribunis est. decem finierunt. tot
 uadibus accusator uadatus est reum. Hic primus uades pu-
 blicos dedit. Dimissus è foro nocte proxima iussu consulū
 in Tuscos in exilium abiit. Iudicij die cum excusaretur
 solum uertisse exilij causa, nihilo minus Virgino comitia
 habente collegæ appellati dimiserunt concilium, pecunia à
 patre exacta crudeliter, ut diuenditis omnibus bonis ali-
 quandiu trans Tyberim ueluti relegatus deuo quodam
 in tugurio uiueret. Hoc iudiciū, & promulgata lex exer-
 cuit ciuitatem. ab externis armis otium fuit. cum uelut ui-
 ctos tribuni percussis patribus Cæsonis exilio propè
 perlatam

perlatam esse crederent legem, & quod ad seniores patrū pertineret, cessissent possessione reipublicæ: iuniores, id maxime quod Cæsonis sodalium fuit, auxere iras in plebē, non munuerunt animos. sed ibi plurimum profectum est, quòd modo quodam temperare impetus suos. Cum primo post Cæsonis exilium lex cœpta ferri est, instructi paratiq; cum ingenti clientium exercitu sic tribunos, ubi primum summouentes præbuere causam, adorti sunt, ut ne uno unus inde præcipuum quicquam gloriæ domum inuidiæ uē ferret, mille pro uno Cæsones extitisse plebes quereretur. Medijs diebus, quibus tribuni de lege nō agerēt, nihil eisdem illis placidius, aut quietius erat. benigne salutare, alloqui plebis homines, domum inuitare, adesse in foro, tribunos ipsos cætera pati sine interpellatione cōcilia habere, nunquam ulli neq; publice neq; priuatim truces esse, nisi cum de lege agi cœptum esset. alibi popularis iuuentus erat. Nec cætera modo tribuni tranquille peregerat, sed refecti quoq; in insequentem annum. ne uoce quidem incommoda, nedū ut ulla uis fieret, paulatim permulcendo, tractandoq; mansuefecerant plebem. His per totū annum artibus lex elusa est. Accipiunt ciuitatem placidiorem consules C. Claudius Appij filius, & P. Valerius Publicola. Nihil noui nouus annus attulerat. legis ferendæ, aut accipiendæ cura ciuitatem tenebat. Quantum iuniores patrum plebi se magis insinuabant, eo acrius contra tribuni tendebant, ut plebi suspectos eos criminando facerent coniurationem factam, Cæsonem Romæ esse, interficiendōrū tribunorū, trucidandæ plebis consilia inita. id negotij datum ab senioribus patrum, ut iuuentus tribunitiam potestatem è republica tolleret, formaq; eadem ciuitatis esset, quæ ante Sacrum montem occupatū fuerat. Et

†

ab Volscis & Aequis statum iam ac propè solenne in singulos annos bellum timebatur, propiusq; aliud nouū malum nec opinato exortum. Exules, seruiq; ad quatuor milia hominū, & quingenti, duce Ap. Herdonio Sabino nocte Capitolium atq; arcem occupauere. confestim in arce facta cædes eorum, qui coniurare & simul capere arma noluerant, alij inter tumultum præcipientes pauore in forū deuolant. alternæ uoces, ad arma, & hostes in urbe sunt, audiebantur. consules & armare plebem, & inermem pati timebant, incerti quod malum repentinum, externū, an intestinū, ab odio plebis, an ab seruili fraude urbem inuasisset. sedabant tumultus, sedando interdum mouebāt. nec enim poterat pauida & consternata multitudo regi imperio. dant tamen arma, nō uulgo, tantū ut incerto hoste præsidium satis fidū ad omnia esset. solliciti reliquū noctis, incertiq; qui homines, quantus numerus hostiū esset, in stationibus disponēdis ad opportuna omnia urbis loca egere. Lux deinde aperuit bellum, ducemq; belli. seruos ad libertatem Ap. Herdonius ex Capitolio uocabat. se miserrimi cuiusq; suscepisse causam, ut exules iniuria pulsos in patriam reduceret, & seruitutis graue iugum demeret. id malle populo Romano autore fieri. si tibi spes non sit, se Volscos, & Aequos, & omnia extrema tentaturū, & concitaturum. Dilucere res magis patribus atq; consulibus. præterea tamen, quæ denuntiabantur, ne Veientium, neu Sabinorum id consilium esset, timere: & cum tantum in urbe hostiū esset, mox Sabinæ Hetruscæq; legiones ex cōposito adessent: tum æterni hostes Volsci & Aequi nō ad populandos, ut antè, fines, sed ad urbem ut ex parte captam uenirent. Multi, & uarij timores. inter cæteros eminebat terror seruilis, ne suus cuique domus hostis esset, cui

nec

nec credere, nec nō credendo, ne infestior fieret, fidem abrogare, satis erat tutū. uixq; concordia sisti uidebatur posse. tantum superantibus alijs ac emergentibus malis, nemo tribunos aut plebem timebat: mansuetū id malum, & per aliorum quietem malorū semper exoriens, tumq; esse peregrino terrore sopitum uidebatur. At id propē unum maxime inclinatis rebus incubuit. tantus enim tribunos furor tenuit, ut non bellū, sed uanam imaginem belli ad auertendos ab legis cura plebis animos Capitolium insedissee contenderent: patriciorum hospites clientesq; si perlata lege frustra tumultuatos esse se sentiāt, maiore quā uenerint silentio abituros. Concilium inde legi perferendæ habere, auocato populo ab armis. Senatum interim cōsules habēt, alio se maiore à tribunis metu ostendente, quā quem no æternus hostis intulerat. Postquā arma poni, & discedere homines ab stationibus nuntiātū est, P. Valerius, collega senatū retinente, se ex curia proripit, inde in templum ad tribunos uenit. Quid hoc rei est, inquit, tribuni? Ap. Herdonij ductu & auspicio rempublicam euersuri estis? tam felix uobis corrumpendis fuit, qui seruitia non cōmouit autor? cū hostes supra caput sint, discedi ab armis, legesq; ferri placet? Inde ad multitudinem oratione uersa, Si uos urbis Quirites, si uestri nulla cura tangit, at uos ueremini deos uestros ab hostibus captos. Iupiter optimus maximus, Iuno regina, & Minerva, alij dij, deæq; obsidentur, castra seruorum publicos uestros penates tenent. hæc uobis forma sanæ ciuitatis uidetur? tantum hostiū non solam intra muros est, sed in arce supra forum, curiamq;: comitia interim in foro sunt, senatus in curia est: uelut cū otium superat, senator sententiam dicit, alij Quirites suffragium ineunt. non quicquid patrū, plebisq; est, consules,

les, tribunos deos, hominesq; omnes armatos opem ferre, in Capitolium currere, liberare ac pacare augustissimam illam domum Iouis optimi maximi decuit? Romule pater, tu mentem tuam, qua quondam arcem ab his iisdem Sabinis auro captam recepisti, da stirpi tuæ. iube hanc ingredi uia, quam tu dux, quā tuus ingressus exercitus est. primus en ego consul quantū mortalis deū possum, te, ac tua uestigia sequar. Vltimū orationis fuit, se arma capere, uocare omnes Quirites ad arma. si quis impediat, iā se consularis imperij, iam tribunitiæ potestatis, sacratarumq; legum oblitum, quisquis ille sit, ubicunq; sit, in Capitolio, in foro pro hoste habiturum. iuberēt tribuni, quoniā in Ap. Herdonium uetarent, in P. Valerium consulem sumi arma. ausurum se in tribunis, quod princeps familiæ suæ ausus in regibus esset. Vim ultimam apparebat futuram, spectaculoq; seditionem Romanam hostibus fore: nec lex tamē ferri, nec ire in Capitolium consul potuit: nox certamina cœpta oppressit. tribuni cessere nocti, timentes consulum arma. Amotis inde seditionis autoribus, patres circūire plebem, inserentesq; se in circulos sermones temporis aptos ferere: admonere, ut uiderent in quod discrimen rempublicam adducerent: non inter patres ac plebem certamē esse, sed simul patres, plebemq; arcem urbis, templa decorum, penates publicos priuatosq; hostibus dedi. Cum hæc in foro sedandæ discordiæ causa aguntur, consules interrim, ne Sabini, ne Veiens hostis moueretur, circa portas, murosq; disceserant. Eadem nocte et Thusculum de arce capta, Capitolioque occupato, et alio turbatæ urbis statu nuntij ueniunt. L. Mamilius Thusculum dictator erat. is confestim conuocato senatu, atque introductis nuncijs, magnopere cēset, ne expectent, dum ab Roma legati auxilium

auxilium petentes ueniant : periculum ipsum, discriminēq; ac sociales deos, fidemq; fœderum id poscere . demerendi beneficio tam potentem, tam propinquam ciuitatem, nunquam parem occasionem daturos deos. Placet ferri auxilium, inuentus conscribitur, arma dantur . Romam prima luce uenientes, procul speciem hostium præbuere . Acqui, aut Volsci uenire uisi sunt. deinde ubi uanus terror abiit, accepti in urbem agmine in forum descendunt . ibi iam P. Valerius relicto ad portarum præsidia collega. instruebat aciem. autoritas uiri mouerat, affirmantis Capitolio recuperato, & urbe pacata, si se doceri sinissent quæ fraus ab tribunis occulta in lege ferretur, memorem se maiorū suorum, memorem cognominis, quod populi colēdi uelut hæreditaria cura sibi à maioribus tradita esset, concilium plebis non impediturum. hunc ducem secuti nequicquam reclamantibus tribunis, in clium capitolinum erigunt aciē. adiūgitur & Thusculana legio. certare socij, ciuesq;, utri recuperatæ arcis suum decus facerent . dux uterque suos adhortatur . Trepidare tum hostes: nec ulli satis rei, præterquam loco fidere. trepidantibus inserunt signa Romani, socij; . Iam in uestibulum perreperant templi, cum P. Valerius inter primores pugnam ciens interficitur. P. Volumnus consularis uidit cadentem. is dato negotio suis ut corpus obtegerent, ipse in locum, uicemq; consulis prouolat . præ ardore impetuque tantæ rei sensus non peruenit ad militem. prius uicit , quam se pugnare sine duce sentiret. Multi exulum cæde sua fœdauere templum, multi uiui capti, Herdonius interfectus. Ita Capitolium recuperatum. De captiuis ut quisq; liber, aut seruus esset, suæ fortunæ à quoq; sumptum supplicium est . Thusculanis gratiæ actæ : Capitolium purgatum, atq; lustratum . In consulis do-

mum plebes quadrantes, ut funere ampliore effirretur, iā
 etasse fertur. Pace parta, instare tum tribuni patribus, ut
 P. Valerij fidem exoluerent, instare Claudio, ut collegæ
 deos manes fraude liberaret, agi de lege sineret. Consul,
 antequam collegam sibi subrogasset, negare passurū agi
 de lege. hæ tenuere contentiones usq; ad comutia consulis
 subrogandi. Decēbri mense summo patrū studio L. Quin-
 tius Cincinnatus pater Cæsonis consul creatur, qui magi-
 stratum statim occiperet. Percussa erat plebes consulē ha-
 bitura iratum, potētem fauore patrum, uirtute sua, tribus
 liberis, quorum nemo Cæsoni cedebat magnitudine ani-
 mi, consilium & modum adhibendo ubi res posceret, prio-
 res erant. Is ut magistratum inijt, assiduīs cōcionibus pro
 tribunali non in plebe cōercenda, quā senatu castigā-
 do uehementior fuit. cuius ordinis languore, perpetui iam
 tribuni plebis non ut in republica populi Romani, sed ut
 in perdita domo lingua, criminibusq; regnarent. cum Cæ-
 sone filio suo uirtutem, constantiam, omnia iuuentutis bel-
 li domūq; decora pulsa ex urbe Romana, & fugata esse:
 loquaces, seditiosos, semina discordiarum, iterum ac ter-
 tium tribunos pessimis artibus regia licentia uiuere. Au-
 lus, inquit, ille Virginius, quia in Capitolio non fuit, mu-
 nus supplicij, quā Ap. Herdonius meruit? plus hercule
 aliquanto, qui uere rem æstimare uelit. Herdonius si nihil
 aliud, hostem se fatendo propè denuntiavit, ut arma cape-
 retis. hic negando bella esse, arma uobis ademit, nudosq;
 seruis uestris & exulibus obiecit. & uos (C. Claudij pace,
 & P. Valerij mortui loquar) prius in cliuum capitolinū
 signa intulistis, quā hos hostes de foro tolleretis? pudet
 decorum, hominumq; : cum hostes in arce, in Capitolio es-
 sent, exulum, & seruorū dux profanatis omnibus in cella

Iouis optimi maximu habitaret, Tbusculi antè, quàm Romæ sumpta sunt arma. in dubio fuit, utrum L. Mamilius Thusculanus dux, an P. Valerius & C. Claudius cōsules Romanam arcem liberarent. & qui antè Latinos ne pro se quidem ipsis, cum in finibus hostem haberēt, attingere arma passi sumus: nunc nisi Latini sua sponte arma sumpsissent, capti & deleti eramus. Hoc est tribuni auxilium plebi ferre? inermem eam hosti trucidandam obijcere? scilicet si quis uobis humilimus homō de uestra plebe, quam partem ueluti abruptam à cætero populo uestrā patriā, peculiaremq; remp. fecistis: si quis ex his domum suam obsessam à famulia armata nuntiaret, ferendum auxilium putaretis: Iupiter optimus maximus, exulum atq; seruorum septus armis, nulla humana ope dignus erat? & hi postulant, ut sacrosancti habeantur? quibus ipsi dii neq; sacri, neq; sancti sunt. at enim diuinis humanisq; obruti sceleribus legem uos hoc anno perlaturos dictitatus? tum hercule illo die, quo ego consul sum creatus, male gesta res publica est, peius multo, quàm cum P. Valerius consul perijt, si tuleritis. Iam primum omnium, inquit, Quirites, in Volscos & Aequos mihi atque collegæ legiones ducere in animo est. nescio quo fæto magis bellantes quam pacati propitios habemus deos. quantū periculum ab illis populis fuerit, si Capitolium ab exulibus obsessum scissent, suspicari de præterito, quàm re ipsa experiri, est melius. Mouerat plebem oratio consulis. erecti patres restitutam credebant rempublicam. consul alter comes animosior, quàm autor, suscepisse collegam priorem actionem tā grauis rei facile passus, in peragendis cōsularis officij partem ad se uendicabat. Tum tribuni eludentes uelut uana dicta, persequi, querendo quonam modo exercitū educturi cōsules essent,

quos delectum habere nemo passurus esset? Nobis uero, inquit Quintius, nihil delectu pus est, cum, quo tempore P. Valerius ad recipiendum Capitolium arma plebi dedit, omnes in uerba iurauerint, conuenturos se iussu consulis, nec iniussu abituros. edicimus itaq; omnes, qui in uerba iurastis, crastina die armati ad lacum Regillum aditus. Cauilari tum tribuni, & populum exolucere religione uelle: priuatum eo tempore Quintium fuisse, cum sacramēto additi sint, sed nondum hæc, quæ nunc tenet seculum, negligentia deum uenerat: nec interpretando sibi quisq; iusiurandum, & leges aptas faciebat, sed suos potius mores ad ea accommodabat. Igitur tribuni, ut impediendæ rei nulla spes erat, de profereundo exercitu agere, eo magis, quod & augures iussos adesse ad Regillum lacum fama exierat: locumq; inaugurari, ubi auspiciatō cum populo agi posset: ut quicquid Romæ ui tribunitia rogatum esset, id comitijs ibi abrogaretur. omnes id iusiuros, quod consules uellent. neq; enim prouocationē esse longius ab urbe mille passuum: & tribunos, si eò ueniant, in alia turba Quiritium subiectos fore consulari imperio. Terrebant hæc, sed ille maximus terror animos agitabat, quod sæpius Quintius dictitabat, se consulum comitia non habiturum, nō ita ciuitatem ægram esse, ut consuetis remedijs sisti possit. dictatore opus esse reipublicæ, ut qui se mouerit ad sollicitandum statum ciuitatis, sentiat sine prouocatione dictaturā esse. Senatus in Capitolio erat. eò tribuni cum perturbata plebe ueniunt. multitudo clamore ingenti nunc consulū, nunc patrum fidem implorant. nec antè mouerunt de sententia consulem, quàm tribuni se in autoritate patrum futuros esse polliciti sunt. Tunc referente consule de tribunorum, & plebis postulatis, senatus consulta fiunt: neque

tribuni

tribuni legem eo anno ferrent, neq; consules ab urbe exercitum educerent. in reliquum magistratus continuari, & eosdē tribunos refici, iudicare senatum contra rempublicam esse. consules fuere in patrū potestate. tribuni reclamantibus consulibus refecti: patres quoq; nequid cederēt plebi, & ipsi L. Quintium consulem reficiebant. Nulla toto anno uehementior actio consulis fuit. Mirer, inquit, si uana uestra patres cōscripti ad plebē autoritas est: uos eleuatis eam. quippe quia plebs senatus consultū in contumaciis magistratibus soluit, ipsi quoq; solutum uultis, ne temeritati multitudinis cedatis: tanquam id sit plus posse in ciuitate, plus leuitatis, ac licentiæ habere. leuius enim, uaniusq; profecto est, sua decreta & cōsulta tollere, quàm aliorum. Imutamini patres cōscripti turbam inconsultam: & qui exemplo alijs esse debetis, aliorum exemplo peccetis potius, quàm alij uestro recte faciāt: dū ego ne iniuste tribunos, nec me contra senatus consultum consulē renuntiari patiar. Te uero C. Claudii adhortor, ut & ipse populum Romanum hac licētia arceas, & de me hoc tibi persuadeas: me ita accepturum, ut non honorem meum à te impeditum, sed gloriam spreti honoris auctam, inuidiamq; quæ ex continuato eo impenderet, leuatam putem. Communiter inde edicunt, ne quis L. Quintium consulē faceret. si quis fecisset, se id suffragium non obseruatu-
ros. Consules creati Q. Fabius Vibulanus tertius, & L. Cornelius Maluginensis. Censui actus eo anno. lustrum propter Capitolium captum, cōsulem occisum, condi religiosum fuit. Q. Fabio, & L. Cornelio consulibus, principio anni statim res turbulentæ. instigabant plebē tribuni. bellum ingens à Volscis, & Aequis Latini atq; Hernici nuntiabāt. Iā Antij Volscorū legiones esse, & ipsam coloniā
ingens

ingens metus erat defecturam. ægreq; impetratum à tribunis, ut bellum præuerti sincerent. Consules inde partiti prouincias. Fabio ut Antium legiones duceret, datū: Cornelius ut Romæ præsidio esset, nequa pars hostium, qui Aequis mos erat, ad populandum ueniret. Hernici & Latini iussu milites dare ex sœdere. duæq; partes sociorum in exercitu, tertia ciuiū fuit. Postquàm ad diem præstitutum uenerunt socij, consul extra portam Capenam castra locat: inde lustrato exercitu Antium profectus, haud procul oppido statiuisq; hostium confedit. Vbi cum Volsci, quia nondum ab Aequis uenisset exercitus, dimicare non ausi, quemadmodum quieti uallo se tutarentur pararent: postero die Fabius non permistam unam sociorum ciuiumq;, sed trium populorum tres separatim acies circa uallum hostium instruxit. ipse erat medius cum legionibus Romanis. inde signum obseruare iussit, ut pariter & socij rem inciperent, referrentq; pedem, si receptui cecinisset. equites item suæ cuique parti post principia collocat. Ita trifariam adortus castra circumuenit: & cum undiq; instaret, non sustinentes impetum Volscos uallo deturbat. transgressus inde munitiones, pauidam turbam inclinatamq; in partem unam castris expellit. inde effuse fugientes eques, cui superare uallum haud facile fuerat, cum ad id spectator pugna astitisset, libero campo adeptus, parte uictoriæ fruitur, territos cædendo. Magna & in castris, & extra munimenta cædes fugientium fuit: sed præda maior, quia uix arma secū efferre hostis potuit. deletusq; exercitus foret, nî fugientes syluæ texissent. Dū ad Antium hæc geruntur, interim Aequi robore iuuentutis præmuſso, sarcæ Thusculanam improvisò nocte capiunt: reliquo exercitu haud procul moenibus Thusculi cōsidunt, ut distineret hostium copias

copias. Hæc celeriter Romam, ab Roma in castra Antium perlata mouet Romanos haud secus, quam si Capitolium captū nūtiaretur. adeo & recens erat Thusculanorū meritum, & similitudo ipsa periculi reposcere datū auxiliū uidebatur. Fabius omīssis omnibus, prædam ex castris raptim Antiū conuehit. ibi modico præsidio relicto, citatum agmen Thusculū rapit. nihil præter arma, & quod coeli ad manū fuit cibi, ferre muliti licuit. Cōmeatum ab Roma consul Cornelius subuehit. Aliquot menses Thusculi belatum. parte exercitus consul castra Aequorum oppugnabat, partem Thusculanis dederat ad arcem recuperandam. uī nunquam eō subire potuit. fames postremō inde detraxit hostem, quō postquā uētum ad extremū est, inermes, nudiq; omnes sub iugum ab Thusculanis missi. hos ignominiosa fuga domū se recipientes Romanus consul in Algidō cōsecutus, ad unum omnes occidit. Victor ad Columnen (id loco nomen est) exercitu relicto castra locat. Et alter consul, postquā mœnibus Romanis iam pulso hoste periculū esse desierat, & ipse ab Roma profectus. ita bisariam consules ingressi hostiū fines, ingenti certamine hinc Volscos, hinc Aequos populantur. Eodem anno descisse Antiates, apud plerosq; autores inuenio. L. Corneliū consulem id bellum gessisse, oppidumq; cepisse, certum affirmare, quia nulla apud uetustiores scriptores eius rei mentio est, non ausim. Hoc bello perfectō tribunitium domi bellum patres territat. Clamant, fraude fieri, quōd foris teneatur exercitus: frustrationem eam legis tollendæ esse. se nihilo minus rem susceptam peracturos. Obtinuit tamē P. Lucretius præfectus urbis, ut actiones tribunitiæ in aduentum consulum differrentur. Erat & noua exorta causa motus. A. Cornelius, & Q. Scruilius quæstores M. Volscio

Volscio, quod falsus haud dubio testis in Caſonem extitisset, diem dixerant. multis enim emanabat indicijs, neque fratrem Volſcij, ex quo semel fuerit aeger, unquam non modo uisum in publico, sed ne assurrexisse quidem ex morbo multorumq; tabe mensium: nec his temporibus, in quæ testis crimen coniecisset, Caſonem Romæ uisum: affirmantibus, qui unà meruerant, secum eum tum, frequentemque ad signa sine ullo commeatu fuisse. ni ita esset multi pri-

* iudices uatim ferebant Volſcio * iudicem. cum ad iudicium ire nō auderet, omnes eæ res in unum congruentes haud magis dubiam damnationem Volſcij, quàm Caſonis Volſcio teste fuerat, faciebāt. in mora tribuni erāt, qui comitia quæstores habere de reo, nisi prius habita de lege essent, passuros negabant. ita extracta utraque res in consulum aduentum est. Qui ubi triumphantes uictore cum exercitu urbem inierunt, quia silentium de lege erat, percussos magna pars credebāt tribunos. at illi (etenim extremum anni iam erat) quartum affectantes tribunatum, in comitionum disceptationem ab lege certamen auerterant. & cum consules nihilo minus aduersus continuationem tribunatus, quàm si lex minuēdæ suæ maiestatis causa promulgata ferretur, tetendissent, uictoria certaminis penes tribunos fuit. Eodem anno Aequis pax est petētibus data. Censurus, res priore anno inchoata, perficitur: idq; lustrum ab origine urbis decimum conditum. Fuerunt censa ciuium capita centumtrigintaduo millia, ccccxix. Consulum magna domi belliq; eo anno gloria fuit: quod & foris pacem peperere: & domi, etsi non concors, minus tamen quàm aliàs infesta ciuitas fuit. L. Minutius inde, & L. Nautius consules facti duas residuas anni prioris causas exceperunt. Eodem modo consules legem, tribuni iudiciū

de

de Volscio impediabant . sed in quæstoribus nouis maior
uis, maior autoritas erat . Cum M. Valerio Valerij filio,
Volesi nepote quæstor erat T. Quintius Capitolinus, qui
ter consul fuerat. is quoniam neq; Quintiæ fœuliæ Cæso,
neq; reipublicæ maximus iuuenum restitui posset, falsum
testem, qui dicendæ causæ innoxio-potestatem ademsset,
iusto, ac pio bello persequabatur. Cum Virginius maxime
ex tribunis de lege ageret, duû mensium spatium con-
sulibus datum est ad inspiciendam legem: ut, cum edocuis-
sent populum, quid fraudis occultæ ferretur, sinceren de-
inde suffragium inire. hoc interualli datum res tranquil-
las in urbe fecit. Nec diurnam quietem Aequi dederunt. VIII
Qui rupto fœdere, quod istum erat priore anno cum Ro-
manis, imperium ad Gracchum Cluilium deferunt. is tum
longe princeps in Aequis erat. Graccho duce in Lanuui-
num agrum, inde in Tusculanum hostili populatione ue-
niunt, pleniq; prædæ in Algido castra locat. In ea castra
Q. Fabius, P. Volumnius, A. Posthumius legati ab Roma
uenerunt questum iniurias, & ex eo fœdere res repeti-
tum. eos Aequorum imperator quæ mandata habeant ab
senatu Romano, ad quercum iubet dicere: se alia interim
acturum. quercus ingens arbor prætorio imminabat. cuius
umbra opaca sedes erat. Tum ex legatis unus abiens, Et
hec, inquit, sacrata quercus, & quicquid deorum est, au-
diant fœdus à uobis ruptum: nostrisq; & nunc querelis
adsint, & mox armis, cum deorum hominumq; simul uiol-
lata iura exequemur. Romā ut rediere legati, senatus ius-
sit alterū consulem contra Gracchum in Algidum exer-
citum ducere: alteri populationē finium Aequorū prouin-
ciam dedit. Tribuni suo more impedire delectum. & for-
sitā ad ultimū impedisset, sed nouus subito additus terror
est.

est. Vis Sabinorum ingens propè ad mœnia urbis infesta
 populatione uenit. fœdatis agri, terror iniectus urbi est. tū
 plebs benigne arma cepit: reclamantibus frustra tribunis,
 magni duo exercitus scripti. alterum Nautius cōtra Sabinos
 duxit. castrisq; ad Eretum positis, per expeditiones
 paruas plerunq; nocturnis incursionibus tantam uastitatē
 in Sabino agro reddidit, ut comparati ad eam propè inta-
 cti bello fines Romani uiderentur. Minutio neq; fortu-
 na, nec uis animi eadem in gerendo negotio fuit. nam cum
 haud procul ab hoste castra posuisset, nulla magnopere
 clade accepta castris se pauidus tenebat. Quod ubi senserant
 hostes, creuit ex metu alieno (ut fit) audacia. Et no-
 cte adorti castra, postquā parum uis aperta profecerat,
 munitiones postero die circundant. Quæ priusquā un-
 diq; uallo obiectæ clauderent exitus, quinq; equites inter
 stationes hostium emissi, Romam pertulere, cōsulem, exer-
 citumq; obsideri. Nihil tam nec opinatum, nec tam inspe-
 ratum accidere potuit. itaq; tantus pauor, tanta trepida-
 tio fuit, quāta, si urbē, non castra hostes obsiderent. Nau-
 tium consulem accersunt. in quo cum parum præsidij ui-
 deretur, dictatoremq; dici placeret, qui rem percussam re-
 stitueret: L. Quintius Cincinnatus consensu omnium di-
 citur. Operæpretiū est audire, qui omnia præ diuitijs hu-
 mana spernūt, neq; honori magno locum, neq; uirtuti pu-
 tant esse, nisi ubi effuse affluant opes. Spes uuica imperij
 populi Romani L. Quintius trans Tyberim contra eum
 ipsum locum, ubi nunc naualia sunt, quatuor iugerum co-
 lebat agrum, quæ prata Quintia uocantur. Ibi ab lega-
 tis seu fossam fodiens bipalio innixus, seu cum araret, ope-
 ri certe, id quod constat, agresti intentus, salute data inui-
 cem, redditaq;, rogatus ut (quod bene uerteret ipsi, reiꝑ;
 publicæ

publicæ) togatus mandata senatus audiret: admiratus, rogansq; satin' salua omnia, togā propere è tugurio proferre uxorem Raciliam iubet. qua simul absterfo puluere ac sudore uelatus processit, dictatorem cum gratulantes consalutant, in urbem uocāt, qui terror sit in exercitu, exponunt. Nauis Quintio publicè parata fuit, trāsuectumq; tres obuiam egressi filij excipiūt, inde alij propinqui, atq; amici, tum patrum maior pars. ea frequentia stipatus antecessentibus lictoribus deductus est domum. & plebis cōcursus ingens fuit: sed ea nequaquam tam leta Quintium uidit, & imperij nimium, & uirum in ipso imperio uehementiorem rata. Et illa quidem nocte nihil, præterquam uigilatum est in urbe. Postero die dictator cum ante lucē in forum uenisset, magistrum equitum dicit L. Tarquinium patriciæ gentis, sed qui cum stipendia pedibus propter paupertatem fecisset, bello tamen primus longe Romanæ iuuentutis habitus esset. Cum magistro equitum in concionē uenit, iustitium edicit, claudi tabernas tota urbe iubet, uctat quenquam priuati quicquam rei agere. Tum quicunque ætate militari essent, armati cum cibarijs in dies quinq; coctis, uallusq; duodenis ante solis occasum Martio in campo adessent. quibus ætas ad militandum grauior esset, uicino militi, dum is arma pararet, uallumq; peteret, cibaria coquere iussit. Sic iuuentus discurret ad uallum petendum, sumpsere unde cuiq; proximum fuit, prohibitus nemo est: impigreq; omnes ad edictum dictatoris præstò fuere. Inde composito agmine non itineri magis apto, quàm prælio, si res ita tulisset, legiones ipse dictator, magister equitum suos equites ducit. In utroque agmine quas tempus ipsum poscebat, adhortationes erant: adderent gradum, maturato opus esse, ut nocte ad hostem peruenire possent. con-

sulem exercitumq; Romanum obsideri, tertium diem iam
 clausos esse: quid quæq; nox aut dies ferat, incertum esse:
 puncto sæpe temporis maximarum rerum momenta uerti.
 accelera signifer, sequere mules, inter se quoq; gratifican-
 tes ducibus clamabāt. media nocte in Algidum perueniūt:
 & ut sensere se iam prope hostes esse, signa constituunt.
 Ibi dictator quantum nocte prospici poterat, equo circū-
 uectus, contemplatusq; qui tractus castrorum, quæq; for-
 ma esset, tribunis militum imperauit, ut sarcinas in unum
 conijci iubeant, militem cum armis ualloq; redire in ordi-
 nes suos. facta quæ imperauit. Tum quo fuerant ordine in-
 uia, exercitum omnem longo agmine circundat hostium
 castris: & ubi signum datum sit, clamorem omnes tollere
 iubet: clamore sublato, ante se quenq; ducere fossam, & ia-
 cere uallum. E dito imperio signum secutum est, iussa mules
 exequitur, clamor hostes circumsonat. superat inde castra
 hostiū, & in castra cōsulis uenit: alibi pauorem, alibi gau-
 dium ingens facit. Romani ciuilem esse clamorem, atq; au-
 xilium adesse inter se gratulantes, ultro ex stationibus ac
 uigilijs territant hostem. Consul differendum negat. illo cla-
 more non aduentum modo significari, sed rem ab suis cœ-
 ptam: mirumq; esse, ni iam exteriori parte castra hostium
 oppugnentur. itaq; arma suos capere, et se subsequi iubet.
 Nocte initum prælium est, legionibus dictatoris clamore
 significantibus ab ea quoque parte rem in discrimine esse.
 Iam se ad prohibenda circundati opera Aequi parabant,
 cum ab interiore hoste prælio cœpto, ne per media sua ca-
 stra fieret eruptio, à munientibus ad pugnantes intror-
 sum uersi, uacuum noctem operi dedere. pugnatumq; cum
 consule ad lucem est: luce prima iam circunvallati ab di-
 ctatore erant, & uix aduersus unum exercitum pugnam
 susti

sustinebāt. tum à Quintiano exercitu, qui cōfestim à perfectō opere ad arma redijt, inuaditur uallum. hic instabat noua pugna, illa nihil remiserat prior. tum ancipiti malo urgente à praelio ad preces uersi, hinc dictatōrē, hinc consulem orare, ne in occidione uictoriam ponerent, ut incrementes se inde abire sinerent. Ab cōsule ad dictatorem ire iussis ignominiam infensus addidit. Gracchum Cluiliū ducent, principesq; alios uinctos ad se adduci iubet, oppido Corbione decedi: sanguinis se Aequorum non egere. licere abire: sed, ut exprimatur tandem cōfessio, subactam domitūq; esse gentē, sub iugum abituros. Tribus hastis iugum fit, humi fixis duabus, superq; eas transuersa una deligata. sub hoc iugo dictator Aequos misit. Castris hostium receptis plenis omnium rerum (nudos enim emiserat) praeda omnem suo tantum muliti dedit. cōsularem exercitum, ipsumq; consule increpās, Carebis, inquit, praeda parte miles ex eo hoste, cui propē praeda fuisti, et tu L. Minuti, donec consularem animum incipias habere, legatus his legionibus praeeris. Ita se Minutius abdicat cōsulatu, iussusq; ad exercitū manet. Sed adeo tum imperio meliori animus mansuete obediens erat, ut beneficii magis quā ignominiae hic exercitus memor, & coronam auream dictatori libræ pondo decreuerit, & proficiscētē cum patronum salutauerit. Romae à Q. Fabio praefecto urbis senatus habitus triumphantē Quintiū quo ueniebat agmine urbē ingredi iussit. ducti ante currū hostiū duces, militaria signa praetata, secutus exercitus praeda onustus. epulae instructae dicuntur fuisse ante omniū domos: epulantesq; cū carmine triumphali, & solēnibus iocis comessantium modo currū secuti sunt. Eo die L. Mamilio Tusculano approbātibus cūctis ciuitas data est. Cōfestim se dictator magistratu abdicasset,

IX

ni comitia M. Volscij falsi testis tenuisset. ea ne impediret tribuni, dictatoris obstitit metus. Volscius dānatus Lanu-
uiū exulatū abiit. Quintius x v 1. die dictatura in sex mē-
ses accepta se abdicauit. Per eos dies consul Nautius ad
Eretū cum Sabinis egregie pugnāt. ad uastatos agros ea
quoq; clades acceffit Sabinis. Minutio Fabius successor in
Algidū missus. Extremo anno agitatū de lege ab tribunis
est. sed quia duo exercitus aberant, nequid ferretur ad po-
pulum, patres tenuere. plebes uicit, ut quintum eosdem tri-
bunos crearet. Lupos uisos in Capitolio ferunt à canibus
fugatos: ob id prodigium lustratum Capitoliū esse. Hæc
eo anno gesta. Sequuntur consules Q. Minutius, M. Ho-
ratiū Puluillus. Cuius initio anni cū foris ocium esset, do-
mi seditiones ijdem tribuni, eadem lex faciebat. ulteriusq;
uētum foret, adeo exarserant animis, nī uelut dedita opera
nocturno impetu Aequorum Corbione amissum præsidium,
nūtiatum esset. Senatū cōsules uocant. iubetur subitariū
scribere exercitum, atq; in Algidū ducere. Inde posito le-
gis certamine, noua de delectu contentio exorta. uinceba-
turq; cōsulare imperium tribunitio auxilio, cū alius addi-
tur terror: Sabinū exercitū prædatum descēdisse in agros
Romanos, inde ad urbem uenire. is metus perculit, ut scri-
bi militē tribuni sinerēt, non sine pactione tamen: ut, quo-
niā ipsi quinquēniū elusi essent, paruumq; id plebi præ-
sidium foret, decē deinde tribuni plebis crearetur. Expres-
sit hoc necessitas patribus. id modo excepere, ne postea eos-
dem tribunos iuberēt. Tribunitia comitia, ne id quoq; post
bellum, ut cætera, uanum esset, extēplo habita. Tricesimo-
sexto anno à primis tribunis plebis decem creati sunt, bini
ex singulis classibus. itaq; cautum est ut postea crearetur.
Delectu deinde habito Minutius cōtra Sabinos profectus
non

non inuenit hostem. Horatius, cū iam Aequi Corbione in-
 terfecto præsidio Hortanam etiam cepissent, in Algido pu-
 gnat. multos mortales occidit, fugat hosicm non ex Algi-
 do modo, sed à Corbione Hortanaq; Corbionem etiam di-
 ruit propter proditum præsidium. Deinde M. Valerius,
 Sp. Virginius cōsules facti. Domu forisq; otium fuit. anno=
 na propter aquarum intemperiem laboratum est. De Auē-
 tino publicando lata lex est. Tribuni plebis ijdem reselecti.
 Hi sequente anno T. Romulio, & C. Veturio cōsulibus le-
 gem omnibus concionibus suis celebrant. Fudere se nume-
 ri sui nequicquam aucti, si ea res æque suo biennio iaceret,
 ac toto superiore lustro iacuisset. Cum maxime hæc age-
 rent, trepidi nuntij ab Thusculo ueniunt, Aequos in agro
 Thusculano esse. Fecit pudorem recens eius populi meritū
 morandi auxilij. ambo consules cum exercitu nūsi hostem
 in sua sede in Algido inueniunt. Ibi pugnatum. supra se-
 ptem millia hostium cæsa: alij fugati: præda parua ingens.
 eam propter inopiam ærarij consules uēdiderunt. inuidiæ
 tamen res ad exercitum fuit. ea deniq; tribunis materiā cri-
 minandi ad plebem consules præbuit. Itaq; ergo ut magi-
 stratu abiere, Sp. Tarpeio, A. Acternio consulibus, dies di-
 cta est Romulio ab C. Claudio Ciccone tribuno plebis,
 Veturio ab L. Halieno ædili plebis. uterq; magna patrum
 indignatione damnatus: Romulius decē millibus æris, Ve-
 turius x v. millibus. Nec hæc priorum calamitas cōsulum
 segniores novos fecerat consules. & se damnari posse aie-
 bant: & plebem, & tribunos legem ferre non posse. Tum
 abiecta lege, quæ promulgata consenuerat: tribuni lenius
 agere cum patribus. Finem tandem certaminum facerent: si
 plebeie leges displicerent, at illi communiter legum lato-
 res, & ex plebe, & ex patribus, qui utrisque utilia fer-
 rent:

rent: quæq; æquãdæ libertatis essent, sinerent creari. Rem non aspernabantur patres, daturum leges neminẽ nisi ex patribus aiebant. Cum de legibus conueniret, de latore tantum discreparet: missi legati Athenas Sp. Posthumius Albus, A. Manlius, P. Sulpitius Camerinus: iussiq; inclytas leges Solonis describere: & aliarum Græciæ ciuitatum, instituta, mores iurãq; noscere. Ab externis bellis quietus annus fuit, quietior insequens P. Curiatio, & Sex. Quintilio consulibus, perpetuo silentio tribunorum. quod primo legatorum, qui Athenas ierãt, legumq; peregrinarum expectatio præbuit: deinde duo simul mala ingentia exorta, fames, pestilentiãq; fœda homini, fœda pecori. uastati agri sunt: urbs assiduus exhausta funeribus, multæ & claræ lumbres domus. Flamen quirinalis Ser. Cornelius mortuus: augur C. Horatius Pulullus: in cuius locum C. Veturium eò cupidius, quia damnatus à plebe erat, augures legere. mortuus consul Quintilius: quatuor tribuni plebis. multiplici clade fœdatus annus. ab hoste otium fuit. Inde consules C. Menenius, P. Sextius Capitolinus. neque eo anno quicquam belli externi fuit. domus motus orti. Iam redierant legati cum Atticis legibus. eo intentius instabant tribuni: ut tandem scribendarum legum initium fieret. Placet creari decemuiros sine prouocatione, & nequius eo anno alius magistratus esset: adniscerentur ne plebeij, cõtrouersia ali-quandiu fuit. postremo concessum patribus: modo ne lex Acilia de Auentino, aliãq; sacratæ leges abrogarentur. Anno trecentesimo altero, quàm condita Roma erat, iterum mutatur forma ciuitatis, ab consulibus ad decemuiros, quemadmodum ab regibus antè ad consules uenerat, trãs-lato imperio. minus insignis, quia non diuturna, mutatio fuit. leta enim principia magistratus eius nimis luxuriæ re. eo

re. eo citius lapsa res est, repetitumq; duobus uti mādare-
tur consulum nomen imperiumq;. Decemviri creati Ap-
Claudius, T. Genutius, P. Sextius, L. Veturius, C. Iulius, A.
Manlius, P. Sulpitius, P. Curiatius, T. Romulius, Sp. Post-
humus. Claudio & Genutio, quia designati consules in eū
annum fuerant, pro honore honor redditus: et Sextio alte-
ri consulum prioris anni, quod eam rem collega inuito ad
patres retulerat. his proxima legati tres habiti: qui Athe-
nas ierant: simul ut pro legatione tam longinqua præmo-
eijet honos: simul peritos legum peregrinarum ad conden-
da noua iura usui fore credebant. suppleuere ceteri nume-
rum. graues quoque ætate electos nouissimis suffragijs fe-
runt: quo munus ferociter aliorū scitis aduersarentur. Re-
gimen totius magistratus penes Appium erat fauore ple-
bis. adeoq; nouum sibi ingeniū induerat, ut plebicola repē-
te omnisq; auræ popularis captator euaderet, pro truci sæ-
uoq; insectatore plebis. Decimo die ius populo singuli red-
debat. eo die penes præfectum iuris fāsces duodecim erāt,
collegis nouem singuli accensi apparebant. & unica con-
cordia inter ipsos, qui consensus priuatis interdum inuti-
lis esset, summa aduersus alios æquitas erat. Moderationis
eorum argumentum exemplo unius rei notasse satis erit.
Cum sine prouocatione creati essent: defosso cadauere do-
nu apud P. Sextium patriciæ gentis uirum inuento, prola-
toq; in concionem, in re iuxta manifesta atque atroci C.
Iulius decemuir diem Sextio dixit, & accusator ad popu-
lum extitit, cuius rei iudex legitimus erat: decepsitq; iu-
re suo, ut demptum de ui magistratus populi libertati adij-
ceret. Cum promptum hoc ius uelut ex oraculo incorru-
ptum pariter ab his summi in finis que ferrent, tum legibus
condendis opera dabatur: ingentiq; hominū expectatione

propositis decem tabulis populum ad concionem aduocauerunt: et, quod bonum, faustum, felixq; reipublicæ, ipsis, liberisq; eorum esset, ire, et legere leges propositas iussere: se, quantum decem hominum ingenys provideri potuerit, omnibus summis infimis que iura equalisse. plus pollere multorum ingenia, cōsiliaq; uersaret in animis secū unāquāq; rem, agitarent deinde sermonibus, atq; in medium quid in quaq; re plus, minusue esset, conferrent. eas leges habiturum populum Romanum, quas consensus omnium non iussisse latas magis, quā tulisse uideri posset. Cum ad rumores hominum de uno quoq; legum capite edito satis correctæ uiderentur, centuriatis comitijs x. tabularum leges perlatæ sunt: qui nunc quoque in hoc immenso aliarū super alias aceruatarum legum cumulo fons omnis publici priuatiq; est iuris. Vulgatur deinde rumor, duas deesse tabulas, quibus adiectis absolui posse uelut corpus omnis Romani iuris. Ea expectatio, cum dies comitiorum appropinquaret, desiderium decemuiros iterum creandi fecit. Iam plebs, præterquam quod consulum nomē haud secus, quā regum perosa erat, ne tribunitium quidem auxiliū cedētibus inuicē appellatione decemuiris querebat. Postquam uero comitia decemuiris creandis in trinum nundinum indicta sunt, tanta exarsit ambitio, ut primores quoq; ciuitatis (metu credo ne tanti possessio imperij uacuo ab ab se relicto loco haud satis dignus pateret) prchenfarent homines, honorem summa ope ab se impugnatum ab ea plebe, cum qua contenderent, suppliciter petentes. Dimissa iam in discrimen dignitas ea ætate, his que honoribus actis, stimulabat Ap. Claudium. nescires utrum inter decemuiros, an inter candidatos numerares. propior interdum petendo, quā gerendo magistratui erat. crimina

nari optimates, extollere candidatorum leuissimum quæque, humilimumq; ipse medius inter tribunitios Duellios Iciliosq; in foro uoluare, per illos se plebi uēditare. donec collegæ quoq; , qui unice illi dediti fuerant ad id tempus, coniecere in eum oculos, murantes quid sibi uellet: appare renihil synceri esse: profecto haud gratuitam in tanta superbiam comitatem fore: nimium in ordinem se ipsum cogere, & uulgari cum priuatis, nō tam properantis abire magistratu, quā uiam ad cōtinuandum magistratum querētis esse. Propalā obuiam ire cupiditati parum ausi, obscurando mollire impetum aggrediuntur. comitiorum illi habendorum, quando munus natus sit, munus consensu iniungunt. ars hæc erat, ne semetipse creare posset. quod præter tribunos plebis, & id ipsum pessimo exemplo, nemo unquā fecisset. ille enim uero, quod bene uertat, habiturum se comitia professus, impedimentum pro occasione arripuit. deiectusq; honore per concionem duobus Quintijs, Capitolino & Cincinnato, & patruo suo C. Claudio, constantissimo uiro in optimatum causa, & alijs eiusdem fastigij ciuibus, nequaquam splendore uitæ pares decemuiros creat, se in primis. quod haud secus factum improbabant boni, quā nemo facere ausurum crediderat. Creati cum eo M. Cornelius Maluginensis, M. Sergius, L. Minutius, Q. Fabius Vibulanus, Q. Petilius, T. Antonius Merēda, Cæso Duellius, Sp. Oppius Cornicen, M. Rabuleius. Ille finis Appio alienæ personæ ferendæ fuit. suo iam inde uiuere ingenio cœpit, nouosq; collegas iam priusquam inirent magistratum, in suos mores formare. Quotidie coibant remotis arbitris. inde impotentibus instructi cōsilijs, quæ secretò ab alijs coquebant, iam haud dissimulando superbiam, rari aditus, colloquētibus difficiles ad idus maias

XIII

rem perduxere. Idus tum Maia solennes ineundis magistratibus erant. Initio igitur magistratus primum honoris diem denuntiatione ingentis terroris insignem fecere. nam cum ita priores decenviri seruassent, ut unus fascis haberet, & hoc insigne regum in orbem suam cuiusque uicem per omnes iret, subito omnes cum duodenis fascibus prodire. centum uiginti lictores forum impleuerant, & cum fascibus secures illigatas præferebant. nec attinuisse demum securim, cum sine prouocatione creati essent, interpretabantur. decem regum species erat, multiplicatusque terror non infimus solum, sed primoribus patrum, ratis cædis causam ac principium queri, ut si quis memorem libertatis uocem aut in senatu aut in populo misisset, statim uirgæ securesque etiam ad cæterorum metum expedirentur. nam præterquam quod in populo nihil erat præsidij, sublata prouocatione, intercessionem quoque consensu sustulerant: cum priores decenviri appellatione collegæ corrigi redacta ab se iura tulissent: & quædam, quæ sui iudicij uideri possent, ad populum reieciissent. Aliquandiu æquatus inter omnes terror fuit: paulatim totus uertere in plebem coepit. abstinerebatur à patribus: in humiliores libidinoſe, crudeliterque consulebatur: hominum, non cauſarum toti erant: ut apud quos gratia uim æqui haberet. iudicia domi conſlabant: pronuntiabant in foro. si quis collegam appellasset, ab eo, ad quem uenerat, ita discedebat, ut poeniteret non prioris decreto stetisse. Opinio etiam sine autore exierat: non in præſentis modo temporis eos iniuriam conſpiſaſſe: ſed ſœdus clandestinum inter ipſos iureiurando iſtum, ne comitia haberent, perpetuoque decemuiratu poſſeſſum ſemel retinerent imperium. Circumſpectare tum patriciorum uultus plebei: & inde libertatis captare auram, unde ſeruitutem

tutem timendo, in eum statum remp. adduxerant. primo= res patrum odijse decemuiros: odijse plebem: nec probare quæ fieret: & credere haud indignis accidere: auide ruendo ad libertatem, in seruitutem elapsos. iuuare nolle: cumulare quoq; iniurias: ut tædio præsentium consules duo tandem, & status pristinus rerum in desiderium ueniant. Iam & processerat pars maior anni: & duæ tabulæ legum ad prioris anni decem tabulas erant adiectæ, nec quicquam iam supererat, si hæ quoq; leges cēturiatis comitijs perlatæ essent, cur eo magistratu reipub. opus esset. expectabant quam mox consulibus creādis comitia edicerentur. Id modo plebs agitabat, quonam modo tribunitiam potestatem, munimentum libertatis, rem intermissam repararent: cum interim mentio comitiorum nulla fieri: & decemui, qui primo tribunitios homines, quia id popolare habebatur, circum se ostentauerant plebi, patricijs iuuenibus sepserāt latera: eorum cateruæ tribunalia obsidebant. Hi ferre, agere plebem plebisq; res, cum fortuna, qua quicquid cupitū foret, potentioris esset. & iam ne tergo quidem abstinebatur: uirgis cædi alij, alij securi subijci: & ne gratuita crudelitas esset, bonorum donatio sequi domini supplicium. Hac mercede iuuentus nobilis corrupta non modo non ire obuiam iniuriæ: sed propalam licentiam suam malle, quam omnium libertatē. Idus Maie uenere, nullis subrogatis magistratibus: priuati pro decemuiris neque animis ad imperium inhibendum immunuti, neq; ad speciem honoris insignibus prodeunt. Id uero regnum haud dubie uideri: deploratur in perpetuum libertas: nec uindex quisquam existit aut futurus uidetur. Nec ipsi solum desponderant animos, sed contemni cæpti erant à finitimis populis: imperium quæ ibi esse, ubi non esset libertas, indignabatur. Sa
bini

bini magna manu incursionem in agrum Romanum fecerunt: lateque populati, cum hominum atque pecudum inulti praedae egissent, recepto ad Eretum, quod passim uagatum erat, agmine, castra locant: spem in discordia Romana ponentes, eam impedimentum delectui fore. Non nuntij solum, sed per urbem agrestium fuga trepidationem iniecit. decemuires consulant quid opus facto sit. destitutis inter patrum et plebis odia addit terrorem insuper alium fortuna. Aequi alia parte castra in Algida locant: depopulatumque inde excursionibus Thusculanum agrum, legati ab Thusculo praesidium orantes, nuntiant. Is paucos perculit decemuires: ut senatum simul duobus circumstantibus urbem bellis, consulerent. citari iubent in curiam patres, haud ignari quantam inuidiae immiseret tempestas: omnes uastati agri periculisque imminentium causas in se congesturos: tentationemque eam fore abolendi sibi magistratus, nisi consensu resisterent, imperioque inhibendo acriter in paucos praeferois animi, conatus aliorum comprimerent. Postquam audita uox in foro est praconis, patres in curiam ad decemuires uocantibus, uelut noua res, quia intermiserant iamdiu morem consulendi senatus, mirabundam plebem conuertit: quidnam incidisset, cur ex tanto interuallo rem desuetam usurparent, hostibus belloque gratiam habendam, quod solitum quicquam liberae ciuitatis fieret. circumspectare omnibus fori partibus senatorem, raroque usquam noscitare: curiam inde, ac solitudinem circa decemuires intueri: cum et ipsi consensu inuisum imperium: et plebs, quia priuatis ius non esset uocandi senatum: non conuenire patres, interpretarentur. iam caput fieri libertatem repetentium, si se plebs comitem senatui det, et quemadmodum patres uocati non coeant in senatum, sic plebs abnuat delectum. Haec fremebat plebs.

Patrum haud ferè quisquam in foro, in urbe rari erant. in dignitate rerum cefferant in agros: suarumq; rerum erāt, amissa publica: tantum ab iniuria se abesse rati, quantum à coetu congressuq; impotentium domuncrum se amouissent. Postquam citati nō conueniebāt, dimissi circa domos apparitores simul ad pignora capienda, sciscitandumq;, num consulto detrectarent: referunt, senatum in agris esse. Latius id decemuiris accidit, quàm si praesentes detrectare imperium referrent. iubent acciri omnes, senatumq; in diem posterum indicunt. qui aliquanto spe ipsorum frequentior conuenit. quo factō proditam à patribus plebs libertatem rata, quòd ijs, qui iam magistratu abiissent, priuatisq; ius abesset, tanquam iure cogentibus senatus paruisset. Sed magis obedienter uentum in curiam est, quàm obnoxie dictas sententias accepimus. L. Valerium Potitum proditum memoriae est, post relationem Ap. Claudij, priusquam ordine sententiæ rogarentur, postulando ut de rep. liceret dicere, prohibentibus minaciter decemuiris, proditurum se ad plebem denuntiātem, tumultū exciuisse. Nec minus ferociter M. Horatium Barbatum isse in certamen, x. Tarquinius appellātem, admonentemq;, Valerij, & Horatij ducibus pulsos reges: nec nominis homines tum pertaesum esse. quippe quo Iouem appellari fas sit, quo Romulum conditorem urbis, deincepsque reges appellatos, quod sacris etiam ut solenne retētum sit, superbiam, uolētiāq; tum perosos regis. quæ si in rege tum eodem, aut in filio regis ferenda nō fuerint, quem laturum in tot priuatis uiderent, ne uetādo in curia libere homines loquī, extra curiam etiam mouerēt uocē. neq; se uidere, qui sibi minus priuato ad concionē populum uocare, quàm illis senatum cogere liceat. ubi uellent, experirētur quāto ferocior dolor

dolor in libertate sua uindicāda, quā cupiditas in iniusta dominatione esset. De bello Sabino eos referre, tanquā maius ullum populo Romano bellum sit, quā cum ijs, qui legum serēdarum causa creati nihil iuris in ciuitate reliquerint: qui comitia, qui annuos magistratus, qui uicissitudinē imperitandi, quod unum ex æquandæ sit libertatis, sustulerint: qui priuati fasces & regium imperium habeāt. Fuisse regibus exactis patricios magistratus, creatos postea post secessionem plebis, plebeios. cuius illi partis essent, rogitare. populares? quid enim eos per populum egisse? optimates? qui anno iam propē senatum nō habuerint, tunc ita habeant, ut de repub. loqui prohibeant? ne nimium in metu alieno spei ponerent. grauiora quæ patiantur uideri iā hominibus, quā quæ metuant. Hæc uociferante Horatio cum decemuiro nec iræ nec ignoscendi modum reperirēt: nec quod euasura res esset, cernerēt: C. Claudij, qui patruus Appij decemuiro erat, oratio fuit precibus quā iurgio similis, orātis per sui fratris, parētisq; eius manes, ut ciuilis potius societatis, in qua natus esset, quā fœderis nefarie icti cum collegis meminisset. multo id magis se illius causa orare, quā reipublicæ. quippe remp. si a uolētibus nequeat, ab inuitis ius expetiturā. sed ex magno certamine magnas excitari ferme iras, earum euentum se horrere. Cum aliud præterquam de quo retulissent, decemuiro dicere prohiberent, Claudium interpellandi uerecūdia fuit. sententiā igitur peregit, nullū placere senatus consultum fieri. omnesq; ita accipiebant, priuatos eos à Claudio iudicatos: multiq; ex consularibus uerbo assensi sunt. Alia sententia asperior in speciem, uim minorem aliquanto habuit, quæ patricios coire ad prodendum interregem iubebat. censendo enim quoscunque magistratus esse, qui senatum haberent, iudicabat:

cabat: quos priuatos fecerat autor nullius senatus consulti
faciendi. Ita labante iam causa decemuirorum, L. Corne-
lius Maluginensis M. Cornelij decemuii frater, cum ex
consularibus ad ultimum dicendi locum consulto seruatus
esset, simulando curam belli, fratrem collegasq; eius tueba-
tur: quonam fato incidisset murari se dictitans, ut decemui-
ros, qui decemuiratum petissent, aut socij, aut hi maximè
oppugnarent: aut quid ita, cum per tot menses uacua ciui-
tate nemo iusti ne magistratus summæ rerum præssent, cõ-
trouersiam fecerit: nunc demum cum hostes propè ad por-
tas sint, ciuiles discordias serant: nisi quòd in turbido mi-
nus perspicuum fore putent quid agatur. Cæterum nemi-
nem, immaiore cura occupatis animis, uerũ ex se præiudiciũ
rei tantæ asferre. sibi placere de eo, quod Valerius, Hora-
tiusq; ante idus Maias decemuiros abisse magistratu in si-
mulent, bellis quæ immincant, perfectis, república in tran-
quillum redacta, senatu disceptante agi: & iam nunc ita se
parare Ap. Claudium, ut comitiorũ, quæ decemuiris crean-
dis decemuir ipse habuerit, sciat sibi rationẽ reddendam
esse, utrum in unum annũ creati sint, an donec leges, quæ
deessent, perferrentur. in præsentia omnia præter bel-
lum omitti placere. cuius si falsò famam uulgatam, ua-
naque non nuntios solum, sed Thusculanorum etiam le-
gatos attulisse putent: speculatores mittendos censere,
qui certius explorata referant. sin fides & nuntijs &
legatis habeatur, delectum primo quoque tempore ha-
beri: decemuiros quò cuique eorum uideatur, exercitus
ducere: nec rem aliam præuerti. In hanc sententiam
ut discederetur, iuniores patrum cuincebant. ferocio-
resque iterum coorti Valerius Horatiusq; uociferari, ut
de repub. liceret dicere: dicturos ad populum, si in senatu
per

per factionem nō liceat. neq; enim sibi priuatos aut in curia, aut in concione posse ob stare: neque se imaginarijs fascibus eorum cessuros esse. Tum Appius iam propè esse ratus: ut, ni uiolentia eorum pari resisteretur audacia, uictū imperium esset: Non erit melius, inquit, nisi de quo consulumus, uocem misisse. & ad Valerium negantem se priuato reticere, lictorem accedere iussit. Iam Quiritium fidem implorāte Valerio à curia limine, L. Cornelius cōplexus Appium, non cui simulabat consulendo diremit certamen. facta q; per Cornelium Valerio dicēdi gratia quæ uellet, cū libertas nō ultra uocem excessisset, decemuii propositum tenuere. consulares quoq; ac seniores ab residuo tribunicie potestatis odio, cuius desiderium plebi multo acrius, quàm cōsularis imperij rebātur esse, propè malebāt postmodū ipsos decemuiros uoluntate abire magistratu, quàm inuidia eorum exurgere rursus plebem. si leniter ducta res sine populari strepitu ad cōsules redisset, aut bellus interpositis, aut moderatione consulum in imperijs exercēdis, posse in obliuionem tribunorum adduci. Silentio patrum edicitur delectus. iuniores, cū sine prouocatione imperiū esset, ad nomina respondent. Legionibus scriptis, inter se decemuii comparabāt, quos ire ad bellum, quos præesse exercitibus oporteret. Principes inter decemuiros erant Q. Fabius, & Ap. Claudius. bellum domi maius, quàm foris apparebat. Appij uiolentiam aptiorem rati, ad compri mendos urbanos motus: in Fabio nūus in bono constans, quā gnauum in malitia ingenium esse. hunc enim uirum egregium olim domi militie q; decemuiratus collega q; ita mutauerant: ut Appij quàm sui similis mallet esse. huic bellum in Sabinis, M. Rabulcio, & Q. Petilio additis collegis, mandatum. M. Cornelius in Algidum missus

cum

cum L. Mnutio, & T. Antonio, & Cæsone Ducllio, & M. Sergio. Sp. Oppium Ap. Claudio adiutorem ad urbem tuendam æquo omnium decemuirorū imperio decernunt. Nihilò militiæ quàm domi melius respub. administrata est. illa modo in ducibus culpa, quòd ut odio essent ciuibus, fecerant: alia omnis penes milites noxa erat. qui nequid ducū atque auspicio decemuirorum prospere usquam gere retur, uinci se per suum atq; illorum dedecus patiebantur. Fusi & ab Sabinis ad Eretum, & in Algido ab Acquis exercitus erant. ab Ereto per silentiū noctis profugi propius urbem inter Fidenas Crustumeniāq; loco edito castra communierant. persecutis hostibus nusquam se æquo certamine committentes, natura loci ac uallo, non uirtute aut armis tutabantur. Maius flagitium in Algido: maior etiam clades accepta: castra quoq; amissa erant: exutusq; omnibus utensilibus miles Thusculum se fide, misericordiāq; uicturus hospitū (quæ tamen non sefellerunt) contulerant. Romam tanti erant terrores allati, ut posito iam decemuirali odio patres uigilias in urbe habendas censerent: omnes, qui per ætatem arma ferre possent, custodire mœnia, ac pro portis stationes agere iuberēt: arma Thusculum ad supplementū decernerent, decemuirosq; ab arce Thusculi digressos in castris militē habere: castra alia à Fidenis in Sabinum agrum trāsferri: belloq; ultro inferendo deterreri hostes à consilio urbis oppugnandæ. Ad clades ab hostibus acceptas duo nefanda facinora decemuiro belli domūq; adiiciunt. L. Siccium in Sabinis per inuidiam decemuiralem tribunorum creandorum, secessionisque mentiones ad uulgus militum sermonibus occultis ferentem, prospeculatum ad locum castris capiendum mittunt. datur negotium militibus, quos miserant expedi-

n

tionis

XIV

tionis eius comites, ut eum opportuno adorti loco interficerent. Haud inultum interfecere. nam circa repugnātem aliquot insidiatores cecidere: cum ipse se præualidus pari uiribus animo circumuentus tutaretur. Nuntiāt in castra ceteri, præcipitatum in insidias esse Siccium egregie pugnantem, militesq; quosdam cum eo amissos. Primo fides nuntiantibus fuit: profecta deinde cohors ad sepeliendos qui ceciderant, decemuirorum permissu, postquam nullum spoliatum ibi corpus, Sicciumq; in medio iacentem, armatumq; omnibus in eum uersis corporibus uidere: hostium neque corpus ullum, nec uestigia abeuntium: profecto ab suis interfectum memorantes retulere corpus. inuidiæq; plena castra erant, & Romam ferri protinus Siccium placebat, ni decemuiro sanus militare ei publica impensa facere maturaßent. Sepultus ingēti militum mœstitia, pessima decemuirorum in uulgus fama est. Sequitur aliud in urbe nefas ab libidine ortum, haud minus fœdo euētū, quā quod per stuprum cædemq; Lucretiæ urbe regnoq; Tarquinios expulerat: ut nō finis solum idem decemuiris, qui regibus, sed causa etiam eadem imperij amittendi esset. Ap. Claudium uirginis plebeiæ stuprandæ libido cepit. pater uirginis L. Virginius honestum ordinem in Alcido ducebat, uir exempli recti domi militiæq; . perinde uxor instituta fuerat, liberiq; instituebantur. desponderant filiam L. Icilio tribunitio, uiro acri, & pro causa plebis experte uirtutis. hanc uirginem adultam, forma excellentem Appius amore ardēs pretio ac spe pellicere adortus, postquam omnia pudore septa animaduertat, ad crudelem superbamq; uim animum conuertit. M. Claudio clienti negotium dedit, ut uirginem in seruitutem assereret: neque cederet secūdum libertatem postulantibus uindicias: quod pater

pater puellæ abesset, locum iniuriæ esse ratus. uirgini uenienti in forum (ibi nanque in tabernis literarum ludi erant) minister decemuii libidinis manū iniecit, serua sua natam seruamque appellans esse: sequi que se iubebat, cūstantem ui abstracturum. Pauda puella stupente, ad clamorem nutricis fidem Quiritium implorantis fit concursus. Virginij patris sponsiq; Iciliij popolare nomen celebratur: notos gratia eorum, turbam indignitas rei uirgini conciliat. Iam à ui tuta erat, cum assertor nihil opus esse multitudine cōcitata ait: se iure grassari, non ui. uocat puellam in ius, autoribus qui aderant, ut sequeretur. ad tribunum Appij peruētum est. notam iudici fabulam petitor, quippe apud ipsum autorem argumenti, peragit. puellam domus sue natam, furtoque inde in domum Virginij translata, suppositam ei esse. id se indicio compertum asserre: probaturumq; uel ipso Virginio iudice, ad quem maior pars iniuriæ eius pertineat. interim dominum sequi ancillam æquum esse. Aduocati puellæ, cum Virginium reipub. causa dixissent abesse, biduo affuturum, si nuntiatum ei sit: iniquum esse absentem de liberis dimicare: postulant ut rem integram in patris aduentum differat: lege ab ipso lata uindicias det secundum libertatem, neu patiatur uirginem adultam famæ prius, quàm libertatis periculū adire. Appius decreto præfatus quàm libertati fauerit, eā ipsam legem declarare, quam Virginij amici postulationi sue prætendant. cæterum ita in ea firmum libertati fore præsidium, si nec causis nec personis uariet. in his enim quæ asserantur in libertatem, quia quiuis lege agere possit, id iuris esse: in ea quæ in patris manu sit, neminem esse aliū, cui dominus possessione cedat. placere itaq; patrem accersiri: interea iuris sui iacturam assertorē non facere, quin ducat

puellam, sistendamq; in aduentum eius qui pater dicatur, promittat. Aduersus iniuriam decreti cum multi magis fremerent, quàm quisquā unus recusare auderet: P. Numitorius puellæ auunculus, & sponsus Icilius interueniunt: dataq; inter turbā uia, cum multitudo Icilij maxime interuentu resisti posse Appio crederet, liCTOR decreuisse ait: uociferantemq; Icilium summouet. Placidum quoq; ingenium tam atrox iniuria accendisset. Ferro hinc tibi summouendus sum Appi, inquit, ut tacitū feras, quod celari uis. uirginem ego hanc sum ducturus, nuptamq; pudicam habiturus. proinde omnes collegarum quoq; liCTores conuoca, expediri uirgas & secures iube: non manebit extra domū patris sponsa Icilij. non, si tribunitiū auxiliū & prouocationem plebi Romanæ, duas arces libertatis tuendæ ademistis, ideo in liberos quoq; nostros coniugesq; regnum uestre libidini datū est. sæuite in tergū & in ceruices nostras, pudicitia saltem in tuto sit. Huic si uis affretur, ego præsentīū Quiritium pro sponsa, Virginium militem pro unica filia, omnes deorū hominumq; implorabimus fidē: neq; tu istud unquam decretum sine cæde nostra referes: postulo Appi, etiam atq; etiam consyderes quò progrediare. Virginium uiderit de filia, ubi uenerit, quid agat. hoc tantum sciat, sibi, si huius uindicijs cesserit, conditionē filię querendam esse. me uindicantem sponsam in libertatem uita citius deferet quàm fides. Concitata multitudo erat, certamenq; instare uidebatur. liCTores Icilium circumsteterant: nec ultra minas tamen processum est, cum Appius nō Virginiam defendi ab Icilio, sed inquietum hominem & tribunatū etiam nunc spirantem, locum seditionis querere diceret: non præbiturū se illi eo die materiā: sed ut iam sciret, nō id petulantiæ suæ, sed Virginio absenti & patrio

patrio nomini & libertati datū, ius eo die se nō dicturum, neq; decretum interpositurū: à M. Claudio petiturum, ut decederet iure suo, uindicariq; puellā in posterum diē pateretur. quòd nisi pater postero die affuisset, denuntiare se Icilio similibusq; Icilij, neq; legi suæ latorē, neq; decemuiro constantiā defūre: nec se utiq; collegarum lictores conuocaturū ad coercendos seditionis autores, contentum se suis lictoribus fore. Cum dilatum tēpus iniuriæ esset, secessissentq; aduocati puellæ, placuit omnium primum fratrem Iciliū, filiumq; Numutorij, impigros iuuenes pergere inde rectā ad portam, & quantū accelerari posset, Virginium acciri è castris. in eo uerti puellæ salutē, si postero die uindex iniuriæ ad tempus præsto esset. Iussi pergūt, citatisq; equis nuntii ad patrem perferunt. Cum instaret assertor puellæ ut uindicaret, sponsoresq; daret: atq; id ipsum agi diceret Icilius, sedulo tempus terens, dum præciperet iter nuntij iussi in castra: manus tollere undiq; multitudo, & se quisq; paratū ad spondendum Icilio ostendere. atq; ille lacrymabundus, Gratū est, inquit, crastina die uestra opera utar, sponsoꝝ nunc satis est. Ita uindicatur Virginia spondentibus propinquis. Appius paulisper moratus, ne eius rei causa sedisse uideretur: postquā omis̃is rebus alijs præ cura unius nemo adibat, domum se recepit: collegisq; in castra scribit, ne Virginio cōmeatum dent, atq; etiam in custodia habeant. Improbum consiliū scrum, ut debuit, fuit: & iam cōmeatu sumpto profectus Virginius prima uigilia erat, cum postero die mane de retinēdo eo nequicquam literæ redduntur. At in urbe prima luce, cum ciuitas in foro expectatione erecta staret, Virginius sordidatus filiam secum obsoleta ueste comitantibus aliquot matronis cū ingēti aduocatione in forum deducit. circumire

ibi et prehensare homines coepit: et non orare solū precariam opē, sed pro debita petere. se pro liberis eorū ac cōiugibus quotidie in acie stare: nec alium uiram esse, cuius strenue ac ferociter facta in bello plura memorari posset. quid prodesse, si incolumi urbe quæ capta ultima timeantur, liberis suis sint patienda? Hæc propè concionabundus circūibat homines. Similia his ab Icilio iactabātur. commutatus muliebris plus tacito fletu, quàm ulla uox mouebat. Aduersus quæ omnia obstinato animo Appius (tanta uis amentiae uerius quàm amoris mentē turbauerat) in tribunal ascendit: et ultro querēte pauca petitore, quod ius sibi pridie per ambitionem actum non esset, priusquam aut ille postulatum perageret, aut Virginio respondendi daretur locus, Appius interfatur. Quem decreto sermonē prætenderit, forsā aliquem uerum autores antiqui tradiderunt. quia nusquā ullum in tanta fœditate decreti uerisimilem inuenio, id quod constat, nudum uidetur proponendum. decreuisse uindicias secundū seruitutem. Primo stupor omnes admiratione rei tam atrocis defixit: silentium inde aliquandiu tenuit. deinde cum M. Claudius circūstantibus matronis iret ad prehendam uirginem, lamentabilisq; eum mulierū comploratio excepisset: Virginus intentans in Appiū manus, Icilio, inquit, Appi, nō tibi filiā despondidi, et ad nuptias nō ad stuprū educaui. placet pecudū ferarumq; ritu promiscue in concubitus ruerē passurū ne hæc isti sint, nescio. non spero esse passuros illos qui arma habent. Cum repelleretur assertor uirginis à globo mulierū circūstantiumq; aduocatorum, silentium factum per præconem. Decemuir alienato ad libidinem animo, negat ex hesterno tantū conuitio Iciliū uiolentiaq; Virginij, cuius testē P. R. habeat, sed certis quoq; indicijs compertum se habere

habere : nocte tota cœtus in urbe factos esse ad mouendam seditionem. itaq; se haud insciū eius dimicationis cū arma in descendisse, non ut quenquam quictum uiolaret, sed ut turbantes ciuitatis otium pro maiestate imperij coërceret: proinde quiesse crit melius. I, inquit licitor, summove turbam, & da uiam domino adprehendendū mancipium. Cū hec intonuisset plenus iræ, multitudo ipsa se sua sponte dimouit, desertaq; præda iniuriæ puella stabat. Tum Virginius ubi nihil usquā auxilij uidit: Quæso, inquit, Appi, primum ignosce patrio dolori, si inclementius in te sum inuectus: deinde sinas hic coram uirgine nutricem percussari, quid hoc rei sit? ut si falsò pater dictus sum, æquiore hinc animo discedam. Data uenia seducit filiā ac nutricē prope Cloacinæ ad tabernas, quibus nunc nouis est nomē: atq; ibi ab lanio cultro arrepto, Hoc te uno, quo possum, ait, modo filia in libertatem uindico. pectus deinde puellæ trāsfigit: respectāsq; ad tribunal, Te, inquit, Appi, tuūq; caput sanguine hoc confecro. Clamore ad tam atrox facinus orto excitus Appius comprehendi Virginium iubet. ille ferro, quacunque ibat, uiam facere, donec multitudine etiam prosequentium tuente ad portam perrexit. Icilium Numitoriusq; exangue corpus sublatum ostentant populo: scelus Appij, puellæ infelicem formam, necessitatem patris deplorant. sequentes clamitant matronæ, eam ne liberorum procreandorum conditionem? ea pudicitie præmia esse? cæteraq; quæ in tali re muliebris dolor, quo est mortuor imbecillo animo, eo miserabilia magis querētibus subiicit. Virorum & maxime Icilij uox tota tribunitiæ potestatis ac prouocationis ad populum ereptæ, publicarumq; indignationum erat. Concitatur multitudo partim atrocitate sceleris, partim spe per occasionē repetendæ libertatis

bertatis. Appius nunc uocari Iciliū, nunc retractantē arripi: postremo cum locus adeundi apparitoribus non daretur, ipse cum agmine patriciorū iuuenum per turbam uadens in uincla duci iubet. Iam circa Iciliū non solū multitudo, sed duces quoq; multitudinis erant, L. Valerius & M. Horatius. qui repulso licitore, si iure ageret, uindicare se à priuato Iciliū aiebant: si uim afferre conaretur, ibi quoq; haud impares fore. Hinc atrox rix a oritur. Valeriū Horatiūq; licitor decemuiro inuadit, franguntur à multitudine fasces. In concionem Appius ascendit: sequuntur Horatius Valeriusq; eos concio audit, decemuiro obsistepitur. Iam pro imperio Valerius discedere à priuato licitor iubebat: cum fractis animis Appius uitæ metuens in domum se propinquā foro inscijs aduersarijs capite obuoluto recepit. Sp. Oppius ut auxilio collegæ esset, in forū ex altera parte irrupit, uidet imperium ui uictū. Agitatus deinde consilijs atq; ex omni parte assentiendo multis autoribus trepidus, senatū postremo uocari iussit. ea res quòd magnæ parti patrum displicere acta decemuirorū uidebatur, spe per senatū seniedæ potestatis eius multitudinē sedauit. Senatus nec plebē iritandam cēsuit: & multo magis prouidendum, nequid Virginij aduentus in exercitu motus faceret. itaq; missi iuniores patrū in castra, quæ tum in monte Vecilio erant, nūtiā decemuiris, ut omni ope ab seditione milites contineant. ubi Virginius maiorem quàm reliquerat in urbe, motū exciuit. Nam præterquam quòd agmine propè quadringentorū hominum ueniens, qui ab urbe indignitate rei accensi comites ei se dederant, conspectus est: strictū etiam telum, respersusq; ipse cruore tota in se castra cōuertit. & togæ multifariā in castris uise maioris aliquāto quàm erat, speciē urbanæ multitudinis

itudinis fecerant. Quærentibus quid rei esset, Mens diu uocem nō misit, tandem ut iam ex trepidatione concurrentiū turba cōstitit ac silētium fuit: ordine cuncta ut gesta erāt, exposuit. Supinas deinde tendens manus, cōmulitones appellans orabat, ne quod scelus Ap. Claudij esset, sibi attribuerēt: neu se ut parricidā liberūm auersarētur. sibi uitā filię suæ chariorē fuisse, si libere ac pudice uiuere licitum fuisset. cum uelut seruam ad stuprum rapi uideret, morte amitti melius ratū quā contumelia liberos, misericordia se in speciē crudelitatis lapsum, nec se superstitē filię futurum fuisse, nisi spem ulciscēdæ mortis eius in auxilio cōmulitonum habuisset. illis quoq; etiam filias, sorores coniugesq; esse, nec cum filia sua libidinē Ap. Claudij extinctā esse: sed quo impunitior sit, eo effrænatiore fore. aliena calamitate documētum datum illis cauendæ similis iniuriæ. quod ad se attineat, uxore sibi fāto ereptam, filiam, quia nō ultra pudica uictura fuerit, miseram, sed honestam mortem occubuisse, non esse iam Appij libidini locum in domo sua: ab alia uiolentia eius eodē se animo suum corpus uindicaturū, quo uindicauerit filię. ceteri sibi ac liberis suis consulerēt. Hæc Virginio uociferanti succlamabat multitudo, nec illius dolori, nec suæ libertati se defuturos. Et immisti turbæ mulitum togati cum eadē illa querendo docendoq; quanto uisa, quā audita indigniora potuerint uideri: simul profligatam iam rem nuntiando Romæ esse, infsecutosq; qui Appium propè interemptum in exilium abiisse dicerēt: perpulerunt, ut ad arma cōclamaretur: uel lerentq; signa, & Romam proficiscerētur. Decemuiui simul ijs quæ uidebant, ijs' que quæ acta Romæ audierant, perturbati, alius in aliam partem casirorum ad sedandos motus discurrunt: & leniter agētib; responsum nō red-

ditur. imperio si quis inhiheret, & uiros & armatos se esse respondetur. eunt agmine ad urbem, & Auentinum insidunt, ut quisque occurrerat plebem ad repetendam libertatem creandoque tribunos plebis adhortantes. alia uox nulla uiolenta audita est. senatum Sp. Oppius habet. nihil placet asperere agi. quippe ab ipsis datum locum seditionis esse. mittuntur tres legati consulares, Sp. Tarpeius, C. Iulius, P. Sulpitius, qui quaerent senatus uerbis, cuius iussu castra deseruissent? aut quid sibi uellent, qui armati Auentinum obsedissent? belloque auerso ab hostibus patriam suam cepissent? Non desuit quid responderetur: decrat qui daret responsum, nul lodum certo duce, nec satis audentibus singulis inuidiae se offerre. id modo a multitudine conclamatum est, ut L. Valerium & M. Horatium ad se mitterent, his se daturos responsum. Dimissis legatis, admonet milites Virginius, in re non maxima paulo ante trepidatum esse, quia sine capite multitudo fuerit: responsumque; quamquam non inutiliter, fortuito tamen magis consensu quam communi consilio esse. placere decem creari, qui summae rei praesent, militarique honore tribunos militum appellari. Cum ad eum ipsum primum is honos deferretur: Melioribus meis uestris que rebus reseruate, inquit, ista de me iudicia. nec mihi filia in uita honorem ullum iucundum esse patitur: nec in perturbata repub. eos utile est praesent uobis, qui proximi inuidiae sint. si quis usus mei est, nihilo minor ex priuato capietur. Ita decem numero tribunos militares creant. Neque in Sabinis quicuit exercitus. ibi quoque autore Iulio Numitorioque secessio ab decemuiris facta est: non minore motu animorum Siccij caedis memoria renouata, quam quae noua fama de Virginia adeo foede ad libidinem petita accenderat. Iulius ubi audiuit tribunos militum in

Auentino

Auentino creatos, ne comitiorū militarium prerogatiuā urbana comitia iisdē tribunis plebis creandis sequeretur: peritus rerum populariū, imminensq; ei potestati, & ipse prius quā iretur ad urbē, pari potestate eundē numerū ab suis creandū curat. Porta Collina urbem intrauere sub signis, mediaq; urbe agmine in Auentinū pergunt. ibi cōiuncti alteri exercitui x x. tribuni militū negotium dederunt, ut ex suo numero duos crearent, qui summæ rerum præessent. M. Oppium, Sex. Maniliū creant. Patres solliciti de summa rerum, cū senatus quotidie esset, iurgijs sæpius terunt tēpus quā cōsilijs. Siccij cædes decēviris & Appiana libido, & dedecora militiæ obiciebātur. placebat Valerium Horatiumq; ire in Auentinū. illi negabant se aliter ituros, quā si decēviri deponerent insignia magistratus eius, quo anno iā antē abissent. Decēviri querentes se in ordinē cogi, non antē quā perlatis legibus, quārū causa creati essent, deposituros imperiū se aiebant. Per M. Duellium qui tribunus plebis fuerat, certior facta plebs, cōtentionibus assiduis nihil trāsigi, in Sacrum montem ex Auentino trāsit: affirmante Duellio nō prius quā deferri urbem uideant, curam in animos patrum descensuram: admoniturū Sacrum montē constantiæ plebis: scitu-
ros, quod sine restituta potestate redigi in concordia res nequeant. Via Nomentana cui tum Ficulnensi nomē fuit, profecti castra in monte Sacro locauere, modestiā patrum suorū, nihil uiolādo, imitati. Secuta exercitum plebs, nullo qui per ætatem ire possēt, retractante: prosequuntur coniuges liberiq; cui nā se relinquerēt in ea urbe, in qua nec pudicitia nec libertas sancta esset? miserabiliter rogitantes. Cum uasta Romæ omnia insueta solitudo fecisset, in foro præter paucos seniorum nemo esset: uocatis utiq; in sena-
tum patrib

tum partibus, desertū apparuiſſet forū : plures iam quā
 Horatius & Valerius uociferabantur. Quid expectabi-
 tis Pa. Conscriptiſi decemuirī finem pertinaciæ non fa-
 ciunt, ruere ac deſlagrare omnia paſſuri eſtis? Quod autē
 iſtud imperium eſt decemuirī, quod amplexi tenetis? teſtis
 ac parictibus iura dicturi eſtis? non pudet liſtorum ueſtro-
 rum maiorem propē numerū in foro conſpici quā toga-
 torum aliorum? Quid ſi hoſtes ad urbem ueniant, facturi
 eſtis? quid ſi plebs mox ubi parum ſeceſſione moueamur,
 armata ueniat? occaſū ne urbis uultis finire imperiū? atqui
 aut plebs non eſt habenda, aut habendi ſunt tribuni ple-
 bis. Nos citius caruerimus patricijs magiſtratibus quā
 illi plebeijs. nouam inexpertamq; eam poteſtatem eripue-
 re patribus noſtris, ne nunc dulcedine ſemel capti ferant
 deſyderium : cū præſertim nec nos temperemus imperijs,
 quo minus illi auxiliij egeant. Cum hæc ex omni parte ia-
 ctarentur, uicti conſenſu decemuirī futuros ſe, quando ita
 uideatur, in poteſtate patrum affirmant. id modo ſimul o-
 rant ac monent, ut ipsis ab inuidia caueatur: nec ſuo ſan-
 guine ad ſupplicia patrum plebem aſuefaciant. Tum Va-
 lerius Horatiusq; miſſi ad plebem conditionibus quibus
 uideretur reuocandam, componendas que res, decemuiris
 quoque ab ira & impetu multitudinis præcauere iuben-
 tur. Proſecti gaudio ingenti plebis in caſtra accipiuntur:
 quippe liberatores haud dubie & motus initio, & exitu
 rei. ob hæc ijs aduenientibus gratiæ actæ. Icilius pro mul-
 tudine uerba facit. idem cum de cōditionibus ageretur,
 quærentibus legatis quæ poſtulata plebis eſſent: cōpoſito
 iam ante aduentū legatorum conſilio ea poſtulauit, ut ap-
 pareret in æquitate rerū plus quā in armis reponi ſpei.
 poteſtatē enim tribunitiam prouocationemq; repetebāt,
 quæ

quæ ante decemuiros creatos auxilia plebis fuerant. & necui fraudi esset, cōcisse milites, aut plebem ad repetendam per secessionē libertatē. de decemuirorum modo supplicio atrox postulātū fuit. dedi quippe eos æquum censebant, uiuosq; igni concrematuros minabantur. Legati ad ea: Quæ consilij fuerūt, adeo æqua postulastis, ut ultro uobis deferenda fuerint. libertati enim ea præsidia petitis, non licētiae ad impugnandū alios. iræ uestræ magis ignoscendū quàm indulgendū est: quippe qui crudelitatis odio in crudelitātē ruitis, & prius penē quàm ipsi liberi sitis, dominari iam in aduersarios uultis. Nūquam ne quiescet ciuitas nostra à supplicijs, aut patrū in plebem Romanā, aut plebis in patres? Scuto uobis magis quàm gladio opus est. satis superq; humilis est, qui iure æquo in ciuitate uiuit, nec inferendo iniuriā, nec patiendo. etiā si quando metuentes uos præbituri estis, cū recuperatis magistratibus, legibusq; uestris iudicia penes uos erunt: de capite nostro fortunisq; tunc, ut quæq; causa erit, statuetis. nūc libertatem repeti satis est. Facerent ut uellēt permittentibus cunctis, mox redituros se legati rebus perfectis affirmant. Profecti cum mandata plebis patribus exposuissent, alij decemuiros, quandoquidē præter spem ipsorum supplicij sui nulla mētio fieret, haudquicquam abnuere. Appius truci ingenio, & inuidia præcipua, odiū in se aliorum suo in eos metiēs odio: Haud ignaro, inquit, innūnet fortuna. uideo donec arma aduersarijs tradātur, differri aduersus nos certamē. dandus inuidiæ est sanguis. nihil ne ego quidē moror, quo minus decemuiratu abeam. Factum senatusconsultum, ut decemuiros se primo quoq; tempore magistratu abdicarēt: Q. Furius pontifex maximus tribunos plebis crearet: & necui fraudi esset secessio militū plebisq;. His senatus consultis

sultis perfectis, dimisso senatu decemuii prodeunt in concionem, abdicantq; se magistratu ingenti hominū letitia. Nuntiantur hæc plebi. legatos quicquid in urbe hominū supererat, prosequitur. huic multitudini læta alia turba ex castris occurrit. cōgratulantur libertatē concordiamq; ciuitati restitutā. Legati pro concione: Quod bonum faustum felixq; sit uobis, rei q; publicæ, redite in patriam ad penates, coniuges liberosq; uestros. sed quā hic modestia fuistis, ubi nullius ager in tot usu rerum necessario tantæ multitudini est uiolatus, eā modestiā ferte in urbem. in Auentinum ite, unde profecti estis. ibi felici loco, ubi prima initia inchoastis libertatis uestre, tribunos plebis creabitis. præstò erit pontifex maximus, qui comitia habeat. Ingens assensus alacritasq; cuncta approbantium fuit. cōuellunt inde signa, profectiq; Romam certant cū obuijs gaudio. armati per urbē silentio in Auentinum perueniūt. ibi ex templo pontifice maximo comitia habente tribunos plebis creauerunt, omnium primū A. Virginium, inde L. Icilium & P. Numitorium auunculū Virginie, autores secessionis: tū C. Sicinium, progeniem eius, quē primum tribunum plebis creatum in Sacro monte, proditum memorie est, & M. Duellium, qui tribunatum insignē ante decemuiros creatos gesserat: nec in decemuiralibus certaminibus plebi defuerat spe deinde magis quàm meritis electi, M. Titinnius, M. Pomponius, C. Apronius, Ap. Iulius, C. Oppius. Tribunatu inito L. Icilium extemplo plebem rogauit: & plebs sciuit, necui fraudi esset secessio ab decemuiris facta. confestim de consulibus creandis cum prouocatione M. Duellius rogationem pertulit. ea omnia in pratis Flaminijs concilio plebis acta, quem nūc circum Flaminiū appellant. Fer interregem deinde cōsules creati, L. Valerius

rius & M. Horatius, qui extēplo magistratū occeperūt:
 quorum cōsulatus popularis sine ulla patrum iniuria, nec
 sine offensione fuit. quicquid enim libertati plebis cauere
 tur, id suis decedere opibus credebant. Omnium primum,
 cum ueluti in controuerso iure esset, tenerentur ne patres
 plebis citis: legem cēturiatis comitijs tulere, ut quod tribu-
 tum plebes iussisset, populum teneret. qua lege tribunitijs
 rogationibus telum acerrimum datum est. Aliam deinde
 consularem legem de prouocatione, unicum præsidium li-
 bertatis, decemuirali potestate euerſam non restituūt mo-
 do, sed etiam in posterum muniūt: ſanciendo nouam legē,
 ne quis ullum magistratum sine prouocatione crearet. qui
 creasset, cum ius ſasq; eſſet occidi: ne ue ea caedes capitalis
 noxa haberetur. & cum plebem hinc prouocatione, hinc
 tribunitio auxilio ſatis firmasset: ipsis quoq; tribunis ut
 ſacroſancti uiderentur: cuius rei propè iam memoria ab-
 oleuerat: relatis quibusdam ex magno interuallo cærimo-
 nijs, renouariant: & cum religione inuiolatos eos, tum le-
 ge etiam fecerunt: ſanciendo, ut qui tribunis plebis, edili-
 bus, iudicibus, decemuiris nocuiſſet, eius caput Ioui ſa-
 crum eſſet: ſanctum ad ædem Cereris, Liberi Liberaeq; ue-
 num iret. Hac lege iuris interpretes negant quenquam ſa-
 croſanctum eſſe, ſed eum, qui eorum cuiquam nocuerit, ſa-
 crum ſanciri. itaque ædilem prehendi, duciq; à maioribus
 magistratibus: quod etſi non iure fiat (noceri enim ei, cui
 hac lege non liceat) tamen argumentum eſſe non haberi
 pro ſacroſancto ædilem: tribunos uetere iure iurando ple-
 bis, cum primum eam potestatem creauit, ſacroſanctos eſ-
 ſe. Fuere qui interpretarentur: eadem hac Horatia lege cō-
 ſulibus quoque & prætoribus, quia eiſdem auſpicijs, qui-
 bus conſules crearentur, cautum eſſe. iudicem enim con-
 ſulem

sulem appellari. Quæ refellitur interpretatio: quòd his tē-
poribus nondum consulem iudicem, sed prætorem appella-
ri mos fuerit. Hæ cōsulares leges fuere. Inſtitutum etiā
 ab ijsdem consulibus, ut senatusconsulta in ædem Cereris
 ad ædiles plebis deferrentur: quæ antè arbitrio consulum
 ſupprimebantur uitiabanturq;. M. Duellius deinde tri-
 bunus plebis plebem rogauit: plebesq; ſciuit: qui plebem
 ſine tribunis reliquiſſet, quiq; magiſtratum ſine prouoca-
 tione creaiſſet, tergo, ac capite puniretur. Hæc omnia ut
 inuitis, ita non aduerſantibus patricijs tranſacta: quia nō-
 dum in quenquam unum ſeuebatur. Fundata deinde &
 poteſtate tribunitia, & plebis libertate, tum tribuni ag-
 gredi ſingulos tutum maturumq; iam rati, accuſatorem
 primum Virginium, & Appium reum deligunt. Cum diē
 Appio Virginio dixiſſet: & Appius ſtipatus patricijs iu-
 uenibus in forum deſcendiſſet: redintegrata extemplo eſt
 omnibus memoria ſc̄ diſſimæ poteſtatis, cum ipſum ſatelli-
 tesq; eius uidiffent. Tum Virginio, Oratio, inquit, rebus
 dubijs inuenta eſt. itaque neque ego accuſando apud uos
 eum tempus teram, a cuius crudelitate uoſmetipſi armis
 uindicaſtis: nec iſtum ad cætera ſcelera impudentiam in-
 defendēdo ſe adicere patiar. Omnium igitur tibi Ap. Clau-
 di, quæ impie nefarieq; per biennium alia ſuper alia es au-
 ſus, gratiā facio. unius tantū criminis niſi te uindices, ab li-
 bertate in ſeruitutem contra leges uindicias non dediffe,
 in uincula te duci iubeo. Nec in tribunitio auxilio Ap-
 pius, nec in iudicio populi ullam ſpem habebat: attamen
 & tribunos appellauit: nullo morante arreptus à uiato-
 re, Prouoco, inquit. Audita uox una uindex libertatis ex
 eo muſſa ore, quo uindiciæ nuper ab libertate dictæ erant,
 ſilentium fecit. Et dum pro ſe quiſque deos tandem eſſe,
 & non

& non negligere humana fremunt: & superbiæ crudeli-
 tatiq; etsi seras, non leues tamen uenire poenas: prouocare
 qui prouocationem sustulisset: & implorare præsidium
 populi, qui omnia iura populi obtrisset: rapiq; in uincula
 egentem iure libertatis, qui liberum corpus in seruitutem
 addixisset: ipsius Appij inter cõcionis murmur fidem po-
 puli Romani implorantis uox audiebatur. Maiorum me-
 rita in rempub. domi militiæq; commemorabat: suum in se-
 lix erga plebem Romanam studium, quòd æquandarum
 legum causa cum maxima offensione patrum consulatu
 abisset: suas leges, quibus manentibus lator earum in uin-
 cula ducatur. ceterum sua propria bona malaq; cū causæ
 dicendæ data facultas sit, tum se experturum. in præsentia
 se communi iure ciuitatis ciuem Romanum die dicta po-
 stulare, ut dicere liceat, ut iudicium populi Rom. experiri.
 non ita se inuidiam pertinuisset, ut nihil in æquitate & mi-
 sericordia ciuium suorū spei habeat. quòd si indicta causa
 in uincula ducatur: iterum se tribunos plebis appellare,
 & monere, ne imitentur quos oderint. quòd si tribuni eo-
 dem fœdere obligatos se fateantur tollendæ appellationis
 causa, in quam conspirasse decemuiros criminati sint: ait
 se prouocare ad populum: implorare leges de prouocatio-
 ne, & consulares, & tribunitias eo ipso anno latas. quem
 enim prouocaturum, si hoc indemnato indicta causa non
 liceat? cui plebeio, & humili præsidium in legibus fore, si
 Ap. Claudio non sit? se documento futurum, utrum nouis
 legibus dominatio, an libertas firmata sit: & appellatio
 prouocatioq; aduersus iniuriam magistratuum ostentata
 tantum inanibus literis, an uere data sit. Contra ea Virgi-
 nius, unum Ap. Claudium & legū expertem, & ciuilem &
 humani fœderis esse aiebat. respicerent tribunal homines,

castellum omnium scelerum: ubi decemuir ille perpetuus, bonis, tergo, sanguini ciuium infestus, uirgas, securesq; omnibus minitans, deorum hominumq; contemptor, carnificibus non lictoribus stipatus, iam ab rapinis & cædibus animo ad libidinem uerso, uirginem ingenuam in oculis populi Romani uelut bello captam, à cõplexu patris abreptam ministro cubiculi sui clienti dono dederit: ubi crudeli decreto, nefandisq; uindicijs dexterã patris in filiam armauerit: ubi tollentes corpus semianime uirginis, sponsum, auunculumq; in carcerem duci iusserit, stupro interpellato magis quàm cæde motus. & illi carcerem ædificatum esse, quod domicilium plebis Romanæ uocare sit solitus. Proinde ut ille iterum ac sæpius prouocet, sic se iterum ac sæpius iudicem illi ferre, ni uindicias ab libertate in seruitutem dederit. si ad iudicem non eat, pro damnato in uincula duci iubere. Vt haud quoquam improbante, sic magno motu animorum, cum tanti uiri supplicio suamet plebi iam nimia libertas uideretur, in carcerem est coniectus. tribunus ei diem prædixit. Inter hæc ab Latinis & Hernicis legati gratulatum de concordia patrũ ac plebis Romanam uenerunt: donumq; ob eam Ioui optimo maximo coronam auream in Capitolium tulere parui ponderis, pro ut res haud opulente erant, colebanturq; religiones pie magis quàm magnifice. Iisdem autoribus cognitum est, Aequos Volscosq; summa ui bellum apparare. Itaq; partiri prouincias consules iussi. Horatio Sabini, Valerio Aequi euenere. Cum ad ea bella delectum edixissent, fauore plebis non iuniores modo, sed emeritis etiam stipendijs pars magna uoluntariorũ ad nomina danda præsto fuere: eoq; non copia modo, sed genere etiam militum ueteranis admistis firmior exercitus fuit. Priusquam urbem egrederetur, leges

leges decemvirales, quibus tabulis duodecim est nomen, in
 æs incisas in publico proposuerunt. Sunt qui iussu tribu-
 norum ædiles functos eo ministerio scribāt. C. Claudius, XVII
 qui perosus decemvirorum scelera, & ante omneis fratris
 filij superbiæ infestus, Regillum antiquam in patriam se
 contulerat: is magno iam natu cum ad pericula eius depre-
 canda redisset, cuius uitia fugerat, sordidatus cum genti-
 libus, clientibusq; in foro prehensabat singulos: orabatq;
 ne Claudie gēti eam iniustam maculam uellent, ut carcere
 & uinculis uiderentur digni. uirum honoratissimæ imagi-
 nis futurum ad posteros, legumlatorem, conditoremq; Ro-
 mani iuris iacere uinctum inter fures nocturnos ac latro-
 nes. auerterent ab ira parumper ad cognitionem cogita-
 tionemq; animos: & potius unum tot Claudijs deprecantibus
 condonarent, quàm propter unius odium multorum
 preces aspernarentur. se quoq; id generi ac nomini dare:
 nec cum eo in gratiam redisse, cuius aduersæ fortunæ uelit
 succursus: uirtute libertatem recuperatam esse, clementia
 concordiam ordinum stabiliri posse. Erant quos moue-
 ret sua magis pietate, quàm eius pro quo agebat causa. sed
 Virginii sui potius ut misererentur orabat, filiæq;: nec
 gentis Claudie regnum in plebem sortitæ, sed necessa-
 riorum Virginie trium tribunorum preces audirent: qui
 ad auxilium plebis creati, ipsi plebis fidem atque auxi-
 lium implorarent. Iustiores hæ lacrymæ uidebantur.
 Itaque spe incisa, priusquam prædicta dies adesset, Ap-
 pius sibi mortem consciuit. Subinde arreptus à P. Numito-
 rio Sp. Oppius inuidiæ proximus, quòd in urbe fuerat,
 cum iniustæ uindiciæ à collega dicerentur. plus tamen fa-
 cta iniuria Oppio, quàm non prohibita inuidiæ fecit, te-
 stis productus, qui v l l. & x x. enumeratis stipendijs,

osties extra ordinem donatus, donaq; ea gerens in conspectu populi, scissa ueste tergum laceratum uirgis ostendit, nihilum deprecans, quin si quam suam noxam reus dicere posset, priuatus in se iterum seuiret. Oppius quoq; ductus in uincula est, & ante iudicii diem finem ibi uitæ fecit. Bona Claudij Oppijq; tribuni publicauere. collegæ eorū exilij causa solum uerterūt, bona publicata sunt. & M. Claudius assertor Virginie die dicta damnatus, ipso remittente Virginio ultimam poenam, dimissus Tybur exulatū abiit: manesq; Virginie mortuæ, quàm uiuæ feliciores per tot domos ad petendas poenas uagati, nullo relicto fonte tandem quieuerunt. Ingens metus inceserat patres, uultusq; iam ijdem tribunorum erant, qui decemuiorum fuerant, cum M. Duillius tribunus plebis inhibito salubriter modo nimie potestatis: Et libertatis, inquit, nostræ, & poenarū ex inimicis satis est, itaq; hoc anno nec diem dici cuiquam, nec in uincula duci quenquam sum passurus, nam neq; uetera peccata repeti iam oblitterata placet, cū noua expiata sint decemuiorum supplicijs: & nihil admissum iri, quod uim tribunitiam desyderet, spondet perpetua consulum amborū in libertate uestra tuenda cura. Ea primū moderatio tribuni metum patribus dempsit, eademq; auxit consulum inuidiam: quòd adeo toti plebis fuissent, ut patrum salutis libertatisq; prior plebeio magistratui quàm patrio cura fuisset: & antè inimicos satietas poenarū suarum cepisset, quàm obuiam ituros licentiæ eorum consules appareret, multiq; erant, qui mollius consultum dicerent, quòd legum ab ijs latarum patres autores fuissent, neque erat dubium, quin turbato reipub. statu temporis succubissent. Consules rebus urbanis compositis, fundatoq; plebis statu, in prouincias diuersi abiire. Valerius aduersus

sus coniunctos iam in Algido exercitus Aequorum Volscorumq; sustinuit consilio bellum. quòd si extemplo rem fortunæ commisisset, haud scio an (qui tum animi ab decemuirorum infelicibus auspicijs Romanis hostibusque erant) magno detrimento certamen statutum fuerit. Castris mille passuum ab hoste positis, copias continebat. hostes medium inter bina castra spatium acie instructa complebant: prouocantibusq; ad praelium responsum Romanus nemo reddebat. tandem fatigati stando, ac nequicquam expectando certamen Aequi Volsciq;, postquam concessum propemodum de uictoria credebant, pars in Hernicos, pars in Latinos praedatum abeunt. relinquitur magis castris praesidium, quam satis uirium ad certamen. Quod ubi sensit consul, reddit illatum antea terrorē, instructaq; acie ultro hostem lacepsit. ubi illi conscientia quid abesset uirium detrectauere pugnam, creuit extemplo Romanis animus, et pro uictis habebant pauentes intra uallum. Cū per totum diem stetissent intenti ad certamen, nocti cessare. et Romani quidem pleni spei corpora curabant. haudquaquam pari hostes animo nuntios passim trepidi ad reuocandos praedatores dimittunt, recurritur ex proximis locis, ultiores non inuenti. Vbi illuxit, egreditur castris Romanus, uallum inuasurus, ni copia pugnae fieret. et postquam multa iam dies erat, neq; mouebatur quicquam ab hoste, iubet signa inferri consul. motaq; acie indignatio Aequos et Volscos incescit: si uictores exercitus uallum potius quam uirtus et arma tegerent. igitur et ipsi efflagitatum ab ducibus signum pugnae accipere. Iamq; pars egressa portis erat: deincepsq; alij seruabant ordinem, in suum quisq; locum descendentes, cum consul Romanus prius quam totis uiribus fulta constaret hostium acies, in-

tulit signa: adortusq; nec omnes dum eductos, nec qui erant, satis explicatis ordinibus, propè fluctuantem turbam trepidantium huc atque illuc, circumspectantiumq; se ac suos, addito turbatis mentibus clamore atque impetu, inuadit. Retulere primo pedem hostes, deinde cum animos collegissent, & undiq; duces uictis ne cessuri essent, increpant, restituitur pugna. Consul ex altera parte Romanos meminisse iubebat: illo die primum liberos pro libera urbe Romana pugnare, sibimetipsis uicturos, non ut decemuirorum uictores præmium essent: non Appio duce rem geri, sed consule Valerio à liberatoribus populi Romani orto, liberatore ipso: ostenderent prioribus prælijs per duces, nō per milites stetisse ne uincerent: turpe esse, contra ciues plus animi habuisse quàm contra hostes, & domi quàm foris seruitutem magis timuisse. Vnam Virginiam fuisse, cuius pudicitiae in pace periculum esset: unum Appium ciuem periculosa libidinis: at si fortuna belli inclinet, omnium liberis ab tot millibus hostium periculum fore. Nolle ominari quæ nec Iupiter, nec Mars pater passuri sint ijs auspicijs condita urbi accidere. Auētini Sacriq; montis admonebat, ut ubi libertas parata esset paucis antè mensibus, eò imperium illibatum referrent: ostenderentq; , eandem indolem militibus Romanis post exactos decemuiros esse, quæ ante creatos fuerit: nec æquatis legibus imminutam uirtutem populi Romani esse. Hac ubi inter signa peditum dicta dedit, aduolat deinde ad equites. Agite iuuenes, inquit, præstate uirtute peditè, ut honore atque ordine præstatis. primo concursu pedes mouit hostem, pulsum uos immixtis equis exigite è cæpo: non sustinebunt imperiū, & nunc cūctantur magis quàm resistunt. Concitant equos, permittuntq; in hostem pedes
stri

stri iam turbatum pugna: & perruptis ordinibus elati ad nouissimam aciem, pars libero spatio circunuecti, iam fumum undiq; capejentes plerosq; à castris auertunt, præterequantantesq; absterrent. peditum acies & consul ipse, uisq; omnis belli fertur in castra: captisq; cum ingenti cæde maiore præda potitur. Huius pugne fama perlata non in urbem modo, sed in Sabinos ad alterum exercitum, in urbe lætitia modò celebrata est: in castris animos militum ad æmulandum decus accedit. Iam Horatius eos excursionibus sufficiendo, prælijsq; leuibus experiundo, assuefecerat sibi potius fidere, quàm meminisse ignominie decemuirorū ductu acceptæ, paruaq; certamina in summam totius profecerant spei. Nec cessabāt Sabini feroces ab re priore anno bene gesta laceßere atq; instare, rogitantes quid latrocinij modo procursantes pauci, recurrentes quætererent tempus? & in multa prælia paruaq; carperent summam unius belli: quin illi congrederentur acies? inclinandamq; semel fortunæ rem darèt? Ad id quòd sua sponte satis collectum animorum erat, indignitate etiam Romani accedebantur. iam alterum exercitum uictorem in urbem rediturum, sibi ultro per contumelias hostem insultare. quando autē se, si tum non sint, pares hostibus fore? Vbi hæc fremere militem in castris consul sensit, concione aduocata, Quemadmodum, inquit, in Algido res gesta sit, arbitror uos milites audisse. qualē liberi populi exercitū decuit esse, talis fuit. cōsilio collegæ, uirtute militū uictoria parta est. Quod ad me attinet, id consilij animiq; habiturus sum, quod uos milites mihi effeceritis. & trahi bellū salubriter, & mature perfici potest. si trahendū est, ego ut in dies spes uirtusq; uestra crescat, eadē qua institui disciplina efficiā. si iā satis animi est, decerniq; placet, agitedū cla-

morem, qualem in aciem sublaturi estis, tollite hic indicem uoluntatis uirtutisq; uestræ. Postquam ingenti alacritate clamor est sublatus: quod bene uertat, gesturum se illis morem, posteroq; die in aciem deducturum, affirmat. reliquū diei apparandis armis consumptum est. Postero die simul instrui Romanam aciem Sabini uidere, & ipsi iam auidi certaminis procedunt. Prælium fuit, quale inter fidentes sibi met ambobus exercitus, ueteris perpetuæq; alterum gloriæ, alterum nuper noua uictoria elatum. Consilio etiam Sabini uires adiuuere. nam cum æquassent aciem, duo extra ordinem millia, quæ in sinistrum cornu Romanorum in ipso certamine impressionem facerent, tenuere. quæ ubi illatis ex transuerso signis degrauebant propè circumuentum cornu, equites duarum legionū sexcenti ferè ex equis defiliunt: cedentibusq; iam suis prouolant in primum: simulq; & hosti se opponunt: & æquato primū periculo, pudore deinde animos peditum accendunt. uerecundiæ erat, equitem suo alienoq; Marte pugnare: peditem ne ad pedes quidem degresso equiti parem esse. Vadunt igitur in prælium ab sua parte omissum, & locum ex quo cesserant, repetunt: momentoq; non restituta modo pugna, sed inclinatur etiam Sabinis cornu. eques inter ordines peditum tectus se ad equos recipit: transuolat inde in partem alterā suis uictoriæ nūtiis: simul & in hostes iā pauidos, quippe fuso suæ partis ualidiore cornu, impetū facit. nō aliorū eo prælio uirtus magis enituit. Consul prouidere omnia, laudare fortes, increpare, sicubi segnior pugna esset. castigati fortium statim uirorum opera edebāt: tātūq; hos pudor, quātum alios laudes excitabāt. Redintegrato clamore undiq; omnes cōnixi hostē auertūt: nec deinde Romana uis sustineri potuit. Sabini fusi passim per agros castra hosti ad

sti ad prædam relinquunt. ibi non sociorū sicut in Algido res, sed suas Romanus populationibus agrorum amissas recipit. Gemina uictoria duobus bisariam prælijs parta, maligne senatus in unum diem supplicationes consulum nomine decreuit. populus iniussu & altero die frequēs ijt supplicatum. et hæc uaga popularisq; supplicatio studijs propè celebratior fuit. Consules ex composito eodem bi- duo ad urbem accessere, senatumq; in Martium campum euocauere. ubi cum de rebus ab se gestis agerent, quæsti primores patrū, senatū inter milites dedita opera terroris causa haberi. itaq; inde cōsules, ne criminatiōi locus esset, in prata Flaminia, ubi nunc ædes Apollinis est (circū iam tum Apollinarem appellabant) auocauere senatū. ubi cū ingenti consensu patrum negaretur triumphus, L. Icilius Trib. pl. tulit ad populum de triumpho consulum: multis dissuasum prodeuntibus, maximè C. Claudio uociferante, de patribus nō de hostibus cōsules triumphare uelle: gratiamq; pro priuato merito in tribunū, non pro uirtute honorem peti. nunquā antè de triumpho per populum actū, semper æstimationem arbitriumq; eius honoris penes senatum fuisse. ne reges quidem maiestatem summi ordinis imminuisse. ne ita omnia tribuni potestatis suæ implerent, ut nullum publicum consilium sinerent esse. ita demum liberam ciuitatem fore, ita æquatas leges, si sua quisq; iura ordo, suam maiestatem teneat. in eandem sententiam multa & à cæteris senioribus patrum cum essent dicta, omnes tribus eam rogationem acceperunt. Tum primum sine autoritate senatus populi iussu triumphatum est. Hæc uictoria tribunorum plebisq; propè in haud salubrem luxuriam uertit, conspiratione inter tribunos facta, ut ijdem tribuni reficerētur: & quo sua minus cupiditas emineret,

consulibus quoq; continuarent magistratum. consensum
 patrum causabantur, quo per cōtumeliam consulum iura
 plebis labefactata essent. quid futurum, nondum firmatis
 legibus si novos tribunos per factiones suas consules ad-
 orti essent? non enim semper Valerios Horatiosq; cōss.
 fore, qui libertati plebis suas opes postferrēt. Forte quadā
 utili ad tempus, ut comitijs præesset, potissimū M. Duellio
 sorte euenit, uiro prudenti, et ex continuatione magistra-
 tus inuidiam imminentem cernenti. qui cum ex ueteribus
 tribunis negaret ullius se rationem habiturum: pugna-
 rentq; collegæ, ut liberas tribus in suffragium mitteret:
 aut concederet sortem comitiorum collegis, habituris è le-
 ge potius comitia, quàm ex uoluntate patrum: iniecta con-
 tentione Duellius cōsules ad subsellia accitos cum interro-
 gasset, quid de comitijs consularibus in animo haberent?
 respondissentq; se novos consules creaturos: autores po-
 pularis sententiæ haud populares nactus, in concionē cum
 ijs processit. ubi cum cōsules producti ad populum, interro-
 gatiq; si eos P. R. memor libertatis per illos receptæ do-
 nu, memor militiæ rerumq; gestarum consules iterum scia-
 ceret, quidnā facturi essent? nihil sententiæ suæ mutassent:
 collaudatis consulibus, quòd perseuerarēt ad ultimū dis-
 similes decemuirorū esse, comitia habuit. Et quinq; tribu-
 nis plebis creatis, cū præ studijs aperte petentium nouem
 tribunorū alij candidati tribus nō explerent, cōcilium di-
 misit: nec deinde comitiorū causa habuit. satisfactum legi
 aiebat, quæ numero nusquam præfinito tribunis, modo ut
 relinquerentur, sanciret: et ab ijs qui creati essent, coopta-
 ri collegas iuberet. recitabatq; rogationis carmē, in quo,
 Si tribunos plebis decem rogabo, Si qui uos minus hodie
 decem tribunos plebis fecerint: hi tum utiq; quos sibi col-
 legas

legas cooptassint, ut illi legitimi eadem lege tribuni plebei sint, ut illi quos hodie tribunos plebei feceritis. Duellius cum ad ultimū perseuerasset, negando x. v. tribunos plebis rempub. habere posse. uisita collegarum cupiditate, pariter patribus plebiq; acceptus magistratu abiit. Noui tribuni plebis in cooptandis collegis patrum uoluntatē fouerunt: duos etiam patricios consularesq; , Sp. Tarpeium & A. Acternium cooptauere. Consules creati, Sp. Herminius, T. Verginius Caelimontanus, nihil magnopere ad patrum aut plebis causam inclinati otium domi ac foris habuere. L. Trebonius trib. pl. infestus patribus, quod se ab ijs in cooptandis tribunis fraude captum, proditumque a collegis aiebat: rogationē tulit, ut qui plebem Romanam tribunos plebis rogaret, is usq; eō rogaret, dum x. tribunos plebis faceret. infestandisque patribus, unde Aspero etiam inditum est cognomē, tribunatum gessit. Inde M. Geganius Macrinus & C. Iulius c o s s. facti, conciones tribunorum aduersus nobilium iuuentutem ortas, sine infestatione potestatis eius, conseruata maiestate patrum, sedauere: plebem decreto ad bellum Volscorū & Aequorum delectu sustinendo, rem ab seditionibus continuere: urbano quoq; otio foris omnia tranquilla esse affirmātes, per discordias ciuiles externos tollere animos. cura pacis concordiae quoque intestinae causa fuit. Sed alter semper ordo grauis alterius modestiae erat. quiescenti plebi ab iunioribus patrum iniuriā fieri coepta. ubi tribuni auxilio humilioribus essent, in primis parum proderat: deinde ne ipsi quidē inuiolati erant. utiq; postremis mensibus cū & per coitiones potentiorum iniuria fieret, & uis potestatis omnis aliquanto posteriore anni parte languidior ferme esset: iamq; plebs ita in tribunatu ponere aliquid spei, si
similes

similes Icilio tribunos haberet: nomina tantum se biennio habuisse. Seniores contrà patrū ut nimis feroces suos credere iuuenes esse: ita malle si modus excedendus esset, suis quàm aduersarijs superesse animos. adeo moderatio tuēdæ libertatis, dum æquari uelle simulando ita se quisq; extollit, ut deprimat alium, in difficili est: cauendoq; ne metuāt homines, metuēdos ultro se efficiunt: & iniuriam à nobis repulsam, tanquam aut facere aut pati necesse sit, iniungimus alijs. T. Quintius Capitolinus quartum, & Agrippa Furius consules inde facti, nec seditionem domi, nec foris bellum acceperunt: sed imminēbat utrunque. Iam non ultrà discordia ciuium reprimi poterat, & tribunis & plebe incitata in patres, cum dies alicui nobilium dicta nouis semper certaminibus conciones turbaret. Ad quarum primum strepitum uelut signo accepto arma cepere Aequi ac Volsci: simul quòd persuaferant ijs duces cupidi prædarum, biennio antè delectum indictum haberi non potuisse, abnuēte iam plebe imperium, eò aduersus se non esse missos exercitus. dissolui licentia militandi morem, nec pro communi iam patria Romam esse. quicquid irarum simultatumq; cum externis fuerit, in ipsos uerti. occæcatos lupos intestina rabie opprimēdi occasionem esse. Coniunctis exercitibus Latinum primum agrum populati sunt: deinde postquam ibi nemo uindex occurrebat, tum uero exultantibus belli autoribus, ad mœnia ipsa Romæ populabūdi regiōe portæ Esquilinæ accessere, uastationē agrorū urbi per cōtumeliam ostentantes. unde postquam inulti prædā præ se agentes retro ad Corbionem agmine iere, Quintius c o s. ad concionem populum uocauit. ibi in hanc sententiam locutum accipio: Et si mihi nullius noxæ conscius Quirites sum, tamen cum pudore summo in
concio

concionem uestram proceſſi: hoc uos ſcire, hoc poſteris memoriae traditum iri: Aequos & Volſcos uix Hernicis modo pares, T. Quintio quartū conſule ad mœnia urbis Romæ impune armatos ueniſſe. hanc ego ignomuniam (quanquā iamdiu ita uiuitur, is ſtatus rerū eſt, ut nihil boni diuinet animus) ſi huic potiſſimum imminere anno ſciſſem, uel exilio uel morte, ſi alia fuga honoris non eſſet, uiſiſſem. Ergo ſi arma illa uiros habuiſſent, quæ in portis fuere noſtris, capi Roma me conſule potuit? ſatis honorū, ſatis ſuperq; uitæ erat: mori conſulem tertium oportuit. Quem tandem ignauīſſimu hoſtium cōtempſere? nos cōſules? an nos Quirites? ſi culpa in nobis eſt, auſerte imperiū indignis, & ſi id parum eſt, inſuper pœnas expetite. ſi in uobis nemo deorū nec hominū ſit, qui ueſtra puniat peccata Quirites, uoſmet tantū eorum pœniteat. Non illi ueſtram ignauiam contempſere, nec ſuæ uirtuti conſiſi ſunt: quippe toties fuſi fugatiq; , caſtris exuti, agro mulctati, ſub iugū miſi, & ſe & uos nouere. diſcordia ordinum eſt uenenū urbis huius, patrum ac plebis certamina. dum nec nobis imperij, nec uobis libertatis eſt modus: dū tædet uos patritiorum, nos plebeiorum magiſtratum, ſuſtulere illi animos. Prò deūm fidē, quid uobis uultis? tribunos plebis concupiſtiſti, cōcordiæ cauſa conceſſimus. decemuiros deſideraſtiſti, creari paſſi ſumus. decemuirorum uos pertæſum eſt, coëgimus abire magiſtratu. manente in eoſdem priuatos ira ueſtra, mori atq; exulare nobiliſſimos uiros honoratiſſimosq; paſſi ſumus. tribunos plebis creare iterum uoluisti, creasti. cōſules facere ueſtrarum partium, etſi patribus uidebamus iniquū, patricium quoq; magiſtratum plebi donum fieri uidimus. auxilium tribunitium, prouocationē ad populū, ſcita plebis iniūcta patribus, ſub titulo æquand

æquandarum legum nostra iura oppressa tulimus et feri-
 mus. Qui finis erit discordiarum? ecquando unâ urbē ha-
 bere, ecquando cōmunem hanc esse patriam licebit? Victi
 nos æquiore animo quiescimus, q̃ uos uictores. satis ne est,
 nobis uos metuēdos esse? Aduersus nos Auētiniū capitur,
 aduersus nos Sacer occupatur mons. Esquilias quidem ab
 hoste propè captas, et scandentē in aggerē Volscum ho-
 stem nemo submouit. in nos uiri, in nos armati estis. Agi-
 tedum, ubi hic curiā circumsederitis, et forum infestū fe-
 ceritis, et carcerē impleueritis principibus, hisdem istis
 ferocibus animis egredinuni extra portam Esquilinā. aut
 si ne hoc quidē audetis, ex muris uisite agros uestros fer-
 ro igniq; uastatos, prædā abigi, fumare incēsa passim te-
 eta. At enim cōmunis res per hæc loco est priore. ager uri-
 tur, urbs obsidetur, belli gloria penes hostes est. Quid tan-
 dem priuatæ res uestre quo in statu sunt? iam unicuiq; ex
 agris sua damna nunciabuntur. quid est tandē domi, unde
 ea expleatis? tribuni uobis amissa reddent ac restituent?
 uocis uerborumq; quantum uoletis, ingerent, et criminū
 in principes, et legum aliarū super alias et concionum.
 sed ex illis cōcionibus nunquā uestrū quisquam re fortu-
 naq; domum auctior redijt. Equis retulit. aliquid ad con-
 iugem et liberos, præter odia, offensiones, similitates pu-
 blicas priuatasq;? à quibus semper non uestra uirtute in-
 nocētiaq; sed auxilio alieno tuti sitis. At Hercules cum
 stipendia nobis consulibus, non tribunis ducibus, et in ca-
 stris non in foro faciebatis, et in acie uestrum clamorem
 hostes non in concione patres Romani horrebant: præ-
 da parta, agro ex hoste capto, pleni fortunarum gloriæq;
 simul publicæ, simul priuatæ, triumphantes domum ad
 penates redibatis: nunc oneratum uestris fortunis hostem
 abire

abire finitis. Hærete affixi concionibus, & in foro uiuite: sequitur uos necessitas militandi, quam fugitis. Graue erat in Aequos & Volscos proficisci? ante portas est bellum. si inde non pellitur, iam intra mœnia erit, & arcem & Capitolium scandet: & in domos uestras uos persequetur. Biennio antè senatus delectum haberi, & educi exercitum in Algidum iussit. sedenus desides domi, mulierum ritu inter nos altercantes, præsentī pace lati, nec cernentes ex otio illo breui multiplex bellum rediturū. His ego gratiora dictu alia esse scio, sed me uera pro gratis loqui, & si meum ingenium non moneret, necessitas cogit. uellem equidem uobis placere Quirites, sed multo malo uos saluos esse, qualicunq; erga me animo futuri estis. Natura hoc ita comparatum est, ut qui apud multitudinem sua causa loquitur, gratior eo sit, cuius mens nihil præter publicum commodum uidet. nisi fortè assentatores publicos, publicolas istos, qui uos nec in armis, nec in otio esse sinunt, uestra uos causa incitare & stimulare putatis. concitati aut honori aut quæstui illis estis. & quia in concordia ordinū nullos se usquam esse uident, malæ rei se quàm nullius, turbarum ac seditionum duces esse uolunt. Quarum rerum si uos tædium tandem capere potest: & patrum uestrosq; antiquos mores uultis pro his nouis sumere: nulla supplicia recuso, nisi paucis diebus hos populos agrorum nostrorum fusos fugatosq; castris exuero: & à portis nostris mœnibusq; ad illorum urbes hūc belli terrorem, quo nunc uos attoniti estis, transtulero. Raro aliàs tribuni popularis oratio acceptior plebi, quàm tunc seuerissimī cōsulis fuit. Iuuentus quoq; quæ inter tales metus detrectationē militiæ, telum acerrimū aduersus patres habere solita erat, bellū & arma spectabat. & agrestium fuga

fuga spoliati'que in agris & uulnerati, fœdiora ijs quæ subijciebantur oculis nunciantes, totam urbem ira implevere. In senatum ubi uentum est, ibi uerò in Quintium omnes uersi, ut unum uindicæ maiestatis Romanæ intueri: & primores patrum dignam dicere concionem imperio consulari, dignam tot consulatibus antea actis, dignam uita omni plena honorum sæpe gestorum, sæpius meritorum. alios consules, aut per proditiōē dignitatis patrum plebi adultos, aut acerbe tuendo iura ordinis asperiorē domando multitudinē fecisse: T. Quintium orationē memoriam maiestatis patrum cōcordiæq; ordinum, & temporē in primis habuisse. orare cum collegamq; ut capefferent remp. orare tribunos, ut uno animo cum cōsulibus bellum ab urbe ac mœnibus propulsari uellent, plebemq; obediētiā in re tam trepida patribus præberent. appellare tribunos, cōmunem patriam, auxiliumq; eorum implorare, uastatis agris, urbe propè oppugnata. Cōsensu omnium delectus decernitur habeturq;. Cū consules in cōcione pronunciaſſent, tempus non esse causas cognoscendi: omnes iuniores postero die prima luce in campo Martio adessent: cognoscendis causis eorū qui nomina non dedissent, bello perfectō se daturos tempus: pro desertore futurum, cuius non probassent causam: omnis iuuentus affuit postero die. cohortes sibi quæq; centuriones legerunt, bini senatores singulis cohortibus præpositi. Hæc omnia adeo mature perfectā accepimus, ut signa eo ipso die à quæstoribus ex ærario prompta delataq; in campum, quarta dici hora mota ex campo sint: exercitusq; nouus, paucis cohortibus ueterum militum uoluntate sequentibus, manserit ad decimum lapidem. insequens dies hostem in conspectum dedit, castraq; ad Corbionē castris sunt coniuncta.

tertio

tertio die cum ira Romanos, illos cum toties rebellassent, conscientia culpæ ac desperatio iritaret, mora dimicandi nulla est facta. In exercitu Romano cum duo consules essent potestate pari, quod saluberrimum in administratione magnarum rerum est, summa imperij concedente Agrippa penes collegam erat: et prælatus ille facilitati summiventis se comiter respondebat, communicando consilia laudesque, et æquando imparem sibi. In acie Quintius dextrum cornu, Agrippa sinistrum tenuit: Sp. Posthumio Albo legato datur media acies tuenda: legatum alterum P. Sulpitium equitibus præficiunt. Pedites ab dextro cornu egregie pugnaere, haud segniter resistentibus Volscis. P. Sulpitius per mediam hostium aciem cum equitatu perurpit, unde cum eadem reuerti posset ad suos, priusquam hostis turbatos ordines reficeret: terga impugnare hostium satius uisum est. momentoque temporis in auersam incursum aciem ancipiti terrore dissipasset hostes, ni suo proprio cum prælio equites Volscorum et Aequorum exceptum aliquandiu tenuissent. Abi uero Sulpitius negare cunctandi tempus esse, circumuentos interclusosque; ab suis uociferans, ni equestre prælium connixi omni ui perficerent. nec fugare equitem integrum satis esse. conficerent equos uirosque; ne quis reueheretur inde ad prælium, aut integraret pugnam. non posse illos resistere sibi, quibus cõserta peditum acies cessisset. Haud surdis auribus dicta. impressione una totum equitatum sudare, magnam uim ex equis præcipitauere: ipsos, equosque; spiculis confodere. Is finis pugne equestris fuit. Tunc adorti peditum aciem, nuncios ad consules rei gestæ mittunt, ubi iam inclinabatur hostium acies. nuncius deinde et uincens Romanis animos auxit, et referentes gradum perculit Aequos. In media primum acie

p uinci

uinci cœpti, quâ prœmissus equitatus turbauerat ordines. sinistrum deinde cornu ab Quintio consule pelli cœptû. in dextro plurimum laboris fuit. Ibi Agrippa ætate, uiribusq; ferox cum omni partē pugnae melius rē geri, quàm apud se uideret, accepta signa ab signiferis ipse inferre, quædam iacere etiā in confertos hostes cœpit. cuius ignominia metu cōcitati milites inuasere hostem. ita æquata ex omni parte uictoria est. Nuncius tum à Quintio uenit, uictorem iam se imminere hostium castris, nolle irrumpere antequàm sciat debellatû & in sinistro cornu esse. si iam fudisset hostes, conferret ad se signa, ut simul omnis exercitus præda potiretur. Victor Agrippa cum mutua gratulatione ad uictorem collegam, castraq; hostium uenit. ibi paucis defendentibus, momentoq; fûsis, sine certamine in munitiones irrumpunt, prædaq; ingenti compotē exercitum, suis etiā rebus recuperatis, quæ populatione agrorum amisse erant, reducunt. Triumphum nec ipsos postuasse, nec delatum ijs ab senatu, accipio: nec traditur causa spereti, aut non sperati honoris. ego quantum in tanto interuallo temporum coniicio, cum Valerio, atque Horatio consulibus, qui præter Volscos & Aequos Sabini etiam belli perfecti gloriā pepererant, negatus ab senatu triumphus esset, uerecundia fuit pro parte dimidia rerum consulibus petere triumphum: ne, etiam si impetrassent, magis hominum ratio, quàm meritorum habita uideretur. Victoriam honestam ex hostibus partam turpe domi de finibus sociorum iudicium populi deformauit. Aricini atq; Ardeates de ambiguo agro cum sæpe bello certassent, multis inuicem cladibus fessi iudicem populum Romanum cepere. Cum ad causam orandam uenissent, concilio populi à magistratibus dato, magna contentione actum. iamq; editis

testibus

testibus cum tribus uocari, & populum inire suffragium
 oporteret, cōsurgit P. Scaptius de plebe magno natu: Et,
 si licet, inquit, consules de repub. dicere, errare ego popu-
 lum in hac causa non patiar. Cum ut uanum cum negarēt
 consules audiendum esse, uociferantemq; prodi publicam
 causam, summoneri iussissent, tribunos appellat. Tribuni,
 ut fere semper regūtur à multitudine magis, quàm regūt,
 dedēre cupidae audiendi plebi ut quæ uellet, Scaptius dice-
 ret. Ibi insit, annum se tertium & octogesimum agere, &
 in eo agro, de quo agitur, militasse non iuuenem, sed uice-
 sima iam stipendia merentem, cum ad Coriolos sit bella-
 tum. eo se rem uestustate oblitteratam, ceterum suæ memo-
 riæ infixam asserre. agrum, de quo ambigitur, finium Co-
 riolanorum fuisse, captisq; Coriolis iure belli publicū po-
 puli Romani factū. mirari se, quonam more Ardeates A-
 riciniq;, cuius agri ius nunquā usurpauerint incolumi Co-
 riolana re, eum se à populo Romano, quem pro domino
 iudicem fecerint, intercepturos sperent. Sibi exiguum ui-
 tæ tempus superesse: non potuisse se tamen inducere in ani-
 mum, quin quem agrum nules pro parte uirili manu cepis-
 set, eum senex quoq; uoce, qua una posset, uindicaret. ma-
 gnopere se suadere populo, ne inutili pudore suā ipse cau-
 sam damnet. Consules cum Scaptium non silētio modo,
 sed cum assensu etiā audiri animaduertissent: deos, homi-
 nesq; testantes flagitiū ingens fieri, patrum primores ac-
 cersunt. cum his circumire tribunos, orare, ne pessimū faci-
 nus peiore exēplo admitterent, iudices in suam rem liem
 uertendo: cum præsertim, etiā si fas sit curam emolumentū
 sui iudici esse, nequaquā tantū agro intercipiēdo acquirā-
 tur, quātū amittatur alienādīs iniuria sociorū animis. nam
 famæ quidē ac fidei dāna maiora esse, q̄ quæ æsimari pos-
 sent.

sent. Hoc legatos referre domum? hoc uulgari? hoc socios audire? hoc hostes? quo cū dolore hos? quo cum gaudio illos? Scaptio ne hoc concionali seni assignaturos putarent finitimos populos? clarum hac fore imagine Scaptium nomen: populum Romanum quadruplatoris, & interceptoris litis alienæ personam laturum. quem enim hoc priuatæ rei iudicē fecisse, ut sibi controuersiosam adiudicaret rem? Scaptium ipsum id quidem, et si præmortui iam sit pudoris, non facturum. Hæc consules, hæc patres uociferantur. sed plus cupiditas, & autor cupiditatis Scaptius ualeat. uocatae tribus iudicauerunt agrum publicum populi Rom. esse. nec abnuitur ita fuisse, si ad iudices alios itum foret. nunc haud sanè quicquam bona causa eleuatur dedecus iudicij. idq; non Aricinis Ardeatibusq;, quàm patribus Romanis, fœdius atq; acerbius uisum. Reliquum anni quietū ab urbanis motibus, & ab externis mansit.

D E C A D I S I.

L I B E R I I I I.



HOS secuti M. Genutius & P. Curiatius consules. Fuit annus domi forisq; infestus. nam anni principio & de connubio patrum & plebis C. Canuleius tribunus plebis rogationem promulgauit, qua contaminari sanguinem suum patres, confundiq; iura gentium rebantur: & mentio primo sensim illata à tribunis, ut alterum ex plebe consulem liceret fieri, cō processit deinde, ut rogationem nouem tribuni promulgarent, ut populo potestas esset, seu de plebe, seu de patribus uellet, consules faciendi. Id uero si fieret, non uulgari modo cum infimis, sed prorsus

prorsus auferri à primoribus ad plebem summum impetrium credebant. Lati ergo audire patres, Ardeatium populum ob iniuriam agri abiudicati descisse, & Veientes depopulatos extrema agri Romani, & Volscos Aequosq; ob communitam Verruginem fremere. adeo uel infelix bellū ignominiosæ paci præferebant. His itaq; in maius etiam acceptis, ut inter strepitum tot bellorum conticerent actiones tribunitiæ, delectus haberi, bellū, armaq; ui summa apparari iubent, si quo intērius possit, quàm T. Quintio cōsule, apparatus sit. Tum C. Canuleius pauca in senatu uociferatus, ne quicquam territando consules auertere plebem à cura nouarum legum: nunquā eos se uiuo delectum habituros, antequam ea, quæ promulgata ab se collegisq; essent, plebes sciuiisset: confestim ad concionem aduocauit. Eodem tempore & consules senatū in tribunum, & tribunus populum in consules incitabat. Negabant cōsules iam ultrà ferri posse furores tribunitios. uentum iam ad finem esse, domi plus belli cōcitari, quàm foris. id adeo nō plebis quàm patrū, neq; tribunorū magis quàm consulum culpa accidere. cuius rei præmiū sit in ciuitate, eam maximis semper auctibus crescere: sic pace bonos, sic bello fieri. maximum Romæ præmium seditionum esse: id & singulis uniuerfisq; semper honori fuisse. Remuniscerentur quam maiestatem senatus ipsi à patribus accepissent, quam liberis tradituri essent: & quemadmodū plebs gloriari posset, auctiorē amplioremq; esse. finem ergo non fieri, nec futurum, donec quam felices seditiones, tam honorati seditionum autores essent. Quas, quantasq; res C. Canuleium aggressum? colluione gentium perturbationem auspiciorum publicorum priuatorumq; afferre, nequid synceri, nequid incontaminati sit: ut discriminē omni sub-

lato, nec se quisquam, nec suos nouerit. quam enim aliam uim connubia promiscua habere, nisi ut serarum propè ritu uulgentur cōcubitus plebis, patrumq;? ut qui natus sit, ignoret cuius sanguinis, quorum sacrorū sit: dimidius patrum sit, dimidius plebis, ne secum quidē ipse concors. Patrū id uideri, quòd omnia diuina humanaq; turbentur, iam ad consulatum uulgi turbatores accingi. & primo, ut aliter consul ex plebe fieret, id modo sermonibus tentasse: nunc rogari, ut seu ex patribus, seu ex plebe uelit, populus consules creet: & creaturos haud dubie ex plebe seditionisissimum quenq;. Canuleios igitur Iciliosq; cōsules fore. ne id Iupiter optimus maximus sineret, regia maiestatis imperium eò recidere. & se millies morituros potius, quàm ut tantum dedecoris admitti patiantur. certum habere, maiores quoq;, si diuinassent, cōcedendo omnia non mitiorem in se plebem, sed asperiozem, alia ex alijs iniquiora postulando, cum prima impetrasset, futuram: primo quamlibet dimicationē subituros fuisse potius, quàm eas leges sibi imponi paterentur. quia tum concessum sit de tribunis, iterum concessum esse. Finem non fieri posse: in eadem ciuitate tribunos plebis, & patres esse. aut hunc ordinem, aut illum magistratum tollendum esse: potiusq; serò, quàm nunquam obuiam eundem audaciæ temeritatiq;. illi ne ut impune primo discordias ferentes, concitent fuitima bella? deinde aduersus ea quæ concitauerint, armari ciuitatem defendiq; prohibeant? & cum hostes tantum non accersierint, exercitus conscribi aduersus hostes non patiantur? sed audeat Canuleius in senatu proloqui, se, nisi suas leges tanquam uictoris patres accipi sinant, delectum haberi prohibiturum. quid esse aliud, quàm minari se proditurum patriam, oppugnari atque capi passurum?

rum? quid eam uocem animorum, non plebi Romanæ, sed Volscis & Aequis & Veientibus allaturam? nonne Canuleio duce se speraturos Capitolium atque arcem scandere posse, si patribus tribuni cum iure ac maiestate adempta, animos etiam eripuerint? Consules paratos esse duces prius aduersus scelus ciuium, quàm aduersus hostiũ arma. Cum maxime hæc in senatu agerentur, Canuleius pro legibus suis, & aduersus consules ita disseruit: Quantopere uos Quirites contemneret patres, quàm indignos ducerent, qui una secum urbe intra eadem mœnia uiueretis, sæpe equidem & antè uideor animaduertisse: nunc tamen maxime, quòd adeo atroces in has rogationes nostras coorti sunt: quibus quid aliud quàm admonemus ciues nos eorum esse: & si non easdem opes habere, eandem tamen patriam incolere? Altera cõnubium petimus, quod finitimis, externisq; dari solet. nos quidem ciuitatem, quæ plus quàm connubium est, hostibus etiam uictis, dedimus. Altera nihil noui ferimus, sed id, quod populi est, repetimus, atque usurpamus: ut quibus uelit, populus Romanus honores mandet. Quid tandem est, cur cœlum ac terras misceant? cur in me impetus modo penè in senatu sit factus? negent se manibus temperaturos? uiolaturossq; denuncient sacrosanctam potestatem? Si populo Romano liberum suffragium datur, ut quibus uelit consulatum mandet: & non præceditur spes plebeio quoq; si dignus summo honore erit, adipiscendi summi honoris: stare urbs hæc non poterit? de imperio actum est? Et perinde hoc ualet, plebeius ne consul fiat, tanquam seruum, aut libertinũ aliquis consulem futurum dicat. Ecquid sentitis in quanto cõtèptu uiuatis? Lucis uobis huius partẽ, si liceat, adimãt. quòd spiratis, quòd uocem mittitis, quòd formas hominum

habetis, indignantur. quin etiam (si dijs placet) nefas a-
iunt esse consulem plebeium fieri. Obsecro uos, si non ad
fastos, non ad commentarios pontificum admittimur, ne
ea quidem scimus, quæ omnes peregrini etiam sciunt, con-
sules in locum regum successisse: nec aut iuris, aut maiesta-
tis quicquã habere, quod nõ in regibus antè fuerit? en un-
quam creditis fãdo auditum esse, Numam Pompilium
non modo non patritiũ, sed ne ciuẽ quidẽ Romanum, ex
Sabino agro accitiũ, populi iussu, patribus autoribus Ro-
mæ regnasse? L. deinde Tarquinium non modo Roma-
næ, sed ne Italicæ quidem gentis, Demarati Corinthij fi-
lium, incolam ab Tarquinijs, uiuis liberis Anci, regem
factum? Seruium Tullium post hunc, captiua Corniculæ-
na natum, patre nullo, matre serua, ingenio & uirtute
regnum tenuisse? quid enim de T. Tatius Sabino dicam?
quem ipse Romulus parens urbis in societatem regni ac-
cepit? Ergo dum nullum fastiditur genus, in quo eniteret
uirtus, creuit imperium Romanum. pœniteat nunc uos
plebeij consulis, cum maiores nostri aduenas reges non
fastidierint, & ne regibus quidem exactis clausa urbs fue-
rit peregrinæ uirtuti. Claudiam certe gentem post reges
exactos ex Sabinis non in ciuitatem modo accepimus, sed
etiam in patriciorum numerum. Ex peregrino ne patri-
tius, deinde consul fiat? ciuis Romanus si sit ex plebe, præ-
cisa consulatus spes erit? Vtrum tandem non credimus fie-
ri posse, ut uir fõrtis ac strenuus, pace belloq; bonus ex ple-
be, sit Numæ, L. Tarquinio, Seruio Tullio similis? an ne
si sit quidẽ, ad gubernacula reip. accedere eum patiemur?
potiusq; decẽuris teterrimis mortaliũ, qui tum omnes ex
patribus erãt, quàm optimis regũ nouis hominibus similes
cõsules sumus habituri? Atenim nemo post reges exactos
de plebe

de plebe consul fuit. Quid postea? nulla ne res noua institui debet? & quod nondum est factum, multa enim nondum sunt facta in nouo populo, ea ne si utilia quidē sint, fieri oportet? Pontifices, augures Romulo regnante nulli erant, ab Numa Pompilio creati sunt. census in ciuitate, & descriptio centuriarū, classiumq; non erat, ab Scruio Tullio est facta. consules nunquam fuerant, regibus exactis creati sunt. dictatoris nec imperium, nec nomen fuerat, apud patres esse coepit. tribuni plebis, aediles, quaestores nulli erant, institutum est ut fierent. decemuiros legibus scribendis intra decem hos annos & creauimus, & e publica sustulimus. Quis dubitat, quin in aeternum urbe condita, & in immensum crescente, noua imperia, sacerdotia, iura gentium, hominumq; instituuntur? Hoc ipsum, ne connubium patribus cum plebe esset, non decemuirotulerunt paucis his annis pessimo exemplo publico, cum summa iniuria plebis? an esse ulla maior, aut insignitior contumelia potest, quam partem ciuitatis uelut contaminatam, indignam connubio haberi? quid est aliud, quam exilium intra eadem mœnia, quam relegationem pati? ne affinitatibus, ne propinquitatibus immusceamur? Cauent ne societur sanguis. quid, hoc si polluit nobilitatem istam uestram: quam pleriq; oriundi ex Albanis & Sabinis, non genere nec sanguine, sed per cooptationem in patres habetis, aut ab regibus lecti, aut post reges exactos iussu populi: synceram seruare priuatis consilijs non poteratis, nec ducendo ex plebe, neq; uestras filias sororesq; enubere sinendo e patribus? Nemo plebeius patriciae uirgini uim afferret: patriciorum ista libido est: nemo inuitum pactio-nem nuptialem quenquam facere coegisset. urū enim uero lege id prohiberi, et connubiū tolli patrū ac plebis, id de-

num contumeliosum plebi est. cur enim non confertis, ne sit connubium diuitibus ac pauperibus? Quod priuatorum consiliorum ubiq; semper fuit, ut in quam cuiq; feminae couenisset domum, nuberet: ex qua pactus esset uir domo, in matrimonium duceret: id uos sub legis superbissima uincula conijcitis, qua dirimatis societatem civilem, duasq; ex una ciuitate faciatis. Cur non sancitis, ne uicinus patricio sit plebeius? ne eodem itinere eat? ne idem conuiuium ineat? ne in foro eodem consistat? quid enim in re est aliud, si plebeiam patricius duxerit? si patriciam plebeius? quid iuris tandem mutatur? nempe patrem sequuntur liberi. nec, quod nos ex connubio uestro petamus, quicquam est, praeterquam ut hominam, ut ciuium numero simus. nec uos (nisi in contumeliam ignominiamq; nostram certare iuuat) quod contendatis, quicquam est. Denique, utram tandem populi Romani, an uestrum summum imperium est? regibus exactis utrum uobis dominatio, an omnibus aequalitas libertas parta est? Oportet licere populo Romano, si uelit, iubere legem. an ut quaeque rogatio promulgata erit, uos delectum pro poena decernetis? & simul ego tribunus uocare tribus in suffragium coepero, tu statim consul sacramento iuniores adiges? & in castra educes? & minaberis plebi, minaberis tribuno? Quid? si non quantum istae minae aduersus plebis consensum ualerent, bis iam experti essetis? scilicet quia nobis consultum uolebatis, certamine abstinuistis? an ideo non est dimicatum, quod quae pars firmitior, eadem modestior fuit? Nec nunc crit certamen Quirites. animos uestros illi tentabunt semper, uires non experientur. Itaque ad bella ista, seu falsa, seu uera sunt, consules parata uobis plebs est, si connubijs redditis, unam hanc ciuitatem tandem facitis: si coalesce-

re, si

re, si iungi, misceriq; uobis priuatis necessitudinibus possunt: si spes, si adiuu ab honores uiris strenuis & fortibus datur: si in consortio, si in societate reipublicæ esse: si, quod æque libertatis est, inuicem annuis magistratibus parere, atque imperitare licet. Si hæc impedit aliquis, ferte sermonibus, & multiplicata fama bella. nemo est nomen daturus, nemo arma capturus, nemo dimicaturus pro superbis dominis, cum quibus nec in re publica honorum, nec in priuata connubij societas est. Cum in concionem & consules processissent, & res à perpetuis orationibus in altercationem uertisset, interroganti tribuno, cur plebeium consulem fieri non oporteret? ut fortasse uere, sic parum utiliter in præsens certamen respondit, quod nemo plebeius auspicia haberet. ideoq; decemuiros connubium direnusse, ne incerta prole auspicia turbarentur. Plebes ad id maxime indignatione exarsit, quod auspicari tanquam inuisi dijs immortalibus negarentur posse. Nec antè finis contentionum fuit, cum & tribunum acerrimum autorem plebs nacta esset, & ipsa cum eo pertinacia certaret, quàm uicti tandè patres ut de connubio ferretur concessere: ita maxime rati contentionem de plebeis consulibus tribunos aut totà deposituros, aut post bellum dilaturos esse: contentamq; interim connubio plebem paratam delectui fore. Cum Canuleius uictoria de patribus, & plebis fauore ingens esset, accensi alij tribuni ad certamen, pro rogatione sua summa ui pugnāt: & crescente in dies fama belli, delectum impediunt. Consules, cum per senatum, intercedentibus tribunis, nihil agi posset, consilia principum domi habebant: apparebat, aut hostibus, aut ciuibus de uictoria concedendum esse. Soli ex consularibus Valerius atq; Horatius non intereāt consilij.

11

consilijs. C. Claudij sententia consules armabat in tribunos : Quintiorum , Cincinnatiq; & Capitolini sententia abhorrebāt à cæde, uiolandiſq; quos fœdere iſto cum plebe sacroſanctosq; accepiſſent. Per hæc conſilia eò deducta res eſt, ut tribunos militum conſulari poteſtate promiſcuc ex patribus, ac plebe creari ſinerent, de conſulibus creandis nihil mutaretur. eoq; contenti tribuni, contenta plebs fuit. Comitia tribunis conſulari poteſtate tribus creandis indicuntur. quibus indiſtis, extemplo quicunque aliquid ſeditioſe dixerat, aut fecerat, quàm maxime tribunitij & prehensare homines, & concurſare toto ſoro candidati cœpere : ut patricios deſperatio primo iritata plebe adipiſcendi honoris, deinde indignatio, ſi cum his gerendus eſſet honos, deterreret. poſtremo coacti tamen à primoribus, petiere, ne ceſſiſſe poſſeſſione reipublicæ uiderentur. Euentus eorum comitiarum docuit, alios animos in contentione libertatis dignitatiſq;, alios ſecūdam depoſita certamina incorrupto iudicio eſſe. tribunos enim omnes patricios creauit populus, contentus eo, quòd ratio habita plebeiſſimorum eſſet. Hanc modeſtiam, æquitatemq;, & altitudinē animi ubi nunc in uno inueneris, quæ tum populi uniuerſi fuit ? Anno trecenteſimo decimo quàm urbs Roma condita erat, primum tribuni militum pro conſulibus magiſtratum incunt, A. Sempronius Atratinus, L. Atilius, T. Cæcilius. quorum in magiſtratu concordia domi, pacem etiam ſoris præbuit. Sunt qui propter adieſtum Aequorum Volſcorumq; bello, & Ardeatium deſectioni Veiens bellum, quia duo conſules obire tot ſimul bella nequirent, tribunos militū tres creatos dicant, ſine mentione promulgatæ legis de conſulibus creandis ex plebe: & imperio, & inſignibus cōſularibus uſos.

usos. Non tamen pro firmato iam stetit magistratus eius
ius, quia tertio mense quàm inierūt, augurū decreto, per=
inde ac uitio creati honore abiere, quòd C. Curatius, qui
comitijs eorum præsuerat, parum recte tabernaculū cepis=
set. Legati ab Ardeatibus Romam uenerunt, ita de iniuria
querentes, ut si demeretur ea, in fœdere atq; amicitia mā=
suros restituto agro appareret. Ab senatu responsum est:
iudicium populi rescindi ab senatu nō posse, præterquam
quod nullo nec exemplo, nec iure fieret, concordie etiam
ordinum causa. si Ardeates sua tempora expectare uelint,
arbitriumq; senatui leuande iniuriæ suæ permittant, fore,
ut postmodum gaudeant se iræ moderatos: sciantq; patri=
bus æque curæ fuisse, ne qua iniuria in eos oriretur, ac ne
orta, diuturna esset. Ita legati, cum se rem integram relatu=
ros dixissent, comiter dimissi. Patricij, cum sine curuli ma=
gistratu respublica esset, coiere, & interregem creauere.
contentio, consules ne, an tribuni militum crearentur, in
interregno rem dies complures tenuit. Interrex, ac sena=
tus consulum comitia, tribuni plebis & plebs tribunorum
militum ut habeantur, tendunt. Vicerunt patres, quia &
plebs patricijs seu hunc, seu illum delatura honorem, fru=
stra certare supersedit: & principes plebis ea comitia ma=
lebant, quibus non haberetur ratio sui, quàm quibus ut
indigni præterirentur. tribuni quoq; plebis certamen sine
effectu in beneficio apud primores patrum reliquere. T.
Quintius Barbatius interrex consules creat L. Papyrium
Mugilanū, L. Sempronium Atratinum. His consulibus cum
Ardeatibus fœdus renouatū est. Idq; monumenti est, con=
sules cos illo anno fuisse, qui neq; in annalibus priscis, neq;
in libris magistratuum inueniuntur. credo, quòd tribuni
militum initio anni fuerūt, eò, perinde ac si totum annum
in impe

III

in imperio fuerint, suffectis his consulibus, prætermiffa nomina consulum horum. Licinius Macer autor est & in fœdere Ardeatino, & in linteis libris ad Monetæ inuentos. Et foris, cum tot terrores à finitimis ostentati essent, & domi otium fuit. Hunc annum, seu tribunos modo, seu tribunis suffectos consules quoque habuit, sequitur annus haud dubijs consulibus, M. Geganio Macerino iterum, T. Quintio Capitolino quintum consule. Idem hic annus censuræ initium fuit, rei à parua origine ortæ, quæ deinde tanto incremento aucta est, ut morum, disciplinæq; Romanæ penes eam regimen, senatus equitumq; cæturiæ, decoris dedecorisq; discrimen sub ditione eius magistratus, publicorum ius, priuatorumq; locorū, uectigalia populi Romani sub uultu, atque arbitrio essent. ortum autem initium rei est, quòd in populo per multos annos incenso neque differri census poterat, neq; consulibus, cum tot populorum bella imminerent, operæ erat id negotium agere. Mentio illata ab senatu est, rem operosam, ac minime consularem suo proprio magistratu egere: cui scribarum ministerium, custodiaq; & tabularum cura, cui arbitrium formulæ censendi subijceretur. Et patres quanquam rem paruam, tamen quo plures patricij magistratus in re publica essent, læti acceperere: id quod euenit, futurum credo etiam rati, ut mox opes eorum qui præessent, ipsi honoris maiestatemq; adijcerent. & tribuni (id quod tunc erat) magis necessariam, quàm speciosi ministerij procurationem intuentes, ne paruis quoq; rebus incommode aduersarentur, haud sanè tetendere. Cum à primoribus ciuitatis spretus honor esset: Papyrium, Semproniumq;, quorum de consulatu dubitabatur, ut eo magistratu parum solidum consulatum explerent, censui agendo populus suffragijs

fragijs præfecit. Censores ab re appellati sunt. Dum hæc IV
Romæ geruntur, legati ab Ardea ueniunt, pro ueterrima
societate, renouatoq; fœdere recenti auxilium propè e=
uersæ urbi implorantes. frui nanque pace optimo consi=
lio cum populo Romano seruata, per intestina arma non
licuit. quorum causa, atque initium traditur ex certamine
factionum ortum, quæ fuere, eruntq; pluribus populis ma=
gis exitio, quàm bella externa, quàm fames morbi uic,
quæq; alia in deùm iras uelut ultima publicorum malorum
uertunt. Virginem plebeij generis maxime forma notam
petiere iuuenes: alter uirgini genere par, tutoribus fretus,
qui et ipsi eiusdem corporis erant: nobilis alter, nulla re,
præter quàm forma captus. adiuuabant eum optimatium
studia, per quæ in domum quoq; puellæ certamen partium
penetravit. nobilis superior iudicio matris esse, quæ quàm
splendidissimis nuptijs iungi puellam uolebat. tutores in
ea quoq; re partium memores, ad suum tendere. Cum res
peragi intra parietes nequisset, uentum in ius est. postu=
latu audito matris tutorumq; magistratus secundum pa=
rentis arbitrium dant ius nuptiarum. Sed uis potentior
fuit. nanque tutores inter suæ partis homines de iniuria
decreti palàm in foro concionati, manu facta uirginem
ex domo matris rapiunt. aduersus quos infestior coorta
optimatium acies sequitur accensum iniuria iuuenem. fit
prælium atrox. Pulsa plebs nihil Romanæ plebi similis,
armata ex urbe profecta colle quodam capto in agros o=
ptimatiū cum ferro igniq; excursions facit. urbem quo=
que omnis etiā expertem antè certaminis, multitudine
opificum ad spem prædæ euocata, obsidere parat. nec
ulla species, cladesq; belli abest, uelut contacta ciuitate
rabie duorum iuuenum, sanctas nuptias ex occasu pa=
triae pe

V triæ petentium. Parum parti utriq; domi armorum belliq; est uisum. optimates Romanos ad auxilium urbis obseſſe, plebs ad expugnandam ſecum Ardeam Volſcos exciucere. Priores Volſci duce Aequo Cluilio Ardeam uenerunt, & mœnibus hoſtium uallum obiecere. Quod ubi Romam eſt nuntiatum, extemplo M. Geganius conſul cum exercitu profeſtus, tria millia paſſuū ab hoſte locum caſtris cepit, præcipitiq; iam die curare corpora milites iubet. quarta deinde uigilia ſigna profert: coæptumq; opus adeo approperatum eſt, ut ſole orto Volſci firmiore ſe munimēto ab Romanis circumuallatos, quàm à ſe urbem uiderent. & alia parte conſul muro Ardeæ brachium iniunxerat, quàm ex oppido ſui commeare poſſent. Volſcus imperator, qui ad eam diem non commeatu præparato, ſed ex populatione agrorum raptò in diem frumēto aluiſſet militem: poſtquam ſeptus uallo repente inops omnium rerum erat, ad colloquium conſule euocato, ſi ſoluendæ obſidionis cauſa uenerit Romanus, abducturū ſe inde Volſcos ait. Aduerſus ea conſul, uictis conditiones accipiendas eſſe, non ſerendas, reſpondit: neque ut uenerint ad oppugnandos ſocios populi Romani ſuo arbitrio, ita abituros Volſcos eſſe. dedi imperatorem, arma poni iubet, fatentes uictos ſe eſſe, & imperio parere. aliter tam abeūtib; quàm manentibus ſe hoſtem inſenſum, uictoriam potius ex Volſcis, quàm pacem inſidam Romam relaturum. Volſci exiguam ſpem in armis, alia undique abſciſa, cum tentaffent: præter cætera aduerſa, loco quoque iniquo ad pugnam congreſſi, iniquiore ad fugam, cum ab omni parte cæderentur: ad preces à certamine uerſi, dedito imperatore, traditisq; armis ſub iugum miſſi, cum ſingulis ueſtimentis ignominie cladisq; pleni dimittuntur. & cum haud procul urbe

cul urbe Thusculo confēdissent, uetere Thusculanorum odio inermes oppressi dedcrunt poenas, uix nuntijs cædis relictis. Romanus consul Ardeæ turbatas seditione res, principibus eius motus securi percussis, bonisq; eorum in publicum Ardeatium redactis, composuit. Demptamque iniuriam iudicij tanto beneficio populi Romani Ardeates credebant. senatui superesse aliquid ad delendum publicæ auaritiæ monumentum uidebatur. Consul triumphans in urbem redijt, Ciuilio Volscorum duce ante currum ducto, prælatisq; spolijs, quibus dearmatum exercitum hostium sub iugum miserat. Aequauit, quod haud facile est, Quintius consul togatus armati gloriam collegæ: quæ cōcordiæ, pacisq; domesticam curam, iura infimis summisq; moderando, ita tenuit, ut eum & patres seuerum consule, & plebs satis comem crediderint: & aduersus tribunos auctoritate plura, quàm certamine tenuit. quinque consularius eodem tenore gesti, uitaq; omnis consulariter acta, uerendum penè ipsum magis quàm honorem faciebant. eo tribunorum militarium nulla mentio his consulibus fuit. Consules creant M. Fabium Vibulanum, Posthumium Ebutium Cornicinem. Fabius & Ebutius consules, quo maiori gloriæ rerum domi forisq; gestarum succedere se cernebant: maxime autem memorabilem annum apud finitimos socios hostesque esse, quod Ardeatibus in re præcipiti tanta foret cura subuentum: eo impensius, ut delerent prorsus ex animis hominum infamiam iudicij, senatusconsultum fecerunt: ut, quoniam ciuitas Ardeatium intestino tumultu redacta ad paucos esset: coloni eò præsidij causa aduersus Volscos scriberentur. Hoc palàm relatum in tabulas, ut plebem tribunosque falleret iudicij rescindendi consilium initum. consenserant autem ut multo ma-

iore parte Rutulorum colonorum quàm Romanorū scripta, nec ager ullus diuideretur, nisi is qui interceptus iudicio infamē erat: nec ulli prius Romano ibi, quàm omnibus Rutulis diuisus esset, gleba ulla agri assignaretur. Sic ager ad Ardeates redijt. Triumuiro ad coloniam Ardeam deducendam creati, Agrippa Menenius, T. Cloelius Siculus, M. Ebutius Helua. Qui præter minime populare ministerium agro assignando socijs, quem populus Romanus suū iudicasset: cum plebem offendissent, ne primoribus quidem patrum satis accepti, quòd nihil gratiæ cuiusquam dederant: uexationes, ad populum iam die dicta ab tribunis, coloni ascripti remanendo in colonia, quam testem integritatis iustitiæq; habebant, uitauere. Pax domi forisq; fuit, & hoc & insequenti anno, C. Furio Pacilio, & M. Papyrio Crasso coss. Ludi ab decemuiris per secessionem plebis à patribus ex senatusconsulto uoti, eo anno facti sunt. Causa seditionum nequicquam à Petilio quæsitæ. qui tribunus plebis iterum ea ipsa denuntiando factus, neque ut de agris diuidendis plebi referrent consules ad senatum, peruincere potuit: & cum magno certamine obtinuisset ut consulerentur patres, consulum an tribunorum placeret comitia haberi, consules creati iussi sunt. ludibrio quo erant minæ tribuni denuntiantis se delectum impediturū: cum quietis finitimis neque bello, neque belli apparatu opus esset. Sequitur hanc tranquillitatem rerum annus Proculo Geganio Macerino, L. Menenio Lanato coss. multiplici clade ac periculo insignis, seditionibus, fame, regno propè per largitionis dulcedinem in ceruices accepto. Vnum absuit bellum externum: quo si aggrauatæ res essent, uix ope deorum omnium res sisti potuisset. Cœpere à fame mala: seu aduersus annus frugibus fuit:

fuit: seu dulcedine concionum & urbis, deserto agrorum cultu. nam utrunque traditur. & patres plebem desidem, & tribuni plebis nunc fraudem, nunc negligentiam consulum accusabant. Postremo perpulere plebem haud aduersante senatu: ut L. Minutius praefectus annonae crearetur: felicius in eo magistratu ad custodiam libertatis futurus, quam ad curationem ministerij sui: quanquam postremo annonae quoque leuatae haud immeritam & gratiam & gloriam tulit. Qui cum multis circa finitimos populos legationibus terra marique nequicquam missis, nisi quod ex Hetruria haud ita multum frumenti aduectum est: & nullum momentum annonae fecisset: & reuolutus ad dispensationem inopiae, profiteri cogendo frumentum, & uendere quod usui menstuo superesset: fraudandoque parte diurni cibi seruitia: criminando inde, & obijciendo irae populi frumentarios, acerba inquisitione aperiret magis, quam leuaret inopiam: multi ex plebe spe amissa, potius quam ut cruciarentur trahendo animam, capitibus obuolutis se in Tyberim praecipitauerunt. Tum Sp. Melius ex equestri ordine, ut illis temporibus, praedices, rem utilem pessimo exemplo, peiore consilio est aggressus. frumento namque ex Hetruria priuata pecunia per hospitum clientiumque ministeria coempto (quae credo ipsa res ad leuandam publica cura annonam impedimento fuerat) largitiones frumenti facere instituit: plebemque hoc munere delinitam, quacunque incederet conspectus, elatusque supra modum hominis priuati, secum trahere, haud dubium consulatum fauore ac spe despondentem. Ipse, ut est humanus animus insatiabilis eo quod fortuna spondet, ad altiora & non concessa tendere: & quoniam consularis quoque eripiendus inuitis patribus esset, de regno agi

tare. id unum dignum tanto apparatu consiliorum, & cer-
 tamine, quod ingens exudandum esset, præmium fore. Iam
 comitia consularia instabant: quæ res cum necdum compo-
 sitis maturis uel satis consilijs, oppressit. Consul sextus crea-
 tus T. Quintius Capitolinus, minime opportunus uir no-
 uanti res: collega additur ei Agrippa Menenius, cui La-
 nato erat cognomen. & L. Minutius præfectus annonæ,
 seu refectionis, seu quoad res posceret, in incertum creatus,
 nihil enim constat: nisi in libros linteos utroque anno rela-
 tum inter magistratus præfecti nomen. Hic Minutius can-
 dem reip. curationem agens, quam Melius priuatim agen-
 dam susceperat: cum in utraque domo genus idem hominum
 uersaretur: rem compertam ad senatum refert: tela in do-
 mum Melij conferri, eumque conciones domi habere: ac non
 dubia regni consilia esse: tempus agenda rei nondum sta-
 re: cetera iam conuenisse: & tribunos mercede emptos ad
 prodendam libertatem: & partita ducibus multitudinis mi-
 nisteria esse. serius se penè, quam tutum fuerit, ne cuius in-
 certi uanique autor esset, ea deferre. Quæ postquam sunt au-
 dita: & undique primores patrum & prioris anni consu-
 les increparunt: quod eas largitiones, coetusque plebis in pri-
 uata domo passi essent fieri: & novos consules, quod ex-
 pectassent, donec à præfecto annonæ tanta res ad senatum
 deferretur: quæ consulem non autorem solum desideraret,
 sed etiam uindicem: tum T. Quintius, consules immerito
 increpari ait: qui costricti legibus de prouocatione ad dis-
 soluendum imperium latis, nequaquam tantum uirium in
 magistratu ad eam rem pro atrocitate uindicandam, quan-
 tum animi haberent. opus esse non forti solum uiro, sed
 etiam libero, exolutoque legum uinculis. Itaque se dicta-
 torem L. Quintium dicturum. ibi animum parem tantæ
 pote

potestati esse. Approbantibus cunctis, primo Quintius abnuere: & quid sibi uellent, rogitare: qui se ætate exacta tantæ dimicationi objicerent. Dein cum undique plus in illo senili animo non consilij modo, sed etiam uirtutis esse, quam in omnibus alijs dicerent: laudibusq; haud immeritis onerarent: & consul nihil remitteret: precatus tandem deos immortales Cincinnatus, ne senectus sua in tam trepidis rebus damno dedecoriue reipublicæ esset: dictator à consule dicitur. ipse deinde C. Seruilius Halam magistrum equitum dicit. Postero die dispositis præsidijs cum in forum descendisset: conuersaq; in eum plebs nouitate rei, ac miraculo esset: & Meliani, atque ipse dux eorum in se intentam uim tanti imperij cernerent: expertes consiliorum regni, qui tumultus, quod bellum repens aut dictatoriam maiestatem, aut Quintium post octogesimum annum rectorem reipublicæ quæsisset, rogarent: missus ab dictatore Seruilius magister equitum ad Melium, Vocat te, inquit, dictator. Cum pauidus ille quid uellet, quæreret: Seruiliusque causam dicendam esse proponeret: crimenque à Minutio delatum ad senatum diluendum: tunc Melius recipere se in cateruam suorum: & primum circumspectans tergiuersari, postremo cum apparitor iussu magistri equitum eum duceret: ereptus à circumstantibus, fugiensq; fidē plebis Romanæ implorare: & opprimi se consensu patrum dicere, quod plebi benigne fecisset: orare, ut opem sibi ultimo in discrimine ferrent: ne uel ante oculos suos trucidari sinerent. Hæc eum uociferantem affecutus Hala Seruilius obtruncat: respersusque cruore obtruncati, stipatus caterua patriciorum iuuenum dictatori renuntiat: uocatum ad eum Melium repulso apparitore concitantem multitudinem poenam meritam habere. Tum dictator,

Macte uirtute, inquit, C. Seruili esto, liberata republica. Tumultuantem deinde multitudinem incerta existimatione facti, ad concionem uocari iussit: et Melium iure casum pronuntiavit: etiam si regni crimine insons fuerit: qui uocatus a magistro equitum ad dictatorem non uenisset, se ad causam cognoscendam consedis: qua cognita, habiturum fuisse Melium similem causae fortunam. uim parentem ne iudicio se committeret, ui coërcitum esse. nec cū eo tanquam cum ciue agendum fuisse: qui natus in libero populo inter iura, legesq; ex qua urbe reges exactos sciret: eodemq; anno sororis filios regis, et liberos consulis liberatoris patrie, propter factionem indicatam recipiendorum in urbem regum, a patre securi esse percussos: ex qua Collatinum Tarquinium consulem nominis odio abdicare se magistratu, atque exulare iussum: in qua de Sp. Cassio post aliquot annos propter consilia inita de regno supplicium sumptum: in qua nuper decemuiros bonis, exilio, capite nūctatos ob superbiam regiam: in ea Sp. Melius spem regni conceperit, et quis homo? quanquam nullam nobilitatem, nullos honores, nulla merita cuiquam ad dominationem pandere uiam. sed tamen Claudios, Cassios consulatibus, decemuiratibus suis, maiorumque honoribus, splendore familiarum sustulisse animos, quò nefas fuerit. Sp. Melium, cui tribunatus plebis magis optandus, quam sperandus fuerit, frumentarium diuitem bilibre faris sperasse libertatem se ciuium suorum emisse: ciboq; obijciendo ratum uictorem finitimorum omnium populum in seruitutem perlici posse: ut quem senatorem concoquere ciuitas uix posset, regem ferret, Romuli conditoris ab dijs orti, recepti ad deos, insignia atque imperium habentem, non pro scelere id magis, quàm pro monstro habendum,

Nec.

Nec satis esse sanguine eius expiatum : nisi tecta parietesque, intra quæ tantum amentia conceptum esset, dissiperentur: bona quæ contacta pretijs regni mercandi, publicarentur. Iubere itaque quæstores uendere ea bona, atque in publicum redigere. Domum deinde, ut monumento area esset oppressæ nefariæ spei : dirui extemplo iussit, id Aequimelium appellatum est. L. Minutius boue aurato extra portam trigeminam est donatus, ne plebe quidem inuita, quia frumentum Melianum asibus in modios aestimatum plebi diuisit. Hunc Minutium apud quosdam auctores transisse à patribus ad plebem, undecimumque tribunum plebis cooptatum, seditionem motam ex Meliana cæde sedasse, inuenio. cæterum uix credibile est, numerum tribunorum patres augeri passos: idque potissimum exemplum à patricio homine introductum: nec deinde id plebem concessum semel obtinuisse, aut certe tentasse: sed ante omnia refellit falsum imaginis titulum, paucis antè annis lege cautum, ne tribunis collegam cooptare liceret. Q. Cæcilius, Q. Iunius, Sex. Titinnius, soli ex collegio, tribunorum neque tulerant de honoribus Minutij legem: & criminari nunc Minutium, nunc Seruilium apud plebem, queri que indignam necem Melij non destiterant. peruicerunt igitur, ut tribunorum militum potius, quàm consulum comutia haberentur: haud dubij, quin sex loci (tot enim iam creari licebat) & plebei aliqui profitendo se ultores fore Melianæ cædis, crearentur. Plebs quanquam agitata multis eo anno & uarijs motibus erat, nec plures quàm tres tribunos consulari potestate creauit, & in ijs L. Quintium Cincinnati filium: ex cuius dictatura inuidia tumultus querebatur. prælatus suffragijs Quintio Mamercus Aemilius, uir

VII

VIII

summæ dignitatis. L. Iulium tertium creant, in horum magistratu Fidenæ colonia Romana ad Lartem Tolumniū Veientium regem ac Veietes defecere. maius additum defectioni scelus. C. Fulciniū, C. Iulium Tullū, Sp. Nautium, L. Rosciū legatos Romanos, causam noui consilij querentes, iussu Tolumnij interfecerunt. Leuant quidam regis facinus. in tesserarum prospero iactu uocē eius ambiguam, ut occidi iussisse uideretur, à Fidenatibus exceptam, causam mortis legatis fuisse. rem incredibilem: interuentu Fidenatium nouorum sociorum consulentium de cæderuptura ius gentium, non auersum ab intentione lusus animi: nec deinde in horrorem uersum facinus. Propius est fidem: obstringi Fidenatium populum, ne respicere spem ullam ab Romanis posset conscientia tanti sceleris, uoluisse. Legatorum, qui Fidenis cæsi erant, statuæ publice in rostris posite sunt. Cum Veientibus Fidenatibusq; , præterquam finitimis populis ab causa etiam tam nefanda bellum exorsis, atrox dimicatio instabat. Itaq; ad curam summæ rerum quæta plebe, tribunisq; eius, nihil controuersie fuit quin consules crearentur M. Geganius Macerinus tertium, & L. Sergius Fidenas: à bello credo, quod deinde gessit, appellatus. hic enim primus cis Anienem cum rege Veientium secundo prælio conflixit: nec incruentam uictoriam retulit. Maior itaque ex ciuibus amissis dolor, quàm letitia suis hostibus, fuit. & senatus, ut in trepidis rebus, dictatorem dici Mamercum Aemylum iussit: is magistrum equitum ex collegio prioris anni, quo simul tribuni militum consulari potestate fuerant, L. Quintium Cincinnatum dignum parente iuuenem dixit. Ad delectum à consulibus habitum centuriones ueteres belli periti adiecti: & numerus amissorum proxima pugna expletus. Legatos,

tos, Quintium Capitolinum, & M. Fabium Vibulanum
 sequi se dictator iussit. Cum potestas maior, tum uir quo=
 que potestati par hostes ex agro Romano trās Anienem
 submouere: collesq; inter Fidenas, atque Anienem cepe=
 runt, referentes castra: nec antè in campos digressi sunt,
 quàm legiones auxilio Faliscorum uenerunt. tum demum
 castra Hetruscorum pro mœnibus Fidenarum posita. Et
 dictator Romanus haud procul inde ad confluentes con=
 sedit in utriusque ripis amnis, quā sequi munimento pote=
 rat, uallo interposito. postero die in aciem eduxit. Inter
 hostes uariae fuere sententiæ. Faliscus procul ab domo mi=
 litiam egre patiens, satisq; fidens sibi, poscere pugnam:
 Veienti Fidenatq; plus spei in trahendo bello esse. Tolu=
 mnus quamquam suorum magis placebant consilia: ne lon=
 ginquam militiam non paterentur Falisci, postero die se
 pugnaturum edicit. Dictatori ac Romanis, quòd detrectas=
 set pugnam hostis, animi accessere. posteroq; die iam mili=
 tibus castra urbemq; se oppugnaturos frementibus, ni co=
 pia pugnae fiat, utrinque acies inter bina castra in mediū
 campi procedunt. Veiens multitudine abundans, qui
 inter dimicationem castra Romana aggredierentur, post
 montes circummisit. Trium populorum exercitus ita ste=
 tit instructus, ut dextrum cornu Veientes, sinistrum Fa=
 lisci tenerent, medij Fidenates essent. Dictator dextro
 cornu aduersus Faliscos, sinistro contra Veientem Ca=
 pitolinus Quintius intulit signa: ante median aciem cum
 equitatu magister equitum processit. Parumper silen=
 tium & quies fuit: nec Hetruscis, nisi cogherentur, pu=
 gnam inituris: & dictatore arcem Romanam respectan=
 te, ut ab auguribus simul aues rite admisissent, ex com=
 posito tolleretur signum. quod ubi conspexit, primos

equites clamore sublato in hostem emisit. secuta peditum acies ingenti vi confligit. nulla parte legiones Hetruscae sustinere impetum Romanorum. eques maxime resistebat. equitumque longe fortissimus ipse rex ab omni parte effusus sequentibus obequitans Romanis, trahebat certamen. Erat tum inter equites tribunus militum A. Cornelius Cossus eximia pulchritudine corporis, animo ac uiribus par, memorque generis: quod amplissimum acceptum, maius autem reliquit posteris. Is cum ad impetum Tolumnij quacunque se intendisset, trepidantes Romanas uideret turmas, insignemque cum regio habitu uolitantem tota acie cognouisset: Hicne est, inquit, ruptor foederis humani, uiolatorque gentium iuris? iam ego hanc mactatam uictimam (si modo sancti quicquam in terris esse dii uolunt) legatorum manibus dabo. calcaribus subditis infesta cuspide in unum fertur hostem. quem cum ictum equo deiecisset, confestim et ipse hasta innixus se in pedes excipit. assurgentem ibi regem umbone resupinat, repetitumque sapius cuspede ad terram affixit. tum ex angui detracta spolia, caputque abscisum uictor spiculo gerens, terrore cæsi regis hostes fundit. Ita equitum quoque fusa acies, quæ una fecerat anceps certamen. Dictator fugatis legionibus instat: et ad castra compulsos cedit. Fidenatium plurimi locorum notitia effugere in montes. Cossus Tyberim cum equitatu transuectus, ex agro Veientano ingentem detulit prædam ad urbem. Inter prælium et castra Romana pugnatum est aduersus partem copiarum ab Tolumnio, ut antè dictum est, ad castra missam. Fabius Vibulanus corona primum uallum defendit: intentos deinde hostes in uallum, egressus dextra principali cum triarijs repente inuadit. quo pauore iniecto, cædes minor, quia pauciores erant:

erant: fuga non minus trepida, quàm in acie fuit. Omnibus locis re bene gesta, dictator senatusconsulto, iussuq; populi triumphans in urbem redijt. Longe maximum triumphis spectaculum fuit Cossus spolia opima regis interfecti gerens. in eum milites carmina incondita equantes eum Romulo, canere. Spolia in æde Iouis Feretrii prope Romuli spolia, quæ prima opima appellata sola ea tempestate erant, cum solenni dedicatione dono fixit. auerterat que in se à curru dictatoris ciuium ora, & celebritatis eius diei fructum propè solus tulerat. Dictator coronam auream librae pondo ex publica pecunia populi iussu in Capitolio Ioui donum posuit. Omneis ante me autores secutus, A. Cornelium Cossum tribunum militum secunda spolia opima Iouis Feretrii templo intulisse exposui. ceterum, præterquam quòd ea rite opima spolia habentur, quæ dux duci detraxerit: nec ducem nouimus, nisi cuius auspicio bellum geritur: titulus ipse spolijs inscriptus illos, meque arguit: consulem ea Cossum cepisse. Hoc ego cum Augustum Cæsarem templorum omnium conditorem aut restitutorem, ingressum ædem Feretrii Iouis, quam uetustate dilapsam refecit, seipsum in thorace linteo scriptum legisse audissem: propè sacrilegium ratus sum, Cossum spoliolorum suorum, Cæsaremque ipsius templi autorem subtrahere testem. qui si ea in re sit error: quod tam ueteres annales quodque magistratuum libri, quos linteos in æde repositos Moneta Macer Licinius citat identidem autores: septimo post demum anno cum Tit. Quintio Pæno Aul. Cornelium Cossum consulem habeant: existimatio communis omnibus est. nam etiam illud accedit, ne tam clara pugna in eum annum trans ferri posset: quòd umbelle triennium ferme pestilentia,

lentia, inopiaq; frugum circa A. Cornelium cōsulem fuit: adeo, ut quidam annales uelut funesti, nihil præter nomina consulum suggerant. tertius ab consulatu Cossi annus tribunum cum militum consulari potestate habet: eodem anno magistrum equitum: quo in imperio alteram insignē edidit pugnam equestrem. ea libera coniectura est. sed (ut ego arbitror) uana uersare in omnes opiniones licet: cum autor pugnae recentibus spolijs in sacra sede positus, Iouē propē ipsum, cui uota erant, Romulum quē intuens, haud spernendos falsi tituli testes, sese A. Cornelium Cossū cōsulē scripserit. M. Cornelio Maluginēse, L. Papyrio Crasso consulibus, exercitus in agrum Veientem, ac Faliscum ducti: prædæ ab actæ hominum, pecorumq; hostis in agris nusquam inuentus, neq; pugnandi copia facta. urbes tamē non oppugnatae: quia pestilentia populum inuasit. Et seditiones domi quæ sitæ sunt, nec motæ tamē, ab Sp. Melio trib. plebis. qui fauore nominis moturum se aliquid ratus, & Minutio diem dixerat, & rogationem de publicandis bonis Seruiliij Hale tulerat: falsis criminibus à Minutio circumuentum Melium arguens: Seruilio cædem cuius indemnati obijciens. quæ uaniora ad populum ipso autore fuere. Cæterum magis uis morbi in grauescens curæ erat, terroresq; ac prodigia, maxime quòd crebris motibus terra ruere in agris nuntiabantur tecta. Obsecratio itaque à populo diuumuiris præcuntibus est facta. Pestilentior inde annus C. Iulio iterum, & L. Virginio consulibus, tantum metum uastitatis in urbe agrisq; fecit, ut non modo prædæ causa quisquam ex agro Romano non exiret, belli uel inferendi memoria patribus aut plebi esset: sed ultro Fidenates, qui se primo aut oppido, aut montibus, aut muris tenuerant, populabundi descenderent in agrum Romanum.

manum. deinde Veientium exercitu accito (nam Falisci percelli ad instaurandum bellum, neque clade Romanorum, neq; sociorum precibus potuere) duo populi transire Anienem: atq; haud procul Collina porta signa habuerunt. Trepidatum itaq; non in agris magis quam in urbe est. Iulius consul in aggere murisq; explicat copias. à Virginius senatus in æde Quirini consulitur. dictatorem dici A. Seruiliū placet, cuiq; Prisco alij, alij Structo fuisse cognomen tradunt. Virginius dum collegam cōsuleret moratus, permittente eo nocte dictatorem dixit, is sibi magistrū equitum Posthumum Ebutium Heluam dicit. Dictator omnes luce prima extra portam Collinam adesse iubet. quibuscūque uires suppetebant ad arma ferenda, præstò fucere: signa ex ærario prompta feruntur ad dictatorem. Quæ cum agerentur, hostes in loca altiora concessere. eò dictator agmine infesto subit: nec procul Nomento signis collatis fudit Hetruscas legiones: compulit inde in urbem Fidenas, ualloq; circumdedit. sed neq; scalis capi poterat urbs alta, & munita: neq; in obsidione uis ulla erat: quia frumentum non necessitati modo satis, sed copię quoq; abunde ex antè conuecto sufficiebat. Ita expugnandi pariter, cogēdiq; ad deditionem spe amissa, dictator in locis propter propinquitatē notis ab auersa parte urbis maxime neglecta, quia suapte natura tutissima erat: agere in arcem cuniculum instituit. ipse diuersissimis locis subeundo ad moenia quadrisariam diuiso exercitu, qui alij alijs succederent ad pugnam: continenti die ac nocte prælio ab sensu operis hostes auerteat: donec perfosso à castris monte erecta in arcem uia est. intentisq; Hetruscis ad uanas à certo periculo minas, clamor supra caput hostilis captam urbem ostendit. Eo anno C, Furius Pacilius, & M. Geganius

Mace

Macerinus censores uillam publicam in campo Martio probauerunt: ibiq; primum census populi est actus. Eosdē consules insequenti anno resectos, Iulium tertium, Virginiū iterum, apud Macrum Licinium inuenio. Valerius Antiās, & Q. Tubero M. Manlium, & Q. Sulpitiū consules in eum annum edunt. ceterum in tam discrepanti editione & Tubero & Macer libros linteos autores profitentur: neuter tribunos militum eo anno fuisse, traditum à scriptoribus antiquis dissimulat. Licinio libros haud dubie sequi linteos placet: & Tubero incertus ueri est. sed inter cetera uetustate incōperta hoc quoq; in incerto positum. Trepidatū in Hetruria est post Fidenas captas, non Veientibus solum exterritis metu simulis excidijs, sed etiam Faliscis, memoria initi primo eum ijs belli: quanquam rebellantibus non affuerant. Igitur cum duæ ciuitates legatis circa x i i. populos missis impetrassent, ut ad Voltumnæ sanum indiceretur omni Hetruriæ conciliū: uelut magno inde tumultu imminente, senatus Mamercum Acmilium dictatorem iterum dici iussit. Ab eo A. Posthumius Tubertus magister equitum est dictus. bellumq; tanto maiore, quàm proximo conatu apparatus est: quanto plus erat ab omni Hetruria periculi, quàm ab duobus populis fuerat. Ea res aliquanto expectatione omnium tranquillior fuit. Ita q; cum renuntiatum à mercatoribus esset: negata Veientibus auxilia, iussosq; suo consilio bellum initum, suis uiribus exequi: nec aduersarum rerum querere socios, cum quibus spem integram communicati non sint: tum dictator, ne nequicquam creatus esset: materia querēdæ bello gloriæ adēpta, in pace aliquid operis edere, quod monumentū esset dictaturæ, cupiens, censurā minuere parat: seu nimia potestate ratus: seu nō tam magnitudine honoris

noris, quàm diuturnitate offensus. Cōcione itaq; aduocata,
remp. foris gerēdam ait, tutaq; omnia præstanda, deos im=
mortales suscepisse. se, quod intra muros agendū esset, li=
bertati populi Romani cōsulturum. maximam autē eius cu=
stodiam esse, si magna imperia diuturna non essent: Et tem=
poris modus imponeretur, quibus iuris imponi non posset.
Alios magistratus annuos esse: quinquennalem censuram
grauē esse: iisdem per tot annos magna parte uitæ obno=
xios uiuere. se legem laturum, ne plus quàm annua ac se=
mestris censura esset. Cōsensu ingenti populi legem poste=
ro die pertulit. Et ut re ipsa, inquit, sciatis Quirites, quàm
mihi diuturna nō placeant imperia, dictatura me abdicō.
Deposito suo magistratu, modo aliorum magistratui im=
posito sine alteri, congratulatione ac fauore ingēti popu=
li domū est reductus. Censores ægre passi, Mamercū, quod
magistratū populi Romani minuisset, tribu mouerūt, octu=
plicatoq; censu ærarium fecerunt. Quam rem ipsum ingē=
ti animo tulisse ferunt: causam potius ignominie intuentē,
quàm ignominiam. primores patrum, quanquam diminu=
tum censuræ ius uoluissent, exemplo acerbitatis censorie
offensos. quippe cum se quisq; diutius ac sæpius subiectum
censoribus fore cerneret, quàm censuram gesturum. Popu=
li certe tanta indignatio coorta dicitur, ut uis à censoribus
nullius autoritate, præterquam ipsius Mamerci, deterri
quiuerit. Tribuni plebis assiduis concionibus prohibendo
consularia comitia, cum res propè ad interregnum perdu=
cta esset: euicere tandem, ut tribuni militum consulari po=
testate crearentur. uictoriæ præmiū, quod ptebatur, ut
plebeius crearetur, nullum fuit. omnes patricij creati sunt,
M. Fabius Vibulanus, M. Folius, L. Sergius Fidenas. Pe=
silentia eo anno aliarum rerum oculi præbuit. ædes Apol=
lini

lini pro uoletudine populi uota est. multa duumuii ex libris placandæ deum iræ, auertendæq; à populo pestis causa, fecere. magna tamē clades in urbe agrisq; promiscue hominum pecorumq; pernicie accepta, famē cultoribus agrorum timentes, in Hetruriam, Pomptinumq; agrum, & Cumas, postremo in Siciliam quoque frumenti causa misere. Consularium comitiorum nulla mentio habita est. Tribuni militum consulari potestate omnes patricij creati sunt, L. Pinarius Mamercus, L. Furius Medullinus, Sp. Posthumus Albus. Eo anno uis morbi leuata, neq; à penuria frumenti, quia antè prouisum erat, periculum fuit. Cōsilia ad mouenda bella in Volscorum Aequorumq; concilijs, et in Hetruria ad fanum Voltumnæ agitata. Ibi prolata in annum res: decretoq; cautum, ne quod antè cōcilium fieret: nequicquam Veiente populo querente eandem, qua Fidenæ deletæ sint, imminere Veijs fortunam. Interim Romæ principes plebis iamdiu nequicquam imminentes spei maioris honoris, dum foris ocium esset, cœtus indicere in domos tribunorum plebis, ibi secreta consilia agitare. Queri se à plebe adeo spretos, ut cum per tot annos tribuni militum consulari potestate creentur: nulli unquam plebeio ad eum honorem aditus fuerit: multum prouidisse suos maiores, qui cauerint, necui patricio plebeij magistratus paterent: aut patricios habendos fuisse tribunos plebis. adeo se suis etiam sordere, nec à plebe minus, quàm à patribus contemni. Alij purgare plebem: culpam in patres uertere. eorum ambitione artibusque fieri, ut obseptum plebi sit ad honorem iter. si plebi respirare ab eorum mistis precibus minisque liceat, memorem eam suorum inituram suffragia esse: & parto auxilio imperium quoque ascituram. Placet tollendæ ambitionis causa tribunos legem promulgare

gare, ne cui album uestimentum addere petitionis causa
 liceret. Parua nunc res, & uix serio agenda uideri possit:
 quæ tunc ingenti certamine patres ac plebē accendit. Vi-
 cere tamen tribuni, ut legem perferrent: apparebatq; iri-
 tatis animis plebem ad sua studia inclinaturam. quæ ne li-
 bera essent, senatus consultum factum est, ut cōsularia co-
 mitia haberentur. Tumultus causa fuit: quem ab Aequis
 & Volscis, Latini atque Hernici nuntiarant. T. Quin-
 tius Lucij filius, Cincinnatus (eidem & Pœno cognomen
 additur) & Cn. Iulius Mento consules facti, nec ultrà ter-
 ror belli est dilatus. Lege sacrata, quæ maxima apud eos
 uis cogendæ militiæ erat: delectu habito, utrinque ualidi
 exercitus profecti in Algidum conuenere, ibiq; seorsum
 Aequi seorsum Volsci castra communiuere: intentiorq;
 quàm unquam antè, muniendi, exercendiq; militem cura
 ducibus erat. eo plus nuntij terroris Romam attulere. Se-
 natui dictatorem dici placuit: quia etsi sæpe uicti populi,
 maiore tamen conatu, quàm aliàs unquam rebellarent: &
 aliquantum Romanæ iuuetutis morbo absumptum erat.
 ante omnia prauitas consulum, discordiaq; inter ipsos, &
 certamina in consilijs omnibus, terrebant. Sunt qui male
 pugnatum ab his consulibus in Algido autores sint: cāq;
 causam dictatoris creandi fuisse. Illud satis constat: ad alia
 discordes, in uno aduersus patrum uoluntatem consensisse,
 ne dicerent dictatorem. donec, cum alia alijs terribilio-
 ra afferrentur: nec in autoritate senatus consules essent:
 Q. Seruilius Priscus summis honoribus egregie usus, Vos,
 inquit, tribuni plebis, quoniam ad extrema uentum est, se-
 natus appellat: ut in tanto discrimine rei publicæ dictato-
 rem dicere consules pro potestate uestra cogatis. Qua uo-
 ce audita, occasionem oblatam rati tribuni augendæ po-
 r testa tis,

testatis, secedunt: proq; collegio pronuntiant: placere consules senatui dicto audientes esse: si aduersus consensum amplissimi ordinis ultrà tendât, in uincula se duci eos iussuros. Consules ab tribunis, quàm ab senatu uinci maluerunt: proditum à patribus summi imperij ius, datumq; subiugum tribunitiæ potestati consulatum memorantes: si quidem cogi aliquid pro potestate ab tribuno cōsules, & (quo quid ulterius priuato timendum foret?) in uincula etiam duci possent. Sors, ut dictatorem diceret (nam ne id quidem inter collegas cōuenerat) T. Quintio euenit. is A. Posthumium Tubertum, socerum suum, seuerissimi imperij uirum, dictatorem dixit. ab eo L. Iulius magister equitum est dictus, simul edicitur & iustitium: neq; aliud tota urbe agi, quàm bellum apparari. cognitio uacantium militiæ munere post bellum differtur. ita dubij quoq; inclinât ad nomina danda. & Hernicis, Latinisq; milites imperati. utrinque enixe obeditum dictatori est. Hæc omnia celeritate ingenti acta. relictoq; Cn. Iulio consule ad præsidium urbis, & L. Iulio magistro equitum ad subita belli ministeria, nequa res, qua eguissent in castris, moraretur: dictator præcunte A. Cornelio pontifice maximo ludos magnos tumultus causa uouit: profectusq; ab urbe diuiso cū Quintio consule exercitu, ad hostes peruenit. Sicut bina castra hostiū paruo inter se spatio distantia uiderant: ipsi quoq; mille ferme passus ab hoste, dictator Thusculo, consul L. annuio propiorem locū castris ceperunt. Ita quatuor exercitus totidem munimenta, planiciem in medio non paruis modo excursionibus ad prælia, sed uel ad explicandas utrinque acies satis patentem habebant. nec ex quo castris castra collata sunt, cessatum à leuibus prælijs est: facile patiente dictatore, confrèdo uircs spem uniuersæ uictoriæ tentato

tentato paulatim euentu certaminum, suos præcipere. Itaq; hostes nulla in pralio iusto relicta spe, noctu adorti castra consul rem in casum ancipitis euentus committunt. Clamor subito ortus non consul modo uigiles, exercitū deinde omnem, sed dictatorem quoq; ex somno exciuit. Vbi presenti ope res egebant, consul nec animo deficit, nec consilio. pars militum portarum stationes firmant: pars corona uallum cingūt. In alteris apud dictatorem castris quo minus tumultus est, eo plus animaduertitur quid opus facto sit. missum ex templo ad castra subsidium: cui Sp. Posthumius Albus legatus præficitur. ipse parte copiarū paruo circuitu locū maxime secretum ab tumultu petit: unde ex nec opinato auersum hostem inuadat. Q. Sulpitium legatum præficit castris: M. Fabio legato assignat equites: nec ante lucem mouere iubet manum, inter nocturnos tumultus moderatu difficilem. Omnia, quæ uel alius imperator prudens, & impiger in tali re præciperet, ageretq; præcipit ordine, atque agit. Illud eximium consilij, animiq; specimen, & neutiquam uulgaræ laudis: quod ultro ad oppugnanda castra hostium, unde maiore agmine profectos exploratum fuerat, M. Geganium cum cohortibus delectis misit. qui postquam intentos homines in euentum periculi alieni, pro se incautos neglectis uigilijs, stationibusque est adortus: prius penè cepit castra, quam oppugnari hostes satis scirent. inde fumo, ut conuenerat, datum signum ubi cōspectum ab dictatore est, exclamat, Capta hostium castra, nuntiarique passim iubet. Et iam lucebat, omniaq; sub oculis erāt: & Fabius cum equitatu impetum dederat: & consul eruptionem è castris in trepidos iam hostes fecerat. Dictator autem parte altera, subsidia & secundam aciem adortus, circumagēti se ad

dissonos clamores ac subitos tumultus, hosti undiq; obie-
 cerat uictorem peditem equitemq;. Circumuenti igitur iā
 in medio ad unum omnes pœnas rebellionis dedissent: ni
 Vectius Messius ex Volscis nobilior uir factis quam gene-
 re, iam orbem uoluentes suos increpans clara uoce, Hic
 præbituri, inquit, uos telis hostium estis indefensi, inulti?
 quid igitur arma habetis? aut quid ultro bellū intulistis?
 in ocio tumultuosi, in bello segnes? quid hic stantibus spei
 est? an deū aliquem protecturum uos, rapturumq; hinc
 putatis? ferro uia facienda est. hāc, quā me prægressum ui-
 deritis, agite qui uisuri domos, parentes, coniuges, liberos
 estis, ite mecum: nō murus, nec uallum, sed armati armatis
 obstant: uirtute pares, necessitate, quæ ultimum ac maxi-
 mum telum est, superiores estis. Hæc locutū, exequētemq;
 dicta, redintegrato clamore secuti, dāt impressionem, quā
 Posthumius Albus cohortes obiecerat: & mouerūt uictō-
 rem, donec dictator pedem iam referentibus suis aduenit:
 eoq; omne prælium uersum est. Vni uiro Messio fortuna
 hostium innititur. multa utrinq; uulnera, multa passim cæ-
 des est. Iam ne duces quidem Romani incruenti pugnāt.
 Vnus Posthumius ictus saxo, perfracto capite acie excef-
 sit. Non dictatorem humerus uulneratus, non Fabiū pro-
 pè affixum equo senur, non brachium abscisum consulē
 ex tam ancipiti prælio summouit. Messium impetus per-
 stratos cæde hostes cum globo fortissimorum iuuenū ex-
 tulit ad castra Volscorum, quæ nondum capta erant. eō-
 dem omnis acies inclinatur. Consul effusos usq; ad uallū
 persecutus, ipsa castra uallumq; aggreditur. eōdē & dicta-
 tor alia parte copias admouet. non segnior oppugnatio
 est, quā pugna fuerat. Cōsulem signum quoq; intra ual-
 lum iniecisse ferunt, quo milites acrius subirent: repeten-
 do q;

doq; signo primam impressionē factam. Et dictator prorupto uallo iam in castra praelium intulerat. Tum abiici arma passim, ac dedi hostes coepti: castrisq; & his captis, hostes, præter senatores, omnes uenundati sunt. Prædæ pars, sua cognoscentibus Latinis atque Hernicis reddita: partem sub hasta dictator uendidit: præpositoq; consule castris, ipse triumphans inuectus urbem dictatura se abdicauit. Egregiæ dictaturæ tristem memoriam faciunt: qui filium ab A. Posthumio, quod occasione bene pugnandi captus iniussu discesserit præsidio, uictorem securi percussus tradunt. nec libet credere: & licet, in uarijs opinionibus: & argumēto est, quod imperia Manliana, nō Posthumiana, appellata sint: quum qui prior autor tam sæui exempli foret, occupaturus insignem titulum crudelitatis fuerit. Imperioso quoq; Manlio cognomē inditū: Posthumius nulla tristi nota est insignitus. Cn. Iulius consul ædē Apollinis absente collega sine sorte dedicauit. ægre id passus Quintius, cū dimisso exercitu in urbē redisset: nequicquam in senatu est conquestus. Insigni magnis rebus anno additur, nihil tum ad rem Romanam pertinere uisum: quod Carthaginenses tanti hostes futuri, tum primū per seditiones Siculorum ad partis alterius auxilium in Siciliam exercitum traiecere. Agitatum in urbe ab tribunis plebis, ut tribuni militum consulari potestate crearentur: nec obtineri potuit. Consules fiunt L. Papyrius Crassus, L. Iulius. Aequorum legati fœdus ab senatu cum petissent, & pro fœdere deditio ostentaretur, inducias annorū octo impetrauerunt. Volscorum res super acceptam in Algido cladem, pertinaci certamine inter pacis belliq; auctores in iurgia & seditiones uersa. Vndiq; ociū fuit Romanis. Legem de mulctarum æstimatione pergratam po-

pulo, cum ab tribunis parari consules unius ex collegio proditione exceperant, ipsi præoccupauerunt ferre. Cōsules L. Sergius Fidenas iterum, Hostius Lucretius Tricipitinus. Nihil dignum dictu actum his consulibus. Secuti eos cōsules, A. Cornelius Cossus, T. Quintius Pœnus iterum. Veientes in agrum Romanū excursiones fecerunt. Fama fuit, quosdam ex Fidenatum iuuentute participes eius populationis fuisse, cognitioq; eius rei L. Sergio & Q. Seruilio & Mamercio Acumilio permissa. Quidam Hostiam relegati, quod cur per eos dies à Fidenis abfuissent, parū cōstabat: colonorū additus numerus, agerq; ijs bello interemptorum assignatus. Siccitate eo anno plurimū laboratum est: nec cœlestes modo defuerunt aquæ, sed terra quoq; ingenito humore egens, uix ad perennes sufficit amnes. defectus alibi aquarum circa torridos fontes, riuosq; stragem siti pecorum morientium dedit: scabie alia absumpta, uulgiatq; cōtactu in homines morbi: & primo in agrestes ingruerant seruitiaq; , urbs deinde impletur. Nec corpora modo affecta tabo: sed animos quoq; multiplex religio, & pleraq; externa inuasit: nouos ritus sacrificando, uaticinādo inferētibus in domos, quibus quæstui sunt capti superstitione animi: donec publicus iam pudor ad primores ciuitatis puenit, cernētes in omnibus uicis sacellisq; peregrina atq; insolita piacula pacis deūm exposcēdæ. Datū inde negotiū ædilibus, ut animaduernerēt, ne qui, nisi Romani dii, neu quo alio more quā patrio colerentur. Iræ aduersus Veientes in insequentē annū C. Seruilio Hala, L. Papyrio Mugilano consulibus, dilatae sunt. Tunc quoq; ne cōfestim bellum indiceretur, ne uē exercitus mitterentur, religio obstitit: fœciales prius mittendos ad res repetēdas censuere. Cum Veientibus nuper acie di-

mucalūm

micatum ad Nomentum & Fidenas fuerat: induciæq; inde, nō pax facta, quarum & dies exierat, & ante diē rebellauerant. missi tamen fœciales: nec eorum, cū more patrum iurati repeterent res, uerba sunt audita. Controuersia inde fuit, utrum populi iussu indicretur bellum, an satis esset senatus consultum. Peruicere tribuni, denūtiando impedituros se delectum, ut Quintius consul de bello ad populum ferret: omnes cēturiæ iussere. In eo quoq; plebs superior fuit, quod tenuit ne cōsules in primū annū crearentur, Tribuni militū consulari potestate quatuor creati sunt: T. Quintius Pœnus ex cōsulatu, C. Furius, M. Posthumius, A. Cornelius Cossus: ex ijs Cossus præfuit urbi: tres delectu habito profecti sunt Veios: documentoq; fuisse, quàm plurimum imperium bello inutile esset. Tendendo ad sua quisq; consilia, cum aliud alij uideretur, aperuerūt ad occasionem locū hosti. incertam nāq; aciem, signū alijs dari receptui, alijs cani iubentibus, inuasere opportune Veientes: castra propinqua turbatos, ac terga dātes acceperunt. Plus itaq; ignominie quàm cladis est acceptū. Mœsta ciuitas fuit, uinci insueti: odisse tribunos: poscere dictatorem: in eo uerti spes ciuitatis. & cum ibi quoq; religio obstaret, ne posset nisi ab cōsule dici dictator, augures cōsulti eam religionē exemere. A. Cornelius dictatorē Mamercum Aemylum dixit. & ipse ab eo magister equitum est dictus. adeo simul fortuna ciuitatis uirtute uera eguit: nihil cēforia animaduersio effecit, quo minus regimē rerū ex notata indigne domo peteretur. Veientes re secunda elati, missis circū Etruriæ populos legatis, iactando tres duces Romanos ab se uno prælio fusos, cum tamen nullā publici consilij societate mouissent: uoluntarios undiq; ad spem prædæ adsciuerunt. Vni Fidenatium populo rebela-

lare placuit: & tanquam nisi ab scelere bellum ordiri nefas esset, sicut legatorum antea, ita tum nouorum colonorum cæde imbutis armis, Veientibus sese coniungunt. Cōsultare inde principes duorum populorum, Veios, an Fidenas sedem belli caperent. Fidenæ uisæ opportuniore. Itaq; traiecto Tyberi Veientes Fidenas transtulerūt bellum. Romæ terror ingens erat: accito exercitu ab Veijs, hostibus positis ad Fidenas: eo'que ipso ab re male gesta percussa castra locantur antè portam Collinam: & in muris armati dispositi, & iustitium in foro, tabernæ'que clausæ: fiuntq; omnia castris quàm urbi similia. Tum trepidam ciuitatem præconibus per uicos dimissis dictatō ac concionem aduocatam increpuit, quòd animos extam leuib; fortunæ momentis suspensos gererent: ut parua iactura accepta, quæ ipsa nō uirtute hostium, nec ignauia Romani exercitus, sed discordia imperatorū accepta sit, Veientem hostem sexies uictum pertimescant: Fidenasq; propè sæpius captas quàm oppugnatas: eosdem & Romanos & hostes esse: qui per tot secula fuerint: eosdē animos, easdem corporis uires, eadē arma gerere: se quoque eundem dictatorem Mamercum Aenuliū esse, qui antè Veientium Fidenatiumq; adiunctis Faliscis ad Nomentum exercitus fuderit: & magistrū equitum A. Corneliū eundē in acie fore, qui priore bello tribunus militū Larte Tolumnio rege Veientium in cōspectu duorum exercitū occiso, spolia opima Iouis Feretrii templo intulerit. proinde memores secum triumphos, secum spolia, secū uictoriam esse, cū hostibus scelus legatorū contra ius gentium intersectorū, cædem in pace Fidenatium colonorū, inducias ruptas, septimam infelicem defectionem, arma caperent: simul castra castris cōiunxissent, satis confidere, nec scelera

sceleratissimis hostibus diuturnū ex ignominia exercitus
 Romani gaudiū fore: & populum Romanū intellecturum
 quanto melius de repub. meriti sint, qui se dictatorem tertium
 dixerint, quā eos qui ob creptū censuræ regnū labē secū
 de dictaturæ suæ imposuerint. Votis deinde nuncupatis
 profectus, M. & D. passus citra Fidenas castra locat: dex=
 tra montibus, laeva Tyberi amne septus. T. Quintiū Pœ=
 num legatū occupare montes iubet: occultumq; id iugum
 capere, quod ab tergo hostibus foret. ipse postero die, cum
 Hetrusci pleni animorū, ac pristini dici meliore occasione
 quā pugna in acie processissent: cunctatus parūper, dū
 speculatores referrent, Quintiū euasisse in iugum propin=
 quum arci Fidenarū, signa profert: peditumq; aciem in=
 structam pleno gradu in hostē inducit: magistro equitum
 præcipit, ne iniussu pugnam incipiat: se, cū opus sit equestri
 auxilio, signū daturum: tum ut memor regie pugne, me=
 mor opimū doni, Romulūq; ac Iouis Feretrii, rem gereret.
 Legiones impetu ingenti cōfligunt. Romanus odio accen=
 sus, impium Fidenatē, prædonem Veientem, ruptores in=
 duciarum, cruentos legatorū infanda cæde, respersos san=
 guine colonorū suorū, perfidos socios, imbelles hostes cō=
 pellans, factis simul dictisq; odiū explet. Concusserat pri=
 mo statim congressu hostem: cum repente patefactis Fide=
 narum portis noua erupit acies, inaudita ante id tempus,
 inusitataq;. Ingnibus armata ingēs multitudo, facibusq; ar=
 dentibus tota collucens, uelut phanatico instincta cursu in
 hostem ruit: formaq; insolitæ pugne Romanos parumper
 exterruit. Tum dictator magistro equitum, equitibusq;
 tum ex montibus Quintio accito præliū ciens, ipse in sini=
 strum cornu, quod incendio similis quā prælio territū
 cesserat flammis, accurrit: claraq; uoce, Fumo ne uicti, in=
 quit,

quit, uelut examen apum loco uestro exacti, inermi cedetis hosti? non ferro extinguitis ignes? non faces has ipsas pro se quisq; si igni nō telis pugnandū est, creptas ultro inferetis? agite nominis Romani, ac uirtutis patrum uestraeq; memores: uertite incendiū hoc in hostium urbē: & suis flāmus delete Fidenas, quas uestris beneficijs placare non potuistis. legatorū hoc uos uestrorum, colonorumq; sanguis, uastatiq; fines monent. Ad imperiū dictatoris mota cuncta acies: faces partim emissæ excipiuntur, partim ui eripiuntur: utraq; acies armatur igni. Magister equitum & ipse nouat pugna equestrem. frēnos ut detrahant equis, imperat: & ipse princeps calcaribus subditis euectus effrēno equo, in medios ignes infertur: & alij concitati equi libero cursu ferunt equitē in hostem. Puluis elatus mistusq; fumo lucem ex oculis uirorū equorumq; aufert: ea quæ multem terruerat species nihil terruit equos. ruina igitur similem stragem eques quacunq; peruascerat, dedit. Clamor deinde accidit nouus. qui cū utrāq; mirabundam in se acie uertisset, dictator exclamat: Quintium legatū & suos ab tergo hostem adortos. ipse redintegrato clamore infert acrius signa. cū duæ acies, duo diuersa prælia circūuētos Hetruscos & à fronte & ab tergo urgerent: neq; in castra retro, neq; in montes, unde se nouus hostis obiecerat, iter fugæ esset: & equitem passim liberi frēnis dissipulisset equi: Veientium maxima pars Tyberim effusi petūt: Fidenatium qui supersunt, ad urbē Fidenas tendunt. infert pauidos fuga in mediā cadem: obtruncantur in ripis: alios in aquam compulsos gurgites ferunt: actiā peritos nandi lassitudo & uulnera & pavor degrauāt: pauci ex multis trahunt. alterū agmen fertur per castra in urbem: eadem & Romanos sequētes impetus rapit: Quintium maxime, &

cum

tum eo degressos modo de montibus, recentissimum ad laborem multum: quia ultimo praelio aduenerat. Hi postquam iuxta hostibus portam intrauere, in muros euadunt: suisque capti oppidi signum ex muro tollunt. quod ubi dictator conspexit (iam enim et ipse in desertam hostium castra penetrauerat) cupientem militem discurrere ad praedam, spe iniecta maioris in urbe praedae, ad portam ducit: receptusque intra muros, in arcem quod ruere fugientium turbam uidebat, pergit. Nec minor caedes in urbe quam in praelio fuit: donec abiectis armis, nihil praeter uitam petentes dictatori deduntur. Vrbs castraque diripiuntur. Postero die singulis capitulis ab equite ad centurionem sorte ductis, et quorum extrema uirtus fuerat, binis, alijs sub corona uenundatis, exercitum uictorem opulentumque praeda triumphans dictator Romam reduxit: iussuque magistro equitum abdicare se magistratu, ipse deinde abdicat die sextodecimo, reddito in pace imperio, quod in bello trepidisque rebus acceperat. Classi quoque ad Fidenas pugnatum cum Veientibus quidam in annales retulere: rem aequae difficilem atque incredibilem: nec nunc lato satis ad hoc amne: et tum aliquanto, ut a ueteribus accepimus, arctiore. nisi in traiectu forte fluminis prohibendo aliquarum nauium concursum, in maius (ut fit) celebrantes, navalis uictoriae uanum titulum appetiuerunt. Insequens annus tribunos militares consulari potestate habuit, A. Sempronium Atratinum, L. Quintium Cincinnatum, L. Furium Medullinum, L. Horatium Barbatum. Veientibus annorum x. x. induciae datae: et Aequis triennij, cum plurimum annorum petissent. Et ab seditionibus urbanis otium fuit. Annum insequentem neque bello foris, neque domi seditione insignem, ludi bello uoti celebrem et tribunorum militum apparatu, et finitimorum concursu fecere. Tribuni consulari

consulari potestate erāt Cl. Crassus. Sp. Nautius Rutilius, T. Sergius Fidenas, Sex. Iulius Tullus. spectaculum comitate etiam hospitum, ad quod publico consensu uenerant, aduenis gratius fuit. Post ludos conciones seditiosæ tribunorum plebis fuerunt, obiurgantium multitudinem: quòd admiratione eorū quos odissent, stupens, in æterno se ipsa teneret seruitio: et non modo ad spem consulatus in partem reuocandam aspirare non auderet, sed ne in tribunis quidem militum creandis (quæ communia essent comitia patrum ac plebis) aut sui aut suorum meminisset. desineret ergo mirari, cur nemo de commodis plebis ageret: eò impendi laborem ac periculum, unde emolumentum atq; honos speretur. nihil non aggressuros homines, si magna conatis magna præmia proponantur: ut quidem aliquis tribunus plebis ruat cæcus in certamina periculo ingenti, fructu nullo: ex quibus pro certo habeat, patres, aduersus quos tenderet, bello inexpiabili se persecuturos: apud plebem, pro qua dimicauerit, nihilo se honoratiore fore: neq; sperandum, neq; postulandū esse. magnos animos, magnis honoribus fieri. neminem se plebeium contempturum, ubi contemni desissent. experiendā rem deniq; in uno aut altero esse: sit ne aliquis plebeius ferendo magno honori: an portento simile miraculoq; sit, fortē ac strenuum uirum aliquem existere ortum ex plebe. Summa uir expugnatum esse, ut tribuni militū cōsulari potestate et ex plebe crearentur. petisse uiros domi militiæq; spectatos: primis annis sugillatos, repulsos, risui patribus fuisse: desisse postremo præbere ad contumeliā os. nec se uidere cur non lex quæque abrogetur, qua id liceat quod nunquam futurum sit: minorem quippe ruborem fore in iuris iniquitate, quàm si per indignitatem ipsorum prætereantur. Huius generis orationes

orationes cum assensu auditæ incitauere quosdam ad petendum tribunatum militum: alium alia de commodis plebis laturum se in magistratu profitentem. Agri publici diuidendi, coloniarumq; deducendarum ostentata spes: et uectigali possessoribus agrorum imposito, in stipendium militum erogandi æris. Captatum deinde tempus ab tribunis militum, quo per discessum hominum ab urbe, cum patres clandestina denuntiatione reuocati ad diem certam essent, senatuscōsultum fieret absentibus tribunis plebis: ut quoniam Volscos in Hernicorum agros prædatū exisse, fama esset, ad rem inspiciendam tribuni militum proficiscerentur, consulariaq; comitia haberentur. Profecti Appium Claudium filium decemuiui præfectum urbis relinquunt, impigrum iuuenē, et iam inde ab incunabulis imbutum odio tribunorum plebisq;: tribunis plebis nec cum absentibus ijs qui senatus consultum fecerant: nec cū Appio transactare, quod contenderent, fuit. Creati consules, C. Sempronius Atratinus, Q. Fabius Vibulanus. Peregrina res, sed memoria digna traditur eo anno facta. Vulturnum Hetruscorum urbem, quæ nunc Capua est, ab Samnitibus captam: Capuamq; ab duce eorum Capye, uel (quod propius uero est) à campestri agro appellatam. cepere autem prius bello fatigatis Hetruscis, in societatem urbis agrorumq; accepti: deinde festo die grauatos somno epulisque incolas ueteres noui coloni nocturna cæde adorti. His rebus actis, cōsules ij quos diximus, idibus Decembribus magistratum ocepere. Iam nō solum qui ad id missi erant, retulerant imminere Volscum bellū: sed legati quoque ab Latinis et Hernicis nuntiabant: nō antè unquam Volscos nec ducibus legendis, nec exercitui scribendo intentiores fuisse: uulgo fremere, aut in perpetuū arma bellumq;

lumq; obliuioni danda, iugumq; accipiendum: aut ijs cum quibus de imperio certetur, nec uirtute, nec patientia, nec disciplina rei militaris cedendum esse. Haud uana attuleret: sed nec perinde patres moti sunt, & C. Sēpronius, cui ea prouincia sorte euenit, tanquam constantissimæ rei fortunæ fretus, quòd uictoris populi exercitum aduersus uictos duxisset, omnia temere ac negligenter egit: adeo ut discipline Romanæ plus in Volscis exercitu, quàm in Romano esset. ergo fortuna, ut sæpe aliàs, uirtutem est secuta. Priuo prælio quod ab Sempronio incaute inconsulteq; commissum est, nō subsidijs firmata acie, non equite apte locato concursus est. clamor indicium primum fuit quò res inclinatura esset: excitatior crebriorq; ab hoste sublatu: ab Romanis dissonus, impar, segnis, sæpe iteratus, incerto clamore prodidit pauorem animorum. Eo ferocior illatus hostis urgere scutis, micare gladijs: altera ex parte nutant circūspectantibus galeæ, & incerti trepidant, applicantq; se turbæ: signa nunc resistentia deseruntur ab antesignanis, nūc inter suos manipulos recipiuntur. Nōdum fuga certa, nondum uictoria erat. tegi magis Romanus, quàm pugnare. Volscus inferre signa: urgere aciem: plus cædis hostium uidere, quàm fugæ. Iam omnibus locis ceditur, ne quicquam Sempronio consule obiurgante atq; hortante, nihil nec imperium nec maiestas ualebat: dataq; mox terga hostibus frēt, ni Sex. Tēpanius decurio equitū labēte iā re præsentī animo subuenisset. Qui cū magna uoce exclamasset, ut equites qui saluam remp. uellent esse, ex equis desilirent: omnium turmarum equitibus uelut ad consulis imperium motis, Nisi hæc, inquit, armata cohors sistat impetū hostium, actum de imperio est. sequimini pro uexillo cuspidē meam: ostendite Romanis Volscisq;, neq; equitibus

equitibus uobis ullos equites, nec peditibus esse pedites pares. Cum clamore comprobata adhortatio esset, uadit alticuspidem gerens: quacunq; incedunt, ui uiam faciunt: eò se inferunt obiectis pennis, ubi suorum plurimum laborẽ uident. restituitur omnibus locis pugna, in quæ eos impetustulit. nec dubium erat, quin si tam pauci simul obire omnia possent, terga daturi hostes fuerint. Et cū iam parte nulla sustinerentur, dat signum Volsus imperator, ut parmatis, nouæ cohorti hostium locus detur, donec impetu illati ab suis excludantur. quod ubi est factum, interclusi equites: nec prorumpere eadem quā transierāt, posse: ibi maxime confertis hostibus, quā uiam fecerant. Et cōsul legionesq; Romanæ, cum quod tegamen modo omnis exercitus fuerat, nusquam uiderent: ne tot fortissimos uiros interclusos opprimeret hostis, tendunt in quencunq; casum. diuersi Volsci, hinc consulem ac legiones suslinere: altera fronte instare Tempanio atq; equitibus. qui cū sæpe conati nequissent perrumpere ad suos, tumulto quodam occupato, in orbem se tutabantur, nequaquam inulti. nec pugnae finis ante noctẽ fuit. consul quoq; nusquā remisso certamine, dum quicquam superfuit lucis, hostem tenuit: nox incertos diremit. tantusq; ab imprudentia euentus utraq; castra tenuit pauor, ut relictis saucijs, et magna parte impedimentorum, ambo pro uictis exercitus se in montes proximis reciperet. tumultus tamẽ circūseßus ultra mediã noctem est: quò cum circūsedetibus nuntiatũ esset castra deserta esse, uictos rati suos et ipsi quā quẽq; in tenebris pauior tulit, fugerũt. Tempanius metu insidiarũ suos ad lucẽ tenuit: digressus deinde ipse cū paucis speculatũ, cū ab saucijs hostibus sciscitãdo cõperisset castra Volscorũ deserta esse, letus ab tumulto suos deuocat, et in castra Romana penetrat:

penetrat: ubi cum uasta defertaq; omnia, atq; eandem quā apud hostes fœditatem inuenisset, prius quam Volscos cognitus error reduceret, quibus poterat saucijs ductus secū, ignarus quam regionem consul petisset, ad urbem proximus itineribus pergit. Iam eò fama pugnae aduersæ castrorumq; desertorū perlata erat: & ante omnia deplorati erant equites non priuato magis quàm publico luctu: Fabiusq; cōsul terrore urbi quoq; iniecto stationē ante portas agebat: cum equites procul uisi nō sine terrore ab duib; quinam essent, mox cogniti tantam ex metu lætitiā fecere, ut clamor urbē peruaderet gratulantiū saluos uiatoresq; redisse equites: & ex mœstis paulo ante domibus quæ conclamauerāt suos, procurreretur in uias: pauideq; matres ac cōiuges, oblita præ gaudio decoris, obuiā agmini occurrerēt, in suos quæq; simul corpore atq; animo uix præ gaudio cōpote effusæ. Tribunis plebis qui M. Posthumio & T. Quintio diem dixerāt, quod ad Veios eorū opera male pugnatum esset, occasio uisa est per recens odiū Sempronij consulis renouandæ in eos inuidiæ. itaq; aduocata concione cum proditā Veijs remp. esse ab ducibus, proditū deinde, quia illis impune fuerit, in Volscis ab consule exercitum, traditos ad cædem fortissimos equites, deferta fœde castra uociferati essent: C. Iulius unus ex tribunis Tempaniū equitem uocari iussit. coramq; eis, Sexte Tempani, inquit, quæro de te, arbitreris ne C. Sempronium consulem aut in tempore pugnam inisse, aut firmasse subsidij aciem? aut ullo boni consulis functum officio? & tu ne ipse uictis legionibus Romanis tuo consilio equitem ad pedes deduxeris? restituerisq; pugnam? excluso deinde ab acie nostra tibi atque equitibus num aut consul ipse subuenerit aut miserit præsidium? postero deniq; die ecquid præsidij

præsidij usquam habueris? an tu cohorsq; in castra uestra uirtute perruperitis? ecquem in castris consulem, ecquem exercitum inueneritis? an deserta castra, relictos saucios milites? Hæc pro uirtute tua fideq; qua una hoc bello resp. stetit, dicenda tibi sunt hodie. Deniq; ubi C. Sempronius, ubi legiones nostræ sint? desertus sis, an deserueris consulem exercitumq;? uicti deniq; simus, an uicerimus? Aduersus hæc Tempanij oratio incompta fuisse dicitur: ceterum militriter grauis, non suis uana laudibus, non crimine alieno lata. Quanta prudentia rei bellicæ in C. Sempronio esset, non militis de imperatore æstimationem esse, sed populi Romani fuisse, cum cum comitijs consulem legeret. Itaq; ne ab se imperatoria consilia, neu consulares artes exquirere: quæ pësita quoq; magnis animis atq; ingenijs essent: sed quod uiderit, referre posse. Vidisse autem se prius quàm ab acie intercluderetur, consulem in prima acie pignantem, adhortantem, inter signa Romana telaq; hostium uersantem: postea se ab conspectu suorum ablatum, ex strepitu tamen & clamore sensisse usq; ad noctem extractum certamē; nec ad tumultum quem ipse tenuerat, præ multitudine hostium credere perrumpi potuisse. Exercitus ubi esset, se nescire: arbitrari uelut ipse in re trepidæ loci præsidio se suosq; sit tutatus, sic consulem seruandi exercitus causa loca tutiora castris cepisse. Nec Volscorum meliores res esse credere quàm populi Romani fortunam, noctemq; omnia erroris mutui implese. precantēq; deinde ne se fessum labore ac uulneribus tenerent, cum ingenti laude non uirtutis magis quàm moderationis dimissum. Cum hæc agerentur, iam consul uia Lauicana ad fanum Quietis erat. eò missa plaustra iumenta; alia ab urbe, exercitum affectum prælio ac uia nocturna exceper.

Paulò post in urbem est ingressus consul, non ab se magis enixe amouens culpā, quā Tempaniū meritis laudibus ferens. Mæstæ ciuitati ab re male gesta, & iratæ ducibus M. Posthumius reus obiectus, qui tribunus militū pro consule ad Veios fuerat: decē millibus æris grauis damnatur. T. Quintium collegam eius, quia & in Volscis cōsul auspicio dictatoris Posthumij Tuberti, & ad Fidenas legatus dictatoris alterius Mamerci Aemylj res prospere gesserat: totam culpam eius temporis in prædamnatum collegam transfrentem, omnes tribus absoluerunt. profuisse ei Cincinnati patris memoria dicitur, uenerabilis uiri, & exactæ iā ætatis Capitolinus Quintius, suppliciter orans, ne se breui reliquo uitæ spatio tam tristem nuntium ferre ad Cincinnatum paterentur. Plebs tribunos plebis absentes Sex. Tempanium, A. Sellium & Antisium & Spurilium fecit, quos & pro centurionibus sibi præfecerant Tempanio autore equites. Senatus cum odio Sempronij consulare nomen offenderet, tribunos militum consulari potestate creari iussit. creati sunt L. Mælius Capitolinus, Q. Antonius Merenda, L. Papyrius Mugillanus. Principio statim anni L. Hortensius tribunus plebis C. Sempronio consuli anni prioris diem dixit. quem cū quatuor collegæ inspectante populo Romano orarent, ne imperatorē suum innoxium, in quo nihil præter fortunā reprehendi posset, uexaret: egre Hortensius pati, tētationem eam credens esse perseueratiæ suæ, nec precibus tribunorum quæ in speciem modo iactentur, sed auxilio confidere reum. Itaque modo ad eum conuersus, ubi illi patricij spiritus, ubi subnixus & fidens innocentie animus esset querebat: sub tribunitia umbra consularem uirum delituisse. modo ad collegas, Vos autem, si reū perago, quid acturi estis

estis? an crepturi ius populo, & euersuri tribunitiam potestatem? Cum illi & de Sempronio, & de omnibus summam populi Romani potestatem esse dicerent: nec se iudicium populi tollere aut uelle aut posse: sed si preces sue pro imperatore, qui sibi parentis esset loco, non ualuisissent, se uestin cum eo mutaturos: tum Hortensius, Non uidebit, inquit, plebs Romana sordidatos tribunos suos. C. Sempronium nihil moror, quando hoc est in imperio consecutus, ut tam charus esset militibus. nec pietas quatuor tribunorum quam Hortensij tam placabile ad iustas preces ingenium pariter plebi patribusque gravior fuit. Non diutius fortuna Aequis indulgit, qui ambiguam uictoriam Volscorum pro sua amplexi fuerant. proximo anno Cn. Fabio Vibulano, T. Quintio Capitolini filio Capitolino consulibus, ductu Fabij, cui sorte ea prouincia euenerat, nihil dignum memoratu actum. cum trepidam tantum ostendissent aciem Aequi, turpi fuga funduntur haud magno consulis decore. Itaque triumphus negatus: ceterum ob Sempronianae cladis leuatam ignominiam, ut ouans urbem intraret concessum est. Quemadmodum bellum minore quam timuerant dimicatione erat perfectum: sic in urbe ex tranquillo nec opinata moles discordiarum inter plebem ac patres exorta est, coepta ab duplicando quaestorum numero. quam rem, ut praeter duos urbanos quaestores, duo consulibus ad ministeria belli praesto essent, a consulibus relatum cum & patres summa ope approbassent: consulibus tribuni plebis certamen intulerunt, ut pars quaestorum (nam ad id tempus patricij creati erant) ex plebe fieret. aduersus quam actionem primo & consules & patres summa ope annexi sunt. concedendo deinde, ut quemadmodum in tribunis con-

sulari potestate creandis usi sunt, adæque in quæstoribus
 liberum esset arbitrium populi: cum parum proficerent, to-
 tam rem de augendo quæstorum numero omittunt. Exci-
 piunt omissam tribuni, aliæq; subinde, inter quas & agra-
 riæ legis, seditiosæ actiones existunt: propter quos motus
 cum senatus consules quàm tribunos creari mallet; neque
 posset per intercessionem tribunitiam senatus consultū fie-
 ri; resp. à consulibus ad interregnum, neq; id ipsum (nam
 coire patricios tribuni prohibebant) sine certamine ingēti
 redit. Cū pars maior insequentis anni per novos tribunos
 plebis & aliquot interreges certaminibus extracta esset:
 modo prohibentibus tribunis patricios coire ad prodē-
 dum interregem, modo interregem interpellantibus ne se-
 natus consultū de comitijs consularibus faceret: postremo
 L. Papyrius Mugillanus proditus interrex castigādo nūc
 patres, nunc tribunos plebis, desertam omissamq; ab homi-
 nibus remp. deorum prouidentia curaq; exceptam memo-
 rabat Veientium inducijs, & cunctatione Aequorum sta-
 re: unde siquid increpet terroris, sine patricio magistratu
 placere remp. opprimi: non exercitum, non ducem scriben-
 do exercitui esse. an bello intestino bellum externum pro-
 pulsuros? quæ si in unum cōueniant, uix deorū opibus
 quin obruatur Romana res, resisti posse: quin illi, remit-
 tendo de summa quisq; iuris medijs copularent cōcordiā:
 patres patiendos tribunos militum pro consulibus fieri: tri-
 buni plebis non intercedendo, quo minus quatuor quæsto-
 res promiscue de plebe ac patribus libero suffragio popu-
 li fierent. tribunitia primū comitia sunt habita: creati tri-
 buni cōsulari potestate omnes patricij, L. Quintius Cin-
 cinnatus tertiū, Sex. Furius Medullinus iterū, M. Mālius,
 A. Sēpronius Atratinus. Hoc tribuno comitia quæstorum
 habente

habente, petentibusq; inter aliquot plebeios filio Antistij tribuni plebis, & fratre alterius tribuni plebis Sex. Pompeij, nec potestas, nec suffragatio horum ualuit, quin quorum patres auosq; consules uiderant, eos nobilitate praeferrent. Furere omnes tribuni plebis, ante omnes Fompius Antistiusq; repulsa suorum accensi. quid nam id rei esset? non suis beneficijs, non patrum iniurijs, non deniq; usurpandi libidine, cum liceat quod antè non licuerit, si non tribunum militarem, ne quæstorè quidè quenquam ex plebe factum: non ualuisse patris pro filio, fratris pro fratre preces, tribunorum plebis, potestatis sacrosanctæ ad auxilium libertatis creatæ. Fraudem profecto in re esse, & A. Sempronium comitijs plus artis adhibuisse, quàm fidei: eius iniuria queri suos honore deiectos. Itaq; cum in ipsum & innocentia tutum, & magistratu in quo tunc erat, impetus fieri non posset, flexere iras in C. Sempronium patruelem Atratinum: eiq; ob ignominiam Volsci belli adiutore collega M. Canuleio diem dixere. subinde ab eisdem tribunis mentio in senatu de agris diuidendis illata est: cui actioni semper acerrime C. Sempronius resistit: ratis id quod erat, aut deposita causa leuiorem futurum apud patres reum, aut perseverantem sub iudicii tempus plebem offensurum. aduersæ inuidiæ obijci maluit, & suæ nocere causæ, quàm publicæ deesse: stetitq; in eadem sententia, ne qua largitio cessura in trium gratiam tribunorum fieret. nec tum agrum plebi, sed sibi inuidiam queri: se quoq; subiturum eam tempestatem forti animo: nec senatui tanti se ciuem aut quenquam alium debere esse, ut in parcendo uni malum publicum fiat. Nihilo demissiore animo cum dies uenit causa ipse pro se dicta, nequicquam omnia expertis patribus ut mitigaret plebem, quindecim millibus æris damnatur. Eodè

anno Posthumia uirgo uestalis de incestu causam dixit,
 crimine innoxia: ob suspicionem propter cultum amœnio
 rem, ingeniumq; liberior quàm uirginem decet, parū ab=
 horrens famam. Ampliatam, deinde absolutam pro collegij
 sententia pontifex maximus abstinere iocis, coliq; sancte
 potius quàm scite iussit. Eodem anno à Campanis Cumæ,
 quam Græci tum urbem tenebant, capiuntur. Insequens
 annus tribunos militū cōsulari potestate habuit Agrippā
 Menenium Lanatum, P. Lucretium Tricipitinū, Sp. Nau=
 tium. Annus felicitate populi Romani periculo potius in=
 genti, quàm clade insignis. seruitia urbem ut incenderent
 distantibus locis, coniurarūt: populoq; ad opem passim fe=
 rendam tectis intento, ut arcem capitoliiq; armati occu=
 parent. Auertit nefanda consilia Iupiter: indicioq; duorū
 cōprehensi fontes poenas dederunt. indicibus dena millia
 grauis æris, quæ tum diuitiæ habebātur, ex ærario nume=
 rata, & libertas præmiū fuit. Bellum inde ab Aequis repa=
 rari cœptum: & nouos hostes Lauicanos consilia cum ue=
 teribus iungere, haud incertis autoribus Romam est alla=
 tum. Acquorū iam uelut anniuersarijs armis assueuerat ci=
 uitas. Lauicos legati missi cum responsa inde retulissent
 dubia, quibus nec tunc bellum parari, nec diuturnam pacē
 fore appareret: Thusculanis negotiū datum, aduerterent
 animos nequid noui tumultus Lauicis oriretur. Ad inse=
 quentis anni tribunos militū cōsulari potestate inito ma=
 gistratu legati ab Thuscūlo uenerunt, L. Sergiū Fiden=
 tem, M. Papyriū Mugillanū, C. Seruiliū Q. Seruiliij Pri=
 sci filiū, quo dictatore Fidenæ captæ fuerant. nuntiabant
 legati Lauicanos arma cepisse, & cū Aequorum exercitu
 depopulatos agrū Thusculanū castra in Algido posuisse.
 Tū Lauicanis bellū indictū: factoque senatuscōsulto ut duo
 ex trib

ex tribunis ad bellū proficiscerētur, unus res Romæ cura-
ret: certamē subito inter tribunos exortū. se quisq; belli du-
cē potiorē ferre: curā urbis ut ingrata ignobilēq; asperna-
ri. Cū parū decorū inter collegas certamē mirabudi patres
cōspicerent: Q. Seruilius, Quando nec ordinis huius ulla,
inquit, nec reip. est uerecūdia, patria maiestas altercatio-
nem istam dirimet: filius meus extra sortē urbi præerit. bel-
lum utinā qui appetunt, cōsyderatius concordiusq; quā
cupiunt, gerāt. Delectū haberi nō ex toto passim populo
placuit: decē tribus sorte ductæ sunt. ex his scriptos iunio-
res duo tribuni ad bellū duxere. Cæpta inter eos in urbe
certamina cupiditate eadē imperij multo impēsius in ca-
stris accendi: nihil sentire idē, pro sententia pugnare: sua
cōsilia uelle, sua imperia sola rata esse: contēnere inuicem
& cōtemni: donec castigātibus legatis tandē ita cōparatū
est, ut alternis diebus summā imperij haberent. Quæ cum
allata Romā essent, dicitur Q. Seruilius ætate & usu do-
ctus, precatus ab dijs immortalibus ne discordia tribuno-
rum damnosior reip. esset quā ad Veios fuisset: & uelut
haud dubia clade immunēte, institisse filio ut milites scribe-
ret, & arma pararet. Nec falsus uates fuit. nā ductu L. Ser-
gij, cuius dies imperij erat, loco iniquo sub hostiū castris,
cū quia simulato metu receperat se hostis ad uallum, spes
uana expugnādi castra eò traxisset: repētino impetu Ae-
quorū per supinā uallē fusi sunt: multiq; in ruina maiore
quā fuga oppressi obrūcati q;: castraq; eo die ægre retē-
ta, postero die circūfusus iā magna ex parte hostibus, per
auersam portā fuga turpi deserūtur. duces legatiq; et qđ
circa signa roboris de exercitu fuit, Thusculū petiere. Pa-
lati alij per agros passim multis itineribus maioris q̄ acce-
pta erat, cladis nūtij Romā cōtēderūt. Minus trepidatiōis

fuit, quòd euentus timori hominum congruens fuerat : & quòd subsidia quæ respicerent , in re trepida præparata erant ab tribuno militũ: iussuq; eiusdem per minores magistratus sedato in urbe tumultu , speculatores propere missi nuntiauerunt Thusculi duces exercitumq; esse, hostem castra loco nõ mouisse. & quod plurimũ animorũ fecit, dictator ex senatusconsulto dictus Q. Seruilius Priscus, uir cuius providentiam in rep. cũ multis alijs tempestatibus antè experta ciuitas erat , tum euentu eius belli, quod uni certamen tribunorum suspectum ante rem male gestã fuerat: magistro equitũ creato, à quo ipse tribuno militũ dictator erat dictus , filio suo, ut tradidere quidã (nam alij Halam Seruiliũ magistrũ equitũ eo anno fuisse scribunt) nouo exercitu profectus ad bellum , accitis qui Thusculi erant, duo millia passuũ ab hoste locũ castris cepit. Transierat ex re bene gestã superbia negligentiaq; ad Aequos quæ in Romanis ducibus fuerat. Itaq; primo statim prælio cũ dictator equitatu immisso antesignanos hostiũ turbasset: legionũ inde signa inferri propere iussit: signiferumq; ex suis unum cunctantem occidit. tantus ardor ad dimicandum fuit, ut impetũ Aequi nõ tulerint: uictiq; acie cũ fuga effusa petissent castra , breuior tempore & certamine minor castrorũ oppugnatio fuit quàm præliũ fuerat. captis direptisq; castris cum prædam dictator militi concessisset, secutiq; fugientẽ ex castris hostẽ equites renuntiaissent omnes Lauicanos uictos, magnam partẽ Aequorum Lauicos cõfugisse: postero die ad Lauicos ductus exercitus: oppidũq; corona circumdatũ, scalis captũ ac direptũ est. Dictator exercitu uictore Romam reducto, die octauo quàm creatuserat, magistratu se abdicauit. et opportune senatus prius quàm ab tribunis plebis agrariæ seditiones mëtione illata

illata de agro Lauicano diuidendo fierent, censuit frequēs coloniam Lauicos deducendam. coloni ab urbe mille & quingēti müssi bina iugera acceperunt. Captis Lauicis, ac deinde tribunis militum cōsulari potestate Agrippa Mænenio Lanato, & L. Seruilio Structo, & P. Lucretio Tri-
cipitino, iterū omnibus his, & Sp. Rutilio Crasso: & inse-
quenti anno A. Sempronio Atratino tertium, & duobus
iterum M. Papyrio Mugillano, & Sp. Nautio Rutilio:
bienniū tranquillæ externæ res, discordia domi ex agra-
rijs legibus fuit. Turbatores uulgi crāt Sp. Mecilius quar-
tum, & Metilius tertium tribuni plebis ambo absentes
creati. & cum rogationem promulgassent ut ager ex ho-
stibus captus uiritim diuideretur, magnæq; partis nobi-
lium eo plebiscito publicaretur fortunæ (nec enim ferme
quicquam agri, ut in urbe alieno solo posita, nō armis par-
tum erat: nec quod uenisset, assignatum uel publice esset,
præterquam plebs habebat) atrox plebi patribusq; pro-
positum uidebatur certamen: nec tribuni militum nunc in
senatu, nunc in cōsilijs priuatis principum cogēdis uiam
cōsiliij inueniebant. Cum Ap. Claudius, nepos eius qui de-
cemuir legibus scribendis fuerat, minimus natus ex patrū
concilio dicitur dixisse: uetus se ac familiare consilium do-
mo afferre: proauum enim suum Ap. Claudium ostendisse
patribus uiam unam dissoluendæ tribunitiæ potestatis per
collegarum intercessionem. facile homines novos authorita-
te principum de sententia deduci, si temporum interdum
potius quàm maiestatis memor adhibeatur oratio. pro for-
tuna illis animos esse: ubi uideant collegas principes agen-
dæ rei gratiam omnē ad plebem præoccupasse, nec locum
in ea relictum sibi, haud grauate acclinaturos se ad cau-
sam senatus: per quam uniuerso ordini cū primoribus se

patrū concilient. Approbantibus cunctis, & ante omneis
 Q. Seruilio Prisco, quod nō degenerasset ab stirpe Clau-
 dia collaudante iuuenē, negotium datur ut quos quisque
 posset ex collegio tribunorū ad intercessionē perlicerēt.
 Misso senatu prchē santur ab principibus tribuni: suaden-
 do, monendo, pollicendoq; gratum id singulis priuatim,
 gratum uniuerso senatui fore, sex ad intercessionem cōpa-
 rauere. Posteroq; die cum ex cōposito relatum ad senatū
 esset de seditione quam Mesiilius Metiliusq; largitione
 pessimi exempli cōcirent: eæ orationes à primoribus pa-
 trum habitæ sunt, ut pro se quisq; iam nec cōsiliū sibi sup-
 petere diccret: nec se ullā opem cernere aliam usquā, præ-
 terquā in tribunatio auxilio: in eius potestatis fidem cir-
 cumuentā remp. tanquā priuatū inopem confugere. præ-
 clarū ipsis potestatiq; esse, nō ad uexādum senatū, discor-
 diamq; ordinū mouēdam plus in tribunatu uirium esse, q̃
 ad resistendum improbis collegis. Fremtus deinde uniuer-
 si senatus ortus, cū ex omnibus partibus curiæ tribuni ap-
 pellarentur: tum silentio factō ij qui præparati erant gra-
 tia principum, quam rogationē à collegis promulgatam
 senatus censeat dissoluendæ reipu. esse, ei se intercessuros
 ostēdunt. Gratiæ intercessoribus ab senatu actæ. Latore
 rogationis concione aduocata proditores plebis cōmodo-
 rum, ac seruos cōsulariū appellantes, aliāq; truci oratio-
 ne in collegas inuecti actionē deposuere. Duo bella inse-
 quens annus habuisset, quo P. Cornelius Cossus, C. Vale-
 rius Potitus, Quintius Cincinnatus, M. Fabius Vibulanus
 tribuni militum cōsulari potestate fuerunt: ni Veicns bel-
 lum religio principum distulisset, quorum agros Tybe-
 ris super ripas effusus maximè ruinis uillarū uastauit: si-
 mul Aequos triennio antè acceptā clades prohibuit Vo-
 lanis

lanis, suæ gentis populo præsidium ferre. Excursiones inde in cōfinem agrum Lauicanū factæ erant, nouisq; colonis bellū illatū. Quā noxā cū se cōsensu omniū Aequorū defensuros sperassent, deserti ab suis, ne memorabili quidē bello per obsidionē leuēq; unā pugnā et oppidū & fines amisere. Tentatū ab L. Sextio tribuno pl. ut rogationem ferret, qua Volas quoq; sicut Lauicos coloni mitterentur: per intercessionē collegarū, qui nullum plebiscitū, nisi ex autoritate senatus passuros se perferri ostenderūt, discussum est. Volis insequente anno receptis Aequi, coloniaq; eò deducta nouis uiribus oppidum firmarunt, tribunis militum Romæ cōsulari potestate C. Cornelio Cossō, L. Valerio Potito, Q. Fabio Vibulano iterum, M. Posthumio Regillensi. huic bellum aduersus Aequos permissum est, 1X
 prauæ mentis homini: quantū uictoria magis quam bellū ostēdit. Nā exercitu impigre scripto, ductoq; ad Volas, cū leuibis prælijs Aequorū animos fregisset, postremo in oppidum irrupit: deinde ab hostibus in ciues certamē uertit: et cū inter oppugnationē prædam militis fore edixisset, capto oppido fidem mutauit. Eam magis adducor ut credā iræ causam exercitui fuisse, quàm quòd in urbe nuper direpta, coloniaq; noua, minus prædicatione tribuni prædæ fuerit. Auxit eam irā postquam ab collegis accersitus propter seditiones tribunitias in urbē reuertit, audita uox eius in concione stolidā, ac propè uecors: qua Sextio tribuno plebis legem agrariam ferenti, simul Volas quoq; ut mitterētur coloni laturū se dicenti: dignos enim esse qui armis cepissent, eorum urbem agrumq; Volanum esse: Malum quidē militibus meis, inquit, nisi quieuerint. quod auditum non concionem magis quàm mox patres offendit. & tribunus plebis uir acer, nec infacūdus, nactus inter

inter aduersarios superbum ingenium immodicamq; linguam, quam iritando agitandoq; in eas impelleret uoces, quæ inuidiæ non ipsi tantum, sed causæ atq; uniuerso ordini essent, neminē ex collegio tribunorū militum sæpius quàm Posthumium in disceptationem trahebat, Tum uerò secundū tam sæuum atq; inhumanum dictū, Auditis, inquit, Quirites, sicut seruis malum minantem militibus? tamen hæc bellua dignior uobis tanto honore uidebitur, quàm qui uos urbe agrisq; donatos in colonias mittunt, qui sedem senectuti uestræ prospiciunt, qui pro uestris cōmodis aduersus tam crudeles superbosq; aduersarios depugnāt. Incipite deinde mirari, cur pauci iā uestrā suscipiant causam. quid ut à uobis sperēt? an honores, quos aduersarijs uestris potius quàm P. R. propugnatoribus datis? Ingeniistis modo uoce huius audita. quid id refert? iam si suffragium detur, hūc qui malum uobis minatur, ijs qui agros sedesq; ac fortunas stabilire uolunt, præferetis. Perlata hæc uox Posthumij ad milites, multo in castris maiorem indignationem mouit. prædæ ne interceptorē fraudatoremq; etiam malum minari militibus. Itaq; cū fremitus apertē esset: & quæstor P. Sextius eadē uiolentia coerceri putaret seditionē posse, qua mota erat: misso ad uociferantem quendam militem licitore, cū inde clamor & iurgium oriretur, saxo ictus turba excedit: insuper increpante qui uulnerauerat, habere quæstorem, quod imperator esset militibus minatus. Ad hunc tumultum accitus Posthumius asperiora omnia fecit acerbis quæstionibus, crudelibus supplicijs. postremo cum modum iræ nullum faceret: ad uociferationem eorum quos necari sub crate iusserat, concursu factō, ipse ad interpellantis poenam uecors de tribunali decurrit. ibi cum summouentes passim lictores

centu

centurionesq; uexarent turbam, cò indignatio erupit, ut tribunus militum ab exercitu suo lapidibus cooperiretur. Quod tam atrox facinus postquam est Roman nunciatũ, tribunis militum de morte collegæ per senatum quæstiones decernentibus tribuni plebis intercedebant. sed ea còtentio ex certamine alio pēdebat: quòd cura inceserat patres, ne metu quæstionum plebs ira q; , tribunos militũ ex plebe crearet: tendebantq; summa ope, ut cōsules crearentur. Cum senatusconsultum fieri tribuni plebis non paterentur, ijdem intercederent consularibus comitijs, res ad interregnum redijt. uictoria deinde penes patres fuit. Q. Fabio Vibulano interrege comitia habente, cōsules creati sunt, A. Cornelius Cossus, L. Furius Medullinus. His cōsulibus principio anni senatusconsultum factum est, ut de quæstione Posthumianæ cædis tribuni primo quoq; tempore ad plebē ferrent: plebsq; præficeret quæstioni quem uellet. à plebe consensu populi consulibus negotium mandatur. qui summa moderatione ac lenitate per paucorum supplicium, quos sibimetipsos conscisse mortem satis creditum est, transacta re, nequiueret tamen consequi, ut non ægerrime id plebs ferret. iacere tandiu irritas sanctiones, quæ de suis commodis ferrentur: cum interim de sanguine ac supplicio suo latam legem confestim exercecri, et tantam uim habere. Aptissimum tempus erat, uindicatis seditionibus delenimentum animis Volani agri diuisionem obijci: quo facto minuissent desiderium agrariæ legis, quæ possesso per iniuriam agro publico patres pellebat. Tunc hæc ipsa indignitas angebat animos: nō in retinendis modo publicis agris, quos ui teneret, pertinacem nobilitatem esse: sed ne uacuum quidem agrum nuper ex hostibus captum plebi diuidere, mox paucis, ut cætera, futurum

futurum prædæ. Eodem anno aduersus Volscos popu-
lantes Hernicorum fines, legiones ductæ à Furio c o s-
cum hostem ibi non inuenissent: Ferentinum quò magna
multitudo Volscorum se contulerat, cepere. minus prædæ
quàm sperauerant, fuit: quòd Volsci postquam spes tuendi
exigua erat, sublati rebus nocte oppidū reliquerunt. po-
stero die propè desertū capitur. Hernicis ipse ager dono
datus. Annum modestia tribunorū quietum excepit trib.
pl. L. Icilius, Q. Fabio Ambusto, C. Furio Pacilio c o s s.
Is cum principio statim anni uelut pensum nominis fāmi-
liæq; seditiones agrarijs legibus promulgandis ciceret: pe-
stilentia coorta, minacior tamen quàm perniciosior, cogi-
tationes hominū à foro certaminibusq; publicis ad domū
curamq; corporū nutriendorū auertit: minusq; eā damno
sam fuisse quàm seditio futura fuerit, credunt. Defuncta ci-
uitate plurimorū morbis, per paucis funcribus, pestilentē
annum, inopia frugum neglecto cultu agrorū (ut plerūq;
fit) excepit, M. Papyrio Atracino, C. Nautio Rutilio cō-
sulibus. Iam fames, quàm pestilētia tristior erat: ni dimis-
sis circa omnes populos legatis, qui Hetruscum mare,
quiq; Tyberim accolunt, ad frumentum mercandum, an-
nonæ foret subuentum. superbe ab Samnitibus, qui Ca-
puam habebant Cumasq;, legati prohibiti commercio
sunt: contra ea benigne ab Siculorum tyrannis adiuti. ma-
ximos commeatus summo Hetruriæ studio Tyberis deue-
xit. Solitudinem in ciuitate ægra experti consules sunt:
cum in legationes non plus singulis senatoribus inuenien-
tes, coacti sunt binos equites adijcere. Præterquam ab
morbo, annonaq;, nihil eo biēnio intestini, externi uē in-
cōmodi fuit. at ubi hæ sollicitudines discessere, omnia qui-
bus turbari sollicita erat ciuitas, domi discordia, foris bellū
exortum

exortum. M. Aemilio, C. Valerio Potito consulibus, bellum Aequi parabant: Volscis, quanquā non publico consilio capeissentibus arma, uoluntarijs mercede secutis militiam. Ad quorum famā hostium (iam enim in Latinū Heranicūq; transcenderant agrum) delectum habentē Valerium cōsulem M. Menenius tribunus plebis legis Agrariae lator, cum impediret: auxilioq; tribuni nemo inuitus sacramēto diceret: repēte nunciatur, arcem Caruentanam ab hostibus occupatā esse. Ea ignominia accepta cū apud patres inuidiae Menenio fuit: tum cæteris tribunis iam antē preparatis intercessoribus legis agrariae, praeiuit iustiorē causam resistendi collegae. Itaq; cum res diu ducta per altercationem esset: cōsulibus deos, hominesq; testantibus, quicquid ab hostibus cladis, ignominiaeq; aut iam acceptum esset, aut immineret, culpam penes Menenium fore, qui delectum impediret: Menenio contrā uociferante, si iniusti domini possessione agri publici cederent, se morā delectui non facere: decreto interposito nouem tribuni sustulerunt certamen: pronunciaueruntq; ex collegij sententia: C. Valerio cōsuli se, damnum aliamq; coërcitionē aduersus intercessionē collegae delectus causa detrectantibus militiam inhibenti, auxilio futuros esse. Hoc decreto consul armatus cum paucis appellantis tribunum collum torsisset: metu cæteri sacramento dixerunt. Ductus exercitus ad Caruentanam arcem, quamquam inuisus, infestusq; consuli erat: impigre primo statim aduentu, deiectus qui in praesidio erant, arcem recepit. praedatores ex praesidio per negligentiam dilapsi, occasionē aperire ad inuadendū. Praedae ex assiduis populationibus, quod omnia in locū tutū congesta erant, fuit aliquantum. uenitū sub hasta consul in aerariū redigere quætores iussit:

tum

tum prædicans participem prædæ fore exercitum, cum militiam non abnuisset. Auctæ inde plebis, ac militum in consulem iræ. itaq; cum ex senatusconsulto urbem ouans introiret: alternis incōditi uersus militari licentia iactati: quibus consul increpitus, Menenij celebre nomē laudibus fuit: cum ad omnem mentionē tribuni fauor circumstantis populi plausuq; & assensu cum uocibus militum certaret. plusq; ea res, quàm propè solennis militum lasciuiā in cōsulem, curæ patribus iniecit. & tanquā haud dubius inter tribunos militum honos Menenij, si peteret, consularibus comitijs est exclusus. Creati consules sunt Cn. Cornelius Cossus, L. Furius Medullinus iterū. Nō aliās ægrius plebs tulit tribunitia sibi comitia non commissa. cum dolorem quæstorij comitijs simul ostendit & ulta est, tunc primū plebeijs quæstoribus creatis: ita, ut in quatuor creandis uni patricio C. Fabio Ambusto relinqueretur locus: tres plebeij, Q. Silius, P. Aelius, P. Pipius, clarissimarum familiarum iuuenibus præferrentur. Autores fuisse tam liberi populo suffragij Icilio accipio, ex familia infestissima patribus, tres in eum annum tribunos plebis creatos, multarum magnarumq; rerum molem auidissimo adeo populo ostentantes: cum affirmassent nihil se moturos, si ne quæstorij quidem comitijs, quæ sola promiscua plebi patribusq; reliquisset senatus, satis animi populo esset ad id, qd' tandiu uellent & per leges liceret. Pro ingenti itaq; uictoria id fuit plebi: quæsturamq; nō honoris ipsius finem æstimabant: sed patefactus ad cōsulatum, ac triumphos locus nouis hominibus uidebatur. Patres contrā, non pro communicatis, sed pro amissis honoribus fremere: negare, si ea ita sint, liberos tollendos esse: qui pulsi maiorum loco, cernentesq; alios in possessione dignitatis suæ, salij, flamines

flaminesq; nusquam aliò, quàm ad sacrificandum pro populo sine imperijs ac potestatibus relinquuntur. Iritatis utriusq; partis animis, cum & spiritus plebes sumpisset: & tres ad popularem causam celeberrimi nominis haberet duces: patres omnia quæstorijs comitijs, ubi utrunque plebi liceret, similia fore cernentes, tendere ad consulum comitia, quæ nondum promiscua essent. Icilijs contrà tribunos militum creandos dicere, & tandem aliquando impartiendo plebi honores. Sed nulla erat consularis actio, quam impediendo id quod petebant, exprimeret: cum mira opportunitate Volscos & Aequos prædatum extra fines exisse in agrum Latinum Hernicumq; affertur. ad quod bellum ubi ex senatuscòsulto consules delectum habere occipiunt, ob stare tunc enixe tribuni, sibi plebiq; eam fortunam oblatam memorantes. Tres erant & omnes acerrimi uiri, generosiq; etiam, ut inter plebeios. duo singuli singulos sibi consules asseruandos assidua opera desumunt: uni concionibus data nunc detinenda, nunc concienda plebs. Nec delectum consules, nec comitia quæ petebant, tribuni expediebant. inclinante deinde se fortuna ad causam plebis, nuntij ueniunt: arcem Caruentanā dilapsis ad prædam militibus qui in præsidio erant, Aequos interfectis paucis custodibus arcis inuasisse: alios recurrentes in arcem, alios palantes in agris cæsos. Ea aduersa ciuitati res uires tribunitiæ actioni adiecit. nequicquam enim tentati ut tum denique desisterent impediendo bello, postquam non cessere nec publicæ tempestati nec suæ inuidiæ, peruiunc, ut senatusconsultum fiat de tribunis militum creandis: certo tamen pacto, ne cuius ratio haberetur, qui eo anno tribunus plebis esset: ne uel quis resciceretur in annum tribunus plebis: haud dubie Icilijs denotante senatu,

t

quos

quos mercedem seditiosi tribunatus, petere consulatū in-
 simulabant. Tum delectus haberi, bellumq; omnium ordi-
 num consensu apparari cœptum. Consules ambo profecti
 sint ad arcem Caruentanam, an alter ad comitia habenda
 substituerit, incertum diuersi autores faciunt. illa pro certo
 habenda, in quibus non dissentiunt: ab arce Caruentana,
 cum diu nequicquam oppugnata esset, recessum: Verrugi-
 nem in Volscis eodem exercitu receptam, populationesq;
 & prædas & in Aequis & in Volscis agro ingentes fa-
 ctas. Romæ sicut plebis uictoria fuit in eo, ut quæ mallent
 comitia haberent: ita euentu comitiorum patres uicere.
 namq; tribuni militum consulari potestate cōtra spem o-
 mnium tres patricij creati sunt, C. Iulius Tullus, C. Corne-
 lius Cossus, C. Seruilius Hala. Artem adhibitam ferunt à
 patricijs, cuius eos Iciliij tum quoq; insimulabāt, quòd tur-
 bam indignorum cādidatorum intermiscendo dignis, tæ-
 dio sordium in quibusdam insignium populum à plebeijs
 auertissent. Volscos deinde & Aequos, seu Caruētana arx
 retenta in spem, seu Verrugine amissum præsidium ad iram
 cum impulisset, fama affertur, summa ui ad bellum coor-
 tos: caput rerum Antiates esse. eorū legatos utriusq; gen-
 tis populos circumnisse, castigantes ignauiam: quòd abditi
 intra muros populabūdos in agris uagari Romanos pri-
 ore anno, et opprimi Verruginis præsidium passi essent. iam
 non exercitus modo armatos, sed colonias etiā in suos fi-
 nes mittere: nec ipsos modo Romanos sua diuisa habere, sed
 Ferentinum etiam de se captum Hernicis donasse. Ad hæc
 cum inflammarentur animi, ut ad quosq; uentum erat, nu-
 merus iuniorum conscribebatur. Ita omnium populorū iu-
 uentus Antium cōtracta. ibi castris positis hostē opperiebā-
 tur. Quæ ubi tumultu maiore etiā quàm res erat, nuntiā-
 tur Ro

tur Romam: senatus extemplo (quod in rebus trepidis ultimum consilium erat) dictatorem dici iussit. Quam rem egre passos, Iulium Corneliumq; ferunt: magnoq; certamine animorum rem actam: cum primores patrum nequicquam conquesti non esse in autoritate senatus tribunos militum, postremo etiam tribunos plebis appellarent, et consulis quoq; ab ea potestate uim super tali re inhibitam referrent: tribuni plebis leti discordia patrum, nihil esse in his auxilij dicerent, qui non ciuium, non deniq; hominum numero essent. si quando promiscui honores, communicata respublica esset, tum se animaduersuros, nequa superbia magistratuum irrita senatus consulta essent. interim patri-
cij soluti legum magistratuumq; uerecundia, per se quoq; tribunitiam potestatem agerent. Hæc contentio minime idoneo tempore, cum tantum belli in manibus esset, occupauerat cogitationes hominum: donec ubi diu alternis Iulius Corneliusq;, cum ad id bellum ipsi satis idonei duces essent, non esse æquum, mandatum sibi à populo eripi honorem, differuere: tum Hala Seruilius Trib. mil. tacuisse se tandiu ait, non quia incertus sententiæ fuerit (quem enim bonum ciuem discernere sua à publicis consilia?) sed quia maluerit collegas sua sponte cedere autoritati senatus, quam tribunitiam potestatem aduersus se implorari patere-
rentur. tum quoq; si res sineret, libenter se daturum tempus ijs fuisse ad receptum nimis pertinacis sententiæ. sed cum belli necessitates non expectent humana consilia, potiorē sibi collegarum gratia rempub. fore. et si maneat in sententia senatus, dictatorem nocte proxima dicturum: ac si quis intercedat, senatusconsulti autoritate se fore contentum. Quo facto, cum haud immeritā laudem, gratiamq; apud omnes tulisset: dictatore P. Cornelio dicto, ipse ab eo ma-

gister equitum creatus est. Exemplo fuit collegas eumq; intuentibus, quàm gratia atq; honos opportuniora interdum non cupiētibus essent. Bellum haud memorabile fuit. uno, atque eo facili praelio cæsi ad Antium hostes. victor exercitus depopulatus Volscū agrum. castellum ad lacum Fucinum ui expugnatum: atq; in eo tria millia hominum capta: cæteris Volscis intra mœnia compulsis, nec defendentibus agros. Dictator bello ita gesto, ut tantum non de- fuisse fortunæ uideretur: felicitate, quàm gloria maior in urbem redijt: magistratuq; se abdicauit. Tribuni militum mentione nulla comitiorum consularium habita (credo ob iram dictatoris creati) tribunorum militum comitia edixerunt. Tum uero grauior cura patribus incescit: quippe cū prodi causam ab suis cernerent. Itaque sicut priore anno per indignissimos ex plebeijs cādidos omniū etiam dignorū tedium fecerāt: sic tum primoribus patrū splendore gratiaq; ad petendū preparatis, omnia loca obtinuerunt: necui plebeio aditus esset. quatuor creati sunt, omnes iam functi eo honore, L. Furius Medullinus, C. Valerius Potitus, Cn. Fabius Vibulanus, C. Seruilius Hala. hic refectus continuato honore, cum ob alias uirtutes, tum ob recentem fauorem unica moderatione partum. Eo anno, quia tempus induciarum cum Veienti populo exierat: per legatos, socialesq; res repeti cœptæ. quibus uenientibus ad finem legatio Veientium obuiam fuit. petiere, ne priusquam ipsi senatum Romanum adissent, Veios iretur. Ab senatu impetratum, quia discordia intestina laborarent Veientes, ne res ab ijs repeterentur. tantum absuit ut ex incommodo alieno sua occasio peteretur. Et in Volscis accepta clades, amisso Verrugine præsidio. ubi tantum in tempore fuit momenti, ut cum precantibus opem militibus,

tibus, qui ibi à Volscis obsidebantur, succurri, si maturatum esset, potuisset: ad id uenerit exercitus subsidio missus, ut ab recenti cæde palati ad prædandum hostes opprimerentur. Tarditatis causa in senatu magis fuit, quàm tribunis. qui, quia summa ui resistere nuntiabantur, parum cogitauerunt, nulla non uirtute superari humanarum uirium modum. fortissimi milites non tamē nec uiui, nec post mortem inulti fuere. Insequenti anno, P. & Cn. Cornelius Cossis, C. Fabio Ambusto, L. Valerio Potito, tribunis militum consulari potestate, Viciens bellum motum ob superbum responsum Vicientis senatus. qui legatis repetentibus res, ni facerent propere urbe finibusq; , duros quod Lars Tolumnius dedisset, responderi iussit. Id patres ægre passi, decreuerunt, ut tribuni militum de bello indicendo Vicientibus primo quoq; die ad populum ferret. Quod ubi primo promulgatum est, fremere iuuentus: nondum debellatum cum Volscis esse: modo duo præsidia occisione occisa cum periculo retineri: nullum annum esse, quo non acie dimicaretur: & tanquam pœniteat laboris, nouum bellum cum finitimo populo, & potentissimo parari: qui omnem Hetruriam sit concitaturus. Hæc sua sponte agitata insuper tribuni plebis accendunt. Maximum bellum patribus cum plebe esse dictitant: eam de industria uexandam militia, trucidandamq; hostibus obijci: eam procul urbe haberi, atque ablegari: ne domi per otium memor libertatis coloniarumq; , aut agri publici, aut suffragij libere ferendi consilia agitet. prehensantesq; ueteranos, stipendia cuiusque, & uulnera, ac cicatrices numerabant: quid iam integri esse in corpore loci ad noua uulnera accipienda? quid superesse sanguinis, qui dari pro republica posset? rogantes. Hæc cum in sermonibus, concionibusq;

interdum agitantes, auertissent plebem ab suscipiendo bello, profertur tempus serundæ legis: quam, si subiecta inuidiæ esset, antiquari apparebat. Interim tribunos militum in Volscum agrum ducere exercitum placuit. Cn. Cornelius unus Romæ relictus. Tres tribuni, postquam nullo loco castra Volscorum esse, nec commissuros se prælio apparuit: tripartito ad deuastandos fines discessere. Valerius Antium petit, Cornelius Ectras. quacunq; incessere, late populati sunt tecta agrosq; , ut distingerent Volscos. Fabius, quod maxime petebatur, ad Anxur oppugnandum sine ulla populatione accessit. Anxur fuit, quæ nunc Tarracinae sunt: urbs prona in paludes. ab ea parte Fabius oppugnationem ostendit. Circummissæ quatuor cohortes cum C. Seruilio Hala, cum iminentem urbi collem cepissent: ex loco altiore, quàm nullum erat præsidium, ingenti clamore ac tumultu moenia inuasere. ad quem tumultum obstupescit, qui aduersus Fabium urbem insimam tuebantur, locum dedere scalas admouendi. plenaq; hostium cuncta erant: et in muris diu cædes pariter fugientium ac resistentium armorum atq; inermium fuit. cogeantur itaq; uicti, quia cedentibus spei nihil erat, pugnam inire: cum pronunciatum repente, nequis præter armatos uiolaretur, reliquam omnem multitudinem uoluntariam exuit armis: quorum ad duo millia et quingenti uiui capiuntur. à cætera præda Fabius militem abstinuit, donec collegæ uenirent: ab illis quoq; exercitibus captum Anxur dictitans esse, qui cæteros Volscos à præsidio eius loci auertissent. Qui ubi uenerunt, oppidum uetere fortuna opulentum tres exercitus diripere. eaq; primum benignitas imperatorum plebem patribus conciliauit. Additum deinde omnium maxime tempestiuo principum in multitudinem munere, ut ante
mentio

mentionem ullam plebis tribunorum'ue decerneret senatus, ut stipendium miles de publico acciperet, cum ante id tempus de suo quisq; functus eo munere esset. Nihil acceptum unquam à plebe tanto gaudio traditur. concursum itaq; ad curiam esse, prehensatasq; exeuntiū manus, & patres uere appellatos: effectum esse fatentibus, ut nemo pro tam munifica patria, donec quicquam uirium superesset, corpori aut sanguini suo parceret: cum commoditas iuuaret, rem familiarem saltem acquiescere eo tempore, quo corpus addictum atq; operatū reipub. esset, tum quod ultro sibi oblatum esset, non à tribunis plebis unquam agitatatum, non suis sermonibus efflagitatum: id efficiebat multiplex gaudiū cumulationemq; gratiam rei. Tribuni plebis communis ordinum letitiæ concordiaq; soli expertes, negare tam id letum patribus uniuerfis, nec prosperum fore quàm ipsi crederet. consiliū specie prima melius fuisse quàm usu appariturum. unde enim eam pecuniam confici posse, nisi tributo populo indicto? ex alieno igitur alijs largitos. neque id etiam si ceteri ferant, passuros eos, quibus iam emerita stipendia essent: meliore conditione alios militare quàm ipsi militassent: & eosdem in sua stipendia impensas fecisse, & in aliorum facere. His uocibus mouerunt partem plebis. postremo indicto iam tributo, edixerunt etiam tribuni, auxilio se futuros, si quis in militare stipendium tributum non contulisset. Patres bene ceptam rem perseueranter tueri: conferre ipsi primi: & quia nondum argentum signatum erat, æs graue plaustris quidam ad ærarium conuehentes, speciosam etiam collationem faciebant. Cum senatus summa fide ex censu contulisset, primores plebis nobiliū amici ex cōposito conferre incipiunt. quos cum & à patribus collaudari, et à militari

etate tanquam bonos ciues conspici uulgus hominum uidit: repente spreto tribunitio auxilio, certamen conferendi est ortum. & lege perlata de indicendo Veientibus bello, exercitum magna ex parte uoluntarium noui tribuni militum consulari potestate Veios duxere. Fuere autem tribuni T. Quintius Capitolinus, Q. Quintius Cincinnatus, C. Iulius Tullus iterum, A. Manilius, L. Furius Medullinus tertium, M. Aemilius Mamercus. Ab his primum circumseſſi Veij sunt. sub cuius initium obsidionis cum Hetruscorum consilium ad sanum Voltumnæ frequenter habitum esset, parum constitit: bello ne publico gentis uniuersæ tuendi Veientes essent. Ea oppugnatio segnior inſequenti anno fuit, parte tribunorū exercitusq; ad Volſcum auocata bellum. Tribunos militum consulari potestate is annus habuit C. Valerium Potitum tertium, M. Sergium Fidenatem, P. Cornelium Maluginensem, Cn. Cornelium Cossium, C. Fabium Ambustum, Sp. Nautium Rutilium iterum. Cum Volſcis inter Ferentinū atq; Ecestram signis collatis dimicatum. Romanis secunda fortuna pugnae fuit. Artena inde Volſcorum oppidum ab tribunis obsideri cœpta. inde inter eruptionem tentatam compulso in urbem hoste, occasio data est Romanis irrumpendi, præterq; arcem, cætera capta. in arcem munitam natura globus armatorū conceſſit. infra arcem cæsi captiq; multi mortales. Arx deinde obsidebatur: nec aut ui capi poterat, quia pro spatio loci satis præsidij habebat: aut spem dabat deditiois, omni publico frumento priusquam urbs caperetur, in arcem cōuecto. tædioq; receſſū inde foret, ni seruus arcē Romanis prodidiſſet. ab eo milites per locū arduum accepti, cepere. à quibus cum custodes trucidarētur, cætera multitudo repëtino pauore oppressa in deditiōē uenit.

uenit. Diruta & arce & urbe Artena, reductæ legiones ex Volscis, omnisq; uis Romana Veios conuersa est. Proditori præter libertatē duarū familiarū bona in præmium data. Seruius Romanus uocitatus. Sunt, qui Artenam Veientium, non Volscorum fuisse credant. præbet errorem, quod eiusdem nominis urbs inter Cære atq; Veios fuit. sed eam reges Romani deleuere: Cretumq;, non Veientium fuerat. altera hæc nomine eodem in Volscō agro fuit, cuius excidium est dictum.

D E C A D I S I.

LIBER V.



PACE alibi parta, Romani Veijq; in armis erant, tanta ira odioq;, ut uictis finem adesse appareret. Comitia utriusq; populi longe diuersa ratione facta sunt. Romani auxere tribunorū militū cōsulari potestate numerū. octo, quot nunquā antea, creati, M. Aemilius Mamercus iterū, L. Valerius Potitus tertiū, Ap. Claudius Crassus, M. Quintilius Varus, M. Iulius Tullus, M. Posthumius, M. Furius Camillus, M. Posthumius Albinus. Veientes cōtrā, tædio annuæ ambitionis, quæ interdū discordiarū causa erat, regē creauere. Offendit ea res populorū Heturriæ animos nō maiore odio regni, q̄ ipsius regis. grauis iam is antea genti fuerat opibus superbiaq;, quia solennia ludorum, quos intermitteri nefas est, uiolenter diremisset: cum ob iram repulsæ, quòd suffragio x i i. populorum alius sacerdos ei prælatus esset, artifices, quorum magna pars ipsius serui erant, ex medio ludicro repente abduxit. gens itaque ante omnes alias eo magis dedita reli-

gionibus, quòd excelleret arte colendi eas, auxilium Veientibus negandum, donec sub rege essent, decreuit. cuius decreti suppressa fama est Veijs propter metum regis, qui à quo tale quid dictum referretur, pro seditionis eum principe, non noui sermonis autorem habebat. Romanis etsi quietæ res ex Hetruria nunciabantur: tamē, quia omnibus concilijs eam rem agitari afferebatur, ita muniebāt, ut anticipitia munimenta essent. alia in urbem & cōtra oppidanorum eruptiones uersa: alijs frons in Hetruriam spectans auxilijs, si qua forte inde uenirent, obstruebatur. Cum spes maior imperatoribus Romanis in obsidione, quàm in opugnatione esset, hybernacula etiam, res noua militi Romano, ædificari cœpta: consiliumq; erat hyemando continuare bellum. quod postquàm tribunis plebis, iandiu nullam nouandi res causam inuenientibus, Romam est allatum, in concionem profiliūt, sollicitant plebis animos, hoc illud esse dictitantes, quòd æra militibus sint cōstituta. nec se fefellisse, id donum inimicorum ueneno illitum fore. uenisse libertatem plebis. remotam in perpetuum, & ablegatam ab urbe & ab republica iuuentutem iam ne hyemi quidem aut tempori anni cedere, ac domos & res inuisere suas. Quam putarent continuatæ militiæ causam esse? nullam profecto aliam inuenturos, quàm nequid per frequentiam iuuenum eorum, in quibus uires omnes plebis essent, agi de commodis eorum posset, uexari præterea, & subigi multo acrius, quàm Veientes. Quippe illos hyemem sub tectis suis agere, egregijs muris situq; naturali urbem tutantes. militem Romanum in opere ac labore, niuibus pruinisq; obrutum sub pellibus durare, ne hyemis quidem spatium, quæ omnium bellorum terra mariq; sit quies, arma deponentem. Hoc neque reges, neque ante

tribun

tribunitiam potestatem creatam superbos illos consules, neq; triste dictatoris imperium, neq; importunos decem= uiros iniunxisse seruitutis, ut perennem militiam facerēt, quod tribuni militum in plebe Romana regnum exerce= rent. quidnam illi cōsules dictatores uē facturi essent, qui proconsularem imaginem tam saeuam ac trucem fecerint? Sed id accidere haud immerito. non fuisse ne in octo quidē tribunis militum locum ulli plebeio. Antea trina loca cum contentione summa patritios explere solitos. nunc iam o= ctoiuges ad imperia obtinenda ire: & ne in turba quidē hærere plebeium quenquam, qui, si nihil aliud, admoneat collegas: liberos, & ciues eorum, non seruos militare, quos hyeme saltem in domos ac tecta reduci oporteat, & ali= quo tempore anni parentes liberosq; ac coniuges inuise= re, & usurpare libertatem, & creare magistratus. Hac, ta
 liaq; uociferantes aduersarium haud imparem nacti sunt, Ap. Claudium, relictum à collegis ad tribunitias seditio= nes comprimendas, uirum imbutum iam ab iuuenta certa= minibus plebeijs: quem autorem aliquot annis antè fuisse memoratum est per collegarum intercessionem tribunitiae potestatis dissoluendae. Is tum iam non promptus ingenio tantum, sed usu etiam exercitatus talem orationem habuit. Si unquam dubitatum est Quirites, utrum tribuni plebis uestra, an sua causa seditionum semper autores fuerint, id ego hoc anno desisse dubitari certum habeo. & cum letor tandem longi erroris uobis finem factum esse, tum quòd se cundis potissimum uestris rebus hic error est sublatus, & uobis & propter uos reipublicae gratulor. An est quis= quam qui dubitet, nullis iniurijs uestris, si quae forte ali= quando fuerunt, unquam aequae quàm muncre patrum in plebem, cum ara militantibus constituta sunt, tribunos
 plebis

plebis offensos ac concitados esse? quid illos aliud aut tunc
timuisse creditis, aut hodie turbare uelle, nisi concordian-
ordinum? quam dissoluendæ maxime tribunitiæ potestati
rentur esse. Sic hercule tanquam artifices improbi opus
querunt: qui & semper ægri aliquid esse in repub. uolūt,
ut sit ad cuius curationem à uobis adhibeantur. Vtrum e-
nim defenditis, an impugnatis plebem? utrum militantium
aduersarij estis? an causam agitis? nisi forte hoc dicitis,
quicquid patres faciunt, displicet: siue illud pro plebe, seu
contra plebem est. Et quemadmodum seruis suis uetant do-
mini quicquam rei cum alienis hominibus esse, pariterq;
in ijs beneficio ac maleficio abstineri æquum censent: sic
uos interdicitis patribus commercio plebis: ne nos comita-
te ac munificentia nostra prouocemus plebem, nec plebs
nobis dicto audiens atq; obediens sit. Quanto tandem, si
quicquam in uobis non dico civilis, sed humani esset, faue-
re uos magis, & quantum in uobis esset, indulgere potius
comitati patrū atq; obsequio plebis oportuit? quæ si per-
petua concordia sit, quis non spondere ausit maximū hoc
imperium inter finitimos breui futurū esse? Atq; ego quā
hoc consilium collegarum meorum, quo abducere infecta
re à Veijs exercitum noluerūt, non utile solum, sed etiam
necessarium fuerit, postea disseram. nunc de ipsa conditio-
ne militantium dicere libet. quam orationē non apud uos
solum, sed etiam in castris si habeatur ipso exercitu disce-
ptante, æquam arbitror uideri posse. in qua si mihi ipsi ni-
hil quod dicerem, in mentem uenire posset, aduersariorum
certe orationibus contentus essem. Negabant nuper dan-
da esse æra militibus, quia nunquam data essent. quonam
modo igitur nunc indignari possunt, quibus aliquid no-
ui adiectum commodi sit, eis laborem etiam nouum pro
portio

portione iniungi? nusquam nec opera sine emolumento,
nec emolumentum ferme sine impensa opera est. labor uo=
luptasq; dissimilima natura, societate quadam inter se na=
turali sunt iuncta. Molestè antea ferebat miles se suo sum=
ptu operā reip. præbere: gaudebat idē partē anni se agrū
suum colere, quærere unde domi militiæq; se ac suos tueri
posset. gaudet nunc fructui sibi remp. esse, & letus stipen=
dium accipit. æquo igitur animo patiatur se ab domo, ab
re familiari, cui grauis impensa non est, paulo diutius ab=
esse. an si ad calculos eum respub. uocet, non merito dicat?
annua æra habes, annuam operam ede. an tu æquum cen=
ses, militiæ semestri solidum te stipēdium annuū accipere?
Inuitus in hac parte orationis Quirites moror. sic enim
agere debent qui mercenario milite utuntur. nos tanquam
cum ciuibus agere uolumus: agiq; tanquam cum patria no=
biscum, æquum censemus. Aut non suscipi bellum opor=
tuit: aut geri pro dignitate populi Romani, & perfici
quamprimum oportet. perficietur autem, si urgemus ob=
sessos, si non antè abscedimus, quàm spei nostræ finem ca=
pitis Veijs imposuerimus. Si hercule nulla alia causa, ipsa
indignitas perseuerantiam imponere debuit. Decem quon=
dam annos urbs oppugnata est ob unam mulierē ab uni=
uersa Græcia, quàm procul ab domo? quot terras, quot ma=
ria distans? nos intra uicesimū lapidem, in conspectu pro=
pè urbis nostræ annuam oppugnationem perferre piget:
scilicet quia leuis causa belli est: nec satis quicquam iusti
doloris est, quod nos ad perseuerandum stimulet. Septies
rebellarunt, in pace nunquam fidi fuerunt: agros nostros
millies depopulati sunt: Fidenates deficere à nobis coëge=
runt: colonos nostros ibi interfecerunt: auctores fuisse con=
tra ius gentium cædis impiæ legatorum nostrorum: He=
truriam

truriam omnem aduersus nos concitare uoluerūt, hodieq; id moliuntur: res repetentes legatos nostros haud procul absuit quin uiolarent. Cum his molliter & per dilationes bellum geri oportet? Si uos tam iustum odium nihil mouet, ne illa quidem oro uos mouent? operibus ingentibus septa urbs est, quibus intra muros coërcetur hostis. agrum non coluit, & culta euastata sunt bello. Si reducimus exercitum, quis est qui dubitet illos non cupiditate solum ulciscendi, sed etiam necessitate imposita ex alieno prædandi, cum sua amiserint, agrum nostrum inuasuros? non differimus igitur bellum isto consilio, sed intra fines nostros accipimus. Quid? illud, quod proprie ad milites pertinet: quibus boni tribuni plebis cum stipendium extorquere uoluerint, nunc consultum repente uolunt, quale est? uallum fossamq; ingentis utranq; rem operis, per tantum spatij duxerunt: castella primo pauca, postea exercitu aucto creberri-
ma fecerunt: munitiones non in urbem modo, sed in Heturiam etiam spectantes, si qua inde auxilia ueniant, opposuere. quid turres? quid uineas testudinesq; & alium oppugnandarum urbium apparatus loquar? cum tantum laboris exhaustum sit: & ad finem iam operis tandem peruentum: relinquenda ne hæc censetis, ut ad æstatem rursus nouus de integro his instituendis exudetur labor? quanto est minus opera tueri facta? & instare, & perseuerare, desungiq; cura? breuis enim profecto res est: si uno tenore peragitur, nec ipsi per intermissione has interuallaq; lentiores spem nostram facimus. loquor de opere, & de temporis iactura. Quid? periculi, quod differendo bello adimus, num obliuisci nos hæc tam crebra Heturiae concilia de mittendis Veios auxilijs patiuntur? ut nunc res se habet, irati sunt, oderunt, negant misuros: quantum in illis est, ca

est, capere Veios licet. quis est, qui spondeat, eundē, si differtur bellum, animum postea fore? cum, si laxamentū dederis, maior frequentiorq; legatio itura sit: cum, id quod nunc offendit Hetruscos, rex creatus Veijs spatio mutari interposito possit: uel consensu ciuitatis, ut eo reconciliēt Hetruriæ animos: uel ipsius uoluntate regis, qui ob stare regnum suum saluti ciuium nolit. Videte quot res quā inutiles sequantur illam uiam consilij: iactura operum tanto labore factorum: uastatio imminens finium nostrorum: Hetruscum bellum pro Veiente cōcitatum. Hæc sunt tribuni consilia uestra, non hercule dissimilia, ac si quis ægro, qui curari se fortiter passus, extemplo conualescere possit: cibi gratia præsētis aut potionis, longinquum et forsitan insanabilem morbum efficiat. Si medijsfidius ad hoc bellum nihil pertineret, ad disciplinam certe militiæ plurimum intererat insuescere militem nostrum non solū parta uictoria frui: sed, si res etiam lentior sit, pati tædium: et quamuis seræ spei exitum expectare: et, si non sit æstate perfectum bellū, hyemem opperiri: nec, sicut æstiuas aues, statim autumno tecta ac recessum circumspicere. Obsecro uos: uenandi studiū ac uoluptas homines per niues ac pruinas in montes syluasq; rapit: belli necessitatibus eam patientiam non adhibebimus, quam uel lusus ac uoluptas elicere solet? adeo'ne effœminata corpora militum nostrorū esse putamus, adeo molles animos, ut hyemem unam durare in castris, abesse ab domo non possint? ut tanquam nauale bellum tempestatibus captandis, et obseruando tempore anni gerāt? non æstus, non frigora pati possint? erubescant profecto, si quis eis hæc obijciat: contendantq; animis, et corporibus suis uirilē patientiā inesse: et se iuxta hyeme, atq; æstate bella gerere posse: nec se patrociniū mollicie

mollicia inertiaeq; mandasse tribunis: & meminisse hanc ipsam potestatem non in umbra, nec in tectis maiores suos creasse. Hæc uirtute militum uestrorum, hæc Romano nomine sunt digna: non Veios tantum, nec hoc bellum intueri, quod instat: sed famam & ad alia bella, & ad cæteros populos in posterum quærere. An mediocre discrimen opinionis secuturum ex hac re putatis? utrum tandem finitimi populum Romanum eum esse putent, cuius si qua urbs primum illum breuissimi temporis sustinuerit impetum, nihil deinde timeat? an hic sit terror nominis nostri, ut exercitum Romanum nõ tædium longinquæ oppugnationis, non uis hyemis ab urbe circūfessa semel amouere possit? nec finem ullum alium belli, quàm uictoriam nouerit? nec impetu potius bella, quàm perseuerantia gerat? quæ in omni quidem genere militiæ, maxime tamen in obsidendis urbibus necessaria est: quarum pleraq; munitionibus, ac naturali situ inexpugnabiles, fame sitiq;, tempus ipsum uincit atq; expugnat: sicut Veios expugnabit: nisi auxilio hostibus tribuni plebis fuerint: & Romæ inuenerint præsidia Veientes, quæ nequicquā in Hetruria quærūt. An est quicquam quod Veientibus optatum æque contingere possit: quàm ut seditionibus primum urbs Romana, deinde uelut ex contagione castra impleantur? At hercule apud hostes tanta modestia est, ut non obsidionis tædio, non deniq; regni, quicquam apud eos nouatum sit: non negata auxilia ab Hetruscis iritauerint animos. morietur enim extemplo, quicumq; erit seditionis autor: nec cuiquam dicere ea licebit, quæ apud uos impune dicuntur. fustuarium meretur, qui signa relinquit, aut præsidio decedit. autores signa relinquendi, & deserendi castra, non uni aut alteri militi, sed uniuersis exercitibus, palàm in concione audiuntur.

adeo

adeo quicquid tribunus plebis loquitur, & si prodendæ patriæ, dissoluendæq; reip. est, assuetis audire: & dulcedine potestatis eius capti, qualibet sub ea scelera latere sinitis. Reliquum est, ut quæ hic uociferatur, eadem in castris & apud milites agant, & exercitus corrumpant, ducibusq; parere non patiantur: quoniam ea demum Romæ libertas est, non senatum, non magistratus, non leges, non mores maiorum, non instituta patrum, non disciplinā uereri militiæ. Par iam etiam in contionibus erat Appius tribunus plebis, cum subito, unde minime quis crederet, accepta calamitas apud Veios, & superiorem Appiū in causa, & concordiam ordinum maiorem, ardoremq; ad obsidendos pertinacius Veios fecit. Nam cum agger promotus ad urbem, uineæq; tantum nō iam iniunctæ moenibus essent, dum opera interdū fiunt intentius, quàm nocte custodiuntur, patefacta repente porta, ingens multitudo facibus maxime armata ignes coniecit: horæq; momento simul aggerem, ac uineas, tam longi temporis opus incendium hausit: multiq; ibi mortales nequicquam opem ferentes, ferro, igniq; absumpti sunt. Quod ubi Romā est nuntiātū, moestitiam omnibus, senatui curam metumq; iniecit, ne tū uero sustineri nec in urbe seditio, nec in castris posset, & tribuni plebis uelut ab se uictæ reipu. insultarent: cū repēte, quibus census equester erat, equi publici non erant assignati, consilio prius inter sese habito, senatum adeunt, factaq; dicendi potestate, equis se suis stipēdia facturos promittunt. Quibus cum amplissimis uerbis gratiæ ab senatu actæ essent, famaq; ea forū atq; urbem peruasisset, subito ad curiam concursus fit plebis. pedestris ordinis se aiunt nunc esse, operamq; reipublicæ extra ordinem polliceri, seu Veios, seu quò aliò ducere uelint. si Veios ducti sint,

negant se inde prius, quàm capta urbe hostium, redituros esse. Tum uero iam superfundenti se lætitiæ uix temperatum est. non enim sicut equites, dato magistratibus negotio, laudari iussi: neq; aut in curiam uocati, quibus responsum daretur, aut limine curiæ cõtinebatur senatus: sed pro se quisq; ex superiore loco ad multitudinē in comitio stantem, uoce manibusq; significare publicam lætitiā. beatā urbem Romanam, & inuictā, & æternā illa cōcordia dicere: laudare equites, laudare plebem: diem ipsum laudibus ferre: uictā esse fateri comitatem benignitatemq; senatus. certatim patribus, plebiq; manare gaudio lacrymæ, donec reuocatis in curiam patribus senatusconsultum factum est: ut tribuni militares cōcione aduocata, peditibus, equitibusq; gratias agerent: memorem pietatis eorum erga patriam dicerent senatum fore: placere autem omnibus his uoluntariam extra ordinem professis militiā ara procedere. & equiti certus numerus æris est assignatus. Tum primum equis merere equites cœperunt. Voluntarius ductus exercitus Veios non amissa modo restituit opera, sed noua etiam instituit. ab urbe commeatus intentiore quàm antea subuehi cura, nequid tam benemerito exercitui ad usum decisset. Insequens annus tribunos militum consulari potestate habuit, C. Seruiliū Halam tertium, Q. Seruiliū, P. Virginiū, Q. Sulpitiū, A. Manliū iterum, M. Sergiū iterum. His tribunis dum cura omnium in Veiens bellum intenta est, neglectum Anxuri præsidium uagationibus militū, & Volscos mercatores uulgo receptando, proditis repente portarum custodibus oppressum est. minus militum periit, quia præter agros lixarum in modum omnes per agros, uicinasq; urbes negotiabatur. Nec Veijs melius gesta res, quod tum caput omnium curarum publicarum

carum erat. nam & duces Romani plus inter se iratum, quam aduersus hostes animi habuerunt: & auctum est bellum aduentu repentino Capenatium atque Faliscorum. Hi duo Hetruriæ populi, quia proximi regione erant, deuictis Veijs bello quoque Romano se proximos fore credentes: Falisci propria etiam causa infesti, quod Fidenati bello se iam antea immiscuerant, per legatos ultro citroque missos iureiurando inter se obligati, cum exercitibus nec opinato ad Veios accessere. Forte ea regione, qua M. Sergius tribunus militum præerat, castra adorti sunt: ingentemque terrorem intulere, quia Hetruriam omnem excitam sedibus magna mole adesse Romani crediderant. eadem opinio Veientes in urbe concitauit. Ita ancipiti prælio castra Romana oppugnabantur. concursantesque cum huc atque illuc signa transferrēt: nec Veientem satis cohibere intra munitiones, nec suis munimentis arcere iam uim ac tueri se ab exteriori poterant hoste. una spes erat, si ex maioribus castris subueniretur, ut diuersæ legiones, aliæ aduersus Capenatem ac Faliscum, aliæ contra eruptionem oppidanorum pugnarent. Sed castris præerat Virginius priuatim Sergio inuisus infestusque: is cum pleraque castella oppugnata, superatas munitiones, utrinque inuehi hostem nuntiaretur, in armis milites tenuit: si opus foret auxilio collegam dictitans ad se missurum. Huius arrogantiam pertinacia alterius æquabat, qui ne quam opem ab inimico uideretur petisse, uinci ab hoste quam uincere per ciuem maluit. Diu in medio cæsi milites, postremo desertis munitionibus perpauci in maiora castra, pars maxima atque ipse Sergius Romam pertraxerunt. ubi cum omnem culpam in collegam inclinaret: acciri Virginiū ex castris, interea præesse legatos placuit. Acta

deinde in senatu res est, certatumq; inter collegas maledictis. pauci reipublica, huic atq; illi, ut quosq; studium priuatim aut gratia occupauerunt, adsunt. primores patrum, siue culpa, siue infelicitate imperatorum tam ignominiosa clades accepta esset, censuere non expectandum iustum tempus comitiorum, sed extemplo nouos tribunos militum creandos esse, qui Calendis octobribus magistratum occiperet. In quam sententiam cum pedibus iretur, ceteri tribuni militum nihil contradicere. at enim uero Sergius Virginiusq;, propter quos poenitere magistratum eius anni senatum apparebat, primo deprecari ignominiam, deinde intercedere senatusconsulto. negare se ante Idus Decembres, solennem incundis magistratibus diem, honore abituros esse. Inter haec tribuni plebis, cum in concordia hominum secundisq; rebus ciuitatis inuiti silentium tenuissent, feroces repente minari tribunis militum, nisi in autoritate senatus essent, se in uincula eos duci iussuros esse. Tum C. Seruilius Hala Trib. mil. Quod ad uos attinet tribuni plebis minasq; uestras, nae ego libenter experirer quam non plus in his iuris quam in uobis animi esset. sed nefas est tendere aduersus auctoritatem senatus. proinde et uos desinite inter nostra certamina locum iniuriae quaerere, et collegae aut facient quod censet senatus: aut si pertinacius tendent, dictatorem extemplo dicam, qui eos abire magistratu cogat. Cum omnium assensu comprobata oratio esset, gauderentq; patres, sine tribunitiae potestatis terribilibus inuentam esse aliam uim maiorem ad coercendos magistratus, uicti consensu omnium comitia tribunorum militum habuere, qui Calendis octobribus magistratum occiperet: seq; eam ante diem magistratu abdicauere. L. Valerio Potito quartum, M. Furio Canullo iterum, M. Aemilio Mamercum tertium, Cn. Cornelio

Cornelio Cossio iterum, C. Fabio Ambusto, L. Iulio Tullo, Tr. mil. cōsulari potestate, multa domi militiæq; gesta. Nā & bellum multiplex fuit eodem tempore, ad Veios & ad Capenam, & ad Falerios & in Volscis, ut Anxur ab hostibus recuperaretur: & Romæ simul delectu, simul tributo conferendo laboratū est: & de tribunis plebis cooptandis contentio fuit: & haud paruum motū duo iudicia eorum, qui pauloante consulari potestate fuerant, exciuerunt. Omnium primum tribunis militum fuit, delectum haberi: nec iuniores modo conscripti, sed seniores etiā coacti nomina dare, ut urbis custodiam agerent. Quantum autem augebatur militum numerus, tanto maiore pecunia in stipendium opus erat: eaq; tributo conferebatur inuitis conferentibus qui domi remanebant, quia tuentibus urbē opera quoq; militari laborandū seruiendūq; reipub. erat. Hæc per se grauias, indigniores ut uiderentur, tribuni plebis seditionis concionibus faciebant: ideo æra militibus constituta esse arguendo, ut plebis partem militiæ, partem tributo conficerent. Vnum bellum annum iam tertiū trahi, & consulto male geri, ut diutius gerant. in quatuor deinde bella uno delectu exercitus scriptos, & pueros quoq; ac senes extractos. Iam nō æstatis nec hyemis discrimē esse, ne ulla quies unquam miseræ plebi sit: quæ nūc etiam uectigalis ad ultimū facta sit: ut cum confecta laboris, uulneribus, postremo ætate corpora retulerint: incultaq; omnia diutino dominorū desyderio domi inuenerint: tributū ex affecta re familiari pendant: æraq; militaria uelut sœnore accepta, multiplicia reip. reddant, Inter delectum tributūq; & occupatos animos maiorū rerum curis, comitijs tribunorum pl. numerus expleri nequijt. Pugnātū inde in loca uacua ut patricij cooptarētur, postquā obtineri non

poterat, tamen labefactandæ legis tribunitiæ causa effectū est ut cooptarentur tribuni plebis C. Lacerius & M. Acutius, haud dubie patritiorū opibus. Fors ita tulit, ut eo anno trib. pl. C. Trebonius esset, qui nomini ac familiæ debitū præstare uideretur Treboniæ legis patrociniū. is quod petissent patres quidam primo incepto repulsi, tamen tribunos militum expugnasse uociferans, legem Treboniam sublatam, & cooptatos tribunos plebis non suffragijs populi, sed imperio patritiorū, & eò deuolui rem, ut aut patricij, aut patritiorum affectu habendi tribuni plebis sint, eripi sacratas leges, extorqueri tribunitiam potestatem: id fraude patritiorum, scelere ac proditione collegarum factum arguere. Cum arderent inuidia nō patres modo, sed etiam tribuni plebis, cooptati pariter, et qui cooptauerāt: tum ex collegio tres, P. Curiatius, M. Metilius, & M. Minutius, trepidi rerū suarū in Sergiū Virginiumq; prioris anni tribunos militares incurrunt: in eos ab se iram plebis inuidiamq; die dicta auertunt. Quibus delectus, quibus tributum, quibus diutina militia, longinquitasq; belli sit grauis: qui clade accepta ad Veios doleāt: qui amissis liberis, fratribus, propinquis, affinibus lugubres domos habeant: ijs publici, priuatiq; doloris exequendi ius potestatemq; ex duobus noxijs capitibus datam ab se memorant. omnium nanq; malorū in Sergio Virginioq; causas esse: nec id accusatorem magis arguere, quā fateri reos: qui noxij ambo, alter in alterum causam conferant: fugam Sergij Virginij, Sergius proditionem increpans Virginij. quorum adeo incredibilem amentiam fuisse, ut multo uerisimilius sit, compacto eam rem, & communi fraude patritiorū actam. Ab his & prius datum locum Veientibus ad incendenda opera, belli trahendi causa: & nunc proditum exercitū:

tradita

tradita Faliscis Romana castra. omnia fieri, ut cōscescat ad Veios iuuentus: nec de agris, nec de alijs commodis plebis ferre ad populum tribuni, frequentiaq; urbana celebrare actiones, & resistere conspirationi patritiorū possint. Præiudicium iam de rebus & ab senatu, & à populo Romano, & ab ipsorum collegis factum esse. nam & senatus consulto eos ab republica remotos esse: & recusantes abdicare se magistratu, dictatoris metu ab collegis cōcēritos esse: & populum Romanum tribunos creasse, qui non Idibus Decembribus die solenni, sed extemplo Cal. octobribus magistratū occiperent: quia stare diutius resp. his manentibus in magistratu non posset. Et tamen eos tot iudicijs confossos, prædamnatosq; uenire ad populi iudicium: & existimare defunctos se esse: satisq; pœnarū dedisse, quod duobus mensibus citius priuati facti sint: neq; intelligere, nocendi sibi diutius tum potestatem creptam esse, non pœnam irrogatā. quippe & collegis abrogatum imperium, qui certe nihil deliquissent. illos repeterent animos Quirites, quos recenti clade accepta habuissent, cum fuga trepidum, plenum uulnerū ac pauore incidentē portis exercitum uiderint, non fortunam, aut quenquam deorum, sed hos duces accusantem. Pro certo se habere, neminem in concione stare, qui illo die non caput, domū, fortunāq; L. Virginij ac M. Sergij sit execratus, detestatusq;. minime conuenire, quibus iratos quisq; deos precatus sit, in ijs sua potestate, cum liceat & oporteat, nō uti. nnnquā deos ipsos admouere nocētibus manus: satis esse, si occasione ulciscendi lesos arment. His orationibus incitata plebs denis millibus æris grauis reos condemnat: nequicquam Sergio Martem communem belli, fortunāque accusante: Virginio deprecante, ne infelicior domū, quā militiæ

militiæ esset. In hos uersa ira populi cooptationis tribu-
 norum, fraudisq; contra legem Treboniã factæ memoriã
 obscuram fecit. Victores tribuni ut præsentem mercedem
 iudicij plebes haberet: legem agrariam promulgant, tri-
 butumq; conferri prohibent: cum tot exercitibus stipendio
 opus esset, resq; militiæ ita prospere gererentur, ut nullo
 bello ueniretur ad exitum spei. nanq; Veijs castra, quæ a-
 missa erant, recuperata castellis præsidijsq; firmantur. Præ-
 erant tribuni militum, M. Acmylius, & Q. Fabius. à M.
 Furio in Faliscis, & Cn. Cornelio in Capenate agro ho-
 stes nulli extra moenia inuenti: prædæ actæ, incendijsq;
 uillarũ ac frugũ uastati fines: oppida nec oppugnata, nec
 obsessa sunt. At in Volscis depopulato agro Anxur ne-
 quicquam oppugnatum, loco alto situm: & postquã uis
 irrita erat, uallo fossaq; obsideri coeptum. Valerio Potito
 Volsci prouincia cuenerat. Hoc statu militariũ rerum, sedi-
 tio intestina maiore mole coorta, quàm bella tractabatur.
 & cũ tributũ cõferri per tribunos nõ posset: nec stipendiũ
 imperatoribus nutteretur, eraq; militaria flagitare mul-
 es: haud procul erat, quin castra quoq; urbanæ seditionis cõ-
 tagione turbarentur. Inter has iras plebis in patres cũ tri-
 buni plebis nunc illud tempus esse dicerent stabiliendæ li-
 bertatis: & ab Sergijs Virginijsq; ad plebeios uiros for-
 tes ac strenuos transferendi summi honoris: nõ tamen ultra
 processum est, quàm ut unus ex plebe usurpandi iuris
 causa, P. Licinius Caluus tribunus militum consulari pote-
 state crearetur. ceteri patricij creati, P. Mælius & P. Titi-
 nius, P. Melius, L. Furius Medullinus, L. Popilius Volscus.
 Ipsa plebes mirabatur se tantã rem obtinuisse, nõ is modo
 qui creatus erat, uir nullis antè honoribus usus, uetus tantũ
 senator, & ætate iã grauis. Nec satis cõstat cur primus ac
 potiss

potissimus ad nouum delibandum honorem sit habitus. Alij Cn. Cornelij fratris, qui tribunus militū priore anno fuerat: triplexq; stipendium equitibus dederat, gratia extractum ad tantum honorē credunt. alij orationem ipsum tempestiuā de cōcordia ordinum, patribus plebiq; gratā habuisse. Hac uictoria comitiorum exultantes tribuni plebis, quod maxime rempub. impediēbat, de tributo remiserunt. collatum obediēter missumq; ad exercitum est. Anxur in Volscis breui receptum est, neglectis die festo custodijs urbis. Insignis annus hyeme gelida ac niuosa fuit: adco ut uiæ clausæ, Tyberis innauigabilis fuerit. Annona ex antè connecta copia nihil mutauit. Et quia P. Licinius ut cōperat haud tumultuose magistratum maiore gaudio plebis quā indignatione patrum, ita etiam gessit: dulcedo inuasit proximis comitijs tribunorū militum plebeios creandi. unus M. Veturius ex patricijs candidatis locum tenuit. plebeios alios tribunos militum consulari potestate omnes ferē centuriæ dixere, L. Titinium, P. Meneniū Raciliū, Cn. Genuitium, L. Atilium. Tristē hyemem, siue ex intemperie cœli raptim mutatione in cōtrarium facta, siue alia qua de causa, grauis pestilensq; omnibus animalibus æstas excepit. cuius insanabili perniciē quando nec causa nec finis inueniebatur, libri Sibyllini ex senatusconsulto aditi sunt. duumuii sacris faciundis, lectisternio tūc primum in urbe Romana factō, per dies octo Apollinem Latonamq; & Dianam, Herculem, Mercurium atq; Neptunum tribus quamamplissime tum apparari poterat, stratis lectis placauere. priuatim quoq; id sacrum celebratum est. tota urbe patentibus ianuis, promiscuoq; usu rerum omniū in propatulo posito, notos ignotosq; passim aduenas in hospitium ductos ferunt: & cum inimicis

quoq; benigne ac comiter sermones habitos, iurgiis ac liti-
bus temperatū: uinctis quoq; dēpta in eos dies uincula: re-
ligioni deinde fuisse, quibus eam opem dii tulissent, uinci-
ri. Interim ad Veios terror multiplex fuit, tribus in unum
bellis collatis. nanq; eodem quo antea, modo circa muni-
menta, cū repente Capenates Falisciꝫ subsidio uenissent,
aduersus tres exercitus ancipiti praelio pugnātū est. ante
omnia adiuuit memoria damnationis Sergij ac Virginij.
itaque maioribus castris, unde antea cessatum fuerat, bre-
ui spatio circumductæ copiae Capenates in uallum Ro-
manum uersos ab tergo aggrediuntur. Inde pugna coe-
pta & Faliscis intulit terrorem, trepidantesq; eruptio ex
castris opportune facta auertit. repulsos deinde insecuti
uictores, ingentem ediderunt cædem. Nec ita multo post
iam palantes, ueluti forte oblatis, populatores Capenatis
agri reliquias pugnae absumpsere. & Veientiū refugien-
tes in urbē simul ante portas cæsi, dū præ metu ne simul
Romanus irrūperet, obiectis foribus extremos suorū ex-
clusere. Hæc eo anno acta. Et iam comitia tribunorum mi-
litum aderant, quorum propè maior patribus quàm belli
cura erat: quippe non cōmunicatum modo cum plebe, sed
propè amissum cernentibus summum imperium. itaq; cla-
rissimus uiris ex composito præparatis ad petendum, quos
prætereundi uerecundiam crederēt fore: nihilo minus ipsi
perinde ac si omnes candidati essent, cuncta experientes,
non homines modo, sed deos etiam excipiebant, in religio-
nem uertentes comitia biennio habita. priore anno intole-
randam hyemē prodigijsq; diuinis similem coortam: pro-
ximo non prodigia, sed iam euentus, pestilentiam agris,
urbique illatam haud dubia ira deū, quos pestis eius arcen-
dæ causa placandos esse, in libris fatalibus inuentum sit.

comitijs

comitijs, auspicatoq; fierent, indignum dijs uisum honores uulgari, discriminaq; gentium confundi. Præterquam maiestate petentium, religione etiam attoniti homines patritios omnes, partem magnam honoratissimum quenq; tribunos militum consulari potestate creauere, L. Valcriū Potitum quintum, M. Valerium Maximum, M. Furium Camillum tertium, L. Furium Medullinū tertium, Q. Scruilium Fidenatem iterum, Q. Sulpitium Camerinum iterum. His tribunis ad Veios nihil admodum memorabile actum est. tota uis in populationibus fuit. duo summi imperatores, Potitus à Falcrijs, Camillus à Capena prædas ingentes egere, nulla incolumi relictâ re, cui ferro, aut igni noceri posset. Prodigia interim multa nunciari, quorum 2 pleraq; et quia singuli autores erant, parū credita, spectatq; et quia hostibus Hetruscis, per quos ea procurarent, aruspices nō erant. In unum omnium curæ uersæ sunt, quòd lacus in Albano nemore sine ullis cœlestibus aquis, causæ uel qua alia, quæ rem miraculo eximeret, in altitudinem insolitam creuit. Quidnam eo dij portenderent prodigio, missi sciscitatum oratores ad Delphicū oraculum. sed propior interpretis fatis oblati senior quidam Veiens. qui inter cauillantes in stationibus ac custodijs milites Romanos Hetruscosq; uaticinantis in modū cecinit: priusquam ex lacu Albano aqua emissâ foret, nunquam potiturum Veijs Romanū. quod primo uelut temere iactum sperni, agitari deinde sermonibus cœptum est: donec unus ex statione Romana percunctatus proximum oppidanorū, iam per lōginitatem belli commercio sermonum facto: quis nam is esset, qui per ambages de lacu Albano iaceret: postquam audiuit aruspice esse, uir haud intacti religionē animi, causatus de priuati portenti procuratione, si ope

si operæ illi esset, consulere uelle, ad colloquium uatem eli-
 cuit. cumq; progressi ambo à suis longius essent incermes,
 sine ullo metu, præualens iuuenis Romanus senem infir-
 mum in conspectu omnium raptum nequicquā tumultuan-
 tibus Hetruscis, ad suos transtulit. qui cum perductus ad
 imperatorem, inde Romam ad senatum missus esset: scisci-
 tantibus quidnam id esset, quod de lacu Albano docuisset:
 respondit, profecto iratos deos Veienti populo illo fuisse
 die, quo sibi eam mentem obiecissent, ut excidium patriæ
 fatale proderet. itaq; quæ tum cecinerit diuino spiritu in-
 stinctus, ea se nec ut indicta sint, reuocare posse, et tacēdo
 forsitan quæ dii immortales uulgari uelint, haud minus
 quam celanda effando, nefas cōtrahi. Sic igitur libris fa-
 talibus, sic disciplina Hetrusca traditum esse: ut quando
 aqua Albana abundasset, tum si eam Romanus rite emi-
 sisset, uictoriam de Veientibus dari: antequā id fiat, deos
 mœnia Veientium deserturos non esse. Exequiebatur inde
 quæ solennis deriuatio esset. Sed autorem leuem, nec satis
 fidū super tanta re patres rati, decreuere legatos, sortesq;
 oraculi Pythici expectandas. Priusquam à Delphis orato-
 res redirent, Albaniue prodigij piacula inuenirentur, no-
 ui tribuni nultum cōsulari potestate, L. Iulius Tullus, L.
 Furius Medullinus quartum, L. Sergius Fidenas, A. Post-
 humius Regillensis, P. Cornelius Maluginensis, A. Mani-
 lius magistratum inierunt. Eo anno Tarquinienses, no-
 ui hostes exorti: quia multis simul bellis, Volscorum ad-
 Anxur, ubi præsidium obsidebatur: Aequorū ad Lauicos,
 qui Romanā ibi coloniam oppugnabant: ad hoc Veienti
 quoq; et Falisco, et Capenati bello occupatos uidebant
 Romanos: nec intra muros quietiora negotia esse certami-
 nibus patrū ac plebis. inter hæc locum iniuriæ rati esse,
 prædatum

prædatum in agrum Romanum cohortes expeditas mit-
tunt. aut enim passuros inultam eā iniuriam Romanos, ne
nouo bello se onerarent: aut exiguo, eoq; parū ualido ex-
ercitu persecuturos. Romanis indignitas maior, quā cu-
ra populationis Tarquiniensium fuit. eo nec magno cona-
tu suscepta, nec in lōgum dilata res est. A. Posthumius, &
L. Iulius nō iusto delectu (etenim ab tribunis plebis impe-
diebantur) sed propè uoluntariorū quos adhortando inci-
tauerant, coacta manu: per agrū Cæretē obliquis tramiti-
bus egressi, redeuntes à populationibus, grauesq; præda
Tarquinienses oppressere. multos mortales obtruncant,
omnes exuunt impedimētis: & receptis agrorum suorum
spolijs Romā reuertuntur. Biduum ad recognoscēdas res
datū dominis: tertio incognita (erant autē ea pleraq; ho-
stium ipsorum) sub hasta uenire. quodq; inde redactū, mi-
litibus est diuisum. Cætera bella, maximeq; Veiens, incer-
ti exitus erāt. Iamq; Romani desperata ope humana, fatis
& deos spectabant, cum legati ab Delphis uenerunt, for-
tem oraculi afferentes congruentē responso captiui uatis,
Romane, aquam Albanā caue lacu cōtineri, caue in mare
manare suo flumine sinas. emissam per agros rigabis, disi-
patamq; riuus extingues. tum tu insiste audax hostiū nu-
ris, memor quā per tot annos obsides urbē, ex ea tibi his,
quæ nunc panduntur, fatis uictoriam datā. bello perfectō
donū amplū uictor ad mea tēpla portato: sacraq; patria,
quorū omīssa cura est, instaurata, ut assolet, facito. Ingens
inde haberi captiuius uates cœptus, cumq; adhibere tribu-
ni militum Cornelius, Posthumiusq; ad prodigij Albani
procuratiōē, ac deos rite placandos cœpere. inuentumq;
tandem est, ubi neglectas cærimonias, intremissum uē so-
lenne dij arguerent, nihil profecto aliud esse, quā magi-
stratus

si & collegas eosdem reficitis, etiam usu meliores factos.
 me iam nō eundē, sed umbram nomenq; P. Licinij relictū
 uidetis. uires corporis affectæ, sensus oculorū atq; aurīū
 hebetes, memoria labat, uigor animi obtusus. En uobis, in
 quit, iuuenem, filium tenens, effigiem atq; imaginem eius,
 quē uos antea tribunum militū ex plebe primum fecistis:
 hunc ego institutū disciplina mea, uicarium pro me reip.
 do dicoq;: uosq; quæso Quirites delatum mihi ultro ho-
 norē huic petenti, meisq; pro eo adiectis precibus mande-
 tis. Datū id petenti patri, filiusq; eius P. Licinius Tr. mil.
 cōsulari potestate cū ijs quos suprā scripsimus, declaratus.
 Titinius Genutiusq; Trib. mil. profecti aduersus Faliscos
 Capenatesq; dum bellum maiore animo gerunt quā cō-
 silio, præcipitauere se in insidias. Genutius morte honesta
 temeritatem luens, ante signa inter primores cecidit: Titi-
 nius in editum tumulum ex multa trepidatione militibus
 collectis, aciem restituit: nec se tamē æquo loco hosti com-
 misit. Plus ignominie erat quā cladis acceptū. quæ pro-
 pē in cladem ingentem uertit: tantum inde terroris non
 Romæ modo, quō multiplex fama peruenerat: sed in ca-
 stris quoq; fuit ad Veios. ægre ibi miles retentus à fuga
 est, cū peruasisset castra rumor, ducibus exercituq; cæso
 uictorē Capenatē ac Faliscum, Hetruriæq; omnē iuuentu-
 tem haud procul inde abesse. His tumultuosiora Romæ.
 Iam castra ad Veios oppugnari, iam partem hostium
 tendere ad urbem agmine infesto crediderant: concur-
 sumque in muros est, & matronarum quas ex domo con-
 ciuerat publicus pauor, obsecrationes in templis factæ:
 precibusq; ab dijs petatum, ut exitium ab urbis tectis tem-
 plisque ac Romanis moenibus arcerent, Veiosque eum
 auerterent terrorem, si sacra renouata rite, si procurata
 prodigia

prodigia essent. Iam ludi Latini æq; instaurata erant: iam ex lacu Albano aqua emissæ in agros, Veiosq; sata appe-
tebāt. Igitur fatalis dux ad excidiū illius urbis seruādeq;
patriæ, M. Furius Camillus dictator dictus, magistrū equi-
tum P. Corneliū Scipionē dixit. Omnia repēte mutauerat
imperator mutatus, alia spes, alius animus hominū, fortu-
na quoq; alia urbis uideri. Omnium primum in eos qui à
Veijs in illo pauore fugerāt, more militari animaduertit,
efficitq; ne hostis maximè timēdus militi esset. deinde in-
dicto delectu in diem certā, ipse interim Veios ad confir-
mandos militū animos intercurrit: inde Romā ad scriben-
dum nouū exercitū redit, nullo detrectante militiā. pere-
grina etiā inuentus, Latini Herniciq; operā suā pollicen-
tes ad id bellū uenere. quibus cū gratias in senatu egisset
dictator, satis iam omnibus ad id bellū paratis, ludos ma-
gnos ex senatusconsulto uouit Veijs captis se facturum:
ædemq; Matutæ matris resectam dedicaturū, iam antè ab
rege Seruio Tullio dedicatā. Profectus cū exercitu ab ur-
be expectatiōe hominū maiore q̄ spe, in agro primū Ne-
pesino cū Faliscis & Capenatibus signa confert. omnia
ibi summaratione cōsilioq; acta, fortuna etiam, ut sit, secu-
ta est. nō prælio tantū fudit hostes, sed castris quoq; exiit:
ingentiq; præda est potitus: cuius pars maxima ad quæ-
storem redacta est: haud ita multum militi datum. Inde ad
Veios exercitus ductus, densiora que castella facta: & à
procursationibus, quæ multæ temere inter murum ac ual-
lum fiebant, edicto ne quis iniussu pugnaret, ad opus mi-
lites traducti. operum fuit omnium longe maximum ac
laboriosissimum, cuniculus in arcem hostium agi cœptus,
quod ne intermitteretur opus, neu sub terra continuus la-
bor eosdem conficeret, in partes sex quinitorum nume-
rum

rum

rum diuisit. senæ horæ in orbem operi attributæ sunt. nocte ac die nunquam antè omiſſum, quàm in arcem uiam facerent. Dictator, cum iam in manibus uideret uictoriam eſſe: urbem opulentiffimā capi: tantumq; prædæ fore, quantum non omnibus in unum collatis antè bellis fuiſſet: nequā inde aut militum iram ex malignitate prædæ partita, aut inuidiam apud patres ex prodiga largitione caperet: literas ad ſenatum miſit. Deū immortalium benignitate, ſuis conſilijs, patientia militum Veios iam fore in poteſtate populi Romani. quid de præda faciendum cenſerēt? Duæ ſenatum diſtinebant ſententiæ. ſenis P. Licinij. quem primum dixiſſe à filio interrogatum ferunt: edici palam placere populo, ut qui particeps eſſe prædæ uellet, in caſtra Veios iret. altera Ap. Claudij. qui largitionē nouam, prodigam, inæqualem, inconfultam arguens, ſi ſemel nefas ducerent captam ex hoſtibus in arario exhausto bellis pecuniam eſſe: autor erat ſtipendij ex ea pecunia militi numerandi: ut eo minus tributi plebes conferret. eius enim doni ſocietatem ſenſuras æqualiter omnium domos: non auidas in direptiones manus otioſorum urbanorum prærepturas fortium bellatorum præmia eſſe: cum ita ſerme eueniat, ut ſegnior ſit prædator, ut quiſq; laboris periculiq; præcipuam petere partem ſoleat. Licinius contrā ſuſpectam & inuiſam ſemper eam pecuniam fore aiebat: cauſasq; criminum ad plebem, ſeditionum inde, ac legum nouarum præbituram. ſatius igitur eſſe: reconciliari eo dono plebis animos: exhaustis atq; exinanitis tributo tot annorū ſuccurri: & ſentire prædæ fructū ex eo bello, in quo propè conſenuerint. gratius id fore, letiusq; quod quiſq; ſua manu ex hoſte captum domum retulerit, quàm ſi multiplex alterius arbitrio accipiat. ipſum dictatorem fugere inuidiam

ex eo criminaq; eò delegasse ad senatum : senatum quoq; debere reiectam rem ad se permittere plebi, ac pati habere, quod cuiq; fors belli dederit. Hæc tutior uisa sententia est, quæ popularem senatum faceret. Edictum itaq; est : ad prædam Veientem quibus uideretur, in castra ad dictatorem proficiscerentur. ingens profecta multitudo repleuit castra. Tum dictator auspiciatus egressus, cum edixisset ut arma milites caperent, Tuo ductu, inquit, Pythice Apollo, tuoq; numine instinctus pergo ad delendam urbem Veios: tibiq; hinc decimam partem prædæ uoueo. te simul Iuno regina, quæ nunc Veios colis, precor: ut nos uictores in nostram, tuamq; mox futuram urbem sequare : ubi te dignum amplitudine tua templum accipiat. Hæc precatus, superante multitudine ab omnibus locis urbem aggreditur, quo minor ab cuniculo ingruentis periculi sensus esset. Veientes ignari se iam ab suis uatibus, iam ab externis oraculis proditos, iam in partem prædæ suæ uocatos deos, alios uotis ex urbe sua euocatos hostium templa nouasq; sedes spectare, seq; ultimum illum diem agere, nihil minus timentes, quam subrutis cuniculo mœnibus arcem iam plenam hostiū esse, in muros pro se quisq; armati discurrent: mirantes quidnam id esset, quod cum tot per dies nemo se ab stationibus Romanis mouisset, tum uelut repentino icti furore improvidi currerent ad muros. Inseritur huic loco fabula: immolante rege Veientium, uocem aruspiciis dicentis, qui eius hostiæ exta profecuiisset, ei uictoriam dari, exauditam in cuniculo mouisse Romanos milites, ut adempto cuniculo exta raperent : & ad dictatorem ferrent. Sed in rebus tam antiquis si quæ similia ueri sint, pro ueris accipiantur, satis habeam. hæc ad ostentationem scenæ gaudentis miraculis aptiora, quàm ad fidem, neq; affirmare,

re, neq; refellere operæpretium est. Cuniculus delectis militibus eo tempore plenus: in æde Iunonis, quæ in Veientana arce erat, armatos repente edidit. & pars auersos in muris inuadunt hostes: pars claustra portarum reuellunt: pars, cum ex tectis saxa tegulæq; à mulieribus ac seruitijs iacerentur, inferunt ignes. Clamor omnia uarijs terrentiũ ac pauentium uocibus, misto mulierum ac puerorum ploratu, complet. Momento temporis deiectis ex muro undique armatis, patefactisq; portis, cum alij agmine irrueret, alij desertos scanderent muros, urbs hostibus impletur: omnibus locis pugnatur. Deinde multa iam edita cæde, senescit pugna: & dictator præcones edicere iubet, ut ab inermi abstineatur. Is finis sanguinis fuit. dedi inde inermes coepti. & ad prædam miles permissu dictatoris discurrit. quæ cum ante oculos eius aliquantum spe, atq; opinione maior, maiorisq; pretij rerum ferretur: dicitur manus ad cælum tollens precatus esse: ut sicui deorum, hominumq; nimia sua fortuna, populiq; Romani uideretur: ut eam inuidiam lenire quàm minimo suo priuato incõmodo, publicoq; Romani populi liceret. conuertentẽ se inter hanc uenerationẽ, traditur memoriæ, prolapsus cecidisse: idq; omen pertinuisse postea euentu rem cõiectantibus uisum ad damnationẽ ipsius Camilli, captæ deinde urbis Romanæ, quod post paucos accidit annos, cladem. Atq; ille dies cæde hostium, ac direptione urbis opulentissimæ est consumptus. Postero die libera corpora dictator sub corona uenidit. ea sola pecunia in publicum redigitur, haud sine ira plebis. & quod retulere secum prædæ, nec duci, qui ad senatum, malignitatis autores quærendo, rem arbitrij sui reiecisset: nec senatui, sed Liciniæ familiæ, ex qua filius ad senatum retulisset: pater tam popularis sententiæ auctor fuisset

fuisset, acceptum referebant. Cum iam humanae opes
 asportatae, egestaeque à Veijs essent: amoliri tum deum do-
 na ipsosque deos, sed colentium magis, quam rapientium
 modo, coepere. namque delecti ex omni exercitu iuuenes, pu-
 re lautis corporibus, candida veste, quibus deportanda Ro-
 mam regina Iuno assignata erat, uenerabundi templum
 iniere, primo religiose admouentes manus: quod id signum
 more Hetrusco nisi certae gentis sacerdos attrectare non
 esset solitus. deinde cum quidam, seu spiritu diuino tactus,
 seu iuuenili ioco, Visne Romae ire Iuno? dixisset: annuisse
 ceteri Deam conclamauerunt. inde fabulae adiectum est, uo-
 cem quoque dicentis, Velle, auditam. motam certe sede sua
 parui molimenti adminiculis, sequentis modo accepimus
 leuem, ac facilem translatu fuisse: integramque in Auentinum
 aeternam sedem suam, quod uota Romani dictatoris uoca-
 uerant, perlatam: ubi templum ei postea idem, qui uouerat,
 Camillus dedicauit. Hic Veiorum occasus fuit, urbis opu-
 lentissimae Hetrusci nominis, magnitudinem suam uel ulti-
 ma clade indicantis: quod decem aestates hyemesque conti-
 nuas circumsessa, cum plus aliquanto cladium intulisset,
 quam accepisset, postremo iam fato quoque urgente, operi-
 bus tamen, non ui expugnata est. Romam ut nunciatum
 est, Veios captos: quanquam et prodigia procurata fue-
 rant: et uatum responsa, et Pythicae sortes notae, et quan-
 tum humanis adiuuari consilijs potuerat res, ducem M.
 Furium maximum imperatorum omnium legerant: tamen
 quia tot annis uarie ibi bellatum erat, multaeque clades ac-
 ceptae: uelut ex insperato immensum gaudium fuit. et prius-
 quam senatus decerneret, plena omnia templa Romanae-
 rum matrum gratias dijs agentium erant. senatus in qua-
 triduum, quot dierum nullo ante bello, supplicationes de-
 cernit. Aduentus quoque dictatoris omnibus ordinibus ob-

uiam effusis celebratior, quàm ullius unquam antea fuit: triumphusq; omnem consuetum honorandi illius diei modum aliquantum excessit. maxime conspectus ipse est, curru equis albis iuncto urbem inuectus: parumq; id non ciuile modo, sed humanum etiã uisum. Iouis, Solisq; equis æquiparatum dictatorem in religionem etiã trahabant. triumpusq; ob eam unam maxime rem clarior, quàm gratior fuit. Tum Iunoni reginæ templum in Auentino locauit, dedicauitq; Matutæ matris. atq; his diuinis, humanisq; rebus gestis, dictatura se abdicauit. Agi deinde de Apollinis dono cœptum. cui se decimam uouisse prædæ partem cum diceret Camillus: pontifices soluẽdum religione populum censerent: haud facile inibatur ratio iubendi referre prædam populum: ut ex ea pars debita in sacrũ secerneretur. tandem eò, quod leuissimũ uidebatur, decursus est, ut qui se domumq; religione exoluere uellet, cũ sibi metipsc prædam æstimasset suam, decimæ pretium partis in publicum deferret: ut ex eo donum aurum dignũ amplitudine templi, ac numine dei ex dignitate populi Romani fieret. ea quoque collatio plebis animos à Camillo alienauit. Inter hæc pacificatum legati à Volscis, & Aequis uenerũt. impetrataq; pax, magis ut fessa tam diutino bello acquiesceret ciuitas, quàm quòd digni peteret. Veijs captis, sex tribunos militũ consulari potestate insequens annus habuit, duos P. Cornelios, Cossũ & Scipionem, M. Valerium Maximum iterum, C. Fabium Ambustum iterum, L. Furium Medullinum quintum, Q. Seruiliũ tertium. Cornelij Faliscũ bellum, Valerio ac Seruilio Capenas sorte euenit. ab ijs non urbes ui aut operibus tentatæ: sed ager est depulatus: prædæq; rerũ agrestium actæ: nulla felix arbor, nihil frugiferũ in agro relictũ. Ea clades Capenatẽ populũ

x 3 subegit

subegit. pax petentibus data. In Faliscis bellum restabat. Romæ interim multiplex seditio erat, cuius leniendæ causa coloniam in Volscos, quò tria milia ciuium Romanorum scriberentur, deducendam censuerant: triumuiríq; ad id creati terna iugera, & septunces uiritin diuiserát. Ea largitio sperni cœpta: quia spei maioris auertendæ solatium obiectum censebant. cur enim relegari plebē in Volscos? cum pulcherrima urbs Veij agerq; Veientanus in cōspectu sit, uberior ampliorq; Romano agro? urbem quoq; urbi Romæ uel situ, uel magnificentia publicorum, priuatorumq; tectorum ac locorū præponebant. quin illa quoq; actio mouebatur, quæ post captam utiq; Romam à Gallis celebratior fuit, transmigrandi Veios. cæterum partē plebis, partem senatus destinabant habitandos Veios: duasq; urbes communes reipub. incolī à Romano populo posse. Aduersus quæ cum optimates ita tenderent, ut morituros se citius dicerēt in conspectu populi Romani, quàm quicquam earum rerum rogaretur: quippe nunc in una urbe tantum dissensionum esse, quid in duabus urbibus fore? uictam ne ut quisquam uictrici patriæ præferret? sineretq; maiorem fortunam captis esse Veijs, quàm incolumibus fuerit? postremo se relinqui à ciuib; in patria posse: ut relinquant patriam atque ciues, nullam uim unquam subacturam: & T. Sicinium (is enim ex tribunis plebis rogationis eius lator erat) conditorem Veios sequantur, relicto deo Romulo, dei filio, parēte & autore urbis Romæ. Hæc cum fœdis certaminibus agerentur (nam partem tribunorum plebis patres in suam sententiam traxerant) nulla res alia manibus temperare plebem cogebat: quàm quòd ubi rixæ cōmittendæ causa clamor ortus esset, principes senatus primi turbæ offerentes se, peti, feriri, atque occidi

occidi iubebāt. ab horum ætatibus dignitatibusq; & honoribus uiolādus dum abstinebatur & ad reliquos similes conatus uerecundia iræ obstabat. Camillus identidē omnibus locis concionabatur. haud mirum id quidem esse: fure re ciuitatem, quæ damnata uoti omnium rerum potio rem curam, quàm religione se exoluendi, habeat. nihil de collatione dicere stips uerius, quàm decima: quādo ea se quisq; priuatim obligauerit, liberatus sit populus. enim uero illud se tacere, suam conscientiam non pati: quod ex ea tantum præda, quæ rerum mouentium sit, decima designetur: urbis, atq; agri capti, quæ & ipsa uoto contineatur, mentio nem nullam fieri. Cum ea disceptatio anceps senatui uisa, delegata ad pontifices esset: adhibito Camullo uisum collegio: quod eius ante conceptum uotum Veientium fuisset, & post uotum in potestate populi Romani uenisset, eius partem decimam Apollini sacram esse. ita in æstimationē urbs agerq; uenit: pecunia ex ærario prompta, & tribunis militum consularibus ut aurum ex ea cōmercent, negotium datum. cuius cum copia non esset, matronæ cōtibus ad eam rem consultandam habitis, & communi decreto pollicitæ tribunis militū aurum & omnia ornamenta sua, in ærarium detulerunt. Grata ea res, ut quæ maxime senatui unquam fuit: honoremq; ob eam munificentiam ferunt matronis habitum: ut pilento ad sacra ludosq;, carpentis festo profestoq; uterentur. Pondere ab singulis auri accepto, æstimatoq;, ut pecuniæ soluarentur, crateram auream fieri placuit: quæ donum Apollini Delphos portaretur. Simul ab religione animos remiserunt. integrant seditio nem tribuni plebis: incitatur multitudo in omnes principes, ante alios in Camillum. eum prædam Veientanam publicando sacrandoq; ad nihilum redeigisse. absentes se

rociter increpant: præsentium, cum se ultro iratis offerrent, uerecundiam habent. Simul extrahi rem ex eo anno uiderunt, tribunos plebis latores legis in annum eosdē reficiunt: & patres hoc idem de intercessoribus legis an-
nisi. ita tribuni plebis magna ex parte ijdem refecti. Comitij tribunorum militum patres summa ope euicerunt ut M. Furius Camillus crearetur. propter bella simulabāt parari ducem, sed rogationi tribunitiæ aduersarius quærebatur. Cum Camillo creati tribuni militum consulari potestate, L. Furius Medullinus sextum, C. Aemilius, L. Valerius Publicola, Sp. Posthumius, P. Cornelius iterū. Principio anni tribuni plebis nihil mouerunt: donec M. Furius Camillus in Faliscos, cui id bellum mandatum erat, profici sceretur. differendo deinde elanguit res. & Camillo, quem aduersarium maxime metuerant, gloria in Faliscis creuit. Nam cum primo maxnibus se hostes tenerent, tutissimum idrati, populatione agrorum, atq; incēdijs uillarum coēgit eos egredi urbe, sed timor lōgius progredi prohibuit. mille ferē passuum ab oppido castra locant: nulla re alia fidentes ea satis tuta esse, quā difficultate aditus, asperis confragosisq; circā, & partim arctis, partim arduis uijs. Ceterum Camillus captiuum indicem ex agris secutus ducem, castris multa nocte motis, prima luce aliquanto superioribus locis se ostendit. trifariam Romani muniebant. alius exercitus prælio intētus stabat. ibi impedire opus conatos hostes fundit fugatq; tantūq; inde pauoris Faliscis iniectū est, ut effusa fuga castra sua, quæ propiora erant, prælati, urbem peterent. multi cæsi uulneratiq; priusquā pauentes portis incidèrent. castra capta: præda ad quæstores redacta cum magna militum ira. sed seueritate imperij uicti eandem uirtutem & oderant & mirabantur.

Obsid

Obsidio inde urbis, et munitiones, et interdum per occasionem impetus oppidanorum in Romanas stationes praeliaq; parua fieri: et teri tempus, neutro inclinata specie cum frumentum, copiaeque aliae ex antè conuecto largius obseſis quàm obsidentibus suppeteret. uidebaturque etque diuturnus futurus labor ac Veijs fuiſſet: ni fortuna imperatori Romano simul et cognitæ rebus bellicis uirtutis ſpecimē et maturam uictoriam dediffet. Mos erat Faliscis eodem magistro liberorum et comite uti: simulque plures pueri, quod hodie quoque in Græcia manet, unius curæ demandabantur. principum liberos ſicut ſerè fit, qui ſcientia uidebatur præcellere, erudiebat. Is cum in pace inſtituiſſet pueros ante urbem luſus exercendiq; cauſa producere: nihil eo more per belli tempus intermiſſo, dum modo breuioribus, modo longioribus ſpatiis trahendo eos à portaluſu, ſermonibusq; uariatis lōgius ſolito ubi res dedit, progreſſus inter ſtationes eos hoſtium, caſtraque inde Romana in prætorium ad Camillum perduxit. ibi ſceleſto facinori ſceleſtiorē ſermonem addit: Falerios ſe in manus Romanis tradidiſſe: quando eos pueros, quorum parentes capita ibi rerum ſint, in poteſtatem dediderit. Quæ ubi Camillus audiuit: Non ad ſimilē inquit tui nec populum, nec imperatorē ſceleſtus ipſe cum ſceleſto munere ueniſti. nobis cum Faliscis, quæ pacto ſit humano, ſocietas non eſt: quam ingenerauit natura, utriſque eſt eritque. ſunt et belli, ſicut pacis iura: iuſteque ea nō minus quàm fortiter didicimus gerere. arma habemus non aduerſum eam ætatē, cui etiam captis urbibus parcitur, ſed aduerſus armatos, et ipſos, qui nec læſi nec laceſſiti à nobis caſtra Romana ad Veios oppugnarunt. eos tu, quantum in te fuit, nouo ſcelere uiciſti: ego Romanis artibus, uirtute, o-

2 pcre, armis, sicut Veios uincam. Denudatum deinde cum
 manibus post tergum illigatis, reducendum Falerios pue-
 ris tradidit: uirgasq; eis, quibus proditorem agerēt in ur-
 bem uerberantes, dedit. Ad quod spectaculum concursu
 populi primum factō, deinde à magistratibus de re noua
 uocato senatu, tanta mutatio animis est iniecta, ut qui mo-
 do effrati odio iraq; Veientium exitum penè quam Ca-
 penatium pacem mallent, apud eos pacem uniuerſa posce-
 ret ciuitas. fides Romana, iustitia imperatoris, in foro &
 curia celebrantur: consensuq; omnium legati ad Camil-
 lum in castra, atq; inde permissu Camilli Romam ad sena-
 tum, qui dederent Falerios, proficiſcuntur. introducti ad
 senatū ita locuti traduntur. Patres conscripti, uictoria cui
 nec deus nec homo quisquā inuideat, uicti à uobis & im-
 peratore uestro dedimus nos uobis: rati, quo nihil uictori
 pulchrius est, melius nos sub imperio uestro, quàm legi-
 bus nostris uicturos. Euentu huius belli duo salutaria exē-
 pla prodita humano generi sunt. uos fidem in bello, quàm
 presentem uictoriam maluistis: nos fide prouocati uicto-
 riam ultro detulimus: sub ditione uestra sumus. mittite qui
 arma, qui obsides, qui urbem patentibus portis accipiāt:
 nec uos fidei nostræ, nec nos imperij uestri poenitebit. Ca-
 millo & ab hostibus, & à ciuibus gratiæ actæ: Faliscis in
 stipendium militum eius anni, ut populus Romanus tri-
 buto uacaret, pecunia imperata. Pace data, exercitus Ro-
 mam reductus. Camillus meliore multo laude, quàm cum
 triumphantem albi per urbem uexerant equi, insignis ius-
 titia fideq; hostibus uictis cum in urbem redisset: tacite e-
 ius uerecundiam non tulit senatus, quin sine mōra uoti
 liberaretur: crateramq; auream donum Apollini Del-
 phos legati qui ferrent, L. Valerius, L. Sergius, A. Man-
 lius mis-

lius missi longa una naue, haud procul frecto Siculo à piratis Liparensium excepti deuehuntur Liparæ. mos erat ciuitatis uelut publico latrocinio partam prædam diuidere. Forte eo anno in summo magistratu erat Timasitheus quidam Romanis uir similior quàm suis, qui legatorum nomen, donumq; & decum cui mitteretur, & doni causam ueritus ipse, multitudinem quoque, quæ semper ferme regenti est similis, religionis iustæ impleuit: adductosq; in publicum hospitium legatos cum præsidio etiam nauium Delphos profectus, Romam inde sospites restituit. hospitium cum eo senatusconsulto est factum: donaq; publice data. Eodem anno in Aequis uarie bellatum: adeo ut in incerto fuerit & apud ipsos exercitus, & Romæ, uicissent, uicti ne essent. Imperatores Romani fuere ex tribuni militum C. Aemilius, Spurius Posthumius. primo rem communiter gesserunt: fusis inde acie hostibus, Aemiliū præsidio Verruginem obtinere placuit, Posthumium fines uastare. ibi cum incompósito agmine negligentius ab re bene gesta cuntem adorti Aequi terrore iniecto in proximis compulere tumulos: pavorq; inde Verruginem etiam ad præsidium alterum est perlatum. Posthumius suis in tutum receptis cum concione aduocata terrorem increparet, ac fugam: fusos esse ab ignauissimo & fugacissimo hoste: conclamat uniuersus exercitus, merito se ea audire, & fateri admissum flagitiū: sed eosdem correcturos esse, neq; diuturnū id gaudiū hostibus fore: poscētes ut cōfestim inde ad castra hostium duceret (in conspectu erant posita in plano) nihil poenæ recusabant, ni ea ante noctem expugnassent. Collaudatos corpora curare, paratosq; esse quarta uigilia iubet. & hostes nocturnā fugam ex tumulo Romanorū ut ab ea uia, quæ ferebat Verruginem,

nem,excluderent, fuere obuij : praeliumq; ante lucem (sed luna pernox erat) commissum est: & haud incertius diurno praelium fuit. Sed clamor Verruginem perlatus, cum castra Romana crederent oppugnari, tantum iniecit paucioris, ut nequicquam retinente atq; obsecrante Aemyljo, Thusculum palati fugerent. inde fama Romam perlata est Posthumium, exercitumq; occisum. Qui ubi prima lux metum insidiarum effuse sequentibus sustulit: cum perequitasset aciem promissa repetens, tantum iniecit ardoris, ut non ultra sustinuerint impetum Aequi. caedes inde fugientium, qualis ubi ira magis quam uirtute res geritur, ad perniciem hostium facta est. tristemq; ab Thusculo nuntium nequicquam exterrita ciuitate literae à Posthumio laudatae sequuntur: uictoriam populi Romani esse: Aequorum exercitum deletum. Tribunorum plebis actiones quia nondum inuenerant finem, & plebs continuare latoribus legis tribunatum, & patres reficere intercessores legis an nisi sunt. sed plus suis comitijs plebs ualuit. quem dolorem ulti patres sunt, senatusconsulto facto ut consules, inuisus plebi magistratus, crearentur. annum post quintumdecimum creati consules L. Lucretius Flauus, Seruius Sulpitius Camerinus. Principio huius anni ferociter, quia nemo ex collegio intercessurus erat: coortis ad perscendendam legem tribunis plebis, nec segnius ob id ipsum consilibus resistentibus, omniq; ciuitate in unam eam curam conuersa, Vitelliam coloniam Romanam in suo agro Aequi expugnant. colonorum pars maxima incolumis, quia nocte proditione oppidum captum liberam per auersa urbis fugam dederat, Romam perfugere. L. Lucretio consuli ea prouincia euenit. is cum exercitu profectus acie hostes uicit: uictorq; Romam ad maius aliquanto certamen redijt.

redijt. dies dicta erat tribunis plebis biennij superioris A. Virginio, & Q. Pomponio: quos defendi patrum consensu ad fidem senatus pertinebat. neq; enim eos aut uitæ ullo crimine alio, aut gesti magistratus quisquam arguebat, præterquam quòd gratificantes patribus rogationi tribunitiæ intercessissent. uicit tamen gratiã senatus plebis iræ: & pessimo exēplo innoxij denis millibus grauis aris condemnati sunt. id ægre passi patres. Camillus palàm sceleris plebem arguere: quæ iam in suos uersa non intelligeret se prauo iudicio de tribunis intercessionem sustulisse: intercessionem sublata tribunitiam potestatem euertisse. Nam quòd illi speraret effrenatam licentiam eius magistratus patres laturos, falli eos. si tribunitia uis tribunitio auxilio repelli nequeat, aliud telum patres inuenturos esse. consulesq; increpabat, quòd fide publica decipi tribunos eos taciti tulissent, qui senatus auctoritatem secuti essent. Hæc propalàm cõcionabundus in dies magis augebat iras hominum. senatum uero incitare aduersus legem haud desisteat: ne aliter descenderent in forum cum dies ferendæ legis uenisset, quàm ut qui meminissent sibi pro aris, focusq; & deum templis, ac solo in quo nati essent, dimicandum fore. nam quod ad se priuatim attineat, si suæ gloriæ sibi inter dimicationem patriæ meminisse sit fas, sibi amplum quoq; esse urbem ab se captam frequentari: quotidie se frui monimēto gloriæ suæ: & ante oculos habere urbem latam in triumpho suo: insistere omnes uestigijs laudum suarum. sed nefas ducere desertam, ac relictam ab dijs immortalibus incolì urbem: & in captiuo solo habitare populum Romanum: & uictrice patria uictam mutari. His adhortationibus principis concitati patres, senes iuuenesq;, cum ferretur lex, agmine factò in forum uenerunt: dissipatiq;

per tri

per tribus, suos quisque tribules prehenſantes orare cum lacrymis cœpere: ne eam patriam, pro qua fortiſſime feliciſſimeq; ipſi ac patres eorum dinicaſſent, deferrent: capitolium, ædem Veſtæ, cætera circa templa deorum oſtentantes: ne exulem, extorrem populum Rom. ab ſolo patrio, ac dijs penatibus in hoſtium urbem agerent: eoq; rem adducerent, ut melius fuerit non capi Veios, ne Roma deferretur. Quia non ui agebant ſed precibus, & inter preces multa deorum mentio erat, religioſum parti maximæ fuit: & legem unam plures tribus antiquarunt, quàm iuſſerunt. adcoq; eâ uictoria læta patribus fuit, ut poſtero die reſerëtibus conſulibus ſenatusconſultũ fieret, ut agri Veientani ſeptena iugera plebi diuiderentur: nec patribus familiæ tantum, ſed ut omnium in domo liberorũ capitum ratio haberetur: uellentq; in eam ſpem liberos tollere. Eo munere delinita plebe nihil certatum eſt, quo minus conſularia comitia haberentur. creati conſules L. Valerius Potitus, M. Manlius, cui Capitolino poſtea fuit cognomen. Hi conſules magnos ludos fecere: quos M. Furius dictator uouerat Veienti bello. eodem anno ædes Iunonis reginæ ab eodem dictatore, eodemq; bello uota dedicatur: celebratamq; dedicationem ingenti matronarum ſtudio tradunt. Bellum haud memorabile in Algido cum Aequis geſtum eſt, ſuſis hoſtibus prius penè, quàm manus cōſerent. Valerio, quòd perſeueratior cædendis in fuga fuit, triumphus: Manlio ut ouans ingrederetur urbem, decretum eſt. Eodem anno nouum bellum cum Volſiniensibus exortum: quò propter famem, peſtilentiamq; in agro Romano ex ſiccitate caloribusq; nimijs ortam, exercitus duci nequiuit. ob quæ Volſiniensēs Salpinatibus adiunctis ſuperbia elati ultro agros Romanos incurſauere.

bellum

bellum inde duobus populis indictum. C. Iulius censor decessit: in eius locum M. Cornelius sufficitur. quæ res postea religioni fuit: quia eo lustro Roma est capta: nec deinde unquam in demortui locum censor sufficitur. consulibusq; morbo implicitis placuit per interregnum renouari auspicia. itaq; cum ex senatusconsulto consules magistratu se abdicassent: interrex creatur M. Furius Canullus: qui P. Cornelium Scipionem, is deinde L. Valerium Potitum interregem prodidit. ab eo creati sex tribuni militum consulari potestate: ut etiam sicuti eorum incommoda ualeatudo fuisset, copia magistratum reipublicæ esset. Calendis quintilibus magistratum occepere L. Lucretius, Seruius Sulpitius, M. Aemilius, L. Furius Medullinus septimum, Agrippa Furius, C. Aemilius iterum. Ex his L. Lucretio, et C. Aemilio Volsinienfes prouincia euenit: Salpinates Agrippæ Furio, et Seruio Sulpitio. Prius cum Volsinienfibus pugnatum est. bellum numero hostium ingens, certamine haud sanè asperum fuit. fusa concursu primo acies in fugam. millia octo armatorum ab equitibus interclusa positis armis in deditionem uenerunt. Eius belli fama effecit, ne se pugnae committerent Salpinates: mœnibus armati se tutabantur. Romani prædas passim et ex Salpinati agro, et ex Volsiniensi, nullo tam uim arcente, egerunt: donec Volsinienfibus fessis bello, ea conditione, ut res populo Romano redderent, stipendiumq; eius anni exercitui præstaret: in uiginti annos induciæ datæ. Eodẽ anno M. Ceditius de plebe nuntiauit tribunis: se in Noua uia, ubi nunc sacellum est: supra ædem Vestæ uocem noctis silentio audisse clariorem humana: quæ magistratibus dici iuberet, Gallos aduentare. Id (ut fit) propter autoris humilitatem spretum: et quod longinqua, eoq; ignotior gens erat.

erat. Neque deorum modo monita ingruente fato spreta: sed humanam quoque opem, quæ una erat, M. Furium ab urbe amouere. qui die dicta ab L. Apulcio tribuno plebis propter prædam Veientanam, filio quoque adolescente per idem tempus orbatum, cum accitis domum tribulibus, et clientibus, quæ magna pars plebis erat: percunctatus animos eorum, responsum tulisset: se collaturos quanti damnatus esset: absoluerit eum non posse: in exilium abiit: precatus ab dijs immortalibus, si innoxio sibi ea iniuria fieret, primo quoque tempore desiderium sui ciuitati ingrata facerent. absens quindecim millibus grauis æris damnatur. Expulso ciue, quo manente, si quicquam humanorum certi est, capi Roma non potuerat: aduentante fatali urbis clade, legati ab Clusinis ueniunt, auxilium aduersus Gallos petentes. Eam gentem traditur fama dulcedine frugum, maximeque uini noua tum uoluptate captam, Alpes transisse: agrosque ab Hetruscis antè cultos possedisse. et inuexisse in Galliam uinum illiciendæ gentis causa Aruntem Clusinum, ira corruptæ uxoris ab Lucumone, cui tutor is fuerat ipse, præpotente iuvene, et à quo expeti poenæ, nisi externa uis quæsita esset, nequirent. hunc transeuntibus Alpes ducem, autoremque Clusium oppugnandi fuisse. Equidem haud abnuerim: Clusium Gallos ab Arunte, seu quo alio Clusino adductos. sed eos qui oppugnauerint Clusium, non fuisse qui primi Alpes transierint, satis constat. ducentis quippe annis antè, quàm Clusium oppugnarent, urbemque Romam caperent, in Italiam Galli transcenderunt: nec cum his primum Hetruscorum, sed multo antè cum ijs, qui inter Apenninum, Alpesque incolebant, sæpe exercitus Gallici pugnauere. Thuscorum ante Romanum imperium late terra marique opes patuere.

mari

mari supero inferoq; quibus Italia insula modo cingitur,
 quantum potuerint, nomina sunt argumento: quod alterū
 Thuscum communi uocabulo gentis, alterū Adriaticum
 mari ab Adria Thuscorum colonia uocauere Italicae gen-
 tes. Græci eadem Tyrrhenum, atque Adriaticum uocant.
 Ii in utrunq; mare uergenteis incolere urbibus duodenis
 terras, prius cis Apenninum, ad inferum mare: postea trās
 Apēninum totidem, quot capita originis erāt, colonijs mis-
 sis: quæ trās Padum omnia loca, excepto Venetorum an-
 gulo, qui sinum circūcolunt maris, usq; ad Alpes tenuere.
 Alpinis quoq; ea gentibus haud dubie origo est, maxime
 Rhetis: quos loca ipsa effērarūt, nequid ex antiquo, præ-
 ter sonum linguæ, nec eum in corruptum, retinerent. De
 transitu in Italiam Gallorum hæc accepimus. Prisco Tar-
 quinio Romæ regnāte, Celtarum, quæ pars Galliæ tertia
 est, penes Bituriges summa imperij fuit. ij regem Celtico
 dabant. Ambigatus is fuit, uirtute fortunaq; cum sua, tum
 publica præpollens: quòd in imperio eius Gallia adeo fru-
 gum, hominumq; fertilis fuit, ut abundans multitudo uix
 regi uideretur posse. Hic magno natu ipse iam exonerare
 prægrauante turba regnum cupiens, Bellouesum ac Sigo-
 uesum sororis filios impigros iuuenes missurum se esse in
 quas dii dedissent augurijs sedes, ostēdit. quantū ipsi uel-
 lent numerum hominum, excirent, nequa gens arcere ad-
 uenientes posset. Tum Sigoueso sortibus dati Hercynei
 saltus. Belloueso haud paulo lætiorem in Italiam uiam dii
 dabant. Is, quòd eis ex populis abundabat, Bituriges,
 Aruernos, Senones, Heduos, Ambarros, Carnutes, Au-
 lercos, exciuit. profectus ingentibus peditum equitumq;
 copijs in Tricastinos uenit. Alpes inde oppositæ erant,
 quas inexuperabiles uisas haud equidem miror, nulladum

uia (quod quidem continens memoria sit, nisi de Hercule fabulis credere libet) superatas. Ibi cum uelut septos montium altitudo teneret Gallos, circūspectarentq; qua nam per iuncta coelo iuga in alium orbem terrarum transirēt, religio etiam tenuit: quod allatum est, aduenas quærentes agrum ab Saluium gente oppugnari. Massilienses erant hij, nauibus à Phocæa profecti. id Galli fortunæ suæ omen rati adiuuere, ut quem primum in terrā egressi occupaerant locum, patentibus syluis communirent. ipsi per Tau-
 rinos saltusq; Iuliæ Alpīs transcendērunt: fusis'que acie Thuscis haud procul Ticino flumine, cum, in quo conserant, agrum Insubrium appellari audissent, cognominē Insubribus pago Heduorum: ibi omen sequentes loci, condidere urbem, Mediolanum appellarunt. Alia subinde manus Germanorum Elitouio duce uestigia priorum secuta, eodem saltu fauente Belloueso cum transcendisset Alpes, ubi nunc Brixia ac Verona urbes sunt, locos tenuere Libui, confidunt. post hos Salluuij, qui prope antiquam gentem Leuos Ligures, incolentes circa Ticinum amnem, petiere Apenninum. deinde Boij, Lingonesq; transgressi, cū iam inter Padum atque Alpes omnia tenerētur, Pado ratibus traiecto, non Hetruscos modo, sed etiam Vmbros agro pellunt: intra Apenninum tamen sese tenere. Tum Senones recētissimi aduenarum ab Vfsente flumine usque ad Athesim fines habuere. hanc gentem Clusium, Romam'que inde uenisse comperio: id parum certum est, solam'ne, an ab omnibus Cisalpinorum Gallorum populis adiutā. Clusini nouo bello exterriti, cum multitudinem, tum formas hominum inusitatas cernerent, et genus armorum: audirentq; sæpe ab ijs cis Padum, ultra'que, legiones Hetruscorum fusas: quanquam aduersus Romanos nullum eis
 ius

ius societatis amicitiaē ue crat, nisi quòd Veientes consanguineos aduersus populum Romanum nō defendissent, legatos Romam, qui auxilium ab senatu peterent, misere. De auxilio nihil impetratum. legati tres, M. Fabij Ambusti filij missi, qui senatus, populiq; Romani nomine agerēt cum Gallis, ne à quibus nullam iniuriā acceperant, socios populi Romani, atque amicos oppugnarēt. Romanis eos bello quoque, si res cogat, tuendos esse: sed melius uisum bellum ipsum amoueri, si posset, & Gallos nouam gētem pace potius cognosci, quàm armis. Mitis legatio, ni præfēroces legatos, Gallisq; magis quàm Romanis similes habuisset. quibus, postquam mandata ediderunt in concilio Gallorum, datur responsum. Et si nouum nomen audiant Romanorum, tamen credere uiros fortes esse, quorum auxilium à Clusinis in re trepida sit imploratum. & quoniā legatione aduersus se maluerint, quàm armis tueri socios, ne se quidem pacem, quam illi afferant, aspernari, si Gallis egentibus agro, quem latius possideant quàm colant Clusini, partem finium concedant: aliter pacem impetrari nō posse. & responsum coram Romanis, se accipere uelle: & si negetur ager, coram iisdem Romanis dimicatu-ros, ut nuntiare domum possint quantum Galli uirtute ceteros mortales præstarent. Quodnam id ius esset? agrum à possessoribus peterē? aut munari arma? Romanis quærentibus, ecquid in Hetruria rei Gallis esset? cum illi se in armis ius ferre, & omnia fortium uirorum esse ferociter dicerent, accensis utrinque animis ad arma discurretur, & prælium conferitur. ibi, iam urgentibus Romanam urbem fatis, legati contra ius gentium arma capiunt. nec id clām esse potuit, cum ante signa Hetruscorū tres nobilissimi fortissimiq; Romanæ iuuetutis pugnaret,

tantum eminebat peregrina uirtus, quin etiam Q. Fabius
 euectus extra aciem equo, ducem Gallorū feroce in ipsa
 signa Hetruscorum incursantem per latus transfixum ha-
 sta occidit. spoliaq; eius legentem Galli agnouere, perq;
 totam aciem Romanū legatum esse signū datum est. Omis-
 sa inde in Clusinos ira receptui canunt, minantes Roma-
 nis. Erant, qui extemplo Romam eundem censerent. uice-
 re seniores, ut legati prius mitterentur questum iniurias,
 postulatumq; ut pro iure gentium uiolato Fabij dederen-
 tur. Legati Gallorum cum ea, sicut erant mandata, expo-
 suissent, senatui nec factum placebat Fabiorum, et ius po-
 stulare barbari uidebatur. sed ne id, quod placebat, decer-
 neret in tantæ nobilitatis uiris, ambitio obstabat. itaque ne
 penes ipsos culpa esset cladis forte Gallico bello acceptæ,
 cognitionem de postulatis Gallorum ad populum reijciunt,
 ubi tanto plus gratia atque opes ualuere, ut quorū de pœ-
 na agebatur, tribuni militum consulari potestate in sequē-
 tem annum crearentur. quo facto haud secus quàm dignū
 erat, infensi Galli bellum propalam minantes, ad suos re-
 deunt. Tribuni militum cum tribus Fabijs creati P. Sul-
 pitius Longus, Q. Seruilius quartum, P. Seruilius Malugi-
 nensis. Cum tanta moles mali instaret (adeo occæcat ani-
 mos fortuna, ubi uim suam ingruentem refringi non uult)
 ciuitas, quæ aduersus Fidenatē ac Vcientē hostem, aliosq;
 finitimos populos ultima experiens auxilia, dictatorem
 multis tempestatibus dixisset: ea tunc inusitato atque in-
 audito hoste, ab oceano terrarumque ultimis oris bellum
 ciente, nihil extraordinarij imperij aut auxilij quæsiuit.
 Tribuni, quorum temeritate bellum cōtractum erat, sum-
 mæ rerum præerant: delectumq; nihilo accuratiore, quàm
 ad media bella haberi solitus erat, extenuantes etiam fa-
 mam

mam belli, habebant. Interim Galli, postquam accepere, ul-
 tro honorem habitum uiolatoribus iuris humani, elusamq;
 suam legationē esse, flagrantēs ira, cuius impotens est gēs,
 confestim signis conuulsis, citato agmine iter ingrediun-
 tur. Ad quorum prætereuntium raptim tumultum cū ex-
 territæ urbes ad arma concurrerent, fugaq; agrestium fie-
 ret: Romam se ire magno clamore significabant, quacūq;
 ibant, equis, uirisq; longe ac late fuso agmine immensum
 obtinentes loci. Sed antecedente fama, nuntijsq; Clusino-
 rum, deinceps inde aliorum populorum plurimum terro-
 ris Romam celeritas hostiū tulit. quippe quibus uelut tu-
 multuario exercitu raptim ducto ægre ad undecimum la-
 pidem occursum est, quā fiumē Allia Crustuminiis mōtibz
 præalto defluens alueo haud multum infra uiam Tyberi-
 no amni nūscetur. Iam omnia contrā, circaq; hostium ple-
 na erant, & nata in uanos tumultus gens truci cantu cla-
 moribusq; uarijs horrendo cuncta compleuerant sono. Ibi
 tribuni militum nō loco castris antecapto, non præmuni-
 to uallo, quò receptus esset, non deorum saltem, si non ho-
 minum memores, nec auspicato, nec litato instruunt aciem
 diductam in cornua, ne circunueniri multitudine hostium
 possent. nec tamen æquari frontes poterant, cum extenuā-
 do, infirmam, & uix cohærentem mediam aciem haberēt.
 paulum erat ab dextera editi loci, quem subsidiarijs reple-
 ri placuit. eaq; res ut initium pauoris ac fugæ, sic una sa-
 lus fugientibus fuit. nam Brennus regulus Gallorū in pau-
 citate hostium artem maxime timens, ratus ad id captum
 superiorem locum, ut, ubi Galli cum acie legionum recta
 fronte concurrissent, subsidia in auersos transuersosque
 impetum darent, ad subsidiarios signa conuertit: si eos
 loco depulisset, haud dubius facilem in æquo campi tantū

superanti multitudini uictoriam fore. adeo nō fortuna modo, sed ratio etiam cum barbaris stabat. In altera acie nihil simile Romanis, non apud duces, nō apud milites erat, paucorū fugāq; occupauerat animos, & tāta hominum obliuio, ut multo maior pars Veios in hostium urbem, cū Tyberis arceret, quā recto itinere Romam ad coniuges ac liberos fugerent. Parumper subsidiarios tutatus est locus, in reliqua acie simul est clamor proximis ab latere, ultimis ab tergo auditus, ignotum hostem prius penē quā uiderent, nō modo non tētato certamine, sed ne clamore quidem reddito, integri intactiq; fugerunt. nec ulla cedes pugnantium fuit. terga caesa suometipsorū certamine in turba impediētium fugam. circa ripam Tyberis, quō armis abiectis totum sinistrum cornu defugit, magna strages facta est: multosq; imperitos nandi, aut inualidos graues loriceis, alijsq; tegminibus hausere gurgites. maxima tamen pars incolumis Veios perfigit, unde non modo praesidij quicquam, sed ne nuntius quidem cladis Romam est missus. ab dextro cornu, quod procul à flumine, & magis sub monte steterat: Romam omnes petiere, & ne clausis quidem portis urbis in arcem confugerunt. Gallos quoque uelut obstupefactos miraculum uictoriae tam repentinae tenuit. & ipsi pauore defixi primum steterunt, uelut ignari quid accidisset: deinde insidias uereri: postremo caesarum spolia legere, armorumq; cumulos, ut mos eis est, coacervare. Tum demum postquam nihil usquam hostile cernebatur, uiam ingressi haud multo ante solis occasum ad urbem Romam perueniunt. ubi cum praegressi equites non portas clausas, non stationem pro portis excubare, nō armatos esse in muris retulissent, aliud priori simile miraculum eos sustinuit, noctemque ueriti, & ignotae situm urbis,

urbis, inter Romam, atque Anienem confedere, exploratoribus missis circa mœnia aliasq; portas, quenam hostibus in perdita re consilia essent. Romani, cum pars maior ex acie Vcios petisset quàm Romam, nemo superesse quèquam præter eos, qui Romam refugerant, credere: complorati omnes pariter uiui mortuiq; totam propè urbem lamentis impleuerunt. Priuatos deinde luctus stupefecit publicus pauor, postquam hostes adesse nūtiatum est. mox ululatus cantusq; dissonos uagantibus circa mœnia turmatim barbaris audiebant. omne inde tempus suspensos ita tenuit animos usque ad lucem alteram, ut identidē iam in urbem futurus uideretur impetus primo aduentu, quo accesserant ad urbem. mansuros enim ad Alliam fuisse, nisi hoc cōsiliū foret. deinde sub occasum solis, quia haud multum diei supererat, ante noctem rati se inuasuros: tum in noctem dilatum consilium esse, quo plus pauoris inferret, postremo lux appropinquans exanimare. timorq; perpetuo ipsum malum continens fuit, cum signa infesta portis sunt illata. nequaquam tamen ea nocte, neque insequenti die simulis illi, quæ ad Alliam tam pauide fugerat, ciuitas fuit. nam cum defendi urbem posse tam parua relictā manu spes nulla esset, placuit cum coniugibus ac liberis iuuentutem militarem, senatusq; robur in arcem, capitoliūq; concedere: armis que, & frumento collatis, ex loco inde munito deos hominesq; & Romanum nomen defendere: flaminem, sacerdotes que uestales, sacra publica à cæde, ab incendijs procul auferre: nec antè deserui cultum eorū, quàm non superessent qui coleret. Si arx, Capitoliūq; sedes deorum, si senatus caput publici consilij, si militaris iuuentus superfuerit imminenti ruinae urbis, facilem iacturā esse seniorū, relictæ in urbe utiq; periturae turbae. & quo

id æquiore animo de plebe multitudo ferret, senes triumphales consularesq; simul se cum illis palàm dicere obitu-
ros: nec his corporibus, quibus non arma ferre, non tueri
patriam possent, oneratos inopiam armatorū. Hæc in-
ter seniores morti destinatos iactata solatia. Versæ inde
adhortationes ad agmen iuuenum, quos in Capitolium,
atque in arcem prosequerantur, cōmendantes uirtuti eo-
rum iuuentæq; urbis per trecetos sexaginta annos omni-
bus bellis uictoris, quæcunque reliqua esset, fortunam. di-
gredientibus qui spem omnem atq; opem secū ferebant, ab
ijs, qui captæ urbis non superesse statuerant exitio, cum
ipsa res speciesq; miserabilis erat, tum muliebris fletus, et
concurratio incerta nunc hos, nunc illos sequentium, rogi-
tantiumq; uiros natosq; cui se fato darent: nihil, quod hu-
manis superesset malis, relinquebant. magna pars tamen
earum in arcem suos persecutæ sunt, nec prohibente ullo,
nec uocante: quia quod utile obseſis ad minuendam imbel-
lem multitudinem, id parum humanum erat. Alia maxime
plebis turba, quam nec capere tam exiguus collis. nec alere
in tanta inopia frumēti poterat, ex urbe effusa uelut agmi-
ne iam uno petijt Ianiculum. inde pars per agros dilapsi,
pars urbes petunt finitimas, sine ullo duce, aut consensu,
suam quisque spem, sua consilia, communibus deploratis,
exequētes. Flamē interim Quirinalis, uirginesq; Vestales
omissa rerum suarum cura, quæ sacrorum secum ferenda,
quæ, quia uires ad omnia ferēda decrāt, relinquenda essent
consultantes, quis'ue ea locus fideli asseruaturus custodia
esset, optimum ducunt, condita in doliolis sacello proximo
ædibus flaminis Quirinalis, ubi nūc desui religio est, deso-
dere. cætera inter se onere partito ferunt uia, quæ Sublicio
ponte ducit ad Ianiculum. In eo cliuo eas cum L. Albinus
de

de plebe Romana homo conspexisset, plaustro coniugem ac liberos habens inter ceteram turbam, quæ inutilis bello urbe excedebat, saluo etiam tum discrimine diuinarum humanarumq; rerû, irreligiosum ratus sacerdotes publicos sacraq; populi Romani pedibus ire, ferriq; se ac suos in uehiculo conspici, descendere uxorem ac pueros iussit, uirgines sacraq; in plastrum imposuit, & Cære, quò iter sacerdotibus erat, peruexit. Romæ interim satisiam omnibus, ut in tali re, ad tuendam arcem compositis, turba seniorum domos regressa aduētum hostium obstinato ad mortem animo expectabat. qui eorum curules gesserant magistratus, ut in fortunæ pristinae honorumq; aut uirtutis insignibus morerentur, quæ augustissima uestis est thessas ducentibus, triumphatibusue, ea uestiti medio ædium eburneis sellis sedere. Sunt, qui M. Fabio pōtifice maximo præfante carnē deuouisse eos se pro patria, Quiritibusq; Romanis tradant. Galli & quia interposita nocte à contentione pugnae remiserant animos: & quòd nec in acie accipiti usquam certauerant prælio, nec tum impetu aut uicacie piebant urbem: sine ira, sine ardore animorum ingressi postero die urbem patēte Collina porta in forum perueniunt, circumferentes oculos ad templa deum, arcemq; solam belli speciem tenentem. inde modico relicto præsidio, nequis in dissipatos ex arce aut Capitolio impetus fieret, dilapsi ad prædam uacuis occursum hominum uijs, pars in proxima quæque tectorum agmine ruunt, pars ultima, uelut ea denuum intacta & referta præda, petunt. inde rursus ipsa solitudine absteriti, nequa fraus hostilis uagos exciperet, in forum ac propinqua foro loca conglobati redibant: ubi eos, plebis ædificijs obseratis, patentibus atrijs principum, maior propè cunctatio tenebat aperta quàm clausa

inuadendi, adeo haud secus quàm uenerabundi intuebantur in ædium uestibulus sedentes uiros, præter ornatum habitumq; humano augustiorem, maiestate etiam, quam uultus grauitasq; oris præ se ferebat, simulimos dijs. Ad eos uelut simulachra uersi cum starent: M. Papyrius unus ex his dicitur Gallo barbam suâ, ut tum omnibus promissa erat, permulcenti scipione eburneo in caput incusso iram mouisse: atq; ab eo initium cædis ortum, ceteros in sedibus suis trucidatos. Post principum cædem nulli deinde mortaliū parci, diripi tecta, exhaustis iniici ignes. Ceterum, seu non omnibus delendi urbem libido erat, seu ita placuerat principibus Gallorum, & ostentari quædam incendia terroris causa, si compelli ad deditionem charitate ædium suarum obsepsi possent: & nō omnia concremari tecta, ut quodcunq; superesset urbis, id pignus ad flectendos hostium animos haberent: nequaquam perinde atque in capta urbe prima die aut passim, aut late uagatus est ignis. Romani ex arce plenam hostium urbē cernentes, uagosq; per uias omnes cursus, cum alia atque alia parte noua aliqua clades oriretur, non mentibus solum concipere, sed ne auribus quidem, atque oculis satis constare poterāt. quocunque clamor, sonitus hostium, mulierum puerorum que ploratus, sonitus flammæ, & fragor ruentium tectorum auertisset, pauentes ad omnia animos oraq; & oculos fletebant: uelut ad spectaculum à fortuna positi occidentis patriæ, nec ullius rerum suarum relictī, præter quàm corporum uindices: tanto ante alios muscandi magis, qui unquam obsepsi sunt, quòd interclusi à patria obsidebantur, omnia sua cernentes in hostiū potestate. Nec tranquillior nox diē tam fœde actum excepit. Lux deinde noctē inquit tam infsecuta est, nec ullū erat tempus, quod à noua semper cladis

cladis alicuius spectaculo cessaret. nihil tamen tot onerati atq; obruti malis flexerunt animos, quin etsi omnia flammis ac ruinis æquata uidissent, quamuis inopem paruūq; quæ tenebant, collem libertati relictū uirtute defenderent: Et iam cum eadē quotidie acciderent uelut assueti malis ab aliena ueritate ab sensu rerum suarū animos, arma tantum, ferrumq; in dextris uelut solas reliquias spei suæ intuētes. Galli quoq; per aliquot dies in tecta modo urbis nequicquam bello gesto, cū inter incendia ac ruinas capte urbis nihil superesse præter armatos hostes uiderent: nec quicquam tot cladibus territos, nec flexuros ad deditiōem animos, ni uis adhiberetur: experiri ultima, Et impetū facere in arcem statuerunt. Prima luce signo dato multitudo omnis in foro instruitur: inde clamore sublato, ac testudine facta subeunt. aduersus quos Romani nihil temere, nec trepide, ad omnes aditus stationibus firmatis, quā signa ferri uidebāt, eā robore uirorū opposito scandere hostē sinunt: quo successerit magis in arduū, eo pelli posse per procliuē facilius rati. medio ferē cliuo resistere: atq; inde ex loco superiore, qui propē sua sponte in hostem inferebat, impetu facto, strage ac ruina fudere Gallos: ut nunquam postea nec pars, nec uniuersi tētauerint tale pugne genus. Omissa itaque spe per uim atq; arma subeūdi, obsidionem parant: cuius ad id tempus immemores, Et quod in urbe fuerat frumentum, incēdijs urbis absumpserāt, et ex agris per ipsos dies raptum omne Veios erat. Igitur exercitu diuiso partim per finitimos populos prædari placuit, partim obsideri arcē, ut obsidentibus frumentum populatores agrorū præberēt. Proficiscētes Gallos ab urbe ad Romanam ex- V
periendam uirtutem fortuna ipsa Ardeam, ubi Camillus exulabat, duxit. Qui mox ibi fortuna publica, q̄
sua,

sua, cum dijs hominibusq; accusandis fensceret, indignan-
 do mirandoq; ubi illi uiri essent, qui secū Veios Faleriosq;
 cepissent, qui alia bella fortius semper quam felicius gessis-
 sent, repente audit Gallorum exercitum aduētare, atq; de
 eo pauidos Ardeates consultare. Nec secus quā diuino
 spiritu tactus, cum se in mediam concionem intulisset, absti-
 nere suetus antē talibus concilijs: Ardeates, inquit, uete-
 res amici, noui etiam ciues mei, quando & uestrum benefi-
 cium ita tulit, & fortuna hoc egit mea, nemo uestrum con-
 ditionis meae oblitum me huc processisse putet. sed res, ac
 periculum commune cogit quod quisq; possit in re trepi-
 da praesidij, in medium conferre. & quādo ego uobis pro
 tantis uestris in me meritis gratiam referam, si nunc cessā-
 uero? aut ubi usus erit mei uobis, si in bello non fuerit? hac
 arte in patria steti, & inuictus bello in pace ab ingratis
 ciuibus pulsus sum. Vobis autem Ardeates fortuna oblata
 est, & pro tantis pristinis populi Romani beneficijs, quan-
 ta ipsi munuistis (nec enim exprobranda apud memores
 sunt) gratiae referendae: & huic urbi decus ingens belli ex
 hoste communi pariendi. Quae effuso agmine aduentat,
 gēs est, cui natura corpora, animosq; magna magis quā
 firma dedit. eo in certamen omne plus terroris quā ui-
 rium ferunt. argumento sit clades Romana. patentem ce-
 pere urbem: ex arce Capitolioq; his exigua resistitur ma-
 nu. iam obsidionis tadio uicti abscedunt, uagiq; per agros
 palantur. cibo, uinoq; raptim hausto repleti ubi nox appe-
 tit, propē riuos aquarum sine munimēto, sine stationibus
 ac custodijs passim ferarum ritu sternuntur, nunc ab secun-
 dis rebus magis etiam solito incauti. Si uobis in animo est
 tueri moenia uestra, nec pati haec omnia Galliam fieri, pri-
 ma uigilia capite arma frequentes: me sequimini ad cadē,
 non

non ad pugnam. nisi uictos somno uelut pecudes trucidandos tradidero, non recuso eundem Ardeæ rerum mearum exitum, quem Romæ habui. Aequis iniquisq; persuasum erat, tantum bello uirum neminem usquam ea tempestate esse. concione dimissa corpora curant, intenti quàm mox signum daretur. quo dato, primæ noctis silentio ad portas cum Camillo præstò fuere. egressi haud procul urbe, sicut prædictum erat, castra Gallorum intuita, neglectaq; ab omni parte nacti cum ingenti clamore inuadunt. nusquam prælium, omnibus locis cædes est: nuda corpora, & soluta somno trucidantur. extremos tamen pauor cubilibus suis excitos, quæ, aut unde uis esset ignaros, in fugam, & quosdam in hostem ipsum improvidos tulit. magna pars in agrum Antiatem delati, incursione ab oppidanis in palatos facta, circūueniuntur. Similis in agro Veienti Thuscorū facta strages est. qui urbis iam propè quadringentesimum annū uicinæ oppressæ ab hoste inusitato inauditoq; adeo nihil miserti sunt, ut in agrum Romanum eo tempore incursiones facerēt, pleniq; prædæ Veios etiam præfidiūq; & spem ultimā Romani nominis in animo habuerint oppugnare. Viderāt eos milites Romani uagātes per agros, & congregatos agmine prædam præ se agētes, & castra cernebant haud procul Veijs posita. inde primum misera-
tio sui, deinde indignitas, atq; ex ea ira animos cepit: Hetruscis ne etiam, à quibus bellum Gallicum in se auertissent, ludibrio esse clades suas. uix temperauere animis, quin extemplo impetum facerent: compressi que à Cæditio centurione, quem sibimetipsi præfecerant, rem in noctem sustinuerunt. tantum par Camillo defuit autor, cætera eodem ordine, eodemq; fortunæ euentu gesta. quin etiam ducibus captiuis, qui cædi nocturnæ superfuerant, ad aliā
manum

manum Thuscorum ad Salinas profecti nocte insequenti ex improviso maiorem cædem edidere, dupliciq; uictoria ouantes Veios redeunt. Romæ interim plerunq; obsidio segnis, & utrinque silentium esse, ad id tantū intentis Gal-
lis, nequis hostium euadere inter stationes posset. cum re-
pente iuuenis Romanus admiratione in se ciues, hostesq;
cōuertit. sacrificium erat statum in Quirinali colle genti
Fabie. ad id faciendum C. Fabius Dorsuo, gabino cinctu,
sacra manibus gerens cum de capitolio descendisset, per
medias hostium stationes egressus, nihil ad uocem cuius-
quam, terrorem uel motus in Quirinalem collem peruenit.
ibiq; omnibus solenniter peractis, eadem reuertens simili-
ter constanti uultu graduque, satis sperans propitios esse
deos, quorum cultum ne mortis quidem metu prohibitus
deseruisset, in Capitolium ad suos redijt: seu attonitis Gal-
lis miraculo audaciæ, seu religione etiā motis, cuius haud-
quaquam negligens gens est. Veijs interim non animi
tantum in dies, sed etiam uires crescebāt: nec Romanis so-
lum cō conuenientibus ex agris, qui aut prælio aduerso,
aut clade captæ urbis palati fuerant, sed etiā ex Latio uo-
luntarijs confluentibus, ut in parte prædæ essent. Maturū
iā uidebatur repeti patriā, eripi q; ex hostium manibus:
sed corpori ualido caput decrat. locus ipse admonebat Ca-
mille, & magna pars militum erat, qui ductu auspicioque
eius res prospere gesserant. & Cæditius negat se commu-
surum cur sibi aut deorum aut hominum quisquam im-
perium finiret potius, quā ipse memor ordinis sui po-
sceret imperatorem. Consensu omnium placuit ab Ardea
Camillum acciri, sed antea consulto Senatu, qui Romæ
esset. adeo regebat omnia pudor, discriminaq; rerum pro-
pè perditis rebus seruabant. Ingenti periculo transcun-
dum

dum per hostium custodias erat. ad eam rem Pontius Cominius impiger iuuenis operam pollicitus, incubans cortici secundo Tyberi ad urbem desertur: inde quā proximū fuit à ripa per prærumpit, eoq; neglectum hostium custodia saxum in capitolium euadit, et ad magistratus ductus mandata exercitus edit. Accepto inde Senatus decreto, ut & comitijs curiatis reuocatus de exilio iussu populi Camillus dictator extemplo diceretur, militesq; haberent imperatorem quem uellent, eadem digressus nuntius Veios contendit: missiq; Ardeam legati ad Camillum Veios eum perduxere: seu quod magis credere libet, non prius profectum ab Ardea, quàm comperit legē latam: quòd nec iniussu populi mutari finibus posset, nec nisi dictator dictus auspicia in exercitu habere, lex curiata lata est, dictatorque absens dictus. Dum hæc Veijs agebantur, interim arx Romæ capitoliumq; in ingenti periculo fuit. nanq; Galli seu uestigio notato humano, quā nuntius à Veijs peruenerat: seu sua sponte animaduerso ad Carmentis saxum ascensu equo: nocte sublustri cum primo inermem, qui tentaret uiam, præmississent, tradentes inde arma, ubi quid iniqui esset, alterni innixi, subleuantesq; inuicem, & trahentes alij alios, prout postulare locus, tanto silëtio in summum euasere, ut non custodes solum fallerent, sed ne canes quidem, sollicitum animal ad nocturnos strepitus, excitarent, anseres non fefellerent, quibus sacris Iunoni in summa inopia cibi tamen abstinebatur. quæ res saluti fuit. nanque clangore eorum, alarumq; crepitu excitus M. Manlius, qui triennio antè consul fuerat, uir bello egregius, armis arreptis simul ad arma cæteros ciens uadit. & dum ceteri trepidant: Gallum, qui iam in summo constiterat, umbone ictum deturbat. cuius casus prolapsi cum proximos
ster

sterneret, trepidātes alios, armisq; omīsis saxa, quibus adhærebant, manibus amplexos trucidat. iamq; & alij congregati telis, missilibusq; saxis proturbare hostes, ruinaq; tota prolapsa acies in præceps deferri. Sedato deinde tumultu reliquum noctis, quantum in turbatis mentibus poterat, cum præteritum quoque periculum sollicitaret, quieti datum est. Luce orta uocatis classico ad concilium militibus ad tribunos, cum & recte, & perperam factio pretiū deberetur: Manlius primum ob uirtutem laudatus, donatusq; non ab tribunis solum militum, sed consensu etiā militari: cui uniuerſi ſelibras farris, & quartarios uini ad ædes eius quæ in arce erant, contulerunt: rem dictu parua: cæterum inopia fecerat eam argumentū ingens charitatis: cum ſe quiſq; uictu ſuo fraudans detractum corpori atque uſibus neceſſarijs ad honorem unius uiri conferret. Tum uigiles eius loci, quæ ſefellerat aſcendens hoſtis, citati: & cum in omnes more militari ſe animaduерſurum P. Sulpitius tribunus militum pronuntiaſſet, conſentiente clamore militum in unum uigilem conijcientium culpam, deterriſus à cæteris abſtinuit: reum haud dubium eius noxæ approbantibus cunctis de ſaxo deiecit. Inde intentiores utrinque cuſtodie eſſe: & apud Gallos, quia uulgatū erat, inter Veios Romamq; nuntios commcare: & apud Romanos, ob nocturni periculi memoriam. Sed ante omnia obſidionis belliq; mala fames utrinque exercitū urgebat: Gallos peſtilentia etiam, cum loco iacente inter tumulos caſtra habentes, tum ab incendijs torrido & uaporis pleno, cineremq; non puluerem modo ferēte, cum quid uenti motum eſſet: quorum intolerantiſſima gēs eſt, humoriq; ac frigori aſſucta: tum æſtu & angore uexati, uulgatis uelut in pecora morbis morerētur. Iam pigritia ſingulos

los sepeliendi, promiscue accruatos cumulos hominū urebant: bustorumq; inde Gallicorum nomine insignem locum fecere. Induciæ deinde cum Romanis factæ, & colloquia permissu imperatorū habita: in quibus cum identidē Galli famem obijcerent, eaq; necessitate ad deditionem uocarent, dicitur auertendæ eius opinionis causa multis locis panis de Capitolio iactatus esse in hostium stationes. Sed iam neq; dissimulari, neq; ferri ultra fames poterat: itaq; dum dictator delectum per se Ardeæ habet, magistrū equitū L. Valerium à Veijs abducere exercitum iubet: parat, instruitq; quibus haud impar adoriatur hostes: interrim capitolinus exercitus stationibus uigilijsq; fessus, superatis tamen humanis omnibus malis cū famem unam natura uinci nō sineret: diem de die prospectans ecquod auxilium ab dictatore appareret, postremo spe quoq; iam, nō solū cibo deficiente, & cū stationes procederēt propè obructibus infirmum corpus armis, uel dedi, uel redimi se quacūq; pactione posset, iussit: iactantibus nō obscure Gallis, haud magna mercede se adduci posse ut obsidionem relinquant. Tum senatus habitus, tribunisq; militum negocium datum, ut paciscerentur. Inde inter P. Sulpitium tribunum militum, & Brennum regulum Gallorum colloquio transacta res est, & mille pondo auri pretium populi gentibus mox imperaturi factum. Rei foedissimæ per se, adiecta indignitas est: pondera ab Gallis ellata iniqua: & tribuno recusante, additus ab insolente Gallo pōderi gladius: auditaq; intoleranda Romanis uox, Væ uictis esse. Sed dijsq; & homines prohibuere redemptos uiuere Romanos. nam forte quadam, prius quàm infanda merces perficeretur, per altercationem nondum omni auro appenso, dictator interuenit: auferriq; aurum de medio, &

Gallos submoueri iubet. cum illi renitentes pactos dicerēt sese, negat eam pactiōem ratam esse, quæ postquā ipse dictator creatus esset, iniussu suo ab inferioris iuris magistratu facta esset: denuntiatq; Gallis, ut se ad prælium expediant: suos in acervum conijcere sarcinas & arma aptare, ferroq; non auro recuperare patriam iubet, in conspectu habentes sana deū & coniuges & liberos, & solum patriæ deforme belli malis, & omnia quæ defendi reperiūq; & ulcisci fas sit. Instruit deinde aciem ut loci natura patiebatur, in semirutæ solo urbis & natura inæquali: & omnia quæ arte belli secunda suis eligi præparariue poterant, prouidit. Galli noua re trepidi arma capiunt, iraq; magis quā consilio in Romanos incurrunt. Iam uerterat fortuna, iam deorum opes humanaq; consilia rem Romanam adiuuabant. Igitur primo concursu haud maiore momento fusi Galli sunt, quā ad Alliam uicerant. Iustiore altero deinde prælio ad octauum lapidē Gabina uia, quò se ex fuga contulerant, eiusdem ductu aspicioq; Camilli uincuntur. Ibi cædes omnia obtinuit, castra capiuntur, & ne nuntius quidem cladis relictus. Dictator, recuperata ex hostibus patria, triumphans in urbem redit: interq; iocos militares quos inconditos iaciūt, Romulus ac parens patriæ conditorq; alter urbis haud uanis laudibus appellabatur. Seruatam deinde bello patriam iterum in pace haud dubie seruauit, cum prohibuit migrari Veios: & tribunus rem intentius agentibus post incensam urbem, & per se inclinata magis plebe ad id consilium. eaq; causa fuit non abdicandæ post triumphum dictaturæ, senatu obsecrante ne rempublicam in incerto relinqueret statu. Omnium primum ut erat diligentissimus religionum cultor, quæ ad deos immortales pertinebant, retulit:

retulit: & senatusconsultum facit: sana omnia quod ea hostes possedissent, restituerentur, terminarentur expiarenturq; : expiatioq; eorū in libris per duūuiros quaeretur. cum Cæretibus publice hospitium fieret, quod sacra populi Romani ac sacerdotes recepiſſet, beneficioq; eius populi non intermissus honos deūm immortalis esset. ludi Capitolini fierent, quod Iupiter optimus maximus suam sedem atq; arcem P. R. in re trepida tutatus esset: collegiūq; ad eam rem M. Furius dictator constitueret ex ijs qui in Capitolio atq; arce habitarent. Expiāda etiam uocis nocturnæ, quæ nuntia cladis ante bellum Gallicū audita neglectaq; esset, mentio illata, iussūq; templū in Noua uia Locutio fieri. Aurum quod Gallis creptum erat, quodq; ex alijs templis inter trepidationem in Iouis cellam collatum, cum in quæ referri oporteret, confusa memoria esset: sacrum omne iudicatū, & sub Iouis sella poni iussū. Iam ante in eo religio ciuitatis apparuerat: quod cum in publico deesset aurū, ex quo summa pactæ mercedis Gallis conficeret, à matronis collatum acceperant, ut sacro auro abſtineretur. Matronis gratiæ actæ, honosq; additus, ut earum sicut uirorum, post mortem solennis laudatio esset. Iis peractis quæ ad deos pertinebant, quæq; per senatum agi poterant: tum demum agitantibus tribunis plebē assiduis concionibus, ut relictis ruinis in urbem paratam Veios transmigrarent: in cōcionem uniuerso senatu prosequente ascendit, atq; ita uerba fecit. Adeo mihi acerbæ sunt Quirites contentiones cū tribunis plebis, ut nec tristissimi exilij solatium aliud habuerim quoad Ardea uixi, quàm quod procul ab his certaminibus eram: & ob eadē hæc non, nisi me senatusconsulto populiq; iussu reuocaretis, rediturus unquā fuerim: nec nūc me, ut redirem, mea

uoluntas mutata, sed uestra fortuna perpulit. quippe ut in sua sede maneret patria, id agebatur : non ut ego utiq; in patria essem. & nunc quiescerem ac tacerem libenter, nisi hæc quoq; pro patria dimicatio esset, cui deesse quoad uita suppetat, alijs turpe, Camillo etiã nefas est. Quid enim repetimus? quid obsessam ex hostium manibus eripuimus? si recuperatam ipsi deserimus? & cum uictoribus Gallis capta tota urbe, Capitolium tamen atque arcem dij; & homines Romani tenuerint, habitauerint: uictoribus Romanis recuperata urbe arx quoq; & Capitolium deseretur? & plus uastitatis huic urbi secunda nostra fortuna faciet, quam aduersa fecerit? Equidem si nobis cum urbe simul posita, traditaq; per manus religiones nullæ essent: tamen tam euidentis numen hac tempestate rebus affuit Romanis, ut omnem negligentiam diuini cultus exemptam hominibus putem. intuemini enim horum deinceps annorum uel secundas res uel aduersas : inuenietis omnia prospere euenisse sequentibus deos, aduersa spernentibus. Iã omnium primum Vciens bellum, per quot annos, quanto labore gestum, nō antè cepit finem, quàm monitu deorum aqua ex lacu Albano emissa est. Quid hæc tandem urbis nostræ clades? num antè exorta est, quàm spreta uox cælo emissa de aduentu Gallorum? quàm gentium ius ab legatis nostris uiolatum? quàm à nobis cum uindicare deberet, eadem negligentia deorum prætermisum? Igitur uicti captiq; ac redempti tantum pœnarum dijs hominibusque dedimus, ut terrarum orbi documento essemus. aduersæ deinde res admonuerunt religionum. Confugimus in Capitolium ad deos, ad sedem Iouis optimi maximi, sacra in ruina rerum nostrarum alia terræ celauimus, alia auecta in finitimas urbes amouimus ab hostium oculis : deorum cultū deserti

ab dijs hominibusque, tamen non intermisimus. reddidere igitur patriam & uictoriam & antiquū belli decus amissum: & in hostes qui cæci auaritia in pondere auri fœdus ac fidem sefellunt, uerterunt terrorem fugamque & cædem. Hæc culti neglectique numinis tanta monumenta in rebus humanis cernentes, ecquid sentitis Quirites quantum uixdum ex naufragijs prioris culpæ cladisque emergentes paremus nefas? Urbem auspicato inauguratoque conditam habemus: nullus locus in ea non religionum deorumque est plenus: sacrificijs solennibus non dies magis statiti quam loca sunt, in quibus fiant. hos omnes deos publicos priuatosque Quirites deserturi estis? quàm par uestrum factum est, quod in obsidione nuper in egregio adolescente C. Fabio non minore hostium admiratione quàm uestra conspectum est? cum inter Gallica tela digressus ex arce solenne Fabiæ gentis in colle Quirinali obiit. An gentilitia sacra ne in bello quidem intermitteri, publica sacra & Romanos deos etiam in pace deserui placet? & pontifices flaminesque negligentiores publicarum religionum esse, quàm priuatus in solenni gentis fuerit? Forsitan aliquis dicat, aut Veijs ea nos facturos, aut huc inde missuros sacerdotes nostros, qui faciant: quorum neutrum fieri saluis cerimonijs potest: & ne omnia generatim sacra, omnesque percenseam deos: in Iouis epulo nū alibi, quàm in Capitolio puluinar suscipi potest? Quid de æternis Vestæ ignibus, signoque quod imperij pignus custodia eius templi tenetur, loquar? quid de ancylibus uestris, Mars Gradive, tuque Quirine pater? hæc omnia in profano deserui placet sacra, æqualia urbi, quædam uetustiora origine urbis? Et uidete quid inter nos ac maiores intersit: illi sacra quædam in monte Albano Lauinioque nobis faciendâ tradiderunt

diderunt. An ex hostium urbibus Romam ad nos transferri sacra religiosum fuit : hinc sine piaculo in hostium urbem Veios transferemus ? Recordamini agite dum, quoties sacra instaurentur : quia aliquid ex patrio ritu negligentia casu'ue prætermissum est. Modo quæ res post prodigium Albani lacus, nisi instauratio sacrorum auspiciarum'que renouatio affectæ Veienti bello reipub. remedio fuit ? At etiam tanquam ueterum religionum memores, et peregrinos deos transtulimus Romam, et instituimus novos. Iuno regina transuecta à Veijs nuper in Auentino quàm insigni ob excellēs matronarum studium, celebriq; dedicata est die ? Locutio templum propter cœlestem uocem exauditam in Noua uia iussimus fieri : capitolinos ludos solennibus alijs addidimus : collegiumq; ad id nouum autore senatu condidimus. Quid horum opus fuit suscipi, si unà cum Gallis urbem Romanam relicturi fuimus ? si nō uoluntate mansimus in Capitolio per tot menses obsidionis ? si ab hostibus metu retenti sumus ? de sacris loquimur et de templis, quid tandem de sacerdotibus ? non ne in mentem uenit, quantum piaculi committatur ? Vestalibus nēpe una illa sedes est, ex qua eas nihil unquam præterquam urbs capta mouit. flamini diali noctem unam manere extra urbem nefas est. hos Veietes pro Romanis facturi estis sacerdotes ? et uestales tuæ te deferent Vesta ? et flamen peregre habitando, in singulas noctes tantum sibi rei que publicæ piaculi contrahet ? Quid alia, quæ auspicato agimus omnia frè intra pomerium, cui obliuioni, aut cui negligentiae damus ? Comitia curiata, quæ rem militarem continent : comitia centuriata, quibus consules tribunosq; militares creatis : ubi auspicato, nisi ubi adsolent, fieri possunt ? Veios ne hæc transferemus ? an comitiorum causa populus

populus tanto incommodo indefertam hanc ab dijs hominibusq; urbem conueniet? Sed res ipsa cogit uastatam incendijs ruinisq; relinquere urbem, & ad integra omnia Veios migrare: nec hic ædificando inopem plebem uexare. Hanc autem iactari magis causam, quàm ueram esse, ut ego non dicam, apparere uobis Quirites puto: qui meminit ante Gallorum aduētum salus tectis publicis priuatisq;, stante incolumi urbe, hanc eadem rem actam esse, ut Veios trāsmigraremus. Et uidete quantum inter meam sententiam uestramq; intersit tribuni: uos etiam si tunc faciendum non fuerit, nunc utiq; faciendum putatis: ego contra (nec id mirati sitis prius, quàm quale sit audieritis) etiam si tunc migrandum fuisset incolumi tota urbe, nunc has ruinas relinquendas non censerem: quippe tum causa nobis in urbem captam migrandi uictoria esset, gloriosa nobis ac posteris nostris: nunc hæc migratio nobis misera ac turpis, Gallis gloriosa est. non enim reliquisse uictores, sed amisisse uicti patriā uidebimur. hoc ad Aliam fuga, hoc capta urbs, hoc circunsejjum Capitolium necessitatis imposuisse, ut desereremus penates nostros, exiliūq; ac fugam nobis ex eo loco conscisceremus, quem tueri non possemus: & Galli euertere potuerūt Romam, quam Romani restituere non uidebuntur potuisse? Quid restat, nisi ut si iam nouis copijs uentiant (constat enim uix credibilem multitudinem esse) & habitare in capta ab se, deserta à uobis hac urbe uelint, sinatus? Quid si non Galli hoc, sed ueteres hostes uestri, Aequi, Volsci uel faciant, ut cōmugrent Romā? uelitis ne illos Romanos, uos Veientes esse? nō malitis hanc solitudinē uestram, quàm urbem hostium esse? non equidem uideo quid magis nefas sit. Hæc scelera, quia piget ædificare, hæc dedecora pati parati

estis? Si tota urbe nullum melius, amplius'ue tectum fieri possit, quàm casa illa conditoris est nostri: non in casis ritu pastorum agrestiumq; habitare est satius inter sacra penatesq; uestros, quàm exulatum publice ire? Maiores nostri cōuenæ, pastoresq; cū in his locis nihil præter sylvas paludesq; esset, nouam urbem tam breui ædificauerunt. nos Capitolio, arce incolumi, stantibus templis deorum, ædificare incensam piget? & quod singuli facturi fuimus, si ædes nostræ deslagrassent: hoc in publico incendio uniuersi recusamus facere? Quid tādē, si fraude, si casu Veijs incēdium ortum sit, uentoq; (ut fieri potest) diffusa flamma magnam partem urbis absumat: Fidenas inde aut Gabios, aliam'ue quam urbem quæsituri sumus, quò transmigramus? adeo nihil tenet solum patriæ? nec hæc terra quam matrem appellamus? sed in superficie tignusq; charitas nobis patriæ pendet? Et quidem fatebor uobis, etsi minus iniuriæ uestræ quàm meæ calamitatis meminisse iuuat: cum abessem, quotiescunq; patria in mentē ueniret, hæc omnia occurrebant, colles campi; & Tyberis, & assueta oculis regio, & hoc cælum, sub quo natus educatusq; essem. quæ uos Quirites nunc moueant potius charitate sua, ut maneatis in sede uestra, quàm postea cum reliqueritis ea, macerent desyderio. Non sine causa dii hominesq; hunc urbi condendæ locum elegerunt: saluberrimos colles, flumen opportunum, quo ex mediterraneis locis fruges deuehantur, quo maritimu commeatus accipiantur: mare uicinum ad commoditates, nec expositum nimia propinquitate ad pericula clasium externarum: regionū Italiæ medium, ad incrementum urbis natum unice locum. argumēto est ipsa magnitudo tam nouæ urbis. trecentessimus sexagesimus quintus annus urbis Quirites agitur. inter tot ueterrimos

terrimos populos tandiu bella geritis, cum interea, ne singulas loquar urbes, non coniuncti cum Aequis Volsci, tot tam ualida oppida, non uniuersa Hetruria tantum terra mariq; pollens, atq; inter duo maria latitudinem obtinēs Italia, bello uobis par est. Quod cum ita sit, quæ malū ratio est expertis alia experiri? cū iam ut uirtus uestra transire aliò possit, fortuna certe loci huius transferri nō possit. Hic capitolium est, ubi quondam capite humano inuēto responsum est, eo loco caput rerum summamq; imperij fore. hic cum augurato liberaretur Capitolium, Iuuentas Terminusq; maximo gaudio patrū nostrorum moueri se non passi. hic Vestæ ignes, hic ancylia cælo demissa, hic omnes propitij manentibus uobis dij. Mouisse eos Camillus cum alia oratione, tum ea quæ ad religiones pertinebat, maxime dicitur. sed rem dubiam decreuit opportune uox emissa, quod cū senatus post paulò de his rebus in curia Hostilia haberetur: cohortesq; ex præsidijs reuertentes forte agmine forum transirent: centurio in comitio exclamauit, Signifer, statue signum, hic manebimus optime. Qua uoce audita, & senatus accipere se omen ex curia egressus conclamauit, & plebs circumfusa approbauit. Antiquata deinde lege, promiscue urbs ædificari cœpta. tegula publice præbita est: saxi materiæq; cædendæ unde quisque uellet ius factum, prædibus acceptis eo anno ædificia perfecturos. Festinatio curam exemit uicos dirigendi, dum omisso sui alieniq; discrimine, in uacuo ædificant. ea est causa, ut ueteres cloacæ, primo per publicum ductæ, nunc priuata passim subeant tecta: formaq; urbis sit occupata magis quàm diuise similis.

D E C A D I S I.

L I B E R VI.



QVAE ab condita urbe Roma ad captā
 eandē urbem Romani sub regibus primū,
 cōsulibus deinde ac dictatoribus, decēui-
 rusq; ac tribunis consularibus gessere fo-
 ris bella, domū seditiōes, quinq; libris ex-
 posui: res cum uetustate nimia obscuras, uelut quæ magno
 ex interuallo loci uix cernuntur: tum quòd perrare per
 eadem tempora literæ fuisse, una custodia fidelis memoriæ
 rerum gestarum, et quòd etiam si quæ in commentarijs pō-
 tificum, alijs quæ publicis priuatisq; erant monumentis,
 incensa urbe pleræq; interiere. clariora deinceps certiora
 quæ ab secunda origine, uelut ab stirpibus lætius frax-
 ciusq; renatæ urbis, gesta domi militiæq; exponuntur. Cæ-
 terum primo quo adnunculo erecta erat, eodem innixa
 M. Furio principe stetit: neque eum abdicare se dictaturam
 nisi anno circumactō passi sunt. Comitia in insequen-
 tem annum tribunos habere, quorum in magistratu capta
 urbs esset, non placuit: res ad interregnum redijt. Cum
 ciuitas in opere ac labore assiduo reficiendæ urbis tene-
 retur: interim Q. Fabio, simul primum magistratu abiit,
 ab C. Martio tribuno plebis dicta dies est: quòd legatus
 in Gallos, ad quos missus erat orator, contra ius gentium
 pugnasset. cui iudicio eum mors adeo opportuna, ut uolun-
 tariam magna pars crederet, subtraxit. Interregnum
 iniit P. Cornelius Scipio interrex: et post eum M. Furius
 Camillus iterum. is tribunos militum consulari potestate
 creat, A. Valerium Publicolam iterum, L. Virginium,
 P. Cornelium, A. Manlium, L. Acnulum, L. Posthu-
 mum.

mium. Ii ex interregno cum extemplo magistratum inis-
sent, nulla de re prius quàm de religionibus senatum con-
suluere. In primis fœdera, ac leges (erant autem eæ duo-
decim tabulæ, & quædam regiæ leges) conquiri, quæ com-
parerent, iusserunt. alia ex eis edita etiam in uulgus. quæ
autem ad sacra pertinebant, à pontificibus maxime, ut
religione obstrictos haberent multitudinis animos, sup-
pressa. Tum de diebus religiosis agitari cœptum, diemq;
ad x v. calendas sextiles duplici clade insignem, quo die
ad Cremeram Fabij cæsi: quo deinde ad Alliam cum exi-
tio urbis fœde pugnatum: à posteriore clade Alliensem
appellarunt, insignemq; rei nulli publice priuatimq; agē-
dæ fecerunt. Quidam, quòd postridie idus Quintiles non
litaſset Sulpitius tribunus militum: neque inuenta pace
deum post diem tertium obiectus hosti exercitus Romanus
esset: etiam postridie idus rebus diuinis supersederi ius-
sum: inde ut postridie calendas quoque ac nonas eadem
religio esset, traditum putant. Nec diu licuit quietis con-
silia erigendæ ex tam graui casu reipublicæ secum agita-
re. Hinc Volsci ueteres hostes ad extinguendum nomen
Romanum arma ceperant. Hinc Hetruriæ principum ex
omnibus populis coniurationem de bello ad fanum Vol-
turnæ factam, mercatores afferebant. nouus quoque ter-
ror accesserat defectione Latinorum Hernicorumque,
qui post pugnam ad lacum Regillum factam, per annos
propè centum nunquam ambigua fide in amicitia popu-
li Romani fuerant. Itaque cum tanti undique terrores cir-
cunſtarent: appareretq; omnibus non odio solum apud
hostes, sed contemptu etiam inter socios nomē Romanum
laborare: placuit eiusdem auspicijs defendi rempubli-
cam, cuius recuperata esset: dictatoremq; dici M. Furium
Camillum

Camillum. is dictator C. Seruilius Halam magistrū equi-
 tum dixit: iustitioq; indicto delectum iuniorum habuit:
 ita ut seniores quoque, quibus aliquid roboris superesset,
 in uerba sua iuratos centuriaret. Exercitum conscriptum
 armatumq; trifariam diuisit. partem unam in agro Veie-
 te Hetruriæ opposuit. alteram ante urbem castra locare
 iussit: tribunus militum his A. Manlius, illis qui aduersus
 Hetruscos mittebantur, L. Aemilius præpositus. tertiam
 partem ipse ad Volscos duxit: nec procul ab Lanuui-
 o (Admetiam is locus dicitur) castra oppugnare est ador-
 tus. quibus ab contemptu, quod prope omnem deletam à
 Gallis Romanam iuuentutem crederent, ad bellum profe-
 ctis, tantum Camillus auditus imperator terroris intulerat,
 ut uallo se ipsi, uallum congestis arboribus sepirēt: ne qua
 intrare ad munimenta hostis posset. Quod ubi animadu-
 erat Camillus, ignem in obiectam septem conijci iussit. & for-
 te erat uis magna uenti uersa in hostem. itaque non ape-
 ruit solum incendio uiam, sed flammis in castra tendenti-
 bus, uapore etiam ac fumo, crepituq; uiridis materie fla-
 grantis ita consternauit hostes, ut minor moles superanti-
 bus uallum in castra Volscorū Romanis fuerit, quàm trā-
 scendentibus septem incendio absumptam fuerat. Fusis ho-
 stibus, cæsisq; cum castra impetu cepisset dictator, præ-
 dam militi dedit, quo minus speratam munime largitore di-
 ce, eo militi gratiorem. persecutus deinde fugientes, cum
 omnem Volscum agrum depopulatus esset, ad deditionem
 Volscos septuagesimo demum anno subegit. Victor ex
 Volscis in Aequos transijt, & ipsos bellum moliētes. ex-
 ercitus eorū ad Bolas oppressit: nec castra modo, sed ur-
 bem etiam aggressus, impetu primo cepit. Cum in ea par-
 te, in qua caput rei Romanæ Camillus erat, ea fortuna es-
 set, aliam

set, aliam in partem terror ingens ingruerat. Hetrumia propè omnis armata Sutrium socios populi Romani ob-
sidebat. quorum legati opem rebus affectis orantes cum
senatum adissent, decretum tulere, ut dictator primo quo-
que tempore auxilium Sutrinis ferret. cuius spei moram
cum pati fortuna obseſſorum non potuiſſet: confecta que
paucitas oppidanorum opere, uigilijs uulneribusq; , que
semper eosdem urgebāt: per pacſionem urbe hoſtibus tra-
dita, inermes cum ſingulis emiſſi uestimentis, miſerabili
agmine penates relinquerent: eo forte tempore Camillus
cum exercitu Romano interuenit. cui cum ſe moſta turba
ad pedes prouoluiffet: principumq; orationem neceſſitate
ultima expreſſam, ſletus mulierum ac puerorum, qui exilij
comites trahebātur, excepiſſet: parcere lamentis Sutrinos
iuſſit: Hetruſcis ſe luſtum lacrymasq; ferre. Sarcinas inde
deponi, Sutrinosq; ibi conſidere modico præſidio relicto,
arma ſecum militem ferre iubet. ita expedito exercitu pro-
fectus ad Sutrium, id quod rebatur, ſoluta omnia rebus (ut
fit) ſecundis inuenit: nullam ſtationem antè mœnia: paten-
tes portas, uictorem uagum prædam ex hoſtiū teſtis ege-
rentem. Iterum igitur eodem die Sutrium capitur: uicto-
res Hetruſci paſſim trucidantur ab nouo hoſte, neque ſe
conglobandi coëundiq; in unum, aut arma capiendi da-
tur ſpatium, cum pro ſe quiſq; tenderent ad portas, ſi quæ
forte ſe in agros eijcere poſſent: clauſas (id enim primum
dictator imperauerat) portas inueniunt. Inde alij arma
capere, alij quos forte armatos tumultus occupauerat, cō-
uocare ſuos, ut prælium inirent. quod accenſum ab deſpe-
ratione hoſtium fuiſſet, ni præcones per urbem dimiſſi po-
ni arma, & parci inermi iuſſiſſent, nec præter armatos
quenquam uiolari. Tum etiam quibus animi in ſpe ultima
obſtinati

obstinati ad decertandum fuerant: postquam data spes uite est, iactare passim arma: inermesq; , quod tutius fortuna fecerat, se hosti offerre. Magna multitudo in custodias diuisa: oppidum ante noctem redditum Sutrinis inuiolatum, integrumq; ab omni clade belli: quia non ui captum, sed traditum per conditiones fuerat. Camillus in urbem triumphans redijt, trium simul bellorum uictor. longe plurimos captiuos ex Hetruscis ante currum duxit. quibus sub hasta uenundatis, tantum aris redactum est, ut pretio pro auro matronis persoluto, ex eo quod supererat, tres paterae aureae factae sint: quas cum titulo nominis Camilli ante Capitolium incensum in Iouis cella constat ante pedes Iunonis positas fuisse. Eo anno in ciuitatem accepti, qui Veientium Capenatiumq; ac Faliscorum per ea bella transfugerant ad Romanos, agerq; ijs nouis ciuibus assignatus. reuocati quoq; in urbem senatusconsulto à Veijs qui aedificandi Romae pigritia, occupatis ibi uacuis tectis Veios se contulerant. Et primo fremitus fuit aspernantium imperium. dies deinde praestituta capitalisq; poena, qui non remigrasset Romam, ex ferocebus uniuersis singulos metu suo quenq; obedientes fecit. Et Roma cum frequentia crescere, tum tota simul exurgere aedificijs: et república impensas adiuuante, et aedilibus uelut publicum exigentibus opus, et ipsis priuatis (admonebat enim desiderium usus) festinantibus ad effectum operis: intraq; annum noua urbs stetit. Exitu anni comitia tribunorum militum consulari potestate habita. Creati, T. Quintius Cincinnatus, Q. Seruilius Fidenas quintum, Iulius Tullus, L. Aquilius Coruus, L. Lucretius Tricipitinus, Ser. Sulpitius Ruffus. Exercitum alterum in Aequos, non ab bellum (uictos namque se fatebantur) sed ab odio ad peruastandos fines, ne-

quid

quid ad noua consilia relinquerent uirum, duxere : alterum in agrum Tarquiniensem. ibi oppida Hetruscorum Cortuosa & Cōtenebra ui capta dirutaq;. Ad Cortuosam nihil certaminis fuit. improviso adorti primo clamore atque impetu cepere. direptum oppidum atque incensum est. Contenebra paucos dies oppugnationem sustinuit, laborq; continuus non die, non nocte remissus subegit eos. cum in sex partes diuisus exercitus Romanus senis horis in orbem succederet praelio : oppidanos eosdem integro semper certamini paucitas fessos obijceret : cessere tandem, locusq; inuadendi urbem Romanus datus est. Publicari pradam tribunis placebat, sed imperium quam consilium segnius fuit. dum cunctantur, iam militum praeda erat, nec nisi per inuidiam adiri poterat. Eodem anno, ne priuatis tantum operibus cresceret urbs, Capitolium quoq; saxo quadrato substructum est, opus uel in hac magnificentia urbis conspiciendum. Iam & tribuni plebis, ciuitate edificando occupata, conciones suas frequentare legibus agrarijs conabantur. ostentabatur in spem Pomptinus ager, tum primum post accisas à Camullo Volscorum res possessionis haud ambigua. Criminabatur multo cum infestiores agrum ab nobilitate esse quam à Volscis fuerit. ab illis enim tantum, quoad uires & arma habuerunt, incursiones eò factas. nobiles homines in possessionem agri publici grassari : nec nisi antequam omnia præcipiant, diuisus sit, locum ibi plebi fore. Haud magnopere plebem mouerant, & infrequentem in foro, propter ædificandi curam, & eodem exhaustam impensis, eoque agri immemorem, ad quem instruendum uires non essent. In ciuitate plena religionum, tum etiã ab recenti clade superstitiosis principibus, ut renouarentur auspicia, res ad interregnum redijt

redijt. interreges deinceps, M. Manlius Capitolinus, Ser. Sulpitius Camerinus, L. Valerius Potitus. hic demum tribunorum militum consulari potestate comitia habuit. L. Papyrium, Cn. Sergium, L. Aemulium iterum, L. Licinium, M. Menenium, L. Valerium Publicolam tertium, creat. hi ex interregno magistratum occepere. Eo anno aedes Martis Gallico bello uota, dedicata est à T. Quintio duumuiro sacris faciundis. Tribus quatuor ex nouis ciuibus additæ, Stellatina, Pomatina, Sabbatina, Arniensis: eaq; trigintaquinque tribuum numerum expleuere. De agro Pomptino ab L. Sicinio tribuno plebis actum ad frequentiore iam populum, mobilioremq; ad cupiditatem agri, quàm fuerat. Et de Latino Hernico'que bello mentio facta in senatu, maioris belli cura, quòd Hetruria in armis erat, dilata est. Res ad Camillum tribunum militum consulari potestate redijt: collegæ additi quinque, Ser. Cornelius Maluginensis, Q. Seruilius Fidenas sextum, L. Quintius Cincinnatus, L. Horatius Puluillus, P. Valerius. Principio anni auersæ curæ hominum sunt à bello Hetrusco: quòd fugientium ex agro Pomptino agmen repente illatum in urbem, attulit, Antiates in armis esse, Latinorumq; populos iuuentutem submisisse ad id bellum, eo abnuentes publicum fuisse consilium: quòd non prohibitos tantummodo, uoluntarios dicerent militare, ubi uellent. Desierant iam ulla contemni bella. itaque senatus dijs agere gratias, quòd Camillus in magistratu esset. dictatorem quippe dicendum eum fuisse, si priuatus esset: & collegæ fateri regimen omnium rerum, ubi quid bellici terroris ingruat, in uiro uno esse: sibi'que destinatum in animo esse Camillo summittere imperium: nec quicquam de maiestate sua detractum credere, quod maiestati eius uiri cõcessissent.

cessissent. Collaudatis ab senatu tribunis, & ipse Camillus confusus animo gratias egit. Ingens inde ait onus à populo Romano sibi, qui se dictatorem iam quartum creasset, magnū à senatu talibus de se iudicijs eius ordinis, maximum tam honoratorum collegarum obsequio iniungi. itaque siquid laboris uigiliarumq; adijci possit, certantē secum ipsum annisurum, ut tanto de se consensu ciuitatis opinionem, quæ maxima sit, etiam constantem efficiat. Quod ad bellum atque Antiates attineat, plus ibi minarum, quàm periculi esse: se tamen, ut nihil timendi, sic nihil contemnendi autorem esse. Circumsederi urbem Romanā ab inuidia & odio finitimorum: itaq; & ducibus pluribus & exercitibus administrandam rempublicam esse. Te, inquit, P. Valeri socium imperij consilijq; legiones mecum aduersus Antiatem hostem ducere placet: te Q. Seruili altero exercitu instructo paratoq; in urbe castra habere intentum: siue Hetruria se interim, ut nuper, siue noua hæc cura, Latini atque Hernici mouerint: pro certo habeo ita rem gesturum, ut patre, auo, teq; ipso ac sex tribunatibus dignum est: tertius exercitus ex causarijs senioribusq; à L. Quintio scribatur, qui urbi mœnibusq; præsidio sit. L. Horatius arma, tela, frumentum, quæq; belli alia tempora poscent, provideat, Te Sergi Corneli, præsidem huius publici consilij, custodem religionum, comitiorum, legum, rerum omnium urbanarum, collegæ facimus. Cunctis in partes muneris sui benigne pollicentibus operam, Valerius socius imperij lectus adiecit M. Furium sibi pro dictatore: seq; ei pro magistro equitum futurum: proinde quam opinionem de unico imperatore, eam spem de bello haberent. Se uero bene sperare patres & de bello & de pace, uniuersa que república erecti gaudio fremunt: nec

A

dictatore

dictatore unquam opus fore reipublicæ, si tales viros in magistratu habeat, tam concordibus iunctis animis, parere atque imperare iuxta paratos, laudemque conferentes potius in medium quam ex communi ad se trahentes. Iussitio indicto, delectuque habito, Furius ac Valerius ad Satricum profecti: quod non Volscorum modo iuventutem Antiates ex noua sobole lectam, sed ingentem Latinorum Hernicorumque conciuerant ex integerrimis diutina pace populis. itaque nouus hostis ueteri adiunctus commouit animos militis Romani. Quod ubi aciem iam instruenti Camillo centuriones renuntiauerunt, turbatas militum mentes esse: segniter arma capta, cunctabundosque et resistentes egressos castris esse: quin uoces quoque auditas, cum centenis hostibus singulos pugnatuos: et ægre inermem tantam multitudinem, nedum armatam sustineri posse: in equum insilit: et ante signa obuersus in aciem, ordines interequitans: Quæ tristitia milites hæc, quæ insolita cunctatio est? hostem, an me, an uos ignoratis? hostis est, quid aliud quam perpetua materia uirtutis gloriæque uestræ? uos contra, me duce (ut Falerios Veiosque captos, et in capta patria Gallorum legiones cæsas taceam) modo trigeminæ uictoriæ triplicem triumphum ex his ipsis Volscis et Aequis et ex Hetruria egistis. an me quod non dictator uobis, sed tribunus signum dedi, non agnoscitis ducem? neque ego maxima imperia in uos desidero: et uos in me nihil præter me ipsum intueri decet. neque enim dictatura mihi unquam animos fecit, ut ne exilium quidem ademit. Iidem igitur omnes sumus: et cum eadem omnia in hoc bellum afferamus, quæ in priora attulimus: eundem euentum belli expectemus. simul concurreritis, quod quisque didicit ac consueuit, faciet; uos uincetis, illi fugient

gient. Dato deinde signo ex equo desilit: & proximum signiferum manu arreptum secum in hostem rapit: infermules clamitans signum. Quod ubi uidere ipsum Camillum iam ad munera corporis senectâ inualidum uadentem in hostes, procurrunt pariter omnes clamore sublato, sequere imperatorem pro se quisque clamantes. emissum etiam signum Camilli iussu in hostium aciem ferunt: idque ut repeteretur, concitatos antesignanos. Ibi primum pulsum Antiatem, terroremque non in primam tantum aciem, sed etiam ad subsidiarios perlatum. nec uis tantum militum mouebat excitata præsentia ducis: sed quòd Volscorum animis nihil terribilius erat, quàm ipsius Camilli forte oblata species. ita quocunque se intulisset, uictoriam secum haud dubiam trahebat. maxime id euidentis fuit, cum in læuum cornu propè iam pulsum arrepto repente equò cum scuto pedestri aduectus conspectu suo prælium restituit; ostentans uincens ceteram aciem. Iam inclinata res erat: sed turba hostium & fuga impediebatur: & longa cæde conficienda multitudo tanta fesso militi erat: cum repente ingentibus procellis fusus imber certam magis uictoriam quàm prælium direnuit. Signo deinde receptui dato, nox infecuta quietis Romanis perfecit bellum. Latini namque & Hernici relictis Volscis domos profecti sunt, malis consilijs pares adepti euentus. Volsci ubi se desertos ab eis uidere, quorum fiducia rebellauerant: relictis castris, mœnibus Satrici se includunt. quos primo Camillus uallo circumdare & aggere atque operibus oppugnare est adortus. Quæ postquàm nulla eruptione impediri uidet; minus esse animi ratus in hoste, quàm ut in eo tam lentæ spei uictoriam expectaret: cohortatus milites, ne tanquam Veios oppugnantes in

opere longinquo sese tererent, uictoriam in manibus esse: ingenti militum alacritate mœnia undique aggressus scalis oppidum cepit, Volsci abiectis armis sese dediderunt. Ceterum animus ducis rei maiori, Antio imminēbat. id caput Volscorum, eam fuisse originem proximi belli. sed quia nisi magno apparatu, tormentis machinisq; tam ualida urbs capi non poterat: relicto ad exercitum collega Romam est profectus, ut senatum ad excidendum Antium hortaretur. Inter sermonem eius (credo rē Antiātem diu turniorem manere dijs cordi fuisse) legati ab Nepete ac Sutrio auxilium aduersus Hetruscos petentes ueniūt, breuem occasionem esse ferendi auxilij memorantes: eò uim Camilli ab Antio fortuna auertit. namq; cum ea loca opposita Hetruriæ, et uelut claustra inde portæq; essent: et illis occupandi ea, cum quid noui molirētur, et Romanis recuperandi tuendique cura erat. Igitur senatui cum Camillo agi placuit, ut omisso Antio bellum Hetruscum susciperet. legiones urbanæ, quibus Quintius præfuerat, ei decernuntur: quanquam expertum exercitum assuetumq; imperio qui in Volscis erat, mallet, nihil recusauit: Valerium tantummodo imperij socium depoposcit. Quintius, Horatiusq; successores Valerio in Volscis missi, Profecti ab urbe Sutrium Furius et Valerius partem oppidi iam captam ab Hetruscis inuenere: ex parte altera interseptis itineribus ægre oppidanos uim hostium ab se arcētes. tum Romani auxilij aduentus, tum Camilli nomen celeberrimum apud hostes sociosque, et in præsentia rem inclinātam sustinuit, et spatium ad opem ferendam dedit. Itaque diuiso exercitu Camillus collegam eam in partem circumductis copijs quam hostes tenebāt, mœnia aggredi iubet: non tanta spe scalis capi urbem posse, quā ut auersis

auersis eò hostibus, & oppidanis iam pugnando fessis la-
 xaretur labor, & ipse spatium intrandi sine certamine
 moenia haberet. Quod cum simul utrinque factum esset,
 ancepsq; terror Hetruscos circumstaret: & moenia sum-
 ma ui oppugnari, & intra moenia esse hostem uiderent,
 porta se, quæ una forte non obsidebatur, trepidi uno agmi-
 ne eiecere, magna cædes fugientium & in urbe & per
 agros est facta. plures à Furianis intra moenia cæsi: Va-
 leriani expeditiores ad persequendos fuere: nec ante no-
 ctem, quæ conspectum admitt, sinem cadendi fecere. Su-
 trio recepto, restitutoq; socijs, Nepete exercitus ductus,
 quod per deditionem acceptum iam totum Hetrusci habe-
 bant. Videbatur plus in ea urbe recipienda laboris fore,
 non in eo solum quòd tota hostium erat, sed etiam quòd
 parte Nepefinorum prodẽte ciuitatem facta erat deditio.
 multi tamen ad principes eorum placuit, ut secernerent se
 ab Hetruscis: fidemq; quã implorassent ab Romanis, ipsi
 præstarent. Vnde cum responsum allatum esset, nihil sue
 potestatis esse: Hetruscos moenia, custodiasq; portarũ te-
 nere: primo populationibus agri terror est oppidanis ad-
 motus: deinde postquam deditionis quàm societatis fides
 sanctior erat, fascibus sarmentorum ex agro collatis du-
 ctus ad moenia exercitus, completisq; fossis scalæ admotæ,
 & clamore primo impetuq; oppidum capitur. Nepefinis
 inde edictum ut arma ponant, parciq; iussum inermi. He-
 trusci pariter armati atque inermes cæsi. Nepefinorum
 quoque autores deditionis securi percussi: innoxie mul-
 titudini redditæ res oppidumq; cum præsidio relictam.
 Ita duabus socijs urbibus ex hoste receptis, uictorem
 exercitum tribuni cum magna gloria Romam reduxe-
 runt. Eodem anno ab Latinis Hernicisq; res repetita;

quæsitumq; cur per eos annos militem ex instituto non
 dedissent. Responsum frequenti utriusq; gentis concilio
 est, nec culpam in eo publicam, nec concilium fuisse, quod
 suæ iuuentutis aliqui apud Volscos militauerint: eos ta-
 men ipsos prauis consilij poenam habere, nec quenquam
 ex his reducem esse. militis autem non dati causam, terro-
 rem aspiduum à Volscis fuisse: quam pestem adherentem
 lateri suo tot super alia alijs bellis exhausti nequisse.
 Quæ relata patribus magis tempus, quam causam non
 uisa belli habere. Insequenti anno A. Manlio, P. Corne-
 lio, T. & L. Quintijs Capitolinis, L. Papyrio Cursore
 tribunis consulari potestate, graue bellum foris, grauior
 domi seditio exorta: bellum à Volscis adiuncta Latino-
 rum atque Hernicorum defectione: seditio, unde minime
 timeri potuit, à patriciæ gentis uiro & inclytæ famæ M.
 Manlio Capitolino: qui nimius animis cum alios princi-
 pes sperneret, uni inuideret, eximio simul honoribus at-
 que uirtutibus M. Furio: ægre ferebat solum cum in ma-
 gistratibus, solum apud exercitus esse: tantum iam emi-
 nere, ut iisdem auspicijs creatos non pro collegis, sed pro
 ministris habeat: cum interim, si quis uere æstimare ue-
 lit, à M. Furio recuperari patria ex obsidione hostium
 non potuerit, nisi à se prius capitolium atque arx seruata
 esset: & ille inter aurum accipiendum, & spem pacis so-
 lutis animis Gallos aggressus sit: ipse armatos capien-
 tes, que arcem depulerit: illius gloriæ pars uiriliter apud o-
 mnes milites sit, qui simul uicerint, suæ uictoriæ nemi-
 nem omnium mortalium socium esse. His opinionibus in-
 flato animo, ad hoc uitio quoque ingenij uehemens &
 impotens, postquam inter patres non quantum æquum
 censebat excellere suas opes animaduertit: primū omnium
 ex patr

ex patribus popularis factus cum plebeijs magistratibus
 cōsilia communicare, criminando patres, alliciendo ad se
 plebem, iam aura non consilio ferri, famæq; magnæ malle
 quàm bonæ esse: & non contentus agrarijs legibus, quæ
 materia semper tribunis plebis seditionum fuisset, idē mo-
 liri cœpit. acriores quippe æris alieni stimulos esse, qui nō
 egestatem modo atq; ignominiā minētur, sed nervo ac uin-
 culis corpus liberū territ: & erat æris alieni magna uis,
 res damnosissima etiam diuitibus, ædificando contracta.
 Bellum itaq; Volscum graue per se, oneratū Latinorum
 atq; Hernicorū defectione in speciem causæ iactatum, ut
 maior potestas quæreretur. sed noua consilia Manlij ma-
 gis compulere senatū ad dictatorem creandum. creatus A.
 Cornelius Cossus magistrū equitū dixit T. Quintiū Capi-
 tolinū. Dictator etsi maiore dimicationē propositam do-
 mi, quàm foris cernebat: tamen seu quia celeritate ad bellū
 opus erat, seu uictoria triumphoq; dictaturæ ipsi uires se
 additurū ratus, delectu habito in agrum Pomptinum, quō
 à Volscis exercitum indictum audierat, pergit. Non dubi-
 to præter satietatem tot iam libris assidua bella cum Vol-
 scis gesta legentibus illud quoq; succursurum, quod mihi
 percensenti propiores temporibus harum rerum autores
 miraculo fuit, unde toties uictis Volscis & Aequis suffece-
 rint milites. quod cum ab antiquis tacitū prætermissumq;
 sit: cuius tandem ego rei præter opinionem, quæ sua cuiq;
 coniectanti esse potest, autor sim? Simile ueri est, aut in-
 teruallis bellorum, sicut nunc in delectibus sit Romanis,
 alia atque alia sobole iuniorum ad bella instauranda to-
 ties usos esse: aut non ex ijsdem semper populis exercitus
 scriptos: quāquam eadem semper gens bellū intulerit: aut
 innumerabilem multitudinē liberorū capitum in eis fuisse

locis, quæ nunc uix seminario exiguo militū relicto seruitia Romana ab solitudine uindicant. Ingens certe (quod inter omnes autores conueniat) quanquam nuper Camilli ductu atq; auspicio accisæ res erant, Volscorū exercitus fuit, ad hoc Latini Herniciq; accesserant, & Circeiensium quidam, & coloni etiam à Velitris. Romanus dictator castris eo die positis, postero cum auspiciato prodisset, hostiaq; cæsa pacem deū adorasset, lætus ad milites iam arma ad propositum pugnæ signum, sicut edictum erat, luce prima capientes processit. Nostra uictoria est milites, inquit, siquid dii uatesq; eorum in futurum uidet. itaq; ut decet certæ spei plenos, & cum imparibus manus cōferturos, pilis ante pedes positis, gladijs tantum dextram armemus: ne procurri quidē ab acie uelim, sed obnixos uos stabili gradu impetum hostium excipere. ubi illi uana iniecerint missilia, & effusi stantibus uobis se intulerint, tū micent gladij, & ueniat in mentem unicuiq; deos esse, qui Romanum adiuuent: deos, qui secundis aurbus in prælium nuscrint. Tu Quinti equitem intentus ad primum initium moti certaminis teneas: ubi hæcere iam aciem collato pede uideris, tum terrorem equestre occupatis alio pauore infer: inuectusq; ordines pugnantium dissipa. Sic eques, sic pedes, ut præceperat, pugnant. nec dux legiones, nec fortuna fefellit ducem. Multitudo hostium nulli rei præter quàm numero freta & oculis utramq; metiens acie, temere prælium iniit, temere omisit: clamore tantū missilibusq; telis, & primo pugnæ impetu ferox gladios & collatum pedem & uultum hostis ardore animi micantem ferre non potuit. Impulsa frons prima, & trepidatio subsidijs illata, & suum terrorem intulit eques, rupti inde multis locis ordines, motaq; omnia, & fluctuanti simul acies erat

erat. deinde postquam cadentibus primis iam ad se quisq;
peruenturam cædem cernebat, terga uertunt. Instare Ro-
manus: & donec armati confertiq; abibant, peditū labor
in persequendo fuit. Postquā iactari arma passim, fugaq;
per agros spargi aciem hostium animaduersum est: tum
equitum turmæ emissæ, dato signo ne in singulorum mor-
rando cæde spatium ad euadendum interim multitudini
darent: satis esse musilibus ac terrore impediri cursum,
obequitandoq; agmen teneri, dum assequi pedes & iusta
cæde conficere hostem posset. fugæ, sequendiq; non ante
noctem finis fuit: capta quoq; ac direpta eodem die castra
Volscorum, prædæq; omnis, præter libera corpora, militi
concessa est. pars maxima captiuorū ex Latinis atq; Her-
nicis fuit: nec hominū de plebe, ut credi posset mercede mi-
litasse: sed principes quidā iuuentutis inuenti: manifesta fi-
des publica ope Volscos hostes adiutos. Circeiēsī quoq;
quidam cogniti, & coloni à Velitris: Romamque omnes
missi percunctantibus primoribus patrum eadem, quæ di-
ctatori, defectionem sui quisq; populi haud perplexe indi-
cauere. Dictator exercitum in statiuis tenebat, minime du-
bius bellum cum his populis patres iussuros: cum maior
domi exorta moles coëgit acciri Romam eum, gliscēte in
dies seditione, quam solito magis metuendam autor facie-
bat. non enim iam orationes modo M. Manlij, sed facta
popularia in speciem, tumultuosa eadē qua mente fierēt,
intuenda erant. Centurionem nobilem militaribus factis,
iudicatum pecuniæ cum duci uidisset: medio foro cum ca-
terua sua accurrit, & manum iniecit: uociferatusq; de su-
perbia patrum, ac crudelitate foeneratorum, & miserijs
plebis, uirtutibus eius uiri fortunaq; Tum uerò ego, in-
quit, nequiequam hac dextra capitolium arcemque ser-

uauerim, si ciuem commilitonemq; meum tanquam Gallis uictoribus captum in seruitutem ac uincula duci uideam. inde rem creditori palam populo soluit: libraq; & ære liberatum emittit, deos atq; homines obtestantē ut M. Manlio liberatori suo, parenti plebis Romanæ, gratiam restarent. acceptus extemplo in tumultuosam turbam & ipse tumultum augebat, cicatrices acceptas Veienti, Gallico, alijsq; deinceps bellis ostentans: se militantem, se restituentem euersos penates multiplici iam sorte exoluta, mergentibus semper sortem usuris obrutum fœnore esse: uidere lucem, forum, ciuium ora, M. Manlij opera: omnia parentū beneficia ab illo se habere: illi deuouere corporis uitæq; ac sanguinis quod supersit: quodcunque sibi cum patria, penatibus publicis ac priuatis iuris fuerit, id cum uno homine esse. His uocibus instincta plebes cum iam unius hominis esset, addita alia commotioris ad omnia turbanda consilij res. fundum in Veienti, caput patrimonij, subiecit præconi, Ne quem uestrum, inquit, Quirites, donec quicquam in re mea supererit, iudicatum, addictum uel duci patiar. Id uerò ita accendit animos, ut per omne fās ac nefās secuturi uindictam libertatis uiderentur. ad hoc domi concionantis in modum sermones pleni criminum in patres: inter quos cum omisso discrimine uera an uana iaceret, thesauros Gallici auri occultari à patribus iecit: nec iam possidendis publicis agris contentos esse, nisi pecuniam quoq; publicam auertant: ea res si palam fiat, exolui plebem ære alieno posse. Quæ ubi obiecta spes est, enim uero indignum facinus uideri, cum conferendum ad redimendam ciuitatem à Gallis aurum fuerit, tributo collationem factam: idem aurum ex hostibus captum in paucorū prædam cessisse. itaq; exequabantur quærendo ubi tanta rei furtum

furtum occultaretur: differenteque, et tempore suo se indicaturum dicente, ceteris omiſſis eò uerſæ erant omnium curæ: apparebatque nec ueri indicij gratiam mediam, nec falſi offenſionem fore. Ita ſuſpenſis rebus dictator accitus ab exercitu in urbem uenit. poſtero die ſenatu habito cū ſatis periclitatus uoluntates hominum diſcere ſenatum ab ſe uetuiſſet: ſtipatus ea multitudine ſella in comitio poſita uiatorē ad M. Mālium miſit: qui dictatoris iuſſu uocatus cū ſignum ſuis didiſſet adeſſe certamen, agmine ingēti ad tribunal uenit. hinc ſenatus, hinc plebs ſuum quiſque inuēntes ducem uelut in acie cōſtiterant. Tum dictator ſilentio factō, Utinam, inquit, mihi patribusque Romanis ita de ceteris rebus cum plebe cōueniat: quemadmodū quod ad te attinet, eamque rem quam de te ſum quæſiturus, conuēturum ſatis cōfido. Spem factam à te ciuitati uideo, fide incolumi ex theſauris Gallicis, quos primores patrū ocultēt, creditum ſolui poſſe: cui ego rei tantum abeſt ut impedimento ſim, ut cōtrā te M. Manli adhorter, liberes ſœnore plebē Romanam: et iſtos incubantes publicis theſauris ex præda clandestina euoluas. quod niſi facis: ſiue ut et ipſe in parte prædæ ſis, ſiue quia uanum indicium eſt: in uincla te duci iubebo, nec diutius patiar à te multitudinē fallaci ſpē concitari. Ad ea Mālius, nec ſe feſelliſſe ait non aduerſus Volſcos toties hoſtes, quoties patribus expediat: nec aduerſus Latinos Hernicoſque, quos falſis criminibus in arma agant: ſed aduerſus ſe ac plebem Romanam dictatorē creatum eſſe: iam omiſſo bello, quod ſimulatum ſit, in ſe impetum fieri: iam dictatorē profiteri patrociniū ſœneratorum aduerſus plebem: iam ſibi ex ſauore multitudinis crimen et perniciem quæri. Offendit, inquit, te A. Corneli, uosque patres conſcripti circumſuſa

turba

turba lateri meo : quin eam diducitis à me singuli uestris beneficijs? intercedendo, eximēdo de neruo ciues uestros, prohibendo iudicatos addictosq; duci ex eo quod affluit opibus uestris, sustinendo necessitates aliorum? Sed quid ego uos de uestro impendatis hortor? sortem aliam forte, de capite deducite quod usuris pernumeratū est: iam nihilo mea turba, quā ullius cōspectior erit. At enim quid ita solus ego ciuium curā ago? nihilo magis quod respondeā habeo, quā si queras quid ita solus capitolii arcemq; seruarim: et tum uniuersis quā potui, opem tuli, et nunc singulis feram. Nam quod ad thesauros Gallicos attinet, rem suapte natura facilem, difficile interrogatio facit. cur enim quæritis quod scitis? cur quod in sinu uestro est, excuti iubetis potius quā ponatis? nisi aliqua fraus subest. quo magis argui præstigias iubetis uestras, eo plus uereor ne abstuleritis obseruantibus etiam oculos. Itaq; non ego uobis ut indicem prædas uestras, sed uos id cogendi estis ut in medium proferatis. Cum mittere ambages dictator iuberet, et aut peragere uerū iudicium cogeret, aut fateari facinus insimulati falso crimine senatus, oblataq; uani furti inuidiæ: negantē arbitrio inimicorum se locuturū in uincula duci iussit. Arreptus à uiatore, Iupiter, inquit, optime maxime, Iunoq; regina, ac Minerva, cæteri q; dii deæq; qui capitolium arcemq; incolitis, siccine uestrum militē ac præsidem finitis uexari ab inimicis? hæc dextra, qua Gallos fudit à delubris uestris, iam in uinculis et catenis erit? Nullius nec oculi, nec aures indignitatē ferebant: sed inuicta sibi quædam patientissima iusti imperij ciuitas fecerat: nec aduersus dictatoriam uim aut tribuni plebis, aut ipsa plebs attollere oculos aut hiscere audebant. Coniecto in carcerē Manlio, satis cōstat magnam

partem

partem plebis uestem mutasse, multos mortales capillum ac barbā promississe, obuersatamq; uestibulo carceris moestam turbam. Dictator de Volscis triumphauit: inuidiæq; magis triumphus, quàm gloriæ fuit: quippe domi, nō militiæ partū cum: actumq; de ciue, non de hoste fremebant: unum defuisse tantū superbiæ, quod nō M. Manlius ante currū sit ductus. Iamq; haud procul seditione res erat: cuius leniendæ causa postulante nullo largitor uoluntarius repēte senatus factus Satricum coloniam duo millia ciuiū Romanorū deduci iussit, bina iugera & semisses agri assignati. Quod cum & parū & paucis datum, et mercedē esse prodendi M. Manlij interpretarētur, remedio iritatur seditio: & iam magis insignis sordibus & facie reorum turba Māliana erat: amotusq; post triumphū abdicatione dictaturæ terror & linguā & animos liberauerat hominum. audiebantur itaq; propalā uoces exprobrantiū multitudini quod defensores suos in præcipitē semper locum fauore tollat: deinde in ipso discrimine periculi destituat. sic Sp. Cassium in agros plebem uocantē, sic Sp. Melium ab ore ciuiū famē suis impensis propulsantē oppressos: sic M. Manlium mersam & obrutam fœnore partem ciuitatis in libertatē ac lucem extrahentē proditum inimicis. saginare plebē populares suos ut iugulentur. hoc cine patiendū fuisse, si qd nutum dictatoris nō responderit uir cōsularis: fingerent mentitum antē, atq; ideo nō habuisse quod tum responderet; cui seruo unquam mendaciij poenā uincula fuisse? Nō obuersatam esse memoriā nostris illius, quæ penē ultima atq; æterna nomini Romano fuerit: non speciem agminis Gallorum per Tarpeiam rupem scandentis: non ipsius M. Manlij: qualem eum armatum, plenum sudoris ac sanguinis, ipso penē loue crepto ex hostium manibus

manibus uidissent. selibris ne farris gratiam seruatori patriæ relatare? & quem propè cælestem, cognomine certe capitolino Ioui parem fecerint, eum pati uinctum in carcere, in tenebris obnoxiam carnificis arbitrio ducere animam? adeo in uno omnibus satis auxiliij fuisse: nullā opem in tam multis uni esse? Iam ne nocte quidem turba ex eo loco dilabebatur: refracturosq; carcerē minabantur: cum remisso, id quod crepturi erant, ex senatus consulto Manlius uinculus liberatur. quo factō nō seditio finita, sed dux seditioni datus est. Per eosdem dies Latinis & Hernicis, simul colonis Circeiensibus, & à Velitris purgantibus se Volsci crimine belli, captiuosq; repentibus ut suis legibus in eos animaduicerent, tristia responsa reddita: tristiora colonis, quod ciues Romani patriæ oppugnandæ nefanda consilia inissent. Non negatum itaque tantum de captiuis: sed, in quo ab socijs tamen temperauerant, denunciatum senatus uerbis: facerent propere ex urbe ab ore atq; oculis populi Romani: ne nihil eos legationis ius, externo non ciui cōparatum, tegeret. Recrudescente Manliana seditione sub exitu anni comitia habita, creatiq; tribuni militum consulari potestate Sergius Cornelius Maluginensis secundum, P. Valerius Potitus iterū, M. Furius Camillus quintum, Seruius Sulpitius Ruffus iterum, C. Papyrius Crassus, T. Quintius Cincinnatus secundum. Cuius principio anni & patribus & plebi peropportune externa pax data: plebi, quod non auocata delectu spem cepit, dum tam potentē haberet ducem, scænoris expugnandi: patribus, nequo externo terrore auocarentur animi ab sanandis domesticis malis. Igitur cū pars utraq; acrior aliquanto coorta esset, iam in propinquum certamē aderat: & Manlius aduocata domum plebe cum principibus

pibus nouandarum rerum interdū noctuq; consilia agitat, plenior aliquanto animorum irarumq;, quā antea fuerat. iram accenderat ignominia recens in animo ad cōtumeliam inexpecto: spiritus dabat, quod nec ausus esset idem in se dictator, quod in Sp. Melio Cincinnatus Quintius fecisset, & uinculorum suorum inuidiam nō dictator modo abdicando dictaturam fugisset, sed ne senatus quidē sustinere potuisset. His simul inflatus exacerbatuq; iam per se accensos incitabat plebis animos. Quousq; tandem ignorabitis uires uestras, quas natura ne belluas quidem ignorare uoluit? numerate saltē quot ipsi sitis, quot aduersarios habeatis: si singuli singulos aggressuri essetis, tamē acrius crederem uos pro libertate, quā illos pro dominatione certaturos. quot enim clientes circa singulos fuistis patronos, tot nunc aduersus unum hostem eritis. ostendite modo bellum, pacem habebitis. uideant uos paratos ad uim, ius ipsi remittēt. audendum est aliquid uniuersis, aut omnia singulis patiēda. Quousq; me circumspectabitis? ego quidem nulli uestrum deero. ne fortuna mea desit, uideat, ipse uindex uester ubi uisum inimicis est, nullus repente fui: & uidistis in uincula duci uniuersi cum qui à singulis uobis uincula depuleram. quid sperem, si plus in me audeant inimici? an exitum Cassij Melijq; expectem? benefacitis, quod abominamini: dii prohibebunt hæc: sed nunquam propter me de cælo descendēt: uobis dent mentem oportet, ut prohibeatis: sicut mihi dederunt armato togatoque, ut uos à barbaris hostibus, à superbis defenderem ciuibus. Tam paruus animus tanti populi est, ut semper uobis auxilium aduersus inimicos satis sit? nec ullum, nisi quatenus imperari uobis sinatis, certamen aduersus patres nōritis? nec hoc natura insitum uobis est, sed usu

sed usu possidemini. cur enim aduersus externos tantum animorum geritis, ut imperare illis æquum censeatis? quia consueistis cum cis pro imperio certare, aduersus hos tentare magis quàm tueri libertatem. tamen qualescunq; duces habuistis, qualescunq; ipsi fuistis, omnia adhuc quantacunq; petistis, obtinuistis seu ui seu fortuna uestra. tem-
 pus est etiam maiora constari. experimini modo et uestram felicitatem, & me (ut spero) feliciter expertum: minore negotio qui imperet patribus imponetis, quàm qui resisterent imperantibus, imposuistis. Solo æquandæ sunt dictaturæ consulatusq; ut caput attollere Romana plebs possit. Proinde adeste, prohibete ius de pecunijs dici. ego me patronum profiteor plebis, quod mihi cura mea & fides nomē induit. uos si quo insigni magis imperij honoris. ue nomē uestrum appellabitis ducem, eo utemini potētiorē ad obtinenda ea quæ uultis. Inde de regno agendi ortum initium dicitur: sed nec cum quibus, nec quem ad finē consilia peruenerint, sat planum traditur. At in parte altera senatus de secessione in domum priuatam plebis, forte etiā in arce positam, & imminēti mole libertati agitat. magna pars uociferantur, Seruilio Hala opus esse, qui non in uincula duci iubendo iritet publicum hostē, sed unius iactura ciuis finiat intestinū bellum. decurritur ad leniorē uerbis sententiam, uim tamen eandem habentē, ut uideant magistratus ne quid ex perniciosis consilijs M. Manlij respu. detrimenti capiat. Tum tribuni consulari potestate tribuniq; plebis: nam & quia eundem & suæ potestatis quē libertatis omnium finem cernebant, patrum auctoritati se dediderant: hi tum omnes quid opus factū sit, consultant. Cum præter uim & cædem nihil cuiquam occurreret, eam autem ingentis dimicationis fore appareret: tum

M. Me

M. Menenius & Q. Publius trib. pleb. quid patrum & plebis certamen facimus, quod ciuitatis esse aduersus unum pestiferū ciuem debet? quid cum plebe aggredimur eum, quem per ipsam plebem tutius aggredi est? ut suis ipse oneratus uiribus ruat. diem dicere ei nobis in animo est. nihil minus populare quā regnum est. simul multitudo illa non secum certari uiderint; & ex aduocatis iudices facti erunt, & accusatores de plebe; patricium reum intuebuntur, & regni crimen in medio, nulli magis quā libertati fauebunt suæ. Approbantibus cunctis diem Manlio dicunt. quod ubi est factum, primo commota plebs est. utique postquam sordidatum reum uiderunt: nec cum eo nō modo patrum quēquā, sed ne cognatos quidem aut affines, potestremo ne fratres quidem A. & T. Manlios: quod ad eum diem nunquam usu uenisset, ut in tanto discrimine non & proximi uestem mutarent. Appio Claudio in uincula ducto C. Claudii inimicum Claudiamq; omnem gentem sordidatam fuisse. consensu opprimi popularem uirum, quod primus a patribus ad plebem defecisset. Cum dies uenit, quæ præter cœtus multitudinis seditiosasq; uoces & largitionem & fallax indicium, pertinentia proprie ad regni crimen, ab accusatoribus obiecta sint reo, apud neminem autorem inuenio. nec dubito haud parua fuisse, cum damnandi mora plebi non in causa, sed in loco fuerit. Illud notandū uidetur, ut sciant homines quæ & quanta decora fœda cupiditas regni non ingrata solū, sed inuisa etiā reddiderit. Homines propè cccc. produxisse dicitur, quibus sine fœnore expensas pecunias tulisset, quorū bona uenire, quos duci addictos prohibuisset. ad hæc decora quoq; belli non cōmemorasse tantūm, sed protulisse etiam conspicienda, spolia hostium cæсорum ad xxx. dona im-

B

peratorum

peratorum ad x l. in quibus insignes duas murales coronas, ciuicas octo. ad hoc seruatos ex hostibus ciues produxisset, inter quos C. Scruilium magistrum equitum absentem nominatum. & cum ea quoq; quæ bello gesta essent, pro fastigio rerum oratione etiam magnifica facta dictis æquando memorasset: nudasse pectus insigne cicatricibus bello acceptis: & identidem capitolium spectans, Iouem deosq; alios deuocasse ad auxilium fortunarum suarum: precatusq; esse ut quam mentem sibi capitolinam arcem protegendi ad salutem populi Romani dedissent, eam populo Romano in suo discrimine darent: & orasse singulos uniuersosq; ut capitolium atq; arcem intuentes, ut ad deos immortales uersi de se iudicarent. In campo Martio cum centuriatim populus citaretur, & reus ad Capitolium manus tendens ab hominibus ad deos preces auertisset: apparuit tribunis, nisi oculos quoq; hominum liberassent à tanti memoria decoris, nunquam fore in præoccupatis beneficio animis uiro crinini locum. ita producta die, in Petelinum lucum extra portam Flumentanā, unde conspectus in capitolium non esset, concilium populi indictum est. ibi crimen ualuit, & obstinatis animis triste iudicium, inuisumq; etiam iudicibus factum. sunt qui duumuiros, qui de perduellione anquirerent, creatos, autores sint. Damnatum tribuni de saxo Tarpeio deiecerunt: locusq; idem in uno homine & eximie gloriæ monumētum, & poenæ ultimæ fuit. Adiectæ mortuo notæ sunt. publica una, quod, cum domus eius fuisset, ubi nunc ædes atq; officina Mone-tæ est, latum ad populum est, nequis patricius in arce, aut Capitolio habitaret. gentilitia altera, quod gentis Manliæ decreto cautum est, ne quis deinde M. Manlius uocaretur. Hunc exitum habuit uir, nisi in libera ciuitate natus esset,

esset, memorabilis. Populum breui postquam periculum ab eo nullum erat, per se ipsas recordantem uirtutes desyderium eius tenuit. pestilentia etiam breui consecuta, nullis occurrentibus tantæ cladis causis, ex Manliano supplicio magnæ parti uideri orta. uiolatum Capitolium esse sanguine seruatoris. nec dijs cordi fuisse pœnam eius oblatam propè oculis suis, à quo sua templa erepta è manibus hostium essent. Pestilentiam, inopiam frugum, & uulgatam utriusq; mali famam, anno insequente multiplex bellum excepit, L. Valerio 1111. A. Manlio 111. Ser. Sulpitio 111. L. Lucretio, L. Aemyllo 111. M. Trebonio, tribunus militum cōsulari potestate. Hostes noui, præter Volscos uelut sorte quadā propè in æternū exercēdo Romano militi datos, Circeiosq; & Velitras colonias iamdiu moliētes defectionem, & suspectum Latium, Lanuuii etiam, quæ fidelissima urbs fuerat, subito exorti. Id patres rati cōtempu accidere, quod Veliternis ciuibus suis tandiu impunita defectio esset, decreuerūt, ut primo quoq; tempore ad populum ferretur de bello eis indicendo. ad quam militiam quo paratior plebes esset, quinqueuiros Pomptino agro diuidendo, & triūuiros Nepete colonię deducendæ creauerunt. Tum ut bellum iuberēt, latum ad populum est, & nequicquam dissuadentibus tribunis plebis, omnes tribus bellum iusserunt. Apparatum eo anno bellum est, exercitus propter pestilentiam non eductus: eaq; cunctatio colonis spatium dederat deprecandi senatum, & magna hominū pars eò, ut legatio supplex Romam mitteretur, inclinabat: ni priuato (ut fit) periculo publicum implicitū esset, autoresq; defectionis ab Romanis, metu ne soli crimini subiecti piacula iræ Romanorum dederentur, auertissent colonias à consilijs pacis. neq; in senatu solū per eos lega-

tio impedita est, sed magna pars plebis incitata, ut prædatum in agrum Romanum exirent. hæc noua iniuria exturbauit omnem spem pacis. De Prænestinorum quoq; defectione eo anno primum fama exorta: arguentibusq; eos Thusculanis, & Gabinis, & Labicanis, quorum in fines incursatum erat, ita placide ab senatu respoſum est, ut minus credi de criminibus, quia nollent ea uera esse, apparet. Insequenti anno Sp. & L. Papyrij noui tribuni militum consulari potestate Velitras legiones duxere, quatuor collegis Ser. Cornelio Maluginense 1111. Q. Seruilio, C. Sulpitio, L. Aemylio quartum, tribunis ad præsidium urbis, & siqui ex Hetruria noui motus nuntiarentur (omnia enim inde suspecta erant) relictis. Ad Velitras aduersus maiora penè auxilia Prænestinorū, quàm ipsam colonorum multitudinem secundo prælio pugnatū est: ita, ut propinquitas urbis hosti & causa maturioris fugæ, & unum ex fuga receptaculū esset. Oppidi oppugnatione tribuni abstinuere, quia & anceps erat: nec in perniciē colonie pugnandū censebant. literæ Romam ad senatum cum uictoriæ nuntijs acriores in Prænestinū, quàm in Veliternum hostem misse. Itaq; ex senatus consulto, populiq; iussu bellum Prænestinis indictum: qui coniuncti Volscis anno insequente Satricum coloniam populi Romani pertinaciter à colonis defensam uè expugnarunt, fœdēq; in captis exercuere uictoriā. Eam rem ægre passi Romani M. Furium Camillū VII. tribunū militum creauere. additi collegæ, A. & L. Posthumij Regillenses, ac L. Furius cū L. Lucretio, & M. Fabio Ambusto. Volscum bellum M. Furio extra ordinem decretum. adiutor ex tribunis sorte L. Furius datur, non tam è republica quàm ut collegæ materia ad omnem laudem esset: & publice, quòd rem temeritate eius

eius prolapsam restituit: & priuatim, quòd ex errore gratiam potius eius sibi quàm suam gloriam petijt. Exactæ iam ætatis Camillus erat: comitijsq; iurare parato in uerba excusandæ uoletudini solita consensus populi restiterat. sed uegetum ingenium in uiuido pectore uigebat uiribatq; integris sensibus, & ciuiles iam res haud magnopere obeūtem bella excitabant. Quatuor legionibus quaternū milliū scriptis, exercitu indicto ad portam Esquilinam in posteram diem, ad Satricum profectus. ibi cum expugnatores colonie haudquāquam perculsi, fidentes militum numero, quo aliquantam præstabant, opperiebantur. postquam appropinquare Romanos senserunt, extemplo in aciem procedunt, nihil dilaturi quin periculum summæ rerum facerent. ita paucitati hostium nihil artes imperatoris unici, quibus solis confiderent, profuturas esse. Idem ardor & in Romano exercitu erat, & in altero duce: nec præsentis dimicationis fortunam ulla res, præterquam unius uiri consilium atque imperium morabatur, qui occasionem iuuandarum ratione uirium trahendo bello quærebat. eo magis hostis instare: nec iam pro castris tantum suis explicare aciem, sed procedere in medium campi, & uallo propè hostium signa inferendo superbam fiduciā uirium ostentare. Id ægre patiebatur Romanus miles: multo ægrius alter ex tribunis militum L. Furius, ferox tum ætate & ingenio, tum multitudinis ex incertissimo sumentis animos spe inflatus. hic per se iam milites incitados insuper instigabat eleuando, qua una poterat, ætate auctoritatem collegæ: iuuenibus bella data distitans, & cum corporibus uigere & deflorescere animos. cunctatorem ex acerrimo bellatore factum: & qui adueniens castra urbesq; primo impetu capere sit solitus,

cum residem intra uallum tempus terere : quid accessurum suis, decessurum uel hostium uiribus sperantem? quam occasionem? quod tempus? quem insidijs instructum locum? frigere ac torpere senis consilia. sed Camillo tum uitæ satis, tum gloriæ esse. quid attinere cum mortali corpore uno, ciuitatis, quam immortalem esse deceat, pati consensescere uires? His sermonibus tota in se auerterat castra. & cum omnibus locis posceretur pugna: Sustineare, inquit, M. Furi non possumus militum impetum: & hostis cuius animos cunctando auximus, iam minime toleranda superbia insultat. cede unus omnibus, & patere te uinci consilio, ut maturius bello uincas. ad ea Camillus: Quæ bella suo unius auspicio gesta ad eam diem esset, negare in eis neque se, neque populum Romanum aut consilij sui, aut fortunæ poenituisse. nunc scire se collegam habere iure imperioque parem, uigore ætatis præstantem. itaque se quod ad exercitum attineat, regere consuesse, non regi. collegæ imperium se non posse impedire. dijs bene iuuantibus ageret, quod è republica duceret. ætati suæ se ueniam etiam petere, ne in prima acie esset. quæ senis munia in bello sint, ijs se non defuturum. Id à dijs immortalibus precari, ne qui casus suum consilium laudabile efficiat. Nec ab hominibus salutaris sententia, nec à dijs tam piæ preces auditæ sunt. primam aciem autor pugne instruit, subsidia Camillus firmat, ualidamque stationem pro castris opponit: ipse edito loco spectator intentus in euentu alieni consilij constitit. Simul primo concursu concrepuere arma, hostis dolo, non metu pedem retulit. Lenis à tergo cliuus erat inter aciem & castra: & quod multitudo suppeditabat, aliquot ualidas cohortes in castris armatas instructasque reliquerat: quæ inter commissum iam certamen, ubi uallo ap-
propin

propinquasset hostis, erumperent. Romanus cedentem hostem effuse sequendo in locum iniquum pertractus, opportunus huic eruptioni fuit. uersus itaque in uictorem terror et nouo hoste, et supina ualle Romanam inclinauit aciem. Instant Volsci recentes, qui è castris impetum fecerant: integrant et illi pugnam, qui simulata cesserant fuga. Iam non recipiebat se Romanus miles, sed immemor recentis ferociæ ueterisq; decoris, terga passim dabat, atq; effuso cursu castra repetebat: cum Camillus sublatu à circumstantibus in equum, et raptim subsidijs oppositis, Hæc est, inquit, milites pugna quã poposcistis? quis homo, quis deus est, quem accusare possitis? uestra illa temeritas, uestra ignauia hæc est. secuti alium ducẽ, sequimini nũc Camillum: et, quod ductu meo soletis, uincite. quid uallũ et castra spectatis? neminem uestrum illa, nisi uictorem receptura sunt. Pudor primo tenuit effusos: inde ut circumagi signa, obuertiq; aciem uiderũt in hostem: et dux præterquam quod tot insignis triumphis, etiam ætate uenerabilis inter prima signa, ubi plurimus labor periculũq; erat, se offerebat: increpare singuli se quisque et alios, et adhortatio inuicem totam alacri clamore peruasit aciem. Neque alter tribunus rei defuit: sed missus à collega restituyente peditum aciem ad equites, non castigando, ad quam rem leuiorẽ autorẽ eum culpæ societas fecerat, sed ab imperio totus ad preces uersus, orare singulos uniuersosq; ut se reum fortunæ eius diei crimine eximeret. Abnuete ac prohibete collega, temeritatis me omnium potius socium, quàm unius prudentiæ dedi, Camillus in utraque uestra fortuna suam gloriam uidet: ego, ni restituitur pugna: quod miserrimum est: fortunam cum omnibus, infamiam solus sentiam. Optimum uisum est in fluctuantẽ aciem tra-

di equos, & pedestri pugna inuadere hostem. eunt insignes armis animisq; qua premi parte maxime peditum copias uident: nihil neq; apud duces, neq; apud milites remittitur à summo certamine animi. Sensit ergo euertus uirtutis enixæ opem: & Volsci, quâ modo simulato metu cesserant, eâ in ueram fugam effusi, magna pars & in ipso certamine, & post in fuga cæsi: ceteri in castris, quæ capta eodem impetu sunt, plures tamen capti, quàm occisi. Vbi in recensendis captiuis cum Thusculani aliquot noscitantur, secreti ab alijs ad tribunos adducuntur: percunctantibusq; falsi publico consilio se militasse. Cuius tam uicini belli metu Camillus motus extemplo se Româ captiuos ducturû ait, ne patres ignari sint Thusculanos ab societate descisse: castris exercituiq; interim, si uideatur, præsit collega. documento unus dies fuerat: ne sua consilia melioribus præferret. nec tamen aut ipsi, aut in exercitu cuiquam satis placato animo Canillus laturus culpâ eius uidebatur: quâ data in tam præcipitè casum respub. esset. & tum in exercitu, tum Romæ constans omnium fama erat, cum uaria fortuna in Volscis gesta res esset: aduersæ pugne fugæq; in L. Furio culpam, secundæ decus omne penes M. Furium esse. Introductis in senatum captiuis, cum bello persequendos Thusculanos patres censuissent, Camilloq; id bellum mādassent: adiutorem sibi ad eam rem unum petit: permissioq; ut ex collegis optaret, quem uellet, contra spem omniû L. Furium optauit. Quâ moderatione animi cum collegæ leuauit infamiam, tum sibi gloriam ingentem peperit. Nec fuit cum Thusculanis bellum. pace constanti uim Romanam arcuerunt, quam armis non poterant. Intrancibus fines Romanis, non demigratum ex propinquis itineri locis, non cultus agrorum intermissus: pæ

sus: patentibus portis urbis togati obuiam frequentes im=
 peratoribus processere: cōmeatus exercitui comiter in ca=
 stra ex urbe & ex agris deuehitur. Camillus castris ante
 portas positus, eadem ne forma pacis, quæ in agris ostenta
 retur, etiam intra mœnia esset, scire cupiens: ingressus ur=
 bem, ubi patentēs ianuas, & tabernis apertis proposita o=
 mnia in medio uidit: intentosq; opifices suo quenq; operi,
 & ludos literarum strepere discētiū uocibus: ac reple=
 tas semitas inter uulgus aliud puerorum & mulierum huc
 atq; illuc euntium, quā quenq; suorum usuum causæ fer=
 rent: nihil usquam non pauidis modo, sed ne mirantibus
 quidem simile circūspiciebat, omnia inquirens oculis,
 ubi nam bellum fuisset. adeo nec amotæ rei usquam, nec
 oblatæ ad tempus uestigium ullum erat: sed ita omnia con=
 stanti tranquilla pace, ut eò uix fama belli perlata uideri
 posset. Victus igitur patientia hostium, senatum eorum
 uocari iussit. Soli adhuc, inq̃t, Thusculani uera arma, ue=
 rasq; uires, quibus ab ira Romanorum uestra tutaremini,
 inuenistis. ite Romam ad senatum. æstimabunt patres u=
 trum plus antè pœnæ, an nunc ueniæ meriti sitis. non præ=
 cipiam gratiam publici beneficij. deprecandi potestatem
 à me habueritis, precibus euentum uestris senatus quem
 uidebitur dabit. Postquam Romam Thusculani uenerūt:
 senatusq; paulo ante fidelium sociorum mœstus in uestibu=
 lo curiæ est conspectus: moti extemplo patres, uocari eos
 iam tum hospitaliter magis, quàm hostiliter iussere. Di=
 ctator Thusculanus ita uerba fecit. Quibus bellum indixi=
 stis, intulistisq; Patres conscripti, sicut nunc uidetis nos
 stantes in uestibulo curiæ uestræ, ita armati paratiq; ob=
 uiam imperatoribus legionibusq; uestris processimus. hic
 noster, hic plebis nostræ habitus fuit, crutq; semper, nisi si

quando à uobis, proq; uobis arma acceperimus. Grati-
 agimus & ducibus uestris, & exercitibus: quòd oculis ma-
 gis, quàm auribus crediderunt: & ubi nihil hostile erat,
 ne ipsi quidem fecerūt. pacem quam nos præstitimus, eam
 à uobis petimus: bellum eò, sicubi est, auertatis precamur.
 In nos quid arma polleant uestra, si patièdo experiundū
 est, inermes experiemur: hæc mens nostra est, dii immorta-
 les faciant, tam felix quàm pia. Quod ad crimina attinet,
 quibus moti bellū indixistis: et si re uicta rebus uerbis con-
 futare nihil attinet: tamen etiamsi uera sint, uel fateri no-
 bis ea, cum tam euidenter pœnituerit, tutum censemus. pec-
 cetur in uos, dum digni sitis, quibus ita satisfiat. Tantum
 frè uerborum ab Thufculanis factum. pacem in præsen-
 tia, nec ita multo pòst ciuitatem etiam impetrauerunt. ab
 Thufculo legiones reductæ. Camillus consilio & uirtute
 in Volsco bello, felicitate in Thufculana expeditione, u-
 trobique singulari aduersus collegam patientia & mode-
 ratione insignis, magistratu abiit: creatis militaribus trib.
 in insequentem annum L. & P. Valerijs, Lucio v. Publio
 111. & C. Sergio 111. Licinio Menenio 11. P. Papy-
 rio, Sergio Cornelio Maluginense. Censoribus quoq; e-
 guit annus, maxime propter incertam famam æris alieni,
 aggrauantibus summam etiam inuidiæ eius tribunis ple-
 bis, cum ab ijs eleuaretur, quibus fide magis quàm fortuna
 debentium laborare creditum uideri expediebat. Creati
 censores, C. Sulpitius Camerinus, Sp. Posthumius Re-
 gillensis. cœptaq; iam res morte Posthumij, quia colle-
 gam suffici censori religio erat, interpellata est. igitur cum
 Sulpitius abdicasset se magistratu, censores alij uitio crea-
 ti non gefferunt magistratum. tertios creari, uelut dijs
 non accipientibus in eum annum censuram, religiosum
 fuit.

fuit. Eam uero ludificationem plebis tribuni ferendam negabant. Fugere senatum testes tabulas publicas census cuiusque, quia nolint conspici summam æris alieni, quæ indicatura sit demersam partem à parte ciuitatis, cum interim obæratam plebem obiectari alijs atque alijs hostibus. passim iam sine ullo discrimine bella quæri: ab Antio Satricū, ab Satrico Velitras, inde Tusculum legiones ductas. Latinis, Hernicis, Prænestinis, iam intentari arma ciuium magis quàm hostium odio, ut in armis terant plebem: nec respirare in urbe, aut per otium libertatis meminisse sinant: aut consistere in concione, ubi aliquando audiant uocem tribunitiam de leuando fœnore, et sine aliarum iniuriarum agentem. Quòd si sit animus plebi memor patrum libertatis, se nec addici quenquam ciuem Romanum ob creditam pecuniam passuros: neque delectum haberi, donec inspecto ære alieno, initaq; ratione minuendi eius, sciat unusquisque quid sui, quid alieni sit: supersit sibi liberum corpus, an id quoque neruo debeat. Merces seditionis proposita confestim seditionem excitauit. nam et addicebantur multi, et ad Prænestini famam belli nouas legiones scribendas patres censuerant. quæ utraque simul auxilio tribunitio, et consensu plebis impediri coëpta. nam neque duci addictos tribuni sinebant, neque iuniores nomina dabant. cum patribus minor præsens cura creditæ pecuniæ iuris exequendi, quàm delectus esset: quippe iam à Præneste profectos hostes in agro Sabino cōsedisse nunciabatur: interim tribunos plebis fama ea ipsa irritauerat magis ad susceptū certamen quàm deterruerat. neq; aliud ad seditionem extinguendam in urbe, quàm propè illatū mœnibus ipsis bellū ualuit. Nam cum esset Prænestinis nunciatū, nullum exercitum

citum conscriptum Romæ, nullum ducem certum esse: pa-
 tres ac plebem in semetipsos uersos : occasionem rati du-
 ces eorū, raptim agmine factō peruasatus protinus agris
 ad portam Collinam signa intulere. Ingens in urbe trepi-
 datio fuit. conclamatum ad arma, concursūq; in muros
 atq; portas est : tandemq; ab seditione ad bellum uersi, di-
 ctatorem T. Quintium Cincinnatum creauere. is magi-
 strum equitum A. Sempronium Atratinum dixit. Quod
 ubi auditum est (tantus eius magistratus terror erat) si-
 mul hostes à mœnibus recessere, et iuniores Romani ad
 edictum sine detrectatione conuenere. Dum conscribitur
 Romæ exercitus, castra interim hostium haud procul Al-
 lia flumine posita, inde agrum late populates, fatalem se
 urbi Romanæ locum cepisse inter se iactabant: similē pa-
 uorem inde ac fugam fore, ac bello Gallico fuerit. etenim si
 diem contactum religione, insignemq; nomine eius loci ti-
 meant Romani, quāto magis Allienſi die Alliam ipsam mo-
 numentum tantæ cladis reformidaturos ? species profecto
 his ibi truces Gallorum sonumq; uocis, in oculis atque in
 auribus fore. Has inanium rerum inanes ipsas uolentes
 cogitationes, fortunæ loci delegauerant spes suas. Roma-
 ni contrā, ubicunque esset Latinus hostis, satis scire cum
 esse, quem ad Regillum lacum deuietum centum annorum
 pace obnoxia tenuerint. locum insignem memoria cladis
 iritaturum se potius ad delendam memoriā dedecoris,
 quā ut timorem faciat, nequa terra sit nefasta uictoriæ
 suæ. quin ipsi Galli si offerantur, illo loco se ita pugnatu-
 ros, ut Romæ pugnaverint in repetēda patria, ut postero
 die ad Gabios : tunc cum effecerint nequis hostis qui mœ-
 nia Romana intrasset, nuncium secundæ aduersæq; fortu-
 næ domum perferret. His utrinque animis ad Alliam uen-
 tum

tum est. Dictator Romanus, postquam in conspectu hostes erant instructi, intentiq; Vides ne tu, inquit, A. Sempronii loci fortuna illos fretos ad Alliam constituisse? nec illis dii immortales certioris quicquam fiduciæ, maioris uel quod sit auxilij, dederint. at tu fretus armis animisq; concitatis equis inuade mediam aciem: ego cum legionibus inturbatos, trepidantesq; inferam signa. Adeste dii testes fœderis, & expetite pœnas debitas simul uobis uiolatis, nobisq; per uestrum numen deceptis. Non equitem, non peditem sustinuerunt Prænestini. primo impetu ac clamore dissipati ordines sunt: deinde, postquam nullo loco constabat acies, terga uertunt: consternatiq; & præter castra etiam sua pauore prælati, non prius se ab effuso cursu sistunt, quam in conspectu Præneste fuit. ibi ex fuga dissipati locum, quem tumultuario opere communirent, capiunt: ne, si intra mœnia se recepissent, extemplo uretur ager, depopulatisq; omnibus obsidio urbi inferretur. Sed postquam direptis ad Alliam castris uictor Romanus aderat, id quoque munimentum relictum: & uix mœnia tuta rati, oppido se Præneste includunt. Octo prætereæ oppida erant sub ditione Prænestinorum. ad ea circumlatum bellum: deincepsq; haud magno certamine captis, Velitras exercitus ductus. ea quoq; expugnata. tum ad caput belli Præneste uentum. id non ui, sed per deditionem receptum est. T. Quintius semel acie uictor, binis castris hostium, nouem oppidis ui captis, Præneste in deditionem accepto, Romam reuertit: triumphansq; signum Præneste deuectum Iouis Imperatoris in Capitolium tulit. dedicatum est inter cellam Iouis, ac Mineræ: tabulaq; sub eo fixa, monumentum rerum gestarum his ferme incisa literis fuit: Iupiter, atque diui omnes hoc dederunt,

ut T.

ut T. Quintius dictator oppida nouem caperet. Die x x:
 quàm creatus erat, dictatura se abdicauit. Comitia inde
 habita tribunorum militum consulari potestate, quibus æ=
 quatus patritiorum, plebeiorumq; numerus. Ex patri=
 bus creati P. & C. Manlij cum L. Iulio, plebes C. Sexti=
 lium, M. Albinum, L. Antistium dedit. Manlijs, quòd ge=
 nere plebeios, gratia Iulium anteibant, Volsci prouincia
 sine sorte, sine comparatione extra ordinem data: cuius
 & ipsos postmodo, & patres, qui dederant, pœnituit.
 Inexplorato pabulatum cohortes misere. quibus uelut cir=
 cumuentis, cum id falsò nunciatum esset, dum præsidio ut
 essent, citati feruntur, ne autore quidem asseruato, qui eos
 hostis Latinus pro milite Romano frustratus erat, ipsi in
 insidias præcipitauerunt. ibi dum iniquo loco sola uirtute
 militum restantes cæduntur, cæduntq; castra interim Ro=
 mana iacentia in campo ab altera parte hostes inuasere.
 Ab ducibus utrobique proditæ temeritate atque inscitia
 res. quicquid supersuit fortunæ populi Romani, id mili=
 tum etiam sine rectore stabilis uirtus tutata est. Quæ ubi
 Romam sunt relata, primum dictatorem dici placebat: de=
 inde, postquam quietæ res ex Volscis afferebantur, &
 apparuit nescire eos uictoria & tempore uti, reuocati
 etiam inde exercitus ac duces. otiumq; inde, quantum à
 Volscis, fuit. id modo extremo anno tumultuatum, quòd
 Prænestini concitatis Latinorum populis rebellarunt. Eo=
 dem anno etiam ipsis querentibus penuriam hominum,
 noui coloni ascripti. Rebusq; haud prosperis bello dome=
 stica quies, quam tribunorum militum ex plebe gratia
 maiestasq; inter suos obtinuit, solatium fuit. Insequen=
 tis anni principia statim seditione ingenti arserunt, tribu=
 nis militum consulari potestate, Sp. Furio, Q. Seruilio

11. Licinio Menenio 111. P. Clælio, M. Horatio, L. Geganio. Erat autem & materia, & causa seditionis as alienum : cuius noscendi gratia Sp. Seruilius Priscus, Q. Clælius Sículus censores facti, ne rem agerent, bello impediti sunt. nanque trepidi nuncij primo, fuga deinde ex agris, legiones Volscorum ingressas fines, populariꝫ passim Romanum agrum, attulere. In qua trepidatione tantum absuit, ut ciuilia certamina terror externus cohiberet, ut contra eo uiolentior tribunitia potestas impediendo delectui esset: donec cōditiones impositæ patribus, ne quis quoad bellatum esset, tributum daret, aut ius de pecunia credita diceret. eo laxamēto plebi sumpto, mora delectui nō est facta. Legionibus nouis scriptis, placuit duos exercitus in agrum Volscum legionibus diuisis duci. Sp. Furius, M. Horatius dextrorsus maritimam oram atque Antium, Q. Seruilius & L. Geganus læua ad montes Ecetram pergunt. Neutra parte hostis obuius fuit: populatioꝫ non illi uagæ similis, quam Volscus latrocinij more discordia hostium fretus, & uirtutem metuens per trepidationem raptim fecerat: sed ab iusto exercitu iusta ira facta, spatio quoq; temporis grauior. quippe à Volscis timētibus, ne interim exercitus ab Roma exiret, incursiones in extrema finium factæ erant: Romano contra etiam in hostico morandi erat causa, ut hostem ad certamen eliceret. Itaque omnibus passim tectis agrorum, uicisq; etiam quibusdam exustis, non arbore frugifera, non satis in spem frugum relictis, omni, quæ extra mœnia fuit, hominum pecudumq; præda abacta, Romam utrinque exercitus reducti. Paruo interuallo ad respirandum debitoribus dato, postquam quietæ res ab hostibus erant, celebrari de integro iurisdictio: & tantū abesse spes ueteris leuandi fœno-

ris,

ris, ut tributo nouum fœnus cōtraheretur in murum à cen-
 soribus locatum, saxo quadrato faciundum. cui succum-
 bere oneri coacta plebes: quia quem delectum impedirēt,
 non habebant tribuni plebis. Tribunos etiam militares
 patritios omneis coacta principum opibus fecit, L. Aemy-
 lium, P. Valerium 1111. C. Veturium, Ser. Sulpitium, L.
 & C. Quintios Cincinnatos. Iisdem opibus obtinere,
 ut aduersus Latinos, Volscosq̃, qui coniunctis legionibus
 ad Satricum castra habebant: nullo impediēte omnibus
 iunioribus sacramento adactis, tres exercitus scriberent:
 unum ad præsidium urbis: alterum, qui, siquē alibi motus
 extitisset, ad subita belli mitti posset. tertium longe ualid-
 issimum P. Valerius & L. Aemilius ad Satricum duxe-
 re. ubi cum aciem instructam hostium loco æquo inuenis-
 sent, extemplo pugnatum: & ut nondum satis claram ui-
 ctoriam, sic prosperæ spei pugnam imber ingentibus pro-
 cellis fusus diremit. Postero die iterata pugna: & aliquan-
 diu æqua uirtute fortunâq̃; Latinæ maximè legiones lon-
 ga societate militiam Romanam edoctæ, restabant. eques
 immissus ordines turbauit: turbatis signa peditum illata:
 quantumq̃; Romana se inuexit acies, tantum hostes gra-
 du demoti. & ut semel inclinauit pugna, iam intolerabi-
 lis Romana uis erat. Fusi hostes cum Satricum, quod duo
 bus millibus inde aberat, non castra peterēt, ab equite ma-
 xime cæsi. castra capta, direptaq̃;. Ab Satrico nocte, quæ
 prælio proxima fuit, fugæ simili agmine petunt Antium:
 & cum Romanus exercitus propè in uestigijs sequere-
 tur, plus tamen timor, quàm ira, celeritatis habuit. prius
 itaque mœnia intrauere hostes, quàm Romanus extrema
 agminis carpere, aut morari posset. inde aliquot dies ua-
 stando agro absumpti, nec Romanis satis instructis appa-
 ratu

ratu bellico ad mœnia aggredienda, nec illis ad subeundū
 pugnae casum. Seditio tum inter Antiates Latinosq; co=
 orta, cum Antiates uicti malis, subactiq; bello, in quo &
 nati erant & consenuerant, deditionem spectarent: Latini
 nos ex diutina pace noua defectio recentibus adhuc ani=
 mis ferociore ad perseuerandum in bello faceret. finis cer=
 tamini fuit, postquam utrisq; apparuit, nihil per alteros
 stare quo minus incepta persequerentur. Latini profecti à
 societate pacis, ut rebantur, inhonestæ sese uindicauerunt.
 Antiates incommodis arbitris salutarium consiliorum re=
 motis, urbem agrosq; Romanis dedunt. Ira & rabies La=
 tinorum, quia nec Romanos bello ledere, nec Volscos in
 armis retinere potuerant: eò erupit, ut Satricum urbem,
 quæ receptaculum primum eis aduersæ pugnae fuerat, igni
 concremarent. nec aliud tectum eius super fuit urbis, cū fa=
 ces pariter sacris profanisq; iniicerent, quàm matris Ma=
 tutæ templū. inde eos nec sua religio, nec uerecūdia deūm
 arcuisse dicitur, sed uox horrēda edita templo cum tristi=
 bus minis, ni nefandos ignes procul delubris amouissent.
 incensos ea rabie impetus Tusculum tulit, ob iram, quod
 deserto communi concilio Latinorum non in societatem
 modo Romanam, sed etiam in ciuitatem se dedissent. paten=
 tibus portis cū improviso incidissent, primo clamore op=
 pidum præter arcem captū est. in arcē oppidani refugēre
 cum coniugibus ac liberis: nuntiosq; Romam, qui certio=
 rem de suo casu senatum facerent, misere. Haud segnius
 quàm fide populi Romani dignum fuit, exercitus Tuscu=
 lum ductus. L. Quintius, & Seruius Sulpitius tribuni mili=
 tū duxere. clausas portas Tusculi, Latinosq; simul obsi=
 dentium atq; obsessorum animo hinc mœnia tueri uident,
 illinc arcem oppugnare, terrere unā ac pauere. aduentus

Romanorum mutauerat utriusque partis animos : Thufculanos ex ingenti metu in summam alacritatem : Latinos ex propè certa fiducia mox capiendæ arcis, quoniam oppido potirentur, in exiguam de se ipsis spem uerterat. Tollitur ex arce clamor ab Thufculanis : excipitur aliquanto maiore ab exercitu Romano. utrinq; urgentur Latini: nec impetus Thufculanorum decurrentium ex superiore loco sustinent: nec Romanos subeuntes mœnia, molientesq; obijces portarum arcere possunt. scalis prius mœnia capta: inde effracta claustra portarum. & cum anceps hostis & à fronte & à tergo urgeret: nec ad pugnam ulla uis, nec ad fugam loci quicquam superesset, in medio cæsi ad unum omnes. Recuperato ab hostibus Thufculo exercitus Romã est reductus. Quanto magis prosperis eo anno bellis tranquilla omnia foris erant, tanto in urbe uis patrum in dies miseriãq; plebis crescebant, cùm eo ipso quod necesse erat solui, facultas soluendi impediretur. itaque cum iam ex re nihil dari posset, fama & corpore iudicati atque addicti creditoribus satisfaciebant, pœna'que in uicem fidei cesserat. adeo ergo obnoxios summisserant animos non infini solum, sed principes etiã plebis, ut non modo ad tribunatum militum inter patricios petendum, quod tanta uis ut liceret tetenderant: sed ne ad plebeios quidem magistratus capeffendos, petendos'que ulli uiro acri, experienti'q; animus esset: possessionemq; honoris usurpati modo à plebe per paucos annos, recuperasse in perpetuũ patres uiderentur. Ne id nimis lætum parti alteri esset, parua (ut plerunq; solet) rem ingentem moliundi causa interuenit. M. Fabij Ambusti potentis uiri tum inter sui corporis homines, tum etiam ad plebem, quod haudquaquam inter id genus cõtempior
eius

eius habebatur : filiae duae nuptae , Ser. Sulpitio maior , minor C. Licinio Stoloni erat , illustri quidem uiro , tamen plebeio : ea'que ipsa affinitas haud spreta gratiam Fabio ad uulgum quaesierat . Forte ita incidit , ut in Ser. Sulpitij tribuni militum domo sorores Fabiae cum inter se (ut fit) sermonibus tempus tererent : liCTOR Sulpitij cum is de foro se domum reciperet , forem (ut mos est) uirga percuteret . cum ad id moris eius insucta expauisset minor Fabia , risui sorori fuit miranti ignorare id sororem . Cæterum is risus stimulos paruis mobili rebus animo muliebri subdidit . frequentia quoque prosequentium rogantium'que nunquid uellet ? credo fortunatum matrimonium ei sororis uisum : sui'que ipsam malo arbitrio , quo à proximis quisque minime anteiri uult , pœnituisse . confusam eam ex recenti morsu animi cum pater forte uidisset , percunctatus sat in' saluæ ? auertentem causam doloris , quippe nec satis piam aduersus sororem , nec admodum in uirum honorificā , elicuit comiter sciscitando ut fateretur eā esse causam doloris , quod iuncta impari esset , nupta in domo , quam nec honos , nec gratia intrare posset . consolans inde filiam Ambustus bonum animum habere iussit : eosdē propediem domi uisuram honores , quos apud sororē uiderat . Inde consilia inire cum genere cœpit , adhibito L. Sextio strenuo adolescēte , & cuius spei nihil præter genus patriæ deesset . Occasio uidebatur rerum nouandarum propter ingentem uim æris alieni , cuius leuamen mali plebes , nisi suis in summo imperio locatis nullū speraret . accingēdum ad eam cogitationem esse , conando agendō'que iam eò gradū fecisse plebeios , unde si porro annitantur , peruenire ad summa , & patribus æquari tã honore quàm uirtute possent . In præsentia tribunos plebis fieri placuit , quo

in magistratu sibi metipsi uia ad ceteros honores aperirent. creatiq; tribuni C. Licinius & L. Sextius promulgauere leges omnes aduersus opes patriciorum, & pro commodis plebis, unam de ære alieno, ut deducto eo de capite quod usuris pernumeratum esset, id quod superesset, triennio æquis portionibus persolueretur. altera de modo agrorum, ne quis plus quingenta iugera agri possideret. tertiam ne tribunorum militum comitia fierent, consulumq; utiq; alter ex plebe crearetur. cuncta ingentia & quæ sine certamine maximo obtineri non possent. Omnium igitur simul rerum, quarum immodica cupido inter mortales est, agri, pecuniæ, honorum discrimine proposito, cõterriti patres cum trepidassent, publicis priuatisq; consilijs nullo remedio alio præter expertam multis iã antè certaminibus intercessionem inuento, collegas aduersus tribunitias rogationes comparauerunt. qui ubi tribus ad suffragiũ incundum citari à Licinio Sextioq; uiderunt: stipati patrũ præsidijs nec recitari rogationes, nec solenne quicquam aliud ad sciscendum plebi fieri passi sunt. Iamq; frustra sæpe concilio aduocato cum pro antiquatis rogationes essent: Bene habet, inquit Sextius, quandoquidem tantum intercessionem pollere placet, isto ipso telo tutabimur plebem. agitedum, comitia indicite patres tribunis militũ creandis. faxo ne iuuat uox ista, Veto, qua nunc concinentes collegas nostros tam læti auditis. Haud irritæ cecidere minæ: comitia præter ædiliũ tribunorumq; plebis nulla sunt habita. Licinius Sextiusque tribuni plebis resecti nullos curules magistratus creari passi sunt. eaque solitudo magistratuum, & plebe reficiente duos tribunos, & his comitia tribunorum militum tollentibus, per quinquennium urbem tenuit. Alia bella opportune quicquere.

Veliterni

Veliterni coloni gestiētes otio, quōd nullus exercitus Romanus esset, & agrum Romanum aliquoties incurſauere, & Thuſculum oppugnare adorti ſunt. cāq; res Thuſculanis ueteribus ſocijs, nouis ciuibus opem orantibus, uerecundia maxime non patres modo, ſed etiam plebem mouit. remittentibus tribunis plebis comitia per interregem ſunt habita: creatiq; tribuni militum L. Furius, A. Manlius, Ser. Sulpitius, Ser. Cornelius, A. & C. Valcrij, haudquaquam tam obedientem in delectu, quā in comitijs plebem habuere: ingentiq; cōtentione exercitu ſcripto profecti non ab Thuſculo modo ſubmouere hoſtem, ſed intra ſuamet ipſum moenia compulere. obſidebāturq; haud paulo ui maiore Velitræ, quā Thuſculum obſeſſum fuerat: nec tamen ab eis, à quibus obſideri cōptæ erant, expugnari potuere. antè noui creati ſunt tribuni militum Q. Seruius, C. Veturius, A. & M. Cornelijs, Q. Quintius, M. Fabius. nihil ne ab his quidem tribunis ad Velitras memorabile factum. In maiore discrimine domū res uertebantur. nam præter Sextium Liciniumq; latores legum iam octauum tribunos plebis reſectos, Fabius quoq; tribunus militum Stolonis ſocer quarū legum autor fuerat, earum ſuaforem ſe haud dubium ferebat. & cū octo ex collegio tribunorum plebis primo interceſſores legū fuiſſent, quinque ſoli erant: & (ut ferme ſolent, qui à ſuis deſciſcūt) capti, & ſtupentes animi uocibus alienis id modo, quod domi præceptum erat, interceſſioni ſuæ prætendebant: Velitris in exercitu plebis magnam partem abeſſe, in aduētum militum comitia differri debere, ut uniuerſa plebes de ſuis cōmodis ſuffragium ferret. Sextius Liciniuſq; cum parte collegarum, & uno ex tribunis militum Fabio, artiſices iam tot annorum uſu tractandi animos plebis, primores patrū

productos interrogando de singulis, quæ ferebantur ad populū, fatigabant. auderent ne postulare, ut cum bina iugera agri plebi diuiderentur, ipsis plus quingenta iugera habere liceret? ut singuli propè trecentorum ciuiū possiderent agros, plebeio homini uix ad tectum necessariū, aut locū sepulturæ, suus pateret ager? an placeret fœnore circumuentam plebem, ni potius, quàm sortem creditū soluatur, corpus in neruum ac supplicia dare? & gregatim quotidie de foro addictos duci? & repleti uinctis nobiles domos? & ubicunq; patricius habitet, ibi carcerem priuatū esse? Hæc indigna, miserandaq; auditu cum apud timentes sibimetipsos maiore audientiū indignatione quàm sua increpuissent: atqui nec agros occupandi modum, nec fœnore trucidandi plebem aliū patribus unquam fore affirmabant, nisi alterum ex plebe consulem custodē suæ libertatis plebs fecisset. contemni iā tribunos plebis, quippe quæ potestas iam suam ipsa uim frangat intercedendo: non posse æquo iure agi, ubi imperium penes illos, penes se auxilium tantum sit: nisi imperio cōmunicato nunquā plebem in parte pari reipublicæ fore: nec esse quod quisquam satis putet, si plebeiorum ratio comitijs consularibus habeatur: nisi alterum consulem utique ex plebe fieri necesse sit, neminem fore. an iam memoria exisse, cum tribunos militum idcirco potius quàm consules creari placuisset, ut & plebeijs pateret summus honos: 1111. & XL. annis neminem ex plebe tribunum militum creatum esse? qui crederent duobus ne in locis sua uolūtate imperituros plebi honorem, qui octona loca tribunis militum creandis occupare soliti sint? & ad consulatum uiam fieri passuros, qui tribunatum septum tandiu habuerint? lege obtinendum esse, quod comitijs per gratiam nequeat:

Et seponendum extra certamen alterum consulatum, ad quem plebi sit aditus: quoniam in certamine relictus primum semper potentioris futurus sit. nec iam posse dici id, quod antea iactare soliti sint, non esse in plebeijs idoneos uiros ad curules magistratus. nūquid enim socordius, aut segnius rempublicam administrari post P. Licinij Calui tribunatū, qui primus ex plebe creatus sit: quā per eos annos gesta sit, quibus præter patricios nemo tribunus militum fuerit? quin contra patricios aliquot damnatos post tribunatum, neminem plebeium. quæstores quoque, sicut tribunos militum, paucis antè annis ex plebe cœptos creari: nec ullius eorum populum Romanum pœnituisse. consulatum superesse plebeijs: eam esse arcem libertatis, id columen: si eò peruentum sit, tum populū Romanū uere exactos ex urbe Reges, et stabilem libertatem suam existimaturum. quippe ex illa die in plebē uentura omnia, quibus patricij excellant, imperiū atq; honorem, gloriā belli, genus, nobilitatem, magna ipsis fruenda, maiora liberis relinquenda. Huius generis orationes ubi accipi uidere: non uam rogationem promulgant, ut pro dumuiris sacris faciundis decemuirī creentur: ita ut pars ex plebe, pars ex patribus fiat: omniumq; earum rogationum comitia in aduentum eius exercitus differunt, qui Velitras obsidebat. Prius circumactus est annus quā à Velitris reducerentur legiones. ita suspensa de legibus res ad nos tribunos militum dilata. nam plebis tribunos eodem, duos utique qui legum latores erant, plebes reficiebat. tribuni militum creati T. Quintius, Ser. Cornelius, Ser. Sulpitius, Sp. Seruilius, L. Papyrius, L. Venturius. Principio statim anni ad ultimam dimicationem de legibus uentum: et cum tribus uocarentur, nec in=

tercessio collegarum latoribus obstaret: trepidi patres ad
 duo ultima auxilia, summum imperium, summumq; ad ci-
 uem decurrunt. dictatorem dici placet. dicitur M. Furius
 Camillus, qui magistrum equitum L. Aemylum cooptat.
 Legum quoq; latores aduersus tantum apparatus aduer-
 sariorum & ipsi causam plebis ingentibus animis armāt:
 concilioq; plebis indicto tribus ad suffragium uocant. cū
 dictator stipatus agmine patriciorum plenus iræ minarumq;
 confedisset, atq; ageretur res solito primum certamine
 inter se tribunorum plebis ferentium legem, intercedentiumq;
 : & quanto iure potentior intercessio erat, tantum uinceretur
 fauore legum ipsarum latorumq; : & uti rogassent primæ
 tribus dicerent. tum Camillus, Quandoquidē, inquit, Quirites
 iam uos tribunitia libido, nō potestas regit, & intercessionem
 secessionem quondam plebis partem uobis eadem ui facitis
 irritam, qua peperistis: non reipu. magis uniuerse, quā
 uestra causa dictator intercessioni adero: euersumq;
 uestrum auxilium imperio tutor. itaq; si C. Licinius &
 L. Sextius intercessioni collegarum cedunt, nihil patricium
 magistratum inferam concilio plebis: si aduersus intercessionē
 tanquam captæ ciuitati leges imponere tendent, uim
 tribunitiam à se ipsa dissolui non patiar. Aduersus ea
 cum cōtemptim tribuni plebis rem nibilo segnius peragerent:
 tum percitus ira Camillus lictores, qui de medio
 plebem emouerent, misit. & addidit minas: si pergerent,
 sacramento omnes iuniores adacturū, exercitum
 extemplo ex urbe deducturum. Terrorem ingentem
 incusserat plebi, ducibus plebis accendit magis certamine
 animos quā minuit. sed re neutrò inclinata magistratu
 se abdicauit: seu quia uitio creatus erat, ut scripse
 re quidam: seu quia tribuni plebis tulerunt ad plebē, idq;
 plebs

plebs sciuit, ut si M. Furius pro dictatore quid egisset, quingenum millium æris ei multa esset. Sed auspicijs magis quam noui exempli rogatione deterritum ut potius credam, cum ipsius uiri facit ingenium, tum quod ei suffectus est extemplo P. Manlius dictator, quæ quid creari attinebat ad id certamen, quo M. Furius uictus esset? Et quod eundem M. Furium dictatorem insequens annus habuit, haud sine pudore certe fractum priore anno in se imperium repetiturum: simul quod eo tempore, quo promulgatum de multa eius traditur, aut et huic rogationi qua se in ordinem cogi uidebat, obsistere potuit: aut ne illas quidem, propter quas et hæc lata erat, impedire: et quod usque ad memoriam nostram tribuniis consularibusque certatum uiribus est, dictaturæ semper altius fastigium fuit. Inter priorem dictaturam abdicatam nouamque à Manlio initam ab tribunis uelut per interregnum concilio plebis habito, apparuit quæ ex promulgatis plebi, quæ latoribus gratiora essent. nam de fœnore atque agro rogationes iubebant, de plebeio consulatu antiquabant. Et perfecta utraq; res esset, ni tribuni se in omnia simul consulere plebem dixissent. P. Manlius deinde dictator rem in causam plebis inclinauit, C. Licinio qui tribunus militum fuerat, magistro equitum de plebe dicto. Id ægre patres passos accipio: dictatorem propinqua cognatione Licinij se apud patres excusare solitum, simul negantem magistrum equitum maius quam tribuni consularis imperium esse. Licinius Sextiusque, cum tribunorum plebis creandorum indicta comitia essent, ita se gerere, ut negando iam sibi uelle continuari honorem accerrime accenderent ad id quod dissimulando petebant, plebem. nonum se annum iam uelut in aciem aduersus optimates maximo priuatim periculo, nullo publico emolu-

mento stare : consenuisse iam secum & rogationes promulgas, & uim omnem tribunitiæ potestatis. primo intercessione collegarum in leges suas pugnatū esse: deinde ablegatione iuuentutis ad Veliternum bellum: postremo dictatorium fulmen in se intentatum. iam nec collegas, nec bellum, nec dictatorem obstare, quippe qui etiam omen plebeio consuli, magistro equitum ex plebe dicendo dedit. se ipsam plebem, & commoda morari sua. liberam urbem ac forum à creditoribus, liberos agros ab iniustis possessoribus extemplo, si uelit, habere posse. quæ munera quando tandē satis grato animo æstimaturos, si inter accipientes de suis cōmodis rogationes spem honoris latoribus earum incidant? non esse modestiæ populi Rom. id postulare, ut ipse scœnore leuetur: & in agrum iniuria possessum à potentibus inducatur: per quos ea consecutus sit, senes tribunitios non sine honore tantum, sed etiam sine spe honoris relinquat. Proinde ipsi primum statuerent apud animos quid uellent: deinde comitijs tribunitijs declararent uoluntatem. si coniunctim ferre ab se promulgatas rogationes uellent, esse quod eosdem reficerēt tribunos plebis: perlaturus enim quæ promulgauerint. sin quod cuiq; priuatim opus sit, id modo accipi uelint: opus esse nihil inuidiosa continuatione honoris: nec se tribunatum, nec illos ea quæ promulgata sint, habituros. Aduersus tam obstinam orationem tribunorum cum præ indignitate rerum stupor, silentiumq; inde cæteros patrum defixisset: Ap. Claudius Crassus nepos decemuii dicitur odio magis iraq; quàm spe ad dissuadendum processisse: & locutus in hanc ferè sententiam esse. Neq; nouum, neque inopinatū mihi sit Quirites, si quod unum famuliæ nostræ semper obiectum est ab seditiosis tribunis, id nunc ego quoq;

audiam

audiam : Claudiae genti iam inde ab initio nil antiquius in repub. patrum maiestate fuisse: semper plebis commodis aduersatos esse. quorum alterum neq; nego, neq; inficias eo: nos, ex quo asciti sumus simul in ciuitatem et patres, enixe operam dedisse, ut per nos aucta potius, quam immi-
nuta maiestas earum gentium, inter quas nos esse uoluistis, dici uere posset. illud alterum pro me maioribusq; meis con-
tendere ausim Quirites (nisi quae pro uniuersa republica fiant, ea plebi tanquam aliam incolenti urbem aduersa quis putet) nihil nos neq; priuatos, neq; in magistratibus quod in commodum plebi esset, scientes fecisse, nec ullum factum, dictum uel nostrum contra utilitatem uestram, et si quaedam contra uoluntatem fuerint, uere referri posse. An hoc si Claudiae familiae non simi, nec ex patricio sanguine ortus: sed unus Quiritium quilibet, qui modo me duobus iugenuis ortum, et uiuere in libera ciuitate sciam: reticere possim? L. illum Sextium, et C. Licinium perpetuos (si dijs placet) tribunos tantum licentiae nouem annis, quibus regnant, sumpsisse, ut uobis negent potestatem liberam suffragij non in comitijs, non in legibus iubendis se permisso-
suros esse? Sub conditione, inquit, nos reficietis decimum tribunos. quid est aliud dicere? quod petunt alij, nos adeo fastidimus, ut sine mercede magna non accipiamus. sed quae tandem ista merces est, qua uos semper tribunos plebis habeamus? Ut rogationes, inquit, nostras, seu placet, seu displicent, seu utiles, seu inutiles sunt, omnes coniunctim accipiatis. Obsecro uos Tarquinij tribuni plebis, putate me ex media concione unum ciuem succlamare. bona uenia uestra liceat ex his rogationibus legere, quas salubres nobis censemus esse: antiquare alias. Non, inquit, licebit, tu de foenore atque agris quod ad uos omnes pertinet,

nct,iubeas: & hoc portenti non fiat in urbe Romana,uti
 L.Sextium atq; hunc C.Licinium consules,quod indigna
 ris, quod abominaris, uideas. aut omnia accipe: aut nihil
 fero.ut si quis ei,quem urgeat fames,uenenum ponat cum
 cibo:& aut abstinere eo quod uitale sit, iubeat: aut mor-
 tiferum uitali admisceat. Ergo si esset libera hæc ciuitas,
 non tibi frequentes succlamassent? abi hinc cum tribuna-
 tibus ac rogationibus tuis.quid si tu nō tuleris quod com-
 modum est populo accipere, nemo erit qui ferat illud? Si-
 quis patritius, siquis (quod illi uolunt inuidiosius esse)
 Claudius diceret, aut omnia accipite, aut nihil fero : quis
 uestrum Quirites ferret?nūquam'ne uos res potius,quàm
 autores spectabitis? sed omnia semper, quæ magistratus
 ille dicet,secundis auribus:quæ ab nostrum quo dicentur,
 aduersis accipietis? At hercule sermo est nunime ciuilis.
 Quid rogatio qualis est, quam à uobis antiquatam indi-
 gnantur?sermoni Quirites similima.Consules,inquit,ro-
 go ne uobis,quos uelitis,facere liceat.an aliter rogat,qui
 utiq; alterum ex plebe fieri consulem iubet? nec duos pa-
 tricios creandi potestatem uobis permittit? Si hodie bella
 sint,quale Hetruscum fuit, cum Porsena Ianiculum inse-
 dit:quale Gallicum modo, cum præter Capitolium atque
 arcem omnia hæc hostium erant:& consulatum cum hoc
 M.Furio,aut quolibet alio ex patribus L.ille Sextius pe-
 teret: possetis'ne ferre Sextium haud pro dubio consulem
 esse,Camillum de repulsa dimicare?Hocine est in cōmu-
 ne honores uocare?ut duos plebeios fieri consules liceat,
 duos patricos non liceat?& alterum ex plebe creari ne-
 cesse sit,utrunque ex patribuspræterire liceat? Quenam
 ista societas, quanam cōsortio est?parum est si cuius pars
 tua nulla adhuc fuit,in partem eius uenis, nisi partem pe-
 tendo

tendo totū traxeris? Timeo, inquit, ne si duos licebit crea-
 ri patricios, neminem creetis plebeium. Quid est dicere a-
 liud? quia indignos uestra uoluntate creaturi nō estis, ne-
 cessitatem uobis creandi quos non uultis, imponam. quid
 sequitur, nisi ut ne beneficium quidem debeat populo, si
 cū duobus patricijs unus petierit plebeius, & lege se, non
 suffragio creatū dicat? Quomodo extorqueant, non quo-
 modo petant honores, quærunt: & ita maxima sunt ade-
 pturi, ut nihil ne pro minimis quidem debeant: & occasio-
 nibus potius quàm uirtute petere honores malunt. Est ali-
 quis qui se inspicere, æstimari fastidiat? qui certos sibi uni
 honores inter dimicantes cōpetitores æquum cēseat esse?
 qui se arbitrio uestro eximat? qui uestra necessaria suf-
 fragia pro uoluntarijs, & serua pro liberis faciat? omitto
 Licinium Sextiumq; quorum annos in perpetua potesta-
 te tanquam Regum in Capitolio numeratis: quis est ho-
 die in ciuitate tam humilis, cui non uia ad consulatum faci-
 lior per istius legis occasionem, quàm nobis ac liberis no-
 stris fiat? si quidem nos ne cum uolueritis quidem creare
 interdum poteritis, istos etiam si nolueritis necesse sit. De
 indignitate satis dictum est (ctenim dignitas ad homines
 pertinet) quid de religionibus atq; auspicijs, quæ propria
 deorum immortalium contemptio atq; iniuria est, loquar?
 auspicijs hanc urbem conditam esse, auspicijs bello ac pa-
 ce, domi militiæq; omnia geri, quis est qui ignoret? penes
 quos igitur sunt auspicia more maiorū? nempe penes pa-
 tres. nā plebeius quidē magistratus nullus auspicio crea-
 tur: nobis adeo propria sunt auspicia, ut non solum quos
 populus creat patritios magistratus, nō aliter quàm auspi-
 cato creet, sed nos quoq; ipsi sine suffragio populi auspi-
 cato interregem prodamus, & priuatim auspicia habea-
 mus

mus, quæ isti ne in magistratibus quidem habent. Quid igitur aliud quàm tollit ex ciuitate auspicia, qui plebeios consules creando à patribus, qui soli ea habere possunt, aufert? Eludāt nunc licet religiones. quid enim est si pulli non pascentur? si ex cauea tardius exierint? si occinerit quis? parua sunt hæc. sed parua ista non contemnendo maiores nostri maximam hanc rem fecerūt. nunc nos tanquā iam nihil pace decorum opus sit, omnes cærimonias pollui mus. uulgo ergo pōtiffices, augures, sacrificuli Reges creentur: cuilibet apicem dialem, dum modo homo sit, imponamus: tradamus ancylia, penetralia, deos decorumq; curam, quibus nefās est: non leges auspicato ferentur: nō magistratus creentur: nec cēturiatis, nec curiatis comitijs patres autores fiant: Sextius & Licinius tanquam Romulus ac Tatius in urbe Romana regnēt, quia pecunias alienas, quia agros dono dant, tanta dulcedo est ex alienis fortunis prædandi: nec in mentem uenit altera lege solitudines uastas in agris fieri pellendo finibus dominos: altera fidem abrogari, cū qua omnis humana societas tollitur. Omnium rerum causa uobis antiquandas censeo istas rogationes. quod faxitis, deos uelim fortunare. Oratio Appij ad id modo ualuit, ut tempus rogationum iubendarum proferretur. Refecti decumum iisdem tribuni Sextius & Licinius de decemuiris sacrorū ex parte de plebe creandis pertulere. creati quinque prætrium, quinque plebis: graduq; eo iam uia facta ad consulatū uidebatur. Hac uictoria cōtenta plebes cessit patribus, ut in præsentia consulum mentione omiſsa tribuni militum crearetur. creati A. & M. Cornelij iterū, M. Geganius, P. Manlius, L. Veturius, P. Valerius v. i.

2 Cum præter Velitrarum obsidionem, tardi magis rerum exitus quàm dubij, quietæ externæ res Romanis essent: fama

fama repens belli Gallici allata perpulit ciuitatem, ut M. Furius dictator quintum diceretur. is T. Quintium Patrum magistrum equitum dixit. Bellatum cum Gallis eo anno circa Anienem flumē autor est Claudius: inelytamq; in ponte pugnam, qua T. Manlius Gallum, cum quo prouocatus manus conseruit, in conspectu duorum exercituum cæsum torque spoliauit, tum pugnatam. Pluribus auctoribus magis adducor ut credā decē haud minus post annos ea acta; hoc autem anno in Albano agro cum Gallis dictatore M. Furio signa collata, nec dubia, nec difficilis Romanis, quanquam ingentem Galli terrorem memoria pristinae cladis attulerant, uictoria fuit. multa millia Barbarorū in acie, multa captis castris cæsa. palati alij Apuliam maxime petentes, cum fuga se longinqua, tum quod passim eos simul pauor terrorq; distulcrant, ab hoste sese tutati sunt. Dictatori consensu patrum, plebisque triumphus decretus. Vixdum perfunctum cum bello atrocior domi seditio excepit: et per ingentia certamina dictator, senatusq; uictus, ut rogationes tribunitia acciperentur: et comitia consulum aduersa nobilitate habita, quibus L. Sextius de plebe primus cōs. factus. Et ne is quidem finis certaminum fuit: quia patricij se autores futuros negabant, prope secessionem plebis res, terribilesq; alias minas ciuiliū certaminum uenit. cum tamen per dictatorem conditionibus sedatæ discordiæ sunt: concessumq; ab nobilitate plebi de consule plebeio: à plebe nobilitati de prætore uno, qui ius in urbe diceret, ex patribus creando. Ita ab diutina ira tandem in concordiam reductis ordinibus, cum dignam eam rem senatus censeret esse: meritoq; id, siquando unquam aliās, deū immortalium causa libenter facturos: fore ut ludi maximi fierent,

rent, & dies unus ad triduum adijceretur: recusantibus id munus ædilibus plebis, conclamatum à patricijs est iuuenibus, sc id honoris ædium immortalium causa libenter acturos, ut ædiles fierent. quibus cū ab uniuersis gratiæ actæ essent, factum senatus consultum, ut duos uiros ædiles ex patribus dictator populum rogaret, patres autores omnibus eius anni comitijs fierent.

D E C A D I S I.

L I B E R VII.



ANNVS hic erit insignis noui hominis consulatu, insignis nouis duobus magistratibus, prætura, et curuli ædilitate. hos sibi patricij quæsiuere honores pro concesso plebi altero cōsulatu. Plebes consulatū L. Sextio, cuius lege partus erat, dedit: patres præturam Sp. Furio M. filio Camillo, ædilitatē Cn. Quintio Capitolino, & P. Cornelio Scipioni suarū gētium uiris gratia campestri ceperunt. L. Sextio collega ex patribus datus L. Aemilius Mamercus. Principio anni & de Gallis, quos primo palatos per Apuliam congregari iam fama erat, & de Hernicorum defectione agitata mentio. Cum de industria omnia, nequid per plebeium consulem ageretur, proferrentur: silentium omnium rerū, ac iustitio simile otium fuit: nisi quòd non patientibus tacitum tribunis, quòd pro consule uno plebeio tres patritios magistratus curulibus sellis prætextatos tanquam consules sedentes nobilitas sibi sumpsisset, prætorem quidem etiam iura reddentem, & collegam consulibus, atq; iisdem auspicijs creatum: uerecundia inde imposita est senatui ex patribus iubendi

iubendi ediles curules creari. primo ut alternis annis ex plebe fierent, cōuenerat: postea promiscuum fuit. Inde L. Genutio, & Q. Seruilio c o s s. & ab seditione, & à bello quietis rebus, nequando à metu ac periculis uacaret, pestilentia ingens orta. censorem, edilem curulem, tres tribunos plebis mortuos serunt, pro portione & ex multitudine alia multa funera fuisse. maximeq; eam pestilentiam insignem mors quàm matura, tam acerba M. Furij fecit. fuit enim uere uir unicus in omni fortuna, princeps pace belloq; prius quàm exulatum iret: clarior in exilio uel desyderio ciuitatis, quæ capta absentis implorauit opem: uel felicitate, qua restitutus in patriam secum patriam ipsam restituit. par deinde per quinque & xxx. annos (tot enim postea uixit) titulo tantæ gloriæ fuit: dignusq; habitus, quem secundum à Romulo conditorem urbis Romæ serrent. Et hoc, & insequenti anno T. Sulpitio Petico, C. Licinio Stolone c o s s. pestilentia fuit. eo nihil dignum memoria actum, nisi quòd pacis deum exposcende causa tertio tum post cōditam urbem lectisternium fuit. & cum uis morbi, nec humanis consilijs, nec ope diuina leuaretur, uictis superstitione animis ludi quoq; scenici, noua res bellicoso populo (nam circi modò spectaculum fuerat) inter alia coelestis iræ placamina instituti dicuntur. Cæterum parua quoq; (ut ferme principia omnia) & ea ipsa peregrina res fuit. sine carmine ullo, sine imitandorum carminum actu ludiones ex Hetruria acciti ad tibicinis modos saltantes haud indecoros motus more Thusco dabāt. imitari deinde eos iuuentus simul incōditis inter se iocularia fundentes uersibus cœpere: nec absoni à uoce motus erāt. Accepta itaq; res, sæpiusq; usurpando excitata. uernaculis artificibus, quia hister Thusco uerbo ludio uocabatur, no

D men

men histrionibus inditum : qui non sicut antè Fescennino uersu similem incompositum temere, ac rudem alternis iaciebant : sed impletas modis satyras descripto iam ad tibi cinem cantu, motuq; congruenti peragebant. Liuius post aliquot annos, qui ab satyris ausus est primus argumento fabulam serere, idem (scilicet id quod omnes tum erant) suorum carminum actor dicitur, cum sæpius reuocatus uocem obtudisset, uenia petita puerum ad canendum ante tibicinem cum statuisset, canticum egisse aliquanto magis uigete motu, quia nihil uocis usus impediebat. inde ad manum cantari histrionibus coeptum, diuerbiaq; tantum ipso rum uoci relicta. Postquàm lege hac fabularum ab risu, ac soluto ioco res auocabatur, & ludus in artem paulatim uerterat, iuuentus histrionibus fabellarũ actu relicto, ipsa inter se more antiquo ridicula intexta uersibus iactitare coepit. quæ inde exodia postea appellata, consertaq; fabellis potissimum Atellanis sunt. quod genus ludorũ ab Oscis acceptum tenuit iuuentus: nec ab histrionibus pollui passa est. eo institutum manet, ut actores Atellanarum nec tribu moueantur, & stipendia tanquam expertes artis ludicræ faciant. Inter aliarum parua principia rerum ludorum quoq; prima origo ponenda uisa est, ut appareret quàm absano initio res in hanc uix opulenti regnis tolerabilẽ insaniam uenerit. nec tamen ludorum primum initium pro curandis religionibus datum aut religione animos, aut corpora morbis leuauit. quinetiã cum medios forte ludos circus Tyberi superfluo irrigatus impedisset, id uero uelut auersis iam dijs, aspernantibusq; placamina iræ, terrorem ingentem fecit. Itaq; C. Genutio, L. Aemylio Mamercosecundum consulibus, cum piaculorum magis conquisitio animos, quàm corpora morbi afficerent, repetitum ex seniorum

niorum memoria dicitur pestilentiam quondam clauo ab dictatore fixo sedatam. Ea religione adductus senatus dictatorem clauī figendi causa dici iussit. dictus L. Manlius Imperiosus L. Pinarium magistrum equitū dixit. Lex uetusta est priscis literis uerbisq; scripta, ut qui prætor maximus sit, Idibus Septembribus clauū pangat. fixus fuit dextro lateri ædis Iouis optimi maximi ea parte qua Minervæ templum est. eum clauum, quia raræ per ea tempora literæ erant, notam numeri annorum fuisse ferunt, eoq; Minervæ templo dicatam legem, quia numerus Minervæ inuentum sit. Volsinijs quoq; clauos indices numeri annorum fixos in templo Nortie Hetruscæ deæ comparere, diligens talium monumentorum autor Cintius affirmat. M. Horatius cōsul ex lege templum Iouis optimi maximi dedicauit anno post reges exactos. à cōsulibus postea ad dictatores, quia maius imperium erat, solenne clauī figendi translatus est. intermisso deinde more digna etiam per se uisa est res, propter quam dictator crearetur. qua de causa creatus L. Manlius, perinde ac reipub. gerendæ, ac non soluendæ religione gratia creatus esset, bellum Hernicum affectans delectu acerbo iuuentutem agitauit: tandemq; omnibus in eum tribunis plebis coortis, seu ui, seu uerecundia uictus dictatura abiit. neq; eo minus principio insequentis anni Q. Seruilio Hala, L. Genutio II. coss. dies Mālio dicitur à M. Pōponio tribuno plebis. accerbitas in delectu non dāno modo ciuiū, sed etiā laceratione corporū lata, partim uirgis cæsis, qui ad nomina nō respōdissent, partim in uincula ductis, inuisa erat. Et ante omnia inuisum ipsum ingeniū atrox, cognomenq; Imperiosi graue liberæ ciuitati ab ostentatione sæuitiæ ascitum, quam non magis in alienis, quàm in proximis, ac sanguine ipso suo excerneret.

criminiq; ei tribunus inter cætera dabat, quòd filium iuue-
 nem nullius probri compertum extorrem urbe, domo, pe-
 natibus, foro, luce, cōgressu æqualium prohibitum in opus
 seruire, propè in carcerem atq; in ergastulum dederit: ubi
 summo loco natus dictatorius iuuenis quotidiana miseria
 disceret uere imperioso patre se natum esse. at quam ob
 noxam? quia infacundior sit, & lingua impromptus. quod
 naturæ damnum utrum nutriendum patri, si quicquam in
 eo humani esset, an castigandum, ac uexatione insigne fa-
 ciendum fuisse? ne mutas quidem bestias minus alere, ac fo-
 uere, si quid ex progenie sua parum prosperum sit. at her-
 cule L. Manlium malum malo augere filij, & tarditatem
 ingenij insuper premere: & siquid in eo exiguum natura-
 lis uigoris sit, id extinguere uita agresti, & rustico cultu
 inter pecudes habendo. Omnium potius his criminationi-
 bus, quàm ipsius iuuenis iritatus est animus. quin contrà se
 quoq; parenti causam inuidiæ atq; criminū esse ægre pas-
 sus, ut omnes dii hominesq; scirent, se parenti opem latam
 quàm inimicis eius malle, capit consiliū rudis quidem atq;
 agrestis animi, & quanquam non ciuilis exempli, tamen
 pietate laudabile. Inscientibus cunctis cultro succinctus
 mane in urbem, atq; à porta domum confestim ad M. Pom-
 ponium tribunum pergit: ianitori opus esse sibi domino
 eius conuento extemplo ait, nunciaret T. Manlium Lucij
 filium esse. mox introductus (etenim percitum ira in patrē
 spes erat aut criminis aliquid noui, aut cōsiliij ad rem agen-
 dam deferre) salute accepta, redditaq; esse ait quæ cum eo
 agere arbitris remotis uelit. procul inde omnibus abire
 iussis cultrum stringit: & super lectum stans ferro inten-
 to, nisi in quæ ipse concepisset uerba iuraret, se patris eius
 accusandi causa concilium plebis nunquam habiturum, se
 cum

eum extemplo transfixurum minatur. pauidus tribunus
 (quippe qui ferrū ante oculos micare, se solum inermem,
 illum praeualidum iuuenem, et quod haud minus timendū
 erat, stolide ferocem uiribus suis cerneret) adiurat in quæ
 adaetus est uerba. et præ se deinde tulit, ea ui subactum se
 incepto destitisse. nec perinde ut maluisset plebes, sibi su-
 fragij ferendi de tam crudeli, et superbo reo potestatem
 fieri, ita ægre habuit filium id pro parente ausum: eoq; id
 laudabilius erat, quod animum eius tanta acerbitas patria
 nihil à pietate auertisset. Itaque non patri modo remissa
 causæ dictio est, sed ipsi etiam adolescenti ea res honori
 fuit. et cum eo anno primum placuisset tribunos militum
 ad legiones suffragio fieri (nam et antea sicut nunc, quos
 ruffulos uocant, imperatores ipsi faciebant) secundum in
 sex locis tenuit, nullis domi militiæq; ad conciliandum gra-
 tiam meritis, ut qui rure, et procul cœtu hominum iuuen-
 tam egisset. Eodem anno seu motu terræ, seu qua ui alia
 forum medium ferme specu uasto collapsum in immensam
 altitudinem dicitur: neq; eam uoraginem coniectu terræ,
 cum pro se quisque gereret, expleri potuisse prius, quàm
 deum monitu quæri cœptum quo plurimum populus Ro-
 manus posset. id enim illi loco dicandum uates canebant,
 si rempub. Romanam perpetuam esse uellent. tum M. Cur-
 tium iuuenem bello egregium castigasse ferunt dubitantes
 an ullum magis Romanum bonum, quam arma, uirtusq; es-
 set. Silentio factō templa deorum immortalium, quæ foro
 imminēt, Capitoliumq; intuentē, et manus nunc in cœ-
 lum, nunc in patentes terræ hiatus ad deos manes porri-
 gentem se deuouisse: equo deinde quam poterat maxime
 exornato insidentem armatum se in specum immisisse, do-
 naq; ac fruges super cum à multitudine uirorum ac mu-

lierum congestas : lacumq; Curtium non ab antiquo illo
 T. Tatij milite Curtio Metio, sed ab hoc appellatum. cu-
 ra non deesset, si qua ad uerum uia inquirentem ferret. nūc
 famæ rerum standum est, ubi certam derogat uetustas fidē.
 Et lacus nomē ab hac recentiore insignius fabula est. post
 tanti prodigij procurationē eodem anno de Hernicis con-
 sultus senatus cum fœciales ad res repetendas nequicquā
 misisset, primo quoq; die ferendum ad populum de bello
 indicendo Hernicis censuit: populusq; id bellum frequens
 iussit. L. Genutio consuli ea prouincia sorte euenit. In ex-
 pectatione ciuitas erat, quòd primus ille de plebe consul
 bellum suis auspicijs gesturus esset: deinde ut eueniret res,
 ita cōmunicatos honores prospere, aut secus consulto ha-
 bitura. Forte ita tulit casus, ut Genutius ad hostes magno
 conatu profectus in insidias præcipitaretur: legionibus
 nec opinato pauore fuis consul circumuentus ab inscijs
 quem interfecissent, occideretur. Quod ubi est Romam
 nunciatum, nequaquam tantum publica calamitate mœsti
 patres, quantum feroces infelici consulis plebeij ductu, fre-
 munt omnibus locis: irent, crearent consules ex plebe,
 transferrent auspicia, quò nefas esset. potuisse patres ple-
 biscito pelli honoribus suis, num etiam in deos immortales
 inauspicatam legem ualuisse? uindicasse ipsos suum numē,
 sua auspicia: quæ ut primum cōtacta sint ab eo, à quo nec
 ius nec fās fuerit, deletum cum duce exercitum documen-
 to fuisse, ne deinde turbato gentium iure comitia haberen-
 tur. His uocibus curia, et forum personat. Ap. Claudium,
 quia dissuaserat legem, maiore nunc autoritate euentum
 reprehensi ab se consilij incusantem, dictatorem consensu
 patritiorum Seruilius consul dicit: delectusq; et iusti-
 tium indictum. Prius quàm dictator legionesq; nouæ in

Hern

Hernicos uenirent, ductu C. Sulpitij legati res per occasionem gesta egregie est. In Hernicos morte consulis contemptim ad castra Romana cum haud dubia expugnandi spe succedentes hortante legato, & plenis iræ atque indignitatis militum animis eruptio est facta. multum ab spe adeundi ualli res Hernicis absuit, adeo turbatis inde ordinibus abscessere. Dictatoris deinde aduentu nouus ueteri exercitus iungitur, & copię duplicantur. & pro concione dictator laudibus legati, militumq; quorum uirtute castra defensa erant, simul audientibus laudes meritas tollit animos, simul ceteros ad emulandas uirtutes acuit. Neque segnius ad hostes bellum apparatus, qui & parti antè dedecoris memores, neque ignari auctarum uirium hostis, suas quoque uires augent. omne Hernicum nomen, omnis militaris ætas excitur. quadringenariæ octo cohortes, lecta robora uirorum scribuntur. hunc eximium florem iuuentutis eo etiam, quòd ut duplex acciperent stipendium decreuerant, spei animorumq; impleuere. immunes quoque operum militarium erant, ut in unum pugnae laborem reseruati plus sibi, quàm pro uirili parte annitendum scirent. extra ordinem etiam in acie locati, quo conspectior uirtus esset. Duum millium planicies castra Romana ab Hernicis dirimebat. ibi pari ferme utrinque spatio in medio pugnatum est. primo stetit ambigua spe pugna, nequicquam sæpe conatis equitibus Romanis impetu turbare hostium aciem. postquàm equestris pugna effectū, quàm conatibus uanior erat, consulto prius dictatore equites, permissu deinde eius relictis equis clamore prouolant ante signa, & nouam integrant pugna. neq; suslineri poterant, ni extraordinariæ cohortes pari corporum, animorumq; robore se obiecissent. Tunc inter

primores duorum populorum res geritur. quicquid hinc, aut illinc communis Mars bello aufert, multiplex quàm pro numero damnum est: uulgus aliud armatorum uelut delegata primoribus pugna euentum suum in uirtute aliena ponit. multi utrinque cadunt, plures uulnera accipiunt. Tandem equites alius alium increpantes quid deinde restaret quaerendo, si neq; ex equis pepulissent hostem, neq; pedites quicquam momenti facerent, quam tertiam expectarent pugnam? quid ante signa feroces prosiluisent? & alieno pugnarent loco? His inter se uocibus concitati clamore renouato instrunt pedem: & primum gradu mouerunt hostem, deinde pepulerunt, postremo iam haud dubie auertunt. neq; tam uires pares quæ superaue-rit res, facile dictu est: nisi quòd perpetua fortuna utriusq; populi & extollere animos, & minuere potuit. Vsq; ad castra fugientes Hernicos Romanus sequitur: castrorum oppugnatione, quia serum erat diei, abstinuere. diu non perlitatum tenuerat dictatorem ne ante meridiem signum dare posset: eò in noctem tractum erat certamen. Postera die deserta fuga castra Hernicorum, & saucij relictì quidam inuenti: agmenq; fugientium ab signis, cum præter mœnia eorum infrequentia signa conspecta essent, fusum ac per agros trepida fuga palatum est. nec Romanis incruenta uictoria fuit, quarta pars militum amissa: & ubi haud minus iacturæ fuit, aliquot equites Romani cecidere. Insequenti anno cum L. Sulpitius, & C. Licinius Caluus Consules in Hernicos exercitum duxissent, neq; inuentis in agro hostibus Ferentinum urbem eorum uic cepisset, reuertentibus inde eis Tyburtes portas clausere. ea ultima fuit causa, cum multæ antè querimoniæ ultro citroq; iactatæ essent, cur per sociates rebus repetitis bellum Tyburti

burti populo indiceretur. Dictatorem T. Quintium Poen-
 num eo anno fuisse satis constat, & magistrum equitum
 Sergium Cornelium Maluginensem. Macer Licinius co-
 mitiorum habendorum causa & ab Licinio cōsule dictum
 scribit, quia collega comitia bello præferre festinante ut
 continuaret consulatum, obuiam eundem prauæ cupidi-
 tati fuerit. Quæ sita ea propriæ familiæ laus leuiorem au-
 torem Licinium facit. cum mentionem eius rei in uetustio-
 ribus annalibus nullam inueniam, magis ut belli Gallici
 causa dictatorem creatum arbitrer, inclinatus animus. eo certe
 anno Galli ad tertium lapidem Salaria uia trans pontem
 Anienis castra habuere. Dictator cum tumultus Gallici cau-
 sa iustitium edixisset, omnes iuniores sacramento adegit,
 ingentiq; exercitu ab urbe profectus in citeriore ripa A-
 nienis castra posuit. Pons in medio erat, neutris eum rum-
 pentibus, ne timoris indicium esset: prælia de occupando
 ponte crebra erant: nec qui potirentur, incertis uiribus
 satis discerni poterat. tum eximia corporis magnitudine
 in uacuum pontem Gallus processit: & quantum maxi-
 ma uoce potuit, Quem nunc, inquit, Roma fortissimū ui-
 rum habet, procedat agedum ad pugnam, ut noster duo-
 rum euentus ostendat utra gens bello sit melior. Diu inter
 primores iuuenum Romanorū silentium fuit, cum & ab-
 nuere certamen uererentur, & præcipuam sortem pericu-
 li petere nollent. tum T. Manlius L. Filius, qui patrem à
 uexatione tribunitia uindicauerat, ex statione ad dictato-
 rem pergit: In iussu tuo, inquit, imperator extra ordinem
 nunquam pugnauerim, non si certam uictoriam uideam. si
 tu permittis, uolo ego illi bellæ ostendere, quando adeo
 ferox præfultat hostium signis, me ex ea familiæ ortum,
 quæ Gallorum agmen ex rupe Tarpeia deiecit. Tum di-

Etator, Maeste uirtute, inquit, hac pietate in patre, patri-
 amq; T. Manli esto, perge, & nome Romanum inuictum
 iuuantibus dijs presta. Armant inde iuuenem aequales: pe-
 destre scutum capit, Hispano cingitur gladio, ad pro-
 piores habili pugnam. armatum adornatumq; aduersus
 Gallum stolide letum, & (quoniam id quoq; memoria di-
 gnum antiquis uisum est) linguam etiam ab irrisu exeren-
 tem, producunt. Recipiunt inde se ad stationem, & duo
 in medio armati spectaculi magis more, quam lege belli
 desituuntur, nequaquam uisu ac specie aestimantibus pa-
 res. corpus alteri magnitudine eximium, uersicolori ue-
 ste, pictisq; & auro celatis resurgens armis. media in al-
 tero militaris statura, modicaq; in armis habilibus magis
 quam decoris species, non cantus, non exultatio, armio-
 rumq; agitatio uana, sed pectus animoru iraq; tacita ple-
 num omnem ferociam in discrimen ipsum certaminis distu-
 lerat. Vbi constitere inter duas acies tot circa mortalium
 animis spe metuq; pendentibus: Gallus uelut moles super-
 ne imminens proiecto laua scuto in aduenientis arma ho-
 stis uanum casum cum ingenti sonitu enses deiecit. Roma-
 nus mucrone surrecto cum scuto scutum inum perculisset,
 totoq; corpore interior periculo uulneris factus insinuas-
 set se inter corpus, armaq; uno alteroq; subinde ictu uen-
 trem, atq; inguina hausit, & in spatium ingens ruentem
 porrexit hostem. iacentis inde corpus ab omni alia uexa-
 tione intactu uno torque spoliauit, que respersum cruore
 collo circundedit suo. Defixerat pauor cum admiratione
 Gallos. Romani alacres ab statione obuiam militi suo
 progressi, laudantes gratulantesq; ad dictatorem perdu-
 cunt. inter carminum propemodum incodita quaedam mi-
 litariter ioculantes Torquati cognomen auditum, celebra-
 tum dein

tum deinde posteris etiam, fanulixq; honori fuit. dictator coronā auream addidit donum, murisq; pro concione eam pugnam laudibus tulit. Et hercule tanti ea ad uniuerſi belli euentum momenti dimicatio fuit, ut Gallorum exercitus proxima nocte relictis trepide caſtris in Tyburtem agrum, atq; inde ſocietate belli facta, commeatuq; benigne ab Tyburtibus adiutus, mox in Campaniam tranſierit. Ea fuit cauſa cur proximo anno C. Petilius Balbus cos. cum collegæ eius M. Fabio Ambuſto Hernici prouincia eueniſſet, aduerſus Tyburtes iuſſu populi exercitū duceret. ad quorum auxilium cum Galli ex Campania rediſſent, ſædæ populationes in Lauicano, Thuſculanoq; et Albano agro haud dubie Tyburtibus ducibus ſunt factæ. Et cum aduerſus Tyburtem hoſtem duce cos. contenta reſpub. eſſet, Gallicus tumultus dictatorem creari coëgit. creatus Q. Scruilius Hala T. Quintium magiſtrum equitum dixit: et ex autoritate patrum, ſi proſpere id bellum eueniſſet, ludos magnos uouit. Dictator ad continendos proprio bello Tyburtes, conſulari exercitu iuſſo manere, omnes iuniores nullo detrectante militiam ſacramento adegit. Pugnatum haud procul porta Collina eſt totius uiribus urbis, in conſpectu parentum coniugumq; ac liberorū: quæ magna etiam abſentibus hortamēta animi, tum ſubiecta oculis ſimul uerecundia, miſericordiaq; militem accendebant. Magna utrinq; edita cæde, auertitur tandem acies Gallorum, fuga Tybur ſicut arcem belli Gallici petūt. palati à cos. Petilio haud procul Tybure excepti, egreſſis ad opem ferendam Tyburtibus ſimul cum his intra portas cōpelluntur. Egregie cum ab dictatore, tum ab cos. geſta eſt res. Et cos. alter Fabius prælijs primū paruis, poſtremo una inſigni pugna cū hoſtes totis adorti

C. Plautius iussu populi bellum indixere: Fabioq; ea provincia, Plautio Hernici euenere. Gallici quoque belli fama increbrescebat: sed inter multos terrores solatio fuit pax Latinis petentibus data, et magna uis militum ab ijs ex fœdere uetusto, quod multis intermiserant annis, accepta. quo præsidio cum fulta res Romana esset, leuius fuit, quòd Gallos mox Præneste uenisse, atq; inde circa Pedum confedisse auditum est. Dictatorem dici C. Sulpitium placuit: consul ad id accitus C. Plautius dixit. magister equitum dictatori additus M. Valerius. Hi robora militum ex duobus consularibus exercitibus electa aduersus Gallos duxerunt. Lentius id aliquanto bellum, quàm parti utriq; placebat, fuit: cum primo Galli tantum auidi certaminis fuissent: deinde Romanus miles ruendo in arma ac dimicationem, aliquantum Gallicam ferociam uinceret. dictatori neutique placebat, quando nulla cogeret res, fortunæ se committere aduersus hostem, quem tempus deteriore in dies, et locus alienus faceret, sine preparato commeatu, sine firmo munimento morantem: ad hoc ijs animis corporibusq;, quorum omnis in impetu uis esset, parua eadem languesceret mora. His consilijs dictator bellum trahebat: grauemq; edixerat pœnam, si quis iniussus in hostem pugnasset. milites ægre id patientes primo in stationibus uigilijsq; inter se dictatorem sermonibus carpere, interdum patres communiter increpare, quòd non iussissent per consules geri bellum. electum esse eximium imperatorem, unicum ducem, qui nihil agenti sibi de cœlo deuolaturam in sinum uictoriam censeat. eadem deinde hæc interdum propalàm, ac ferociora his iactare: se iniussu imperatoris aut dimicatuuros, aut agmine Romam ituros: immisceriq; militibus centuriones: nec in circulis modo

modo fremere, sed iam in principijs ac prætorio in unum sermones confundi: atq; in concionis magnitudinem crescere turba, & uociferari ex omnibus locis ut extemplo ad dictatorem iretur: uerba pro exercitu faceret Sex. Tullius, ut uirtute eius dignum esset. Septimum primum pilum iam Tullius ducebat, neq; erat in exercitu, qui quidem pedestria stipendia fecisset, uir factis nobilior. is præcedens militum agmen ad tribunal pergit. mirantq; Sulpitio non turbam magis quam turbæ principem Tullium imperijs obedientissimum militem, Scilicet dictator, inquit, condemnatum se uniuersus exercitus à te ignauie ratus, & propè ignominie causa destitutum sine armis, orauit me ut suam causam apud te agerem. Equidem sicubi loco cessu, si terga data hosti, si signa fœde amissa obijci nobis possent, tamen hoc à te impetrari æquum censerem, ut nos uirtute culpam nostram corrigere, & abolere flagitij memoriam noua gloria patereris. etiam ad Aliam fusæ legiones eandem, quam per pauorem amiserant, patriam profectæ postea ab Veijs uirtute recuperauere. nobis deum benignitate, felicitate tua populiq; Romani & res & gloria est integra: quanquam de gloria uix dicere ausim, si nos & hostes haud secus quam fœminas abditos intra uallum omnibus cõtumelijs eludunt: & tu imperator noster, quod ægrius patimur, exercitum tuum sine animis, sine armis, sine manibus iudicas esse: & prius quàm expertus nos esses, de nobis ita desperasti, ut te mancorum ac debiliũ ducẽ iudicares esse. quid enim aliud esse cause credamus, cur ueteranus dux fortissimus bello compressis, quod aiunt, manibus sededas? ut cūq; enim se habeat res, te de nostra uirtute dubitasse uideri, quàm nos de tua uerius est. Sin autẽ nõ tuũ isthuc, sed publicũ est consiliũ,

& con

et consensus aliquis patrum, non Gallicum bellum nos ab urbe, à penatibus nostris ablegatos tenet: quæso ut quæ dicam, non à militibus imperatori dicta censeas, sed à plebe patribus: quæ sicut uos uestra habeatis consilia, sic se sua habituram dicat. Quis tandem succenseat milites nos esse, non seruos uestros? ad bellum, non in exilium missos? Si quis det signum, in aciem educat, ut uiris ac Romanis dignum sit, pugnaturos: si nihil armis opus sit, otium Romæ potius quam in castris acturos. hæc dicta sint patribus. Te imperator milites tui oramus, ut nobis pugnandi copiam facias: tum uincere cupimus, tum duce te uincere: tibi lauream insignem deferre, tecum triumphantes urbem intrare: tuum sequentes currum Iouis Opt. Max. templum gratantes omnesque adire. Orationem Tullij exceperunt preces multitudinis: et undique ut signum daret, ut capere arma iuberet, clamabant. Dictator quanquam rem bonam exemplo haud probabili actam censebat: tamen facturum quod milites uellent, se recepit: Tulliumque secreto, quænam hæc res sit, aut quo acta more, percunctatur. Tullius magnopere à dictatore petere, ne se oblitum disciplinæ militaris, ne sui, ne uel imperatoriæ maiestatis crederet: multitudini concitata, quæ ferme autoribus similis esset, non subtraxisse se ducem: nequis alius, qualè motu creare multitudo soleret, existeret. nam se quidem nihil non arbitrio imperatoris acturum. Illi quoque tamen uidendum magnopere esse, ut exercitum in potestate haberet: differri non posse: adeo concitados animos ipsos sibi locum, ac tempus pugnandi sumpturos, si ab imperatore non detur. Dum hæc loquuntur, iumenta forte pascentia extra uallum Gallo abigenti duo milites Romani ademerunt. in eos saxa coniecta à Gallis: deinde ab Romana statione clamor ortus, ac pro

ac procursum utrinq; est. Iamq; haud procul iusto prælio res erant: ni celeriter dirēptum certamen per centuriones esset. Affirmata certe eo casu Tullij apud dictatorem fides est. nec recipiente iam dilationem re, in posterum diem ca-
 dicitur acie pugnatu-
 ros. Dictator tamen, ut qui magis a-
 nimis quàm uiribus fretus ad certamen descenderet, omnia
 circumspicere atque agitare cœpit, ut arte aliqua terro-
 rem hostibus incuteret. solerti animo rem nouam excogi-
 tat: qua deinde multi nostri atque externi imperatores,
 nostra quoq; quidam ætate usi sunt. mulis strata detrahi
 iubet: binisq; tantum centunculis relictis agasones partim
 captiuus, partim ægrorum armis ornatos imponit: his se-
 rè mille effectis centū admiscet equites: & nocte super ca-
 stra in montes euadere, ac syluis se occultare iubet, neque
 inde antè moueri, quàm ab se acciperent signum. ipse ubi
 illuxit, in radicibus montium extendere aciem cœpit sedu-
 lo, ut aduersus montes consisteret hostis. Instructo iam ua-
 ni terroris apparatu, qui quidem terror plus penè ueris ui-
 ribus profuit: primo credere duces Gallorum non descen-
 suos in æquum Romanos: deinde ubi digressos repente
 uiderunt, & ipsi auidi certaminis in præliū ruunt: priusq;
 pugna cœpit, quàm signum ab ducibus daretur. Acrius
 inuasere Galli dextrum cornu: neq; sustineri potuissent, ni
 forte eo loco dictator fuisset, Sex. Tullium nomine incre-
 pans, rogitansq; siccine pugnatu-
 ros milites spon-
 disset? ubi illi clamores sint arma poscentiū? ubi minæ iniussu im-
 peratoris præliū inituros? en ipsū imperatorem clara uoce
 uocare ad præliū, & ire armatū ante prima signa. cœquis
 sequeretur eorū, qui modo ducturi fuerint? in castris fero-
 ces, in acie pauidi. Vera audiebāt: itaq; tātos pudor stimu-
 los admouit, ut ruerēt in hostiū tela alienatis à memoria
 periculi

periculi animis. hic primo impetus propè uecors turbauit
 hostes: eques deinde emissus turbatos auertit. Ipse dicta-
 tor postquam labantem una parte uidit aciem, signa in læ-
 uum cornu confert, quò turbam hostium cōgregari cerne-
 bat: & ijs, qui in monte erant, signum quod conuenerat,
 dedit. Vbi inde quoq; nouus clamor ortus, & tendere obli-
 quo monte ad castra Gallorum uisi sunt: tum metu ne ex-
 cluderentur, ommissa pugna est, cursuq; effuso ad castra fe-
 rebantur. ubi cū occurriisset eis M. Valerius magister equi-
 tum, qui profligato dextro cornu obequitabat hostiū mu-
 nimentis, ad montes syluasq; uertūt fugam: plurimiq; ibi
 à fallaci equitum specie, agasonibusq; excepti sunt: et eo-
 rū, quos pavor pertulerat in syluas, atrox cædes post seda-
 tum prælium fuit. Nec alius post M. Furium, quàm C. Sul-
 pitius iustior de Gallis egit triumphum, auri quoq; ex
 Gallicis spolijs satis magnum pondus saxo quadrato se-
 ptum in Capitolio sacrauit. Eodē anno & à c o s s. ua-
 rio euentu bellatum. nā Hernici à C. Plautio deuicti, suba-
 ctiq; sunt. Fabius collega eius incaute atq; inconsulte ad-
 uersus Tarquinienfes pugnauit: nec in acie tantū ibi cla-
 dis acceptum, quàm quod c c c v i i. milites Romanos
 captos Tarquinienfes immolarunt. qua fœditate supplicij
 aliquanto ignominia populi Romani insignitior fuit. ac-
 cessit ad eam cladem & uastatio Romani agri: quam Pri-
 uernates, Veliterni deinde incursione repentina fecerunt.
 Eodem anno duæ tribus Pomptina, et Publilia additæ. Lu-
 di uotiuui, quos M. Furius dictator uouerat, facti. et de am-
 bitu à C. Petilio tribuno plebis autoribus patribus tū pri-
 mum ad populum latum est: eaq; rogatione nouorum ma-
 xime hominum ambitionem, qui nundinas & concilia-
 bula obire soliti erant, compressam credebant. Haud

æque patribus læta inſequenti anno C. Martio, Cn. Man-
lio Coſſ. de unciario fœnore à M. Duellio, L. Menenio trî-
bunis plebis rogatio eſt perlata: & plebs aliquanto eâ cu-
pidius ſciuit, accepitq; . Ad bella noua priore anno deſtina-
ta Falifci quoq; hoſtes exorti duplici crimine: quòd & cîe
Tarquinieſibus iuuentus eorû militauerat: et eos, qui Fale-
rios perſugerant, cum male pugnatum eſt, repetëtibus fœ-
cialibus Romanis nō reddiderant. ea provincia Cn. Man-
lio obuēnit. Martius exercitum in agrum Priuernatē, in-
tegrum pace longinqua induxit: militemq; præda imple-
uit. ad copiam rerum addidit munificentiam: quod nihil
in publicum ſecernendo augenti rē priuatam militi fauit.
Priuernates cum ante mœnia ſua caſtris permunitis con-
ſediſſent: uocatis ad concionem militibus, Caſtra nunc, in-
quit, uobis hoſtium, urbemq; prædæ do: ſi mihi pollicemini
uos fortiter in acie operam nauaturos: nec prædæ magis,
quàm pugnae paratos eſſe. Signum poſcunt ingēti clamo-
re: celſiq; , & ſpe haud dubia feroces in prælium uadunt:
ibi ante ſigna Sex. Tullius, de quo antè dictum eſt, excla-
mat: Aſpice imperator, inquit, quēadmodū exercitus tuus
tibi promiſſa præſtet: piloq; poſito, ſtriçto gladio in hoſtē
impetum facit: ſequuntur Tullium anteſignani omnes: præ-
moq; impetu auertēre hoſtem: fuſum inde ad oppidū perſe-
cuti, cum iam ſcalas mœnibus admouerent, in deditionem
urbem acceperunt. triumphus de Priuernatibus actus. Ab
altero c o s. nihil memorabile geſtum: niſi quòd legem
nouo exemplo ad Sutrium in caſtris tributim de uiceſi-
ma eorum, qui manumitterentur; tulit. patres, quia ea
lege haud paruum ueſtigal inopi ærario additum eſſet,
autores fuerunt. cæterum tribuni plebis non tam lege
quàm exemplo moti, nequis poſtea populum ſeuocaret,
capite

capite sanxerunt; nihil enim non per milites iuratos in consulis uerba, quamuis perniciosum populo, si id liceret, fieri posse. Eodem anno C. Licinius Stolo à M. Popilio Lenate sua lege decem millibus æris est dānatus: quòd mille iugerum agri cum filio possideret, emancupandoq; filium fraudem legi fecisset. Noui c o s s. inde M. Fabius Ambustus 11. & M. Popilius Lenas 11. duo bella habuere: facile alterum cum Tyburtibus, quod Lenas gessit: qui hoste in urbem compulso agros uastauit. Falisci, Tarquinienses'que alterum consulem prima pugna fuderunt. inde terror maximus fuit: quod sacerdotes eorum facibus ardentibus, anguib; que prælatis in cœssu furiali militem Romanum insueta turbauerunt specie: & tunc quidem uelut lymphati, & attoniti munimentis suis trepido agmine inciderunt. deinde ubi consules, legatiq;, ac tribuni puerorum ritu uana miracula pauentes iridebant, increpabant'que, uertit animos repente pudor: & in ea ipsa, quæ fugerant, uelut cæci ruebant. discussio itaque uano apparatu hostium cum in ipsos armatos se intulissent, auerterunt totam aciem: castrisq; etiam eo die positi, præda ingenti parta uictores reuerterunt militari- bus iocis cum apparatus hostium, tum suum increpantes pauorem. Concitatur deinde omne nomen Hetruscum: & Tarquiniensibus Faliscis'que ducibus ad Salinas perueniunt. aduersus eum terrorem dictator C. Martius Rutilius primus de plebe dictus magistrum equitū item de plebe C. Plautium dixit. Id uero patribus indignum uideri, etiam dictaturam in promiscuo esse: omniq; ope impediabant nequid dictatori ad id bellum decerneretur, pararetur'ue. eo pròptius cuncta ferente dictatore populus iussit. profectus ab urbe utraq; parte Tyberis, ratibus exercitu

quocunque fama hostium ducebat traiecto, multos popu-
 latores agrorum uagos, palantes oppressit: castra quoque
 nec opinato aggressus cepit. & v i i i. millibus hostiū ca-
 ptis, ceteris aut cæsis, aut ex agro Romano fugatis, sine
 autoritate patrum populi iussu triūphauit. Quia nec per
 dictatorem plebeium, nec per consulem, comitia consula-
 ria haberi uolebant: & alter consul Fabius bello retine-
 batur: res ad interregnum redit. Interreges deinceps Q.
 Seruilius Hala, M. Fabius, Cn. Manlius, C. Fabius, C. Sul-
 pitius, L. Aemilius, Q. Seruilius, M. Fabius Ambustus. In
 secundo interregno orta contentio est: quod duo patricij
 consules creabantur: intercedentibusq; tribunis interrex
 Fabius aiebat in x i i. tabulus legem esse: ut quodcunque
 postremum populus iussisset, id ius ratumq; esset, iussum
 populi & suffragia esse. Cum intercedendo tribuni nihil
 aliud, quàm ut differrent comitia ualuisent: duo patricij
 Coß. creati sunt C. Sulpitius Peticus tertium, M. Valerius
 Publicola: eodemq; die magistratum inierunt. Quadringē-
 tesimo annò quàm urbs Romana condita erat, quinto tri-
 cesimo quàm à Gallis recepta, ablato post nonum annum
 à plebe consulatu, patricij Coß. ambo ex interregno ma-
 gistratum inierunt C. Sulpitius Peticus tertium, M. Valerius
 Publicola. Empulum eo anno ex Tyburtibus haud memo-
 rando certamine captum: siue duorum Coß. auspicio bel-
 lum ibi gestum est, ut scripsere quidam: seu per idem tem-
 pus Tarquiniensem quoque sunt uastati agri ab Sulpi-
 tio Cos. quo Valerius aduersus Tyburtes legiones du-
 xit. Domū maius certamen Coß. cum plebe ac tribunis
 erat. fidei iam suæ, non solum uirtutis ducebant esse, ut
 acceperant duo patricij consulatum, ita amobus patri-
 cijs mandare. quin aut toto cedendum esse, si plebeius iam
 magi

magistratus fiat consulatus : aut possidendum totum, quam possessionem integram à patribus acceperant. Plebs contra frenat. quid se uiuere? quid in parte ciuium censeat? si quod duorum hominum uirtute L. Sextij, ac C. Licinij partum sit, id obtinere uniuersi non possint: uel reges, uel decemuiros, uel si quod triplius sit imperij nomen, patiendum esse potius, quam ambos patricios Coſs. uideant, nec inuicem pareatur, atque imperetur, sed pars altera in æterno imperio locata plebem nusquam aliò natam quam ad seruiendum putet. Non desunt tribuni autores turbarum: sed inter concitatos per se omnes uix duces eminent. Aliquoties frustra in campum descensum cum esset, multi que per seditiones acti comitiales dies: postremo uictæ perseuerantia Coſs. plebis eò dolor erupit, ut tribunos actum esse de libertate uociferantes, relinquendumque non campum iam solum, sed etiam urbem captam atque oppressam regno patriciorum, mœsta plebs sequeretur. Consules relictæ a parte populi per infrequentiã comitia nihilo segnius perficiunt. creati consules ambo patricij M. Fabius Ambustus tertium, T. Quintius. In quibusdam annalibus pro T. Quintio M. Popilium Coſs. inuenio. Duo bella eo anno prospere gesta: cum Tyburtibusque ad ditionem pugnatum: Sassula ex his urbs capta. ceteraque oppida eandem fortunam habuissent, ni uniuersa gens positæ armis in fidem consulis uenisset. triumphatum de Tyburtibus: alioquin nullus uictoria fuit. In Tarquinienses accreuit, multis mortalibus in acie cæsis: ex ingenti captiuorum numero C C C L V I I I. delecti nobilissimus quisque, qui Romam mitteretur: uulgus aliud trucidatum. nec populus in eos, qui missi Romam erant, mitior fuit. medio in foro omnes uirgis cæsi ac securi percussi,

id pro immolatis in foro Tarquinienſium Romanis pœnæ hoſtibus redditum. Res bello bene geſtæ ut Samnites quoque amicitiam peterent, effecerunt. legatis eorum comiter ab ſenatu reſpoſum: fœdere in ſocietatem accepti. Non eadem domus, quæ militiæ, fortuna erat plebi Romanæ. nam etſi unciario fœnore facto leuata uſura erat: ſorte ipſa obruebantur inopes: nexumq; inibant. eo nec patricios ambo conſules, nec comitiorum curam, publica uel ſtudia præ priuatis incommodis plebs ad animum admittebat. Conſulatus uterque apud patricios manet. Conſules creati, C. Sulpitius Peticus quartum, M. Valerius Publicola iterum. In bellum Hetruſcum intentam ciuitatem, quia Cæritem populum miſericordia conſanguinitatis Tarquinienſibus adiunctum fama ferebat: legati Latini ad Volſcos conuertere, nuntiantes: exercitum conſcriptum, armatumq; iam ſuis finibus imminere: inde populabundos in agrum Romanum uenturos eſſe. Cenſuit igitur ſenatus neutram negligendam rem eſſe. utroque legiones ſcribi: conſulesque ſortiri prouincias iuſſit. Inclinauit deinde pars maior curæ in Hetruſcum bellum: poſtquam literis Sulpitij conſulis, cui Tarquinij prouincia euenerat, cognitum eſt, depopulatum agrum circa Romanas ſalinas: prædæq; partem in Cæritum fines auectam, & haud dubie iuuentutem eius populi inter prædatores fuiſſe. Itaq; Valerium conſulem Volſcis oppoſitum, caſtraq; ad finem Thuſculanum habentem, reuocatum inde ſenatus dictatorem dicere iuſſit. T. Manlium Lucij filium dixit. Is, cum ſibi magiſtrum equitum A. Cornelium Coſſum dixiſſet: conſulari exercitu cõtentus, ex autoritate patrum ac populi iuſſu Cæritibus bellum indixit. Tum primum Cærites tanquam in uerbis hoſtium uis maior ad bellum ſignificandum, quam in ſuis factis, qui

Etis, qui per populationem Romanos laceſſierant, eſſet, ue-
 rus belli terror inuaſit: & quàm non ſuarum uirium ea di-
 mucatio eſſet, cernebant: pœnitebatq; populationis. et Tar-
 quinienses execrabantur defectionis autores: nec arma,
 aut bellum quiſquam apparare, ſed pro ſe quiſque legatos
 nutti iubebat ad petendam erroris ueniam. Legati ſenatû
 cum adieſſent, ab ſenatu reiecti ad populum, deos rogaue-
 runt, quorum ſacra bello Gallico acceptarite procuras-
 ſent: ut Romanos florentes ea ſui miſericordia caperet:
 quæ ſe rebus adfectis quondam populi Romani cepiſſet:
 conuerſiq; ad delubra Veſtæ, hoſpitiū Flaminum, Ve-
 ſtaliūq; ab ſe caſte ac religioſe cultum inuocabât. Ea ne
 meritos crederet quiſquam, hoſtes repente ſine cauſa ſa-
 ctos: aut ſi quid hoſtiliter feciſſent, cōſilio id magis, quàm
 furore lapſos feciſſe: ut ſua uetera beneficia, locata præſer-
 tim apud tam gratos, nouis corrumpere maleficijs: flo-
 rentemq; populum Romanû ac feliciffimum bello ſibi de-
 ſumerent hoſtem, cuius afflictî amicitiam cepiſſent: ne ap-
 pellarent cōſilium, quæ uis ac neceſſitas appellanda eſſet.
 Tranſcuntes agmine inſeſto per agrum ſuum Tarquini-
 ſes, cum præter uiam nihil petiſſent, traxiſſe quosdâ agre-
 ſtium populationis eius, quæ ſibi crimini detur, comutes.
 eos, ſeu dedi placeat, dedere ſe paratos eſſe: ſeu ſupplicio
 affici, daturus pœnas. Cære ſacrarium populi Romani,
 diuerſorium ſacerdotum, ac receptaculum Romanorû ſa-
 crorum, intactum inuiolatumq; crimine belli, hoſpitio Ve-
 ſtaliū cultusq; dijs darent. Mouit populum non tã cau-
 ſa præſens quam uetus meritum, ut maleficij quàm benefi-
 cij potiùs immemores eſſent. itaque pax populo Cæriti da-
 ta: inducias que in centum annos factas in ſenatusconſul-
 ta referri placuit. In Falifcos eodem noxios crimine,

uis belli conuersa est: sed hostes nusquam inuenti. Cum populatione peragrati fines essent, ab oppugnatione urbium temperatum: legionibusq; Romam reductis reliquum anni muris turribusq; reficiendis consumptum. Et ædes Apollinis dedicata est. Extremo anno comitia consularia certamine patrum ac plebis diremut: tribunis negatibus passuros comitia haberi, nisi secundum Liciniam legem haberentur: dictatore obstinato tollere potius totum est reipublice consulatum, quam promissum patribus ac plebi facere. Prolatam igitur comitiis cum dictator magistratu abisset: res ad interregnum rediit. In festam inde patribus plebem interreges cum accepissent, ad undecimum interregem seditionibus certatum est. Legis Liciniae patrocinium tribuni iactabant: propior dolor plebi foenoris ingrauescentis erat: curæq; priuatae in certaminibus publicis erumpebant. quorum tædio patres L. Cornelium Scipionem interregem concordiae causa obseruare legem Liciniam comitiis consularibus iussere. P. Valerius Publicolæ datus est plebe collega C. Martius Rutilius. Inclatis semel in concordiam animis, noui consules foenebrem quoq; rem, quæ destitit unanimes uidebatur, leuare aggressi, solutionem alieni æris in publicam curam uerterunt: quinque uiris creatis, quos mensarios ab dispensatione pecuniæ appellarunt. Meriti æquitate curaq; sunt, ut per omnium annalium monumenta celebres nominibus essent. fuisse autem C. Duellius, P. Decius Mus, M. Papyrius, Q. Publius, et T. Aemilius: qui rem difficilissimam tractatu, et plerunque parti utrique, semper certe alteri grauem, cum alia moderatione, tum impendio magis publico, quam iactura sustinuerunt. tarda enim nomina, et impeditiora inertia debitorum quam facultatibus, aut æarium mensis cum ære in foro positus dissoluit, ut populo prius

prius caueretur: aut æstimatio æquis rerum pretijs liberauit, ut non modo sine iniuria, sed etiam sine querimonijs partis utriusque exhausta uis ingens æris alieni sit. Terror inde uanus belli Hetrusci, cum cõiurasse duodecim populos fama esset, dictatorem dici coëgit. dictus in castris (eo enim ad consules missum senatus consultum est) C. Iulius: cui magister equitum adiectus L. Aemilius. Cæterum fors tranquilla omnia fũere. Tentatum domo per dictatorem ut ambo patricij consules crearentur, rem ad interregnum perduxit. duo interreges C. Sulpitius, et M. Fabius interpositi obtinere, quod dictator frustra tetenderat: mutiore iam plebe ob recens meritũ leuati æris alieni, ut ambo patricij consules crearentur, creati ipse C. Sulpitius Peticus, qui prior interregno abiit, & T. Quintius Pœnus. quidã Cæsonem, alij C. cognomẽ Quintio adiiciunt. Ad bellum ambo profecti, Falij cum Quintius, Sulpitius Tarquinien se, nusquam acie congressio hoste, cum agris magis quàm cum hominibus, urendo populandoq; gesserunt bella. cuius lentæ uelut tabis senio uicta utriusque pertinacia populi est, ut primum à consulibus, dein permissu eorum ab senatu inducias peterent: in quadraginta annos impetrauerunt. Ita posita duorum bellorum, quæ immunebant, cura, dum aliqua ab armis quies esset: quia solutio æris alieni multarum rerum mutauerat dominos, censum agi placuit. cæterum, cum censoribus creandis indicta comitiæ essent: professus se petere censuram C. Martius Rutilius, qui primus dictator de plebe fuerat: concordiam ordinem turbauit. quod uidebatur quidem tempore alieno fecisse: quia ambo tum forte patricij consules erant: qui rationem eius se habituros negabant. sed & ipse constantia inceptum obtinuit: & tribuni omni uĩ recupe-

rando ius consularibus comitijs amissum, adiuuerunt. Et cum ipsius uiri maiestas nullius honoris fastigium non æquabat, tum per eundem, qui ad dictaturam aperuisset uiam, censuram quoque in partem uocari plebs uolebat. Nec uariatum comitijs est, quin cum Manlio Næuio censor Martius crearetur. Dictatorem quoque hic annus habuit M. Fabium, nullo terrore belli, sed ne Licinia lex comitijs consularibus obseruaretur. Magister equit. dictatori additus Q. Seruilius. nec tamen dictatura potentiorum cum consensum patrum consularibus comitijs fecit, quam censorijs fuerat. M. Popilius Lenas à plebe cōsul, à patribus L. Cornelius Scipio datus. Fortuna quoque illustriorem plebeiū consulem fecit. nam cum ingentem Gallorum exercitum in agro Latino castra posuisse nuntiatum esset: Scipione graui morbo implicito Gallicum bellum Popilio extra ordinem datum. Is impigre exercitu scripto cum omnes extra portam Capenam ad Martis ædem conuenire armatos iuniores iussisset: signaq; eodem quæstores ex ærario deferre: quatuor expletis legionibus, quod superfuit militum, P. Valerio Publicolæ prætori tradidit: autor patribus scribendi alterius exercitus, quod ad incertos belli cūctus subsidium reipub. esset. Ipse iam satis omnibus instructis, comparatisq; ad hostem pergit. cuius ut prius nosceret uires, quam periculo ultimo tentaret: in tumulto, quem proximū castris Gallorum capere potuit, uallum ducere cœpit. Gēs ferox, et ingenij auidi ad pugnam, cum procul uisis Romanorum signis ut extemplo præliū initura explicuisset aciem: postquam neque in æquum dimitti agmen uidit, et cum loci altitudine, tum uallo etiam tegi Romanos: percussos pauore rata, simul opportuniore, quod intenti tum maxime operi essent, truci clamore aggreditur. Ab

Romanis nec opus intermissum: triarii erant, qui muniebant: & ab hastatis principibusq; , qui pro munitoribus intenti armatiq; steterant, prælium initum. Præter uirtutem locus quoque superior adiuuit, ut pila omnia hastæq; non tanquam ex æquo missa, uana (quod plerunque fit) caderent, sed omnia librata ponderibus figerentur. oneratiq; telis Galli, quibus aut corpora transfixa, aut prægrauata inherentibus gerebant. Icuta: cum cursu penè in aduersum subissent, primo incerti resistere: dein cū ipsa cunctatio & his animos munisset, & auxisset hosti, impulsique retro ruere alij super alios: stragemq; inter se cæde ipsa foediorum dare. adeo præcipiti turba obtriti plures, quam ferro necati. Necdum certa Romanus uictoria erat. alia incampum digressus supererat moles. nanque multitudo Gallorum sensum omnem talis damni exuperans, uelut noua rursus ex oriente acie integrum militem aduersus uictorē hostem ciebat. stetitq; suppresso impetu Romanus, et quia iterum fessus subeunda dimicatio erat, & quòd cōsul, dum inter primores incautus agitat, læuo humero materi propè traiecto cejserat parumper ex acie. Iamque omissa cunctando uictoria erat, cum consul uulnere alligato reuocatus ad prima signa, Quid stas miles? inquit. nō cū Latino Sabinoq; hoste res est, quem uictum armis socium ex hoste facias. in belluas strinximus ferrum: hauriendus aut dandus est sanguis. propulisti à castris, supina ualle præcipites egisti, stratis corporibus hostium superstitis. cōplete eadem strage campos, qua montes replesti. nolite expectare, dum stantes uos fugiant. inferenda sunt signa, & uadendum in hostem. His adhortationibus iterum coorti pellunt loco primos manipulos Gallorum, cuneis deinde in medium agmen perrumpunt. Inde barbari dissipati,

qui

quibus nec certa imperia, nec duces essent, uertunt impetum in suos: fusiq; per campos, et præter castra etiam sua fuga prælati, quod editissimum inter æquales tumulos occurrebat oculis, arcem Albanam petunt. Consul non ultra castra insecutus, quia & uulnus degrauiabat, & subijcere exercitum pugna sejjum nouo laberi nolebat, à persequendo hoste continuit, tumulis ab hoste occupatis. Præda omni castrorum militi data, uictorẽ exercitum, opulẽtumq; Gallicis spolijs Romam reduxit. moram triumpho uulnus consulis attulit. eademq; causa dictatoris desiderium senatus fecit, ut esset qui ægris consulibus comitia haberet. Dictator L. Furius Camillus dictus, addito magistro equitum P. Cornelio Scipione, reddidit patribus possessionem pristinam cõsulatus. ipse ob id meritum ingenti patrum studio creatus consul, collegã Ap. Claudium Crassum dixit. Priusquam inirent noui consules magistratum, triumphus à Popilio de Gallis actus magno fauore plebis: musantesq; inter se rogabat, num quem plebei consulis pœniteret? simul dictatorẽ increpabant: qui legis Liciniae spretæ mercedem consulatum priuata cupiditate, quàm publica iniuria fœdiorem, cepisset: ut se ipse cõsulcm dictator crearet. Annus multis, uarijsq; motibus fuit insignis. Galli ex Albanis mōtibus, quia hyemis uim pati nequiuerāt: per cãpos, maritimãq; loca uagi populabantur. Mare infestum classibus Græcorum erat: oraq; litoris Antiatis. Laurensque tractus, & Tyberis ostia: ut prædones maritimi cum terrestribus congressi ancipiti semel prælio decertarent: dubijq; discesserint, in castra Galli, Græci retro ad naues, uictos se, an uictores putarẽt. Inter hos longe maximus extitit terror: concilia populorum Latinorum ad lucum Ferentinæ habitæ: responsumq; haud ambiguum imperanti-

bus milites Romanis datum: abstererent imperare ijs, quorum auxilio egerent. Latinos pro sua libertate potius, quàm pro alieno imperio laturos arma. Inter duo simul bella externa defectione etiam sociorum senatus anxius, cum cerneret metu tenendos, quos fides nō tenuisset: extendere omnes imperij vires consules delectu habendo iussit. ciuili quippe standum exercitu esse, quādo socialis coetus defereret. Vndiq; non urbana tantum, sed etiam agrestis iuuentute decem legiones scriptæ dicuntur, quaternūmillium & ducenorum peditum, equitūq; trecentorum. quem nunc nouum exercitum, si qua externa uis ingruat, hæ vires populi Romani, quas uix terrarum capit orbis, contractæ in unum haud facile efficiant. adeo in quæ laboramus sola creuimus, diuitias luxuriāq;. Inter cætera tristitia eius anni consul alter Ap. Claudius in ipso belli apparatu moritur. redierantq; res ad Camillum: cui unico consuli uel ob aliam dignationem haud subijciendam dictaturæ, uel ob omen faustum ad Gallicum tumultum cognominis, dictatorem arrogari haud satis decorum uisum est patribus. Consul duabus legionibus urbi præpositis, octo cū L. Pinario prætore diuisis, memor paternæ uirtutis Gallicum sibi bellum extra sortem sumit: prætorem maritimā oram tutari, Græcosq; arcere litoribus iussit. & cum in agrum Pomptinum descendisset: quia neque in campis congregari nulla cogente re uolebat: & prohibendo populationibus, quos raptu uiuere necessitas cogeret, satis domari credebatur hostem: locum idoneum statiuus delegit. Vbi cum stationibus quieti tempus tererēt, Gallus processit magnitudine atque armis insignis: quatiensq; scutum hastam silentium fecisset, prouocat per interpretem unum ex Romanis, qui secum ferro decernat. Marcus erat Vale

rius

VI

rius tribunus militum, adolefcens: qui haud indigniorẽ eo decore se, quàm T. Manlium ratus, prius sciscitatus consulis uoluntatem, in medium armatus processit. Minus in sine certamen humanum numine interposito deorum factum. nanq; conferenti iam manum Romano coruus repẽte in galea confedit in hostem uersus. quod primo ut augurium cœlo missum lætus accepit tribunus: precatus deinde si diuus, si diua esset, qui sibi præpetẽ misisset, uolens propitiuus adesset. dictu mirabile: tenuit non solum ales captã scmel sedem: sed quotiescunq; certamen initum est, leuans se alis, os oculosq; hostis rostro & unguibus appetijt: donec territum prodigij talis uisu, oculisq; simul ac mēte turbatum Valerius obtruncat. coruus è conspectu elatus orientem petit. Haftenus quietæ utrinque stationes fuere. Postquam spoliare corpus cæsi hostis tribunus cœpit, nec Galli se statione tenuerunt, & Romanorum cursus ad uictorem etiã ocyor fuit. ibi circa iacentis Galli corpus cōtracto certamine, pugna atrox concitatur. Iam non manipulis proximarum stationum, sed legionibus utrinq; effusis res geritur. Camillus lætum militem uictoria tribuni, lætũ tam præsentibus ac secundis dijs, ire in præliũ iubet. ostentansq; insignem spolijs tribunum, hunc imitare mules, aiebat: & circa iacentem ducem sterne Gallorum cateruas. Dij hominesq; illi affuere pugna: depugnatiq; haud quam certamine ambiguo cum Gallis est. adeo duorum militum euentum, inter quos pugnatum erat, utraq; acies ænimis præceperat. Inter primos, quorum concursus alios exciuerat, atrox prælium fuit: alia multitudo, priusquam ad coniectum teli ueniret, terga uertit. primo per Volscos Falernumq; agrũ dissipati sunt: inde Apuliã ac mare inferum petierunt. Consul cōcione aduocata laudatũ tribunũ decem

decem bobus aureaꝫ; corona donat. ipse iussus ab senatu bellum maritimum curare, cum prætore iunxit castra. ibi, quia res trahi segnitia Græcorum nō committētium se in aciem uidebantur: dictatorem comitiorum causa T. Manlium Torquatū ex autoritate senatus dixit. Dictator magistro equitum A. Cornelio Cossō dicto consularia comitia habuit, æmulumꝫ; decoris sui absentem M. Valerium Coruinum (id enim illi deinde cognominis fuit) summo favore populi treis et uiginti natum annos cōsulem renuntiavit. collega Coruino de plebe M. Popilius Lenas 1111. consul futurus datus est. Cum Græcis à Camillo nulla memorabilis gesta res. nec illi terra, nec Romanus mari belator erat. Postremo cum litoribus arcerētur, aqua etiam præter cætera necessaria usui deficiēte, Italiam reliquere. Cuius populi ea cuiusꝫ; gentis classis fuerit, nihil certi est. maxime Siciliæ fuisse tyrannos crediderim. nam ulterior Græcia ea tempestate intestino fessa bello iam Macedonū opes horrebat. Exercitibus dimissis cū et foris pax, et domi cōcordia ordinum otium esset, ne nimis lætæ res essent, pestilentia ciuitatem adorta cōēgit senatum imperare decemuiris, ut libros Sibyllinos inspicerēt, eorumꝫ; monitu lectisternium fuit. Eodem anno Satricum ab Antiatibus colonia deducta, restitutaꝫ; urbs quam Latini diruerant. Et cū Carthaginiēsis legatis Romæ fœdus ictum, cum amicitiam ac societatem petētes uenissent. Idem otium domi forisꝫ; mansit, T. Manlio Torquato, C. Plautio secundo c o s s. semunciarium tantū ex unciario fœnus factū, et in pēsiones æquas triēnij, ita ut quarta præsens esset, solutio æris alieni dispēsata est. et sic quoq; parte plebis affecta, fides tamen publica priuatis difficultatibus potior ad curā senatui fuit. leuatæ maximæ res, quia tributo ac dele

etu superseffum. Tercio anno post Satricū reſtitutū à Volſcis, M. Valerius Coruinus ſecūdum c o s. cum C. Petilio factus, cum ex Latio nuntiatū eſſet, legatos ab Antio circumire populos Latinorum ad concitandum bellū: priuſquam plus hoſtium fieret, Volſcis arma inferre iuſſus, ad Satricum exercitu inſeſto pergit. quò cum Antiates, aliq; Volſci præparatis iam antè, ſiquid ab Roma moueretur, copijs occurriffent: nulla mora inter inſenſos diutino odio dimicandi facta eſt. Volſci ferocior ad rebellandū quàm ad bellandum gens, certamine uicti fuga effuſa Satrici mœnia petunt. & ne in muris quidē ſatis firma ſpe, cum corona militū cincta iam ſcalis caperetur urbs, ad quatuor millia præter multitudinē imbellem, ſeſe dedidere. oppidū dirutum atq; in cenſum, ab æde tantū matris Matutæ abſtinuere ignem. præda omnis militi data, extra prædam quatuor millia deditorum habita. eos uinctos conſul ante curum triumphans egit: uenditis deinde, magnam pecuniam in ærarium redegit. Sunt qui hāc multitudinem captiuam ſeruorū fuiſſe ſcribant. idq; magis ueriſimile eſt quàm deditos ueniſſe. Hos conſules ſecuti ſunt M. Fabius Dorſuo, Ser. Sulpitius Camerinus. Auruncum inde bellum ab repētina populatione cœptū. metuq; ne id factum populi unius conſilium omnis nominis Latini eſſet: dictator uelut aduerſus armatū iam Latium L. Furius creatus, magiſtrū equitum Cn. Manlium Capitolinum dixit. & cum (quod per magnos tumultus fieri ſolitū erat) iuſtitio indicto delectus ſine uacationibus habitus eſſet: legiones quantū maturari potuit, in Aurūcos ductæ. ibi prædonū magis quàm hoſtiū animi inuēti. prima itaq; acie debellatū eſt. Dictator tamen, quia & ultro bellum intulerant: & ſine detrectatione ſe certamini offerebāt: deorū quoq; opes adhibendas

ratus

ratus, inter ipsam dimicationem ædem Iunoni Monetæ uo-
 uit. cuius damnatus uoti, cum uictor Romam reuertisset,
 dictatura se abdicauit. Senatus duūuiros ad eandem ædē
 pro amplitudine P.R. faciendam creari iussit. locus in ar-
 ce destinatus, quæ area ædium M. Manlij Capitolini fue-
 rat. Consules dictatoris exercitu ab bellum Volsco usi,
 Soram ex hostibus, incautos adorti, ceperunt. Anno post-
 quam uota erat, ædes Monetæ dedicatur, C. Marcio Ru-
 tilio IIII, T. Manlio Torquato III. C O S S. Prodigium
 extemplo dedicationem secutum, simile uetusto montis Al-
 bani prodigio. namq; et lapidibus pluit, et nox interdiu
 uisa intendi. librisq; inspectis, cum plena religione ciuitas
 esset, senatui placuit dictatorem feriarum constituendaru
 causa dici. dictus P. Valerius Publicola, magister equitum
 ei Q. Fabius Ambustus datus est. Non tribus tantum sup-
 plicatum ire placuit, sed finitimos etiam populos: ordoq;
 ijs quo quisq; die supplicarent, statutus. Iudicia eo anno
 populi tristitia in fœneratores facta. quibus ab ædilibus di-
 cta dies esset, traduntur. Et res haud ulla insigni ad memo-
 riam causa ad interregnum redijt. Ex interregno, ut id
 actum uideri posset, ambo patricij consules creati sunt,
 M. Valerius Coruinus IIII, A. Cornelius Cossus. Maiora
 iam hinc bella et uiribus hostium, et longinquitate uel
 regionum, uel temporum spatio, quibus bellatum est, dicē-
 tur. namq; eo anno aduersus Samnites, gentem opibus, ar-
 misq; ualidam mota arma. Samnitium bellū ancipiti Mar-
 te gestum Pyrrhus hostis, Pyrrhum Pœni secuti. quanta
 rerum moles? quoties in extrema periculorum uentum? ut
 in hanc magnitudinem, quæ uix sustinetur, erigi imperiū
 posset? Belli autem causa cum Samnitibus Romanis, cum
 societate amicitiaq; iuncti esset, extrinsecus uenit, nō orta

F inter

inter ipsos est. Samnites Sidicinis iniusta arma, quia uiribus plus poterant, cum intulissent, coacti inopes ad opulē-
tiorum auxiliū confugere, Campanis sese coniūgunt. Cā-
pani magis nomen ad præsi-^{diū} sociorum, quā uires cum
attulissent. fluentes luxu ab duratus usu armorum in Sidi-
cino pulsī agro, in se deinde molem omnem belli uerterūt.
nanq; Samnites omīssis Sidicinis, ipsam arcē finitimorum,
Campanos adorti: unde æque facilis uictoria, prædæ atq;
gloriæ plus esset: Tifata imminentes Capuæ colles cū præ-
sidio firmo occupassent, descendunt inde quadrato agmī-
ne in planiciē, quæ Capuam Tifataq; interiaceret. ibi rur-
sus acie dimicatum. aduersoq; prælio Campani intra mœ-
nia compulsi, cum robore iuuetutis suæ acciso nulla pro-
pinqua spes esset, coacti sunt ab Romanis petere auxiliū.
Legati introducti in senatum, maxime in hāc sententiam
locuti sunt. Populus nos Campanus legatos ad uos P. C.
misit amicitiam in perpetuum, auxilium præsens à uobis
petitum. quam si secundis rebus nostris petissemus, sicut
cœpta celerius, ita infirmiore uinculo contracta esset. tunc
enim, ut qui ex æquo nos uenisse in amicitiam memunissemus,
amici forsitan pariter ac nunc, subiecti atque obro-
xij uobis minus essemus. nūc misericordia uestra concilia-
ti, auxilioq; in dubijs rebus defensi, beneficium quoq; ac-
ceptum colamus oportet, ne ingrati, atque omni ope diui-
ni humanaq; indigni uideamur. Neq; hercule, quòd Sa-
mnites priores amici socij; uobis facti sunt, ad id ualere
arbitror, ne nos in amicitiam suscipiamur: sed ut uetusta-
te, et gradu honoris nos præsent. neq; enim fœdere Sāni-
tium, nequa noua iungeretis fœdera, cautum est. Fuit qui-
dem apud nos semper satis iusta causa amicitiae, uelle eum
uobis amicum esse, qui uos appeteret. Cāpani etsi fortuna
præsens

præsens magnifice loqui prohibet, nō urbis amplitudine, non agri ubertate ulli populo præterquam uobis cedētes, haud parua (ut arbitror) accessio bonis rebus uestris in amicitiam uenimus uestram. Aequis, Volscisq; æternis hostibus huius urbis, quandocunq; se mouerint, ab tergo erimus: & quod uos pro salute nostra priores feceritis, id nos pro imperio uestro, & gloria semper faciemus. Subactis ijs gētibus, quæ inter nos, uosq; sunt, quod propediē futurum spondet & uirtus & fortuna uestra, cōtinens imperium usq; ad nos habebitis. Acerbū & miserū est, quod fateri nos fortuna nostra cogit. eō uentum est P. C. ut aut anicorū, aut inimicorum Campani simus. si defenditis, uestri: si deseritis, Samnitium erimus. Capuam ergo & Campaniam omnem uestris, an Samnitū uiribus accedere malitis, deliberate. Omnibus quidem Romani uestram misericordiam, uestrumq; auxilium æquum est patere: ijs tamen maxime, qui eam implorantibus alijs auxilium dū supra uires suas præstant, omnes ipsi in hanc necessitatem uenerunt. quanquā pugnauimus uerbo pro Sidicinis, re pro nobis, cū uideremus finitimum populū nefario latrocinio Samnitū peti: & ubi conflagrassent Sidicini, ad nos traiecturum illud incendium esse. Nec enim nūc, quia dolent iniuriā acceptam Sānites, sed quia gaudēt oblatā sibi esse causam, oppugnatū nos ueniūt. an si ultio iræ hæc, & nō occasio cupiditatis explendæ esset, parum fuit quòd semel in Sidicino agro, iterū in Campania ipsa legiones nostras cecidere? quæ est ista tam infesta ira, quā per duas acies suis sanguis explere nō potuerit? adde huc populationem agrorū, prædas hominū atq; pecudū actas, incendia uillarū, ac ruinas, omnia ferro igniq; uastata. Hiscine ira expleri nō potuit? Sed cupiditas explēda est: ea ad oppugnandam

dam Capuam rapit. aut delere urbem pulcherrimam, aut ipsi possidere uolūt. Sed uos potius Romani beneficio uestro occupate eam, quā illos habere per maleficiū sinatis. Non loquor apud recusantē iusta bella populum. sed tamen si ostenderitis auxilia uestra, ne bello quidem arbitror uobis opus fore. usq; ad nos contēptus Samnitiū peruenit, supra non ascēdit. itaq; umbra uestri auxilij Romani tegi possumus: quicquid deinde habuerimus, quicquid ipsi fuerimus, uestrum id omne existimaturi. Vobis arabitur ager Campanus, uobis Capua urbs frequentabitur: cōditorum, parentū, deorum immortalū numero nobis eritis. nulla colonia uestra erit, quæ nos obsequio erga uos, fideq; superet. Annuite patres conscripti nutū numenq; uestrum inuictū Campanis, et iubete sperare incolumem Capuam futuram. Qua frequentia omnium generū multitudinis prosequente creditis nos illinc profectos? quā omnia uotorum lacrymarūq; plena reliquisse? in qua nunc expectatione senatū populumq; Campanū, coniuges liberosq; nostros esse? stare omnem multitudinem ad portas, uiam hinc screntem prospectantes certum habeo, quid illis nos P. C. sollicitis ac pendentibus animis renuntiare iubeatis. Alterū responsum salutem, uictoriam, lucem ac libertatem: alterū ominari horreo, quæ ferat. Proinde ut aut de uestris futuris socijs atq; amicis, aut nusquam ullis futuris nobis consulite. Summotis deinde legatis cū consultus senatus esset: etsi magnæ parti urbs maxima opulentissimaq; Italia, uberrimus ager, mariq; propinquus ad uarietates annonæ horreum populi Romani fore uidebatur: tamen tanta utilitate fides antiquior fuit. responditq; ita ex autoritate senatus consul: Auxilio uos Campani dignos censet senatus: sed ita uobiscum amicitiam institui par est, nequa

nequa uetustior amicitia ac societas uioletur. Samnites nobiscum foedere iuncti sunt. itaq; arma deos prius quàm homines uiolatura, aduersus Samnites uobis negamus: legatos sicut fas iusq; est, ad socios atq; amicos precatum mutemur, nequa uobis uis fiat. Ad ea princeps legationis (sic enim domo mandatum attulerat) Quandoquidem, inquit, nostra tueri aduersus uim atq; iniuriam iusta ui nō uultis, uestra certe defendetis. itaq; populum Campanum urbēq; Capuam, agros, delubra deū, diuina humanaq; omnia in uestram P. C. populiq; Romani ditionē dedimus, quicquid deinde patiemur, dedititij uestri passuri. Sub hæc dicta omnes manus ad consules tendentes, pleni lacrymarum in uestibulo curiæ procubuerunt. Cōmoti patres uice fortunarum humanarū, si ille præpotens opibus populus, luxuria superbiaq; clarus, à quo pauloante auxilium finitimi petijssent, adeo infractos gereret animos, ut se ipse suaq; omnia potestatis alienæ faceret. tū iam fides agi uisa, deditos non prodi: nec facturum æqua Samnitium populum censebant, si agrum urbemq; per deditionē factam populi Ro. oppugnarent. legatos itaq; extemplo mitti ad Sānites placuit. data mandata, ut preces Campanorum, responsum senatus amicitie Samnitium memor, deditionem postremo factam Samnitibus exponerent: peterent pro societate amicitiaq; ut dedititijs suis parcerent: neque in eum agrum, qui populi Romani factus esset, hostilia arma inferrent. si leniter agendo parum proficerent, denuntiaret Samnitibus populi Romani senatusq; uerbis, ut Capua urbe Campanoq; agro abstinerent. Hæc legatis agentibus in concilio Samnitium adeo est feraciter responsum, ut nō solum gesturos se esse dicerent id bellum, sed magistratus eorum è curia egressi stantibus legatis præfectos cohortemur.

VIII

tium uocarent : ijsq; clara uoce imperarent, ut prædatum in agrum Campanum extemplo proficiscerentur. Hac legatione Romam relata, positis omnium aliarum rerû curis, patres forcialibus ad res repetendas nussis, belloq; quia non redderentur, solèni more indicto, decreuerunt: ut primo quoq; tempore de ea re ad populum ferretur, iussuq; populi consules ambo cû duobus ab urbe exercitibus profecti, Valerius in Campaniam, Cornelius in Samnium, ille ad môtëm Gaurum, hic ad Satriculam castra ponût. Priori Valerio Samnitium legiones (eò nanq; omnem belli mollem inclinaturam censebant) occurrunt. simul in Campanos stimulabat ira, tam promptos nunc ad firenda, nunc ad accersenda aduersus se auxilia. Vt uero castra Romana uiderunt: feroziter pro se quiq; signum duces poscere, affirmare eadem fortuna Romanum Campano laturum opem, qua Campanus Sidicino tulerit. Valerius leuibus certaminibus tentandi hostis causa haud ita multos moratus dies, signum pugnae proposuit, paucis suos adhortatus. Ne nouum bellum eos nouusq; hostis terreret. quicquid ab urbe longius proferrent arma, magis magiq; in imbelles gentes eos pro dire: Ne Sidicinorum Campanorumq; cladibus Samnitium æstimarët uirtutem, qualescûque inter se certauerint, necesse fuisse alteram partem uinci. Campanos quidem haud dubie magis nimio luxu fluentibus rebus mollicitaque sua, quàm ui hostium uictos esse. Quid autem esse duo prospera in tot seculis bella Samnitium aduersus tot decora populi Romani, qui triumphos penè plures quàm annis ab urbe condita numeret? qui omnia circa se, Sabinos, Hetruriam, Latinos, Hernicos, Aequos, Volscos, Auruncos, donata armis habeat? qui Gallos tot prælijs cæsos, postremo in mare ac naues fuga cõpulsi?

lertit? Cum gloria belli ac uirtute sua quenque fretos ire in
aciem debere: tum etiam intueri cuius ductu auspicioque
ineunda pugna sit: utrum qui audiendus duntaxat ma-
gnificus adhortator sit, uerbis tantum srox, operum mi-
litarium expers? an qui & ipse tela tractare, procedere
ante signa, uersari media in mole pugnae sciat? Facta
mea, non dicta uos milites, inquit, sequi uolo: nec discipli-
nam modo, sed exemplum etiam a me petere. Non factio-
nibus modo, nec per conciones usitatas nobilibus, sed hac
dextra mihi tres consulatus summamque laudem peper-
i. Fuit cum hoc dici poterat, Patricius enim eras, & a libe-
ratoribus patriæ ortus: & eodem anno familia ista con-
sulatum, quo urbs hæc consulem, habuit. Nunc iam nobis
patribus, uobisque plebeis promiscuus consulatus patet:
nec generis ut antè, sed uirtutis est præmium. proinde sum-
mum quodque spectate milites decus. Non, si mihi nouum
hoc Coruini cognomen dijs autoribus homines dedistis:
Publicolarum uetustum familie nostræ cognomen memo-
ria excessit. semper ego plebem Romanam militiæ domique,
priuatus, in magistratibus paruis magnisque, æque tribunus
ac cōsul, eodẽ tenore per omnes deinceps consulatus colo-
atque colui. Nunc quod instat, dijs bene iuuantibus nouum
atque integrum de Samnitibus triumphum mecum petite.
Non aliàs militi familiarior dux fuit, omnia inter infimos
militum haud grauate munia obeundo. in ludo præterea
militari, cum uelocitatis uiriumque inter se æquales certami-
na ineunt, comiter facilis uincere ac uinci uultu eodem: nec
quæquam aspernari, parem qui se offerret: factis benignus
pro re, dictis haud minus libertatis alienæ quam suæ di-
gnitatis memor: & quo nihil popularius est, quibus artibus
petierat magistratus, iisdẽ gerebat. Ita que uniuersus exerci-

tus incredibili alacritate adhortationē profecutus ducis, castris egreditur. Præliū ut quod maxime unquam, pari spe, utrinq; æquis uiribus cum fiducia sui, sine contemptu hostium commussum est. Samnitibus ferociam augebant nouæ res gestæ, & paucos ante dies geminata uictoria. Romanis contrā, quadringentorum annorum decora, & cōdite urbi æqualis uictoria. utrisq; tamen nouus hostis curam addebat. pugna indicio fuit, quos gesserint animos. nanq; ita conflixerunt, ut aliquandiu in neutram partem inclinaret acies. Tum consul trepidationem iniiciendam ratus, quando ui pelli non poterant: equitibus immis̄is turbare prima signa hostium conatur. quos ubi nequicquam tumultuantes in spatio exiguo uoluere turmas uidit: nec posse aperire in hostes uiam, reuectus ad antesignanos legionum, cum desiluisse ex equo, Nostrū, inquit, peditum illud milites est opus: agite dum, ut me uideritis, quacunq; incesso, in aciem hostiū ferro uiam facientem: sic pro se quisque obuios sternite. illa nunc omnia quæ nunc erectæ micant hastæ, patefacta strage uasta cernetis. Hæc dicta dederat, cum equites consulis iussu discurrunt in cornua, legionibusq; in mediam aciem aperiunt uiam. Primus omnium consul inuadit hostem: & cum quo forte contulit gradum, obtruncat. hoc spectaculo accensi, dextra læuāq; ante se quisque memorandum prælium ciet. stant obnixi Samnites, quanquam plura accipiunt quam inferunt, uulnera. Aliquandiu iam pugnatū erat: atrox cædes circa signa Samnitiū, fuga ab nulladum parte erat. adeo morte sola uinci destinauerant animis. Itaq; Romani cū effluere iam lassitudine uires sentirent: & dici haud multū superesse, accensi ira cōcitant se in hostem. Tum primum referri pedem atq; inclinari rem in fugā apparuit: tū capi, occidi

Samnis

Samnis . nec superfuissent multi , ni nox uictoriam magis
 quam prælum diremisset . & Romani fatebantur nunquā
 cum pertinaciore hoste conflictum . & Samnites , cū quaeretur
 quenam prima causa tam obstinatos mouisset in
 fugam , oculos sibi Romanorū ardere uisos aiebant , uesanosq;
 uultus & furentia ora . inde plusquam ex alia ulla
 re terroris ortum . Quem terrorem nō pugnae solum euentu ,
 sed nocturna profectione confessi sunt . Postero die uacuis
 hostium castris Romanus potitur : quo se omnis Campanorum
 multitudo gratulabūda effudit . Ceterum hoc gaudium magna
 propè clade in Samnio sedatum est . nā ab Satricula profectus
 Cornelius c o s . exercitum incaute in saltum caua ualle peruium , circaq; in seßum ab hoste
 induxit : nec prius quam recipi tutò signa non poterant ,
 imminetē capiti hostem uidit . Dum id morae Samnitibus
 est , quoad totum in uallem infimam demitteret agmen : P.
 Decius tribunus militum conspiciit unum editum in saltu
 collem , immuentem hostium castris , aditu arduum impedito
 agmini , expeditis haud difficilem . itaque consuli terrore
 animi , Vides ne tu , inquit , A . Corneli cacumē illud supra
 hostem ? arx illa est spei , salutisq; nostrae : si eam , quam cæci
 reliquere Sānites , impigre capimus . nec tu mihi plus , quam
 unius legionis principes hastatosq; dederis : cum quibus
 ubi euasero in summum , perge hinc omni liber metu : teq;
 & exercitum serua . neque enim moueri hostis subiectus
 nobis ad omnes ictus sine sua pernicie poterit , nos deinde
 aut fortuna populi Romani , aut nostra uirtus expediet .
 Collaudatus à cōsule accepto præsidio uadit occultus per
 saltum : nec prius ab hoste est uisus , quam loco quem petebat
 appropinquauit . Inde admiratione pauentibus cūctis , cum
 omnium in se uertijet oculos : & spatium consuli

dedit ad subducendum agmen in æquiores locum: & ipse in summo constitit uertice. Samnites dum huc illuc signa uertunt: utriusq; rei omiſſa occasione, neq; inſequi conſuelem, niſi per eandem uallem, in qua paulo antè ſubiectum cum telis ſuis habuerant, poſſunt: nec erigere agmen in captum ſuper ſe ab Decio tumultum. ſed cum ira in hos magis, qui fortunam gerendæ rei eripuerant: tum propinquitatis loci, atq; ipſa paucitas incitat: & nunc circumdare undiq; collem armatis uolunt: ut à conſule Decium intercludant: nunc uiam pateſcere, ut digreſſos in uallè adorientur. incertos quid agerent, nox oppreſſit. Decium primum ſpes tenuit cum ſubeuntibus in aduerſum collem ex ſuperiore loco ſe pugnaturum: deinde admiratio inceſſit: quòd nec pugnam inirent: nec, ſi ab eo conſilio iniquitate loci deterrerentur, opere ſe ualloq; circumdarent. Tum cēturionibus ad ſe uocatis, Quenam illa inſcitia belli, ac pigritia eſt? aut quonam modo iſti ex Sidicinis Campanisq; uictoriam pepererunt? huc atq; illuc ſigna moueri, ac modo in unum conferri, modo educi uidetis. opus quidem incipit nemo: cum iam circumdati uallo potuerimus eſſe. Tum uero nos ſimiles iſtorum ſimus: ſi diutius hic moremur, quàm commodum ſit. agite' dum, ite mecum: ut, dum lucis aliquid ſuper eſt: quibus locis præſidia ponāt: quā pateat hinc exitus, exploremus. Hæc omnia ſagulo gregali amictus, cēturionibus item manipularium militum habitu ductis, ne ducem circumire hæſtes notarent, perlustraui. Vigilijs deinde diſpoſitis, cæteris omnibus teſſeram dari iubet: ubi ſecundæ uigiliæ buccina datum ſignum eſſet, armati cum ſilentio ad ſe uenirent. Quò ubi, ſicut edictum erat, taciti conuenerunt: Hoc ſilentium milites, inquit, omiſſo militari aſſenſu, in me audiendo ſeruandum eſt. ubi ſententiā

sententiam meam uobis peregero, tum quibus eadem placebunt, in dextram partem taciti transibitis: quæ pars maior erit, eo stabitur consilio. Nunc quæ mente agitem, audite. Non fuga delatos, nec inertia relictos hic uos circumuenit hostis. uirtute cepistis locum: uirtute hinc oportet euadatis. ueniendo huc exercitum egregium populi Romani seruastis: erumpendo hinc uosmetipsos seruate. digni estis qui pauci pluribus opem tulcritis, ipsi nullius auxilio egueritis. Cum eo hostes est, qui hesterno die delendi omnis exercitus fortuna per socordiam usus non sit: hunc tam oportet. num collem imminentem capiti suo non antè uiderit, quàm captū à nobis: nos tam paucos tot ipse nullibus hominum nec ascensu arcuerit: nec tenentes locum, cum diei tantum superesset, uallo circumdederit. quem uidentem ac uigilantem sic eluseritis, sopitum oportet fallatis: imo necesse est. in eo enim loco res sunt nostræ, ut ego uobis magis necessitatis uestræ index, quàm consilij autor sim. neque enim maneat, an abeat hinc, deliberari potest: cum, præter arma, et animos armorum memores, nihil uobis fortuna reliqui fecerit: fame et siti moriendum sit: si plus, quàm uiros ac Romanos decet, ferrum timeamus. Ergo una est salus, erumpere hinc atque abire. id aut interdiu, aut nocte faciamus oportet. Ecce hoc aliud minus dubium. quippe si lux expectetur, quæ spes est non uallo perpetuo fossa quæ nos septurum hostem? qui nunc corporibus suis subiectis undique cinxerit, ut uidetis, collem. atqui si nox opportuna est eruptioni, sicut est, hæc profecto noctis aptissima hora est. signo secundæ uigiliæ cōuenistis: quod tēpus mortales somno altissimo premit: per corpora sopita uadetis, uel silentio incertos salientes, uel sentientibus clamore subito pauorem iniecturi.

me

me modo sequimini, quem secuti estis. ego eandem, quæ dixit huc, sequar fortunam. Quibus hæc salutaria uidentur, agite dum in dextram partē pedibus transite. Omnes trāsierunt: uadentemq; per intermissa custodijs loca Decium secuti sunt. Iam euaserant media castra, cum superscandens uigilū strata somno corpora mules offenso scuto præbuit sonitum. quo excitatus uigil cum proximū mouisset, erectiq; alios concitarent, ignari ciues an hostes essent: præsidium erumperet, an consul castra cepisset: Decius, cum non fallerent, clamorem tollere iussis militibus, torpidos somno insuper pauore exanimat: quo præpediti nec arma impigre capere, nec obsistere, nec insequi poterant. Inter trepidationem tumultumq; Samnitium, præsidium Romanum, obuijs custodibus cæjis, ad castra cōsulis peruadit. Aliquantum supererat noctis: iamq; in tuto uidebantur esse: cum Decius, Macti uirtute, inquit, milites Romani este. uestrum iter, ac reditum omnia secula laudibus ferent. sed ad conspiciendam tantam uirtutem luce ac die opus est: nec uos digni estis quos cum tāta gloria in castra reduces silentium ac nox tegat. hic lucem quieti opperiāmur. Dictis obtemperatum. atque ubi primum illuxit, præmissio nuntio ad consulem, in castra ingenti gaudio concitantur: & tessera data, incolumes reuerti qui sua corpora pro salute omnium haud dubio periculo obiecissent, pro se quisq; obuiam effusi laudant, gratulantur: singulos uniuersosque seruatores suos uocant: dijs laudes gratesq; agunt: Decium in cœlum ferunt. Hic Decij castrensis triumphus fuit, incedentis per media castra cum armato præsidio, conicētis in eum omnium oculis, & omni honore tribunum consuli æquantibus. Vbi ad prætorium uentum est, consul classico ad concionem cōuocat: orsusq;

orsusq; meritis Decij laudes, interfante ipso Decio. distu-
 lit concionem. qui autor omnia posthabendi, dum occa-
 sio in manibus esset: perpulit consulem, ut hostes & no-
 eturno pauore attonitos, & circa collem castellatim dissi-
 patos aggrederetur. credere etiam aliquos ad se sequen-
 dum emissos per saltum uagari. Iussæ legiones arma ca-
 pere, egressæq; castris, cum per exploratores notior iam
 saltus esset: uia patientiore ad hostem ducuntur. quem in-
 cautum improviso adortæ, cum palati passim Samnitium
 milites, plerique inermes, nec coire in unum, nec arma ca-
 pere, nec recipere intra uallum se possent: pauentem pri-
 mum intra castra compellunt: deinde castra ipsa turbatis
 stationibus capiunt. perfertur circa collem clamor: fu-
 gatq; ex suis quenque præsidij. ita magna pars absenti
 hosti cecidit. quos intra uallum egerat pauor (fuere autem
 ad x x x. millia) omnes cæsi: castra direpta. Ita rebus
 gestis, c o s. aduocata concione P. Decij non cæptas
 solū antè, sed cumulas noua uirtute laudes peragit: &
 præter militaria alia dona aurea corona eum, & centum
 bobus, eximioq; uno albo opimo auratis cornibus donat.
 Milites, qui in præsidio simul fuerant, duplici frumento
 in perpetuum, in præsentia singulis bobus, binisq; priuis
 tunicis donati. Secundū cōsulis donationem legiones gra-
 mineam coronam obsidalem clamore donum approbātes
 Decio imponunt: altera corona eiusdem honoris index à
 præsidio suo imposita est. His decoratus insignibus bouem
 eximium Marti immolauit, centum boues militibus dono
 dedit, qui secum in expeditione fuerat. ijsdem militibus le-
 giones libras farris, & sextarios uini cōtulerunt. omniaq;
 ea ingenti alacritate per clamorem militarem, indicem o-
 mnium assensus, gerebantur. Tertia pugna ad Sueffulam
 commissa

commissa est: qua fugatus à M. Valerio Samnitium exerci-
 citus, omni robore iuuentutis domo accito, certamine ulti-
 mo fortunam experiri statuit. Ab Sueffula nuntij trepidi
 Capuam, inde equites citati ad Valerium c o s. opem o-
 ratum ueniunt. Confestim signa mota: relictisq; impedi-
 mentis castrorum ualido praesidio, raptim agitur agmen:
 nec procul ab hoste locum exiguum, ut quibus praeter e-
 quos caeterorum iumentorum calorumq; turba abesset, ca-
 stris cepit. Samnitium exercitus, uelut haud ulla mora pu-
 gnæ futura esset, aciem instruit: deinde postquam nemo
 obuius ibat, infestis signis ad castra hostium succedit. ibi
 ut militem in uallo uidit, missiq; ab omni parte exploratū,
 quàm in exiguum orbem contracta castra essent, paucita-
 tem inde hostium colligentes, retulerunt: fremere omnis
 acies, complendas esse fossas, scindendumq; uallum, & in
 castra irrumpendum. transactumq; ea temeritate bellum
 foret: ni duces continuissent impetum militum. Ceterum
 quia multitudo sua commeatibus grauis, & prius seden-
 do ad Sueffulā, & tunc certaminis mora, haud procul ab
 rerum omnium inopia esset: placuit, dum inclusus paucet
 hostis, frumentatum per agros militem duci. interim &
 Romano, qui expeditus quantum humeris inter arma ge-
 ri posset, frumenti secum attulisset, defutura omnia. Con-
 sul palatos per agros cum uidisset hostes, stationes infre-
 quentes relictas, paucis milites adhortatus ad castra oppu-
 gnanda ducit. quæ cum primo clamore atque impetu ce-
 pissent, pluribus hostium in tentorijs suis, quàm in portis
 ualloq; caesis, signa captiua in unum locum conferri ius-
 sit. relictisq; duabus legionibus custodiæ & praesidij cau-
 sa, graui edicto monitis, ut donec ipse reuertisset, præda
 abstinerent: profectus agmine instructo, cum præmissus
 eques

eques uelut indagine dissipatos Samnites ageret, cædem ingentem fecit. nam neque quo signo coirent inter se: neq; utrum castra peterent, an longiorem intenderent fugam, territis cõstare poterat. tantumq; fugæ ac formidinis fuit, ut ad x l. millia scutorum, nequaquam tot cæsis, & signa militaria cum ijs, quæ in castris capta erant, ad c l x x. ad consulem deferrentur. Tum in castra hostium reditû: ibiq; omnis præda militi data. Huius certaminis fortuna & Faliscos; cum in inducijs essent, fœdus petere ab senatu coëgit: & Latinos iam exercitibus comparatis ab Romano in Pelignum uertit bellum. Neq; ita rei gestæ fama Italiæ se finibus tenuit: sed Carthaginiëses quoq; legatos gratulatum Romam misere cum coronæ aureæ dono: quæ in Capitolio in Iouis cella poneretur. fuit pondo x x v. Consules ambo de Samnitibus triûpharunt: sequente Decio insigni cum laude, donisq; cum incondito militari io: co haud minus tribuni celebre nomen, quàm consulû esset. Campanorum deinde, Suebanorumq; auditæ legationes: io precantibusq; datû, ut præsidium eò in hyberna mitteretur, quo Samnitium excursions arcerentur. Iam tum minime salubris militari disciplinæ Capua, instrumento omnium uoluptatû delinitos militum animos auertit à memoria patriæ. inibanturq; consilia in hybernis eodẽ scelere adimendæ Campanis Capuæ, per quod illi eã antiquis cultoribus ademissent: neq; immerito suum ipsorû exemplum in eos uersurum. Cur autem potius Campani agrum Italiæ uberrimum, dignam agro urbem, qui nec se nec sua tutari possint, quàm uictor exercitus haberet: qui suo sudore ac sanguine inde Samnites depulisset? An æquû esse, de ditios suos illa fertilitate atq; amœnitate perfrui: se militando seffos in pestilenti atq; arido circa urbẽ solo luctari?

aut

aut in urbe insidentem labè crescentis in dies fœnoris patiti? Hæc agitata occultis coniurationibus, necdum uulgata in omnes consilia inuenit nouus C O S. C. Martius Rutilius: cui Campania sorte prouincia euenerat, Q. Seruilio collega ad urbem relicto. Itaq; cum omnia ea, sicut gesta erant, per tribunos cõperta & etate haberet, & usu doctus: quippe qui iam I I I I. C O S. eßet, dictatorq; & censor fuisset: optimũ ratus, differendo spem quancũq; uellent consilij exequendi, militarẽ impetum frustrari, rumorẽ dissipat in iisdem oppidis & anno post præsidia hybernatura, diuisa enim erant per Campaniæ urbes: manauerantq; à Capua consilia in exercitum omnem. Eo laxamento cogitationibus dato, quicuit in præsentia seditio. consul educto in æstiuam militem, dum quietos Samnites habebat, exercitum purgare misionibus turbulentorũ hominum instituit: alijs emerita dicendo stipendia esse: alios graues iam etate, aut uiribus parũ ualidos. quidam in cõmeatus mittebãtur, singuli primo, deinde & cohortes quædã, quia procul ab domo ac rebus suis hybernassent: per speciem etiam militarium usum cũ alij aliò mitterentur, magna pars ablegati. quã multitudinem consul alter Romæ, prætorq; alius ex alijs fingẽdo moras retinebat, & primo quidem ignari ludificationis munime inuiti domos reuiseabant. postquã neq; reuerti ad signa primos, nec ferme alium, quã qui in Campania hybernassent, præcipueq; ex ijs seditionis autores mitti uiderunt: primũ admiratio, deinde haud dubius timor incescit animos: cõsilia sua emanasse: iam quæstiones, iam iudicia, iam occulta singulorum supplicia, impotensq; & crudele consulũ ac patrum in se regnũ passuros. Hæc qui in castris erant, occultis sermonibus serunt, neruos cõiurationis eiectione arte consulis cernentes

nentes, Cohors una, cum haud procul Anxure esset: ad Lautulas saltu angusto inter mare ac montes consedit, ad excipiendos quos consul alijs atq; alijs (ut antè dictū est) causis mittebat. Iam ualido admodū numero manus erat: nec quicquam ad iusti exercitus formam, præter ducem, decrat. incompoti itaq; prædantes in agrum Albanum perueniūt: et sub iugo Albæ Longæ castra uallo cingūt. perfecto inde opere reliquum diei de imperatore sumēdo sententijs decertant, nulli ex præsentibus satis fidētes. quē autem ab Roma posse acciri? quem patrū aut plebis esse, qui aut se tanto periculo sciens offerat, aut cui ex iniuria insanientis exercitus causa recte committatur? Postero die cum eadē deliberatio teneret, ex prædatoribus uagis quidam compertum attulerunt: T. Quintium in Thusculano agrū colere, urbis honorūq; immemorem. Patriciæ hic uir gentis erat. cui cum militiæ magna cum gloria actæ finem pes alter ex uulnere claudius fecisset: ruri agere uitam procul ambitione ac foro cōstituit. Nomine audito, extemplo agnouere uirū: et, quod bene uerteret, acciri iusserūt. sed parum spei erat, uoluntate quicquam facturum. uim adhiberi ac metū placuit. Itaq; silentio noctis cū tectum uillæ, qui ad id missi erant, intrassent: somno graui Quintiū oppressum, nihil medium, aut imperium atq; honorem, aut, ubi restitaret, mortem, ni sequeretur, denuntiantes, in castra pertraxerunt. Imperator extemplo adueniens appellatus: insigniaq; honoris exterrito subitæ rei miraculo deferunt: et ad urbem ducere iubēt. Suo magis inde impetu, quàm cōsilio ducis conuulsis signis, infesto agmine ad lapidem octauum uiæ, quæ nunc Appia est, perueniunt: insistentq; confestim ad urbē: ni uenire contrā exercitum, dictatoremq; aduersus se M. Valerium Coruinū dictū, audissent

dissent, & magistrum equitum L. Aemiliū Mamercum.
 Vbi primum in conspectu uentum est, arma, signaq; agno-
 uere: extemplo omnibus memoria patriæ iras permulsit,
 nondum erant tam fortes ad sanguinem ciuilem: nec præ-
 ter externa nouerāt bella: ultimaq; rabies secessio ab suis
 habebatur. Itaq; iam duces, iam milites utrinq; congressus
 quære ad colloquia. Quintius, quem armorū etiam pro
 patria satietas teneret, nedū aduersus patriam: Coruinus
 omnes charitate ciues, præcipue milites, & ante alios suū
 exercitum complexus, ad colloquium processit. cognito ei
 extemplo haud minor ab aduersarijs uerecundia, quàm ab
 suis silentium datum. Deos, inquit, immortales milites ue-
 stros publicos, meosq; ab urbe proficiscens ita adorauī,
 ueniamq; supplex poposci: ut mihi de uobis concordia
 partæ gloriam, non uictoriā darent: satis fuit, eritq;, unde
 belli decus pariat: hinc pax petenda est. quòd deos im-
 mortales inter nuncupanda uota expoposci, eius me cōpo-
 tem uoti uos facere potestis: si meminisse uultis non uos in
 Samnio, nec in Volscis, sed in Romano solo castra habe-
 re: si illos colles, quos cernitis, patriæ uestre esse: si hunc
 exercitum ciuium uestrorū: si me consulem uestrum: cuius
 ductu auspicioq; priore anno bis legiones Samnitiū fudi-
 stis, bis castra ui cepistis. Ego sum M. Valerius Coruinus
 milites: cuius uos nobilitatem beneficijs erga uos, non iniu-
 rijs sensistis: nullius superbæ in uos legis, nullius crudelis
 S. C. autor: in omnibus meis imperijs in me seuerior, quàm
 in uos. Ac sicui genus, sicui sua uirtus, sicui etiam maie-
 stas, sicui honores subdere spiritus potuerunt: ijs eram na-
 tus, id specimen mei dederam, ea ætate cōsulatum adeptus
 eram, ut potuerim treis & x. annos natus consul pa-
 tribus quoque ferox esse, non solum plebi. Quod meum
 factum

factum, dictum uel cōsulis grauius, quàm tribuni audistis? eodem tenore duos insequentes consulatus gessi: eodē hęc imperiosa dictatura geretur: ut neque in hos meos et patrię meę milites mitior, quàm in uos, horreo dicere hostes. Ergo uos prius in me strinxeritis ferrū, quàm in uos ego: istinc signa canent: istinc clamor prius incipiet atq; impetus, si dimicandum est. inducite in animum, quod non induxerunt patres auiq; uestri: non illi, qui in Sacrum montem secesserunt: non hi, qui postea Auētinum insederunt. expectate dum uobis singulis, ut olim Coriolano, matres coniuges que crinibus passis obuie ab urbe ueniant. tum Volscorum legiones, quia Romanum habebant ducem, quieuerunt: uos Romanus exercitus non destiteritis impio bello? T. Quinti, quocunque istic loco seu uolens seu inuitus constitisti: si dimicandum erit, tum tu in nouissimos te recipito: fugeris etiam honestius, tergūq; ciui dede ris, quàm pugnaueris contra patriam. nunc ad pacificandum bene atque honeste inter primos stabis, et colloqui huius salutaris interpres fueris. postulate æqua, et ferte: quanquam uel iniquis standū est potius, quàm impiis inter nos conseramus manus. T. Quintius plenus lacrymarum ad suos uersus, Me quoque, inquit, milites, si quis usus mei est, meliorem pacis quàm belli habetis ducem. non enim illa modo Volsceus aut Samnis, sed Romanus uerba fecit: uester consul, uester imperator milites: cuius auspicia pro uobis experti, nolite aduersus uos uelle experiri. Qui pugnarent uobiscum infestius, et alios duces senatus habuit, qui maxime uobis suis militibus parceret, cui plurimum uos imperatori uestro crederetis, eum elegit. pacem, etiam qui uincere possunt, uolunt. quid nos uelle oportet? quin omis sis ira et spe fallacibus

autoribus, nos ipsos nostraq; omnia cognita permittimus
 fidei? Approbantibus clamore cunctis, T. Quintius ante
 signa progressus, in potestate dictatoris milites fore dixit:
 orauit, ut causam miserorū ciuium susciperet: susceptamq;
 eadē fide, qua remp. administrare solitus esset, tueretur. si-
 bi se priuatim nihil caucere: nolle alibi, quā in innocētia
 spem habere. militibus cauendum, quod apud patres semel
 plebi, iterum legionibus cautū sit: ne fraudi secessio esset.
 Quintio collaudato, cæteris bonū animū habere iussis, di-
 ctator equo citato ad urbem reuectus, autoribus patribus
 tulit ad populum in luco Petilino: necui militū fraudi se-
 cessio esset. orauit etiā bona uenia Quirites: nequis eam
 rem ioco, serio ue cuiquā exprobraret. Lex quoq; sacra
 militaris lata est: ne cuius militis scripti nomē, nisi ipso uo-
 lente deleteretur: additumq; legi: nequis, ubi tribunus militū
 fuisset, postea ordinū ductor esset. id propter P. Salonium
 postulatū est ab cōiuratis: qui alternis propē annis & tri-
 bunus militū, & primus cēturio erat, quē nunc primi pili
 appellant. huic insensī milites erant, quod semper aduersa
 tus nouis cōsilijs fuisset, & ne particeps corū esset, qui ab
 Lautulis fugissent. Itaq; cum hoc unū propter Saloniū ab
 senatu non impetraretur: tum Saloniū obtestatus P. C. ne
 suum honorem pluris, quā concordia ciuitatis aestima-
 rent: perpulit, ut id quoq; ferretur. Aequē impotēs postula-
 tum fuit, ut de stipēdio equitū (merebant autem triplex ea
 tempestate) era demerentur: quod aduersati coniurationi
 fuissent. Præter hæc inuenio apud quosdā, L. Genutium
 tribunum plebis tulisse ad populum: ne fœnerare liceret.
 Item alijs plebiscitis cautum, nequis eundem magistratū
 intra decem annos caperet, neu duos magistratus uno an-
 no gereret, utiq; liceret c o s s. ambos plebeios creari.

quæ

quæ si omnia concessa sunt plebi, apparet haud paruas uires defectionē habuisse. Alijs annalibus proditū est: neque dictatorem Valerium dictum, sed per c o s s. omnem rem actam: neq; antequā Romā ueniretur, sed Romæ eā multitudinem coniuratorum ad arma consternatam esse: nec in T. Quintij uillam, sed in ædes C. Manlij nocte impetū factum: eumq; à coniuratis comprehensum, ut dux fieret: inde ad quartum lapidē profectos loco munito cōsedisse: nec ab ducibus mentionem concordiae ortam, sed repente, cum in aciem armati exercitus processissent, salutationem factam: & permistos dextras iungere, ac complecti inter se lacrymantes milites cœpisse: coactosq; c o s s. cum uiderent auersos à dimicatione militum animos, retulisse ad patres de concordia reconcilianda. adeo nihil, præterquā seditionem fuisse, eamq; compositam, inter antiquos rerum autores constat. Et huius fama seditionis, & susceptum cum Samnitibus graue bellum, aliquot populos ab Romana societate auertit. & præter Latinorum infidum iam diu fœdus, Priuernates etiam Norbam atq; Setiam, finitimas colonias Romanas incursione subita depopulati sunt.

D E C A D I S I.

LIBER VIII.



AM c o s s. erāt C. Plautius i i. L. Aemilius Mamercus, cū Setini, Norbaniq; Romam nuntij defectionis Priuernatium cum querimonijs acceptæ cladis uenerūt. Volscorum item exercitum duce Antiati populo cōsedisse ad Satricum, allatum est. utrunq; bel-

lum Plautio forte euenit. Prius ad Priuernum profectus, extemplo acie conflixit. haud magno certamine deuicti hostes: oppidum captum, redditumq; Priuernatibus, præsidio ualido imposito: agri partes duæ ademptæ. Inde uictor exercitus Satricum contra Antiates ductus. ibi magna utrinq; cæde atrox prælium fuit. Et cum tempestas eos neutro inclinata spe dimicantes diremisset, Romani nihil eo certamine tam ambiguo fessi, in posterum diem prælium parant. Volscis recensentibus quos uiros in acie amisissent, haudquaquam idem animus ad iterandum periculum fuit. nocte pro uictis Antium agmine trepido, saucijs ac parte impedimentorum relictæ, abierunt. Armorum magna uis tum inter cæsa corpora hostium, tum in castris inuenta est. ea Luæ matri dare se c o s. dixit: finesq; hostium usque ad oram maritimam est depopulatus. Alteri c o s. Aemylia ingressa Sabellum agrum, non castra Samnitium, non legiones usquam oppositæ. ferro, ignique uastantem agros legati Samnitium pacem orantes adeunt. à quo reiecti ad senatum, potestate facta dicendi, positis ferocibus animis pacem sibi ab Romanis, belli que ius aduersus Sidicinos petierunt. quæ se eo iustius petere, quod in amicitiam populi Romani secundis suis rebus, non aduersis, ut Campani uenissent: Et aduersus Sidicinos sumerent arma, suos semper hostes, populi Romani nunquam amicos: qui nec, ut Samnites, in pace amicitiam, nec, ut Campani, auxilium in bello petissent: nec in fide populi Romani, nec in ditione essent. Cum de postulatis Samnitium T. Aemilius Pr. senatum consulisset, reddendum que his fœdus Patres censuissent, prætor Samnitibus respondit: Nec, quo minus perpetua amicitia esset, per populum Romanum stetisse: nec contradici quin, quoniam ipsos
belli

belli culpa sua contracti tedium ceperit, amicitia de integro reconcilietur. Quod ad Sidicinos attinet, nihil intercedi, quo minus Samniti populo pacis bellique liberum arbitrium sit. Foedere icto cum domum reuertissent, ex templo inde exercitus Romanus ductus, annuo stipendio, et trium mensium frumēto accepto, quod pepigerat consul, ut tempus inducijs daret, quoad legati redissent. Samnites copijs ijsdem, quibus usi aduersus Romanum bellum fuerant, contra Sidicinos profecti haud in dubia spe erant maturē urbis hostium potiūde. Tum ab Sidicinis deditio prius ad Romanos coepta fieri est. deinde postquā patres ut seram cam, ultimāque tandem necessitate expressam aspernabantur: ad Latinos iam sua sponte in arma motos facta est. ne Campani quidem (adeo iniuriæ Samnitium, quam beneficij Romanorum memoria presentior erat) his se armis abstinuere. Ex his tot populis ingens exercitus duce Latino fines Samnitium ingressus, plus populationibus quā praelijs cladium fecit. et quanquam superiores certaminibus Latini erant: haud inuiti, ne sæpius dimicandum foret, agro hostium excessere. Id spatium Samnitibus datum est Romam legatos mittendi. qui cum adissent senatum, conquesti eadem se federatos pati, quæ hostes essent passi, precibus infimis petiere, ut satis ducerent Romani uictoriam, quam Samnitibus ex Campano Sidicinoque hoste eripuissent: ne uinci etiam se ab ignauissimis populis sinerent. Latinos Campanosque, si sub ditione populi Romani essent, pro imperio arcerent Samniti agro: sin imperium abnuerent, armis coercerent. Aduersus hæc responsum anceps datum, quia fateri pigebat in potestate sua Latinos iam non esse, timebantque ne arguendo abalienarent. Campanorum aliam conditionem

esse, qui non fœdere, sed per deditionem in fidem uenis-
sent. itaque Campanos, seu uelint, seu nolint, quieturos.
in fœdere Latino nihil esse, quod bellare cum quibus ipsi
uelint, prohibeantur. Quod responsum, sicut dubios Sa-
mnites quid'nam facturum Romanum censerent, dimisit:
ita Campanos metu abalienauit: Latinos, uelut nihil iam
non concedentibus Romanis, ferociores fecit. Itaque per
speciem aduersus Samnites belli parandi crebra concilia
indicentes, omnibus consultationibus inter se principes
occulte Romanum coquebant bellum. huic quoq; aduer-
sus seruatores suos bello Campanus aderat. Sed quanquā
omnia de industria celabantur, priusq; quā mouren-
tur Romani, tolli ab tergo Samnitum hostem uolebant:
tamen per quosdam priuatis hospitij necessitudinibusq;
coniunctos indicia coniurationis eius Roman emanarūt.
iussisq; ante tempus consulibus abdicare se magistratu,
quo maturius noui consules aduersus tantam molem belli
crearentur: religio incesit ab eis, quorum imminutum im-
perium esset, comitia haberi. itaq; interregnum initum.
duo interreges fuerunt, M. Valerius ac M. Fabius. Crea-
uit consules T. Manlium Torquatum 111. P. Decium
Murem. Eo anno Alexandrum Epiri regem in Italiam
classe appulisse constat. quod bellum, si prima satis prospe-
ra fuissent, haud dubie ad Romanos peruenisset. Eadem
ætas rerū magni Alexandri est, quem sorore huius ortum,
in alio tractu orbis inuictum bellis iuuenē fortuna morbo
extinxit. Ceterū Romani, etsi defectio sociorū nominisq;
Latini haud dubia erat: tamē tanquā de Samnitibus, nō de
se curā agerent: decē principes Latinorū Romam euoca-
uerunt, quibus imperarent quæ uellent. Prætores tū duos
Latini habebant L. Anniū Setinum & L. Numitium
Circeiensem

Circeiensē,ambo ex colonijs Romanis:per quos præter Signiam Velitrasq; & ipsas colonias Romanas, Volsci etiā exciti ad arma erant.eos nominatim euocari placuit. Haud cuiquam dubium erat super qua re accirentur.itaq; concilio prius habito prætores quàm Romam proficiscerentur: euocatos se ab senatu docent Romano: & quæ actum iri secum credant, quidnam ad ea responderi placeat,referunt.Cū aliud alij censerent,tum Annius: Quamquam ipse ego retuli quid responderi placeret:tamen magis ad summam rerum nostrarum pertinere arbitror,quid agendum nobis, quàm quid loquendum sit. facile erit, explicatis consilijs, accommodare rebus uerba. Nam si etiam nunc sub umbra fœderis æqui seruitutē pati possumus: quid abest quin proditis Sidicinis non Romanorum solum, sed Sannitum quoq; dicto pareamus? respondeamusq; Romanis:nos ubi innuerint,posituros arma.Sin autem tandem libertatis desyderium remordet animos: si fœdus est: si societas æquatio iuris est: si consanguineos nos Romanorum esse,quod pudebat,nunc gloriari licet: si socialis illis exercitus is est, quo adiuncto duplicent uires suas,quem secernere ab se c o s s.bellis proprijs ponendis sumendisq; nolint:cur non omnia æquantur? cur non alter ab Latinis c o s.s.datur?ubi pars uirium,ibi & imperij pars est. Est quidē nobis hoc per se haud nimis amplum:quippe cōcedentibus Romā caput Latio esse:sed ut amplum uideri posset, diuturna patientia fecimus.Atqui siquādo unquā consociandi imperij,usurpandæ libertatis tempus optastis:en hoc tempus adest,& uirtute uestra,et deū benignitate uobis datum.Tentastis patientiā negando militem. quis dubitat exarsisse eos,cum plus ducentorum annorum morem solueremus? pertulerūt tamen hunc

G s dolorem

dolorem. bellum nostro nomine cū Pelignis gessimus, qui ne nostrorum quidem finium per nos tuēdorum ius antea dabant, nihil intercesserunt. Sidicinos in fidem receptos, Campanos ab se ad nos descisse, exercitus nos parare aduersus Samnites fœderatos suos audierunt: nec mouerunt se ab urbe. unde hæc illis tanta modestia, nisi à conscientia uirium & nostrarum et suarum? Idoneos autores habeo, quærentibus de nobis Samnitibus ita responsum ab senatu Romano esse: ut facile appareret ne ipsos quidem iam postulare ut Latium sub Romano imperio sit. usurpate modo postulando eo, quod illi uobis taciti concedunt. Si quem hoc dicere metus prohibet: en ego ipse audiente nō populo Romano modo senatuq; sed Ioue ipso, qui Capitolium incolit, profiteor me dicturum: ut, si nos in fœdere, ac societate esse uelint, c o s. alterum ab nobis senatusq; partem accipiant. Hæc ferociter non suadenti solum, sed pollicenti, clamore & assensu omnes permiserunt, ut ageret diceretq; quæ è repub. nominis Latini, fideq; sua uiderentur. Vbi est Romam uentum, in Capitolio ei senatus datus est. Ibi cū T. Mālius c o s. egisset cū eis ex auctoritate patrum: ne Samnitibus fœderatis bellum inferrent: Annius, tanquam uictor armis Capitolium cœpisset, non legatus iure gentiū tutus loqueretur: Tēpus erat, inquit, T. Manli, uosq; P. C. tandem iam uos nobiscum nihil pro imperio agere, cum florentissimum deū benignitate nunc Latium armis uirisq;, Samnitibus bello uictis, Sidicinis, Campanisq; socijs, nunc etiā Volscis adiunctis, uide retis: colonias quoq; uestras Latinum Romano prætulisse imperium. sed quoniam uos regno impotenti finem ut imponatis, nō inducitis in animum: nos quanquā armis possumus asserere Latium in libertatem, cōsanguinitati tamē

hoc

hoc dabimus, ut conditiones pacis feramus æquas utrisq;: quoniam uires quoq; æquari dijs immortalibus placuit. c o s. alterū Roma, alterū ex Latio creari oportet: senatus partē æquam ex utraq; gente esse: unum populū, unā remp. fieri. & ut imperij eadem sedes sit, idemq; omnibus nomen: quoniā ab alterutra parte cōcedi necesse est: quod utrisq; bene uertat, sit hæc sanè patria potior & Romani omnes uocemur. Forte ita accidit, ut parem ferociæ huius & Romani c o s. T. Manlium haberet: qui adeo non tenuit iram, ut si tanta dementia P. C. cepisset, ut ab Setino homine leges acciperent, gladio cinctū in senatū uenturū se esse palām diceret, & quēcunq; in curia Latinū uidisset, sua manu interempturū. & cōuersus ad simulachrum Iouis, Audi Iupiter hæc scelera, inquit, audite ius fasq;. Peregrinos c o s s. & peregrinū senatum in tuo Iupiter augurato templo captus, atque ipse oppressus uisurus es? hæccine fœdera Tullus Romanus rex cū Albanis patribus uestris Latini, hæc L. Tarquinius uobiscū postea fecit? nō uenit in mentē pugna apud Regillum lacum? adeo & cladium uestrarū ueterū, & beneficiorum nostrorum erga uos obliti estis? Cum c o s. uocē subsecuta patrum indignatio esset, proditur memoriæ: aduersus crebram implorationem deū, quos testes fœderū sæpius inuocabāt c o s s. uocem Annij spernentis numina Iouis Romani auditā. certe cū cōmotus ira se ab uestibulo tēpli citato gradu proriperet: lapsus per gradus, capite grauius offenso impactus imo ita est saxo, ut sopiretur. Exanimatū auctores quoniam nō omnes sunt, mihi quoq; in incerto relictū sit: sicut inter fœderū ruptorum testationē ingenti fragore cœli procellā effusam. nam & uera esse, & apte ad re-
præsentandam iram deū ficta, possunt. Torquatus missus
ab sena

ab senatu ad dimittendos legatos, cum iacentem Annium uidisset, exclamat, ita ut populo patribusq; audita uox pariter sit: Bene habet. dii pium mouete bellū. est cœleste numen, es magne Iupiter. aut frustra te patrem deūm hominumq; hac sede sacrauimus. Quid cessatis Quirites, uosq; patres cōscripti arma capere dijs ducibus? sic stratas legiones Latinorū dabo: quemadmodū legatū iacentē uidetis.

- 1 Affensu populi excepta uox cōsulis tantū ardoris animis fecit, ut legatos proficiscentes cura magistratūū magis, qui iussu cōsulis prosequerentur, q̄ ius gentium ab ira impetuq; hominū tegetet. Consensit & senatus bellū: Cōsulesq; duobus scriptis exercitibus per Marsos Pelignosq; profecti, adiuncto Samnitium exercitu, ad Capuam, quō iam Latini socij q; cōuenerant, castra locant. Ibi in quiete utriq; cōsuli eadē dicitur uisa species uiri maioris q̄ pro humano habitu augustiorisq;, dicentis: Ex una acie imperatorē, ex altera exercitū dijs manibus matriq; Terræ debri: utrius exercitus imperator legiones hostium superq; eas se deuouisset, eius populi partisq; uictoriam fore. Hos ubi nocturnos uisus inter se cōsules cōtulerunt: placuit a uerrūcandæ deūm iræ uictimas cædi: simul ut si extis eadē quæ somno uisa fuerant, portenderentur, alteruter consulū fāta impleret. Vbi responsa aruspicum insidēti iam animo tacitæ religioni cōgruerunt, tum adhibitis legatis tribuinisq;, & imperijs deūm propalām expositis, ne mors uoluntaria consulis exercitū in acie terreret: cōparant inter se, ut ab utra parte cedere Romanus exercitus cœpisset: inde se consul deuoueret pro populo Romano Quiritibusq;. Agitatum etiam in consilio est, ut si quando unquā se uero ullum imperio bellum administratū esset: tunc uti disciplina militaris ad priscos redigeretur mores. Curam acuebat

acuebat, quòd aduersus Latinos bellandum erat: lingua, moribus, armorum genere, institutis ante omnia militari-
bus cõgruentes: milites militibus, centurionibus centurio-
nes, tribuni tribunis cõpares collegæq; ijsdem præsi-
dijs, sæpe ijsdem manipulis permisti fuerant. Per hæc nequo
errore milites caperentur, edicunt consules, nequis extra
ordinem in hostem pugnaret. Forte inter cæteros turma-
rum præfectos, qui exploratum in omnes partes dimissi
erant: T. Manlius c o s. filius super castra hostium cum
suis turmalibus euasit, ut uix teli iactu ab statione proxi-
ma abesset. ibi Thusculani erant equites, præerat Gemi-
nius Metius, uir tum genere inter suos, tum factis clarus.
is ubi Romanos equites, insignemq; inter eos præcedentẽ
consulis filium (nam omnes inter se utiq; illustres uiri no-
ti erant) cognouit: Vna'ne, ait, turma Romani cum Lati-
nis socijsq; bellũ gesturi estis? quid interea consules, quid
duo exercitus consulares agent? Aderunt in tẽpore, Man-
lius inquit, & cum illis aderit Iupiter ipse fœderum à uo-
bis uiolatorũ testis, qui plus potest polletq;. Si ad Regil-
lum lacum ad satietatẽ uestram pugnauiumus: hic quoque
efficiemus profecto, ne nimis acies uobis, & collata signa
nobiscũ cordi sint. Ad ea Geminius paululum ab suis equo
prouectus, Vis'ne igitur dum dies ista uẽit, qua magno co-
natu exercitus moueatis, interea tu ipse congredi mecum:
ut nostro duorum iam hinc euentu cernatur quantum es-
ques Latinus Romano præstet? Mouet ferocem animum
iuuenis seu ira, seu detrectandi certaminis pudor, seu in-
exuperabilis uis fati. oblitus itaque imperij patrij consu-
lumq; edicti, præcepti ad id certamen agitur, quo uince-
ret, an uinceretur, haud multum interesset. equitibus cæ-
teris uelut ad spectaculum summotis, spatium quod uacui
interiace

interiacebat campi, aduersos concitat e quos: & cum infestis cuspidibus cōcurrissent, Manlij cuspis super galeam hostis, Metij trans ceruicem equi elapsa est. circumactis deinde equis cum prior ad iterandum ictum Manlius consurrexisset, spiculum inter aures equi fixit. ad cuius uulneris sensum cum equus prioribus pedibus erectis magna ui caput quateret, excussit equitē: quem cuspidē parmaq; innixum, attollentē se à graui casu Manlius ab iugulo, ita ut per costas ferrum emineret, terræ affixit: spolijsq; lectis ad suos reuectus, cum ouante gaudio turma in castra, atq; inde ad prætorium ad patrem tendit: ignarus facti futuriq; laus an pœna merita esset. Vt me omnes, inquit, pater tuo sanguine ortū uere ferrent, prouocatus equestria hæc spolia capta ex hoste cæso porto. Quod ubi audiuit consul, extemplo filium auersatus, concionē classico aduocari iussit. quæ ibi frequens cōuenit. Quando quidem, inquit, tu M. Manli neq; imperium consulare, neq; maiestatem patriam ueritus, aduersus edictum nostrū extra ordinem in hostem pugnasti: & quantum in te fuit, disciplinam militarem, qua stetit ad hanc diem Romana res, soluisti: meq; in eam necessitatem adduxisti, ut aut reipublicæ mihi, aut mei meorūq; obliuiscendum sit: nos potius nostro delicto plectemur, quàm respub. tanto suo damno nostra peccata luat. triste exemplum, sed in posterum salubre iuuētuti erimus. Me quidem cū ingenita charitas liberū, tum specimen istud uirtutis deceptum uana imagine decoris in te mouet: sed cum aut morte tua sancienda sint consulum imperia, aut impunitate in perpetuum abroganda: nec te quidem, si quid in te nostri sanguinis est, recusare censeam, quin disciplinam militarem culpa tua prolapsam pœna restituas. I licitor, deliga ad palum.

Exanima

Exanimati omnes tam atroci imperio: nec aliter quàm in se quisq; districtam cernentes securim, metu magis quàm modestia quievere. Itaq; uelut emerso ab admiratione animo cum silentio defixi stetissent: repente postquam ceruice cæsa fusus est cruor, tum libero cōquestu coortæ uoces sunt, ut neq; lamētis, neq; execrationibus parceretur: spolijsq; contactum iuuenis corpus, quantum militaribus studijs funus ullum concelebrari potest, structo extra ualulū rogo cremaretur: Manlianāq; imperia nō in præsentiā modo horrenda, sed exempli etiam trīstis in posterum essent. Fecit tamen atrocitas pœnæ obediētiorem duci militem: & præterquam quòd custodiæ uigiliæq; & ordo stationum intentioris ubique curæ erant: in ultimo etiam certamine, cū descēsum in aciem est, ea seueritas profuit. fuit enim ciuili maxime bello pugna similis. adeo nihil apud Latinos dissonum ab Romana republica, præter animos, erat. Clypeis antea Romanis usi sunt: deinde postquam stipendiarij facti sunt, scuta pro clypeis fecere: & quod antea phalanges similes Macedonicis, hoc postea manipulatim structa acies cœpit esse. postremo in plures ordines instruebantur. ordo sexagenos milites, duos centuriones, uexillarium unum habebat. Prima acies hastati erant manipuli quindecim, distantes inter se modicum spatium: manipulus leueis uicenos milites, aliam turbam scutatorum habebat. leues autem, qui hastam tantum gæsāque gererent, uocabantur. Hæc prima frons in acie florem iuuenum pubescentium ad militiam habebat. Robustior inde ætas totidem manipulorum, quibus principibus est nomen: hos sequebantur scutati omnes, insignibus maxime armis. hoc xxx. manipulorum agmen antepilanos appellabant, quia sub signis iam alij quindecim ordines

ordines locabantur: ex quibus ordo unusquisq; tres partes habebat: earum unamquamq; primum pilum uocabāt: tribus ex uexillis cōstabat: uexillum CLXXXVI. homines erant. Primū uexillum triarios ducebat, ueteranum militē spectatæ uirtutis: secundum rorarios, minus roboris ætate factisq;: tertium accensos, minimæ fiduciæ manum, eò & in postremā aciem reijciebantur. Vbi his ordinibus exercitus instructus esset, hastati omniū primū pugnam inibant. si hastati profligare hostem non possent, pede pressō eos retrocedentes in interualla ordinū principes recipiebant. tum principū pugna erat, hastati sequebantur. triarii sub uexillis confidebant: sinistro crure porrecto, scuta innixa humeris, hastas sub erecta cuspide in terra fixas, haud secus quā uallo septa inhorreret acies, tenentes. Si apud principes quoq; haud satis prospere esset pugnatū, à prima acie ad triarios sensim referebantur. Inde rem ad triarios redisse, cum laboratur, prouerbio increbruit. Triarii consurgentes, ubi in interualla ordinum suorum principes & hastatos recepissent, extemplo compressis ordinibus uelut claudebant uias: unoq; continente agmine iam nulla spe post relicta in hostem incedebant. id erat formidolosissimum hosti, cum uelut uictos insecuti nouā repente aciem exurgente, auctam numero cernebāt. Scribebantur autem quatuor ferè legiones quinis millibus peditum, equitibus in singulas legiones trecentis. alterum tantum ex Latino delectu adijciebatur, qui ea tempestate hostes erant Romanis, eodemq; ordine instruxerant aciem. nec uexilla cum uexillis tantum, uniuerſi hastati cum hastatis, principes cum principibus, sed centurio quoque cum centurione, si ordines turbati non essent, concurrendum sibi esse sciebant. Duo primipili ex utraque acie inter triarios

triarios erant: Romanus corpore haudquaquam satis ualidus, ceterum strenuus uir peritusq; militiæ: Latinus uiribus ingens bellatorq; primus, notissimi inter se, quia semper pares ordines duxerunt. Romano haud satis fidenti uiribus iam Romæ permissum erat ab coss. ut subcenturionem sibi, quem uellet, legeret: qui tutaretur eum ab uno destinato hoste. isq; iuuenis in acie oblatus, ex centurione Latino uictoriam tulit. Pugnatum est haud procul radicibus Vesuij montis: quâ uia ad Vesperim ferebat. Romani coss. prius quàm educerent in aciem, immolauerunt. Decio caput iocineris à familiari parte cæsum aruspex dicitur ostendisse: alioqui acceptam dijs hostiam esse: Manliū egregie litasse. Atqui bene habet, inquit, Decius, si ab collega litatum est. Instructis, sicut antè dictum est, ordinibus processere in aciem: Manlius dextro, Decius leuo cornu præerat. Primo utrinque æquis uiribus, eodem ardore animorum gerebatur res: deinde ab leuo cornu hastati Romani non ferentes impressionem Latinorum, se ad principes recepere. In hac trepidatione Decius coss. M. Valerium magna uoce inclamat. Deorum, inquit, opere Valeri opus est. agedum pontifex publicus populi Romani præi uerba, quibus me pro legionibus deuoueā. Pontifex cum togam protextam sumere iussit, et uelato capite manu subter togam ad mētum exerta, super telum subiectum pedibus stantem sic dicere: Iane, Iupiter, Mars pater, Quirine, Bellona, Lares, diui Nōuensiles, dij Indigetes, diui quorum est potestas nostrorū, hostiumq; dijq; manes, uos precor, ueneror, ueniam peto feroq;: uti populo Romano Quiritium uim uictoriamq; prosperetis: hostesq; populi Romani Quiritiū terrore, formidine, morteq; afficiatis. Sicut uerbis nuncupauī, ita pro republica

H

Quiriti

Quiritium, exercitu, legionibus, auxilijs populi Roma-
 ni Quiritium, legiones auxiliaq; hostium mecum dijs ma-
 nibus Telluriq; deuoueo. Hæc ita precatus, lictores ire
 ad T. Manlium iubet: matureq; collegæ se deuotum pro
 exercitu nuntiare. ipse incinctus cinctu Gabino, armatus
 in equum insiluit: ac se in medios hostes immisit. Conspe-
 ctus ab utraq; acie aliquanto augustior humano uisu, sicut
 cælo missus, piaculum omnis deorum iræ, qui pestem ab
 suis auersam in hostes ferret. Ita omnis terror, paucorq; cū
 illo latus signa primo Latinorum turbauit: deinde in to-
 tam penitus aciem peruasit. Euidentiſſimum id fuit, quòd
 quacunq; equo inuectus est, ibi haud secus quàm pestifero
 sidere icti pauebant. ibi uero corruit obrutus telis, inde
 iam haud dubie consternatæ cohortes Latinorum fugam
 ac uastitatem late fecerūt. Simul & Romani exolutis re-
 ligione animis, uelut tum primum signo dato coorti, pu-
 gnam integram ediderunt. nam & rorarij procurrebant
 inter antepilanos, addiderantq; uires hastatis ac principi-
 bus: & triarij genu dextro innixi nutum cos. ad con-
 surgendū expectabant. procedente deinde certamine cum
 alijs partibus multitudo superaret Latinorum, Manlius
 cos. audito euentu collegæ, cum, ut ius fasq; erat, lacry-
 mis non minus quàm laudibus debitis profecutus tam me-
 morabilem mortem esset: paulisper addubitauit an consur-
 gendi iam triarijs tempus esset: deinde melius ratus inte-
 gros eos ad ultimū discrimen seruari, accensos ab nouissi-
 ma acie ante signa procedere iubet. Qui ubi subiere, ex-
 templo Latini, tanquam idem aduersarij fecissent, triarios
 suos excitauerūt: qui aliquandiu pugna atroci cum & se-
 metipsi fatigassēt, & hastas aut præfregissent aut hebetas-
 sent, pellerent ui tamen hostem, debellatū iam rati peruen-
 tumq;

tumq; ad extremam aciem: tum coss. triarijs, Consurgite nunc, inquit, integri aduersus fessos, memores patriæ parentumq; & coniugum ac liberorum, memores coss. pro uestra uictoria morte occubantis. Vbi triarij consurrexerunt integri, resurgentibus armis, noua ex improviso exorta acies, receptis in interualla ordinum antepilans, clamore sublato principia Latinorum perturbant: haustusq; ora fodientes primo robore uirorum casso, per alios manipulos uelut inermes propè intacti euasere, tantaq; cæde perirumpere cuneos, ut uix quartam partem relinqueret hostium. Samnites quoque sub radicibus montis procul instructi præbuere terrorem Latinis. Cæterum inter omnes ciues sociosq; præcipua laus eius belli penes coss. fuit: quorum alter omnes minas periculaq; ab deis superis inferisq; in se unum uertit: alter ea uirtute, eoq; cõsilio in prælio fuit, ut facile cõuenerit inter Romanos Latinosq;, qui eius pugnae memoriam posteris tradiderunt, utriusq; partis T. Manlius dux fuisset, eius futuram haud dubie fuisse uictoriam. Latini ex fuga se Minturnas contulerunt, castra secundum prælium capta, multiq; mortales ibi uiui oppressi, maxime Campani. Decij corpus ne eo die inueniretur, nox quærentes oppressit: postero die inuentum inter maximam hostium stragem coopertum telis: finisq; par morti, celebrante collega, factum. Illud adiiciendū uidetur: licere consuli, dictatoriq;, & prætori, cum legiones hostium deuoueat: non utiq; se, sed quem uelit ex legione Romana scripta ciuē deuouere. si is homo qui deuotus est moritur, probe factum uideri: ni moritur, tum signum septem pedes altum, aut maius in terram defodi, & piaculū hostia cædi. ubi illud signum defossū erit, cõ magistratum Romanum descendere fas non esse. sin autem sese de-

uouere uolet, sicuti Decius deuouit: ni moritur, neq; suum,
 neq; publicum diuinū pure faciet, qui sese deuouerit. Vul-
 cano arma, siue cui alij diuo uouere uolet: siue hostia, siue
 quo alio uolet: ius esto. Telo, super quod stans consul pre-
 catus est, hostē potiri fas non est: si potiat, Marti suo=
 uetaurilibus piaculum fieri. Hæc et si omnis diuini huma=
 niq; moris memoria aboleuit, noua peregrinaq; omnia
 prisca ac patrijs præferendo: haud ab re duxi, uerbis quo=
 que ipsis, ut tradita nuncupataq; sunt, referre. Romanis
 post præliū demum factum Samnites uenisse subsidio, ex=
 pectato euentu pugnae, apud quosdam autores inuenio: La-
 tinis quoq; ab Lauinio auxilium, dum deliberando terunt
 tempus, uictis demum ferri coeptum. Et cum iam portis
 prima signa, et pars agminis esset egressa: nuntio allato
 de clade Latinorum, cum conuersis signis retro in urbem
 rediretur, prætorum eorum nomine Milonium dixisse se=
 runt: pro paulula uia magnam mercedem Romanis esse sol-
 uendam. Qui Latinorum pugnae superfuerant, multis iti-
 neribus dissipati cum se in unum conglobassent, Vesca
 urbs eis receptaculum fuit. Ibi in concilijs Numisius im-
 perator eorum, affirmando cōmunem uere Martem bel-
 li, utranq; aciem pari cæde prostrauisse: uictoriaq; nomen
 tantum penes Romanos esse, ceteram pro uictis fortunam
 et illos gerere: funesta duo consulum prætoria, alterum
 parricidio filij, alterum consulis deuoti cæde: trucidatum
 exercitum omnem: caesos hastatos principesq; stragem et
 ante signa et post signa factā: triarios postremo rem resti-
 tuisse. Latinorū et si pariter accisæ copiae sint, tamen sup-
 plemento uel Latium propius esse, uel Volscos, quàm Ro-
 mam. Itaq; si uideatur eis, se ex Latinis et ex Volscis po-
 pulis inuentute propere excita, rediturum infesto exercitu

Capuam

Capuam esse: Romanosq; nihil tum minus quàm praelium expectantes, nec opinato aduentu percussurum. Fallacibus literis circa Latium nomenq; Volscū missis, quia qui non interfuerunt pugnae, ad credendum temere faciliores erant, tumultuarius undiq; exercitus raptim conscriptus cōuenit. Huic agmini Torquatus consul ad Trifanum (inter Sinuessā Minturnasq; is locus est) occurrit. prius quàm castris locus caperetur, sarcinus utrinq; in acervum coniectis, pugnatū debellatumq; est. adeo enim accisae res sunt, ut consuli uictorem exercitum ad populandos agros eorum ducenti dederent se omnes Latini: deditiōemq; eam Campani sequerentur. Latium Capuaq; agro mulctati. Latinus ager Priuernati addito agro, & Falernus, qui populi Campani fuerat, usque ad Vulturnum flumen plebi Romanae diuiditur. bina in Latino iugera, ita ut dodrantem ex Priuernati complerēt, data: terna in Falerno, quadrantibus etiā pro longinquitate adiectis. Extra poenā fuere Latinorum Laureies, Campanorumq; equites: quia non desciiuerant. Cum Laurentibus renouari foedus iussum. renouaturq; ex eo quotannis post diem decimum Latinarum. equitibus Campanis ciuitas data: monumentoq; ut esset, aeneam tabulam in aede Castoris Romae fixerunt. uectigal quoque eis Campanus populus iussus pendere in singulos quotannis (fuere autem mille, & sexcenti) denarios nummos quadringenos quinquagenos. Ita bello gesto praemijs poenāq; pro cuiusq; merito persolutis, T. Manlius Romam redijt. cui uenienti seniores tantum obuiam exisse constat: iuuentutem & tunc & omni uita deinde auersatam eum execratamq;. Antiates in agrum Hostiensē, Ardeatem, Solonium incursiones fecerunt. Manlius c o s. quia ipse per ualitudinem id bellum exequi ne-

quierat, dictatorem L. Papyrium Crassum, qui tum forte prætor, dixit: ab eo magister equitum L. Papyrius Cursor dictus. Nihil memorabile aduersus Antiates ab dictatore gestum est, cum aliquot menses statua in agro Antiati habuisset. Anno insigni uictoria de tot ac tam potentibus populis, ad hoc cōsulum alterius nobili morte, alterius sicut truci, ita claro ad memoriam imperio, successere COSS. T. Aemilius Mamercus, & Q. Publius Philo: neq; in similem materiam rerum, & ipsi aut suarum rerum, aut partium in republica magis, quam patriæ memores. Latinos ob iram agri amissi rebellantes in campis Feneclanis fuderunt, castrisq; exuerunt. Ibi Publio, cuius ductu auspicioq; res gestæ erant, in deditionem accipiente Latinos populos, quorum ibi iuuentus cæsa erat: Aemilius ad Pedum exercitū duxit. Pedanos tuebatur Tyburs, Prænestinus, Veliternusq; populus: uenerant & ab Lanuuiio, Antioq; auxilia. Vbi cum prælijs quidem superior Romanus esset, ad urbem ipsam Pedum, castraq; sociorum populorū, quæ urbi adiuncta erant, integer labor restaret: bello infecto repente omisso consul, quia collega decretum triumphum audiuit: ipse quoque triumphi ante uictoriam flagitator Romam rediit. Qua cupiditate offensis patribus, negantibusq; nisi Pedito capto aut dedito triumphum, hinc alienatus ab senatu Aemilius seditiosis tribunatibus similem deinde consulatum gessit. Nam neque quoad fuit consul, criminari apud populum patres destitit, collega haudquaquam aduersante: quia & ipse de plebe erat. materiam autem præbebat criminibus ager in Latino Falernoq; agro maligne plebi diuisus. & postquam senatus finire imperium consulibus cupiens dictatorem aduersus rebellantes Latinos dici iussit: Aemilius cuius tum fasces erant,

erant, collegam dictatorem dixit : ab eo magister equitum Iunius Brutus dictus: Dictatura popularis & orationibus in patres criminosus fuit: & quod tres leges secundissimas plebi, aduersas nobilitati tulit: unam, ut plebiscita omnes Quirites tenerent: alteram, ut legum, quæ comitijs centuriatis ferrentur, ante initum suffragium patres auctores fierent: tertiam, ut alter utiq; ex plebe, cum eò uentum sit ut utrunq; plebeium fieri liceret, censor crearetur. plus eo anno domi acceptum cladis ab consulibus, ac dictatore, quam ex uictoria eorum, bellicisq; rebus foris auctum imperium patres credebant. Anno insequenti L. Furio Camillo, C. Manio coss. quo insignitius ommissa res Aemilio superioris anni coss. exprobraretur: Pedum armis, uirisq; & omni ui expugnandum ac delendum senatus fremuit: coactiq; noui consules omnibus eā rem præuerti, proficiscuntur. Iam Latio is status erat rerum, ut neq; bellum, neq; pacem pati possent. ad bellum opes deerāt: pacem ob agri adempti dolorem aspernabantur. medijs consilijs standū uidebatur: ut oppidis se tenerent: ne laceffitus Romanus causam belli haberet: si cuius oppidi obsidio nuntiata esset, undique ex omnibus populis auxilium obsestis ferretur. Neq; tamen nisi admodū a paucis populis Pedani adiuti sunt. Tyburtes, Prænestiniq;, quorum ager propior erat, Pedum peruenere. Aricinos, Lanuuiinosq;, & Veliternos Antiatis Volscis se coniungentes ad Asturæ flumē Manius improuiso adortus fudit. Camillus ad Pedum cum Tyburtibus maxime ualido exercitu maioremie, quanquam æque prospero euentu pugnat. Tumultum maxime repentina inter prælium eruptio oppidanorum fecit: in quos parte exercitus cōuersa Camillus non compulit solum eos intra moenia: sed eodē etiam die, cum

ipsos auxiliaq; eorum perculisset, oppidum scalis cepit.
 Placuit inde iam maiore conatu animoq; ab unius expu-
 gnatione urbis ad perdomandum Latium uictorem circum-
 ducere exercitum. nec quicquid ante, quàm expugnando,
 aut in deditiōem accipiēdo singulas urbes, Latium om-
 ne subegere. Præsidij inde dispositis per recepta oppi-
 da, Romam ad destinatum omnium consensu triumphum
 decessere. additus triumpho honos: ut statuæ equestres eis,
 rara illa ætate res, in foro ponerentur. Prius quàm comi-
 tijs in insequentem annum consules rogarent, Camillus de
 Latinis populis ad senatum retulit, atq; ita disseruit: P. C.
 quod bello armisq; in Latio agendum fuit, id iam deum
 benignitate, ac uirtute militum ad finem uenit. cæsi ad Pe-
 dum Asturamq; sunt exercitus hostium: oppida Latina om-
 nia, & Antium ex Volscis, aut ui capta, aut recepta in
 deditiōem præsidij tenentur uestris. Reliqua consulta-
 tio est, quoniam rebellando sæpius nos sollicitant: quoniam
 modo perpetua pace quietos obtineamus. dii immortales,
 ita uos potentes huius consilij fecerunt, ut sit Latium de-
 inde, an non sit, in uestra manu posuerint. Itaque pacem
 uobis, quod ad Latinos attinet, parare in perpetuum uel
 seuiendo, uel ignoscendo potestis. Vultis crudeliter con-
 sulere in deditos, uictosque? licet delere omne Latium:
 uastas inde solitudines facere, unde sociali egregio ex-
 ercitu per multa bella magnaq; sæpe usi estis. Vultis ex-
 emplo maiorum augere rem Romanam uictos in ciui-
 tatem accipiēdo? materia crescendi per summam glo-
 riam suppeditat. certe id firmissimum longe imperium est,
 quo obediētes gaudent. Sed maturato opus est, quic-
 quid statuere placet. tot populos inter spem metumque
 suspensos animi habetis: & uestram itaque de eis curam
 quam

quàmprimum absolui, & illorum animos, dum expecta-
 tione stupent, seu pœna, seu beneficio præoccupari oportet.
 Nostrum enim fuit efficere ut omnium rerum uobis ad
 consulendum potestas esset. uestrum est decernere quod op-
 timum uobis, reiꝑ; publicæ sit. Principes senatus relatio-
 nem consulis de summa rerum laudare: sed cum aliorum
 causa alia esset, ita expediri posse consilium dicere, ut pro
 merito cuiusꝑ; statueretur, si de singulis nominatim refer-
 rent populis. Relatum igitur de singulis, decretumꝑ;. La-
 nuuinis ciuitas data: sacraꝑ; sua reddita cum eo, ut ædes lu-
 cusꝑ; Sospitæ Iunonis communis Lanuuinis municipibus
 cum populo Romano esset. Aricini, Nomentaniꝑ;, & Pe-
 dani eodem iure, quo Lanuuii in ciuitatem accepti. Thu-
 sculanis seruata ciuitas, quam habebant: crimenꝑ; rebellio-
 nis à publica fraude in paucos autores uersum. In Veli-
 ternos ueteres ciues Romanos, quòd toties rebellassent,
 grauiter seuitum: & muri deiecti: & senatus inde abdu-
 ctus. iussiq; trans Tyberim habitare: ut eius, qui cis Tybe-
 rim deprehensus esset, usq; ad mille pondo clarigatio esset:
 nec prius quàm ære persoluto, is qui cepisset extra uincu-
 la captum haberet. in agrum senatorum coloni missi: qui-
 bus ascriptis, speciem antiquæ frequentiae Velitræ recepe-
 runt. Et Antium noua colonia missa, cum eo, ut Antiati-
 bus permetteretur, si & ipsi ascribi coloni uellent. naues
 inde lōgæ abactæ: interdictumꝑ; mari Antiati populo est:
 & ciuitas data. Tyburtes, Prænestiniꝑ; agro mulctati:
 neq; ob recens tantum rebellionis commune cum alijs La-
 tinis crimen: sed quòd tædio imperij Romani cum Gallis
 gente efferata arma quondam consociassent. Cæteris Lati-
 nis populis connubia, cōmerciaꝑ;, & consilia inter se ad-
 emerunt. Campanis equitibus honoris causa, quia cum La-

tinis rebellare noluisse: Fundanisq; & Formianis, quod per fines eorum tuta pacataq; semper fuisset uia: ciuitas sine suffragio data. Cumanos, Sueffulanosq; eiusdē iuris conditionisq;, cuius Capuam esse placuit. Naues Antiatiū partim in naualia Romæ subductæ, partim incensæ: rostrisq; earum suggestum in foro extructum adornari placuit: rostraq; id templum appellatum. C. Sulpitio Longo, P. Aelio Peto coss. cum omnia non opes magis Romanæ, quàm beneficijs parta gratia bona pace obtineret: inter Sidicinos, Auruncosq; bellum ortum. Aurunci à T. Manlio cos. in deditiōem accepti nihil deinde mouerant: eo petendi auxiliij ab Romanis causa iustior fuit. sed prius quàm consules ab urbe (iusserat enim senatus) defendendi Auruncos exercitum educerēt: fama affertur Auruncos metu oppidum deseruisse: profugosq; cum coniugibus ac liberis Sueffan communisse: quæ nunc Aurunca appellata: mœnia antiqua eorum, urbemq; ab Sidicinis deletam. Ob ea insensus coss. senatus, quorum cunctatione prodi ti socij essent: dictatorem dici iussit. dictus C. Claudius Regillensis: magistrum equitum C. Claudium Hortatorem dixit. Religio inde iniecta de dictatore: & cum augures uitio creatum uideri dixissent, dictator, magisterq; equitum se magistratu abdicarunt. Eo anno Minutia Vestalis suspecta primo propter mundio rem iusto cultum, in simula ta deinde apud pontifices ab indice seruo, cum decreto eorum iussa esset sacris abstinere, familiamq; in potestate habere: factio iudicio uiua sub terram ad portam Collinā de-

* uia strata xtra * uia strata defossa scelcrato campo. credo ab incesto id ei loco nomē factū. Eodē anno Q. Publius Philo prætor primum de plebe aduersante Sulpitio coss. qui negabat rationem eius se habiturum, est factus: senatu,

cum

cum in summis imperijs id non obtinuisset, minus in præ-
tura intendente. Insequens annus L. Papyrio Crasso, Cæ-
sone Duellio coss. Ausonum magis nouo quàm magno
bello fuit insignis. ea gens Cales urbem incolebat: Sidici-
nis finitimis arma coniunxerat: unoq; prælio haud sanè
memorabili duorum populorum exercitus fusus propin-
quitate urbium & ad fugam pronior, & in fuga ipsa tu-
tior fuit. nec tamen omissa eius belli cura patribus: quia to-
ties iam Sidicini aut ipsi mouerant bellum, aut mouētibus
auxilium tulerant, aut causa armorum fuerāt. Itaq; omni
ope annixi sunt ut maximum ea tempestate imperatorem
M. Valerium Coruinum coss. 1111. facerent: collega
additus Coruino M. Attilius Regulus. & ne forte casu er-
raretur, petatum ab cōsulibus, ut extra sortem Coruini ea
prouincia esset. Exercitu uictore à superioribus consuli-
bus accepto ad Cales, unde bellum ortum erat, profectus
cum hostes ab superioris etiam certaminis memoria pau-
dos clamore atque impetu primo fudisset, mœnia ipsa op-
pugnare est aggressus: & militum quidem is erat ardor,
ut iam inde cum scalis succedere ad muros uellent, euasu-
rosq; contenderent. Coruinus, quia id arduum factu erat,
labore militum potius, quàm periculo peragere inceptum
uoluit. itaque aggerem & uincas egit: turresq; muro ad-
mouit: quarum usum forte oblata opportunitas præuertit.
namque M. Fabius captiuus Romanus cum per negligen-
tiam custodum festo die uinculis ruptis per murum inter
opera Romanorum religata ad pinnam muri recte suspen-
sus manibus se demississet, perpulit imperatorem ut uino
epulisq; sopitos hostes aggrediretur, nec maiore certami-
ne capti cum urbe Ausones sunt, quàm acie fusi erāt. præ-
da capta ingens est: præsidioq; imposito Calibus, reductæ
Romam

Romam legiones. cos. ex S. C. triumphauit: & ne Atti-
 lius expers gloriæ esset, iussi ambo coss. aduersus Sidici-
 nos ducere exercitum, dictatorem antè ex senatus consul-
 to comitiorum habendorum causa dixerunt L. Aemylum
 Mamercum: is magistrum equitum Q. Publium Philonē
 dixit. Dictatore comitia habēte coss. creati sunt T. Ve-
 turius, Sp. Posthumius. Et si belli pars cum Sidicinis resta-
 bat: tamen ut beneficio præuenirent desyderium plebis, de
 colonia deducenda Calcs retulerunt: factoque S. C. ut duo
 millia quingenti homines eò scriberentur, 111 uiros colo-
 niæ deducendæ, agroq; diuidendo creauerunt, Cæsonem
 Duellium, T. Quintium, M. Fabium. Noui deinde coss.
 à ueteribus exercitu accepto, ingressi hostium fines popu-
 lando usq; ad moenia atq; urbem peruenērūt. Ibi, quia in-
 genti exercitu cōparato Sidicini & ipsi pro extrema spe
 dimicaturi enixe uidebantur. & Samnium fama erat con-
 ciri ad bellum: dictator ab cōsulibus ex autoritate senatus
 dictus P. Cornelius Ruffinus: magister equitum M. Anto-
 nius. Religio deinde incesit uitio eos creatos: magistra-
 tuq; se abdicauerunt. & quia pestilētia insecuta est, uelut
 omnibus eo uitio contactis auspicijs, res ad interregnū re-
 diit. ab interregno inito per quintum demum interregem
 M. Valerium Coruinum creati coss. L. Cornelius iterū,
 & Cn. Domitius. Tranquillis rebus fama Gallici belli pro
 tumultu ualuit ut dictatorem dici placeret. dictus M. Pa-
 pyrius Crassus: & magister equitum P. Valerius Publico-
 la. à quibus cum delectus intentius quàm aduersus finitima
 bella haberetur: exploratores missi attulerunt quietā o-
 mnia apud Gallos esse. Samnium quoq; iam alterum annū
 turbari nouis consilijs suspectum erat: eò ex agro Sidici-
 no exercitus Romanus non est deductus. cæterum Samni-

tes bellū Alexandri Epeirensis in Lucanos traxit. qui duo populi aduersus regem excursionem à Paësto facientē signis collatis pugnauerunt. eo certamine superior Alexander, incertum qua fide culturus si perinde cætera processissent, pacē cum Romanis fecit. Eodem anno census actus, nouiq; ciuēs censi: tribus propter eos addita, Metia & Scaptia: censores addiderunt, Publius Philo, Sp. Posthumius. Romani facti Accerrani lege ab L. Papyrio prætorē lata: qua ciuitas sine suffragio data. Hæc eo anno domi militiaq; gesta. Fædus insequens annus seu intemperie cœli, seu humana fraude fuit, M. Claudio Marcello, T. Valerio coss. Flaccum, Potitumq; uarie in annalibus cognomen consulis inuenio: cæterum in eo parui refert, quid ueri sit. illud peruelim (nec omnes autores sunt) proditiū falso esse: uenenis absumptos, quorum mors infamem annum pestilentia fecerit. sicut proditur tamen res, ne cui autorū fidem abrogauerim, exponenda est. Cum primores ciuitatis similibus morbis, eodemq; ferme omnes euentu morerentur: ancilla quædam ad Q. Fabium Maximum ædilem curulem indicaturā se causam publicæ pestis professā est, si ab eo fides sibi data esset, haud futurum noxæ indicium. Fabius confestim rem ad coss. consules ad senatum referunt: cōsensuq; ordinis fides indici data. Tum patefactum muliebri fraude ciuitatem premi: matronasq; ea uenena coquere: & si sequi extemplo uelint, manifesto deprehendi posse. Secuti indicem & coquentes quasdam medicamenta, & recondita alia inuenerūt. quibus in forum delatis, & ad x x. matronis, apud quas deprehensæ erant, per uiato rem accitis, duæ ex eis Cornelia ac Sergia, patriciæ utraq; gentis, cum ea medicamēta salubria esse cōtenderent, ab confutante indice bibere iussæ, ut se falsum commentam arguerent:

castrorum explicata acie, fugam magis retro quàm prælium aut hostem spectante milite, sine consilio, sine audacia depugnat: & ut leui momento, nec ambigue est uictus: ita breuitate ipsa loci, faciliq; receptu in tā propinqua castra, haud egre militem à multa cæde est tutatus: nec frè quisquā in ipso certamine, pauci in turba fugæ extreme, cum in castra ruerent, cæsi: primisq; tenebris Priuernum inde petitum agmine trepido, ut muris potius quàm uallo sese tutarentur. A' Priuernò Plautius alter cōs. peruastratis passim agris, prædāq; abacta, in agrum Fundanū exercitum inducit: ingredienti fines senatus Fundanorum occurrat: negant se pro Vitruuio sectamq; eius secutis peccatum uenisse, sed pro Fundano populo: quem extra culpam belli esse ipsum Vitruuiū iudicasse: cum receptaculum fugæ Priuernum habuerit, non patriā Fundos. Priuerni igitur hostes populi Romani quæredos, persequendosq; esse: qui simul à Fundanis ac Romanis utriusq; patriæ immemores defecerint. Fundanis pacem esse, & animos Romanos, & gratiam memoriā acceptæ ciuitatis: orare se consulem ut bellum ab innoxio populo abstineat: agros, urbē, corpora ipsorum coniugumq; ac liberorum suorum, in potestate populi Romani esse, futuraq;. Collaudatis Fundanis cōs. literisq; Romam missis in officio Fundanos esse, ad Priuernum flexit iter. Prius animaduersum in eos, qui capita coniurationis fuerant, à cōs. scribit Claudius: ad ccccl. ex coniuratis uinctos Romam missos: eamq; conditionem ab senatu non acceptam: quòd egentium atq; humilium pœna defungi uelle Fundanum populum censuerint. Priuernum duobus consularibus exercitiis cum obfideretur, alter cōs. comitiorum causa Romam reuocatus. Carceres eo anno in circo primum statuti. Nondum
persun

perfunctos cura Priuernatis belli tumultus Gallici fama atrox inuasit, haud ferme unquam neglecta patribus. Ex templo igitur *cos.* noui L. Aemilius Mamercus, & Cn. Plautius eo ipso die calen. Quintilibus, quo magistratus inierunt, comparare inter se prouincias iussi: & Mamercus, cui Gallicum bellum euenerat, scribere exercitum sine ulla uacationis uenia. quin opificum quoq; uulgus, & sellularij, minime militiæ idoneum genus, exciti dicuntur: Veiosq; ingens exercitus contractus, ut inde obuiam Gallis iretur. longius discedi, ne alio itinere hostis falleret ad urbem incedens, non placuit. Paucos deinde post dies satis explorata temporis eius quiete à Gallis Priuernum omnis conuersa uis. Duplex inde fama est. alij ui captam urbem, Vitruuiumq; uiuum in potestatem uenisse: alij, prius quàm ultima adhiberetur uis, ipsos se in deditionem consulis caducum præferentes permisisse, autores sunt: Vitruuiumq; ab suis traditum. Senatus de Vitruuio Priuernatibusq; consultus *cos.* Plautium dirutis Priuerni muris, præsidioq; ualido imposito, ad triumphum accersit. Vitruuium in carcerem asseruari iussit quoad consul redisset, tum uerberatum necari: edes eius, quæ essent in palatio, diruendas, bona Semoni Sango censuerunt consecranda: quodq; æris ex eis redactum est, ex eo anci orbes facti, positi in sacello Sanguis uersus ædem Quirini. De senatu Priuernate ita decretum, ut qui senator Priuerni post defectionem ab Romanis mansisset, trans Tyberim lege eadem qua Veliterni, habitaret. His ita decretis, usq; ad triumphum Plautij silentium de Priuernatibus fuit: post triumphum *cos.* necato Vitruuio socijsq; eius noxæ, apud satiatis iam supplicij nocentium tutam mentionem de Priuernatibus ratus, Quoniam autores defectionis, inquit, meritas poenas & ab dijs immorta

immortalibus, & à uobis habent P. C. quid placet de innoxia multitudine fieri? equidem et si meae partes exquirēdae magis sententiae, quam danda sunt: tamen cum uideā Priuernates uicinos Samnitibus esse, unde nunc nobis incertissima pax est: quā minimū irarum inter nos illosq; relinqui uelim. Cū ipsa per se res anceps esset, prout cuiusq; ingenium erat atrocius, mitiusue suadentibus: tum incertiora omnia unus ex Priuernatibus legatis fecit, magis cōditionis in qua natus esset, quā praesentis necessitatis memor: qui interrogatus à quodam tristioris sententiae auctore quam poenā meritos Priuernates censeret: eā, inquit, quam merentur qui se libertate dignos censent. cuius cum feroci responso infestiores factos uideret consul eos, qui antē Priuernatium causam impugnabant: ut ipse benigna interrogatione mitius responsum eliceret: Quid, si poenā, inquit, remittimus uobis, qualem nos pacem uobiscū habituros speremus? Si bonam dederitis, inquit, & fidam, & perpetuam: si malam, haud diuturnam. Tum uero minari, nec id ambigue, Priuernatē quidam, & illis uocibus ad rebellandum incitari pacatos populos: pars melior senatus ad meliora responsa trahere: & dicere uiri, & liberi uocē auditam: an credi posse ullum populum, aut hominem deniq; in ea conditione, cuius cū poeniteat, diutius quā necesse sit mansurum? ibi pacem esse fidam, ubi uoluntarij pacati sint: neq; eo loco, ubi seruitutem esse uelint, fidem sperandam esse. In hanc sententiam maxime consul ipse inclinauit animos: identidem ad principes sententiarū consulares, uti exaudiri posset à pluribus, dicēdo: eos demum, qui nihil praeterquam de libertate cogitāt, dignos esse qui Romani fiant. Itaq; & in senatu causam obtinueret: & ex auctoritate patrū latum ad populum est ut Priuernatibus

M

ciuitas daretur. Eodem anno Anxur trecenti in coloniam
 missi sunt: bina iugera agri acceperunt. secutus est annus
 nulla re belli, domusque insignis P. Plautio Proculo, P. Cor-
 nelio Scapula c o s s. præterquam quod Fregellas (Si-
 gninorum is ager, deinde Volscorum fuerat) colonia de-
 ducta: & populo uisceratio data à M. Flauio in funere ma-
 tris. Erant qui per speciem honorandæ parentis meritam
 mercedem populo solutam interpretarètur: quod eum die
 dicta ab ædilibus crimine stupræ matris familiæ absoluis-
 set. Data uisceratio in præteritâ iudicij gratiam, honoris
 etiam ei causa fuit: tribunatuq; plebis proximis comitijs
 absens præsentibus præfirtur. Palæpolis fuit haud pro-
 cul inde, ubi nunc Neapolis sita est: duabus urbibus popu-
 lus idem habitabat: Cumis erant oriundi, Cumani Chal-
 cide Euboica originem trahunt. Classe, qua aduecti ab do-
 mo fuerant, multum in ora maris eius, quod accolunt, po-
 tuere. Primo in insulas Aenariam, & Pithecusas egressi,
 deinde in continentem ausi sedes transferre. Hæc ciuitas
 cum suis iuribus, tum Samnitium infidæ aduersus Roma-
 nos societati freta, siue pestilentia, quæ Romanam urbem
 adorta nuntiabatur, fidens, multa hostilia aduersus Roma-
 nos agrum Campanum Falernumq; incolentes fecit. Igitur
 L. Cornelio Lentulo, Q. Publio Philone iterum c o s s.
 fœcialibus Palæpolim ad res repetendas missis cum relatū
 esset à Græcis, gente lingua magis strenua quàm factis, fe-
 rox responsum: ex autoritate patrum populus Palæpolita-
 nis bellum fieri iussit. Inter c o s s. prouincijs compara-
 tis, bello Græci persequendi Publio euenerunt. Cornelius
 altero exercitu Samnitibus, siquæ se mouerent, oppositus.
 fama autem erat defectioni Campanorum imminentes ad-
 moturos castra. ibi optimum uisum Cornelio statim ha-
 bere

bere. Ab utroq; consule exiguam spem pacis cum Samnitibus esse certior fit senatus. Publius duo milia Nolanorū militum, & quatuor Samnitium magis Nolanis cogentibus, quā uoluntate Græcorū recepta Palæpoli miserat. Romæ compertum delectum indictum à magistratibus: uniuersum Samnium erectum; ac uicinos populos. Priuernatem Fundanumq; & Formianum, haud ambigue sollicitari. Ob hæc cum legatos mitti placuisset prius ad Samnites, quā bellum fieret: responsum redditur à Samnitibus ferox. ultro incusabant iniurias Romanorum: neque eo negligentius ea, quæ ipsis obijcerentur, purgabant. Haud ullo publico consilio, auxilio uel iuuari Græcos: nec Fundanum, Formianum uel à se sollicitatos. quippe minime poenitere se uiriū suarū, si bellum placeat. Cæterum nō posse dissimulare, ægre pati ciuitatem Samnitium quod Fregellas ex Volscis captas dirutasq; ab se restituerit Romanus populus, coloniamq; in Samnitium agro imposuerit, quā coloni eorum Fregellas appellent. eam se cōtumeliam iniuriāq; ni sibi ab ijs qui fecerint dematur, ipsos omni uidepulsuros esse. Cum Romanus legatus ad disceptandum eos ad cōmunes socios atq; amicos uocaret: Quid perplexe agimus, inquit? nostra certamina Romani, non uerba legatorum, nec hominum quisquam disceptator, sed campus campanus, in quo concurrendum est, & arma, & communis Mars belli decernet. Proinde inter Capuā Sueffulanāq; castra castris conferamus: & Samnis Romanus ne imperio Italiam regat decernamus. Legati Romanorum cum se nō quò hostis uocasset, sed quò imperatores sui duxissent, ituros esse respondiissent: iam Publius inter Palæpolim Neapolimq; loco opportune capto, diremerat hostibus societatem auxiliij mutui: qua ut quisque locus

premeretur, inter se usi fuerant. Itaq; cum & comitiorum dies instaret: et Publium imminetentem hostium muris auocari ab spe capiendæ in dies urbis haud è republica esset: actum cum tribunis est ad populum ferrent, ut cū Publius Philo cōsulatu abisset, proconsul rem gereret quoad debellatum cum Græcis esset. L. Cornelio, quia ne eum quidem in Samnium iam ingressum reuocari ab impetu belli placebat, literæ missæ, ut dictatorem comitiorum causa diceret. dixit M. Claudium Marcellum: ab eo magister equitū dictus Sp. Posthumius. Nec tamen ab dictatore comitia sunt habita: quia uitio ne creatus esset, in disquisitionem uenit. consulti augures, uitiosum uideri dictatorem pronuntiauerunt. Eam rem tribuni suspectam infamemq; criminando fecerunt. nam neq; facile fuisse id uitium nosci: cum consul oriente nocte silentio diceret dictatorem; neq; ab consule cuiquam publice priuatimue de eare scriptum esse: nec quenquam mortalium extare, qui se uidisse, aut audiuisse quid dicat, quod auspiciū dirimeret: neq; augures diuinare Romæ sedentes potuisse quid in castris consuli uitij obuenisset. cui non apparere, quod plebcius dictator sit, id uitium auguribus uisum? Hæc, aliâq; ab tribunis nequicquam iactata: tamen ad interregnum res redit: dilatisque alia atq; alia de causa comitijs, quartusdecimus demū interrex Lucius Aemilius c o s s. creat C. Petilium, L. Papyrium Mugilatum: Cursorē in alijs annalibus inuenio. Eodem anno Alexandriam in Aegypto proditum conditam: Alexandrumq; Epeiri regem ab exule Lucano interfectum sortes Dodonæi Iouis cuentu affirmasse. Accito ab Tarentinis in Italiam data dictio erat, caueret Acherusiam aquam Pandosiamq; urbem: ibi fatis eius terminum dari. eoq; ocyus transmisit in Italiam: ut quàm maxime procul

procul abesset urbe Pandosia in Epeiro, & Acheronte
 amni:quem ex Moloſside fluentem in stagna inferna acci-
 pit Theſprotius ſinus. Cæterum (ut ſerme fugiendo in me-
 dia fata ruitur) cum ſæpe Brutias Lucanasq; legiones fu-
 diſſet: Heracleam Tarentinorum coloniam, Conſentiam
 ex Lucanis Sipontumq;, Brutiorum coloniam Acerinam,
 alias inde Meſſapiorum ac Lucanorum cepiſſet urbes: &
 trecentas famulias illuſtres in Epeirum, quas obſidum nu-
 mero haberet, miſiſſet: haud procul Pandosia urbe immi-
 nente Lucanis ac Brutijs ſinibus, treis tumulos aliquantũ
 inter ſe diſtantes inſedit: ex quibus incuſſiones in omnem
 partem agri hoſtilis faceret: & ducentos ſerme Lucanorũ
 exules circa ſe pro ſidis habebat, ut pleraq; eius generis
 ingenia ſunt, cum fortuna mutabilem gerentes fidem. im-
 bres continui campis omnibus inundantes cum interclu-
 ſiſſent triſariam exercitum à mutuo inter ſe auxilio: duo
 præſidia, quæ ſine rege erant, improviſo hoſtium aduẽtu
 opprimuntur: deletisq; eis, ad ipſius obſidionem omnes
 conuerſi. inde ab Lucanis exulibus ad ſuos nuntij miſi
 ſunt: pactoq; reditu promiſſum eſt regem aut uiuum, aut
 mortuum in poteſtatem daturus. Cæterum cum delectis
 ipſe egregium facinus auſus, per medios erumpit hoſtes:
 & ducem Lucanorum cominus cõgreſſum obruncat: cõ-
 trahensq; ſuos ex fuga palatos peruenit ad amnem ruinis
 recentibus pontis, quem uis aquæ abſtulerat, indicantem
 iter. quem cum incerto uado tranſiret agmen, feſſus metu
 ac labore miles increpans nomen abominandum flumi-
 nis, iure Acheron uocaris inquit. Quod ubi ad aures acci-
 dit regis: adiecit extemplo animum fatis ſuis: ſubſtititq;
 dubius an tranſiret. Tum Sotimus miniſter ex regijs pue-
 ris, quid in tanto diſcrimine periculi cunctaretur interro-

gans, indicat Lucanos insidijs quærere locum. quos ubi respexit rex procul grege facto uenientes, stringit gladium: & per medium annem transmittit equum. Iamq; in uadum egressum eminus ueruto Lucanus exul transfigit. lapsum inde cum inhærente telo corpus exanime detulit amnis in hostium præsidia. Ibi fœda laceratio corporis facta. nanq; præciso medio partem Consentiam misere: pars ipsis retenta ad ludibrium: quæ cum iaculis saxis'que procul incessetur, mulier una ultra humanarum irarum fidem sæuienti turbæ immista, ut parumper sustinerent precata, flens ait uirum sibi liberos'que captos apud hostes esse: sperare corpore regio utcunque mulctato se suos redempturam. Is finis lacerationi fuit: sepultumq; Consentia quod membrorum reliquum fuit, cura mulieris unius: ossa'que Metapontum ad hostes remissa, inde Epeirum deuecta ad Cleopatram uxorem, sororem'que Olympiadem: quarum mater magni Alexandri altera, soror altera fuit. Hæc de Alexandri Epeirensis tristi euentu, quanquam Romano bello fortuna cum abstinuit, tamen quia in Italia bella gessit, paucis dixisse satis sit. Eodem anno lectisternium Romæ quinto post conditam urbem iisdem, quibus antè, placandis habitum est dijs. Noui deinde consules iussu populi cum misissent qui indices rent Samnitibus bellum, & ipsi maiore conatu quàm aduersus Græcos cuncta parabant, & alia noua nihil tum animo tale agitantibus accesserunt auxilia. Lucani atque Appuli, quibus gentibus nihil ad eam diem cum Romano populo fuerat, in fidem uenerunt arma uirosq; ad bellum pollicentes. fœdere ergo in amicitiam etiam accepti. Eodem tempore etiam in Samnio res prospere gesta: tria oppida in potestatem uenerunt, Alife, Callise, Ruffrium: aliusq;

aliusq; ager primo aduentu c o s s. longe, lateq; est per-
 uastatus. Hoc bello tam prospere commissio, alteri quoque
 bello, quo Græci obsidebantur, iam finis aderat. nam præ-
 terquam quod interseptis munimentis hostium pars para-
 ti abscissa erat: fœdiora aliquanto intra muros ijs, quibus
 hostis territabat, patiebantur: & uelut capti à suismetipsis
 præsidij indigna iam liberis quoq; ac cōiugibus, & quæ
 captarum urbium extrema sunt, patiebantur. Itaque cum
 & à Tarento, & Samnitibus fama esset noua auxilia uen-
 tura: Samnitium plus quàm uellent, intra mœnia esse re-
 bantur: Tarentinorum iuuentutem Græci Græcos haud
 minus per quos Samniti Nolanoq; quàm ut Romanis ho-
 stibus resisterent, expectabant. Postremo leuissimum ma-
 lorum deditio ad Romanos uisa. Charilaus & Nymphius
 principes ciuitatis communicato inter se consilio partes
 ad rem agendam diuisere: ut alter ad imperatorem Roma-
 norum transfugeret: alter subsisteret ad præbendam op-
 portunam consilio urbem. Charilaus fuit, qui ad Philonē
 uenit: & quod bonum, faustum, felix Palæpolitans, po-
 puloq; Romano esset: tradere se ait mœnia statuisse. eo fā-
 cto utrū ab se prodita, an seruata patria uideatur, in fide
 Romana positum esse: sibi priuatim nec pacisci quicquā,
 nec petere: publice petere quàm pacisci magis, ut si succes-
 sisset inceptum, cogitaret Populus Romanus potius cum
 quanto studio periculoque reditum in amicitiam suam
 esset, quàm qua stultitia & temeritate de officio deces-
 sum. Collaudatus ab imperatore tria millia militum ad
 occupandam eam partem urbis, quam Samnites insidebāt,
 accepit: præsidio ei L. Quintius tribunus militum præ-
 positus. Eodem tempore & Nymphius prætorem Sa-
 mnitium arte aggressus perpulerat, ut quoniam omnis

Romanus exercitus aut circa Palæpolim, aut in Samnio esset: sineret se classe circūuehi ad Romanum agrum, non oram modo maris, sed ipsi urbi propinqua loca depopulaturum. sed ut falleret, nocte proficiscendū esse, extēploq; naues deducēdas. Quod quo maturius fieret, omnis iuuentus Samnitium præter necessarium urbis præsidium ad litus missa. Vbi dum Nymphius in tenebris & multitudine semetipsa impediēte sedulo alijs alia imperia turbans terit tempus, Charilaus ex cōposito ab socijs in urbē receptus cum summa urbis Romano milite impleisset, tolli clamorē iussit: ad quem Græci signo accepto à principibus, quicunque: Nolani per auersam partē urbis uia Nola ferēte effugiūt. Samnitibus exclusis ab urbe, ut expeditior in præsentia fuga, ita fœdior, postquam periculo euaserunt, uisa: quippe qui inermes nulla rerum suarum non relictā inter hostes, ludibrium non externis modo, sed etiam popularibus, spoliati atq; egētes domos redire. Haud ignarus opinionis alterius, qua hæc proditio ab Samnitibus facta traditur: cum autoribus hoc dedi, quibus dignius credi est: tum fœdus Neapolitanū (eò enim deinde summa rei Græcorum uenit) similius uero facit ipsos in amicitia redisse. Publio triūphus decretus: quòd satis credebatur obsidione domutos hostes in fidem uenisse. Duo singularia hæc ei uiro primum contingere, prorogatio imperij non antè in ullo facta, & actò honore triumphus. Aliud subinde bellum cum alterius oræ Græcis exortum. namq; cum Tarentini rem Palæpolitana uana spe auxilij aliquandiu sustinuisent, postquā Romanos urbe potitos accipere, uelut destituti, ac nō qui ipsi destituisent, increpare Palæpolitanos: ira atq; inuidia in Romanos furere: eò etiā quòd Lucanos & Appulos (nā utraq; eo anno societas cœpta est)

est) in fidem populi Romani uenisse allatum est. quippe propemodum peruentum ad se esse: iamq; in eo rem fore, ut Romani aut hostes aut domini habendi sint. discrimen profecto rerum suarum in bello Samnitum, euentuq; eius uerti: eam solam gentem restare, nec eam ipsam satis ualidam, quando Lucanus defecerit: quem renouari adhuc, impelliq; ad abolendam societatem Rom. posse: si qua ars serendis discordijs adhibeatur. Hæc consilia cum apud cupidos rerum nouandarū ualuisent: ex iuuetute quidam Lucanorum pretio asciti, clari magis inter populares quàm honesti, inter se mulctati ipsi uirgis cum corpora nuda intulissent in ciuium coctum: uociferati sunt se, quòd castra Romana ingredi ausi essent, à c o s s. uirgis caesos, ac propè securi percussos esse. Deformis suapte natura res, cū speciem iniuriæ magis quàm doli præ se ferret: concitati homines cogunt clamore suo magistratus senatum uocare: & alij circumstantes concilium bellum in Romanos poscunt: alij ad cōcitandam in arma multitudinē agrestiuū discurrunt: tumultuq; etiam sanos cōsternante animos decernitur, ut societas cū Samnitibus renouaretur: legatiq; ad eam rem mittantur. Repentina res quia quàm causam nullam, tam ne fidem quidē habebat, coacti à Samnitibus & obsides dare, et præsidia in loca munita accipere, cæci fraude & ira nihil recusarūt. Dilucere deinde breui fraus cœpit, postquam criminum falsorum autores Tarentum commigrauerunt: sed amissa omni de se potestate, nihil ultra quàm ut pœniteret frustra, restabat. Eo anno plebi Romanæ uelut aliud initium libertatis factum est, quod ne cti defierunt. mutatum autem ius ob unius fœneratoris simul libidinē, simul crudelitatem insignem. L. Papyrius is fuit, cui cū se C. Publius ob æs alienū paternū nexum dedisset:

I s que

quæ ætas formaq; misericordiam elicere poterat, ad libidinem & contumeliam animum accenderunt: & florem ætatis eius fructum aduentitium crediti ratus, primo perlicere adolescētem sermone incesto est conatus: dein postquam aspernabantur flagitium aures, minis territare, atq; identidem admonere fortunæ: postremo cum ingenuitatis magis quàm præsentis conditionis memorem uideret, nudari iubet, uerberaq; affferri. Quibus laceratus iuuenis cū se in publicum proripuiisset, libidinem crudelitatemq; conquerens fœneratoris: ingens uis hominum cum ætatis miseratione atque indignitate iniuriæ accensa, tum suæ conditionis, liberūmq; suorum respectu, in forum, atque inde agmine facto ad curiam concurrit. & cum c o s s. tumultu repentino coacti senatum uocarent, introcūntibus in curiam patribus laceratum iuuenis tergum procūbentes ad singulorum pedes ostentabant. Victum eo die ob impotentem iniuriam unius ingens uinculum fidei: iussiq; c o s s. ferre ad populum, ne quis, nisi qui noxam meruisset, donec pœnam lucret, in compedibus aut in neruo teneretur: pecuniæ creditæ bona debitoris, non corpus obnoxium esset. ita nexi soluti: cautumq; in posterum, ne necerentur. Eodem anno cum satis per seipsum Samnitium bellum, & defectio repens Lucanorum, autoresq; defectionis Tarentini sollicitos haberent patres: accessit ut & Vestinus populus Samnitibus sese cōiungeret. Quæ res, sicut eo anno sermonibus magis passim hominum iactata, quàm in publico ullo cōcilio est: ita insequētis anni c o s s. L. Furio Camillo iterum, Iunio Bruto Scæuæ, nulla prior potiorq; uisa est, de qua ad senatum referrent. & quanquam noua res erat: tamen tanta cura patres incessit, ut pariter eam susceptam neglectamq; timerent: ne
aut

aut impunitas eorum lasciuiâ superbiâq; aut bello pœnæ expetite metu propinquo atque ira concirent finitimos populos. Et erat genus omne abunde bello Samnitibus par, Marci Peligni; et Marucini: quos si Vestinus attin geretur, omnes habendos hostes. Vicit tamen pars, quæ in præsentia uideri potuit maioris animi quàm consilij: sed euentus docuit fortes fortunam iuuare. Bellum ex auctoritate patrum populus aduersus Vestinos iussit: prouincia ea Bruto, Samnium Camillo sorte euenit. exercitus utroq; ducti, & cura tuendorum finium hostes prohibiti coniungere arma. Caterum alterum c o s. l. Furium, cui maior moles rerum imposita erat: morbo graui implicitū fortuna bello subtraxit: iussusq; dictatorem dicere rei gerendæ causa, longe clarissimum bello ea tempestate dixit L. Papyrium Cursorem, à quo Q. Fabius Maximus Rutilianus magister equitum est dictus: par nobile rebus in eo magistratu gestis. discordia tamen, qua propè ad ultimum dimicationis uentum est, nobilior. Ab altero consule in Vestinis multiplex bellum, nec usquam uario euentu gestum est. nam & peruastauit agros: & populando atq; urendo tecta hostium sataq; in aciem inuitos extraxit: et ita prælio uno accidit Vestinorum res, haudquaquam tamen incruento milite suo, ut non in castra solum refugerent hostes, sed iam ne uallo quidem ac fossis freti dilaberentur in oppida, situ urbium mœnibusq; se defensuri. Postremo oppida quoque ui expugnare adortus, primo Cutinam ingenti ardore militum aut uulnerum ira, quòd haud fere quisquam integer prælio excesserat, scalis cepit: deinde Cingiliam. utriusque urbis prædam militibus, quòd eos neque portæ, neque muri hostium arcuerant, concessit. In Samnium incertis itum auspicijs est: cuius

rei

XI

cum eo communicantis laudem. Ita certe dictator id factum accepit, ut latis alijs uictoria parta, præ se ferret iram tristitiamq;: misso itaque repente senatu se ex curia proripuit: tum uerò nō Samnitium magis legiones, quàm maiestatem dictatoriam & disciplinam militarem à magistro equitum uictam & euersam dictitans, si illi impune spretum imperium fuisset. Itaque plenus minarum, iræq; profectus in castra cum maximis itineribus isset, non tamen præuenire famam aduentus sui potuit. præcurrerant enim ab urbe, qui nunciarent dictatorem audum poenæ uenire, alternis penè uerbis T. Manlij facta laudantem. Fabius concione extemplo aduocata, obtestatus milites est, ut qua uirtute rempublicam ab infestissimis hostibus defendissent, eadem se, cuius ductu auspicioq; uicissent, ab impotenti crudelitate dictatoris tutarentur. Veniri amentem inuidia, iratum uirtuti alienæ felicitati que furere, quòd se absente respublica egregie gesta esset: male, si mutare fortunam posset, apud Samnites quàm Romanos uictoriam esse. imperium dictitare spretum, tanquàm non eadem mente pugnare uetuerit, qua pugnatum doleat: & tunc inuidia impedire uirtutem alienam uoluisse, cupidissimisq; arma ablaturum fuisse militibus, ne se absente moueri possent: & nunc id furere, id ægre pati, quòd sine L. Papyrio non inermes, non manci milites fuerint, quòd se Q. Fabius magistrum equitum duxerit, ac non accensum dictatoris. Quid illum facturum fuisse, si quod belli casus ferunt Marsq; communis, aduersa pugna euenisset: qui sibi deuictis hostibus, republica bene gesta, ita ut non ab illo unico duce melius geri potuerit, supplicium magistro equitum, & tunc uictori minetur? Neque illum magistro equitum infestiores quàm tribu-

nis mi

nis militum, quàm centurionibus, quàm militibus esse: si possit, in omnes seuiturū fuisse: quia id nequeat, in unum seuire: etiam inuidiam tanquam ignem summa petere, in caput consilij, in ducem incurrere. Si se simul cum gloria rei gestæ extinxisset, tunc uictorem uelut in capto exercitu dominantem quicquid licuerit in magistro equitum, in militibus ausurum. Proinde adessent in sua causa omnium libertati, si consensum exercitus eundem, qui in prælio fuerit, in tuenda uictoria uideat, et salutem unius omnibus curæ esse: inclinaturum ad clementiorem sententiam animum. postremo se uitam fortunasq; suas illorum fidei, uirtutiq; permittere. Clamor è tota concione ortus, uti bonū animum haberet: neminem illi uim allaturum saluis legionibus Romanis. Haud multo post dictator aduenit: classicoq; extemplo ad concionem aduocauit. Tum silentio factō, præco Q. Fabium magistrū equitum citauit. qui simul ex inferiore loco ad tribunal accessit, tum dictator, Quæro, inquit, de te Q. Fabi, cum summum imperium dictatoris sit: pareantq; ei c o s s. regia potestas, prætores iisdem auspicijs quibus c o s s. creati, æquum censeas nec ne magistrum equitum dicto audientem esse? itemq; illud interrogo, cum me incertis auspicijs profectum ab domo scirem, utrum mihi turbatis religionibus respub. in discrimen committenda fuerit? an auspicia repetenda, nequid dubijs dijs agerem? simul illud, quæ dictatori religio impedimento ad rem gerendam fuerit, num ea magister equitum solutus ac liber potuerit esse? Sed quid ego hæc interrogo? cum, si ego tacitus abissem, tamen tibi ad uoluntatis interpretationem meæ dirigenda tua sententia fuerit. quin tu respondes, uetuerim ne te quicquam rei me absente agere? uetuerim ne signa cum hostibus conferre? quo

re? quo tu imperio meo spreto, incertis auspicijs, turbatis religionibus, aduersus morem militarē, disciplinamq; maiorum, & nomen deorum, ausus es cum hoste conflagrare? Ad hæc, quæ interrogatus es, responde: extra ea caue uocem emittas. Accede lictor. Aduersus quæ singula Q. Fabio cum respondere haud facile esset, & nunc quereretur eundem accusatorem capitis sui, ac iudicem esse: modo uitam sibi eripi citius, quàm gloriam rerū gestarū posse uociferarctur: purgaretq; se inuicem, atq; ultro accusaret: tunc Papyrius redintegrata ira spoliari magistrum equitum, ac uirgas & secures expediri iussit. Fabius fidem militum implorans, lacerantibus uestem lictoribus ad triarios tumultū iam in concionē miscentes sese recepit. inde clamor in totam concionē est perlatus: alibi preces, alibi minæ audiebantur. qui proximi forte tribunali steterant, quia subiecti oculis imperatoris noscitari poterāt: orabāt ut parceret magistro equitum: neu cum eo exercitum damnamet. extrema concio, & circa Fabium globus increpabant inclementē dictatorem, nec procul seditione aberāt: Ne tribunal quidem satis quietū erat. legati circūstantes sellam orabant ut rem in posterum diem differret, & iræ suæ spatium, & cōsilio tēpus daret: satis castigatam adolescentiam Fabij esse: satis deformatam uictoriam: ne ad extremum finem supplicij tenderet: neu unico iuueni, neu patri eius clarissimo uiro, neu Fabiæ genti eam inureret ignominiam. cum parum precibus, parum causa proficerent: intueri se uidentem concionem iubebant: ita iritatis militum animis subdere ignem, ac materiam seditioni, non esse ætatis, nō prudentiæ eius: neminem id Q. Fabio pœnam deprecanti suam uitio uersurum, sed dictatori: si occæcatus ira infestam multitudinem in se prauo certamine mouisset

mouisset. Postremo ne id se gratiæ dare Q. Fabij crederet, se iusiurandum dare paratos esse: non uideri è repub. in Q. Fabium eo tempore animaduerti. His uocibus cū in se magis incitarent dictatorem, quàm magistro equitū placarent, iussi de tribunali descendere legati: & silentio nequicquam per præconem tentato cum præ strepitu ac tumultu nec ipsius dictatoris, nec apparitorum eius uox audiretur, nox uelut in prælio certamini finem fecit. magister equitum iussus postero die adesse, cum omnes affirmarent infestius Papyrium exarsurū agitatum contentione ipsa exacerbatumq; clām ex castris Romam profugit: et patre autore M. Fabio, qui ter iam c o s. dictatorq; fuerat, uocato extemplo senatu cum maxime conquereretur apud patres uim atq; iniuriam dictatoris, repēte strepitus ante curiam licitorū submouentium auditur: & ipse in sensus aderat, postquam cōperit profectum ex castris, cū expedito equitatu secutus. Iterata deinde contentio: & prehendi Papyrius Fabium iussit. ubi cum deprecantibus primoribus patrū, atq; uniuerso senatu perstaret in incepto immittis animus: tum pater M. Fabius, Quādoquidem, inquit, apud te nec autoritas senatus, nec ætas mea, cui orbem parat, nec uirtus nobilitasq; magistri equitum à te ipso nominati, ualet: nec preces, quæ sæpe hostem mitiga uere, quæ deorum iras placant: tribunos plebis appello: et prouoco ad populum: eumq; tibi fugienti exercitus tui, fugienti senatus iudicium iudicem fero: qui certe unus plus quàm tua dictatura potest polletq;. uidero cessurus ne pro uocationi sis, cui rex Romanus Tullus Hostilius cessit. Ex curia in cōtentionē itur. quò cum paucis dictator, cū omni agmine principum magister equitum cum ascendisset: deduci eum de rostris Papyrius in partem inferiorem iussit

iuſſit. ſecutus pater, Bene agis, inquit : cum eò nos deduci iuſſiſti, unde & priuati uocem mittere poſſemus. Ibi primo non tam perpetuæ orationes, quàm altercatio exaudiebantur. uicit deinde ſtrepitum uox & indignatio Fabij ſenis increpantis ſuperbiam crudelitatemq; Papyrij: ſe quoque dictatorem Romæ fuiſſe, nec à ſe quenquam ne plebis quidem hominem, non centurionem, non militem uiolatũ. Papyrium tanquam ex hoſtium ducibus, ſic ex Romano imperatore uictoriam & triumphum petere. Quantum intereſſet inter moderationem antiquorum, & nouam ſuperbiam crudelitatemq; dictatorem Quintium Cincinnatum in L. Minutium coſ. ex obſidione à ſe ereptum non ultrà ſcuiſſe, quàm ut legatũ eum ad exercitũ pro coſ. relinqueret. M. Furium Camillum in L. Furio, qui contempta ſua ſenectute & autoritate, ſœdiſſimo cum euentu pugnaſſet: non ſolum in præſentia moderatũ iræ eſſe, nequid de collega ſecus populo aut ſenatui ſcriberet: ſed cum reuertiffet, potiſſimum ex tribunis cõſularibus habuiſſe, quẽ ex collegis optione ab ſenatu data ſocium ſibi imperij delegerit. Nam populi quidem, penes quem poteſtas omniũ rerum eſſet, ne iram quidem unquam atrociorẽ fuiſſe in eos, qui temeritate atq; inſcitia exercitus amiſiſſet, quàm ut pecunia eos mulctaret: capite anquiſitum ob rem bello male geſtam de imperatore nullum ad eam diem eſſe: nunc ducibus populi Romani, quæ nec uictis quidem bello ſas fuerit, uirgas & ſecures uictoribus, & iuſtiſſimos meritis triumphos intentari. Quid enim tandem paſſurum fuiſſe filium ſuum, ſi exercitum amiſiſſet? ſi fuſus, fugatus, caſtris exutus fuiſſet? quò ultrà iram uiolentiamq; eius exceſſuram fuiſſe, quàm ut uerberaret necaretq;? Quàm cõueniens eſſe propter Q. Fabium ciuitatem in letitia, ui-

K

ctoria,

Gloria, supplicationibus, ac gratulationibus esse: eum, propter quem deum delubra pateant, aræ sacrificijs fument, honore, donis cumulentur: nudatum uirgis lacerari in conspectu populi Romani, intuentem Capitolium atq; arcem, deosq; ab se duobus prælijs haud frustra aduocatos? quo id animo exercitum, qui eius ductu auspicijsq; uicisset, laetum? quem luctum in castris Romanis, quam letitiã inter hostes fore? Hæc simul iurgans, querens, deum hominumq; fidem obtestans, & cõplexus filium plurimis cum lacrymis agebat. Stabat cum eo senatus maiestas, fauor populi, tribunitium auxiliũ, memoria absentis exercitus. Ex parte altera imperium inuictum populi Romani, & disciplina rei militaris, & dictatoris edictum pro numine semper obseruatum, & Manliana imperia, & posthabita filij charitas publicæ utilitati iactabantur. Hoc etiã L. Brutum conditorem Romanæ libertatis antea in duobus liberis fecisse. nunc patres comes, & senes faciles de alieno imperio spreto tanquam rei parvæ disciplinæ militaris euerse iuuentuti gratiam facere: se tamen perstaturum in incepto: nec ei, qui aduersus dictum suum turbatis religionibus, ac dubijs auspicijs pugnasset, quicquã ex iusta poena remissurũ. Maiestas imperij perpetua ne esset, non esse in sua potestate: L. Papyrium nihil de eius iure diminutum. optare ne potestas tribunitia inuiolata ipsa uiolet intercessione sua Romanum imperiũ: neu populus Romanus in se potissimum dictatorem & ius dictaturæ extinguat. Quod si fecisset, non L. Papyrium, sed tribunos, sed prauum populi iudicium nequicquam posteros accusaturos: cum polluta semel militari disciplina non miles centurionis, non centurio tribuni, non tribunus legati, non legatus c o s. non magister equitum dictatoris pareat imperio:

rio:

rio: nemo hominum, nemo decorum uerecundiam habeat, non edicta imperatorum, non auspicia obseruentur: sine comite uagi milites in pacato, in hostico errent, immines mores sacramenti, licentia sola se ubi uelint, exaurent: infrequentia deserantur signa, neq; cōueniatur ad edictū: nec discernatur, interdiu, nocte, a quo, iniquo loco, iussu, iniussu imperatoris pugnent: & nō signa, non ordines seruet: latrocinij modo ceca, & fortuita pro solēni & sacra ta, militia sit. Horū criminū uos reos in omnia secula offer te tribuni plebis: uestra obnoxia capita pro licentia Qu. Fabij obijcite. Stupentes tribunos, & suam iam uicem magis anxios, quā eius, cui auxilium ab se petebatur: libera uit onere consensus populi Romani ad preces & obtestationem uersus: ut sibi pœnam magistri equitum dictator remitteret. tribuni quoq; inclinatam rem in preces subsecuti, orare dictatorem insistūt, ut ueniam errori humano, ueniam adolescentiæ Qu. Fabij daret: satis cum pœnarum dedisse. iam ipse adolescens, iam pater M. Fabius contentionis obliti procumbere ad genua, & iram deprecari dictatoris. Tum dictator silentio facto, Bene habet, inquit, Quirites. uicit disciplina militaris: uicit imperij maiestas: quæ in discrimine fuerunt an ulla post hanc diē essent. non noxæ eximitur Qu. Fabius, qui contra edictum imperatoris pugnauit: sed noxæ damnatus donatur populo Romano: donatur tribunitiæ potestati, precarium non iustū auxilium ferenti. Viue Qu. Fabi felicior hoc consensu ciuitatis ad tuendū te, quā qua paulo antè exultabas uictoria: uiue id facinus ausus, cuius tibi ne parens quidē, si eodem loco fuisset, quo fuit L. Papyrius, ueniā dedisset. Mecū ut uoles reuerteris in gratiā: Pop. Romano, cui uitam debes, nihil maius præstiteris, q̄ si hic tibi dies satis documentum

XII

dederit, ut bello ac pace pati legitima imperia possis. Cum se nihil morari magistrum equitum pronunciaisset: digressum cum templo lætus senatus, lætior populus, circumfusi, ac gratulantes hinc magistro equitum, hinc dictatori profecuti sunt. firmatumq; imperium militare haud minus periculo Q. Fabij, quàm supplicio miserabili adolescentis Manlij uidebatur. Forte ita eo anno euenit, ut quotiescunque dictator ab exercitu recessit, hostes in Samnio mouerentur. ceterum in oculis exemplum erat Q. Fabius M. Valerio legato, qui castris præerat: ne quam uim hostium magis, quàm truce[m] dictatoris iram timeret. Itaq; frumentatores cum circũuenti ex insidijs cæsi loco iniquo essent: creditum uulgo est subueniri eis ab legato potuisse, ni tristia edicta exhorruisset. ea quoq; ira alienauit à dictatore militum animos, iam antè insensos: quòd implacabilis Q. Fabio fuisset: & quod suis precibus negasset, eius populo Romano ueniam dedisset. Postquam dictator præposito in urbe L. Papyrio Crasso magistro equitum, Q. Fabio uetito quicquã pro magistratu agere, in castra redijt: neque ciuib[us] satis lætus aduētus eius fuit: nec hostibus quicquam attulit terroris. Nanq; postero die seu ignari uenisse dictatorem, seu adesset an abesset parui facientes, instructa acie ad castra accesserunt. Ceterum tantum momenti in uno uiro L. Papyrio fuit, ut si ducis consilia fauor subsecutus militum foret, debellari eo die cum Samnitibus potuisse pro haud dubio habitũ sit: ita instruxit aciem loco, ac subsidijs ita omni arte bellica firmauit. Cessatum à milite: ac de industria, ut obrectaretur laudibus ducis, impedita uictoria est. Plures Samnitium cecidere: plures Romani uulnerati sunt. Sensit peritus dux quæ res uictoriæ obstaret: temperandum ingenium suum esse, & seueritatem

miscen

miscendam comitati. itaq; adhibitis legatis ipse circum saucios milites inferens in tentoria caput, singulos ut sese haberet rogitans, curam eorum nominatim legatis, tribunisq; et praefectis demandabat: rem per se popularem ita dexter egit, ut medendis corporibus animi multo prius militum imperatori reconciliarentur: nec quicquam ad salubritatem efficacius fuerit, quam quod grato animo ea cura accepta est. Resecto exercitu cum hoste congressus haud dubia spe sua militumq; ita fudit fugauitq; Samnites, ut ille ultimus eis dies conferendi signa cum dictatore fuerit. Incessit deinde qua duxit praedae spes, uictor exercitus: perlustrauitq; hostium agros, nulla arma, nullam uim nec apertam, nec insidijs expertus. Addebat alacritatem, quod dictator praedam omnem edixerat militibus: nec ira magis publica, priuatum compendium in hostem acuebat. His cladibus subacti Samnites pacem a dictatore petiere: cum quo pacti, ut singula uestimenta militibus, et annuum stipendium darent: cum ire ad senatum iussi essent, secuturos se dictatorem responderunt, unius eius fidei, uirtutiq; causam suam commendantes. ita deductus ex Samnitibus exercitus. Dictator triumphans urbem est ingressus: et cum se dictatura abdicare uellet, iussu patrum prius quam abdicaret, coss. creauit C. Sulpitium Longum iterum, Q. Aemylum Caretanum. Samnites infecta pace, quia de conditionibus agebatur, inducias annuas ab urbe retulerunt: nec earum ipsarum sancta fides fuit, adeo postquam Papyrium abisse magistratu nunciatum est, arrepti ad bellandum animi sunt. C. Sulpitio, Q. Aemilio (Aulium quidam annales habent) coss. ad defectionem Samnitium Apulum nouum bellum accessit. utroque exercitus missi. Sulpitio Samnites, Apuli Aemilio sorte euenerunt. Sunt qui non ipsis Apu-

lis bellum illatū, sed socios eius gentis populos ab Samnitium ui atque iniurijs defensos scribant. Caterum fortuna Samnitium uix à se ipsis eo tempore propulsantium bellum, propius ut sit uero facit, non Apulis ab Samnitibus arma illata, sed cum utraq; simul gente bellū Romanis fuisse. Nec tamē res ulla memorabilis acta: ager Apulus, Samniniumq; euastatum: hostes nec hic nec illic inuēti. Romæ nocturnus terror ita ex somno trepidam repente ciuitatem exciuit, ut Capitolium atq; arx, mœniāq; & portæ plena armatorum fuerint. & cum concursatum, clamatumq; ad arma omnibus locis esset: prima luce nec autor, nec causa terroris comparuit. Eodem anno de Thusculanis Flauia rogatione populi fuit iudicium. M. Flavius Tr. pleb. tulit ad populum ut in Thusculanos animaduertetur: quorum ope ac consilio Veliterni Priuernatesq; populo Romano bellum fecissent. Populus Thusculanus cum iugibus ac liberis Romam uenit: ea multitudo ueste mutata, & specie reorum tribus circuit, genibus se omnium aduoluens. Plus itaq; misericordia ad pœnæ ueniam impetrandam, quàm causa ad crimen purgandum ualuit. Tribus omnes, præter Polliam antiquarunt legem. Polliæ sententia fuit, puberes uerberatos necari: coniuges, liberosq; sub corona lege belli uenire: memoriamq; eius iræ Thusculanis in pœnæ tam atrocis autores mansisse ad patrum ætatem constat: nec quenquam ferme ex Pollia tribu candidatum Papyriam ferre solitum. Insequenti anno Qu. Fabio, L. Fulvio c o s s. A. Cornelius Aruina dictator, & M. Fabius Ambustus magister equitum metu grauioris in Samnio belli (conducta enim pretio à finitimis iuuetus dicebatur) intentiore delectu habito egregium exercitū aduersus Samnites duxerunt: castra in hostico incuriose ita posita

posita, tanquam procul abesset hostis: cum subito aduenire Samnitium legiones tanta ferocia, ut uallum usq; ad stationem Romanam inferrent. nox iam appetebat: id prohibuit munimenta adoriri, nec dissimulabant orta luce postero die facturos. Dictator ubi propiorem spe dimicationem uidit: ne militū uirtuti damno locus esset, ignibus crebris relictis, qui conspectum hostium frustrarentur, silentio legiones educit: nec tamen fallere propter propinquitatem castrorum potuit. eques extemplo insecutus ita institit agmini, ut donec lucesceret, praelio abstineret: nec pedes quidem copiae ante lucem castris egressae. Eques lucem ausus incurfare in hostem, carpendo nouissimos, premendoq; iniquis ad transitum locis agmē detinuit. interim pedes equitem affecutus: & totis iam copiis Samnis urgebat. Tum dictator postquam sine magno incommodo progredi non poterat: eum ipsum, in quo constiterat, locū castris dimetari iussit. Id uero circumfuso undiq; equitatu, ut uallum peteretur, opusq; inciperet, fieri non poterat. Itaque ubi neq; eundi, neq; manendi copiam esse uidet: instruit aciem impedimētis ex agmine remotis: instruunt cōtrā & hostes, & animis & uiribus pares. auxerat id maxime animos, quòd ignari loco iniquo non hosti cessum, uelut fugientes ac territos terribiles ipsi secuti fuerant. Id aliquandiu aequauit pugnam, iam pridem desueto Samnite clamorem Romani exercitus pati. At Hercule illo die ab hora dici tertia ad octauam ita anceps dicitur certamen stetiisse, ut neque clamor ut primo semel concursum est sublatus, iteratus sit: neq; signa promota loco, retrò uerecepta: neque recursum ab ulla sit parte. in suo quisq; gradu obnixi, urgentes scutis sine respiratione, ac respectu pugnabant. fremitus aequalis tenorq; idem pugnae in de-

fatigationem ultimam, aut noctem spectabat. Iam uiris
 uires, iam ferro sua uis, iam consilia ducibus deerant: cum
 subito Samnitium equites cum turma una longius profe-
 cta accepissent impedimenta Romanorū procul ab arma-
 tis sine præsidio, sine munimento stare, auiditate prædæ
 impetum faciūt. Quod ubi dictatori trepidus nuncius at-
 tulit: sine modo, inquit, sese præda præpediant. alij deinde
 super alios diripi passim, ferriq; fortunas militum uocife-
 rabatur. Tum magistro equitum accito, Vides tu, inquit,
 M. Fabi ab hostium equite ommissam pugnam? hærent im-
 pediti impedimentis nostris: aggredere (quod inter præ-
 dandum omni multitudini euenit) dissipatos: raros equis
 insidētes, raros quibus ferrū in manu sit, inuenies: equosq;
 dum præda onerant, cæde inermes: cruentamq; illis prædā
 reddere. mihi legiones, peditumq; pugna curæ erunt: penes
 te equestre sit decus. Equitum acies qualis quæ esse in-
 structissima potest, inuecta in dissipatos impeditosq; ho-
 stes cæde omnia replet. inter sarcinas ommissas repente ob-
 iacentes pedibus fugientium, consternatorumq; equorum
 neq; pugnae, neq; fuga satis potentes cæduntur. Tum de-
 leto propè equitatu hostium M. Fabius circumductis pau-
 lulum alis ab tergo pedestrem aciem adoritur. clamor inde
 nouus accidens & Samnitium animos terruit: & dictator
 ubi respectantes hostium antesignanos, turbataq; signa,
 & fluctuantem aciem uidit: tum appellare, tum adhortari
 milites: tribunos, principesq; ordinum nominatim ad ite-
 randam secum pugnam uocare. Nouato clamore signa infe-
 runtur, & quicquid progrediebantur, magis magisq; tur-
 batos hostes cernebant. Eques ipse iam primis erat in con-
 spectu: & Cornelius respiciēs ad manipulos militū, quod
 manu, quod uoce poterat, monstrabat: uexilla se suorum,
 parmasq;

parmasq; cernere equitum. Quod ubi auditum, simulq;
 uisum est, adeo repente laboris per diem penè totum tole=
 rati, uulnerūq; obliti sunt, ut haud secus quàm si tum in=
 tegri è castris signum pugnae accepissent, concitauerint se
 in hostem. nec ultra Samnis tolerare terrorem equitum,
 peditumq; uim potuit: partim in medio caesi, partim in fu=
 gam dissipati sunt. pedes restantes, ac circumuentos ceci=
 dit: ab equite fugientium strages est facta: inter quos &
 ipse imperator cecidit. Hoc demum prælium Samnitium
 res ita infregit, ut omnibus consilijs fremerent minime id
 quidem mirum esse, si impio bello, & contra fœdus susce=
 pto infestioribus merito dijs, quàm hominibus nihil pro=
 sperare agerent: expiandum id bellum magna mercede, lu=
 endumq; esse. id referre tantū, utrum supplicia noxio pau=
 corum, an omniū innoxio præbeant sanguine: audebantq;
 iam quidam nominare autores armorum. unum maxime
 nomen per consensum clamantium Brutuli Papij exaudie=
 batur. Vir nobilis, potensq; erat, haud dubie proximarū
 induciarum ruptor. de eo coacti referre prætores decretū
 fecerunt ut Brutulus Papius Romanis dederetur: & cum
 eo præda omnis Romana, captiuiq; ut Romam mitteren=
 tur: quæq; res per fœciales ex fœdere repetitæ essent, se=
 cundum ius fasq; restituerentur. Fœciales Romam ut cen=
 suerunt missi: & corpus Brutuli exanime: ipse morte uo=
 luntaria ignominia se, ac supplicio subtraxit: placuit cum
 corpore bona quoque eius dedi. nihil tamen earum rerum
 præter captiuos, ac siqua cognita ex præda sunt, acce=
 ptum est: cæterarum rerum irrita fuit deditio. dictator ex
 S.C. triumphauit. Hoc bellum à c o s s. bellatum quidam
 autores sunt: eosq; de Samnitibus triumphasse: Fabiū etiā
 in Apuliā processisse, atq; inde magnas prædas egisse. nec

discrepat quin dictator eo anno A. Cornelius fuerit. id ambigitur: belli ne gerendi causa creatus sit: an ut esset qui ludis Romanis, quia L. Plautius praetor graui morbo forte implicitus erat: signū nuttendis quadrigis daret: functusq; eo haud sanè memorandi imperij ministerio se dictatura abdicaret. nec facile est aut rem rei, aut autorem auctori praeferre. Vitiata memoria funebribus laudibus reor, falsisq; imaginum titulis: dum familia ad se quæque famam rerum gestarum, honorumq; fallente mendacio trahunt: inde certe & singulorum gesta, & publica monumenta rerum confusa. nec quisquam æqualis temporibus illis scriptor extat, quo satis certo autore stetur.

D E C A D I S I:

L I B E R I X.



SEQVITVR hunc annum nobilis clade Romana Caudina pax T. Veturio Caluino, Sp. Posthumio coss. Samnites eo anno imperatorē C. Pontium Herennij filium habuerunt patre longe prudētissimo natum, primum ipsum bellatorem, ducemq;. Is, ubi legati, qui ad dedēdas res missi erant, pace infecta redierunt: Ne nihil actum, inquit, hac legatione censeatis, expiatum est quicquid ex fœdere rupto irarū in nos cœlestiū fuit. Satis scio, quibusq; dijs cordi fuit subigi nos ad necessitatem dedendi res, quæ à nobis ex fœdere repetitæ fuerāt, ijs non fuisse cordi tam superbe ab Romanis fœderis expiationē spretam. Quid enim ultra fieri ad placādos deos, mitigādosq; homines potuit, quam quod nos fecimus? Res hostiū in praeda captas, quæ belli iure nostræ uidebantur, remisimus: auto

mus: autores belli, quia uiuos nō potuimus, perfunctos iam
fato dedimus: bona eorum nequid ex contagione noxæ re=
maneret penes nos, Romam portauimus. Quid ultra tibi
Romane, quid fœderi, quid dijs arbiuris fœderis debeo?
quē tibi tuarum irarum, quem meorum suppliciorū iudi=
cem seram? neminē neq; populū, neq; priuatū fugio. Quod
si nihil cum potentiore iuris humani relinquitur inopi: at
ego ad deos uindices intolerandæ superbix confugiā: &
precabor ut iras suas uertant in eos, quibus nō suæ redditæ
res, non alienæ accumulatæ satis sint: quorum sæuitiā non
mors noxiorū, non deditio exanimatorū corporū, non bo=
na sequentia domini deditiōē exatiant: placari neque=
ant, nisi hauriendū sanguinem, laniandaq; uiscera nostra
præbuerimus. Iustum est bellum Samnites, quibus neces=
sarium: & pia arma, quibus nulla nisi in armis relinqui=
tur spes. Proinde cum rerum humanarū maximū momen=
tum sit quàm propitijs rem, quàm aduersis agāt dijs: pro=
certo habete priora bella aduersus deos magis, quam ho=
mines gessisse: hoc, quod instat, ducibus ipsis dijs gesturos.
Hæc non leta magis, quàm uera uaticinatus, exercitu edu=
cto circa Caudium castra quàm potest occultissime locat:
inde ad Calatiam, ubi iam coss. Romanos, castraq; esse
audiebat, milites decē pastorū habitu mittit: pecoraq; di=
uersos alium alibi haud procul Romanis pascere iubet
præsidijs: ubi inciderint in prædatores, ut idem omnibus
sermo constet: legiones Samnitium in Apulia esse: Luceriā
omnibus copijs circumfedere: nec procul abesse, quin ui ca=
pian. Iam & is etiam rumor antè de industria uulgatus
uenerat ad Romanos: sed fidē auxere captiui, eo maxime,
quòd sermo inter omnes cōgruebat. Haud erat dubiū quin
Lucerinis opem Romanus ferret, bonis ac fidelibus socijs:
simul

simul ne Apulia omnis ad præsentem terrorem deficeret.
 ea modo, quæ irent, consultatio fuit. Duæ ad Luceriam fe=
 rebant uia: altera præter oram superi maris patens aper=
 taq; sed quæto tutior, tanto ferè longior: altera per Fur=
 culas Caudinas breuior. sed ita natus locus est. saltus duo
 alti, angusti syluosiq; sunt, mōtibus circa se perpetuis in=
 ter se iuncti: iacet inter eos satis patens clausus in medio
 campus, herbidus, aquosusq;: per quem medium iter est. sed
 antè quàm uenias ad eum, intrandæ primæ angustiae sunt:
 et aut eadem, qua te insinuaueris, retro uia repetenda: aut
 si ire porrò pergas, per alium saltum arctiorè, impeditio=
 remq; euadendum. In eum campum uia alia per cauam ru=
 pem Romani demisso agmine, cum ad alias angustias pro=
 tinus pergerent: septas deiectu arborum, saxorumq; ingē=
 tium obiacentem molem inuenire. cum fraus hostilis appa=
 ruisset: præsidium etiam in summo saltu conspicitur: citati
 inde retro, quæ uenerant, pergunt repetere uiam: eam
 quoq; clausam sua obice, armisq; inueniunt. sistunt inde
 gradum sine ullius imperio. stuporq; omnium animos, ac ue=
 lut torpor quidam insolitus membra tenet: intuentesq; al=
 lij alios, cum alterum quisque magis mentis compotem ac
 consilij ducerent, diu immobiles silent. deinde ubi præto=
 ria consulum erigi uidere, et expedire quosdam utilia o=
 peri: quanquam ludibrio fore munientes perditis rebus, ac
 spe omni adempta cernebant: tamen ne culpam malis adde=
 rent, pro se quisq; nec hortante ullo, nec imperate ad mu=
 niendum uersi castra propter aquam uallo circūdant, sua
 ipsi opera, laboremq; irritū, præterquàm quòd hostes su=
 perbe increpabant, cum miserabili confessione eludentes.
 ad coss. mæstos ne aduocantes quidē in consiliū, quādo
 nec cōsilio nec auxilio locus esset, sua spōte legati ac tri=
 buni

buni cōueniunt: militesq; in prætorium uersi opem, quam uix dii immortales ferre poterant, ab ducibus exposcunt. Querentes magis, quàm consultantes nox oppressit. cum pro ingenio quisq; fremerent: alius, per obices uiarū, alius per diuersa montium, per syluas, quæ ferri arma poterāt, eamus: modo ad hostem peruenire liceat, quem per annos iam propè xxx. uincimus, omnia æqua ac plana erūt Romano in perfidum Samnitē pugnanti. alius, quò, aut quā eamus? num mōtes moliri sede sua paramus? dum hæc imminebunt iuga, quā tu ad hostem uenies? armati, inermes, fortes, ignaui pariter omnes capti, atq; uicti sumus. ne ferum quidem ab bene moriendū oblaturus est hostis: sedens bellū conficiet. His inuicē sermonibus quā cibi, quā quietis immemor nox traducta est. Ne Sannitibus quidem consilium in tam letis suppetebat rebus. itaq; uniuersi Herennium Pontium patrem imperatoris per literas consulendū censent. Iam is grauior annis nō militaribus solū, sed ciuilibus quoq; abscefferat muneribus: in corpore tamen affecto uigebat uis animi, consilijq;. Is ubi accepit ad Furculas Caudinas inter duos saltus clausos exercitus Romanos: consultus ab nuntio filij censuit omnes inde quàm primū inuiolatos dimittendos. quæ ubi spreta sententia est: iterumq; eodem remeante nuntio cōsulebatur: censuit ad unū omnes interficiendos. Quæ ubi tam discordia inter se uelut ex ancipiti oraculo responsa data sunt: quāquam filius ipse in primis iam animū quoq; patris consenuisse in affecto corpore rebatur: tamen consensu omnium uictus est ut ipsum in consiliū acciret. Nec grauatus senex plaustro in castra dicitur aduectus, uocatusq; in consiliū ita ferme locutus esse, ut nihil sententiæ suæ mutaret, causas tantū adijceret. Priore se cōsilio, quod optimū duceret, cum potētissimo po

simo populo per ingens beneficiū perpetuam firmare pacem, amicitiamq; altero consilio, in multas ætates, quibus amissis duobus exercitiis haud facile receptura uires Romana res, bellum differre. tertium nullum consilium esse. Cum filius alijq; principes percunctando exquireret, quid si media uia consilium caperetur? ut & dimitterentur incolumes, & leges ijs iure belli uictis imponerentur? Ista quidem sententia, inquit, ea est, quæ neq; amicos parat, neq; inimicos tollit: seruate modo, quos ignominia irritaueritis. Ea est Romana gens, quæ uicta quiescere nesciat: uiuet semper in pectoribus illorum quicquid istuc præsens necessitas inusserit: neq; eos antè multiplices pœnas expectitas à uobis quiescere sinet. Neutra sententia accepta, Herēnius domum è castris est auēctus. Et in castris Romanis cum frustra multi conatus ad erumpendū capti essent, & iam omnium rerum inopia esset, uicti necessitate legatos mittunt, qui primum pacem equā peterent: si pacem non impetrarēt, uti prouocarent ad pugnam. Tum Pontius debellatū esse respondit: & quoniam ne uicti quidem ac capti fortunā fateri scirent, inermes cum singulis uestimentis sub iugum missurum: alias condiciones pacis equas uictis ac uictoribus fore: si agro Samnitium decederetur, colonie abducerentur, suis deinde legibus Romanum ac Samnitē equo fœdere uicturum. His conditionibus paratum se esse fœdus cum COSS. ferire: siquid eorum displiceat, legatos iam redire ad se uetuit. Hæc cum legatio renuntiaretur, tantus genitus omniū subito exortus est, tantq; mœstitia incescit, ut nō grauius accepturi uiderētur, si nuntiaretur omnibus eò mortem oppetendā esse. Cum diu silentiū fuisset: nec COSS. aut pro fœdere tam turpi, aut cōtra fœdus tam necessariū hiscere possent: tum L. Lentulus, qui

lus, qui tum princeps legatorū uirtute atq; honoribus erat: Patrē meū, inquit, coss. sæpe audiui memorantē, se in Capitolio unum non fuisse autorem senatui redimendæ auro à Gallis ciuitatis: quando nec fossa ualloq; ab ignauissimo ad opera ac muniendū hoste clausi essent: & erumpere si non sine periculo magno, tamen sine certa perniciē possent. Quod si, ut illis decurrere ex Capitolio armatis in hostē licuit, quo sæpe modo obseſi in obſidentes eruperunt: ita nobis æquo aut iniquo loco dimicandi tantummodo cum hoste copia esset: non mihi paterni animi indoles in consilio dando deesset. Equidem mortem pro patria præclarā esse fateor: & me uel deuouere pro populo Romano legionibusq; uel in medios me mittere hostes paratus sum: sed hic patriam uideo: hic quicquid Romanarum legionum est: quæ nisi pro se ipsis ad mortē ruere uolunt, quid habent quod morte sua seruent? tecta urbis dicat aliquis, & mœnia, & eam turbam, à qua urbs incolitur. imò hercule produntur magis omnia deleta hoc exercitu, non seruantur. quis enim ea tucbitur? imbellis uidelicet atque inermis multitudo? tam hercule, quàm à Gallorum impetu defendit. an à Veijs exercitum, Camillumq; ducem implorabunt? Hic omnes spes opesq; sunt: quas seruando, patriam seruamus: dedendo ad necem, patriam deserimus, ac prodimus. At fœda atque ignominiosa deditio est: sed ea charitas patriæ est, ut tam ignominia eam, quam morte nostra, si opus sit, seruemus. Subeatur ergo ista quantacunq; est indignitas: & pareatur necessitati, quam ne dii quidem superant. Ite coss. redimite armis ciuitatem, quam auro maiores uestri redemerunt. coss. profecti ad Pontiū in colloquiū, cū de fœdere uictor agitaret: negarunt iniussu populi fœdus fieri posse:
nec sine

nec sine fœcialibus, cœrimoniâq; alia solenni. Itaque non ut uulgo credunt, Claudiusq; etiam scribit, fœdere pax Caudina, sed per sponſionem facta est. quid enim aut sponſoribus in fœdere opus eſſet, aut obſidibus, ubi precatione res tranſigitur? per quem populum fiat quo minus legibus dictis ſtetur: ut eum ita Iupiter feriat, quemadmodum à fœcialibus porcus feriatur? Sponſponderunt Coss. legati, quæſtores, tribuni militum: nominaq; omnium, qui ſponſponderunt extant: ubi ſi ex fœdere acta res eſſet, præterquam duorum fœcialium non extarent. & propter neceſſariam fœderis dilationem obſides etiam D. C. equites imperati: qui capite luerent, ſi pacto non ſtaretur. tempus inde ſtatutum tradendis obſidibus, exercituq; inermi mittendo. Redintegravit luctum in caſtris conſulum aduentus: ut uix ab ijs abſtinerent manus, quorum temeritate in eum locum deducti eſſent: quorum ignauia fœdus inde, quàm ueniſſent, abituri. illis non ducem locorum, non exploratorem fuiſſe: belluarum modo cæcos in foueam miſſos. alij alios intueri: contemplari arma mox tradenda, & inermes futuras dexteras, obnoxiaq; corpora hoſti. Proponere ſibi metipſi ante oculos iugum hoſtile, & ludibria uiſtoris, & uultus ſuperbos, & per armatos inermium iter. inde fœdi agminis miſerabilem uiam, per ſociorum urbes reſcitum in patriam, ac parentes: quò ſæpe ipſi, maioresq; eorum triumphantes ueniſſent. Se ſolos ſine uulnere, ſine ferro, ſine acie uiſtos: ſibi non ſtringere licuiſſe gladios, non manum cum hoſte conferre: ſibi nequicquam arma, nequicquam uires, nequicquam animos datos. Hæc fremētibus hora fatalis ignominie aduenit, omnia triſtiora experiendo factura, quàm quæ præceperant animis. Iam primum cum ſingulis uestimētis inermes

incrimines extra uallum exire iussi: & primi traditi obsides, atq; in custodiam abducti. Tum à c o s s. abire lictores iussi: paludamentaq; detracta tantam inter ipsos, qui paulò antè eos execrantes, dedendos lacerandosq; censuerāt, miserationem fecit: ut suæ quisq; conditionis oblitus ab illa deformatione tantæ maiestatis uelut ab nefando spectaculo auerteret oculos. Primi c o s s. propè semunudi sub iugum missi: tum ut quisq; gradu proximus erat, ita ignominie obiectus: tum deinceps singulæ legiones. circumstantibus armatis hostes exprobrantes, eludentesq; : gladij etiā plerisq; intentati: & uulnerati quidam, necatiq; , si uultus eorum indignitate rerum acrior uictorem offendisset. ita traducti sub iugum, & (quod penè grauius erat) per hostium oculos, cum ex saltu euasissent: etsi uelut ab inferis extracti tum primum lucem aspicere uisi sunt, tamen ipsa lux ita deforme intuentibus agmē omni morte tristior fuit. Itaq; cum ante noctem Capuam peruenire possent, incertati de fide sociorum, et quòd pudor præpediebat, circa uia haud procul Capua omnium egena corpora humi prostrauerunt. Quod ubi est Capuam nūtiatum: euicit misratio iusta sociorum, superbiam ingenitam Campanis. confestim insignia sua c o s s. fasces, lictores, arma, equos, uestimenta, commeatus militibus benigne mittunt: & uenientibus Capuam cunctus senatus, populusq; obuiam egressus, iustis omnibus hospitalibus, priuatisq; & publicis fungitur officijs: neq; illis sociorum comitas, uultusq; benigni, & alloquia non modo sermonē elicere, sed ne ut oculos quidem attollerent, aut consolantes amicos contrā intuerentur, efficere poterant, adeo super mœrorem pudor quidā effugere colloquia & coctus hominum cogebat. Postero die cum iuuenes nobiles missi à Capua ut proficiscētes ad

L finem

finem Campanum prosequerentur, reuertissent: uocatiq;
 in curiam percunctantibus maioribus natu multo sibi moe-
 stiores & abiectiores animi uisos referrent: adeo silens, ac
 propè mutum agmen incesisse: tacere indolem illam Ro-
 manam: ablatosq; cum armis animos: non reddere salutē,
 non salutantibus dare responsum: non hiscere quenquam
 præ metu potuisse: tanquam ferentibus adhuc ceruicibus
 iugum, sub quod emissi essent. Habere Samnites uictoriam
 non præclaram solum, sed etiam perpetuam: cepisse enim
 eos non Romam, sicut antè Gallos: sed, quod multo belli-
 cosius fuerit, Romanam uirtutem, ferociamq;. Cum hæc di-
 crentur, audirenturq;: & deploratum penè Romanum
 nomen in consilio sociorum fidelium esset: dicitur Offilius
 Calauius Ouij filius, clarus genere factisq;, tum etiam æta-
 te uerendus, longe aliter se habere rem dixisse: silentiū il-
 lud obstinatum, fixosq; in terram oculos, & surdas ad o-
 mnia solatia aures, & pudorem intuendæ lucis, ingentem
 molcm irarum ex alto animo cientis indicia esse: aut se Ro-
 mana ignorare ingenia: aut silentiū illud Samnitibus fle-
 biles breui clamores gemitusq; excitaturum: Caudinæq;
 pacis aliquanto Samnitibus quàm Romanis tristiorē me-
 moriam fore. quippe suos quēq; eorū animos habiturum,
 ubicunq; congressuri sint: saltus Caudinos non ubiq; Sa-
 mnitibus fore. Iā & Romæ sua infamis clades erat. obses-
 sos primū audierūt: tristior deinde ignominiosæ pacis ma-
 gis, quàm periculi nūtiū fuit. Ad famā obsidionis delectus
 haberi cœptus erat: dimissus deinde auxiliorū apparatus,
 postquā deditionē tam fœde factam acceperūt: extēploq;
 sine ulla publica autoritate concessum in omnem formam
 luctus est. Tabernæ circa forum clausæ: iustitium que in
 foro sua sponte cœptum prius, quàm indictum: lati cla-

ui, annuli aurei positi: penè mæstior exercitu ipso ciuitas
 esse: nec ducibus solum atque autoribus, sponsoribusq; pa-
 cis irasci: sed innoxios etiam milites odisse: & negare ur-
 be tectis uel accipiendos. Quam concitationem animorum
 fregit aduentus exercitus, etiam iratis miserabilis. nō enim
 tanquam in patriam reuertentes ex insperato incolumes,
 sed captorum habitu uultuq; ingressi sero in urbem ita se
 in suis quisque tectis abdiderunt, ut postero, atq; insequen-
 tibus diebus nemo eorum forum aut publicum aspicere
 uellet. Cōsules in priuato abditi nihil pro magistratu age-
 re, nisi quod expressum senatus consulto est, ut dictatorem
 diccerent comitiorum causa. Q. Fabium Ambustum dixe-
 runt, & P. Aelium Patum magistrum equitum. quibus ui-
 tio creatis suffecti M. Aemilius Pappus dictator, L. Vale-
 rius Flaccus magister equitum. nec per eos comitia habita:
 & quia tædebat populum omnium magistratuū eius an-
 ni, res ad interregnum redijt. interreges Q. Fabius Maxi-
 mus, M. Valerius Corvinus. is c o s s. creauit Q. Publū
 Philonem, & L. Papyrium cursorem iterum, haud dubio
 cōsensu ciuitatis, quod nulli ea tempestate duces clariores
 essent. Quo creati sunt die, eo (sic enim placuerat patri-
 bus) magistratum inierunt, solennibusq; S C. perfectis, de
 pace Caudina retulerūt. & Publius, penes quē fasces erāt:
 Dic Spuri Posthumi, inquit. Qui ubi surrexit, eodē illo uul-
 tu, quo sub iugum missus erat, Haud sam ignarus, inquit,
 c o s s. ignominia, nō honoris causa me primū excitatū:
 iussūq; dicere nō tanquā senatorē, sed tanquā reum quā
 infellicis belli, quā ignominiosæ pacis. ego tamē, quādo ne-
 que de noxa nostra, neq; de pœna retulistis: omīssa defen-
 sione, quæ nō difficilima esset apud haud ignaros fortuna-
 rū humanarū, necessitatūq; sententiā de eo, de quo retulistis

paucis peragam: quæ sententia testis erit mihi ne, an legionibus uestris pepercerim: cum me seu turpi, seu necessaria sponsione obstrinxi: qua tamen, quando iniussu populi facta est, non tenetur populus Romanus: nec quicquā ex ea, præter quàm corpora nostra, debentur Samnitibus. Deducamur per sociates nudi uincti quique: exoluamus religionem populum, si qua obligauimus: nequid diuini, humani uel obstat, quo minus iustum piumque: de integro ineatur bellum, interea COS S. exercitum scribere, armare, educere placet: nec prius ingredi hostium fines, quàm omnia iusta in deditiōem nostrā perfecta erunt. Vos dii immortales precor, quæsoque, si uobis non fuit cordi Sp. Posthumium, T. Veturium COS S. cum Samnitibus prospere bellum gerere: at uos satis habeatis uidisse nos sub iugum missos: uidisse sponsione infamī obligatos: uidere nudos uinctosque: hostibus deditos, omnem iram hostium nostris capitibus excipientes: nouos COS S. legionesque: Romanas ita cum Samnite gerere bellū uelitis, ut omnia ante nos consules bellica gesta sunt. Quæ ubi dixit, tanta simul admiratio miseratioque: uiri incessit homines, ut modo uix crederent illum eundem esse Sp. Posthumium, qui autor tam foedæ pacis fuisset: modo miseraretur quod uir talis etiam præcipuum apud hostes supplicium passurus esset ob iram diremptæ pacis, cum omnes laudibus modo prosequentes uirum in sententiam eius pedibus irent: tentata paulisper intercessio est ab L. Liuiο, & Q. Melio Tr. pl. qui neque exolui religionem populum aiebant deditiōe sua, nisi omnia Samnitibus qualia apud Caudium fuissent, restituerentur: neque se pro eo, quod spondendo pacem seruassent exercitum populi Romani, poenam ullam meritos esse: neque ad extremum cum sacrosancti essent, dedi hostibus, uiolari uel posse.

Tum

Tū Posthumius, Interea dedite, inquit, profanos nos, quos salua religione potestis: dedetis deinde & istos sacrosanctos, cum primum magistratu abierint: sed, si me audiat, prius q̄ dedatur, hic in comutio uirgis casos, hāc iam ut intercalatæ pœnæ usurā habeant. Nā quod deditione nostra negāt exolui religione populū: id istos magis ne dedatur, quam quid ita se res habeat, dicere quis adeo iuris fœcialiū expers est, qui ignoret? neq; ego inficias eo patres cōscripti, tam spōsiones, q̄ fœdera sancta esse apud eos homines, apud quos iuxta diuinas religiones fides humana colitur: sed iniussu populi nego quicquā sanciri posse, quod populum teneat. An si eadem superbia, qua spōsionem istā expresserunt nobis Samnites, coëgissent nos uerba legitima dedentium urbes nuncupare: deditum populum Romanū uos tribuni diceretis? & hanc urbem, templā, delubra, fines, aquas Samnitium esse? omitto deditionem, quoniam de spōsione agitur. Quid tandem, si spopondissemus urbem hanc relicturum populum Romanum? si incēsurum? si magistratus, si senatum, si leges non habiturum? si sub regibus futurum? Dij meliora, inquis. atqui non indignitas rerum spōsionis uinculum leuat. Siquid est, in quo obligari populus possit, in omnia potest. & ne illud quidem, quod quosdam forsitan moueat, refert: c o s. an dictator, an prætor spoponderit. & hoc ipsi etiam Samnites iudicauerunt: quibus non fuit satis c o s. spondere, sed legatos, quæstores, tribunos malitum spondere coëgerūt. Nec à me nunc quisquam quæsiuerit quid ita spoponderim: cum id nec consulis ius esset: nec illis spondere pacem, quæ mei non erat arbitrij: nec pro uobis, qui nihil mandaueratis, possem. Nihil ad Caudium patres conscripti humanis consilijs gestum est: dij immortales & uestris, & ho-

stium imperatoribus mentem ademerunt: nec nos in bello satis cauimus: & illi male partam uictoriam male perdidērunt: dum uix locus, quibus uicerant, credunt: dum quacumque conditione arma uiris in arma natis auferre festinant. An si sana mens fuisset, difficile illis fuit, dum senes ab domo ad consultandum accersunt, nuttere Romam legatos? cum senatu, cum populo de pace, ac sœdere agere: tridui iter expeditis erat, interea in inducijs res fuisset: donec ab Roma legati aut uictoriam illis certam, aut pacē afferrent, ea demum sponsio esset, quam populi iussu spondidissimus, sed neque uos tulissetis, nec nos spondidissimus: nec fas fuit alium rerum exitum esse, quam ut & illi uelut somnio letiore, quam quod mentes eorum capere possent, nequicquam eluderentur: et nostrum exercitum eadē quæ impedierat fortuna, expediret: uanam uictoriam uanior irritam faceret pax: sponsio interponeretur, quæ neminem præter sponsorem, obligaret. Quid enim uobiscum patres conscripti? quid cum populo Romano actum est? quis uos appellare potest? quis se à uobis dicere deceptum? hostis? an ciuis? hosti nihil spondidistis: ciuem neminem spondere pro uobis iussistis, nihil ergo uobis, nec nobiscum est, quibus nihil mandastis: nec cum Samnitibus, cum quibus nihil egistis. Samnitibus sponsores nos sumus rei satis locupletes in id, quod nostrum est: in id, quod præstare possumus, corpora nostra, & animos: in hæc seuiant: in hæc ferrum, in hæc iras acuant. Quod ad tribunos plebis attinet: consulite utrum præsens deditio eorum fieri possit: an in diē differatur: nos interim T. Veturi, uosque ceteri uilia hæc capita luendæ sponsonis seramus, & nostro supplicio liberemus Romana arma. Mouit patres conscriptos tum causa, tum auctor: nec ceteros solum, sed tribunos etiam

etiam plebis, ut se in senatus dicerent fore potestate. magistratu inde se ex templo abdicauerunt: traditi que foederalibus cum cæteris Caudium ducendi. Hoc facto senatus consulto lux quædam affulsisse ciuitati uisa est: Posthumius in ore erat: cum laudibus ad cælum ferebant: deuotioni P. Decij COS. alijs claris facinoribus æquabant: emeruisse ciuitatem ex obnoxia pace illius consilio, et opera: ipsum se cruciatibus, et hostium iræ offerre: piacula que pro populo dare Romano, arma cuncti spectant et bellum, en unquam futurum, ut congregi armatis cum Samnite liceat. In ciuitate ira odio que ardente delectus omnium propè uoluntariorum fuit: rescriptæ ex eodem milite nouæ legiones: ductus que ad Caudium exercitus. Prægressi foederales ubi ad portam uenere, uestem detrabi pacis sponsores iubent: manus post tergum uinciri. Cum apparitor uerecundia maiestatis Posthumium laxè uinciret: Quin tu, inquit, adducis lorum, ut iusta fiat deditio? Tum ubi in cœtum Samnitium, et ad tribunal uentum Pontij est, A. Cornelius Aruina foederalis ita uerba fecit: Quandoquidem hisce homines iniussu populi Romani Quiritium foedus ictum iri sponderrunt: atque ob eam rem noxam nocuerunt: ob eam rem, quo populus Romanus scelere impio sit solutus, hosce homines uobis dedo. Hæc dicenti foederali Posthumius genu femur quanta maxime poterat ui, perculit: et clara uoce ait, se Samnitum ciuem esse, illum legatum: foederalem à se contra ius gentium uiolatum: eo iustius bellum gesturos. Tum Pontius, nec ego istam deditionem accipiam, inquit: nec Samnites ratam habebunt. quin tu Spuri Posthumii, si deos esse censes, aut omnia irrita facis, aut pactostas? Samniti populo omnes, quos in potestate habuit:

aut pro ijs pax debetur. Sed quid ego te appello, qui te captum uictori cum qua potes fide restituis? populum Romanum appello: quem si sponsionis ad Furculas Caudinas factæ poenitet: restituat legiones intra saltum, quo septem fuerunt. nemo quenquam deceperit: omnia pro infecto sint: recipiant arma, quæ per pacem tradiderunt: redeant in castra sua: quicquid pridie habuerunt, quam in colloquium est uentum, habeant. tum bellum, et fortia consilia placeant: tunc sponsio et pax repudietur. ea uero fortuna ijs locis, quæ ante pacis mentionem habuimus, geramus bellum. nec populus Romanus consulum sponsionem, nec nos fidem populi Romani accusemus. Nunquamne causa defiet cur uicti pacto non stetis? obsides Porcena dedistis: furto eos subduxistis. auro ciuitatem à Gallis redemistis: inter accipiendum aurum cæsi sunt. pacem nobiscum pepigistis, ut legiones uobis captas restitueremus: eam pacem irritam facitis, et semper aliquam fraudi speciem iuris imponitis. Non probat populus Romanus ignominiosa pace legiones seruatas? pacem sibi habeat, legiones captas uictori restituat. hoc fide, hoc foederibus, hoc foederalibus caerimonijs dignum erat, ut quidem tu, quod petisti, per pacem habebas, tot ciues incolumes? ego pacem, quam hosti tibi remittendo pactus sum, non habeam? hoc tu A. Corneli, hoc uos foeciales iuris gentibus dicitis? Ego uero istos, quos dedi simulatis, nec accipio, nec dedi arbitror: nec moror quo munus in ciuitatem obligatum sponsione commissa iratis omnibus dijs, quorum eluditur numen, redeant. gerite bellum, quando Sp. Posthumus modo legatum foecialem genu perculit: ita dii credent Samnitum ciuem Posthumium, non ciuem Romanum esse: et à Samnite legatum Romanum uiolatum: eo uobis iustum in nos factum esse bellum.

bellum
ferrum
falle
mor
illi q
Cau
pro s
lum,
prop
Ponti
posse
cij oce
in per
nullo
cem an
tio Po
Samni
toria
se cred
tes def
Samni
te oce
cem qu
diu equ
ex te
sustinu
audiri p
ma pos
sim arm
sam por
cautus

bellum. Hæc ludibria religionum non pudere in lucē proferre? & uix pueris dignas ambages senes ac consulares fallendæ fidei exquirere? 1 lictor, deme uincla Romanis, moratus sit nemo, quo minus ubi uisum fuerit, abeant. Et illi quidem forsitan & publica, sua certe liberata fide, ab Caudio in castra Romana inuiolati redierunt. Samnitibus pro superba pace infestissimum cernentibus renatum bellum, omniaq; quæ deinde uenerunt, nō in animis solū, sed propē in oculis esse, & serō ac nequicquam laudare senis Pontij utraq; consilia: inter quæ se media lapsos uictoriæ possessionem pace incerta mutasse, & beneficij & maleficiij occasione amissa, pugnatuos cum eis, quos potuerint in perpetuū uel inimicos tollere, uel amicos facere. adeoq; nullodum certamine inclinatis uiribus post Caudinam pacem animi mutauerant, ut clariorem inter Romanos deductio Posthumium, quàm Pontium incruenta uictoria inter Samnites faceret: & geri posse bellum Romani pro uictoria certa haberent, Samnites simul rebellasse & uicisse crederent Romanum. Inter hæc Satricani ad Sannites defecerunt, & Fregellæ colonia nec opinato aduentu Samnitium (fuisse & Satricanos cum ijs satis constat) nocte occupata est. timor inde mutuus utrosque usque ad lucem quietos tenuit: lux pugnae initium fuit: quam aliquandiu æquam, & quia pro aris ac focus dimicabatur, et quia ex tectis adiuiuabat imbellis multitudo, tamen Fregellani sustinuerunt. Fraus deinde rem inclinauit, quod uocem audiri præconis passi sunt, incolumem abiturum qui arma posuisset, ea spes remisit à certamine animos, & passim arma iactari cœpta. Pertinacior pars armata per auersam portam crupit: tutiorque eis audacia fuit, quàm incautus ad credendum ceteris pavor: quos circumdatos

L 5 igni,

3

igni, ne quicquam deos fidemque inuocantes, Samnites con-
cremauerunt. c o s s. inter se partiti prouincias, Papy-
rius in Apuliam ad Luceriam pergit, ubi equites Romani
obsides ad Caudium dati custodiebantur: Publius in Sa-
mnio substitit aduersus Caudinas legiones. Distedit ea res
Samnitium animos, quod nec ad Luceriam ire, ne à tergo
instaret hostis: nec manere, ne Luceria interim amittere-
tur, satis audebant. optimum uisum est committere rem for-
tunæ, et transigere cum Publio certamen. itaque in aciem
copias ducunt. aduersus quos Publius c o s s. cum dimica-
turus esset, prius alloquendos milites ratus concionem ad-
uocari iussit. cæterum sicut ingenti alacritate ad prætoris
concursum est, ita præ clamore poscentium pugnam nulla
adhortatio imperatoris audita est: suus cuique animus me-
mor ignominie adhortator aderat. Vadunt igitur in præ-
lium urgentes signiferos: et ne mora in cōcursu pilis emut-
tendis, stringendisque inde gladijs esset, pila uelut dato ad
id signo abijciunt, strictisque gladijs cursu in hostem ferun-
tur. nihil illic imperatorie artis ordinibus, aut subsidijs lo-
candis fuit: omnia ira militaris propè uesano impetu egit.
Itaque nō fusi modo hostes sunt, sed ne castris quidem suis
fugam impedire ausi, Apuliam dissipati petiere: Luceriam
tamen coacto rursus in unum agmine est peruentum. Ro-
manos ira eadem, quæ per mediam aciem hostium tulerat,
et in castra pertulit. ibi plus quàm in acie sanguinis, ac cæ-
dis factum: prædæque pars maior ira corrupta. Exercitus al-
ter cum Papyrio c o s s. locis maritimis prouenerat Arpos
per omnia pacata, Samnitium magis iniurijs et odio, quàm
beneficio ullo populi Romani. nam Samnites ea tempesta-
te in montibus uicatim habitantes, campestris et mariti-
ma loca contemptu cultorum molliore, atque, ut euenit, se
re lo

re locis simili genere, ipsi montani atque agrestes depopulabantur. quæ regio si fida Samnitibus fuisset, aut peruenire Arpos exercitus Romanus nequisset: aut interiecta inter Romam & Arpos penuria rerum omnium, exclusos à comitatibus absumpsisset. Tum quoque profectos inde ad Luceriam iuxta obsidentes obsessosq; inopia vexauit: omnia ab Arpis Romanis suppeditabantur, ceterum adeo exigue, ut militi occupato stationibus uigilijsq; & opere, eques folliculis in castra ab Arpis frumentum ucheret, interdum occursum hostium cogeretur abiecto ex equo frumento pugnare. & obsessus prius quam alter c o s. uictore exercitu aduenit, & comincatus ex montibus Samnitium inuecti erant, & auxilia intronissa. Arctiora omnia aduentus Publij fecit, qui obsidione delegata in curam collegæ, uacuis per agros cuncta infesta comitatibus hostium fecerat. Itaque cum spes nulla esset diutius obsessos inopiâ laturos, coacti Samnites, qui ad Luceriâ castra habebant, undique contractis uiribus signa cum Papyrio conferre. Per id tempus parantibus utrisque se ad prælium, legati Tarentini interueniunt, denuntiantes Samnitibus, Romanisq; ut bellum omitterent: per utros stetit quo minus discederetur ab armis, aduersus eos se pro alteris pugnaturos. Ea legatione Papyrius audita, perinde ac motus dictis eorum cum collega se communicaturum respondit: accitoq; eo cum tempus omne in apparatu cōsumpsisset, collocutus de re haud dubia, signum pugnae proposuit: Agentibus diuina humanaque, quæ assolent, cum acie dimicandum est, c o s s. Tarentini legati occurfare, responsum expectantes: quibus Papyrius ait, Auspicia secunda esse Tarentini pullarius nuntiat, litatū præterea est egregie, auctoribus dijs, ut uidetis, ad rem agendam proficiscimur.

Signa

Signa inde ferre iussit, & copias eduxit, uanissimam increpans gentem, quæ suarum impotens rerum præ domesticis seditionibus discordijsq; alijs modum pacis ac belli facere æquum censeret. Samnites ex parte altera cum omnē curam belli remississent, quia aut pacem uere cupiebant, aut expediebat simulare, ut Tarentinos sibi conciliarēt, cum instructos repente ad pugnam Romanos conspexissent, uociferari se in autoritate Tarētinorum manere, nec descēdere in aciem, nec extra uallum arma ferre: deceptos potius quodcunque casus ferat, passuros, quàm ut spreuis se pacis autores Tarentinos uideantur. Accipere se omen *cos s.* aiunt, & eam precari mentem hostibus, ut ne uallum quidem defendant. ipsi inter se partitis copijs succedunt hostium munimentis: & simul undique adorti, cum pars fossas explerent, pars uellerent uallum, atque in fossas proruerent: nec uirtus modo insita, sed ira etiam exulceratos ignominia stimularet animos, castra inuasere: & pro se quisque, nō hæc Furculas, nec Caudium, nec saltus inuios esse, ubi errorem fraus superbe uicisset, sed Romanam uirtutem, quam nec uallum, nec fossæ arcerent, memorantes: cadunt pariter resistentes fusosq; inermes atq; armatos, seruos, liberos, puberes, impuberes, homines, iumentaq; nec ullum super fuisset animal, ni *cos s.* receptui signum dedissent, auidosq; cædis nulites è castris hostiū imperio ac munis expulissent. Itaque apud infensos ob interpellatam dulcedinem iræ confestim oratio habita est, ut doceretur miles minime cuiquam militum *cos s.* odio in hostes cecisse, aut cessuros: quin duces sicut belli, ita insatiabilis supplicij futuros fuisse: ni respectus equitum sexcentorum, qui Luceriæ obsides tenerentur, præpedisset animos: ne desperata uenia hostes cæcos in supplicia eorum

age

ageret, perdere prius, quàm perire, optantes. Laudare ea mulites, lætariq; obuiam itum iræ suæ esse: fateri omnia patiendâ potius, quàm proderetur salus tot principum Romanæ iuuentutis. Dimissa concione consilium habitum, omnibus ne copijs Luceriam premerent, an altero exercitu & duce Apuli circâ, gens dubiæ ad id uoluntatis, tentarentur. Publius c o s. ad peragrandum profectus Apuliam, aliquot expeditione una populos aut ui subegit, aut conditionibus in societatem accepit. Papyrio quoq;, qui obessor Luceriæ restiterat, breui ad spem euentus respondit. nam in seßis omnibus uijs, per quas commeatus ex Samnio subuehebatur, fame domuti Samnites qui Luceriæ in præsidio erant, legatos misere ad c o s. Romanum, ut receptis equitibus, qui causa belli essent, abisteret obsidione. His Papyrius ita respondit: Debuisse eos Pontium Herennij filium, quo autore Romanos sub iugum misissent, consulere quid uictis patiendum censeret. cæterum, quoniâ ab hostibus in se æqua statui, quàm in se ipsi ferre maluerint, nuntiare Luceriam iussit, arma, sarcinas, iumenta, multitudinem omnem imbellem intra mœnia relinqueret: militem se cum singulis uestimentis sub iugum missurum, ulciscensem illatam, non nouam inferentem ignominiam. Nihil recusatum. septem millia militum sub iugum missa, prædaq; ingens Luceriæ capta, receptis omnibus signis, armisq;, quæ ad Caudium amiserant; & quod omnia superabat gaudia, equitibus recuperatis, quos pignora pacis custodiendos Luceriam Samnites dederant. Haud ferme alia mutatione subita rerum clarior uictoria populi Romani est. siquidem etiam (quod quibusdam in annalibus inuenitur) Pontius Herennij filius, Samnitium imperator, ut expiaret c o s s. ignominiam, sub iugum cum cæteris

teris est missus. Ceterum id minus miror obscurum esse de hostium duce dedito, missusque sub iugum. id magis mirabile est, ambigi Luciusne Cornelius dictator cum L. Papyrio Cursore magistro equitum eas res ad Caudium, atque inde Luceriam gesserit: ultorque; unicus Romanæ ignominie haud sciam an iustissimo triumpho ad eam ætatem secundum Furium Camillum triumphauerit: an C. O. S. Papyrij præcipuum id decus sit. Sequitur hunc errorem alius error: Cursorne Papyrius proximis comitijs cum Q. Aemilio Cæretano iterum ob rem bene gestam Luceriæ continuato magistratu consul tertium creatus sit: an L. Papyrius Mugilanus: et in cognomine erratum sit. Conuenit iam inde per consules reliqua belli perfecta. Aemilius cum Ferentanis uno secundo prælio debellauit: urbemque; ipsam, quò se fusa contulerat acies, obsidibus imperatis in dedicationem accepit. Pari fortuna consul alter cum Satricanis, qui ciues Romani post Caudinam cladem ad Sannites defecerant, præsidiumque; eorum in urbem acceperant, rem gessit. nam cum ad mœnia Satrici admotus esset exercitus: legatisque; missis ad pacem cum precibus petendam, triste responsum ab consule redditum esset, nisi præsidio Samnitium interfecto, aut tradito, ne ad se remearent: plus ea uoce, quam armis illatis, terroris colonis iniectum. Itaque; subinde cum exequerentur querendo à consule legati, quoniam se pacto paucos, et infirmos crederet præsidio tam ualido et armato uim allaturos? ab iisdem consilium petere iussi. quibus autoribus præsidium in urbem accepissent, discedunt: ægreque; impetrato ut de ea re consuli senatum, responsaque; ad se ferri sineret, ad suos redeunt. Duæ factiones senatum distinebant: una cuius principes erant defensionis à populo Romano autores: altera fidelium ciuium:

certa

certatum ab utrisque tamen est, ut ad reconciliandam pacem consuli opera nauaretur. Pars altera, cum præsidium Samnitium, quia nihil satis præparati erat ab obsidionem tolerandam, excessurum proxima nocte esset: nuntiare consuli satis habuit, qua noctis hora, quamque per portam, et quam in uiam egressurus hostis foret. altera, quibus inuitis descitum ad Samnites erat, eadem nocte portam etiam cons. aperuerunt, armatosque clam hoste in urbem acceperunt. ita duplici proditione et præsidium Samnitium, in sehis circa uiam syluestribus locis, nec opinato oppressum est: et ab urbe plena hostium clamor sublatus: momentoque unius horæ Samnis casus, Satricanus captus: et omnia in potestate cons. erant. qui quæstione habita, quorum opera defectio esset facta: quos fontes comperit, uirgis casos securi percussit: præsidioque ualido imposito, arma Satricanis ademit. Inde ad triumphum decessisse Romam Papyriū Cursorem scribunt, qui eo duce Luceriam receptam, Samnitesque sub iugum missos, autores sunt. et fuit uir haud dubie dignus omni bellica laude, non animi solum uigore, sed etiam corporis uiribus excellens. præcipua pedum pernicitas inerat, quæ cognomen etiam dedit: uictoremque cursu omnium ætatis suæ fuisse ferunt: et seu uirum ui, seu exercitatione multa, cibi uinique eundem capacissimum: nec cum ullo asperiores, quia ipse inuicti ad laborē corporis esset, fuisse militiam pediti pariter equitiq. equites etiam aliquando ausos ab eo petere, ut sibi pro re bene gesta laxaret aliquid laboris. quibus ille: Ne nihil remissum dicatis, remitto, inquit, ne utique dorsum demulceatis, cum ex equis descendetis. et uis erat in eo uiro imperij ingens pariter in socios, ciuesque. Prænestinus prætor pertinacem segnius ex subsidijs suos duxerat in primam aciem:

quem

4 quem cū inambulans ante tabernaculum uocari iussisset: lictorem expedire securim iussit . ad quam uocem exanimi stante Prænestino, Agedum lictor, excide radicem hanc, inquit, incommodam ambulantibus: perfunctumq; ultimi supplicij metu, multa dicta dimisit . Haud dubie illa ætate, qua nulla uirtutum feracior fuit, nemo unus erat uir, quo magis innixa res Romana staret. quin eum parcm destinant animus magno Alexandro ducem: si arma Asia perdomita in Europam uertisset. Nihil munus quæsitū à principio huius operis uideri potest, quàm ut plus iusto ab rerum ordine declinarem, uarietatibusq; distinguendo opera, & legentibus uelut diuerticula amœna, & requiẽ animo meo quærerem: tamen tanti regis ac ducis mentio, quibus sæpe tacitis cogitationibus uolutauit animum, eas euocat in medium: ut quærere libeat, quinam euentus Romanis rebus, si cum Alexandro foret bellatum, futurus fuerit. Plurimum in bello pollere uidentur, nilitum copia & uirtus, ingenia imperatorum, fortuna per omnia humana maxime in res bellicas, potens. Ea & singula intuenti & uersa, sicut ab alijs regibus gentibusq; ita ab hoc quoque facile præstant inuictum Romanum imperium . Iam primum, ut ordiar ab ducibus comparandis: haud equidẽ abnuo egregium ducem fuisse Alexandrum. sed clariorem tamen eum facit, quòd unus fuit: quòd adolescens in incremento rerum nondum alteram fortunam expertus decessit. Vt alios reges claros ducesq; omittam, magna exẽpla casuum humanorum: Cyrum, quem maxime Græci laudibus celebrant, quid nisi longa uita, sicut Magnum modo Pompeium, uertẽti præbuit fortunæ? Recẽscam duces Romanos, nec omnes omnium ætatum, sed ipsos eos cum quibus c o s s. aut dictatoribus Alexandro fuit bellandũ:

M. Valerium Coruinum, C. Martium Rutilium, C. Sulpitium, T. Manlium Torquatum, Q. Publium Philonem, L. Papyrium Curfore, Q. Fabium Maximum, duos Decios, L. Volumnium, Marcum Curium. deinceps ingentes sequuntur uiri: si Punicum Romano praeuertisset bellum: seniorque in Italiam traiecisset. Horum in quolibet tū indoles eadem quæ in Alexandro erat, animi ingenijque: tū disciplina militaris iam inde ab initijs urbis tradita per manus, in artis perpetuis præceptis ordinata modum uenerat. Ita reges gesserant bella: ita deinde exactores regū Iunij, Valerijque: ita deinceps Fabij, Quintij, Cornelij: ita Furius Camillus, quem iuuenes duo quibus cum Alexandro dimicandum erat, senem uiderant. Militaria opera pugnando obeunti Alexandro (nam ea quoque haud minus clarum eum faciunt) cessisset uidelicet in acie oblatu par Manlius Torquatus, aut Valerius Coruinus, insignes ante milites, quam duces? cessissent Decij deuotis corporibus in hostem ruentes? cessisset Papyrius Cursor illo corporis robore, illo animi? uictus esset consilij iuuenis unius, ne singulos nominem, senatus ille? quem qui ex regibus cōstare dixit, unus ueram speciem Romani senatus cepit. Id uero erat periculum, ne solertius, quam qui unus ex ijs quos nominaui, castris locum caperet, commeatus expediret: ab insidijs præcaueret, tempus pugnae eligeret: aciem instrueret, subsidij firmaret. non iam cum Dario rem esse dixisset: quem mulierum ac spadonum agmen trahentem inter purpuram atque aurum encruatum fortunæ suæ apparatus, prædam uerius quam hostem, nihil aliud quam bene ausus uana contemnere, incruentus deuicit. Longe alius Italiæ, quam Indiæ, per quam temulento agmine comeßabundus incescit, uisus illi habitus esset: saltus Apu-

M liæ,

liæ, ac montes Lucanos cernenti, et uestigia recentia domesticæ cladis: ubi auunculus eius nuper, Epeiri rex Alexander absumptus erat. Et loquimur de Alexandro nondum merso secundis rebus, quarum nemo intolerantior fuit. qui si ex habitu nouæ fortunæ, nouiq; (ut ita dicam) ingenij, quod sibi uictor induerat, spectetur, Dario magis similis, quàm Alexandro in Italiam uenisset: et exercitum Macedoniae oblitum, degenerantemq; iam in Persarum mores adduxisset. Referre in tanto rege piget superbam mutationem uestis: et desideratas humi iacentium adulationes, etiâ uictis Macedonibus graues, nedû uictoribus: et fœda supplicia: et inter uinum et epulas cædes anucorum: et uanitatem ementiendæ stirpis. Quid, si uini amor in dies fieret acrior? quid, si trux ac præfruida iras? (nec quicquam dubium inter scriptores refro) nullâ ne hæc damna imperatorijs uirtutibus ducimus? Id uero periculum erat: quod leuissimû ex Græcis, qui Parthorum quoque contra nomen Romanum gloriæ fauent, dictitare solent: ne maiestatem nominis Alexandri, quem ne fama quidem illis notum arbitror fuisse, sustinere non potuerit populus Romanus: et aduersus quem Athenis, in ciuitate fracta Macedonum armis, cernente tum maxime propè fumantes Thebarum ruinas, concionari libere ausi sint homines (id quod ex monumentis orationum patet) aduersus eum nemo ex tot proceribus Romanis uocem liberam musurus fuerit. Quantalibet magnitudo hominis concipiatur animo, unius tamen ea magnitudo hominis erit, collecta paulo plus decem annorum felicitate: quam qui eo extollunt, quod populus Romanus etsi nullo bello, multis tamen prælijs uictus sit, Alexandro nullius pugnae non secunda fortuna fuerit: non intelligunt se hominis

hominis res gestas, & eius iuuenis, cum populi iam octingentesimum bellantis annum rebus conferre. miremur, si, cum ex hac parte secula plura numerentur, quàm ex illa anni: plus in tam longo spatio, quàm in ætate x l l l. annorum fortuna uariauerit. Quin tu hominis cum homine, & ducis cum duce, fortunam cum fortuna confers? Quot Romanos duces nominem: quibus nunquam aduersa fortuna pugnae fuit? paginas in annalibus magistratum, fustisq; percurrere licet, cōsulum, dictatorumq;: quorū nec uirtutis, nec fortunæ ullo die populum Romanum pœnituit. Et quo sint mirabiliores, quàm Alexander, aut quisquam alius rex: denos, uicenosq; dies quidam dictaturā, nemo plusquam annum consulatum gessit. ab Tr. pl. delectus impediti sunt: post tempus ad bella ierunt: ante tempus, comitiorum causa reuocati sunt: in ipso conatu rerū circumegit se annus: collegæ nunc temeritas, nunc prauitas impedimento, aut damno fuit: male gestis rebus alterius successum est: tirōnem, aut mala disciplina institutum exercitum acceperunt. At Hercule reges non liberi solum impedimentis omnibus, sed domini rerum temporūque, trahunt consilijs cuncta, non sequuntur. Inuictus ergo Alexander cum inuictis ducibus bella gessisset: & eadē fortunæ pignora in discrimen detulisset: imo etiam eo plus periculi subisset, quòd Macedones unum Alexandrum habuissent, multis casibus non solum obnoxium, sed etiam offerentē se: Romani multi fuissent Alexandro uel gloria, uel rerum magnitudine pares: quorū suo quisque fato sine publico discrimine uiueret, morereturq;. Restat ut copiae copijs comparentur uel numero, uel militum genere uel multitudine auxiliorum. Censebatur eius ætatis lustris duccna quinquagena millia capitum.

Itaq; in omni defectione sociorum Latini nominis urbano propè delectu decem scribebātur legiones. quaterni, quiniq; exercitus sæpe per eos annos, in Hetruria, in Umbria, Gallis hostibus adiunctis, in Samnio, in Lucanis gerebant bellum. Latium deinde omne cum Sabinis, & Volscis, & Aequis, & omni Campania, & parte Umbriae Hetruriæq; & Picentibus, & Marsis, Pelignisq; ac Vestinis atq; Apulis, adiunctaq; omni ora Græcorum inferi maris à Thurijs Neapolim & Cumas, & inde Antio atque Hostia tenuis Samnites, aut socios ualidos Romanis, aut fractos bello inuenisset hostes. Ipse traiecisset mare cum ueteranis Macedonibus, non plus triginta millibus hominū, & quatuor millibus equitum, maxime Thessalorum, hoc enim roboris erat. Persas, Indos, aliasq; si adiunxisset gentes, impedimentum maius quàm auxilium traheret. Adde, quòd Romanis ad manum domi supplementum esset: Alexandro (quod postea Annibali accidit) alieno in agro bellanti exercitus consenuisset. Arma, clypeus, sarissaq; illis: Romano scutum maius corpori tegumentum, & pilum, haud paulo quàm hasta uehementius ictu missuq; telum, statarius uterque miles, ordines seruans: sed illa phalanx immobilis & unius generis: Romana acies distinctior ex pluribus partibus constans: facilis partienti quacunque opus esset, facilis iungenti. Iam in opere quis par Romano miles? quis ad tolerandum laborem melior? Vno prælio uictus Alexander, bello uictus esset. Romanum, quem Caudium, quem Cannæ non fregerunt, quæ fregisset acies? Næ ille sæpe, etiam si prima prospere euenisset, Persas & Indos, & imbellem Asiam quæsisset: & cum sociis sibi bellum fuisse dixisset: quod Epeiri regem Alexandrum mortifero uulnere ictum dixisse ferunt, sortem bel-

lorum

lorum in Asia gestorum ab hoc ipso iuvene cum sua conferentem. Equitem cū per annos quatuor et uiginti primo Punico bello classibus certatum cum Pœnis recordor: uix etatem Alexandri suffecturam fuisse reor ad unum bellum. et forsitan cum et fœderibus uetustis iuncta Punica res Romanæ esset, et timor par aduersus communem hostem duas potentissimas armis uirisq; urbes armaret, simul Punico Romanoq; obrutus bello esset. Non quidem Alexandro duce, nec integris Macedonum rebus, sed experti tamen sunt Romani Macedonem hostem aduersus Antiochum, Philippum, et Persen, non modo cum clade ulla, sed ne cum periculo quidem suo. absit inuidia uerbo, et ciuilia bella fileant. nunquam ab equite hoste, nunquam à pedite, nunquam aperta acie, nunquam æquis utiq; nūquam iniquis locis laborauimus. Equitem, sagittas, saltus impeditos, auia cōmeatibus loca, grauis armis miles timere potest. mille acies grauiiores quàm Macedonum atque Alexandri, auertit: auertetq; , modo sit perpetuus huius quauiuimus pacis amor, et ciuilis cura concordie. M. Follius Flaccina inde, et L. Plautius Venox c o s s. facti. Eo anno ab frequentibus Samnitium populis de fœdere renouando legati cum senatum humi strati mouissent, reiecti ad populum haudquaquam tam efficaces habebant preces. itaque de fœdere negatum: inducie biennij, cum per aliquot dies fatigassent singulos precibus, impetratæ. Et ex Apulia Theanenses Canusiniq; populationibus fessi, obsidibus L. Plautio c o s. datis, in deditionem uenerunt. Eodem anno primum præfecti Capuæ creati cœpti, legibus ab L. Furio prætore datis: cum utrumque ipsi pro remedio agris rebus discordia intestina petissent. Et duæ Romæ additæ tribus, Vsfentina ac Falerina. Inclis.

natis semel in Apulia rebus, Theates quoque Apuli ad nos **C O S S.** C. Iunium Bubulcum, Q. Aemylum Barbulam foedus petiit uenerunt. pacis per omnem Apuliam praestanda populo Romano auctores, id audacter spondendo, impetrauerunt ut foedus daretur: neque ut a quo tam foedere, sed in ditione populi Romani essent. Apulia perdomita (nam Tarento quoque ualido oppido Iunius potitus erat) in Lucanos perreclum. inde repentino aduentu Aemylj **C O S.** Nerulum ui captum. Et postquam res Capuae stabilitas Romana disciplina fama per socios uulgauit: Antiatibus quoque, qui se sine legibus certis, sine magistratibus agere querebantur, dati ab senatu ad iura statuenda ipsius colonie patroni. nec arma modo, sed iura etiam Romana late pollebant. C. Iunius Bubulcus, & Q. Aemilius Barbula **C O S S.** exitu anni non **C O S S.** ab se creatis, Sp. Nautio & M. Popilio, ceterum dictatori L. Aemilio legiones tradiderunt. Is cum L. Fulvio magistro equitum Satriculam oppugnare adortus, rebellandi causam Sanitibus dedit. Duplex inde terror illatus Romanis. hinc Samnis magno exercitu coacto ad eximendos obsidione socios haud procul castris Romanorum castra posuit. hinc Satricani magno cum tumultu patefactis repente portis in stationes hostium incurrerunt. Inde pars utraque spe alieni magis auxilij, quam uiribus freta suis, iusto mox prelio inito Romanos urgent. & quamquam anceps dimicatio erat, tamen utrinque tutam aciem dictator habuit: quia & locum haud facilem ad circumueniendum cepit: & diuersa statuit signa. infestior tamen in erumpentes incescit: nec magno certamine intra moenia compulsi. tum totam aciem in Samnites obuertit. ibi plus certaminis fuit. uictoria sicut sera, ita nec dubia, nec uaria fuit.

Fusi

Fusi in castra Sănites extinctis nocte ignibus tacito agmine abeunt: & spe abiecta Satriculæ tuendæ, Plisliā ipsi socios Romanorū, ut parem dolorē hosti redderent, circumfidunt. Anno circūactō, bellum deinceps ab dictatore Q. Fabio gestum est. c o s s . noui, sicut superiores, Romæ manserunt: Fabius ad accipiendum ab Aemylīo exercitū ad Satriculam cum supplemento uenit. neq; enim Samnites ad Plisliam manserant: sed accitis ab domo nouis militibus, multitudine freti castra eodem quo antè loco posuerunt, laceffentesq; prælio Romanos auertere ab obsidione conabantur. Eo intentius dictator in mœnia hostium uersus, id bellum tanti ducere, quod urbem oppugnabat: securior ab Samnitibus agere, stationibus modo oppositis, nequa in castra uis fieret. eo ferocius adequitare Samnites uallo, neq; otium pati, & cum iam propè in portis castrorum esset hostis, nihil consulto dictator magister equitum Q. Aemylīus Cæretanus magno tumultu cum omnibus turmis equitum euectus, summouit hostem. tum in minime pertinaci genere pugnae sic fortuna exercuit opes, ut insignis utrinque clades, & clara ipsorum ducum ederet funera. prior Samnitium imperator ægre patiens, quò tam ferociter adequitasset, inde se fundi fugarique, orando hortandoq; equites prælium integrauit. In quem insignem inter suos cientem pugnam magister equitum Romanus infesta cuspide ita perussit equum: ut uno ictu exanimem equo præcipitaret: nec ut sit, ad ducis casum perculsa magis, quam irritata est multitudo omnis. Qui circà erant, in Aemylīum temere inuectum per hostium turmas tela coniecerunt: fratriq; præcipuum decus ultimi Samnitium imperatoris dederunt. Is uictorem detractum ex equo magistrum equitum plenus mœroris atque iræ

trucidauit : nec multum absuit, quin corpore etiam, quia inter hostiles ceciderat turmas, Samnites potirentur. sed ex templo ad pedes descensum ab Romanis est : coactiq; idem Samnites facere : & repentina acies circa corpora ducum pedestre praeliū inijt, quo haud dubie superat Romanus : recuperatumq; Aemilij corpus iuxta cum dolore letitia uictores in castra referunt. Samnites duce amisso, & per equestre certamen tentatis uiribus, ommissa Satricula, quam nequicquam defendi rebantur, ad Plislie obse-
dionem redeunt : intraq; paucos dies Satricula Romanus per deditionem, Plislia per uim Samnis potitur. Mutata inde belli sedes est, ad Soram è Samnio Apuliaq; traductæ legiones. Sora ad Samnites defecerat, interfectis colonis Romanorum. Quò cum prior Romanus exercitus ad ulciscendam ciuium necem, recuperandamq; coloniam magnis itineribus peruenisset, & sparsi per uias speculatores sequi legiones Samnitium, nec iam procul abesse alij super alios nuntiarent, obuiam itum hosti, atque ad Lautulas ancipiti praelio dimicatum est. non cædes, non fuga alterius partis, sed nox incertos uicti, uictores ne essent, direrunt. Inuenio apud quosdam aduersam eam pugnam Romanis fuisse : atque in ea cecidisse Q. Aulium magistrum equitum. Suffectus in locū Aulij C. Fabius magister equitum cum exercitu nouo ab Roma aduenit : & per præmissos nuntios consulto dictatore ubi subsisteret, quò ue tempore, & qua ex parte hostem aggredieretur, substitit occultus ad omnia satis exploratis consilijs. Dictator cum per aliquot dies post pugnam continuisset suos intra uallum, obsesti magis quam obsidentis modo, signum repente pugnae proposuit, & efficacius ratus ad accendendos uirorum fortium animos nullam alibi, quàm in semetipso
cuiquam

cuiquam relictam spem, de magistro equitū, nouoq; exercitu militem celauit: & tanquam nulla, nisi in eruptione spes esset, Locis, inquit, angustis milites deprebensi, nisi quam uictoria patefecerimus, uiam nullam habemus. statim uia nostra munimento satis tuta sunt, sed inopia eadem infesta. nam & circa omnia defecerunt, unde subuehi comatus poterant: & si homines iuuare uelint, iniqua loca sunt. Itaque non frustrabor ego uos castra hic relinquendo, in quæ infecta uictoria, sicut pristino die, uos recipiatis. armis munimenta, non munimentis arma tuta esse debent. castra habeant, repetantq; quibus operæ est trahere bellum: nos omnium rerum respectum, præterquam uictoriæ nobis abscindamus. ferte signa in hostē: ubi extra uallam agnien excesserit, castra quibus imperatum est, incendant. damna uestra milites omnium circa, qui defecerunt, populorum præda sarcientur. Ea oratione dictatoris, quæ necessitatis ultimæ index erat, milites accensi uadūt in hostem: & respectus ipse ardentium castrorum, quanquam proximis tantum (ita enim iusserat dictator) ignis est subditus, haud paruum fuit irritamentum. Itaq; uelut uecordes illati signa primo impetu hostium turbant: & in tempore postquam ardentia procul uidit castra magister equitum (id conuenerat signum) hostium terga inuadit. ita circumuenti Samnites, quæ potest quisque, fugam per diuersa petunt. Ingens multitudo in unum metu conglobata, ac semetipsam turba impediens in medio cæsa. castra hostium capta direpta quæ, quorum præda onusium militem in Romana castra dictator reducit, haudquaquam tam uictoria lætum, quam quod præter exiguam deformatam incendio partem cætera contra spem salua inuenit. Ad Soram inde reditum, noui quæ c o s s . M. Petilius, C. Sulpitius

exercitum ab dictatore Fabio accipiunt, magna parte ueterum militum dimissa, nouisq; cohortibus in supplementum adductis. Ceterum cum propter difficilem urbis situm nec oppugnandi satis certa ratio iniretur, et aut tempore longinqua, aut praeceps periculo uictoria esset, Sorianus transfuga clam ex oppido profectus cum ad uigiles Romanos penetrasset, duci se extemplo ad consules iubet, deductusque traditurum urbem promittit. uisus inde, cum quonammodo id praestaturus esset percontantes doceret, haud uana afferre, perpulit propè adiuncta moribus Romana castra, ut sex millia ab oppido remouerentur. fore ut minus intentæ in custodiam urbis diurnæ stationes, ac nocturnæ uigiliæ essent. ipse insequenti nocte sub oppido syluestribus locis cohortibus insidere iussis, decem milites delectos secum per ardua, ac propè inuia in arcem ducit, pluribus quàm pro numero uirorum nussibus telis eò collatis. ad hoc saxa erant, et temere iacientia (ut fit) in aspretis, et de industria etiam, quo locus tutior esset, ab oppidanis congesta. ubi cum constituisset Romanos, semitamq; angustam et arduam erectam ex oppido in arcem ostendisset: Hoc quidè ascensu, inquit, uel tres armati quamlibet multitudinem arcuerint: uos et decem numero, et quod plus est, Romani Romanorumque fortissimi uiri estis, et locus pro uobis, et nox erit, quæ omnia ex incerto maiora territis ostentat. ego iam terrore omnia implebo, uos arcem intenti tenete. decurrit inde quāto maxime poterat cum tumultu, Ad arma et Pro ueram fidem ciues, clamitans, arx ab hostibus capta est, defendite, ite. hæc incidens principum foribus, hæc obuijs, hæc excurrentibus in publicum pauidis increpat. Accemptum ab uno pauorem plures per urbem ferunt. Trepidant magi

magistratus missis ad arcem exploratoribus, cum tela, & armatos tenere arcem multiplicato numero audirent, aduertunt animos à spe recuperandæ arcis, fuga cuncta cōplentur: portæq; à semisomnis, ac maxima parte inernibus refringuntur: quarum per unam præsidium Romanum clamore excitatum irrumpit, & concursantes per uiam pauidos cedit. Iam Sora capta erat, cum c o s s. prima luce aduenire, & quos reliquos fortuna ex nocturna cede ac fuga fecerat, in deditiōem accipiunt. ex his c c x x v. qui omnium consensu destinabantur & infandæ colonorum cadis & defectionis autores, uinctos Romanam deducunt, ceteram multitudinem incolumem præsidio imposito Soræ relinquunt. omnes, qui Romanam deducti erant, uirgis in foro cæsi, ac securi percussi summo gaudio plebis: cuius maxime intererat, tutam ubique, quæ passim in colonias mitteretur, multitudinem esse. c o s s. ab Sora profecti, in agros, atq; urbes Ausonum bellum intulerunt. mota namq; omnia aduentu Samnitium, cum apud Lautulas dimicatum est, fuerant, cōiurationesq; circa Cāpaniam passim factæ. nec Capua ipsa crimine caruit. quin Romanam quoque, & ad principum quosdam inquirendos uentum est. ceterum Ausonum gens proditiōe urbium, sicut Sora, in potestatem uenit. Ausona, & Minturnæ, & Vestina urbes erant, ex quibus principes iuuentutis duodecim numero in proditiōem urbium suarum coniurati ad consules ueniunt. docent: suos iam pridem exoptantes Samnitium aduentum, simul ad Lautulas pugnatum audierunt, pro uictis Romanos habuisse, iuuentute armis Samnites iuuissse. fugatis inde Samnitibus incerta pace agere, nec claudētes portas Romanis, ne accersant bellum; & obstinatos claudere, si exercitus admoueatur. in ea fluctuatione

fluctuatione animorum opprimi incautos posse. His autoribus mota propius castra: missiq; eodē tempore circa tria oppida milites: partim armati, qui occulti propinqua moribus insiderent loca: partim togati, tectis ueste gladijs, qui sub lucem apertis portis urbes ingrederentur. ab ijs simul custodes trucidari coepti, simul datum signum armatis, ut ex insidijs concurrerent. ita portæ occupatæ, tria que oppida eadem hora, eodemque consilio capta. sed quia absentibus ducibus impetus est factus, nullus modus cædibus fuit: deleta que Ausonum gens uix certo defectionis crimine, perinde ac si internecino bello certasset. Eodem anno prodito hostibus Romano præsidio, Luceria Samnitium facta: nec diu proditoribus impunita res fuit. haud procul inde exercitus Romanus erat: cuius primo impetu urbs sita in plano capitur: Lucerini ac Samnites ad internitionem cæsi. eoq; ira processit, ut Romæ cum de colonis mittendis Luceriam consuleretur senatus, multi delendam urbem censerent. præter odium, quod execrabile in bis captos erat, longinquitas quoq; adhorrere à relegandis tam procul ab domo ciuib; inter tam infestas gentes cogebat. uicit tamen sententia, ut mitterentur coloni. duo millia et quingenti missi. Eodē anno, cum omnia infida Romanis essent, Capuæ quoq; occultæ principum cōiurationes patefactæ. de quibus cum ad senatum relatu esset, haudquaquā neglecta res est. quæstiones decretæ: dictatoremq; quæstionibus exercendis dici placuit. C. Mænius dictus. is M. Folluū magistrū equitū dixit. Ingēs erat magistratus eius terror. itaq; siue timore eius, seu conscientia, Calauios, Ouium Nouiumq; (ea capita cōiurationis fuerant) prius quàm nominarentur apud dictatorem, mors haud dubie ab ipsis conscita iudicio subtraxit.

xit. Deinde ut quæstioni Campanæ materia decessit, uersa Romam interpretando res. non nominatim, qui Capuæ, sed in uniuersum, qui usquam coissent, cōiurassent uē aduersus Romanum populum, quæri senatū iussisse: & coitiones honorum adipiscendorum causa factas, aduersus rēpub. esse. latiorq; & re, & personis quæstio fieri: haud abnuente dictatore sine fine ulla quæstionis suæ ius esse. Postulabantur ergo nobiles homines: appellantibūq; tribunos nemo erat auxilio, quin nomina reciperentur. inde nobilitas, nec ij modo, in quos crimen intendebatur, sed uniuersi simul negare nobilium id crimen esse, quibus, si nulla obstat fraude, pateat uia ad honorem, sed hominū nouorum. ipsos adeo dictatorem magistrūq; equitum, reos magis quàm quæstores idoneos ciui criminis esse: intellecturosq; ita id esse, simul magistratu abiissent. Tum enim uero Mænius iam famæ magis, quàm imperij memor, progressus in concionem ita uerba fecit. Et omnes antè actæ uitæ uos conscios habeo Quirites, & hic ipse honos delatus ad me testis est innocentie meæ. neq; enim quod sæpe aliās, quia ita tempora postulabant reipubli. qui bello clarissimus esset, sed qui maxime procul ab his coitionibus uitam egisset, dictator deligendus exercēdis quæstionibus fuit. Sed quoniam quidam nobiles homines (qua de causa uos existimare, quàm me pro magistratu quicquam incōpertum dicere melius est) primum ipsas expugnare quæstiones omni ope annisi sunt: dein postquàm ad id parum potentes erant, ne causam dicerent, in præsidia aduersariorum, appellationem & tribunitium auxilium, patricij confugerunt: postremo repulsi inde (adeo omnia tutiora, quàm ut innocentiam suam purgarent, uisa) in nos irruerunt, & priuatis dictatorem postcere reum uerecundie

cundie non fuit : ut omnes dij hominesq; sciant : ab illis, etiam quæ non possint, tentari, ne rationem uitæ reddant : me obuiam ire criminari, & offerre me inimicis reū : dictatura me abdicō. Vos quæso c o s s. si uobis datum ab senatu negotium fuerit, in me primum & hunc M. Follium quæstiones exerceatis : ut appareat innocentia nostra nos, nō maiestate honoris tutos à criminibus istis esse. Abdicat inde se dictatura, & post eum confestim Follius magisterio equitum : primūq; apud c o s s. (ijs enim ab senatu mandata res est) reifacti, aduersus nobilium testimonia egregie absoluuntur. Publius etiam Philo multiplicatis summis honoribus post res tot domi belloq; gestas, cæterum inuisus nobilitati, causam dixit : absolutusq; est. Nec diutius (ut fit) quàm dum recens erat, quæstio per clara nomina reorum uiguit. inde labi cœpit ad uiliora capita, donec in coitionibus factionibusq;, aduersus quas comparata erat, oppressa est. Earum fama rerum, magis tamen spes Campanæ defectionis, in quam cōiuratum erat, Samnites in Apuliam uersos rursus ad Caudium reuocauit : ut inde ex propinquo, siqui motus occasionem aperiret, Capuam Romanis eriperent. Eò c o s s. cum ualido exercitu uenerunt. & primo circa saltus, cum utrinq; ad hostem iniqua uia esset, cunctati sunt. deinde Samnites per aperta loca breui circuitu in loca plana, Cāpanos cāpos, agmen demittunt. ibiq; primum castra in conspectu hostibus data : deinde leuibus prælijs, equitū sæpius quàm peditum, utrinque periculum factum. nec aut euentus eorum Romanum, aut moræ, qua trahebant bellum, pœnitebat. Samnitium contrà ducibus, & carpi paruis quotidie damnis, & senescere dilatione belli uires suæ uidebantur. itaq; in aciem proccidunt. equitibus in cornua diuisis : quibus præ

bus præceptum erat intentiores ad respectum castrorum, nequa eò uis fieret, quàm ad prælium starent: aciem pediti tutam fore. C O S S. Sulpitius in dextro, Petilius in læuo cornu consistunt. dextra pars, qua & Samnites raris ordinibus, aut ad circueundos hostes, aut ne ipsi circumiretur, cōstitērāt, latius patefacta stetit, sinistris, præterquàm quòd confertiores steterant, repentino consilio Petilij. C O S. additæ uires: qui subsidiarias cohortes, quæ integre ad longioris pugnae casus reseruabantur, in primam aciem extemplo emisit: uniuerisq; hostem primo impetu uiribus impulit. Commota pedestri acie Samnitiū, eques in pugnam succedit. in hunc trāsuerso agmine inter duas acies se infrentem Romanus equitatus concitat equos: signaq; & ordines peditum atq; equitum confundit, donec uniuerfam ab ea parte auertit aciem. In eo cornu non Petilius solus, sed Sulpitius etiam hortator affuerat, auctus ab suis nondum conferentibus manus ad clamorem ab sinistra parte prius exortum. unde haud dubiam uictoriā cernens, cum ad suum cornu tenderet cum mille ducentis uiris, dissimulem ibi fortunam inuenit: Romanos loco pulsos, uictorem hostem signa in percussos infrentem. ceterū omnia mutauit repente consulis aduentus. nam & cōspectu ducis restitutus militum est animus: & maius quàm pro numero auxilium aduenerat, fortes uiri: & partis alterius uictoria audita, mox uisa etiam, prælium restituit. tota deinde iam uincere acie Romanus: & omisso certamine, cædi capi q; Sānites: nisi qui Malcuentū, cui nūc urbi Beneuentū nomen est, perfugerūt. Ad triginta milia caesa aut capta Samnitiū, proditum memoriæ est. C O S S. egregia uictoria parata, protinus inde ad Bouianū oppugnandū legiōes ducunt: ibiq; hyberna egerūt: donec ab nouis C O S S. L.

Papyria

Papyrio Cursore quintum, C. Iunio Bubulco iterum, nominatus dictator C. Petilius cum M. Follio magistro equitum, exercitum accepit. Is cum audisset arcē Fregellanā ab Samnitibus captam, omisso Bouiano ad Fregellas pergit. unde post nocturnam Samnitium fugam sine certamine receptis Fregellis, praesidioq; ualido imposito, in Campaniam reditum, maxime ad Nolam armis repetendam. eo se intra moenia sub aduētum dictatoris & Samnitium omnis multitudo, & Nolana agrestis contulerant. Dictator urbis situ circumspēcto, quo apertior aditus ad moenia esset, omnia aedificia (& frequēter ibi habitatur) circumiecta muris incendit. nec ita multo post, siue à Petilio dictatore, siue ab C. Iunio c o s. (nam utrunq; traditur) Nola est capta. Qui captae decus Nola ad c o s. trahūt, adijciunt, Atinam & Calatiam ab eodem captas: Petiliū autem pestilentia orta clauī figendi causa dictatorem dictum. Sueffa & Pontia eodē anno coloniā deductae sunt. Sueffa, Auruncorum fuerat: Volsci Pontias insulam sitam in conspectu litoris sui incoluerant, & in tertiam Cassinū ut deduceretur colonia, S. C. factū est. sed 111 uiros creauere, ac misere colonorum quatuor millia insequentes c o s s. M. Valerius, P. Decius. Profligato fere Samnitium bello, prius quā ea cura decederet patribus Romanis, Hetrusci belli fama exorta est. nec erat ea tempestate gens alia, cuius secundum Gallicos tumultus arma terribiliora essent, cum propinquitate agri, tum multitudine hominum. Itaq; altero c o s. in Sānio reliquias belli persequente, P. Decius, qui grauiter aeger Romae resisterat, autore senatu dictatorem C. Iunium Bubulcum dixit. Is, prout rei magnitudo postulabat, omnes iuniores sacramento adigit: arma, quāq; alia res poscit, summa industria parat

parat: nec tantis apparatibus elatus, de inferendo bello agitatur, quieturus haud dubie, nisi ultro arma Hetrusci inferrent. Eadem in comparando cohibendoq; bello consilia & apud Hetruscos fuisse. neutri finibus egressi. Et censura clara eo anno Ap. Claudij, & C. Plautij fuit: memoriam tamen felicioris ad posterum nomen Appij, quod uiam uniuersis, & aquam in urbem duxit: eaq; unus perfecit, quia ob infamiam atq; inuidiosam senatus lectionem uerecundia uictus collega magistratu se abdicauerat. Appius iam inde antiquitus insitam pertinaciam familiae gerendo, solus censuram obtinuit. Eodem Appio autore Potitiam gens, cuius ad aram Maximam Herculis familiare sacerdotium fuerat, seruos publicos ministerij delegandi causa solennia eius sacri docuerat. Traditur inde dictum mirabile, & quod dimouendis statu suo sacris religionem facere posset: cum duodecim familiae ea tempestate Potitiorum essent, puberes ad triginta, omnes intra annum cum stirpe extinctos: nec nomen tantum Potitiorum interiisse, sed censorem etiam Appium memori deum ira post aliquot annos luminibus captum. Itaq; COS. qui cum annum secuti sunt, C. Iunius Bubulcius 111. & Q. Aemilius Barbula iterum, initio anni questi apud populum deformatum ordinem praua lectione senatus, qua potiores aliquot lectis praeteriti essent: negauerunt eam lectionem se, quae sine recti prauiq; discrimine ad gratiam ac libidinem facta esset obseruaturos: & senatum extemplo citauerunt eo ordine, qui ante censes Ap. Claudium & C. Plautium fuerat. Et duo imperia eo anno dari coepta per populum, utraq; pertinentia ad rem militarem; unum, ut tribuni militum senatui in quatuor legiones à populo crearentur, quae antea perquam paucis suffragio populi relictis locis, dictatorum

& consulum ferme fuerant beneficia. tulere eam rogationem Tr. pl. L. Atilius, C. Martius. alterum, ut 11 uiros nauales classis ornandæ reficiendæq; causa idem populus iuberet. Lator huius plebisciti fuit M. Decius Tr. pl. Eiusdem anni rem dictu paruam præterirem, ni ad religionem uisa esset pertinere. Tibicines, quia prohibiti à proximis censoribus erant in æde Iouis uesci, quod traditum antiquitus erat, ægre passi, Tybur uno agmine abierunt: adeo, ut nemo in urbe esset, qui sacrificijs præcineret. Eius rei religio tenuit Senatum: legatosq; Tybur miserunt, ut darent operam ut hi homines Romanis restituerentur. Tyburtini benigne polliciti, primum accitos eos in curiam hortati sunt, ut reuerterentur Romam: postquam percelli nequibant, consilio haud abhorrente ab ingenijs hominum, eos aggrediuntur. Die festo alij alios per speciem celebrandarum cantu epularum causa inuiant, & uino, cuius auidum ferme genus est, oneratos sompiunt: atque ita in plaustra somno uictos conijciunt, ac Romam deportant: nec prius sensere, quàm plaustris in foro relictis plenos crapulæ eos lux oppressit. Tunc concursus populi factus, imperatoq; ut manerēt, datum ut triduum quotannis ornati cum cantu, atq; hac, quæ nunc solennis est, licentia per urbem uagarentur: restitutumq; in æde uescendi ius ijs, qui sacris præcinerent. Hæc inter duorum ingentium bellorum curam gerebantur. Consules inter se prouincias partiti: Iunio Samnites, Acmylio nouum bellum Hetruria sorte obuinit. In Samnio Cluuiam præsidium Romanum, quia nequiuerat ui capi, obsessum fame in deditionem acceperant Samnites: uerberibusque fœdum in modum laceratos occiderant deditos. Huic insensus crudelitati Iunius nihil antiquius oppugnatione

Cluuiana

Cluuiana ratus, quo die aggressus est moenia, ui cepit: atque omnes puberes interfecit. Inde uictor exercitus Bouianum ductus. caput hoc erat Pentrorum Samnitiū, longe ditissimum, atque opulentissimum armis uirisque. Ibi quia haud tantum irarum erat, spe prædæ milites accensi, oppido potiuntur. minus itaque sæuitum in hostes est: prædæ plus penè, quàm ex omni Samnio unquam egestum: benigneque omnis militi concessa. Et postquam præpotentem armis Romanum nec acies subsistere ullæ, nec castra, nec urbes poterant: omnium principum in Samnio eò curæ sunt intentæ, ut insidijs quæreretur locus: si qua licentia populando effusus exercitus excipi, ac circumueniri posset. Transfugæ agrestes, et captiui quidam, pars forte, pars consilio oblatis congruentia ad consulem afferentes, quæ et uera erant: pecoris uim ingentem in saltum auium compulsi esse: perpulerunt ut prædatum eò expeditæ ducerentur legiones. ibi ingens hostium exercitus itinera occultus infederat: et postquàm intrasse Romanos uidit saltum, repente exortus cum clamore ac tumultu incautos inuadit. Et primo noua res trepidationem fecit, dum arma capiunt, sarcinas congerunt in medium. dein, postquam ut quisque liberauerat se onere, aptaueratque armis, ad signa undique coibant, et notis ordinibus in ueteri disciplina militiæ iam sine præcepto ullius sua sponte struebatur acies: consul ad ancipitem maxime pugnam aductus, desiluit ex equo: et Iouem, Martemque, atque alios testatur deos: se nullam suam gloriam inde, sed prædā militi quærentem, in eum locum deuenisse, neque in se aliud, quàm nimiam ditandi ex hoste militis curam reprehendi posse. ab eo se dedecore nullam rem aliam, quàm uirtutem militum uindicaturam. conniteretur modo

uno animo omnes inuadere hostem uictum acie, castris exutum, nudatum urbibus, ultimam spem furto insidiarum tentantem, & loco non armis fretum. Sed quem esse iam uirtuti Romanæ inexpugnabilem locum? Fregellana arx, Soranaq; & ubicunq; iniquo successum erat loco, memorbantur. His accensus miles, omnium immemor difficultatum, uadit aduersus imminentem hostium aciem. ibi paulū laboris fuit, dum in aduersum clium erigitur agmen. cæterum postquam prima signa planiciem summā ceperūt, sensitq; acies æquo se iam instituisse loco, uersus extemplo est terror in insidiatores: easdemq; latebras, quibus se paulo ante texerant, palati atq; inermes fuga repetebant: sed loca difficilia hosti quæ sita ipsos tum sua fraude impediabant. itaq; ergo per paucis effugiū patuit. Cæsa ad uiginti millia hominum; uictorq; Romanus ad oblatam ultro ab hoste prædam pecorum discurret. Dum hæc geruntur in Samnio, iam omnes Hetruriæ populi, præter Arretinos, ad arma ierant, ab oppugnando Sutrio, quæ urbs socia Romanis uelut claustra Hetruriæ erat, ingēs orsi bellum. Eò alter c o s. Aemilius cum exercitu ad liberandos obsidione socios uenit. aduenientibus Romanis Sutrini com meatus benigne in castra ante urbem posita aduexere. Hetrusci diem primum, consultando maturarēt, traherent ne bellum, traduxerūt: postero die, ubi celeriora quàm tutiora consilia magis placuere ducibus, sole orto signum pugnae propositum est: armatiq; in aciem procedunt. Quod postquam consuli nuntiatum est, extemplo tesseram dari iubet, ut prandeat miles, firmatisq; cibo uiribus arma capiat. dicto paretur. consul ubi armatos paratosq; uidit, signa extra uallum proferri iussit, & haud procul hoste instruxit aciem. Aliquandiu intenti utrinque steterunt,

expect

expectantes ut ab aduersarijs clamor & pugna inciperet. & prius sol meridie se inclinauit, quàm telum hinc aut illinc emissum est. inde, ne infecta re abiretur, clamor ab Hetruscis oritur, concinuntq; tubæ, & signa inscruntur. Nec segnius à Romanis pugna initur. concurrunt insensis animis. numero hostis, uirtute Romanus superat. anceps prælium multos utrinque, & fortissimum quenque absumit. nec prius inclinata res est, quàm secunda acies Romana ad prima signa, integri seßis successerunt. Hetrusci, quia nullis recentibus subsidijs fulta prima acies fuit, ante signa circa que omnes ceciderunt. nullo unquam prælio fugæ minus, nec plus cædis fuisset, ni obstinatos mori Thuscos nox texisset: ita, ut uictores prius quàm uicti pugnandi finem facerent. Post occasum solis signum receptui datum est: nocte ab utroq; in castra reditum. Nec deinde quicquam eo anno rei memoria dignæ apud Sutrrium gestum est: quia & ex hostium exercitu prima tota acies deleta uno prælio fuerat, subsidiarijs modo relictis, uix quod satis esset ad castrorum præsidium: & apud Romanos tantum uulneri fuit, ut plures post prælium saucij decesserint, quàm ceciderant in acie. Q. Fabius insequentis anni c o s. bellum ad Sutrium excepit. collega Fabio C. Martius Rutilius datus est. cæterum & Fabius supplementum ab Roma adduxit: & nouus exercitus domo accitus Hetruscis uenit. Permulti iam anni erant, cum inter patricios magistratus, tribunosq; nulla certamina fuerant: cum ex ea familia, quæ uelut fatalis tum tribunis ac plebi erat, certamen oritur. Ap. Claudius censor circumactis decem & octo mensibus, quod Aemylia lege finitum censuræ spatium tēporis erat: cum C. Plautius collega eius magistratu se abdicasset: nulla ui

compelli ut abdicaret, potuit. P. Sempronius erat Tr. pl. qui finiendæ censuræ intra legitimum tempus actionem susceperat, non popularem magis, quàm iustam, nec in uulgus, quàm optimo cuiq; gratiorem. Is cum identidem legem Acmyliam recitaret, autorem que eius Mamercum Acmylium dictatorem laudibus ferret: qui quinquennalem ante censuram, & longinquitate potestatem dominatam intra sex mensium & anni coëgisset spatium: Dic age dum, inquit, Ap. Claudii quidnam facturus fueris, si eo tempore, quo C. Furius & M. Geganius censores fuerunt, censor fuisses? Negare Appius interrogationem tribuni magnopere ad causam pertinere suam, nam etsi tenuerit lex Acmylia eos censores, quorum in magistratu lata esset: quia post illos censores creatos eam legem populus iussisset, quodq; postremum iussisset, id ius, ratumq; esset: nō tamen aut se, aut eorum quenquam, qui post eam legem latam creati censores essent, teneri ea lege potuisse. Hæc sine ullius assensu cauillante Appio, En, inquit, Quirites illius Appij progenies, qui decemuir in annū creatus, altero anno se ipse creauit: tertio nec ab se, nec ab ullo creatus, priuatus fasces & imperium obtinuit: nec antè continuando abstinit magistratu, quàm obruerent eum male parta, male gesta, male retenta imperia. hæc est eadem familia Quirites, cuius ui atq; iniurijs compulsi extorres patria Sacrum montem cepistis. hæc, aduersus quam tribunitium auxilium uobis comparastis, hæc propter quam duo exercitus Auentinum infedistis. hæc, quæ scænebres leges: hæc, quæ agrarias semper impugnavit. hæc connubia patrum, & plebis interrupit. hæc plebi ad curules magistratus iter obsepsit. hoc est nomen multo, quàm Tarquiniorum, infestius uestræ libertati. Ita ne tandem Ap.

Claudi

Claudi, cum centesimus iam annus sit ab Mamercio Aemylia dictatore, tot cēsores fuerint nobilissimi fortissimiq; uiri, nemo eorū duodecim tabulas legit? nemo id ius esse? quod postremo populus iussisset, sciuit? imò uero omnes sciuerunt: ideo Aemylia potius legi paruerunt, quàm illi antiquæ, qua primum censores creati erant: quia hanc postremum iusserat populus: & quia, ubi duæ contrariæ leges sunt, semper antiquæ abrogat noua. An hoc dicis Appi? non teneri Aemylia lege populum? an populum teneri: te unum extra legem esse? Tenuit Aemylia lex uolentos illos censores, C. Furium & M. Geganium. qui quid iste magistratus in rep. male facere posset, indicauerunt: cum ira finitæ potestatis, Mamercum Aemylum principem ætatis suæ belli domique, ærarium fecerunt. Tenuit deinceps omnes censores intra centum annorum spatium. tenet C. Plautium collegam tuum, iisdem auspicijs, eodem iure creatum. An hunc non ut qui optimo iure censor creatus esset, populus creauit? tu unus eximius es, in quo hoc præcipuum ac singulare ualeat? quem tu regem sacrificiorum crees? amplexus regni nomen, ut qui optimo iure rex Romæ creatus sit, creatum se dicet. quem semestri dictatura, quem interregno quinque diebus contentum fore putes? quem clauis figendi, aut ludorum causa dictatorem audacter crees? Quàm isti stolidos ac socordes uideri creditis eos, qui intra uicesimum diem ingentibus rebus gestis dictatura se abdicauerunt? aut qui uitio creati abierunt magistratu? Quid ego antiqua repetam? nuper intra decem annos C. Manius dictator, quia, cum quæstiones seuerius, quàm quibusdam potentibus tutum erat, exerceret: contagio eius, quod querebat, ipsi criminis obiectata ab inimicis est: ut priuatus

obuiam iret crimini, dictatura se abdicauit. Nolo ego istam in te modestiam: ne degeneraueris à familia imperiosissima & superbissima: non die, non hora citius, quam necesse est, magistratu abicris: modo ne excedas finitū tempus: satis est aut diem, aut mensem censuræ adijcere. Triennium, inquit, & sex menses ultra quam licet Aemylia lege, censuram geram: & solus geram. hoc quidem iam regno simile est. An collegam subrogabis? quē ne in demortui quidem locū subrogari fas est. poenitet enim, quod antiquissimum solenne, & solum ab ipso cui fit institutum deo, ab nobilissimis antistitibus eius sacri ad seruorum ministerium religiosus censor deduxisti: gens antiquior originibus urbis huius, hospitio deorum immortalium sancta, propter te ac tuam censuram intra annum ab stirpe extincta est: nisi uniuersam rempublicam eo nefario obstrinxeris, quod ominari etiam reformidat animus. Vrbs eo litro capta est, quo demortuo collega C. Iulio censore L. Papyrius Cursor, ne abiret magistratu, M. Corneliū Maeluginensem collegam subrogauit. & quanto modestior illius cupiditas fuit, quam tua Appi? nec solus, nec ultra finitum lege tempus L. Papyrius censuram gessit. tamen neminem inuenit qui se postea autorem sequeretur. omnes deinceps censores post mortem collegæ se magistratu abdicarunt. Te nec quod dies exijt censuræ, nec quod collega magistrata abiit, nec lex, nec pudor coercet: uirtutem in superbia, in audacia, in contemptu deorum hominumque ponis. Ego te Appi Claudi pro istius magistratus maiestate ac uerecundia, quem gessisti, non modo manu uiolatum, sed ne uerbo quidem inclementiori à me appellatū uellem: sed & hæc, quæ adhuc egi, peruicacia tua & superbia coegit me loqui: et nisi Aemylia legi paruero, in uincula

uincula duci iubebo : nec cum ita comparatum à maioribus sit, ut comitijs censorijs, nisi duo confecerint legitima suffragia, nō renunciato altero comitia diffirātur: ego te, qui solus censor creari non possis, solum censuram gerere patiar. Hæc taliaq; cum dixisset, prehendi censorē & in uincula duci iussit. Approbantibus sex tribunis actionem collegæ, tres appellāti Appio auxilio fuerūt: summaq; inuidia omnium ordinum solus censurā gessit. Dum ea Romæ geruntur, iam Sutrium ab Hetruscis obsidebatur: consuliq; Fabio imis montibus ducenti ad ferendam opem socijs, tentandasq; munitiones, si quā posset, acies hostium instructa occurrit. quorū ingentē multitudinem cū ostenderet subiecta latè planicies: consul, ut loco paucitatē suorum adiuuaret flectit paululum in cliuos agmen (asspretæ erant strata saxi) inde signa in hostem obuertit. Hetrusci omnium, præterquā multitudinis suæ, qua sola freti erāt, immemores, prælium ineunt adeo raptim & auide: ut abiectis missilibus, quo celerius manus cōfererent, stringerēt gladios uadentes in hostem. Romanus contrā, nunc tela, nunc saxa, quibus eos affatim locus ipse armabat, ingerere. igitur scuta, galeæq; istæ cum etiam quos nō uulnerauerant, turbarent: neq; subire erat facile ad propiorē pugnam: neq; missilia habebant, quibus eminus rem gererēt: stantes, & expositos ad ictus cum iam satis nihil tegeret: quosdam etiam pedem referentes, fluctuantesq; & instabilem aciem redintegrato clamore strictis gladijs hastati & principes inuadunt. cum impetum non tulerunt Hetrusci: uersis que signis fuga effusa castra repetunt. Sed equites Romani præuecti per obliqua campi cum se fugientibus obtulissent, omisso ad castra itinere montes percutiunt. Inde inermi penè agnūne, ac uexato uulneribus in

syluam Ciminiam penetratum. Romanus multis milibus
 Hetruscorum cæsis, duodequadraginta signis militaribus
 captis, castris etiam hostium cum præda ingenti potitur.
 Tum de persequendo hoste agitari coëptum. Sylua erat
 Ciminia magis tum inuia atq; horrenda, quàm nuper sue
 re Germanici saltus: nulli ad eam diem ne mercatorum
 quidem adita, eam intrare haud ferè quisquam præter du-
 cem ipsum audebat. alijs omnibus cladis Caudinæ nondū
 memoria aboleuerat. Tū ex ijs qui aderant, consulis fra-
 ter (M. Fabium, Cæsonem alij, C. Claudium quidam ma-
 tre eadem qua C o s. genitum, tradunt) speculatum se itu-
 rum professus, breuiq; omnia certa allaturum. Cere edu-
 catus apud hospites, Hetruscis inde literis cruditus erat:
 linguam que Hetruscam probe nouerat. Habeo autores:
 uulgo tum Romanos pueros, sicut nunc Græcis, ita He-
 truscis literis erudiri solitos. sed propius est uerò: præci-
 puum aliquid fuisse in eo, qui se tam audaci simulatione
 hostium immiscuerit. seruus ei dicitur comes unus fuisse,
 nutritus unà, eoq; haud ignarus linguæ eiusdem. nec quic-
 quam aliud proficiscentes, quàm summatim regionis, quæ
 intranda erat, naturam, ac nomina principum in populis
 acceperere: nequa inter colloquia insigni nota hæsitantes
 deprehendi possent. iere pastoralis habitu, agrestibus telis,
 falcibus gæsisq; binis armati. Sed neq; commercium lin-
 guæ, nec uestis, armorum uel habitus sic eos texit, quàm
 quòd abhorrebat à fide, quenquam externum Ciminios
 saltus intraturū. Vsq; ad Camertes Vmbros penetrasse
 dicuntur. ibi, qui essent, fateri Romanum ausum: introdu-
 ctumq; in senatum, consulis uerbis egisse de societate, a-
 micitiâq; atq; inde comi hospitio acceptum, nunciare Ro-
 manis iussum: comneatum exercitui dierum x x x. præsto
 fore

fore, si ea loca intrasset: iuuentutemq; Canertium Vm-
 brorum in armis paratam imperio futuram. Hæc cum re-
 lata consuli essent: impedimentis prima uigilia præmissis,
 legionibus post impedimenta ire iussis, ipse substitit cum
 equitatu: & luce orta postero die obequitauit stationibus
 hostium: quæ extra saltum disposita erant. & cum satis
 diu tenuisset hostem, in castra sese recepit: portaq; altera
 egressus, ante noctem agmen assequitur. postero die luce
 prima iuga Cimini montis tenebat: inde contemplatus o-
 pulenta Hetruriæ arua, milites emittit. Ingenti iam abacta
 præda, tumultuariæ agrestium Hetruscorum cohortes re-
 pente à principibus regionis eius concitatæ Romanis oc-
 currunt, adeo incompositæ, ut uindices prædarum propè
 ipsi prædæ fuerint. Cæsis, fugatisq; ijs, late depopulato
 agro uictor Romanus, opulentusq; rerum omnium copia,
 in castra redijt. Eò fortè v. legati cum duobus tribunis
 pleb. uenerant denunciatum Fabio senatus uerbis: ne sal-
 tum Ciminium transiret. lætati scrius se, quàm ut impedi-
 re bellum possent, uenisse, nuncij uictoriæ Romam reuer-
 tuntur. Hac expeditione cōsulis motum latius erat, quàm
 profligatum bellum. uastationem nanq; sub Ciminij mon-
 tis radicibus iacens ora senserat: conciueratque indigna-
 tione non Hetruriæ modo populos, sed Umbriæ finitima.
 itaque quantus non uiquam antea, exercitus ad Sutrium
 uenit: neque è syluis tantummodo promota castra: sed e-
 tiam auiditate dimicandi quàm primum in campos de-
 lata acies: deinde instructa primo suo stare loco: relicto
 hostibus ad instruendum contrà spatio. deinde postquam
 detrectare hostem sensere pugnam: ad uallum subeunt.
 ubi postquam stationes quoque receptas intra munimen-
 ta sensere, clamor repente circa duces ortus: ut cò sibi è
 castris

castris cibaria eius dici deferri iuberent : manfuros se sub armis: & autnocte, aut certe luce prima castra hostium inuasuros . Nihilo quietior Romanus exercitus imperio ducis continetur . decima erat serè dici hora, cum cibum capere consul milites iubet , præcipit ut in armis sint, quacunque dici, noctis'ue hora signum dederit . paucis milites alloquitur : Samnitium bella extollit : eleuat Hetruscos : nec hostem hosti , nec multitudinem multitudini comparandam ait esse: præterea telum aliud occultum scituros in tempore: interea taceri opus esse. His ambagibus prodi simulabat hostes: quo animus militum multitudine territus restitueretur : & quod sine munimento considerant: uerisimilius erat quod simulabatur. Curati cibo corpora quieti dant: & quarta serè uigilia sine tumultu excitati arma capiunt . dolabræ calonibus diuiduntur ad uallum prouendum, fossas'que implendas . intra munimenta instruitur acies: delectæ cohortes ad portarum exitus collocantur. dato deinde signo paulo ante lucē, quod æstiuis noctibus sopitæ maxime quietistēpus est: proruto uallo crupit acies: stratos passim inuadit hostes: alios immobiles, alios semisomnos in cubilibus suis, maximā partē ad arma trepidantes cædes oppressit. paucis armandi se datū spatium est. eos ipsos non signum certum, non ducem sequentes fundit Romanus, fugatos'que persequitur. ad castra, ad syluas diuersi tendebant . syluæ tutius dedere refugium . nam castra in campis sita eodem die capiuntur. aurum , argentum'que iussu referri ad consulem. cætera præda multis fuit . Cæsa aut capta eo die hostium milia ad sexaginta . Eam tam claram pugnam trans Ciminiam syluam ad Perusiam pugnatam quidam autores sunt : metu'que in magno ciuitatem fuisse : ne interclusus exerci

exercitus tam infesto saltu coortis undique Thuscis Vmbriſq; oprimeretur. Sed ubicunq; pugnatum eſt, res Romana ſuperior fuit. itaque à Peruſia, & Cortona, & Arretio, quæ ferme capita Hetruriæ populorum ea tempeſtate erant, legati pacem ſœdusque ab Romanis petentes, inducias in triginta annos impetrauerunt. Dum hæc in Hetruria geruntur, c o s. alter C. Martius Rutilius Allifas de Samnitibus ui cepit. multa alia caſtella, uiciq; aut deleta hoſtiliter, aut integra in poteſtatem uenere. Per idem tempus & claſſis Romana à P. Cornelio, quem ſenatus maritimæ oræ præfecerat, in Campaniam acta, cum appulſa Pompeios eſſet: ſocij inde nauales ad depopulandum agrum Nucerinum proſecti proximis raptim uaſtatis, unde reditus tutus ad naues eſſet: dulcedine (ut fit) prædæ longius progreſſi exciucere hoſtes. palatis per agros nemo obuius fuit, cum occidione occidi poſſent: redeuntes agmine incauto haud procul nauibus aſſecuti aggreſtes exuerunt prædæ, partem etiam occiderunt. quæ ſuperſuit cædi, trepida multitudo ad naues compulſa eſt. Proſectio Q. Fabij trans Ciminiam ſyluam quantum Romæ terrorem fecerat, tam letam ſaniam in Samnium ad hoſtes tulcrat: intercluſum Romanum exercitum obſideri: cladiſq; imaginem Furculas Caudinas memorabant, eadem temeritate auidam ulteriorum ſemper gentem in ſaltus inuios deductam, ſeptam non hoſtium magis armis, quàm locorum iniquitatibus eſſe. Iam gaudium inuidia quadam miſcebatur: quòd belli Romani decus ab Samnitibus fortuna ad Hetruſcos auertiffet, itaque armis, uirisq; ad obterendum C. Martium c o s. concurrunt: protinus inde Hetruriam per Marſos ac Sabinos petituri, ſi Martius dimicandi poteſtatem non faciat. Obuius ijs c o s.

fuit

fuit. dimicatum prælio utrinq; atroci, atq; incerto euentu est. & cū anceps cædes fuisset, aduersæ tamen rei fama in Romanos uertit, ob amissos quosdā equestris ordinis, tribunosq; militum, atq; unum legatū, & (quod insigne maxime fuit) consulis ipsius uulnus. Ob hæc etiā aucta fama (ut solet) ingens terror patres inuasit: dictatoremq; dici placebat, nec quin cursor Papyrius diceretur, in quo tum summa rei bellicæ ponebatur, dubium cuiquam erat: sed nec in Samnium nuncium perferri omnibus infestis tutò posse: nec uiuere Martiū cos. satis fidebant. Alter cos. Fabius infestus priuatim Papyrio erat: quæ ne ira obstaret bono publico, legatos ex consularium numero mittendos ad eum senatus censuit: qui sua quoq; cum, nō publica solum autoritate mouerent, ut memoriam simultatū patriæ remitteret. Profecti legati ad Fabium cos. cum S. C. tradidissent, adiecissentq; orationem cōuenientem mandatis: cōsul demissis in terrā oculis tacitus ab incertis quid nā esset acturus, legatis recessit. nocte deinde silentio (ut mos est) L. Papyrium dictatorem dixit. cui cum ob animū egregie uictum legati gratias agerent, obstinatū silentium obtinuit: ac sine responso ac mentione facta sui, legatos dimisit: ut apparet infignem dōlorē ingenti cōprimi animo. Papyrius C. Iunium Bubulcum magistrū equitum dixit: atq; ei legem curiatam de imperio ferēti triste omen diem diffidit, quod Fauriæ curiæ fuit principium duabus insignis cladibus, captæ urbis, et Caudinæ pacis: quod utroq; anno eiusdem curiæ fuerat principium. Macer Licinius tertia etiam clade, quæ ad Cremeram accepta est, abominandam eam curiam facit. Dictator postero die auspicijs repetitis pertulit legē, & profectus cū legionibus ad terrorem traducti syluā Ciminiā exercitus nuper scriptis, ad Longulam

Lōgulam peruenit: acceptisq; à Martio cōs. ueteribus militibus, in aciem copias eduxit. nec hostes detrectare uisi pugnam. instructos deinde, armatosq; cum ab neutris praeliū inciperetur, nox oppressit. Quietī aliquandiu, nec suis diffidentes uiribus, nec hostem spernentes statua in propinquo habuere. Nam ut cum Vmbrorū exercitu acie depugnatū est. fusi tamē magis, quā cāsi hostes: quia cōptam acriter nō tolerarunt pugnā. Et ad Vadimonis lacū Hetrusci lege sacra coacto exercitu, cum uir uirū legisset, quantis nunquā aliās antē simul copijs, simul animis dimicarūt: tantoq; irarū certamine gesta res est, ut ab neutra parte emissā sint tela. gladijs pugna cōpit: Et acerri-me cōmissa ipso certamine, quod aliquandiu anceps fuit, accensa est: ut non cum Hetruscis toties uictis, sed cum aliqua noua gente uideretur dimicatio esse. nihil ab ullo parte mouetur fugā: cadunt antesignani: Et ne nudentur propugnatoribus signa, fit ex secūda prima acies. ab ultimis deinde subsidijs cietur miles: adeoq; ad ultimū laboris ac periculi uentū est, ut equites Rom. omīssis equis ad primos peditum per arma, per corpora euaserint. ea uelut noua inter fēsos exorta acies turbauit signa Hetruscorū. secuta deinde impetū eorum, utcunq; affēcta fuerat, cetera multitudo tandem perrumpit ordines hostium. Tunc uinci pertinacia cōpta, Et auerti manipuli quidam: Et ut semel dedere terga, etiam certiozem capessere fugam. Ille primum dies fortuna ueteri abundātes Hetruscorum fregit opes. cāsum in acie, quod roboris fuit: castra eo impetu capta, direptaq;. Pari subinde periculo, gloriæque euentu bellū in Samnitibus erat: qui prāter ceteros belli apparatus, ut acies sua fulgeret nouis armorū insignibus, fecerunt. duo exercitus erant: scuta alterius auro, alterius argento

argēto cēlauerunt. Forma erat scuti: summum latius quā pectus atq; humeri teguntur, fastigio equali: ad imum cuneatior, mobilitatis causa. spongia pectori tegumentū: et sinistrū crus ocrea tectum. galeæ cristatæ, quæ speciē magnitudini corporū adderent: tunica auratis militibus uersicolores, argentatis lintea candida. his dextrum cornu datum: illi in sinistro cōsistunt. Notus iam Romanis apparatus insignium armorū fuerat: doctiq; à ducibus erant, horridum militē esse debere, nō cēlatum auro argentoq; sed ferro et animis fretum: quippe illa prædam uerius, quā arma esse, nitentia ante rem, deformia inter sanguinem et uulneca. uirtutē esse militis decus, et omnia illa uictoriam sequi: et ditem hostem quamuis pauperis uictoris præmiū esse. His Cursor uocibus instinctos milites in prælium ducit. dextro ipse cornu consiluit: sinistro præfecit magistrū equitū. simul est concursus, ingens fuit cū hoste certamen: nō segnius inter dictatōrē et magistrum equitum, ab utra parte uictoria inciperet. Prior fortē Iunius cōmouit hostem, læuo dextrum cornu, sacros more Samnitiū milites, eoq; candida ueste, et paribus candore armis insignes, eos se orco mactare Iunius dictitans cum intulisset signa, turbauit ordines, et haud dubie impulit aciem. Quod ubi sensit dictator, Ab læuo ne cornu uictoria incipiet: inquit: et dextrum cornu, dictatoris acies alienam pugnam sequetur, non partē maximā uictoriæ trahet: cōcitāt milites. Nec peditum uirtuti equites, aut legatorū studia ducibus cedūt. M. Valerius à dextro, P. Decius ab læuo cornu, ambo cōsulares, ad equites in cornibus positos euehūtur: adhortatiq; eos, ut partē secū capefferent decoris, in trāuersa latera hostium incurrūt. is nouus additus terror cū ex parte utraq; circumuassisset acie, et ad

terrorem

terrorem hostium legiones Romanæ redintegrato clamore intulissent gradum, tum fuga ab Samnitibus cœpta, iam strage hominum, armorumq; insignium campi repleri. ac primo pauidos Samnites castra sua accipere: deinde ne ea quidem retenta. captis, direptisq; ante noctem iniectus ignis. Dictator ex S. C. triumphauit. cuius triumpho longe maximam speciẽ captiua arma præbuere. tantum magnificentie uisum in ijs, ut aurata scuta dominis argentariorũ ad forum ornandum diuiderentur. inde natum initium dicitur fori ornandi ab ædilibus, cum thesæ ducerentur. Et Romani quidem ad honorem deũ in signibus armis hostium uși sunt: Campani ab superbia & odio Samnitium gladiatores, quod spectaculum inter epulas erat, coornatu armarunt, Samnitiumq; nomine appellarunt. Eodem anno cum reliquis Hetruscorũ ad Perusiam, quæ ipsa induciarum fidem ruperat, Fabius cos. nec dubia, nec difficili uictoria dimicat. Ipsum oppidum (nam ad mœnia uictor acceßit) cepisset: ni legati dedentes urbem exissent. Præsidio Perusiæ imposito, legationibus Hetruriæ amicitiam petentibus præ se Romam ad Senatum missis, cos. præstantiore etiam quàm dictator uictoria triũphans urbem est inuectus. Quinetiã deuictorum Samnitium decus magna ex parte ad legatos, P. Decium & M. Valeriũ, est uersum: quos populus proximis comitijs ingenti consensu cos. alterum, alterũ prætorem declarauit. Fabio ob egregie perdomitam Hetruriam continuatur cõsulatus: Decius collega datur. Valerius prætor quartum creatus. cos. partiti prouincias. Hetruria Decio, Samnium Fabio euenit. Is profectus ad Nuceriam, Allifates iam tum pacem petentes, quòd uti ea cum daretur nolissent, aspernatus, oppugnando subegit. Cum Samnitibus acie dimicatum.

O

haud

haud magno certamine hostes uicti. neq; eius pugnae memoria tradita foret, ni Marſi eo primum praelio cum Romanis bellaffent. Secuti Marſorum defectionem Peligni, eandem fortunam habuerunt. Decio quoq; alteri cos. ſecondæ belli fortuna erat. Tarquinienſem metu ſubegerat frumentum exercitui præbere, atq; inducias in x l. annos petere. Volſiniëſium caſtella aliquot uicepit: quedam ex ijs diruit, ne receptaculo hoſtibus eſſent: circumſerendoq; paſſim bello tantum terrorem ſui fecit, ut nomen omne Hetruſcum fœdus à cos. peteret. ac de eo quidem nihil impetratum. induciæ annuæ datæ. ſtipendium exercitui Romano ab hoſte in eum annum penſum: & binæ tunicae in militem exactæ. ea merces induciarū fuit. Tranquillas res iam Hetrufcis turbauit repentina defeſtio Vmbroſū, gentis integræ à cladibus belli: niſi quòd tranſitum exercitus ager ſenſerat. Ii concitata omni iuuentute ſua, & magna parte Hetrufcorū ad rebellionē compulſa, tantū exercitū fecerant, ut relictō poſt ſe in Hetruria Decio, ad oppugnandam inde Romam ituros, magnifice de ſe, ac contemptim de Romanis loquentes, iactarent. Quod inceptum eorum ubi ad Decium cos. perlatum eſt, ad urbem ex Hetruria magnis itineribus pergit: & in agro Pipinienſi ad ſamam intētus hoſtium cōſedit. Nec Romæ ſpernebatur Vmbroſum bellum: & ipſæ minæ metum fecerant expertis à Gallica clade quàm intutam urbem incolerent. Itaq; legati ad Fabiū cos. miſſi ſunt: ut, ſiquid laxamenti à bello Samnitium eſſet: in Vmbriā propere exercitū duceret. Diſtō paruit cos. magnisq; itineribus ad Meuaniā, ubi tū copie Vmbroſorum erant, perrexit. Repens aduentus cos. quem procul Vmbria in Samnio bello alio occupatum crediderant, ita exterruit Vmbros, ut alij recedendū ad urbes mu-

nitas qui

nitās, quidā bellum omittendū censerent. Plaga una (materinam ipsi appellant) non cōtinuit modo ceteros in armis: sed confestim ad certamē egit. castra uallātem Fabium adorti sunt. Quos ubi effusos ruere in munimenta consul uidit: reuocatos milites ab opere, prout loci natura tempusq; patiebatur, ita instruxit: cohortatusq; prædicatione uera quā in Thuscis, quā in Samnio partorum decorū, exiguam appendicem Hetrusci belli conficere iubet: & uocis impie pœnas expetere: quā se urbem Romanā oppugnāturos minati sunt. Hæc tanta sunt alacritate militū auditi, ut clamor sua sponte ortus loquentem interpellauerit duce[m]. ante imperiū deinde concentu tubarum ac cornuum, cursu effuso in hostem feruntur: non tanquam in uiros, aut armatos incurrunt. mirabilia dictu: signa primo eripita signiferis: deinde ipsi signiferi trahi ad consulē: armatiq; milites ex acie in aciē trāsferri. & sicubi est certamē, scutis magis quā gladijs gemitur res. umbonibus, incusq; ala sternuntur hostes. plus capitur hominum, quā cæditur: atq; una uox ponere arma iubentium per totam fertur aciem. Itaq; inter ipsum certamen facta deditio est à primis autoribus belli. postero insequentibusq; diebus & ceteri Vmbrorum populi deduntur, Ocriculani sponsione in amicitiam accepti. Fabius alienæ sortis uictor bellī, in suam prouinciam exercitum reduxit. itaq; ei ob res tam feliciter gestas, sicut priore anno populus continuarat consulatum: ita senatus in insequentē annum, quo Ap. Claudius, L. Volumnius coss. fuerūt, prorogauit maxime Appio aduersante imperiū. Appium censorem petisse consulatū, comitiāq; eius ab L. Furio Tr. pl. interpellata, donec se censura abdicauit: in quibusdam annalibus inuenio. Creatus consul, cū collegæ nouū bellū Salētini hostes

decernerentur, Romæ mansit, ut urbanis artibus opes au-
 geret: quando belli decus penes alios esset. Volumnium
 provinciæ haud pœnituit. multa secunda prælia fecit: ali-
 quot urbes hostium ui cepit. prædæ erat largitor. & be-
 nignitatem per se gratam comitate adiuuabat: militemq;
 ijs artibus fecerat & periculi & laboris auidum. Q. Fa-
 bius proconsul ad urbem Allifas cum Samnitium exercitu
 signis collatis confligit. minime ambigua res fuit. Fusi ho-
 stes, atq; in castra cōpulsi. nec castra forent retenta, ni exi-
 guum superfuisset diei: ante noctem tamen sunt circūfessa,
 & nocte custodita, ne quis elabi posset. postero die uixdū
 luce certa, deditio fieri cœpta: & pacti, qui Samnitium fo-
 rent, ut cum singulis uestimentis emitteretur. hi omnes sub
 iugum missi. socijs Samnitium nihil cautū. ad VII. millia sub
 corona uenire. qui se ciuem Hernicum dixerat, seorsum in
 custodia habitus. eos omnes Fabius Romam ad Senatum
 misit: & cum quæsitū esset, delectu, an uoluntarij pro Sa-
 mnitibus aduersus Romanos bellassent: per Latinos popu-
 los custodiendi dantur. Iussi q; eam integram rem noui
 COSS. P. Cornelius Aruina, Q. Martius Tremulus (ij
 enim iam creati erant) ad Senatum referre. Id egre passi
 Hernici, consiliū populorum omnium habentibus Anagni-
 nis in circo, quem Maritimū uocant: præter Alatrinatē,
 Ferentinatēq; & Verulanum, omnes Hernici nominis
 populo Romano bellum indixerunt. In Samnio quoque,
 quia decesserat inde Fabius, noui motus exorti. Calatia
 & Sora, præsidiaq; quæ in ijs Romana erant, expugnata:
 & in captiuorum corpora militum fœde sæuitum. itaque
 eō P. Cornelius cum exercitu missus. Martio noui hostes
 (iam enim Anagninis Hernicisq; alijs bellum iussum erat)
 decernūtur. Primo ita omnia opportuna loca hostes inter
 consultum

consulum castra interceperunt, ut peruadere expeditus
 nūtiū non posset, & per aliquot dies incerti rerū omniū,
 suspensiq; de statu alterius, uterq; consul ageret: Romāq;
 is metus manaret: adeo, ut omnes iuniores sacramento adi
 gerentur: atq; ad subita rerum duo iusti scriberentur exer
 citus. Ceterum Hernicum bellum nequaquā pro præsenti
 terrore, ac uetustate gentis gloriæ fuit. nihil usquam dictu
 dignum ausi, trinis castris intra paucos dies exuti, triginta
 dierum inducias, ita ut ad Senatum Romā legatos mitte
 rent, pacti sunt bimestri stipendio frumentoq;, & singulis
 in militem tunicis. Ab senatu ad Martiū reiecti: cui S. C.
 permissum de Hernicis erat: isq; gentem in deditiōe acce
 pit. Et in Samnio alter cos. superior uiribus, locis impe
 ditior erat. omnia itinera obsepserāt hostes: saltusq; per
 uios ceperāt: nequa subuehi commeatus possent. neq; eos,
 cum quotidie signa in aciem consul proferret: elicere ad
 certamen poterat: satisq; apparebat neq; Samnitem cer
 tamen præsens, nec Romanum dilationem belli laturum.
 Aduentus Martij, qui Hernicis subactis maturauit colle
 gæ uenire auxilio: moram certaminis hosti exemūt. nam, ut
 qui ne alteri quidem exercitui se ad certamen credidissent
 pares, coniungi utiq; passi duos consulares exercitus, ni
 hil crederent superesse spei: aduenientem in composito a
 gmine Martium aggrediuntur. Raptim collatæ sarcinæ in
 medium: & prout tempus patiebatur, instructa acies. cla
 mor primum in statua perlatus, deinde cōspectus procul
 puluis tumultū apud alterum consulem in castris fecit. isq;
 cōfestim arma capere iussis, raptimq; eductis in aciem mi
 litibus, transuersam hostium aciem, atque alio certamine
 occupatam inuadit: clamitans summū flagitium fore, si al
 terum exercitū utriusq; uictoriæ compotem sinerēt fieri:

nec ad se sui belli uindicare decus. quâ impetum dederat, perrumpit : aciemq; per mediam in castra hostium tendit: & uacua defensoribus capit, atq; incendit. Quæ ubi flagrantia Marcius miles conspexit, & hostes respexerunt passim fuga cœpta Samnitium fieri. sed omnia obtinet cades: nec in ullam partem tutum perfugiū est. Iam xxx. millibus hostium cæsis, signum receptui consules dederāt: colligebantq; in unum copias, inuicem inter se gratantes: cum repente uisæ procul hostium nouæ cohortes, quæ in supplementum scriptæ fuerant, integrae cædem. in quas nec iussu consulum, nec signo accepto uictores uadunt: malo tyrocinio imbuendum Samnitum clamitantes. Indulgent coss. legionum ardori: ut qui probe scirent nouum militem hostium inter percussos fuga ueteranos ne tentando quidem satis certamini fore. nec eos opinio sefellit. omnes Samnitium copias, ueteres, nouæq; montes proximos fuga capiunt. eò & Romana erigitur acies: nec quicquam satis tuti loci uictis est: & de iugis, quæ ceperant, funduntur. iamq; una uoce omnes pacem petebant. Tum trium mensium frumento imperato, & annuo stipendio, ac singulis in militem tunicis, ad senatum pacis oratores missi. Cornelius in Samnio relictus. Marcius de Hernicis triumphans in urbem redijt. statuaq; equestris in foro decreta est: quæ ante templum Castoris posita est. Hernicorū tribus populis, Alatrinati, Verulano, Ferentinati, quia maluerūt quàm ciuitatē, suæ leges reddite: connubiūq; inter ipsos, quod aliquandiu soli Hernicorū habuerūt, permissum. Anagninis, quiq; arma Romanis intulerāt, ciuitas sine suffragij latione data: concilia, connubiaq; adempta: & magistratibus, præterquàm sacrorum curatione interdictum. Eodē anno ædes Salutis à C. Iunio Bubulco cenfore lo

fore locata est: quam coss. bello Samnitiū uouerat. ab eodem collegaq; eius M. Valerio Maximo uiae per agros publica impensa factae. Et cum Carthaginēsis eodem anno sexdus tertio renouatum: legatisq; eorum, qui ad id uenerant, comiter munera missa. Dictatorem idem annus habuit, P. Cornelium Scipionem cum magistro equitum P. Decio Mure. ab ijs, propter quae creati erant, comitia consularia habita, quia neuter coss. potuerāt bello abesse. Creati coss. L. Posthumius, T. Minutius. Hos coss. Piso Q. Fabio & P. Decio suggerit: biennio exēpto, quo Claudium Volūniumq;, & Corneliū cum Martio coss. factos tradidimus. memoria ne fugerit in annalibus digerendis: an consulo binos cōsules falsos ratus transcendērit, incertum est. Eodem anno in campū Stellatē agri Campani Samnitiū incursiones factae: itaq; ambo coss. in Samnium missi. cum diuersas regiones, Tifernum Posthumius, Bowianū Minutius petissent: Posthumij prius ductu ad Tifernum pugnatum. Alij haud dubie Samnites uiolos, ac triginta millia inde hominum capta tradunt: alij Marte aequo discessum: & Posthumium metum simulantē nocturno itinere clam in montes copias abduxisse: hostes secutos duo millia inde locis munitis & ipsos consedissee. Consul, ut statua tuta, copiosaq; (& ita erant) petisse uideretur: postquam & munimentis castra firmauit, & omni apparatu rerum utiliū instruxit: relicto firmo praesidio uigilia tertia, qua duci proxime potest, expeditas legiones ad collegam, & ipsum aduersus alios sedentem, ducit. ibi autore Posthumio Minutius cum hostibus signa confert. & cum anceps praelium in multum dici processisset: tum Posthumius integris legionibus defessam iam aciem hostium improviso inuadit. itaq; cum lassitudo ac

uulnera fugam quoq; præpedissent, occisione occisi hostes: signa unū & uiginti capta: atq; inde ad castra Posthumij perrectum. ibi duo uictores exercitus perculsum iam fama hostem adorti fundunt, fugantq;: signa militaria sex & uiginti capta, & imperator Samnitium Statius Cellius, multiq; alij mortales: & castra utraq; capta: & Bouianum, ubi postero die coeptum oppugnari, breui capitur. magnaq; gloria rerum gestarū consules triūpharunt. Minucium cos. cum uulnere graui relatum in castra mortuum, quidam autores sunt, & M. Fuluium in locum eius consulem suffectum: & ab eo, cum ad exercitum Minucij missus esset, Bouianū captum. Eodē anno Sora, Arpinum, Consentia, recepta ab Samnitibus. Herculis magnū simulachrum in Capitolio positū, dedicatūq;. P. Sulpitio Auerriōne, P. Sēpronio Sopho coss. Samnites, seu finem, seu dilationē belli quærentes, legatos de pace Romam misere. quibus suppliciter agentibus responsum est: nisi sæpe bellum parātes pacem petissent Samnites, oratione ultro citroq; habita, de pace transigi potuisse. nunc, quando uerba uana ad id locorum fuerint, rebus standum esse. P. Sempronium cos. cum exercitu breui in Samnio fore: cum ad bellum, pacem ne inclinent animi, falli non posse: compta omnia Senatui relaturum: decedentem ex Samnio cos. legati sequerentur. Eo anno cum pacatum Samnium exercitus Romanus benigne præbito commeatu peragrasset: fœdus antiquum Samnitibus redditum. Ad Aequos inde ueteres hostes, ceterum per multos annos sub specie infidæ pacis quietos, uersa arma Romana: quod incolūmi Hernico nomine uisitatauerant simul cum ijs Samniti auxilia, & post Hernicos subactos uniuersa propè gens sine dissimulatione cōsiliij publici ad hostes descuerat: & postquam

postquā ictō Romæ cum Samnitibus fœdere fœciales uenerant res repetitum, tentationem aiebant esse, ut terrore incusso belli Romanos se fieri paterentur. quod quāt opere optandū foret, Hernicos docuisse: cum quibus licuerit, suas leges Romæ ciuitati præoptauerint: quibus legēdi quid mallent copia non fuerit, pro pœna necessariam ciuitatem fore. Ob hæc uulgo in concilijs iactata populus Romanus bellum fieri Aequis iussit. consulesq; ambo ad nouum profecti bellum quatuor millia à castris hostium confederunt. Aequorum exercitus (ut qui suo nomine per multos annos imbelles egissent) tumultuario similis, sine ducibus certis, sine imperio trepidare. alij exeundum in aciem, alij castra tuenda censent: mouet plerosq; uastatio futura agrorum, ac deinceps cum leuibus præsidij urbium relictarum excidia. itaq; postquam inter multas sententias una, quæ omīssa cura communium ad respectum suarum quenq; rerū auertisset, audita: ut prima uigilia diuersi è castris ad deportanda omnia, tuendasq; mœnibus in urbes abirent: cuncti eam sententiam ingenti assensu acceperunt. Palatis hostibus per agros, prima luce Romani signis prolatis in acie consistūt: et ubi nemo obuius ibat, pleno gradu ad castra hostium tendūt. ceterum postquam ibi neq; stationes portis, nec quenquam in uallo, nec fremitum consuetum castrorum animaduenterunt: insolito silentio moti, metu insidiarum subsistunt. trāsgressi deinde uallum cum deserta omnia inuenissent, pergunt hostem uestigijs sequi, sed uestigia in omnes æque ferētia partes, ut in dilapsis passim, primo errorem faciebant: post per exploratores comperitis hostium consilijs ad singulas urbes circumferendo bello unum et quadraginta oppida intra dies sexaginta omnia oppugnando ceperunt: quorum pleraq; diruta, atq; incen-

sa: nomenq; Aequorum propè ad internecionem deletum. De Aequis triumphatum: exemploq; eorum clades fuit, ut Marrucini, Marfi, Peligni, Ferētini mitterent Romā oratores pacis petendæ, amicitiaq; ijs populis fœdus petentibus datum. Eodem anno C. Flavius Cn. filius scriba patre libertino humili fortuna ortus, cæterum callidus uir et facundus, ædilis curulis fuit. Inuenio in quibusdam annalibus, cum appareret ædilibus fieriq; se pro tribu ædilem uideret: neq; eius accipi nomen, quod scriptum faceret: tabulam posuisse: & iurasse se scriptum non facturū. quem aliquāto antea desisse scriptū facere arguit Macer Licinius: tribunatu antè gesto, triūuiratibusq; nocturno altero, altero colonia deducēdæ. Cæterū (id quod haud discrepat) contumacia aduersus contemnentes humilitatem suam nobiles certauit. ciuile ius repositum in penetralibus pontificum euulgauit: fastosq; circa forum in albo proposuit: ut quando lege agi posset sciretur. ædem Concordiæ in area Vulcani summa inuidia nobiliū dedicauit: coactusq; consensu populi Cornelius Barbatus Pontifex Maximus uerba præire: cum more maiorum negaret nisi c o s. aut imperatorē posse templum dedicare. Itaq; ex autoritate Senatus latum ad populum est, nequis templum, aram uel iniussu Senatus, aut Tr. pleb. partis maioris dedicaret. Haud memorabilem rem per se, nisi documentum sit aduersus superbiam nobiliū plebeiæ libertatis, refertam. Ad collegam ægrum uiscendi causa Flavius cum uenisset: consensuq; nobilium adolescentiū, qui ibi asidebant, assurrectum ei non esset: curulē asserri sellam eò iussit: ac sede honoris sui anxios inuidia inimicos spectauit. Cæterum Flauium dixerat ædilem forensis factio, Ap. Claudij cēsura uires nata: qui Senatum primus libertinorū filijs lectis inquinauerat. &

postea

posteaquam eam lectionem nemo ratam habuit: nec in curia adeptus erat quas petierat opes urbanas: humilibus per omnes tribus diuisis, forum & campum corrumpit. tantumq; Flauij comitia indignitatis habuerunt, ut pleriq; nobiliū annulos aureos, & phaleras deponerent. Ex eo tempore in duas partes discessit ciuitas: aliud integer populus fautor & cultor bonorum, aliud forensis factio tenebat: donec Q. Fabius & P. Decius cēsores facti. Fabius simul cōcordiæ causa, simul ne humiliorū in manu comitia essent, omnē forensē turbā excretā in quatuor tribus cōiecit: urbanasq; eas appellauit. adeoq; eam rē acceptā gratis animis serūt, ut Maximi cognomē, quod tot uictorijs non pepererat, hac ordinū tēperatione pateret. Ab eodē institutū dicitur, ut equites Idibus quintilibus trāsueherentur.

DECADIS I.

LIBER X.



LVICIO Genutio, Ser. Cornelio coss. ab externis ferme bellis ocium fuit. Sorā, atque Albam coloniæ deductæ: Albam in Aequos sex millia colonorum scripta. Sorā agri Volsci fuerat: sed possederant Samnites. eò quatuor millia hominū missa. Eodem anno Arpinatibus, Trebulanisq; ciuitas data. Frusinates tertia parte agri damnati: quòd Hernicos ab eis sollicitatos comperit: capitaq; coniurationis eius, quæstione ab coss. ex S. C. habita, uirgis cæsi ac securi percussi. Tamen ne prorsus imbellem agerent annum, parua expeditio in Umbria facta est: quòd nunciabatur ex spelunca quadam excursiones armatorum in agros fieri. In eam speluncam penetratum cum signis est; & ex eo loco obscuro multa uulnera accepta

accepta, maximeq; lapidum ictu, donec altero specus eius ore (nam peruius erat) inuento, utraq; fauces congestis lignis accensa. ita intus fumo ac uapore ad duo millia armatorum ruentia nouissime in ipsas flammis dum euadere tendunt, absumpta. M. Liuius Dentre, et C. Aemilio COS. S. redintegratum Aequorum bellum. Coloniam ægre patientes uelut arcem suis finibus impositam summa ui expugnare adorti, ab ipsis colonis pelluntur. ceterum tantum Romæ terrorum fecere, quia uix credibile erat tam affectis rebus solos per se Aequos ad bellum coortos, ut tumultus eius causa dictator diceretur C. Iunius Bubulcus cum M. Titinio magistro equitum. profectus primo congressu Aequos subegit. ac die octauo triumphans in urbem cum redisset, ædem Salutis, quam COS. uouerat, censor locauerat, dictator dedicauit. Eodem anno classis Græcorum Cleonymo duce Lacedæmonio ad Italiæ littora appulsa Thurias urbem in Salentinis cepit. Aduersus hunc hostem COS. Aemilius missus prælio uno fugatum compulit in naues. Thuriæ redditæ ueteri cultori: Salentinoq; agro pax parta. Iunium Bubulcum dictatorem missum in Salentinos in quibusdam annalibus inuenio: et Cleonymum prius quam confligendum esset cum Romanis, Italia excessisse. circumuectus inde Brundisij promontorium, medioq; sinu Hadriatico uentis latus, cum læua importuosa Italiæ littora, deextra Illyrici Liburniq; et Istri, gētes feræ et magna ex parte latrocinij maritimis infames terrent: penitus ad littora Venetorum peruenit. expositis paucis, qui loca explorarēt: cum audissent tenue prætentum littus esse, quod transgressus, stagna ab tergo sint irrigua astibus maritimis: agros haud procul proximos campestris cerni: ulteriora colles uideri esse: ostium fluminis præalti, quò circumagi

naues

naues in stationem tutam, uidisse (Meduacus amnis erat)
 eò inuectam classē subire flumine aduerso iussit. Graui-
 simas nauium non pertulit alueus fluminis. in leuiora na-
 uigia transgressa multitudo armatorum ad frequentes a-
 gros tribus maritimis Patuinorum uicis colentibus eam
 oram peruenit. Ibi egressi leui præsidio nauibus relicto, ui-
 cos expugnant: inflammant tecta: hominum, pecudumq;
 prædas agunt: & dulcedine prædandi longius usq; à nau-
 ibus procedunt. Hæc ubi Patuium sunt nunciata (semper
 autem eos in armis accolæ Galli habebant) in duas partes
 iuuentutem diuidunt. altera in regionem, qua effusa popu-
 latio nunciabatur: altera, ne cui prædonum obuia fieret,
 altero itinere ad stationem nauium (millia autem XIIII.
 ab oppido aberat) ducta. In naues paruas custodibus in-
 teremptis impetus factus: territiq; nautæ coguntur naues
 in alteram ripam amnis trajicere. & in terra prosperum
 æque in palatos prædatores præliū fuerat: refugientibusq;
 ad stationem Græcis Veneti obsistunt. Ita in medio circū-
 uenti hostes, cæsiq; pars capti classē indicant, regemq;
 Cleonymum tria inde millia abesse. Ibi captiuis proximo
 uico in custodiam datis, pars fluuiatiles naues ad superan-
 da uada stagnorum apte planis alueis fabricatas, pars ca-
 ptiua nauigia armatis complēt. profectiq; ad classē, im-
 mobiles naues, & loca ignota plus quàm hostem timen-
 tes circumuadunt: fugientesq; in altum, ac nusquam repu-
 gnantes usq; ad ostium amnis persecuti, captis quibusdā,
 incensisq; nauibus hostium, quas trepidatio in uada intu-
 lerat, uictores reuertuntur. Cleonymus uix quinta parte
 nauium incolumi, nulla regione maris Hadriatici prospe-
 re adita, discessit. rostra nauium, spoliaq; Laconum in æde
 Iunonis ueteri fixa, multi supersunt qui uiderunt. Patuiis
 monim

monimentum naualis pugnae eo die, quo pugnatum est, quoniam
 tannis solenni certamine nauium in flumine oppidi medio
 exercetur. Eodem anno Romae cum Vestinis petentibus
 amicitiam ictum est foedus. Multiplex deinde exortus ter-
 ror. Hetruiriam rebellare ab Arretinorum seditionibus motu
 orto nunciabatur: ubi Licinium genus praepotens, diuitia-
 rum inuidia pelli armis ceptum. simul Marsos agrum ui-
 tueri: in quem colonia Carseoli deducta erat, quatuor mil-
 libus hominum scriptis. Itaque propter eos tumultus dictus
 M. Valerius Maximus dictator magistrum equitum sibi
 legit M. Acmylium Paulum. id magis credo, quam Q. Fa-
 bium ea aetate, atque eis honoribus Valerio subiectum. cete-
 rum ex Maximi cognomine ortum errorem haud abnu-
 rim. Profectus dictator cum exercitu praelio uno Marsos
 fundit. compulsis deinde in urbes munitis, Milioniā, Ple-
 stinam, Fresiliam intra dies paucos cepit: et parte agri
 mulctatis Marsis foedus restituit. Tum in Hetruscos uer-
 sum bellum. et cum dictator auspicio- rum repetendorum
 causa profectus Romam esset, magister equitum pabula-
 tum egressus ex insidijs circumuenitur: signisque aliquot a-
 missis foeda militum caede ac fuga in castra est compulsus.
 qui terror non eo tantum a Fabio abhorret: quod si qua alia
 arte cognomen suum aequauit, tum maxime bellicis laudi-
 bus: sed etiam quod memor Papyriae saeuitiae nunquam ut
 dictatoris iniussu dimicaret, adduci potuisset. Nunciata ea
 clades Romam maiorem quam res erat terrorem exciuit.
 nam ut exercitu deleta, ita iustitium indictum: custodiae in
 portis, uigiliae uicatim exactae: arma, tela in muros conge-
 sta. Omnibus iunioribus sacramento adactis dictator ad
 exercitum missus omnia spe tranquilliora, et composita ma-
 gistri equitum cura, castra in tutiorem locum redacta, co-
 hortet,

hortes, quæ signa amiserant, extra uallū sine tentorijs destitutas, inuenit: exercitum auidum pugnae, quo maturius ignominia aboleretur. Itaq; confestim castra inde in agrū Ruffellanum promouit. eò & hostes secuti, quanquam ex bene gesta re summā & in aperto certamine uirium spem habebant: tamē insidijs quoq; quas feliciter experti erāt, hostem tentant. Tecta senūruta uici per uastationem agrorum deusti haud procul castris Romanorum aberant. ibi abditis armatis, pecus in conspectu praesidij Romani, cui praeerat Cn. Fuluius legatus, propulsū. ad quā illecebrā cum commoueretur nemo ab Romana statione, pastorum unus progressus sub ipsas munitiones, inclamat alios cunctanter ab ruinis uici pecus propellentes: quid cessarent, cum per media castra Romana tutò agere possent? Hæc cum legato Carites quidam interpretarentur: & per omnes manipulos militum ingens esset indignatio: nec tamē iniussu mouere se auderent: iubet peritos linguæ attendere animū, pastorū sermo agresti an urbano propior esset. Cum referrent sonum linguæ, & corporum habitum, & nitorem cultiora, quàm pastoralia esse: Itē igitur, dicite, inquit, detegant nequicquam conditas insidias: omnia sciare Romanum: nec magis iam dolo capi, quàm armis uinci posse. Hæc ubi audita sunt, & ad eos, qui confederant in insidijs, perlata: consurrectum repēte ex latebris est: & in patentem ad conspectum undiq; campum prolata signa. uisa legato maior acies, quàm quæ ab suo praesidio sustineri posset. itaq; propere ad dictatorem auxilia accitū mittit: interea ipse impetus hostium sustinet. Nuncio allato, dictator signa ferri, ac sequi armatos iubet. sed celeriora propè omnia imperio erāt. raptā extemplo signa, armaq;: & uix ab impetu & cursu tenebātur. cum ira ab accepta
nuper

nuper clade stimulabat, tum concitator accidens clamor ab increſcente certamine. urgent itaque alij alios. hortanturq; ſigniferos ut ocyus eant. quo magis feſtinantes uidet dictator, eò impenſius retentat agmen, ac ſenſim incedere iubet. Hetruſci contrà, principio exciti pugnae omnibus copijs aderant: & ſuper alios alij nunciant dictatori omnes legiones Hetruſcorum capeſſiſſe pugna: nec iam ab ſuis reſiſti poſſe. & ipſe cernit ex ſuperiore loco in quanto diſcrimine præſidiũ eſſet: cæterum ſatis fretus eſſe etiã nunc tolerando certamini legatum, nec ſe procul abeſſe periculi uindicem, quàm maxime uult fatigari hoſtem, ut integris adoriatur uiribus feſſos. quanquã lente procedunt, iam tamen ad impetum capiendum equiti utiq; modicum erat ſpatium. prima incedebant ſigna legionũ, nequid occultum aut repentinum hoſtis timeret: ſed reliquerat interualla inter ordines peditum, quã ſatis laxo ſpatio equi permitti poſſent. Pariter ſuſtulit clamorem acies: & immiſſus eques libero curſu in hoſtem inuehitur: incompoſitisq; aduerſus equeſtrem procellam ſubitum pauorem offundit. Itaq; ut propè ſerum auxilium iam penè circũuentis, ita uniuerſa requies data eſt. integri accipere pugnam: nec ea ipſa longa, aut anceps fuit. fuſi hoſtes caſtra repetunt, inferentibusq; iam ſigna Romanis cedunt, & in ultimam caſtrorum partem conglobantur. hærent fugientes in anguſtijs portarum: pars magna aggerem uallumq; conſcendunt, ſi aut ex ſuperiore loco tueri ſe, aut ſuperare aliquã & euadere poſſent. Forte quodã loco male denſatus agger pòdere ſupraſtantium in foſſam procubuit: atq; eà cum deos pandere uiã fugæ cõclamaſſent, plures inermes quàm armati euadunt. Hoc prælio fractæ iterũ Hetruſcorũ uires: & pacto annuo ſtipendio, & duũ menſiũ fru-

mento,

mento, permissum ab dictatore, ut de pace legatos mitterent Romam. pax negata: induciæ biennij datae. dictator triumphans in urbem rediit. Habeo autores, sine ullo memorabili prælio pacatam ab dictatore Hetruriam esse: seditionibus tantum Arretinorum compositis, et Licinio genere cum plebe in gratiam reducto. c. o. s. ex dictatura factus M. Valerius. non petentem, atque adeo etiam absentem creatum credere quidam: et per interregem ea comitia facta. id unum non ambigitur consulatum cum Apuleio Pansa gessisse. M. Valerio, et Q. Apuleio c. o. s. s. satis pacatae foris res fuere. Hetruscum adversa belli res, et induciæ quietum tenebant: Samnitum multorum annorum cladibus domum haud dum foederis novi poenitebat. Romae quoque plebem quietem et exoneratam deductam in colonias multitudo praestabat. tamen undique tranquilla res essent, certamen injectum inter primos civitatis, patricios plebeiosque, ab Tr. pl. Q. et Cn. Ogulnijs. qui undique criminandorum patrum apud plebem occasionibus quaesitis, postquam alia frustra tentata erant, eam actionem susceperunt, qua non infamam plebem accenderent, sed ipsa capita plebis, consulares triumphalesque plebeios: quorum honoribus nihil, praeter sacerdotia, quae nondum promiscua erant, deesset. Rogationem promulgarunt, ut cum quatuor augures, quatuor pontifices ea tempestate essent: placeretque augeri sacerdotum numerum, quatuor pontifices, quinque augures, de plebe omnes adlegerentur. Quemadmodum ad quatuor augurum numerum, nisi morte duorum id redigi collegium potuerit, non invenio: cum inter augures constet impari numerum debere esse, ut tres antiquae tribus, Ramnenses, Titientes, Luceres suum quaeque augurum habeant: aut si pluribus sit opus, pari inter se numero sacerdotes multiplicet: sicut multiplicati sunt,

P cum

cum ad quatuor quinq; adiecti nouē numerum, ut terni in singulas essent, expleuerunt. Ceterum quia de plebe adlegebantur: iuxta eam rē aggre passi patres, quā cum consulatum uulgari uiderent: simulabant ad deos id magis, quā ad se pertinere. ipsos uisuros ne sacra sua polluantur, id se optare tantum, nequa in remp. clades ueniat. Minus autem tetendere, assueti iam tali genere certaminū uinci. & cernebant aduersarios non id, quod olim uix sperauerint, affectantes magnos honores: sed omnia iā, in quorum spem dubiam erat certatum, tamen adeptos, multiplices consulatus, censurasq; & triumphos. Certatum tamen suadenda dissuadendaq; lege inter Ap. Claudium maxime ferunt, & inter Publium Deciū Murem. qui cum eadem ferme de iure patrū ac plebis, quæ pro lege Licinia quondam, cōtraq; eam dicta erant, cum plebeijs consulatus rogabatur, differuissent: retulisse dicitur Decius parentis sui speciem: qualem cum multi, qui in concione erant, uiderant: incinctum Gabino cultu, super telum stantē: quo se habitu pro populo, ac legionibus Romanis deuouisset. tū Publium Decium c o s. purum piūq; dijs immortalibus uisum, æque ac si T. Manlius collega eius deuoueretur: eundem P. Decium, qui sacra publica populi Romani faceret, legi rite non potuisse: id esse periculum, ne suas preces minus audirent dii, quā Ap. Claudij? castius eum sacra priuata facere, & religiosius deos colere, quā se? quem pœnitere uotorum, quæ pro re publica nuncupauerint tot c o s s. plebeij, tot dictatores, aut ad exercitus eūtes, aut inter ipsa bella? Numerarentur duces eorū annorum, quibus plebeiōrū ductu & auspicio res geri coeptæ sunt: numerarentur triumphi: iam ne nobilitatis quidem sue plebeios pœnitere, pro certo habere, si quod repens bellū
oriatur

oriatur, non plus spei fore Senatui populoq; Romano in patricijs, quàm in plebeijs ducibus. Quod cum ita se habeat, cui decorum hominum uel indignum uideri potest, inquit, eis uiris, quos uos sellis curulibus, toga prætexta, tunica palmata, et toga picta, et corona triumphali, laurea q; honoraritis: quorum domos spolijs hostium affixis insignes inter alias feceritis, pontificalia atq; auguralia insignia adijcere? Qui Iouis Opt. Max. ornatu decoratus, curru aurato per urbem uectus in Capitolium ascenderit: si conspiciatur cum capide ac lituo, capite uelato uictimam cadat: augurium uel ex arce capiat? cuius imaginis titulo consulatus, censura q;, et triumphus æquo animo legetur: si auguratum aut pontificatū adieceritis, non sustinebunt legentium oculi? equidē (pace dixerim deū) eos nos iam populi Romani beneficio esse spero, qui sacerdotijs non minus reddamus dignatione nostra honoris, quàm acceperimus: et decorum magis, quàm nostra causa expetamus, ut quos priuatim colimus, publice colamus. Quid autem ego sic adhuc egi, tanquam integra sit causa patriciorum de sacerdotijs? et non iā in possessione unius amplissimi sumus sacerdotij? decemuiros sacris faciundis, carminum Sibyllæ ac fatorum populi huius interpretes, antistites eosdē Apollinaris sacri cæremoniarum q; aliarū plebeios uidemus. nec tū patricijs ulla iniuria facta est, cum duū uiris sacris faciundis adiectus est propter plebeios numerus: et nunc tribunus, uir fortis ac strenuus, quinque augurum loca, quatuor pontificū adiecit, in quæ plebeij nominentur: nō ut uos Appi uestro loco pellant, sed ut adiuuet uos homines plebeij diuinis quoq; rebus procurandis: sicut in cæteris humanis pro parte uirili adiuuāt. Noli erubescere Appi collegā in sacerdotio habere, quē in censure,

quem in consulatu collegam habere potuisti: cuius tam dictatoris magister equitum, quàm magistri equitum dictator esse potes. Sabinum aduenam principē nobilitatus uestra, seu Ap. Clausum, seu Ap. Claudium mauultis, illi antiqui patricij in suum numerum acceperunt. ne fastidieris nos in sacerdotum numerum accipere, multa nobiscū decora afferimus: imò omnia eadem, quæ uos superbos fecerunt. L. Sextius primus de plebe c o s. est factus: Caius Licinius Stolo primus magister equitū: C. Martius Rutilius primus et dictator, et censor: Q. Publius Philo primus prætor. Semper ista audita sunt eadem: penes uos auspicia esse: uos solos gentem habere: uos solos iustum imperium et auspiciū domi nūtiæq;: æque adhuc prosperum plebeium, ac patricium fuit, porroq; erit. En unquā fando audistis patricos primo esse factos, nō de cælo demissos, sed qui patrē ciere auiq; possent: id est, nihil ultra quàm ingenuos? Consulem iam patrē ciere possum, auiq; iam poterit filius meus. nihil est aliud in re Quirites, nisi ut omnia negata adipiscamur, certamen tantum patricij petunt, nec curant quem euentum certaminum habeant. Ego hanc legem, quod bonū, faustum felixq; sit uobis ac reip. uti rogastis, iubendam censeo. Vocare tribus extemplo populus iubebat: apparebatq; accipi legem: ille tamen dies est intercessionē sublatu, postero die deterritis tribu nis ingenti consensu accepta est. Pontifices creantur, suasor legis P. Decius Mus, P. Sēpronius Sophus, C. Martius Rutilius, M. Liuius Denter. Quinq; augures item de plebe, C. Genucius, P. Aelius Patus, M. Minutius Fessus, C. Martius, T. Publius. Ita octo pontificū nouem augurum numerus factus. Eodē anno M. Valerius c o s. de prouocatione legē tulit diligētius sanctam. tertio ea tum post
reges

reges exactos lata est, semper à familia eadem. causam re-
nouandæ sæpius haud aliam fuisse reor, quàm quòd plus
paucorum opes, quàm libertas plebis poterant. Portia ta-
men lex sola pro tergo ciuiũ lata uidetur: quòd graui pœ-
na, si quis uerberasset, necasset uel ciuem Romanũ sanxit.
Valeria lex, cum eum, qui prouocasset, uirgis cædi secu-
riq; necari uetuisset, si quis aduersus ea fecisset, nihil ultrà,
quàm improbe factum, adiecit. id (qui tum pudor hominũ
erat) uisum credo uinculum satis ualidum legis. nunc uix
seruo ita minetur quisquã. Bellum ab eodem cõsule haud-
quaquam memorabile aduersus rebellantes Aequos, cum
præter animos feroces nihil ex antiqua fortuna haberent,
gestum est. Alter c o s. Apuleius in Umbria Nequinum
oppidũ circumfedit. locus erat arduus, atq; in parte una
præceps, ubi nunc Narnia sita est: nec ui, nec munimento
capi poterat. itaq; eã infectam rem M. Fuluius Pactus, T.
Manlius Torquatus noui c o s s. acceperũt. In eum an-
num cum Q. Fabium c o s. non petentem omnes dicerẽt
centuriæ: ipsum autore fuisse Macer Licinius ac Tubero
tradunt differẽdi sibi consulatus in bellicosiore annum:
eo anno maiori se usui reip. fore, urbano gesto magistra-
tu: ita nec dissimulantem quid mallet, nec petentem tamen,
ædilem curulem cum L. Papyrio Cursore factum. Id ne
pro certo poncrem, uetustior annalium autor Piso effe-
cit: qui eo anno ædiles curules fuisse tradit C. Domitium,
Cn. F. Caluinum, & Sp. Caruilium Q. F. Maximum. id
credo cognomen errorem in ædilibus fecisse: secutamq; fã-
bulam mistam ex ædilitijs & consularibus comitijs, con-
uenientem errori. Et lustrum eo anno conditum à P. Sem-
pronio Sopho, & P. Sulpitio Auerrione censoribus: tri-
busq; additæ duæ, Aniensis ac Terentina. Hæc Romæ

gesta. cæterum ad Nequinum oppidum cum segni obsidione tempus treretur: duo ex oppidanis, quorū erat adificia iuncta muro: specu facto ad stationes Romanas itinere occulto perueniunt: inde ad consulem deducti præsidium armatum se intra mœnia et muros accepturos cōfirmāt. Nec aspernāda res uisa, neq; incaute credēda. cum altero eorū (nam alter obses retentus) duo exploratores per cuniculum missi: per quos satis comperta re, trecenti armati transfuga duce in urbem ingressi nocte portam, quæ proxima erat, cepere: qua refracta c o s. exercitusq; Romanus sine certamine urbem inuasere. ita Nequinū in ditionē populi Romani uenit. colonia eò aduersus Vmbros missa à flumine Narnia appellata. exercitus cum magna præda Romam reductus. Eodē anno ab Hetruscis aduersus inducias paratum bellum. sed eos alia molientes Gallorū ingens exercitus fines ingressus paulisper à proposito avertit: pecunia deinde, qua multū poterāt, freti, socios ex hostibus facere Gallos conantur, ut eo adiuncto exercitu cū Romanis bellarent. de societate haud abnuunt barbari: de mercede agitur. qua pacta, acceptaq; cum parata cætera ad bellum essent: sequiq; Hetruscus iuberet: inficias eunt mercedē se belli Romanis inferēdi pactos: quicquid acciperint accepisse ne agrū Hetruscū uastaret, armisq; laceret cultores. militaturos tamē se, si utiq; Hetrusci uelint: sed nulla alia mercede, quàm ut in partē agri accipiātur: tandēq; aliqua sede certa cōsistant. Multa de eo cōcilia populorū Hetruuriæ habita: nec perfici quicquā potuit: non tā, quia imminui agrū, quàm quia accolae sibi quisq; adiūgere tā efferatæ gentis homines horrebat. ita dimissi Galli pecuniā ingentē sine labore ac periculo paratā retulerūt. Romæ terrorem præbuit fama Gallici tumultus ad bellum

Hetruscum

Hetruscum adiecti: eo minus cunctanter fœdus ictum cum Picenti populo est. T. Manlio c o s. Hetruria provincia sorte euenit: qui uixdū ingressus hostiū fines, cum exerce retur inter equites, ab rapido cursu circūagendo equo effusus extēplo propē expirauit: tertius ab eo casu dies finis uitæ c o s. fuit. Quo uelut omine belli accepto, deos pro se cōmississe bellū memorātes Hetrusci sustulere animos. Romæ tū desyderio uiri, tū incommoditate temporis tristis nuntius fuit, ut patres ab iubēdo dictatore consulis subrogādi comitia ex sententia principū habita deterruerint. M. Valeriū c o s. omnes sententiæ, centuriæq; dixere: quæ senatus dictatorem dici iussurus fuerat, tū extēplo in Hetruriā ad legiones proficisci iussit, aduentus eius cōpreßit Hetruscos, adeo ut nemo extra munimenta egredi auderet: timorq; ipsorum obsidioni similis esset, neq; illos nouus c o s. uastandis agris, urendisq; tectis, cum passim non uilla solum, sed frequentes quoq; uici incendijs fumerent: elicere ad certamē potuit. Cum hoc segnius bellū opinionione esset: alterius belli, quod multis inuicem cladibus haud immerito terribile erat: fama Picentiū nouorum sociorum indicio exorta est: Samnites arma, & rebellionem spectare: seq; ab ijs sollicitatos esse. Picētib; gratiæ actæ: & magna pars curæ patribus ab Hetruria in Samnites uersa est. Caritas etiā annonæ sollicitā ciuitatē habuit: uentūq; ad inopiæ ultimū foret: ut scripsere, quibus edilē fuisse eo anno Fabiū Maximū placet: ni eius uiri cura, qualis in bellicis rebus multis tēpestatibus fuerat, talis domū tū in annonæ dispensatione præparādo ac cōuehendo frumēto fuisset. Eo anno (nec traditur causa) interregnū initū. interreges fuere Ap. Claudius. dein P. Sulpitius: is comitia cōsularia habuit: creauit L. Cor. Scipionē, Cn. Fuluiū c o s s.

Principio huius anni oratores Lucanorum ad nouos
 C O S S. uenerunt questum : quia conditionibus perlice-
 re se nequiuissent ad societate armorum, Samnites in festo
 exercitu ingressos fines suos uisitare: belloq; ad bellum co-
 gere. Lucano populo satis superq; erratum quondam. nunc
 ita obstinatos animos esse, ut omnia ferre ac pati tolerabi-
 lius ducant, quam ut unquam postea nomen Romanum uiol-
 lent. Orare patres, ut et Lucanos in fidem accipiant, et
 uim atq; iniuriam ab se Samnitium arceant. Se, quanquam bel-
 lo cum Samnitibus suscepto necessaria iam facta aduersus
 Romanos fides sit, tamen obsides dare paratos esse. Breuis
 consultatio Senatus fuit. ad unum omnes iungendum foedus cum
 Lucanis, resq; repetendas ab Samnitibus censent. Benigne
 responsum Lucanis: ictumq; foedus. Foediales missi, qui Sa-
 mnitem decedere agro sociorum, ac deducere exercitum fini-
 bus Lucanis iuberent. quibus obuiam missi ab Samnitibus
 qui denuntiarent: si quod adissent in Sannio conciliu, haud
 inuiolatos abituros. Hec postquam audita sunt Romae, bel-
 lum Samnitibus et patres censuerunt, et populus iussit.
 C O S S. inter se provincias partiti sunt. Scipioni Hetru-
 ria, Fulvio Samnites obuenerunt: diuersiq; ad suum quisq;
 bellum proficiscuntur. Scipioni segne bellum et simile
 prioris anni militiae, expectanti hostes ad Volaterras in-
 structo agmine occurrerunt. pugnatum maiore parte dici,
 magna utrinq; caede. nox incertis qua data uictoria esset,
 interuenit. lux insequens uictorem, uictumq; ostendit. nam
 Hetrusci silentio noctis castra reliquerunt. Romanus egres-
 sus in aciem ubi profectione hostium concessam uictoria
 uidet, progressus ad castra uacuis cum plurima praeda (nam
 et statua trepide deserta fuerant) potitur. inde in Fali-
 scum agrum copijs reductis, cum impedimenta Falerijs
 cum

cum modico præsidio reliquisset, expedito agmine ad populandos hostium fines incedit. omnia ferro igniq; uastantur: prædæ undiq; actæ. nec solum modo uastū hosti relinquitur, sed castellis etiā uicisq; illatus ignis. urbibus oppugnandis temperatū, in quas timor Hetruscos compulerat. Cn. Fuluij cos. clara pugna in Samnio ad Bouianū haudquaquā ambiguae uictoriæ fuit. Bouianū inde aggressus, nec ita multo post Ausidenā, ui cepit. Eodē anno Carseo colonia in agrū Aequiculorū deducta. Fuluius cos. de Samnitibus triūphauit. Cū comitia cōsularia instarēt, fama exorta: Hetruscos, Samnitesq; ingētes cōscribere exercitus: palām omnibus cōcilijs uexari principes Hetruscorum, quod nō Gallos quacunq; cōditione traxerint ad bellū: increpari magistratus Samnitium, quod exercitum aduersus Lucanū hostem cōparatū obiecerint Romanis. itaq; suis sociorumq; uiribus cōsurgere hostes ad bellum, & haudquaquā pari defungendū esse certamine. Hic terror, cū illustres uiri cōsulatum peterent, omnes in Q. Fabium Maximū primo nō petentē, deinde ut inclinata studia uidit, etiam recusantē conuertit. Quid se iam senē, ac perfunctū laboribus laborumq; præmijs, sollicitarent: nec corporis, nec animi uigorē remanere eundē: & fortunam ipsam uereri, ne cui deorū nimia iam in se, & constantior quā uelint humanæ res, uideatur. & se gloriæ seniorum succreuisse, & ad suam gloriam cōsurgentes alios lætum aspicere. nec honores magnos fortissimus uiris Romæ, nec honoribus deesse fortes uiros. Acuebat hac moderatione tam iusta studia: quæ uerecundia legum restringenda ratus, legem recitari iussit: qua intra decem annos eundē cōsulem refici non liceret. uix præ strepitu audita lex est. tribuniq; plebis nihil id impediementi futurum aiebant. se ad

populum latus. uti legibus solueretur. & ille quidem in recusando perstabat: quid ergo attineret leges ferri rogitant, quibus per eosdē, qui tulissent fraus fieret: iam regi leges, nō regere. Populus nihilominus suffragia inibat: & ut quæq; intro uocata erat centuria, coss. haud dubie Fabium dicebat. Tum demū cōsensu ciuitatis uictus, Dei approbent, inquit, quod agitis, acturiq; estis Quirites. ceterum quoniam in me, quod uos uultis, facturi estis: in collega sit meæ apud uos gratiæ locus. P. Deciū expertū mihi concordi collegio uirum, dignum uobis, dignum parente suo, quæso mecum consulem faciatis. Iusta suffragatio uisa. omnes quæ supererant centuriæ Q. Fabium, P. Decium coss. dixerunt. Eo anno plerisque dies dicta ab ædilibus: quia plus, quàm quod lege finitū erat, agri possiderēt: nec quisquā ferme est purgatus: uinculumq; ingēs immodicæ cupiditatis iniectū est. coss. noui, Q. Fabius Maximus quartū, & P. Decius Mus tertium, cum inter se agitarent uti alter Samnites hostes, alter Hetruscos deligeret: quanteq; in hanc aut in illam prouinciā copiæ satis essent, & uter ad utrum bellum dux idoneus magis esset: ab Sutrio, & Nepete, & Falerijs legati, autores, cōcilia Heturriæ populorum de petenda pace haberi, totam belli molem in Samnium auerterūt. Profecti coss. quo expeditiores cōmeatus essent: & incertior hostis, quā uenturū bellum foret: Fabius per Soranum, Decius per Sidicinū agrum, in Samnium legiones ducunt. Vbi in hostium fines uentum est: uterq; populabundus effuso agmine incedit: explorāt tamen latius, quàm populantur. Igitur non sefellere ad Tifernū hostes in occulta ualle instructi: quā ingressos Romanos superiore ex loco adoriri parabant. Fabius impedimentis in locū tutum remotis, præsidioq; modico imposito

sito, præmonitis militibus adesse certamen, quadrato agmine ad prædictas hostium latebras succedit. Samnites desperantes improviso tumultu, quādo in apertū semel discrimen euasura esset res, et ipsi acie iusta maluerunt cōcurrere. Itaq; in æquum descendūt: ac fortunæ se maiore animo, quā spem cōmittunt. cæterū siue quia ex omnium Samnitium populis quodcunq; roboris fuerat, contraxerāt: seu quia discrimen summæ rerū augebat animos: aliquantum aperta quoq; pugna præbuerunt terroris. Fabius, ubi nulla ex parte hostem loco moueri uidet, M. Fuluium, et M. Valerium Tr. mil. cū quibus ad primā aciem procurrerat, ire ad equites iubet: et adhortari, ut si quando unquā equestri ope adiutam remp. meminerint, illo die annitatur ut ordinis eius gloriam inuictam præstent. peditum certamine immobilē hostem restare: omnem reliquā spem in impetu esse equitū. et ipsos nominatim iuuenes pari comitate utrunq; nunc laudibus, nunc promissionerāt. Cæterū quando ne ea quoq; tentata uis proficeret: cōsilio grassandum, si nihil uires iuuaret, ratus, Scipionem legatum hastatos primæ legionis subtrahere ex acie, et ad montes proximos, quā posset occultissime, circumducere iubet: inde ascensu abdito à cōspectu erigere in montes agmen: auersoq; hosti ab tergo repente se ostendere. Equites duobus tribunis haud multo plus hostibus quā suis, ex improviso ante signa euecti, præbuerunt tumultus. aduersus incitatas turmas stetit immota Samnitium acies: nec parte ulla pelli, aut perrumpi potuit. et postquam irritum inceptum erat: recepti post signa prælio excesserunt. Creuit ex eo hostium animus: nec sustinere frons. prima tam longum certamen, incrementemq; fiducia sui uim potuisset, nisi secunda acies iussu cos. in primum successisset. Ibi inter
græ uires

græ uires sistunt inuehentem se iam Samnitum. & tempore improvise ex montibus signa, clamorq; sublatus non uero tantum metu terruere Samnitium animos. Nam & Fabius Decium collegam appropinquare exclamauit, et pro se quisq; miles adesse alterum cos. adesse legiones gaudio alacres fremunt: errorq; utilis Romanis oblatum, fugæ formidinisq; Samnites impleuit: maxime territos ne ab altero exercitu integro intactoq; fessi opprimerentur. & quia passim in fugam dissipati sunt, minor cædes quam pro tantâ uictoria fuit. tria millia & cccc. cæsi: capti trecenti ferme & uiginti: signa militaria capta tria & uiginti. Samnitibus Appuli se ante prælium coniunxissent, ni P. Decius cos. ijs ad Maleuentum castra obiecisset, extractosq; deinde ad certamen fudisset. Ibi quoq; plus fugæ fuit, quam cædis. duo millia Appulorum cæsa. spretoq; eo hoste Decius in Samnium legiones duxit. Ibi duo consulares exercitus diuersis uagati partibus omnia spatio quinque mensium euaslarunt. quadraginta & quinque loca in Samnio fuisse, in quibus Decij castra fuerunt: alterius cos. sex et octoginta. nec ualli tantum, ac fossarum uestigia relicta: sed multa illis insigniora monimenta uastitatis circa, regionumq; depopulatarum. Fabius etiam urbem Cimetram cepit. ibi capta amatorum duo millia cccc. cæsi ferme pugnantes ad quadringentos triginta. Inde comitiorum causa Romam profectus maturauit eam rem agere. cum primo uocata Q. Fabium cos. dicerent omnes centurie, Ap. Claudius consularis candidatus, uir acer & ambitiosus, non sui magis honoris causa, quam ut patricij recuperarent duo consularia loca: cum suis, tum totius nobilitatis uiribus incubuit, ut se cum Q. Fabio cos. dicerent. Fabius primo de se eadem ferre, quæ priore anno, dicendo abnuere. circumsistere

cunſtare ſellam omnis nobilitas: orare ut ex cœno plebeio cōſulatum extraheret: maiſtatemq; priſtinā tum honori, tum patricijs gerētibus redderet. Labius ſilētio ſc̄cto media oratione ſtudia hominū ſedauit. ſc̄cturū enim ſe fuiſſe dixit, ut duorū patriciorum nomina reciperet, ſi alium, q̄ ſe cos. fieri uideret: nunc ſe ſui rationē comitijs, cum cōtra leges futurum ſit, peſſimo exemplo nō habiturum. Ita L. Volumnius de plebe cum Ap. Claudio cos. eſt ſc̄ctus, priore item cōſulatu inter ſe cōparati. Nobilitas obiectare Fabio, ſuggiſſe eum Appiū Claudium collegā, eloquentia ciuilibusq; artibus haud dubie præſtantem. Comitijs perfectis ucteres cos. iuſſi bellū in Samnio gerere pro rogato in ſex menſes imperio. Itaq; inſequenti quoq; anno L. Volumnio. Ap. Claudio cos. P. Decius, qui cos. in Samnio relictus à collega fuerat: proconſul idem populi nō deſtitit agros: donec Samnitiū exercitum nuſquā ſe prælio cōmittentem poſtremo expulit finibus. Hetru- riam pulſi petierunt: & quod legationibus nequicquam ſepe tentauerant, id ſe tanto agmunc armatorū nuſtis terrore precibus acturos efficacius rati, poſtulauerunt principum Hetruſiæ concilium. Quo coacto, per quot annos pro libertate dimicent cū Romanis, exponunt. omnia expertos eſſe, ſi ſuiſmetipſorum uiribus tolerare tantam moleſtiam belli poſſent: tentari etiam haud magni momenti finitimarum gentium auxilia: petiſſe pacem à populo Rom. cum bellum tolerare non poſſent: rebellari, quòd pax ſerui- entibus grauior, quàm liberis bellum eſſet. unam ſibi ſpem reliquam in Hetruſcis reſtare: ſcire gentem Italiæ opulentiffimam armis, uiris, pecunia eſſe: habere accolas Gallos inter ferrum & arma natos, feroces cum ſuo- pte ingenio, tum aduerſus Romanū populum: quem captum à ſe

à se, auroq; redemptum haud uana iactantes memorent.
 Nihil abesse, si sit animus Hetruscus, qui Porsenæ quodā,
 maioribusq; eorum fuerit: quin Romanos omni agro cis
 Tyberim pulsos dinicare pro salute sua, nō de intoleran-
 do Italia regno cogant. Samnitum illis exercitū paratū,
 instructū armis, stipendio uenisse: confestim secuturos, uel
 si ad ipsam Romanā urbē oppugnandā ducant. Hæc eos
 in Hetruria iactantes, molientes que bellum domi Roma-
 num urbat. nam P. Decius ubi cōperit per exploratores
 profectum Samnitium exercitū: aduocato cōcilio, Quid
 per agros, inquit, uagamur uicatim circūferentes bellum?
 quin urbes ac moenia aggredimur? nullus iam exercitus
 Samnio præsidet. cessere finibus: ac sibimetipsi exilium cō-
 sciuerunt. Approbantibus cunctis ad Murgantiā ualidam
 urbem oppugnandā ducit: tantusq; ardor militum fuit, et
 charitate ducis, et spe maioris quā ex agrestibus popu-
 lationibus prædæ, ut uno die ui atq; armis urbem caperēt.
 ibi duo millia Samnitium et centum pugnautes circum-
 uenti, captiq;: et alia præda ingens capta est. quæ ne im-
 pedimentis grauib; agmen oneraret, conuocari milites
 Decius iubet. Haccine, inquit, uictoria sola, aut hac præ-
 da contēti estis futuri? uultis uos pro uirtute spes gerere?
 omnes Samnitium urbes, fortunæq; in urbibus relictæ,
 uestre sunt: quando legiones eorum tot præliis fusas,
 postremo finibus expulistis. uendite ista: et illicite lucro
 mercatorem, ut sequatur agmen. ego subinde suggeram
 quæ uendatis. Ad Romuleam urbem hinc eamus, ubi uos
 labor haud magnus, præda maior manet. Diuendita præ-
 da, ultro adhortantes imperatorē ad Romuleam pergūt.
 Ibi quoq; sine opere, sine tormentis, simul admota sunt si-
 gna, nulla ui deterriti à muris, quæ cuiq; proximum fuit,
 scalis

scalis raptim admotis in moenia euasere. captum oppidū,
 ac direptū est. ad duo millia & ccc, occisi: & sex millia
 hominum capta. Et miles ingenti praeda potitus: quā uen-
 dere, sicut priorem coactus, Ferentinum inde, quanquam
 nihil quietis dabatur, tamē summa alacritate ductus. cete-
 rum ibi plus laboris ac periculi fuit. & defensa summa ui
 moenia sunt: & locus erat munimento naturaq; tutus. sed
 euicit omnia assuetus praeda miles. ad tria millia hostium
 circa muros caesa: praeda militis fuit. Huius oppugnatū
 urbium decoris pars maior in quibusdā annalibus ad Ma-
 ximum trahitur, Murgantiam ab Decio, à Fabio Feren-
 tinum Ronuleamq; oppugnatas tradunt. sunt qui nouo-
 rum cōsulum hanc gloriam faciant. quidā non amborum,
 sed alterius, P. Volumnij: ei Samnium provinciā euenisse.
 Dum ea in Samnio, cuiuscunq; ductu auspicioq;, gercen-
 tur, Romanis in Hetruria interim bellū ingens multis ex
 gētibus cōcitur: cuius autor Gelius Egnatius ex Sānitibus
 erat. Thufci ferē omnes cōsciuerant bellum: traxerat cō-
 tagio proximos Umbriæ populos: et Gallica auxilia mer-
 cede sollicitabantur. omnis ea multitudo ad castra Samni-
 tium conueniebat. Qui tumultus repens postquam Ro-
 mam perlatus est, cum iam L. Volumnius cōs. cum legio-
 nibus secunda ac tertia, sociorumque millibus quindecim
 profectus in Samnium esset: Ap. Claudium primo
 quoque tempore in Hetruriam ire placuit. duæ Romanæ
 legiones secutæ, prima & quarta, & sociorū duodecim
 millia: castra haud procul ab hoste posita. Ceterū magis
 eò profectum est, quòd mature uentum erat: ut quosdam
 spectantes iam arma in Hetruria populos metus Ro-
 mani nominis comprimeret: quàm quòd ductu cōs.
 quicquam ibi satis scite, aut fortunate gestum sit. Multa
 prælia

prælia locis & temporibus iniquis commissa: spes que in dies grauiorem hostem faciebat. et iam propè erat, ut nec duci milites, nec militibus dux satis fideret. Literas ad collegam accersendum ex Samnio missas in trinis annalibus inuenio. piget tamen incertum ponere, cum ea ipsa inter coss. populi Rom. iam iterum eodem honore fungentes discrepatio fuerit, Appio abnuète missas, Volumnio affirmante Appij se literis accitum. Iam Volumnius in Samnio tria castella ceperat, in quibus ad tria millia hostium cæsa erant, dimidium ferè eius captum. Et Lucanorum seditio- nes, à plebeis & egentibus ducibus ortas, summa optima- tium uoluntate per Q. Fabium procòsulem missum eò cū ueteri exercitu cōpresserat. Decio populandos hostium agros relinquit: ipse cū suis copijs in Hetruriā ad collegā pergit: quem aduenientē læti omnes accepere. Appium ex cōsciētia sua credo animū habuisse haud immerito iratū, si nihil scripserat: illiberali, & ingrato animo, si eguerat ope, dissimulantem. uix enim salute mutua reddita cum obuiā egressus esset: Satin' saluæ, inquit, Luci Volumni? ut sese in Samnio res habent? quæ te causa, ut prouincia tua excederes, induxit? Volumnius in Samnio res prospere esse ait: literis eius accitū uenisse: quæ si falsæ fuerint, nec usus sui sit in Hetruria, extemplo cōuersis signis abi- turum. Tu uerò abeas, inquit: neq; te quisquam moratur. etenim minime consentaneum est, cū bello tuo forsitan uix sufficias, hic te ad opem ferendā alijs gloriari uenisse. Bene Hercules uerteret, dicere Volumnius: malle frustra ope ram insumptam, quàm quicquam incidisse cur non satis esset Hetruriæ unus consularis exercitus, Digredientes iam coss. legati tribuniq; ex Appiano exercitu circumsistunt: pars imperatorē suum orare ne collegæ auxilium

quo

quod acciendum ultro fuerit, sua sponte oblatum sperneretur: plures abeunti Volumnio obistere, atque obtestari ne prauo cum collega certamine rempub. prodant. si qua clades incidisset: desertori magis, quam deserto noxiæ fore. eò rem adductam, ut omnis rei bene, aut secus gesta in Hetru-
ria decus dedecusq; ad L. Volumnium sit delegatum. nemi-
nem quaesitum quæ uerba Appij, sed quæ fortuna exerci-
tus fuerit. dimitti ab Appio eum: sed à repub. & ab exerci-
tu retineri. experiretur modo uoluntatē militum. Hæc mo-
nendo, obrestandoq; propè resistentes COSS. in concionē
pertraxerūt. ibi orationes longiores habitæ in eandē fer-
me sententiam, in quam inter paucos certatum uerbis fue-
rat. Et cum Volumnius causa superior, ne infacundus qui-
dem aduersus eximiam eloquentiam collegæ uisus esset: ca-
uillansq; Appius sibi acceptū referre diceret debere, quòd
ex muto atq; elingui facundum etiam COSS. haberēt: prio-
re consulatu primis utiq; mensibus hiscere cum nequisse,
nunc iam populares orationes serere: Quàm mallē, inquit
Volumnius, tu à me strenue facere, quàm ego abs te scite
loqui didicissem. Postremo conditionem ferre, quæ decre-
tura sit, nō orator (neq; enim id desyderare rempub.) sed
imperator uter sit melior: Hetruriam & Samnium pro-
uincias esse: utrā mallet, eligeret. suo exercitu se uel in He-
truria, uel in Samnio rem gesturum. Tum militum clamor
ortus, ut simul ambo bellum Hetruscum susciperent. quo
animaduerso consensu Volumnius: Quoniā in collegæ uo-
luntate interpretāda, inquit, erraui, non cōmittam ut quid
uos uelit, obscurū sit. manere, an abire me uelit, clamo-
re significate. tum uero tantus est clamor exortus, ut ho-
stes è castris exciret. armis arreptis in aciem descendunt.
& Volūnius signa canere, ac uexilla efferri è castris ius-
sit.

sit. Appium addubitasse ferunt: cernentem seu pugnante,
 seu quieto se fore collegæ uictoriā: deinde uetitum ne suæ
 quoq; legiones Volumnium sequerentur, & ipsum flagi-
 tantibus suis signum dedisse. Ab neutra parte satis commo-
 de instructi fuerunt. nam & Samnitium dux Gelius Egna-
 tius pabulatum cum cohortibus paucis ierat: suoq; impe-
 tu magis milites, quàm cuiusquam ductu, aut imperio pu-
 gnare capebant: & Romani exercitus nec pariter am-
 bo ducti, nec satis temporis ad instruendum fuit. Prius con-
 currit Volumnius, quàm Appius ad hostē perueniret. ita-
 que fronte inæquali concursus est: & uelut forte quadam
 mutante assuetos inter se hostes, Hetrusci Volumnio, Sa-
 mnites parumper cunctati, quia dux aberat, Appio occur-
 rere. Dicitur Appius in medio pugnae discrimine, ita ut in-
 ter prima signa manibus ad cælum sublatis cōspiceretur:
 ita precatus esse: Bellona, si hodie nobis uictoriam davis: ast
 ego templum tibi uoueo. Hæc precatus uelut instigante
 Dea, & ipse collegæ, & exercitus uirtutem adæquauit du-
 cis. imperatoria opera exequitur: & milites ne ab altera
 parte prius uictoria incipiat, annuntuntur. ergo fundunt fu-
 gantq; hostes, maiore molem haud facile sustinētes, quam
 cum qua manus conferre assueti fuerant. urgendo cedē-
 tes, insequendoq; effusos compulere ad castra. ibi interuen-
 tu Gelij, cohortiumq; Sabellarum, paulisper recruduit pu-
 gna. ijs quoq; mox fuis, iam à uictoribus castra oppugna-
 bantur. & cum Volumnius ipse portæ signa inferret: Ap-
 pius Bellonam uidtricem identidem celebrans, accenderet
 militum animos: per uallum, per fossas irruerunt. castra
 capta, direptaq; præda ingens parta, & militi cōcessa est.
 septem millia ac trecenti hostium occisi: duo millia & cen-
 tum uiginti capti. Dum anibo c o s s. omnisq; Romana
 uis in

nis in Hetruscum bellū magis inclināt: in Samnio noui exercitus exorti ad depopulandos imperij Romani fines per Vestinos in Campaniā Falernumq; agrum transcendunt, ingentesq; prædas faciunt. Volumnium magnis itineribus in Samnium redeuntem (iam enim Fabio Decioq; prorogati imperij finis aderat) fama de Samnitium exercitu, populationibusq; Campani agri ad tuendos socios cōuertit. Ut in Calænum agrum uenit: & ipse cernit recentia claudis uestigia: & Calæni narrant tantum iam prædæ hostes trahere, ut uix explicare agmen possint: itaq; iam propalā duces loqui, extemplo eundem in Samniū esse: ut relicta ibi præda in expeditionem redeant: nec tam oneratum agmen dimicationi committant. Ea quanquam similia ueris erant, certius tamen exploranda ratus, dimittit equites, qui uagos prædatores in agros palantes excipiant: ex quibus inquirendo cognoscit ad Vulturnum flumē sedere hostem: inde tertia uigilia moturum iter in Samnium esse. His satis exploratis profectus tanto interuallo ab hostibus confedit, ut nec aduentus suus propinquitate nimia nosci posset: & egrediētem è castris hostem opprimeret. aliquanto ante lucē ad castra accessit: gnarosq; Oscae linguae exploratum quid agatur mittit. Intermissi hostibus (quod facile erat in nocturna trepidatione) cognoscunt infrequentia armatis signa egressa, prædam prædaq; custodes exire, ignobile agmen, & sua quenq; molientem, nullo inter alios cōsensu, nec satis certo imperio. Tempus aggrediendi aptissimum uisum est: & iam lux appetebat. itaq; signa canere iussit: agmenq; hostium aggreditur. Samnites præda impediti, infrequentes armati, pars addere gradum, ac præ se agere prædam: pars stare, incerti utrū progredi, an regredi in castra tutius foret. inter cūcta

tionem opprimuntur. & Romani iam transcenderāt ual-
 lum: cædesq; ac tumultus erat in castris. Samnitium agmē
 præter quā hostili tumultu, captiuorum etiam repenti-
 na defectione turbatū erat: qui partim ipsi soluti uinctos
 soluebant: partim arma in sarcinis deligata rapiebant, tu-
 multumq; prælio ipso terribiliore intermisisti agmini præ-
 bebant. memorandum deinde edidere facinus: nam Statium
 Egnatium ducem aduentem ordines, hortantemq; inua-
 dunt: dissipatis inde equitibus, qui cum eo aderant, ipsum
 circumsistunt: insidentemq; equo captum ad cos. Roma-
 num rapiūt. Reuocata eo tumultu prima signa Samnitium:
 præliumq; iam profligatum integratum est: nec diutius su-
 stineri potuit. cæsa ad sex millia hominum: duo millia &
 quingenti capti: in eis tribuni militum quatuor: signa mi-
 litaria triginta: & quod letissimum uictoribus fuit, capti-
 uorum recepta septem millia & cccc. præda ingens so-
 ciorum: accitiq; edicto domini ad res suas noscendas, reci-
 piendasq; præstituta die. quarum rerum non extitit domi-
 nus, muliti concessæ: coactiq; uendere prædā, ne alibi quā
 in armis animum haberent. Magnum ea populatio Cam-
 pani agri tumultum Romæ præbuerat: & per eos forte
 dies ex Hetruria allatū erat, post deductū inde Volumnia
 num exercitum Hetruriam concitam in arma, & Gellium
 Egnatium Samnitium ducem, & Umbros ad defectionem
 uocari: & Gallos pretio ingenti sollicitari. His nuncijs Se-
 natus conterritus iustitium indici, delectum omnis generis
 hominum haberi iussit. nec ingenui modo, aut iuniores sa-
 cramento adacti sunt: sed seniorum etiam cohortes factæ,
 libertiniq; centuriati. & defendendæ urbis consilia agita-
 bantur: summæq; rerū prætor P. Sempronius præerat. cæ-
 terum parte curæ exonerarunt Senatum Lucij Volumnij
 cos.

cos. literæ: quibus cæsos fusosq; populatores Campaniæ cognitum est. Itaq; et supplicationes ob rem bene gestam cos. nomine decernunt: iustitium remittitur, quod fuerat dies decem octo: supplicatioq; perlata fuit. Tum de præsidio regionis depopulatæ ab Samnitibus agitari cæptū. itaq; placuit ut duæ coloniæ circa Vestinum et Falernum agrum deducerentur: una ad ostiū Liris fluuij, quæ Minturnæ appellata: altera in saltu Vestino Falernum contingente agrum: ubi Synope dicitur Græca urbs fuisse, Sinuessæ deinde ab colonis Romanis appellata. Tribunis plebis negocium datū est, ut plebiscito iuberetur P. Sempromius prætor triūuiros in ea loca colonis deducendis creare. nec qui nomina darēt, facile inueniebantur: quia in stationem se propè perpetuā infestæ regionis, non in agros mitti rebantur. auertit ab eis curis Senatum Hetruriæ ingrauescens bellum: et crebræ literæ Appij, monētis ne regionis eius motum negligenter. quatuor gentes conferre arma, Hetruscos, Samnites, Umbros, Gallos. iam castra bifariam facta esse: quia unus locus capere tantam multitudinem non possit. Ob hæc, et iam appetebat tempus, comitiorum causa L. Volumnius cos. Romam reuocatus. qui prius quàm ad suffragium centurias uocaret, in cōcionem aduocato populo multa de magnitudine belli Hetrusci differuit. iam tum, cum ipse ibi cū collega rem pariter gesserit: fuisse tantū bellum, ut nec duce uno, nec exercitu geri potuerit: accessisse postea dici Umbros, et ingentem exercitum Gallorum. Aduersus quatuor populos duces cos. illo die deligi meminissent. se, nisi consideret eum consensu populi Romani cos. declaratum iri, qui haud dubie tum primus omnium ductor habeatur: dictatorem fuisse exemplo dicturum. Nemini dubiū erat quin Q. Fabius omniū

Q 3 consen

consensu destinaretur: eumq; et prerogatiua, et primo uocata omnes centuria consulem cum L. Volumnio dicebant. Fabij oratio fuit qualis biennio ante: deinde ut uincatur consensu, uersa postremo ad collegam P. Decium poscendum. id senectuti suae adminiculum fore: censura, duobusq; consulatibus simul gestis expertum se nil concordie collegio firmitus ad rempub. tuendam esse. nouo imperij socio uix iam assuescere senilem animum posse: cum moribus notis facilius se communicaturum consilia. Subscripsit orationi eius cos. cum meritis P. Decij laudibus, tum quae ex concordia consulum bona, quaeq; ex discordia mala in administratione rerum militarium euenirent, memorando, quam prope ad ultimum discrimen suis et collegae certaminibus nuper uentum foret: admonendo Decium Fabiumq;, ut uno animo, una mente uiuerent. Esse praeterea uiros natos militiae, factis magnos, ad uerborum linguamq; certamina rudes: ea ingenia consularia esse. callidos solertesq;, iuris atq; eloquentiae consultos, qualis Ap. Claudius esset: urbi, ac foro praesides habendos, praetoresq; ad reddenda iura creandos esse. His agendis dies est consumptus. postridie ad praescriptum cos. et consularia et praetoria comitia habita. cos. creati, Q. Fabius et P. Decius: Ap. Claudius praetor: omnes absentes. et L. Volumnio ex S. C. et scito plebis prorogatum in annum imperium est. Eo anno prodigia multa fuerunt: quorum auerruncandorum causa supplicationes in biduum Senatus decreuit. publice uinum ac thus praebitum. supplicatum iere frequentes uiri foeminaeq;. Insignem supplicationem fecit certamen in sacello Pudicitiae patritiae, quae in foro bouario est ad aedem rotundam Herculis, inter matronas ortum. Virginiam Aulii filiam, patritiam plebeio nuptam L. Volumnio cos. matronae, quod e patribus enupisset, sacris arcuerant. Erceus al-

tercatio inde ex iracundia muliebri in contentionem animorum exarsit. cum se Virginia & patritiam & pudicā in patritiæ Pudicitiae templum ingressam: & uni nuptam, ad quem uirgo deducta sit: nec se uiri, honorum'ue eius ac rerum gestarū poenitere uero gloriaretur: facto deinde egregio magnifica uerba adauxit. in uico Longo, ubi habitabat, ex parte ædium quod satis esset loci modico sacello, exclusit: aramq; ibi posuit. & conuocatis plebeijs matronis cōqueſta iniuriā patritiarum, Hanc ego aram, inquit, Pudicitiae plebeiae dedico: uosq; hortor, ut quod certamen uirtutis uiros in hac ciuitate tenet, hoc pudicitiae inter matronas sit: detisq; operam, ut hæc ara, quā illa, siquid potest, sanctius, & à castioribus coli dicatur. Eodem ferme ritu & hæc ara, quo illa antiquior culta est, ut nulla nisi spectatæ pudicitiae matrona, et quæ uni uiro nupta fuisset, ius sacrificandi haberet. Vulgata dein religio à pollutis, nec matronis solū, sed omnis ordinis fœminis, postremo in obliuionē uenit. Eodem anno Cn. & Q. Ogulnij ædiles cures aliquot fœneratoribus diem dixerunt. quorum bonis multatis, ex eo quod in publicum redactū est, ænea in Capitolio limina: & triū mensarū argentea uasa in cella Iouis, Iouemq; in culmine cum quadrigis, & ad Ficum Rūminālē simulachra infantium cōditorū urbis sub uberibus lupæ posuerunt: semitamq; saxo quadrato à Capena porta ad Martis strauerunt. Et ab ædilibus plebeijs L. Aelio Pæto, & C. Fuluiο Curuo ex multatitia item pecunia, quæ exegerunt pecuarijs damnatis, ludi facti: pateræq; aureæ ad Cereris positæ. Q. inde Fabius quintum, & P. Decius quartum, consulatū incunt: tribus consulatibus, censuraq; collega, nec gloria magis rerū, quæ ingens erat: quā concordia inter se clari. quæ ne perpetua esset, ordinū magis,

Q. 4 quā

quàm ipsorū inter se certamen interuenisse reor : patricijs tendentibus ut Fabius Hetruriam extra ordinem prouinciam haberet: plebeijs autoribus Decio, ut ad sortem reuocaret. Fuit certe contentio in Senatu: & postquam ibi Fabius plus poterat, reuocata res ad populum est. in concione, ut inter militares uiros, & factis potius quàm dictis fretos, pauca uerba habita. Fabius, quam arborem conseruisset, sub ea legere alium fructum, indignum esse dicere. se aperuisse Cimuniam syluam: uiamq; per deuios saltus Romano bello fecisse. Quid se id ætatis sollicitassent, si alio duce bellum gesturi essent? Nimirum aduersarium se, non socium imperij legisse sensim exprobrat: & inuidisse Decium concordibus collegijs tribus. Postremo se tendere nihil ultra, quàm ut, si se dignum prouincia ducerent, in eam mitterent. in Senatus arbitrio se fuisse: & in potestate populi futurum. P. Decius Senatus iniuriam querebatur. Quoad potuerint patres annisos, ne plebeijs aditus ad magnos honores esset. postquā ipsa uirtus peruicerit ne in ullo genere hominum inhonorata esset: quæri quemadmodum irrita sint non suffragia modo populi, sed arbitria etiam fortuna, & in paucorum potestatem uertantur. Omnes ante se consules sortitos prouincias esse: nunc extra sortem Fabio Senatū prouinciam dare. Si honoris eius causa: ita eum de se, deq; repub. meritum esse, ut faueat Q. Fabij gloriæ: quæ modo non sua cõtumelia splendeat: cui autem dubiū esse, ubi unum bellum sit asperum ac difficile, cum id alteri extra sortem mandetur, quin alter consul pro superuacanco atq; inutili habeatur? gloriari Fabium rebus in Hetruria gestis: uelle & P. Decium gloriari: & forsitan quæ ille obrutum ignem reliquerit: ita, ut toties nouum ex impropuiso incendium daret: eum se extincturum. Postremo se
collegæ

collegæ honores præmiâq; concessurum uerecundia ætatis
 eius maiestatisq; cum periculum, cum dimicatio proposita
 sit, neq; cedere sua sponte, neq; cessurum. & si nihil aliud
 ex eo certamine tulerit: illud certe laturum, ut quod popu-
 li sit, populus iubeat potius, quàm patres gratificentur.
 Iouem optimum maximum, deosq; immortales se prece-
 ri: ut ita sortem æquam sibi cum collega dent: si eandem
 uirtutem felicitatemq; in bello administrando daturi sint.
 certe id & natura æquum, & exēplo utile esse: & ad fā-
 mam populi Romani pertinere: eos consules esse, quorum
 utrolibet duce bellum Hetruscum geri recte possit. Fa-
 bius nihil aliud precatus populū, quàm ut prius quàm in-
 trō uocarentur ad suffragium tribus, Ap. Claudij prætoris
 allatas ex Hetruria literas audirent: comitio abit, nec mi-
 nore populi consensu, quàm senatus, prouincia Hetruria
 extra sortem Fabio decreta est. Concursum inde ad consulē
 factus omnium ferme iuniorum: & pro se quisque nomina
 dabant. tanta cupido erat sub eo duce stipendia faciendi.
 Qua circumfusus turba, Quatuor millia, inquit, peditum,
 & sexcentos equites duntaxat scribere in animo est. hodi-
 erno, & crastino die qui nomina dedcritis, mecum ducam.
 maiori mihi curæ est ut omnes locupletes reducam, quàm
 ut multis rem geram militibus. Profectus apto exercitu,
 & eo plus fiduciæ ac spei gerente, quod non desyderata
 multitudo erat: ad oppidum Aharnam, unde haud procul
 hostes erant, ad castra Appij prætoris pergit. paucis citra
 millibus lignatores ei cum præsidio occurrunt. qui ut li-
 ctiores prægredi uiderunt, Fabiumq; esse consulem acce-
 pere: leti atq; alacres dijs populoq; Romano gratias æ-
 gunt, quòd eū sibi imperatorē misissent. Circumfusi deinde
 cum consulem salutarent, quærit Fabius quò pergerent.

Q 3

respon

ueret oratio pratoris, P. Decium censuisse ferūt, ut omnia integra ac libera Q. Fabio seruarentur: donec uel ipse, si per commodum reip. posset, Romam uenisset, uel aliquem ex legatis misisset: a quo disceret Senatus quantum in Hetruria belli esset: quantisq; administrandum copijs, et quot per duces esset. Fabius ut Romam redijt: et in Senatu, et productus ad populum, mediam orationem habuit, ut nec augere nec minuire uideretur belli fama: magisq; in altero assumendo duce aliorum indulgere timori: quam suo, aut reipub. periculo consulere. Ceterum si sibi adiutorē belli, sociumq; imperij darent: quonā modo se obliuisci P. Decij consulis per tot collegia experti posse? neminem omnium secum coniungi malle: et copiarum satis sibi cum P. Decio, et nūquam nimium hostium fore. Sin collega quid aliud malit: at sibi L. Volumnium darent adiutorem. Omnium rerum arbitrium et a populo, et a Senatu, et ab ipso collega Fabio permissum est. et cum Decius se in Samnium, uel in Hetruriam proficisci paratum esse ostendisset: tanta letitia ac gratulatio fuit, ut præcipretur uictoria animis: triumphusq; non bellum decretum consulibus uideretur. Inuenio apud quosdam, extemplo consulatu inito profectos in Hetruriam Fabium Deciumq;, sine ulla mentione sortis prouinciæ certaminumq; inter collegas, quæ exposui. Sunt quibus ne hæc quidem certamina exponere satis fuerit: adiecerint et Appij criminationes de Fabio absente ad populum, et pertinaciam aduersus præsentem c o s s. pratoris: contentionemq; aliam inter collegas: tendente Decio, ut suæ quisq; prouinciæ sortem tueretur. Cōstare res incipit ex eo tempore, quo profecti ambo c o s s. ad bellum sunt. Ceterum antequam c o s s. in Hetruriā peruenirēt, Senones Galli multitudine ingenti

ingenti ad Clusium uenerunt, legionem Romanā castraq;
oppugnaturi. Scipio qui castris præerat, loco adiuuandā
paucitatem suorum militum ratus, in colle qui inter urbem
& castra erat, aciem crexit. sed, ut in re subita, parum ex-
plorato itinere ad iugum perrexit, quod hostes ceperant
parte alia aggressi. ita cæsa ab tergo legio: atq; in medio,
cum hostis undiq; urgeret, circumuenta. Deletam quoq; ibi
legionem, ita ut nuntius non superesset, quidam autores
sunt: nec antè ad consules, qui iam haud procul à Clusio
aberant, famā eius cladis perlatam, quā in cōspectu fuere
Gallorum equites, pectoribus equorum suspensa gestantes
capita, & lanceis infixā, ouantesq; moris sui carmine. Sūt
qui Vmbros fuisse, non Gallos tradant: nec tantum cladis
acceptum: & circumuentis pabulatoribus cum L. Manlio
Torquato legato Scipionem proprætorē subsidium è ca-
stris tulisse: uictoresq; Vmbros redintegrato prælio ui-
ctos esse: captiuosq; eis ac prædā ademptam. Similius ue-
ro est, à Gallo hoste, quā Vmbro eam cladem acceptam.
quòd cum sæpe aliās, tum eo anno Gallici tumultus præ-
cipuus terror ciuitatem tenuit. Itaq; præterquā quòd
ambo consules profecti ad bellum erant cum quatuor le-
gionibus, & magno equitatu Romano, Campanisq; mille
equitibus delectis ad id bellum missis, & sociorum nomi-
nisq; Latini maiore exercitu, quā Romani: alij duo exer-
citus haud procul urbe Hetruriæ oppositi: unus in Fali-
sco, alter in Vaticano agro Cn. Fuluius, & L. Posthumius
Megillus, proprætores ambo, statim in eis locis habere
iussi. consules ad hostes transgresso Appennino in agrum
Sentinatem peruenerunt. ibi quatuor milium ferme inter-
uallo castra posita. Inter hostes deinde consultationes ha-
bitæ: atq; ita conuenit, ut ne unus castris misceretur omnes:

ne'ue

ne'ue in aciem descenderent simul. Samnitibus Galli, Hetruscis Vmbri adiecti. dies indicta pugnae: Samniti Gal-
lisq; delegata pugna: inter ipsum certamen Hetrusci Vm-
briq; iussi castra Romana oppugnare. Hæc consilia turba-
runt transfugæ Clusini tres, clam nocte ad Fabium consu-
lem transgressi. qui editis hostium consilijs dimissi cum do-
nis, ut subinde ut quæq; res noua decreta esset, exploratam
perferrent. consules Fulvio, ut ex Falisco, Posthumio, ut
ex Vaticano exercitum ad Clusium admoueant: summaq;
ui fines hostium depopulentur, scribunt. Huius populatio-
nis fama Hetruscos ex agro Sentinate ad suos fines tuen-
dos mouit. instare inde consules, ut absentibus ijs pugna-
retur. per biduum laceßiere prælio hostem. biduo nihil di-
gnum dictu actum. pauci utrinq; cecidere: magisq; iritati
sunt ad iustum certamen animi, quàm ad discrimen summa-
rerum adducta. tertio die descensum in campum omnia
bus copijs est. Cum instructæ acies starent, cerua fugiens
lupum è montibus exacta per campos inter duas acies de-
currit: inde diuersæ fera, cerua ad Gallos, lupus ad Ro-
manos cursum deflexit. Lupo data inter ordines uia, cer-
uam Galli confixere. Tum ex antesignanis Romanus mi-
les, Illac fuga, inquit, & cædes uertit, ubi sacram Dianæ
feram iacentem uidetis: hinc uictor Martius lupus, inte-
ger & intactus, gentis nos Martiæ & conditoris nostri
admonuit. Dextro cornu Galli, sinistro Samnites constite-
runt. aduersus Samnites Fabius primâ ac tertiâ legiones
pro dextro cornu, aduersus Gallos pro sinistro Decius
quintam & sextam instruxit. secūda & quarta cum L. Vo-
lumnio procōsule in Samnio gerebant bellū. Primo cōcur-
su adeo æquis uiribus gesta res est: ut, si affuisset Hetrusci
& Vmbri, aut in acie, aut in castris, quocunq; se inclinaf-
sent, ac

sent, accipienda clades fuerit. cæterum quāquam communis adhuc Mars belli erat: necdum discriminē fortuna fecerat, quā datura uires esset: haudquaquam similis pugna in dextro, læuoq; cornu erat: Romani apud Fabiū arcebant magis, quā inferebāt pugnam: extrahebaturq; in quā maxime serum dici certamē: quia ita persuasum erat duci: & Samnites, & Gallos primo impetu feroces esse: quos sustineri satis sit: longiore certamine sensim residere Samnitium animos: Gallorum quidē etiam corpora intolerantissima laboris atq; æstus fluere: primaq; eorum prælii plusquā uirorum, postrema minusquā fœminarū esse. In id tempus igitur, quo uinci solebat hostis, quā integerrimas uires militi seruabat. Ferocior Decius & ætate & uigore animi, quantumcunq; uirium habuit, certamine primo effudit: & quia lentior uidebatur pedestris pugna, **i** equitatum in pugnam concitat: & ipse fortissimæ iuuenū turmæ inimicus orat proceres iuuentutis, ut secum in hostem impetum faciant: duplicem illorum gloriam fore, si ab læuo cornu, & ab equite uictoria incipiat. Bis auertēre Gallicum equitatum. iterum longius euectos, & iam inter media equitum agmina prælium cientes, nouū pugna conterruit genus: essedis carrisq; superstans armatus hostis ingenti sonitu equorum rotarumq; aduenit, & insolitos eius tumultus Romanorū conterruit equos. Ita uictorem equitatum uelut lymphaticus pavor dissipat: sternit inde ruentes equos uirosq; improuida fuga. turbata hinc etiā signa legionū: multiq; imperu equorū, ac uehiculorū raptorū per agmē, obtriti antesignani: & insecuta, simul territos hostes uidit, Gallica acies nullū spatium respirādi recipiendiq; se dedit. Vociferare Decius, quò fugerent? quā uē in fuga spem haberēt? obistere cedentibus, ac reuo
care fu

care fusos. deinde ut nulla ui percussos sustinere poterat: patrē P. Decium nomine cōpellans, Quid ultrā moror, inquit, familiare fātum? datū hoc nostro generi est, ut luen-
dis periculis publicis piacula simus. iam ego mecū legio-
nes hostium mactandas Telluri ac dijs manibus dabo. Hæc locutus, M. Liuium Pontificē, quem descendens in aciem digredi uetuerat ab se: præire iussit uerba, quibus se, legio-
nesq; hostium pro exercitu populi Romani Quiritiū deuoueret. deuotus inde eadem precatione, eodemq; habitu, quo pater P. Decius ad Ve'erim bello Latino se iusserat deuoueri: cum secundum solennes precationes adiecisset: præ se agere sese formidinē ac fugam, cædemq; ac cruorē: cœlestium, infernorum iras: contacturum funebribus diris signa, tela, arma hostiū, locumq; eundē suæ pestis, & Gal-
lorum ac Samnitium, fore: hæc execratus in se, hostesq;, quā confertissimā cernebat Gallorum aciem, cōcitāt equū: inferensq; se ipse infestis telis interfectus est. Vix humanæ inde opis uideri pugna potuit. Romani duce amisso, quæ res terrori aliās esse solet: sistere fugam, ac nouam de integro uelle instaurare pugnam. Galli, & maxime globus circunstantis consulis corpus, uelut alienata mente uana incassum iactare tela: torpere quidam: & nec pugne meminisse, nec fugæ. At ex parte altera pontifex Liuius, cui lictores Decius tradiderat: iusseratq; proprætorem esse, uociferari: uicisse Romanos, defunctos consulis fātō: Gallos, Samnitesq; Telluris matris ac deorū manium esse: rapere ad se ac uocare Decium deuotam secum aciem: furiarumq; ac formidinis plena omnia ad hostes esse. Superueniunt deinde his restituentibus pugnam Cornelius Scipio & C. Martius, cum subsidijs ex nouissima acie iussu Q. Fabij consulis ad præsidium collegæ missi. ibi auditur P. Decij euentus,

euentus, ingens hortamen ad omnia pro repub. audenda. itaq; cum Galli structis antè se scutis conferti starent: nec facilis pede collato uideretur pugna: iussu legatorum collecta humi pila, quæ strata inter duas acies iacebant, atq; in testudinem hostium coniecta. quibus plerisq; in scuta, plerisq; uerutis in corpora ipsa fixis, sternitur cuneus: ita, ut magna pars integris corporibus attoniti conciderent. hæc in sinistro cornu Romanorum fortuna uariauerat. Fabius in dextro cornu primo (ut antè dictum est) cunctando extraxerat diem: deinde, postquam nec clamor hostiū, nec impetus, nec tela missa eandē uim habere uisa: præfatis equitum iussis ad latus Samnitium circunducere alas, ut signo dato in transuersos quāto maximo possent impetu incurrerent: sensim suos signa inferre iussit, & cōmouere hostem. Postquā non resisti uidit, & haud dubiam lassitudinē esse: tum collectis omnibus subsidijs, quæ ad id tēpus reseruauerat, & legiones concitauit, & signum ad inuadendos hostes equitibus dedit. Nec sustinuerunt Samnites impetū: præterq; aciem ipsam Gallorum relictis in dimicatione socijs, ad castra effuso cursu ferebantur. Galli testudine facta conferti stabant. Tum Fabius audita morte collegæ, Campanorū alam, quingentos ferè equites excedere acie iubet: & circumuectos à tergo Gallicam inuadere aciem: tertiæ deinde legionis subsequi principes: & quā turbatū agmen hostiū uiderent impetu equitū instare ac territos cadere. Ipse ædē Ioui Victori, spoliaq; hostiū cum uouisset, ad castra Samnitium perrexit: quò multitudine omnis consternata agebatur. sub ipso uallo, quia tantam multitudinē portæ non recepere, tētata ab exclusis turba suorū pugna est. ibi Gelius Egnatius imperator Samnitium cecidit, compulsi deinde intra uallum Samnites: paruoq; certamine

certamine capta castra: & Galli à tergo circumuenti. Cæsa eo die hostium x x v. millia, octo capta. nec incruenta uictoria fuit. nam ex P. Decij exercitu cæsa septem millia: ex Fabij mille ac ducenti. Fabius dimissis ad quærendum collegæ corpus, spolia hostium coniecta in acruum Ioui Victori cremauit. Consulis corpus eo die, quia obrutū super stratjs Gallorum cumulis erat, inueniri non potuit. postero die inuentum, relatumq; est cum multis militum lacrymis. Intermissa inde omnium aliarum rerum cura, Fabius collegæ funus omni honore, laudibusq; meritis celebrat. Et in Hetruria per eos dies ab Cn. Fulvio prætoris res ex sententia gesta: & præter ingentem illatam populationibus agrorum hosti cladem, pugnatum etiā egregie est. Perusinorumq; & Clusinorum cæsa amplius tria millia: & signa militaria ad uiginti capta. Samnitium agmen cum per Pelignum agrum fugeret, circūuentum à Pelignis est. ex millibus quinq; ad mille cæsi. Magna eius dici, quo in Sentinati agro bellatum, fama est, etiam uero stanti. Sed supericere quidam augendo fidem: qui in hostium exercitu peditum quadraginta millia, cccxx. equitum sex & quadraginta millia, mille carpentorū scripsere fuisse: scilicet cum Umbris Thuscisq;: quos & ipsos pugne affuisse. & ut Romanorum quoque augerent copias, L. Volumnium proconsulem ducem consulibus, exercitumq; eius legionibus consulem adiiciunt. In pluribus annalibus duorum ea consulum propria uictoria est. Volumnius in Samnio interim res gerit, Samnitiumq; exercitum in Tifernum montem compulsū, non deterritus iniquitate loci fundit fugatq;. Q. Fabius Deciano exercitu relicto in Hetruria, suis legionibus deductis ad urbem, de Gallis Hetruscisq; ac Sānitibus triūphauit. milites trium-

R phan

phātem secuti sunt. celebrata inconditis carminibus militibus nō magis uictoria Q. Fabij, quā mors præclara P. Decij est: excitatq; memoria parētis, æquata euentu publico priuatoq; filij laudibus. Data ex præda militibus æris octogeni bini, sagaq; & tunica, præmia illa tēpestate militie haudquaquam spernēda. His ita rebus gestis, nec in Sānitibus adhuc, nec in Hetruria pax erat. nam & Perusinis autoribus. post deductum ab consule exercitum rebellatum fuerat: & Samnites prædatum in agrum Vestinum Formianumq; et parte alia in Esetruniū, quāq; Vulturano adiacēt flumini, descendere. Aduersus eos Ap. Claudius prætor cum exercitu Deciano missus. Fabius in Hetruria rebellante denuo quatuor millia & quingētos Perusinarum occidit: cepit ad mille septingentos quadraginta: qui redempti singuli æris trecētis decem. præda alia omnis militibus concessa. Samnitium legiones cū partim Ap. Claudius prætor, partim L. Volumnius proconsul sequeretur, in agrum Stellatē conuenerunt. ibi & Samnitium legiones omnes confidunt, & Appius Volumniusq; castra coniungunt. pugnatum infestissimis animis, hinc ira stimulatē aduersus rebellantes toties: illinc ab ultima iam dimicantibus spe. Cæsa ergo Samnitium x v i. millia trecenti, capta duo millia septingenti. ex Romano exercitu cecidere duo millia septingēti. Felix annus bellicis rebus, pestilētia grauis, prodigijsq; sollicitus. nam & terra multifariam pluuiis se, & in exercitu Ap. Claudij plerosq; fulminibus ictos, nūtiatum est: libriq; ob hæc aditi. Eo anno Q. Fabius Gurges consulis filius aliquot matronas ad populū stupri damnatas pecunia mulctauit, ex quo mulctatitio ære Veneris adē, quæ prope circū est, faciendā curauit. Supersunt etiā nunc Sānitium bella, quæ continua per quartum iam

uolu

nolumen, annumq; sextū & quadragesimum à M. Vale-
 rio, A. Cornelio cōsulibus, qui primi Samnio arma intule-
 runt, agimus. & ne tot annorum clades utriusq; gentis, la-
 boresq; actos nunc referam: quibus nequiuerint tamen dū
 illa pectora uinci: proximo anno Samnites in Sentinati ae-
 gro, Pelignis, ad Tifernum, Stellatibus campis, suis ipsi le-
 gionibus, misti alienis, ab quatuor exercitibus, quatuor du-
 cibus Romanis cæsi fuerant: imperatorem clarissimum gē-
 tis suæ amiserāt: socios belli, Hetruscos, Umbros, Gallos,
 in eadē fortuna uidebāt, qua ipsi erant: nec suis, nec exter-
 nis uiribus iam stare poterāt: tamen bello non abstinebant,
 adeo ne infelicitè quidem defensæ libertatis tædebat: &
 uinci, quàm non tentare uictoriam, malebant. quinam
 sit ille, quem non pigeat longinquitatis bellorum scriben-
 do, legendoque, quæ gerentes non fatigauerunt? Q.
 Fabium, P. Decium, L. Posthumius Megillus, & M.
 Attilius Regulus consules secuti sunt. Samnium ambobus
 decreta prouincia est: quia tres scriptos hostiū exercitus:
 uno Hetruriam, altero populationē Campaniæ repeti, ter-
 tium tuendis parari finibus, fama erat. Posthumium uale-
 tudo aduersa Romæ tenuit. Attilius cum exercitu extēplo
 profectus, ut in Samnio hostes (ita enim placuerat patri-
 bus) nondum egressos opprimeret: uelut ex composito ibi
 obuium habuere hostem: ubi & intrare, nedū uastare ipsi
 Samnitiū agrum prohiberētur: et egredi inde in pacata, so-
 ciorūq; populi Romani fines Sānites prohiberēt. cum ca-
 stra castris collata essent: quod uix Romanus toties uictor
 auderet: ausi Sānites sunt (tantum desperatio ultima teme-
 ritatis facit) castra Romana oppugnare. & quāquam nō
 uenit ad finem tam audax inceptum, tamen haud omni-
 no uanum fuit. Nebula erat ad multum diei, densa

ex urbe, prius tamen quam exiret, militibus edicto Sorani iussu convenire. Ipse ædem Victoriæ, quam ædilis curulis ex mulctatitia pecunia faciendâ curaverat, dedicavit. Ita ad exercitum profectus ab Sora in Sâniûm ad castra collegæ perrexit, inde postquam Samnites diffisi duobus exercitibus resisti posse, recesserunt: diuersi c o s s. ad vastandos agros, urbesq; oppugnandas discedunt. Posthumus Miloniam oppugnare adortus vi primo, atq; impetu: deinde postquam ea parum procedebat, opere, ac vineis demum iniunctis muro cepit. ibi capta iâ urbe, ab hora quarta usq; ad octauam ferè horam omnibus partibus urbis diu incerto euentu pugnatû est. postremo potitur oppido Romanus. Samnitium cæsi tria milia ducenti: capti quatuor milia c c. præter prædam aliam. Inde Ferentinum ductæ legiones: unde oppidani cum omnibus rebus suis, quæ ferri agiq; potuerunt, nocte per auersam portam silentio excesserunt. Igitur simul aduenit c o s. primo ita compositus instructusq; mœnibus successit, tanquam idē, quod ad Miloniam fuerat, certaminis foret: deinde ut silentium uastum in urbe, nec arma, nec uiros in turribus ac muris uidit: auidum inuadendi deserta mœnia militem detinet, nequam occultam in fraudē incautus rueret: duas turmas sociorum Latini nominis circūequitare mœnia, atq; explorare omnia iubet. equites portam unam alteramq; eadem regione in propinquo patentes conspiciunt, itineribusq; ijs uestigia nocturnæ hostium fugæ. adequitant deinde senfim portis: urbemq; ex tuto rectis itineribus peruiam conspiciunt: & consuli referunt, excessum urbe: solitudine haud dubia id perspicuum esse, & recentibus uestigijs fugæ, ac strage rerum in trepidatione nocturna passim relictarum. His auditis c o s. ad eam partem urbis,

R 3 quam

quam adierant equites, circūducit agmen: constitutis'que haud procul porta signis, quinque equites iubet intrare urbem: et modicum spatium progressos tres manere eodē loco, si tuta uideantur: duos explorata ad se referre. Qui ubi redierūt: retulerūtque eō se progressos, unde in omnes partes circūspectus esset: longe late'que silentium ac solitudinem uidisse: exemplo c o s. cohortes expeditas in urbem induxit: ceteros interim castra communire iussit. Ingressi milites refractis foribus paucos graues aetate, aut inuandos, inueniunt: relictāque, quae migratu difficilia essent, ea direpta: et cognitum ex captiuis est, cōmuni consilio aliquot circa urbes conscisse fugam: suos prima uigilia profectos: credere eandem in alijs urbibus solitudinem inuētu-
ros. Dictis captiuorū fides extitit: desertis oppidis c o s. potitur. Alteri c o s. M. Attilio nequaquā tam facile bellum fuit. cum ad Luceriam duceret legiones, quam oppugnari ab Samnitibus audierat: ad finem Lucerinum ei hostis obuius fuit. ibi ira uires aequauit. praelium uarium et anceps fuit, tristius tamen euentu Romanis: et quia insueti erant uinci: et quia digrediētes magis, quā in ipso certamine, senserunt, quantum in sua parte plus uulnecum accedis fuisset. Itaque is terror in castris ortus, qui si pugna-
tes cepisset, insignis accepta clades foret. tum quoque sollicita nox fuit, iam inuasurum castra Samnitē credentibus, aut prima luce cum uictoribus cōferendas manus. Minus cladis, ceterum non plus animorum ad hostes erat. ubi primum illuxit, abire sine certamine cupiunt. Sed uia una, et ea ipsa prae-ter hostes, erat: quam ingressi prae-
buere specie rectā tendentium ad castra oppugnāda. c o s. arma cape-
re milites iubet, et sequi se extra uallum: legatis, tribunis, praefectis sociorum imperat, quod apud quenque facto opus est.

est. Omnes affirmāt se quidem omnia facturos: sed militum iacere animos: tota nocte inter uulnera, et gemitus morientium uigilatum esse. si ante lucem ad castra uentum foret: tantum pauoris fuisse, ut relicturi signa fuerint: nūc pudore à fuga contineri, alioquin pro uictis esse. Quæ ubi consul accepit, sibi metipsi circueundos alloquendosq; milites ratus, ut ad quosq; uenerat, cunctantes arma capere increpabat. quid cessarent, tergiuersarēturq;? hostem in castra uenturum, nisi illi extra castra exissent, et pro tentorijs suis pugnaturos, si pro uallo nollent. armatis ac dimicantibus dubiam uictoriam esse: qui nudus atq; inermis hostē maneat, ei aut mortem, aut seruitutem patiendam. Hæc iurganti increpantiq; respondebant, confectos se pugna hecsterna esse: nec uirium quicquam, nec sanguinis superesse: maiorem multitudinem hostiū apparere, quàm pridie fuerit. Inter hæc appropinquabat agmen: et iam breuiore interuallo certiora intuētes, uallum secum portare Samnitum affirmant: nec dubium esse quin castra circūuallaturi sint. Tunc eninuero c o s. indignum facinus esse uociferari, tantam contumeliā ignominiamq; ab ignauissimo accipi hoste. Etiam ne circūsedebimur, inquit, in castris: ut fame potius per ignominia, quàm ferro, si necesse est, per uirtutem moriamur? Diij bene uerterēt: facerentq; quod se dignum quisq; ducerent. c o s. M. Attiliū uel solum, si nemo alius sequatur, iturum aduersus hostes: casurumq; inter signa Samnitium potius, quàm circūuallari castra Romana uideat. Dicta cōsulis legati, tribuniq; et omnes turmæ equitū, et centuriones primorū ordinū approbauere. tū pudore uictus miles segniter arma capit, segniter è castris egreditur: longo agmine, nec cōtinenti, mæsti ac prope uicti procedūt uersus hostē, nec spe, nec animo certiorē.

non institerunt Sānites, spatiumq; circūagendi signa, uertendiq; aciem à castris in hostem fuit. Tum alij alios hortari ut repeterent pugnam: centuriones ab signiferis rapta signa inferre: & ostendere suis, paucos & ordinibus incompósitos effuse uenire hostes. Inter hæc c o s. manus ad cælum attollens uoce clara, ita ut exaudiretur, tēplum Ioui Statori uouet, si constitisset à fuga Romana acies: redintegratoq; prælio cecidisset uicissetq; legiones Sānitium. omnes undiq; annisi ad restituendam pugna, duces, milites, peditum, equitumq; uis. numen etiam deorum respexisse nomē Romanum uisum. adeo facile inclinata res: repulsiq; à castris hostes: mox etiam redacti ad eum locū, in quo commissa pugna erat. Ibi obiacente sarcinarum cumulo, quas coniecerant in medium, hæscere impediti: deinde ne diriperentur res, orbem armatorum sarcinis circumdant. Tum uero eos à fronte urgere pedites, ab tergo circumuecti equites. ita in medio cæsi, captiq;. Captiuorū numerus fuit septem millia c c c. qui omnes nudi sub iugū missi. cæsos retulere ad quatuor millia octingentos. Ne Romanis quidem læta uictoria fuit. recensente c o s. bi- duo acceptam cladem, amissorum militum numerus relatus septem millia trecenti. Dum hæc in Apulia gerebantur, altero exercitu Samnites Interamnam coloniam Romanā, quæ uia Latina est: occupare conati, urbem non tenuerūt: agros depopulati cū prædam aliam inde mistam hominū atq; pecudum, colonosq; captos agerēt: in uictorem incidunt c o s. ab Luceria redeuntē: nec prædam solum amittunt, sed ipsi lōgo ac impedito agmine incōpositi cæduntur. Cōsul Interamnā edicto domunis ad res suas noscēdas recipiēdasq; reuocatis, et exercitu ibi relicto, comitorum causa Romā est profectus. Cui de triumpho agēti negatus

R 3 honos,

honos, & ob amissa tot millia militum, & quòd captiuos sine pactione sub iugum misisset. c o s. alter Posthumius, quia in Samnitibus materia belli deerat: in Hetruriam tra ducto exercitu primum peruastrauerat Volsiniensem agrum: deinde cum egressus ad tuendos fines haud procul mœni bus ipsorum depugnat. duo millia c c. Hetruscorum cæsi: cæteros propinquitas urbis tutata est. In Rosellanum agrum exercitus traductus. ibi non agri tantum uastati, sed oppi dum etiam expugnatum: capta amplius duo millia homi num: mortui duo millia circa muros cæsa. Pax tamē clarior maiorq; quam bellum in Hetruria eo anno fuerat, parta est. tres ualidissime urbes, Hetruvie capita, Volsinij, Perusia, Arretium pacem petiere: & uestimentis militum, fru mentoq; pacti cum c o s. ut multi Romam oratores lice ret, inducias in quadraginta annos impetrauerunt. multa præsens quingenum millium æris in singulas ciuitates imposita. Ob hæc res gestas consul cum triumphum ab Senatu moris magis causa, quam spe impetrandi petisset: uideretq; alios, quòd tardius ab urbe exisset: alios, quòd in iussu Senatus ex Samnio in Hetruriam transisset: partim suos inimicos, partim collegæ amicos, ad solatium æquate repulsæ sibi quoq; negare triumphum: Nō ita, inquit, Pa tres conscripti uestre maiestatis meminero, ut me consulē esse obliuiscar: eodem iure imperij, quo bella gessi, bellis se liciter gestus, Samnio atque Hetruria subactis, uictoria & pace parta triumphabo. ita Senatū reliquit. Inde inter tribunos plebis contentio orta est. pars intercessuros, ne nouo exemplo triumpharet, aiebāt: pars auxilio se aduersus collegas triumphantis futuros. Iactata res ad populum est: uocatusq; cō consul cum L. Horatium, Marcum Valerium consules, C. Martium Rutilium nuper, patrē eius qui tunc censor

censor esset: nō ex auctoritate Senatus, sed iussu populi triū
 phasse diceret: adiebat se quoq; laturum fuisse ad popu-
 lum, ni sciret mancipia nobilium tribunos plebis legē im-
 pedituros: uoluntatem sibi ac fauorem consentientis popu-
 li pro omnibus iussis esse ac futuram: posteroq; die auxilio
 tribunorum plebis trium aduersus intercessionem **V I I.**
 tribunorum, et cōsensum Senatus, celebrante populo diē,
 triumphauit. Et huius anni parum constans memoria est.
 Posthumium autor est Claudius in Samnio captis aliquot
 urbibus, in Apulia fusum fugatumq; saucium ipsum cum
 paucis Luceriam cōpulsum: ab Attilio in Hetruria res ge-
 stas: eumq; triumphasse. Fabius ambos **C O S S.** in Sa-
 mnio, et ad Luceriam res gessisse scribit: tractumq; in
 Hetruriam exercitum: sed ab utro **C O S.** non adiecit: et
 ad Luceriam utrinq; multos occisos: inq; ea pugna Iouis
 Statoris ædem uotam, ut Romulus antē uouerat: sed sanū
 tantum, id est locus tēplo effatus, iam sacratus fuerat. Cæ-
 terum hoc demum anno, ut ædem etiam fieri Senatus iube-
 rēt, bis eiusdem uoti damnata respub. in religionem uenit.
 Sequitur hunc annum et **C O S.** insignis, **L. Papyrius Cur** 2
for quā paterna gloria, quā sua: et bellum ingens, uicto-
 riaq; quantam de Samnitibus nemo ad eam diem, præter
L. Papyrium patrem **C O S.** pepererat. et forte eodem co-
 natu apparatusq; omni opulētia insignium armorum bel-
 lum adornauerant: et opes deorum etiam adhibuerāt ri-
 tū quodā sacramenti uetusto uelut initiatis militibus, dele-
 ctū per omne Sānium habito noua lege: ut qui iuniorum
 non cōuenisset ad imperatoriū edictum, quiq; iniussu abis-
 set, caput Ioui sacratū erat. Tū exercitus omnis Aquiloniā
 est indictus. ad **x l.** milia militū, quod roboris in Samnio
 erat, conuenerunt. ibi medijs ferē castris locus est cōseptus
 cratib

legiones, quas M. Attilius superioris anni c o s. in agro Interamnati reliquerat, decretae erant. cum eis in Samnium profectus, dum hostes operati superstitionibus concilia secreta agunt, Amuternum oppidum de Samnitibus ui cepit. caesa ibi millia hominum duo ferme atq; octingenti: capta quatuor millia ducenti septuaginta. Papyrius nouo exercitu (ita decretum erat) scripto Duroniam urbem expugnauit: minus quam collega cepit hominum: plus aliquanto occidit: praeda opulenta utroque est parta. Inde peruagati Samnium c o s s. maxime depopulato Atinate agro, Caruilius ad Cominium, Papyrius ad Aquiloniam, ubi summa rei Samnitium erat, peruenit. ibi aliquandiu nec cessatum ab armis est, neque gnauiter pugnatum: laceffendo quietos, resistantibus cedendo, comminandoque magis quam inferendo pugnam dies absumebatur. quod cum inciperetur, remittereturque, omnium rerum etiam paruorum euetus proferebatur in dies. Altera Romana castra uiginti nullum spatium aberant: et absentis collegae consilia omnibus gerendis intererant rebus: intentiorque Caruilius, quo maiore discrimine res uertebatur, in Aquiloniam, quam ad Cominium, quod obsidebat, erat. L. Papyrius iam per omnia ad dimicandum satis paratus nuntium ad collegam mittit: sibi in animo esse postero die, si per auspicia liceret, colligere cum hoste: opus esse et illum quanta maxima ui posset, Cominium oppugnare: nequid laxamenti sit Samnitibus ad subsidia Aquiloniam mittenda. diem ad proficiscendum nuntius habuit: nocte redijt, approbare collegam consulta referens. Papyrius nuntio misso extemplo concionem habuit: multa de uniuerso genere belli, multa de praesenti hostium apparatu uana magis specie, quam efficaci ad euentum, disseruit. Non enim cristas uulnera facere: et per picta atque

aurata

aurata scuta transire Romanum pilum: & candore tuni-
 carum fulgentem aciem, ubi res ferro geratur, cruentari.
 Auream olim atq; argenteam Samnitium aciem à paren-
 te suo occisione occisam: spoliaq; ea honestiora uictori ho-
 sti, quàm ipsis arma fuisse. Datum hoc nomini familie' que
 sue: ut aduersus maximos conatus Samnitium opponeren-
 tur duces: spoliaq; ea referrent, quæ insignia publicis etiã
 locis decorandis essent. Deos immortales adesse propter to-
 ties petita fœdera, toties rupta: tum si qua coniectura men-
 tis diuinæ sit, nulli unquã exercitui fuisse infestiores, quàm
 qui nefando sacro mista hominũ pecudumq; cæde resper-
 sus, ancipiti deũ iræ deuotus, hinc fœderum cum Roma-
 nis ictorum testes deos, hinc iurisiurandi aduersus fœdera
 suscepti execrationes horrens, inuitus iurauerit, oderit sa-
 cramentum, uno tempore deos, ciues, hosteis metuat. Hæc
 comperta perfugarum indicijs cum apud infensos iam sua
 spõte milites disserrisset: simul diuinæ humanæq; spei ple-
 ni clamore cõsentienti pugnam poscunt: poenitet in poste-
 rum diem dilatum certamẽ: moram dici, noctisq; oderunt.
 Tertia uigilia noctis iã relatis literis à collega Papyrius
 silentio surgit: & pullarium in auspiciũ mittit. Nullum
 erat genus hominũ in castris intactum cupiditate pugne:
 summi infimiq; æque inteti erant: dux militum, nules ducis
 ardorẽ spectabat. Is ardor omnium etiam ad eos, qui au-
 spicio intererant, peruenit. nam cũ pulli non pascerentur,
 pullarius auspiciũ mentiri ausus, tripudium solistimum
 c o s. nũtiavit. c o s. letus, auspiciũ egregium esse, &
 deis autoribus rem gesturos, pronũtiat: signumq; pugne
 proponit. Executi iam in aciem nũtiat perfuga, uiginti co-
 hortes Samnitium (quadringenariæ ferme erant) Comuniũ
 profectas. quod ne ignoraret collega, extẽplo nuntium mit-
 tit: ipse

tit: ipse signa ocyus proferri iubet; subsidiaq; suis quaeq;
 locis, & praefectos subsidijs attribuerat. Dextro cornu L.
 Volumnium, sinistro L. Scipione, equitibus legatos alios,
 C. Ceditium & Trebonium praefecit. Sp. Nautium mulos
 detractis clitelis cum cohortibus alaribus in tumultum cō
 spectum propere circūducere iubet: atq; inde inter ipsam
 dimicationem quanto maxime posset moto puluere ostē
 dere. Dum his intentus imperator erat, altercatio inter
 pullarios orta de auspicio eius diei, exauditaq; ab equiti
 bus Romanis: qui rem haud spernendam rati, Sp. Papyrio
 fratris filio consulis ambigi de auspicio renuntiauerunt.
 Iuuenis ante doctrinam deos spernentem natus, rem in qui
 sitam nequid incompertum deferret, ad consulem detulit.
 cui ille, Tu quidem macte uirtute diligentiaq; esto: ceterū
 qui auspicio adest, si quid falsi nuntiat, in semetipsum reli
 gionem recipit: mihi quidē tripudium nuntiatum, populo
 Romano exercituiq; egregiū auspiciū est. centurionibus
 deinde imperauit, ut pullarios inter prima signa cōstitue
 rent. Promouent & Sānites signa: insequitur acies orna
 ta, armataq;: ut hostiū quoq; magnificū spectaculum esset.
 Prius quā clamor tolleretur, cōcurrereturq; emisso teme
 re pilo ictus pullarius ante signa cecidit. quod ubi c o s.
 nuntiatū est: Dī in praelio sunt, inquit: habet poenā noxiū
 caput. Ante c o s. hēc dicētē coruus uoce clara occinuit,
 quo letus augurio cōsul, affirmās nūquam humanis rebus
 magis praesentes interfuisse deos, signa canere, & clamo
 rē tolli iussit. Praelium cōmissum atrox, ceterū longe dispa
 ribus animis. Romanos ira, spes, ardor certaminis, auidos
 hostiū sanguinis in praeliū rapit: Sānitium magnam partē
 necessitas ac religio inuitos magis resistere, quā inferre
 pugnam cogit, nec sustinuissent primum clamorem atque
 impetum

sternunt. Tum iam deorum hominumq; uicta ui, fundūtur
 linteatæ cohortes: pariter iurati iniuratiq; fugiunt, nec
 quenquam præter hostes metuunt. Peditum agmen, quod
 supersuit pugnae, in castra ad Aquiloniam compulsum est.
 nobilitas equitesq; Bouianum per fugerunt. equites eques
 sequitur, peditem pedes: ac diuersa cornua, dextrum ad
 castra Samnitium, læuum ad urbem tendit. Prior aliquāto
 Volumnius castra cepit. ad urbem Scipioni maiore resi-
 stitur ui: non quia plus animi uictus est, sed melius muri,
 quàm uallum armatos arcant. inde lapidibus propulsant
 hostem. Scipio, nisi in primo pauore, priusquam collige-
 rentur animi, transacta res esset: lentiores fore munitione
 urbis oppugnatione ratus, interrogat milites: sat in' æquo
 animo paterentur ab altero cornu castra capta esse: se ui-
 flores peli à portis urbis? Reclamantibus uniuersis, pri-
 mus ipse scuto super caput elato pergit ad portam: secuti
 alij testudine facta in urbem perrumpunt: deturbatisque
 Samnitibus, quæ circa portam erant muri occupauere.
 penetrare interiora urbis, quia pauci admodum erāt, non
 audent. Hæc primo ignorare consul, et intentus recipien-
 do exercitui esse. iā enim præceptum in occasum sol erat: et
 appetēs nox periculosa et suspecta omnia etiam uictori-
 bus faciebat. progressus longius, ab dextra castra capta ui-
 det: ab læua clamorē in urbe, missum pugnantiū ac pauen-
 tium fremitu esse. et tum forte certamē ad portā erat. ad-
 uectus deinde equo propius, ut suos in muris uidet: nec iā
 integri quicquā esse, quoniam temeritate paucorum ma-
 gnæ rei parta occasio esset: acciri quas receperat copias,
 signaq; in urbē inferri iussit. ingressi proxima ex parte,
 quia nox appropinquabat, quieuerunt. nocte oppidū ab ho-
 stibus desertum est. Cæsa illo die ad Aquiloniā Samnitium

millia triginta trecēti quadraginta: capta tria millia octin-
 genti & septuaginta: signa militaria nonaginta septē. Cæ-
 terum illud memoriæ traditur: nō ferme alium ducē lætio-
 rem in acie uisum: seu suo pte ingenio, seu fiducia bene ge-
 rundæ rei. Ab eodē robore animi neq; controuerso auspici-
 cio reuocari à prælio potuit: & in ipso discrimine, quo
 templa dijs immortalibus uoueri mos erat, uouerat Ioui
 Victori: si legiones hostiū sudisset, pocillū mulsi priusquā
 temetum biberet, sese facturum. id uotū dijs cordi fuit: &
 auspicia in bonū uerterunt. Eadem fortuna ab altero con-
 sule ad Cominiū gesta res. Prima luce ad moenia omnibus
 copijs admotis, corona cinxit urbem: subsidiaq; firma, ne-
 qua eruptio fieret, portis opposuit. Iam signū datem eum
 nuncius à collega trepidus de uiginti cohortiū aduētū, &
 ab impetu moratus est: & partē copiarū reuocare instru-
 ctam, intentāq; ad oppugnandū, coëgit. D. Brutū Scæuam
 legatū cū legione prima, & uiginti cohortibus alaribus,
 equitatuq; ire aduersus subsidium hostiū iussit: quocūq; in
 loco fuisset obuius, obfisteret ac moraretur: manumq; , si
 forte ita res posceret, conferret: modo ne ad Cominium cæ-
 copię aduocari possent. ipse scalas ferri ad muros ab o-
 mni parte urbis iussit: ac testudine ad portas successit. si-
 mul & refringebātur portæ, & uis undiq; in muros fie-
 bat. Sānites, sicut antequā in muris uiderēt armatos, satis
 animi habuerūt ad prohibēdos urbis aditu hostes: ita, post
 quā iam nō ex interuallo, nec missilibus, sed cominus gere-
 batur res: & qui ægre successerāt ex plano in muros, lo-
 co quē magis timuerant uicto, facile in hostē imparem ex
 æquo pugnabāt: relictis turribus murisq; , in forum omnes
 compulsi, paulisper inde tentauerūt extremā pugne fortu-
 nā. deinde abiectis armis, ad quindecim millia hominū &
 quadrin

quadringenti in fidem consulis uenerunt. caesa ad quatuor
 millia ac trecenti octuaginta. Sic ad Cominiũ, sic ad Aequi
 loniam gesta res. Inde medio inter duas urbes spatio, ubi
 tertia expectata erat pugna, hostes non inuenti. septẽ mil
 lia passũ cũ abessent à Cominio, reuocati ab suis, neutri
 praelio occurrerũt. primus ferme tenebris cum in cõspectu
 iam castra, iam Aquiloniã habuissent, clamor eos utrinq;
 par accidẽs sustinuit. deinde è regione castrorum, quæ in=
 censa ab Romanis erant, flamma late fusa certioris cladis
 indicio progredi longius prohibuit. Eo ipso loco propè
 temere sub armis strati passim inquietũ omne tempus no=
 ctis, expectando timendoq; lucẽ, egere. prima luce incerti
 quam in partẽ intenderent iter, repente in fugam consier
 nãtur cõspecti ab equitibus: qui egressos nocte ab oppido
 Sãnites persecuti, uiderãt multitudinẽ non uallo, nõ sta=
 tionibus firmatam. conspecta & ex muris Aquiloniæ ea
 multitudo erat. iamq; etiã legionariæ cohortes sequeban
 tur: cæterum nec pedes fugiẽtes persequi potuit: & ab e=
 quite nouissimi agminis ducẽti ferme & octoginta inter=
 fecti. arma multa pauidi, ac signa militaria duodeuiginti
 reliquere: alio agmine incolumi, ut ex tanta trepidatione,
 Bouianũ peructũ est. Lætitiã utriusq; exercitus Romani
 auxit & ab altera parte feliciter gesta res. uterq; ex alte
 rius sentetia consul captũ oppidũ diripiendũ militi dedit:
 exhaustis deinde testis ignẽ iniecit: eodẽq; die Aquilonia
 & Cominiũ deflagrare. & cõsules cũ gratulatiõe mu=
 tua legionũ suãq; castra cõiungere. In cõspectu duorum
 exercitũ et Caruilius suos pro cuiusq; merito laudauit,
 donauitq;: & Papyrius, apud quẽ multiplex, in acie, cir=
 ca castra, circa urbẽ, fuerat certamẽ, Sp. Nautium, Sp. Pa
 pyrium fratris filiũ, & quatuor cõturiones, manipulumq;

hastatorum, armillis, aureisq; coronis donauit : Nautium
 propter expeditionē, qua magni agminis modo terruerat
 hostes: iuuenē Papyrium, propter nauatam cum equitatu
 & in praelio operā, & nocte, qua fugam infestam Samni-
 tibus ab Aquilonia clām egressus fecit: centuriones, mili-
 tesq; quia primi portam, murumq; Aquiloniæ ceperant.
 equites omnes ob insignē multis locis operā, corniculis,
 armillisq; argenteis donat. Consiliū inde habitū, cum iam
 tempus esset deducēdi ab Samnio exercitus, aut utriusq;
 aut certe alterius. optimum uisum, quo magis fractæ res
 Samnitiū essent, eo pertinacius & infestius agere cætera,
 & persequi: ut perdomitū Samnium insequentibus consu-
 libus tradi posset. quando iā nullus esset hostiū exercitus,
 qui signis collatis dimicaturus uideretur: unum superesse
 belli genus, urbiū oppugnationes: quarū per excidia mili-
 tem locupletare præda, & hostē pro aris ac focis dimican-
 tem conficere possent. Itaq; literis missis ad Senatum popu-
 lumq; Romanū de rebus ab se gestis, diuersi, Papyrius ad
 Sepinū, Caruilius ad Volanā oppugnandam, legiones du-
 cunt. Literæ consulū ingēti latitia & in curia & in con-
 cione auditæ: & quatridui supplicatione publicū gaudiū
 priuatis studijs celebratū est. nec populo Romano magna
 solū, sed peropportuna etiā ea uictoria fuit: quia per idē
 forte tēpus rebellasse Hetruscos allatum est. Subibat cogi-
 tatio animum: quonam modo tolerabilis futura Hetruria
 fuisset, siquid in Samnio aduersi uenisset: quæ cōiuratione
 Samnitium erecta, quoniā ambo consules, omnisq; Roma-
 na uis auersa in Samnium esset, occupationē populi Ro-
 mani pro occasione rebellādi habuisset. Legationes socio-
 rum à M. Attilio prætore in Senatum introductæ. quere-
 bantur uri & uastari agros à finitimis Hetruscis, quòd de
 sciscer

sciscere à populo Romano nollent: obtestabanturq; patres cōscriptos, ut se à ui atq; iniuria communiū hostium tutarentur. Responsum legatis: curæ senatui futurū, ne socios fidei suæ poeniteret: Hetruscorum propediē eandem fortunam, quam Samnitium, fore. Segnius tamen, quod ad Hetruriam attinebat, acta res esset: ni Faliscos quoq; qui per multos annos in amicitia fuerant, allatum foret arma Hetruscis iunxisse. Huius propinquitas populi acuit curā patribus, ut fœciales mittendos ad res repetendas censerent. quibus non redditis, ex autoritate patrum, iussu populi, bellum Faliscis indictum est: iussiq; consules sortiri, uter ex Samnio in Hetruriā cum exercitu transfiret. Iam Caruilius Volanam, & Palumbinum, & Herculaneum ex Samnitibus ceperat: Volanā intra paucos dies: Palumbinum eodem, quo ad muros accessit. ad Herculaneum bis etiam signis collatis ancipiti prælio, & cum maiore sua quā hostium iactura, dimicauit. castris deinde positis, mœnibus hostem inclusit: oppugnatum oppidum, captumque. In his tribus urbibus capta, aut cæsa, ad decem millia hominum: ita, ut paruo admodum plures caperetur. Sortientibus prouincias consulibus, Hetruria Caruilio euenit secundum uota militum, qui uim frigoris iam in Samnio non patiebantur. Papyrio ad Sepinum maior uis hostium restitit: sæpe in acie, sæpe in agmine, sæpe circa ipsam urbem aduersus eruptiones hostium pugnatum: neq; obsidio, neque bellum ex æquo erat: non enim muris magis se Samnites, quā armis ac uiris mœnia tutabantur. tandem pugnando in obsidionem iustam coëgit hostes: obsidendoq; ui atque operibus urbem expugnauit. itaque ab ira plus cædis editum capta urbe: septem millia quadringenti cæsi: capta minus tria millia hominum: præ-

da, quæ plurima fuit, congestis Samnitium rebus in urbes paucas; militi concessa est. Niues iam omnia oppleuerāt: nec durari extra tecta poterat: itaq; consul de Samnio exercitum deduxit. Venienti Romā triumphus omnium consensu est delatus. triūphauit in magistratu, insigni, ut illorum temporum habitus erat, triumpho. pedites equitesq; insignes donis transiere ac transuecti: multæ ciuicæ coronæ uallaresq; ac murales conspectæ. inspectata spolia Samnitium: & decore ac pulchritudine paternis spolijs, quæ nota frequenti publicorum ornatu locorū erant, cōparabantur. nobiles aliquot captiui, clari suis patrumq; factis, ducti. æris grauis transuectæ uicies centum millia & quingenta triginta tria millia. id æs redactum ex captiuis dicebatur. argenti, quod captum ex urbibus erat, p. m. c c c x x x. omne æs argentumq; in ærarium conditum: militibus nihil datum ex præda est. aucta q; ea inuidia est ad plebē, quod tributum etiam in stipēdium militū collatum est: cū, si spreta gloria fuisset captiue pecuniæ in ærarium illatæ, & militi tum dari ex præda, & stipēdium militare præstari potuisset. Aedem Quirini, quam in ipsa dimicatione uotā apud neminem ueterem autorem inuenio (neq; hercule tam exiguo tēpore perficere potuisset) ab dictatore patre uotā filius consul dedicauit: exornauitq; hostium spolijs. quorū tanta multitudo fuit, ut non templū tantum forūq; his ornaretur, sed socijs etiam colonisq; finitimis ad templorū locorumq; publicorum ornatum diuiderentur. A triumpho exercitum in agrū Vestinum, quia regio ea infesta ab Samnitibus erat, hybernatum duxit. Inter hæc Cæuilius consul in Hetruria Troilium primū oppugnare adortus, quadringentos septuaginta ditissimos, pecunia grādi pactos ut abire inde liceret, dimisit: cæteram multi

multitudinem, oppidumq; ipsum ui cepit. inde quinq; ca-
 stella locis sita munitis expugnauit. Cæsa ibi hostium duo
 millia quadringenti: minus duo millia capti. & Faliscis pa-
 cem petentibus annuas inducias dedit: pactus centū millia
 grauis æris, & stipendium eius anni militibus. His rebus
 actis ad triumphum decessit, ut minus clarum de Samniti-
 bus, quàm collegæ triumphus fuerat: ita cumulo Hetrusci
 belli æquatum. æris grauis tulit in ærarium trecenta nona-
 ginta millia: de reliquo ære ædem Fortis fortune de manu
 bijs faciendam locauit, prope ædem eidem deæ ab rege
 Seruio Tullo dedicatam. & militibus ex præda centenos
 binos asses, & alterum tantum centurionibus atq; equiti-
 bus, malignitate collegæ gratius accipientibus munus, di-
 uisit. Fauor consulis tutatus ad populū est L. Posthumium
 legatum eius: qui dicta die à M. Cancio Tr. pl. fugerat in
 legationem (ut fama ferebat) populi iudicium: iactariq;
 magis, quàm pèragi accusatio eius poterat. Exacto iam
 anno noui tribuni plebis magistratum inierāt: ijsq; ipsis,
 quia uitio creati erant, quinq; post dies alij suffecti. Lu-
 strum conditum eo anno est à P. Cornelio Aruina, C. Mar-
 cio Rutilio, censoribus: censa capitem millia ducēta sexa-
 ginta duo, trecenta uiginti duo. Censores uicēsinū sexti à
 primis censoribus: lustrum undeuicesimum fuit. Eodem an-
 no coronati primū. ob res bello bene gestas ludos Romæ
 nos spectauerunt: palmæq; tum primum translato è Græ-
 cia more, uictoribus datæ. Eodem anno ab ædilibus curu-
 libus, qui eos ludos fecerunt: damnatis aliquot pecua-
 rijs, uia à Martis silice ad Bouillas perstrata est. Comitia
 consularia L. Papyrius habuit: creauit consules, Q. Fa-
 bium Maximū filium, Gurgitem, & D. Iunium Brutum
 Scæuam. ipse Papyrius prætor factus. Multis rebus letus

annus uix ad solatium unius mali, pestilentie urentis simul urbem atq; agros, suffecit. portentoq; iam similis clades erat. & libri aditi, qui nam finis, aut quod remedium eius mali ab dijs daretur. inuentum in libris: Aesculapium ab Epidauro Romam accersendum. neq; eo anno, quia bello occupati consules erant: quicquam de ea re actum: praeterquam quod unum diem Aesculapio supplicatio habita est.

NICOMACHVS DEXTER V C EMEN=
DAVI AD EXEMPLVM PARENTIS
MEI CLEMENTIANI.
VICTORIANVS V C EMENDABAM
DOMNIS SYMMACHIS.

REGVM, DICTA=

TORVM, CONSVLVM,

Trib. militum, Consulari potestate,

Pratorum, Censorum primae

Decadis In=

dex.

*

REGES ROMANI.

Dictatores.

R omulus	15	T. Largius primus dicta=
Numa Pompilius	27	tor, Sp. Cassius magister
Tullus Hostilius	31	equitum 95
Ancus Martius	43	Aulus Posthumius dicta=
Tarquinius Priscus	48	tor, T. Ebutius magister
Seruius Tullus	54	equitum 96
Lucius Tarquinius	58	M. Vale. Voles. dictat. 97
perbus	61	Q. Cincinnatus dictator,
		L. Tar

INDEX.

L. Tarquinius magister equitum	176	gister equitum	335
L. Quintius Cincinnatus		M. Furius Camillus dicta-	
tor		tor 111. C. Servilius Hala	
magister equitum	245	magister equitum	264
Mamercus Aemilius dictat.		A. Cornelius Cossus dicta-	
L. Quintius Cincinnatus		tor, T. Quintius Capitoli-	
magister equitum	248	nus magister equitum	375
A. Servilius Priscus, uel		T. Quintius Cincinnatus	
Structus dictator, Posthu-		dicta. A. Sēpronius Atra-	
mus Ebutius Helua magi-		tinus magister equi.	396
ster equitum	253	M. Furius Camillus 1111.	
Mamercus Aemilius iterū		dictat. L. Aemilius magi-	
dictator, A. Posthumus		ster equitum	408
Tubertus mag. eq.	254	P. Manlius dictator, C. Li-	
A. Posthumus Tubertus		cinus de plebe magister	
dictat. L. Iulius mag. eq.	258	equitum	409
Mamercus Aemilius dictat.		M. Furius Camillus dicta.	
A. Cornelius magister e-		v. T. Quintius Pœnus ma-	
quitum	264	gister equitum	415
Q. Servilius Priscus di-		L. Manlius imperiosus di-	
ctat. eius filius seu Hala		ctator, clauis figendi, L. Pi-	
magister equitum	280	narius magister equi.	419
P. Cornelius dictat. C. Ser-		Ap. Claudius dictat.	422
uilius Hala magister equi-		T. Quintius Pœnus dicta.	
tum	292	Sergius Cornelius Malu-	
M. Furius Camillus dicta-		ginēsis magister eq.	425
tor, P. Cornelius Scipio		Q. Servilius Hala dicta-	
magister equitum	320	tor, T. Quintius magister	
M. Furius Camillus dicta-		equitum	427
tor iterum, L. Valerius		C. Sulpitius dictat. M. Va-	
magister equi.	429	lerius magister equi.	

I N D E X.

- C. Iulius dictator, L. Aemy- Etator comitiorum causa,
 lius magister equitū 441 Q. Publius Philo magist.
 C. Martius Rutilius pri- equitum 492
 mus dictator, de plebe, C. P. Cornelius Ruffinus dict.
 Plaut. de plebe ma. eq. ibi. M. Antonius magister e=
 M. Fabius dictat. Quintus quitum uitio creati ibi.
 Scruius mag. eq. 442 M. Papyrius Crassus dict.
 L. Furius Camillus dicta. P. P. Valerius Publicola ma=
 Cornelius Scipio magist. gister equitum ibid.
 equitum 444 Cn. Quintilius dictator, cla
 T. Manlius Torquatus di- ui figendi, L. Valerius ma
 ctat. A. Cornelius Cossus gister equitum 494
 magister equitum 447 M. Claudius Marcellus ui=
 L. Furius Camillus 11. dicta tio creatus dict. Sp. Post=
 tor, Cn. Manlius Capitoli humius magist. equi. 500
 nus magister equi. 448 L. Papyrius Cursor dictat.
 P. Valerius Publicola dicta Q. Fabius Maximus Ru
 tor feriarū, Q. Fabius Am tilianus mag. equit. 507
 busius magister equi. 449 A. Cornelius Aruina dicta.
 M. Valerius Corvinus di- M. Fabius Ambustus ma
 ctator, L. Aemylius Ma gister equitum 518
 mercus magister equi. 466 Q. Fabius Ambustus dict.
 L. Papyrius Crassus dicta P. Aclius Pætus magister
 tor, L. Papyrius Cursor equitum uitio creati 531
 magist. equitum 486 M. Aemylius Papus dicta=
 P. Philo dictat. Iunius Bru tor, L. Valerius Flaccus
 tus magister equi. 487 magister equitum ibid.
 Cl. Regillensis dicta. Clau L. Aemylius dictat. L. Ful
 dius Hortator magister e nius magist. equit. 550
 quitum uitio creati 490 Q. Fabius dictat. Q. Aë=
 L. Aemylius Mamercus di mylius Carretanus mori=
 tur in

INDEX.

tur in prælio magist. equi.	P. Lucretius	
suffectus Fabius	351	F. Valerius Publico. 111 92
C. Menius dictator quæstio	M. Valerius	
nibus exercendis, M. Fol-	P. Posthumius	93
lius magister equit.	356	P. Valerius 111 11
C. Petilius dict. M. Follius	T. Lucretius iterum	93
magister equitum	360	Agrippa Menenius
C. Iunius Bubulcus dic. ibi.	P. Posthumius	93
L. Papyrius Cursor 111. di-	Opiter Virginus	
ctat. C. Iunius Bubulcus	Sp. Cassius	94
magister equitum	374	Posthumius Cominius
P. Cornelius Scipio dictat.	T. Largius	94
P. Decius Mus magister	Ser. Sulpitius	
equitum	383	M. Manlius Tullus . 96
C. Iunius Bubulcus dicta-	T. Ebutius	
tor, M. Titinius magister	Cn. Vetustius	96
equitum	388	Q. Chloelius
M. Valerius Maximus di-	T. Lartius	98
ctator, M. Acmylius Pau-	A. Sempronius	
lus magist. equitum	390	M. Minutius 98
CONSULES.		A. Posthumius
L. Iunius Brutus	175	T. Virginus 98
L. Tarquinius Collatinus		Ap. Claudius
abrogatus	78	P. Seruilius 98
P. Valerius subrogatus ibi.		A. Virginus
Sp. Lucretius Bruto suffe-		T. Vetustius 105
ctus	84	Sp. Cassius
M. Horatius Pulvillus Lu-		Posthumius Cominius 112
cretio suffectus	84	T. Geganius
P. Valerius iterum		P. Minutius 113
T. Lucretius	85	M. Minutius

A. Sem-

INDEX.

A. Sempronius	113	L. Aemilius	
Sp. Nautius		Opiter Virginius	136
Sex. Furius	118	L. Pinarius	
T. Sicinius		P. Furius	138
C. Aquilius	120	Ap. Claudius Appij filius	
Sp. Cassius		T. Quintius	139
Proculus Virginius	120	L. Valerius	
Sergius Cornelius		T. Aemilius	143
Q. Fabius	121	T. Numitius Priscus	
L. Aemilius		A. Virginius	144
Cæso Fabius	122	T. Quintius	
M. Fabius Cæsonis frater		Q. Servilius	145
L. Valerius	122	T. Aemilius	
Q. Fabius		Q. Fabius	147
C. Tullius	123	Q. Servilius	
Cæso Fabius		Sp. Posthumius	148
Sp. Furius	123	Q. Fabius	
M. Fabius		T. Quintius	148
Cn. Manlius	124	Posthumius Albus	
Cæso Fabius		Sp. Furius, sine Fusius	150
T. Virginius	129	L. Ebutius	
L. Aemilius		P. Servilius	153
C. Servilius	131	L. Lucretius Tricipitinus	
C. Horatius		T. Veturius Geminus	155
T. Menenius	133	P. Volumnius	
A. Virginius		Ser. Sulpitius	158
Sp. Servilius	133	C. Claudius Appij filius	
C. Nautius		P. Valerius	163
P. Valerius	135	L. Quintius Cincinnatus	
L. Furius		consul suffectus	168
C. Manlius	136	Q. Fabius	

L. Cor

INDEX.

L. Cornelius	171	rum	
L. Minutius		T. Qu. Capitolinus v	238
L. Nautius	174	M. Fabius Vibulanus	
Q. Minutius		Posthumius Ebutius Corni	
M. Horatius Pulvillus	180	cen	241
M. Valerius		C. Furius Pacilius	
Sp. Virginius	181	M. Papyrius Crassus	242
T. Romulus		Proculus Geganius Macri	
C. Veturius	181	nus	
Sp. Tarpeius		L. Menenius Lanatus	242
A. Aeternius	181	T. Quintius Capitolinus	
P. Curatius		Agrippa Menenius	244
Sex. Quintilius	182	M. Geganius Macrin.	111
C. Menenius		L. Sergius Fidenas	248
P. Sextilius Capitolin.	182	M. Cornelius Maluginen.	
Claudius		L. Papyrius Crassus	252
Genutius	183	C. Iulius iterum	
L. Valerius		L. Virginius	252
M. Horatius	200	C. Iulius	111
Sp. Herminius		Virginius iterum	252
T. Virginius Cælimontanus	219	M. Manlius	
M. Geganius Marcinus		Q. Sulpitius	254
C. Iulius	219	T. Quintius L. filius Cin-	
T. Quintius Capitolinus		cinnatus	
Agrippa Furius	220	Cn. Iulius Mento	257
M. Genutius		L. Papyrius Crassus	
P. Curatius	228	L. Iulius	261
L. Papyrius Mugilanus		L. Sergius Fidenas iterum	
L. Sempron. Atracin.	237	Hostius Lucretius Tricipi-	
M. Geganius Macrinus ite		tinus	262
		A. Cornelius Cossus	
		T. Qu.	

I N D E X.

T. Quin. Pœnus iterū 262	C. Genutius	
C. Scrullius Hala	L. Aemylus iterum	418
L. Papyr. Mugilanus 262	Q. Scrullius Hala	
C. uel A. Sempronius Atracinus	L. Genutius	419
Q. Fabius Vibulanus 269	L. Sulpitius	
Cn. Fabius Vibulanus	C. Licinius Caluus	424
T. Quintius Capitolinus	C. Petilius Balbus	
Capitolini filius 275	M. Fabius Ambustus	427
A. Cornelius Cossus	M. Popylius Lenas	
Furius Medullinus 285	Cn. Manlius	428
Q. Fabius Ambustus	C. Fabius	
C. Furius Pacilius 286	C. Plautius	429
M. Papyrius Atracinus	C. Martius	
C. Nautius Rutilius 286	Cn. Manlius	434
M. Aemylus	M. Fabius Ambustus iterū	
C. uel P. Valer. Potitus 287	M. Popylius Lenas iterum	435
Cn. Cornelius Cossus	C. Sulpitius Potitus	
L. Furius Medullinus 288	M. Valerius Publicola	436
L. Lucretius Flavius	M. Fabius Ambustus 111	
Sergius Sulpitius Camerinus 332	T. Quintius, uel ut quidā annales uolunt, M. Popylius 111,	437
L. Valerius Potitus	C. Sulpitius 1111	
M. Manlius 334	M. Valerius Publicola iterum	438
L. Sextius primus de plebe	P. Valerius Publicola	
Lucius Aemylus Mamercus 415. 416	C. Martius Rutilius è plebe	440
L. Genutius	C. Sulpitius Potitus	
Q. Serullius 417	T. Quintius Pœnus uel	
T. Sulpitius Potitus		
C. Licin. Stolo plebis 417		

I N D E X.

Cæſo	441	L. Papyrius Craſſus	
M. Popilius Lenas	111.è	Cæſo Duilius	491
plebe		M. Valerius Corvinus	1111
L. Cornelius Scipio	442	M. Attilius Regulus	491
L. Furius Camillus		T. Veturius	
Ap. Claudius Craſſus	444	Sp. Poſthumius	492
M. Valerius Corvinus		L. Cornelius iterum	
M. Popilius Lenas	111.è	Cn. Domitius	492
plebe	447	M. Claudius Marcellus	
T. Manlius Torquatus		T. Valerius	493
C. Plautius	447	L. Papyrius Craſſus iterum	
M. Valerius Corvinus	11	L. Plautius Venox	494
C. Petilius	448	L. Aemilius Mamercus	
M. Fabius Dorſuo		Cn. Plautius	496
S. Sulpitius Camerinus	448	P. Plautius Proculus	
C. Marcius Rutilius	111.	P. Cornelius Scapula	498
T. Mäl. Torquatus	11.449	L. Cornelius Lentulus	
M. Valerius Corvinus	111	Q. Publius Philo iter.	498
A. Cornelius Coſſus	454	C. Petilius	
C. Martius Rutilius		L. Papyrius Mugilanus uel	
Q. Scruius	464	Cursor	500
C. Plautius	11	L. Furius Camillus iterum	
L. Aemilius Mamerc.	469	Iunius Brutus Scæua	506
T. Manlius Torquatus	111	C. Sulpitius	
P. Decius Mus	472	Qu. Aemilius, uel A. Aemilius	517
T. Aemilius Mamercus			
P. Philo	486	Q. Fabius	
L. Furius Camillus		L. Fulvius	518
C. Menius	487	T. Veturius Calvinus	
C. Sulpitius Longus		Sp. Poſthumius	522
P. Aelius Patus	490	Q. Publius Philo	
		L. Papy=	

I N D E X.

L. Papyrius Cursor	331	L. Genutius	
L. Papyrius Cursor	111.	Ser. Cornelius	387
aut Mugilanus		M. Liuius	
Q. Aurelius Cæretanus	342	C. Acmylius	388
M. Follius Flaccina, uel		M. Valerius	
L. Flaccus		Q. Apuleius	393
L. Plautius Venox	349	M. Fuluius Pætus	
C. Iunius Bubulcus		T. Manlius Torquatus. Suf	
Q. Acmylius Barbula	350	fectus M. Valerius	387
Sp. Nautius		L. Cornelius Scipio	
M. Popilius	350	Cn. Fuluius	689
M. Petilius		Q. Fabius Maximus	1111
C. Sulpitius	354	P. Decius Mus	392
L. Papyrius Cursor v		L. Volumnius	
C. Iunius Bubulcus ite.	360	Ap. Claudius	695
M. Valerius		Q. Fabius Maximus v	
P. Decius	360	P. Decius Mus	604
C. Iunius Bubulcus iterum		L. Posthumius Megellus	
Q. Acmy. Barbula ite.	361	M. Attilius Regulus	617
Q. Fabius iterum		L. Papyrius Cursor	
C. Martius Rut. iterũ	365	Sp. Caruilius	626
Q. Fabius	111	Q. Fabius Gurges Ma	
P. Decius	377	ximi filius	
Ap. Claudius		D. Iunius Brut. Scaua	638
L. Volumnius	379	TRIBUNI MILI	
P. Cornelius Aruina		tum consulari po=	
Q. Martius Tremulus	380	testate.	
L. Posthumius		A. Sempronius Atracinus	
T. Minutius	383	L. Attilius	
P. Sulpitius		T. Cæcilius	236
P. Sæpronius Sophus	384	L. Quinti. Cincinnati filius	
		Maneræ	

INDEX.

Mamercus Acmylius	L. Sergius Fidenas
L. Iulius 247. 248	M. Papyrius Mugilanus
M. Fabius Vibulanus	C. Seruilius Q. Seruiliij Pri
M. Folius	sci filius 278
L. Sergius Fidenas 255	Agrip. Menenius Lanatus
L. Pinarius Mamercus	L. Seruilius Structus
L. Furius Medullinus	P. Lucret. Tricipitinus 281
Sp. Posthumius Albus 256	Sp. Rutilius Crassus
T. Quintius Poenus ex con	A. Sēpronius Atrati. 111.
fulatu	M. Papyrius Mugilanus
C. Furius	iterum
M. Posthumius	Spurius Nautius Rutilius
A. Cornelius Cossus 263	iterum 281
A. Sempronius Atracinus	P. Cornelius Cossus
L. Quintius Cincinnatus	C. Valerius Potitus
L. Furius Medullinus	Quintius Cincinnatus
L. Horatius Barbatus 267	M. Fabius Vibulanus 282
Cl. Crassus	Cn. Cornelius Cossus
Sp. Nautius Rutilius	L. Valerius Potitus
T. Sergius Fidenas	Q. Fabius Vibulanus iterū
Sex. Iulius Tullus 268	M. Posthumius Regil. 283
L. Manlius Capitolinus	C. Iulius Tullus
Q. Antonius Merenda	Cn. Cornelius Cossus
L. Papyr. Mugilanus 274	C. Seruilius Hala 290
L. Quītius Cicinnat. 111.	L. Furius Medullinus
Sex. Furius Medullin. iterū	C. Valerius Potitus
M. Mallius	Cn. Fabius Vibulanus
A. Sēpronius Atratin. 276	C. Seruilius Hala 292
Agrip. Menenius Lanatus	P. Cornelius Cossus
P. Lucretius Tricipitinus	Cn. Cornelius Cossus
Sp. Nautius 278	Fabius Ambustus

T L. Val

INDEX.

L. Valerius Potitus	293	C. Cornelius Cossus iterum	
T. Quintius Capitolinus		C. Fabius Ambustus	
Q. Quintius Cincinnatus		L. Iulius Tullus	308. 309
C. Iulius Tullius iterum		P. Licinius Calvus ex pleb.	
A. Manlius		P. Manlius	
L. Furius Medullinus	111.	P. Titinius	
M. Aemilius Mamerc.	296	L. Furius Medullinus	
C. Valerius Potitus	111.	P. Melius	
M. Sergius Fidenas		L. Popilius Volsceus	312
P. Cornelius Maluginensis		M. Veturius Patricius	313
Cn. Cornelius Cossus		V. PLEBEI.	
C. Rabius Ambustus		L. Titinius	
Sp. Nauti. Rutil. iterum	296	P. Menenius	
M. Aemilius Mamerc. iterum		Racilius	
L. Valerius Potitus	111.	Cn. Genucius	
Ap. Claudius Crassus		L. Attilius	313
M. Quintilius Varus		PATRICII	
M. Iulius Tullus		omnes.	
M. Posthumius		L. Valerius Potitus v.	
M. Furius Camillus		M. Valerius Maximus	
M. Posthumius Albinus iterum omnes	297	M. Furius Camillus	111.
C. Servilius Hala	111.	L. Furius Medullinus	111.
Q. Servilius		Q. Servilius Fidenas iterum	
P. Virginus		Q. Sulpitius Camerinus iterum	315
Q. Sulpitius		PATRICII.	
A. Manlius iterum		L. Iulius Tullus	
M. Sergius iterum	306	L. Furius Medullin.	111.
L. Valerius Potitus	111.	L. Sergius Fidenas	
M. Furius Camillus iterum		A. Posthumius Regillensis	
M. Aemilius Mamerc.	111.	P. Cornelius Maluginensis	
		A. M4	

INDEX.

A. Manilius	316	PATRICII.	
PLEBEI.			Fabij tres
P. Licinius iterum			P. Sulpitius Longus
L. Titinius			Q. Servilius IIII.
P. Menenius			P. Servilius Maluginen =
Cn. Genutius			sis 340
L. Attilius deinde		PATRICII.	
P. Licinius filius Licinij pro			A. Valerius Publicola ite =
patre	318		rum
PATRICII.			L. Virginius
L. Cornelius Cossus			P. Cornelius
P. Cornelius Scipio			A. Manlius
M. Valerius Maximus ite =			L. Acmylius
rum			L. Posthumius 363
Cæso Fabius Ambust. iterū		PATRICII.	
L. Furius Medullinus v.			T. Quintius Cincinnatus
Q. Servilius IIII.	325		Q. Servilius Fidenas v.
PATRICII.			Iulius Tullus
M. Furius Camillus IIII.			L. Aquilius Corvus
L. Furius Medullinus v I.			L. Lucretius Tricipitinus
C. Acmylius			Ser. Sulpitius Ruffus 366
L. Valerius Publicola		PATRICII.	
Sp. Posthumius			L. Papyrius
P. Cornelius iterum	328		Cn. Sergius
PATRICII.			L. Acmylius iterum
L. Lucretius Flauus			L. Licinius
Ser. Sulpitius			M. Menenius
M. Acmylius			L. Valer. Publico. IIII. 368
L. Furius Medullinus VII.		PATRICII.	
Agrippa Furius			M. Furius Camillus IIII.
C. Acmylius iterum	335		Segius Cornelius Malugi =
			T 2 nensis

INDEX.

nensis		Q. Servilius 1111.
Q. Servilius Fidenas v.		C. Sulpitius 1111.
L. Quintius Cincinnatus		L. Aemilius 1111. 388
L. Horatius Pulvillus		PATRICII.
P. Valerius	368	M. Furius Camillus v.
		A. Posthumius Regillensis
		L. Posthumius Regillensis
		L. Furius
		L. Lucretius
		M. Fabius Ambustus 388
		PATRICII.
		L. Valerius v.
		P. Valerius 111.
		C. Sergius 111.
		Licinius Menenius 11.
		P. Papyrius
		Sergius Corn. Malug. 394
		PATRICII.
		P. Manlius
		C. Manlius
		L. Iulius
		PLEBEI.
		C. Sextilius
		M. Albinus
		L. Antistius 398
		PATRICII.
		Sp. Furius
		Q. Servilius 11.
		Licinius Menenius 111.
		P. Chælius
		M. Horatius
		L. Geg

INDEX.

L. Geganius	398.399	M. Cornelius iterum	
PATRICII.		M. Geganius	
L. Acmylius		P. Manlius	
P. Valerius IIII.		L. Veturius	
C. Veturius		P. Valerius VI.	414
Seruius Sulpitius		PRAETORES.	
L. Quintius Cincinnatus		Sp. Furius Marci filius	416
C. Quintius Cincinnat.	400	P. Valerius Pulicola	442
PATRICII.		L. Pinarius	445
L. Furius		T. Acmylius	470
A. Manlius		Q. Publius Philo primus è	
Sergius Sulpitius		plebe	490
Sergius Cornelius		L. Papyrius	493
A. Valerius		M. Valerius	577
C. Valerius	405	P. Sempronius	613
PATRICII.		Ap. Claudius	614
Q. Seruilius		M. Attilius	644
C. Veturius		Lucius Papyrius Cursor Iu	
A. Cornelius		nior	747
M. Cornelius		CENSORES.	
Q. Quintius		L. Papyrius Mugilanus	
M. Fabius	405	L. Sëpronius Atracinus	238
PATRICII.		C. Furius Pacilius	
T. Quintius		M. Geganius Macrin.	253
Ser. Cornelius		C. Sulpitius Camerinus	
Ser. Sulpitius		Sp. Posthumius Regill.	394
Sp. Seruilius		Sp. Seruilius Priscus	
L. Papyrius		Q. Clælius Siculus	399
L. Veturius	407	Manlius Næuius	
PATRICII.		Martius Rutilius	442
A. Cornelius iterum		P. Philo	
		T 3	Sp.

INDEX.

Pp. Posthumius	493	C. Martius Rutilius	647
Ap. Claudius		PONTIFICES.	
C. Plautius	561	Q. Furius	205
Q. Fabius		A. Cornelius	258
P. Decius	587	M. Fabius	345
P. Cornelius Aruina		Cornelius Barbatuſ	586

FINIS.

INDEX RERVM SCITV

*dignarum quæ prima conti-
nentur Decade.*

A	cupatum	337
A Borigines populi 9	Aedes Iouis ſtatoris	635
Accenſi milites 480	Aedes Fortis fortune	647
Accius Tullius qua arte	Aedes Victoriæ	629
Volſcos ad rebellandum	Aedes Concordiæ	586
conciſcit 117	Aedes Salutis	582
Accij Nauij miraculum 50	Aedes Veneris	626
Acheron Epiri fluuius 501	Aedes Aij Locutij	355
Acheron Lucaniæ fluuii. ibi.	Aedes Apollinis	217
Acies Fidenatum ſacibus ar	Aedes Caſtoris	122
mata 265	Aedes Cereris	207
Accuſationes atrociſſimæ	Aedes Veneris Cloacin.	199
in Sergium & Virginiũ à	Aedes Mercurij	99. 104
tribuno plebis 310	Aedes Saturni	98
Adhortatio Valerij cõſulis	Aedes Telluris	121
ad pedites Romanos 214	Aedilitas curulis quando	
Adhortatio Popilij conſulis	primum	416
contra Gallos 443	Aegeria dea	30
Adria Thuſco. colonia 337	Aemylus Mamercus à cen	
Adriaticum mare unde nun	ſoribus notatus	255
	Aena	

INDEX.

Aenaria insula	498	Aequorum exercitus à Post	
Aeneæ in Italiam aduētus	9	humio deletus	332
Aequicolorū bella indicen-		Aequorum omne nomē pro	
di ritus à Romanis usur-		pē deletum	386
patus	44	Aesculapius accersendus cē	
Aequorum cum Romanis		setur ab Epidauro	648
foedus	69	Ager Veictanus ex senatus=	
Aequorum quadraginta u-		consulto plebi diuifus	334
num oppida capta intra		Ager Pomptinius plebi di-	
dies faxaginta, & gens de		uifus	387
leta	385	Abarna oppidum Hetruriae	
Aequi Latinū agrū ingreſſi			617
à Romanis fugantur	108	Alatrinates malunt leges	
Aequi uno tempore castra		ſuas quàm ciuitatem Ro-	
Romana oppugnant, &		manam	382
agrum Romanum popu-		Alba & Sora colonia	387
lantur	149	Alba longa Lauinij colo-	
Aequi rupto foedere bellum		nia	11
reſumunt	175	Alba diruta	41. 14
Aequi ſub iugum miſſi	179	Albani patria diruta Romā	
Aequi in Algido castra Ro-		traducti	ibidem
mana capiunt	193	Albula nunc Tyberis	12
Aequi & Volſci à Valerio		Albani lacus inundatio	316
uiſti	215	Albani reges Syluij	12
Aequi & Volſci ad Corbio		Alexandri Magni cum Ro-	
nē uiſti castra amittūt	225	manis collatio	344
Aequi et Volſci uiſti à Ro-		Alexander Epirota Samni-	
manis uenundantur	261	tibus ac Lucanis praelio ui-	
Aequi et Volſci ſuſi, castra		ctis pacem cum Romanis	
etiā amittunt	156	facit	493
Aequi à Camillo uiſti	364	Alexādri Epirota ſatū	500

INDEX.

Alexādria in Aegypto con dita.	ibidem	Anciates bellū mouent	368
Alife, Callife, Ruffrium de dita	302.303	Antium deditum	401
Alifates subacti	377	Antiū colonia deducta	147
Aliensis clades	343.344	Antiates deficiunt	173
Alliēsis dies religiosus	363	Antistes Romanus Dianæ,	
Ameriola de Latinis capta		Sabinum decipit	38
51		Anser Capitoli custos	351
Amiternum de Samnitibus		Anxur colonia mittitu.	498
captum	637	Anxur recipitur à Roma=	
Amulij cædes	14	nis	313
Anagninis ciuitas sine suf=		Appiolæ à Tarquinio Pri=	
fragio data	582	sco capta	49
Ancus Marcius ceremonias		Appius Clausus Romam à	
ab auo institutas renouat		Sabinis transfugit	93
43.44		Apulia tota perdomita à Ro	
Ancus iperij fines pferit	46	manis	550
Anci filij exules	53	Aquilonia & Cominium	
Ancilia	30	urbes, incensæ	643
Annij ad Latinos oratio		Ara maxima	16
474		Ardeates Camillo duce Gal	
Annius per gradus Capito		los noctu aggressi truci=	
lij præceps lapsus	475	dant	349
Antemnates uicti in ciuita=		Arpinum, Sora, Consentia	
tem recepti	20	recepta de Sānitibus	584
Antenor Venetorū cond.	9	Arpinates ciuitate donati	
Antepilani	479	587	
Antiates Camillo prælio ui		Argiletum, ubi Iani tem=	
ctori imber repente fusus		plum	28
eripit	371	Ardeatibus ager populi Ro	
		mani iudicio ablatus resti	
		tuitur	242
			Aristo

Ariſto

I N D E X.

Aristodemus Cumanorum tyrannus	98	Bellū cū Palæpolitānis	498
Arma Romanorū distincto		Bellum Priuernas	494
rū in quinque classes 55.56		Bellum Salentinum	579
Artena Volscorum oppidū		Bellum cum Hetruscis ad-	
dirutum	297	iunctis Samnitibus, Vm-	
Artena alia à regibus Ro-		bris, Gallis	607
manorum deleta ibidem		Bellū Samnitib. illatū	600
Arx Romana à Sabinis ca-		Bellū Prænestinis indic.	388
pta	21	Bellū Aequis indicium	585
Ascanius Albam condit	11	Bellum Vestinis indic.	507
Asylum Romuli	17	Bellū Hernicis indicū	422
Atellanæ fabulæ	418	Bituriges Celtæ primi	337
Auentinus urbi additus	46	Boij & Lingones, Hetrusc.	
Augurium Romuli	15	Vmbros agro pellunt	338
Augurum honos unde	50	Bolæ à Camillo captæ	364
Augurum collegium am-		Bona Porſenæ	91
pliātum	596	Bos locuta	158
Auri inopia	327	Bouianū cum ingenti præ-	
Aurūci à Sidicin. uicti	490	da captum	563
Ausonū gens deletur	556	Brēnus regulus Gallor.	341
Aufona, Minturnæ, Vesti-		Brixia urbs	338
na Ausonū urb. captæ	555	Brutus Traquinios urbe	
Ausonium bellum	491	pellit	27
B		Brutus iureiurando popu-	
Baculus aureus Bruti	71	lum astringit neminem re-	
Bellouesufus & Sigoues.	337	gnare passurum	74
Bellū Sabin. indicū	41. 42	Busta Gallica	353
Bellū aduersus Albanos	31	C	
Bellum in Latinos	476	Cacus pastor ab Hercu-	
Belli Samnitici origo	449	le cæsus	15
		Cære Mezenti regis	10
		T	
		3	Cæri-

I N D E X.

Carites bellum precibus a=	439	Campanorū ad Romanos	450
uertunt		oratio	
Calanij capita coniurato=		Campanorum in R .anos	
rum in Romanos Campa=		hospitalitas	529
norum morte se iudicio		Campani deficiunt	472
subtrahunt	556	Capenates pacē impet.	330
Cales capiuntur, eoq; colo=		Capitolinæ obsidionis solu	
nia deducta	492.493	tio mille pondo auri re=	
Camertes Romanis aduer=		demptæ	326
sus Hetruscos fauent	570	Capitolium à seruis occupa	
Camillus decimā prædæ Ve		tum	164
iētane Apollini uouet	322	Capitolinum templū ab Ho	
Camillus albis equis trium=		ratio dedicatum	84
phat	325	Sp. Cassius damnatus ne=	
Camilli elogium	417	catur	121
Camilli erga Faliscos iusti=		Campus Martius olim Tar	
tia	329	quiniorum ager	80
Camillus inclinatam aciem		Caput humanum in Capito	
restituit	391	lio inuentum	69
Camilli concio dissuadens		Capua à Samnitibus noctur	
migrari Veios	355.356	no scelere occupata	269
Camillus Volscorum castra		Carne pluit	158
expugnat	364	Carcer primus	46
Camillus in exiliū abiit	336	Carmenta uates	16
Camillus improbata de au=		Carthaginenses amicitiam	
ro pactione ferro Gallos		impetrant	447
pellit	354	Carthaginenses legati Ro	
Camillus exul senatus in Ca		manis gratulantur	463
pitolio obseſſi decreto di=		Carſeoli colonia dedu.	601
ctator	351	Cassinum coloniae deductæ	
Cāpani se Rom. dedūt	453	360	

INDEX.

Causarij milites	369	Clarigatio	490
Celtæ tertia pars Gal.	337	Classes quinque in populo Romano institutæ à Seruio rege	33.56
Celeres custodes corporis Romuli	25	Ap. Claudius censor uiam munit, & aquam in urbē ducit	361
Ceninenses à Romulo uicti	19	Ap. Claudius senatoriū ordinem inquinauit	ibidē
Cenon oppidum ab Antiatibus captum	145	Ap. Claudius decimū quēq; militum fuste percutit	142
Censura in annum & dimidium contracta	255	Ap. Claudij peruicacia	368
Censuræ origo & offi.	238	Ap. Claudij & L. Volu- mnij contentio	608
Censorem subrogare nefas	335	Ap. Claudij decemuiri nepotis consiliū ad patres	281
Census à Seruio Tullio institutus	55	Ap. Claudius seipsum decemuirum creat	185
Centuriones & duplicarij securi percussi ab Appio	142	Ap. Claudij animus ob libidinem alienatus	198
Charilaus & Nymphius Neapo. proditores	503	Appio Claudio dies à tribuno plebis dicta	143
Cimetra capta	604	Ap. Claudius in carcere se ipsum interemit	211
Ciminia sylua	573	App. Claudius decemuiri filius præfectus urbis	269
Cingilia capta ac direpta	507	Ap. Claudius consul mortitur	445
Circus Flaminius	206	Ap. Claudius moritur	144
Circus Apollinaris	217	Cleonymus Lacedæ. rex claridē à Patavinis accipit	589
Circus Maritimus	580		
Circei colonia	70		
Claudia Tribus	93		
Claudia gens ex Sabinis oriunda	ibid.		
		Cleopatra	

INDEX.

Cleopatra soror Alexandri	annos natus consul	447
Magni, uxor Alexandri	Coruinus milites qui à po-	
Epirotæ	pulo Romano defecerant	
Clælia Tyberim tranat	consilio suo patriæ resti-	
Clælia gēs Alba oriūda	tuit	466
Cluilia jōssa	Coruinus consul Torquato	
Clusium olim Camars ap-	subrogatus	399
pellatum	Cossi opima spolia	251
Cluuiano ui capto puberes	Cremera fluuius	131
cæsi	Crustumerium captum	51
Cælius mons urbi addi-	Cumæ à Cāpan. captæ	278
tus	Cumani à Chalcide oriun-	
Collatia Romanis dedita	di	498
Collatinus consulatu se ab-	Curia Hostilia	41
dicat & ciuitate cedit	Curiatia gens Alba oriun-	
Consules primi	da	ibidem
Consules lectionem sena-	Curia triginta	23
tus ad gratiam factam nō	Curtius in uoraginē se præ	
observant	cipitat	421
Corbio oppidum dirutum	Curulis sella ab Hetruscis	
44. 181	sumpta	17
Coriolanus sacerdotes sper-	D	
nit	Decēuirorū tyrānis	186
Corioli de Volscis capti	Decemuii creati	183
Corniculum à Tarquinio	Decemuii ex senatuscon-	
captum	sulto magistra. abeūt	206
Corona aurea à Latinis	Decemuirorū belli domi-	
ui Capitolino donata	duo facinora nefanda	193
Cortuosa & Contenebra	Decij tribuni militum fa-	
de Hetruscis capta	cinus	457
Coruinus tres & uiginti	Decius se pro legionibus	
	mani	

INDEX.

manibus deuouet	432	Empulum à Tyburtibus	
Decius aurea corona &		captum	436
graminea donatus	461	Equi publico ære equiti=	
Decij de cōmunicādis cum		bus empti	36
plebe sacerdo. oratio	395	Equites quando primum e=	
Decius exēplo patris se de=		quis merere cœperūt	306
uouet	623	Equites sexcentum Samni=	
Delectus sine uacatiōe	448	tibus obsides dati	328
Delphicum oraculum	70	Equites sexcentum obsides	
Demaratus Corinthius	47	recuperati	341
Dianæ templum Romæ	38	Equit. stipēdiū triplex	468
Dies fasti & nefasti	29	Equitū centuriæ à Tarqui=	
Dictator primus	95	nio Prisco ampliata	30
Dictator clauī figendi cau=		Eruptio Veientum	307
sa	419	Esquiliæ habitantur à Ser=	
Duodecim menses ad lunæ		uio rege	37
cursum	29	Euander Arcas literarū mi=	
Duronia Samnitū urbs ex=		raculo uenerabilis	16
pugnata	637	Euganei populi	9
Duumiri sacris faciēdis	313	Exercitus Romanorū dete=	
Duumiri nauales	362	ctis occupandæ per scelus	
E		Capuæ consilijs, patriæ	
Ebutius cōf. moritur	134	arma infert	463
Ecetrani Aeqvis præsidium		Exules ac serui Capitolii	
dant	150	occupant	164
Edictum ut cuilibet liceat		F	
ad prædam Veientanam		M. Fabius pro Quinto	
proficisci	322	Fabio filio ad populum	
Egerius nepos Tarqui.	47	prouocat	312
Elitouiū dux Germanorū		Quintus Fabius Ciminium	
in Italiam transit	338	saltum superat	371

Q. F4=

I N D E X.

Q. Fabius simulatē Papy=	Feroniæ fanum	342	
rij patriæ remittit	374	Fescenninus uersus	418
Q. Fabius contra edictū di	Fiscus ruminālis	12	
ctato. pugnas uincit	304	Fidei sedes in dextris	31
Q. Fabij fiducia	616	Fidenæ à Scrui. captæ	253
Q. Fabij modestia	601	Fidenæ à Mamercō Aemy	
Q. Fabij pœna precibus	lio capæ	267	
pop. Rom. cōdonata	315	Fidenæ colonia	38
Fabij legati ius gentiū uio	Fidenates & Veientes à		
lant	340	Romanis fusi	39
Fabius Cæso triumphum	Fidenates colonos Romano		
recusat	129	rum cædunt	264
Fabia gens unico tantū su=	Fidenates à Romu. fusi	24	
perstite deleta	133	Flamen Dialis	29
Fabia gens Veietis belli o=	Flamines tres	ibid.	
nus in se recipit	131	Cn. Flauij libere factū	386
Fabiæ gentis plures consu	Cn. Flauius ciuile ius euul=		
latus continui	129	gat, fastos in albo propo=	
C. Fabij Dorso. religio	350	nit	ibidem
Fabraterni & Lucani in fi	Fœdus cū Lucanis iētū	600	
dem Roman. recepti	494	Fœdus cū Picentibus iētum	
Falisci ob iustitiam Camil=	399		
li dediti	330	Fœdus cū Vestinis iētū	390
Fames iactato de Capito=	Fœdus antiquum Samniti=		
lio pane dissimulatur	353	bus redditur	385
Fasces à popul. fracti	200	Fœdus cum Samnitibus re=	
Faustulus pastor	13	nouatum	471
Ferentinum ex Hernicis ca	Fœdus cum Latinis colu=		
ptum	424	mna ænea insculptum	112
Ferentinum ab oppidanis	Fœdus Marsis, Marruc. Pe		
desertum	629	lignis, Ferētinis datū	386
		Fœna	

I N D E X.

Fœneratores mulctati	615	Campanorum	549
Fœnus ex unciario semun-		G	
ciarium factum	447	Gabini fraude Sexti Tar	
Fori in circo	49	quiniij capti	67
Fori ornandi quum Then-		Galli Romam captam in-	
sæ ducerentur origo	577	cendant	346
Forma senatusconsulti ulti		Galli ab Arunte Clusiũ e-	
mæ necessitatis	151	uocati	336
Formula deuouendi se	481.	Gallorum in Italiam tran-	
48		situs	ibidem
Formula rogandæ de bello		Gallorum exercitus à Ca-	
sententiæ	45	millo deletus	354
Formula foed. friedi	33.34	Galli prope urbem cruenta	
Formula deditiois	51	pugna à Q. Ser. uicti	427
Formula inaugurandi re-		Gallorum erga Hetruscos	
gis	28	fraus	598.
Formula repetundarum re-		Gallorum strages noctu Ca-	
rum	44	pitoliũ scãdentiũ	351.352.
Formula belli indicẽdi ibi.		Galli ex effedis pugn.	622
Fortunæ muliebris tem-		Gegania gens Alba oriun-	
plum	120	da	41
Fregellas colonia deducta		Gelius Egnatius Samnitum	
498		imperator	607
Fregellæ ex Samnite rece-		Gelij Egnatij interitus	625
ptæ	560	Geminij Metij, & Manlij	
Fræna equis detracta ut li-		monomachia	477
be. in hostẽ procurrât	508	Genutius consul ab Herni-	
Cn. Fuluius Samnitibus pu-		cis occisus	422
gna uictis Bouianum &		Gloria interdum spreta cu-	
Aufidenam capit	601	mulatior redit	129
Lucius Furius legislator		Gracchus Cluilius legatos	
		Roma	

I N D E X.

Romanos eludit	175	dicunt	380
Græci lingua magis quàm		Hernici dediti	381
factis strennui	498	Hersilia Romuli. cōiūx	20
Græcorum clāssis piratica		Hetruscorum imperiū	337
orā Italiæ populatur	444	Hetruscorum ad Sutrium	
Græcorum clāssis Thurias		clades	372
capit & amittit	388	Hetruscorū castra à C. mar	
Gratitudo Romanor. erga		tio dictat. capta	435. 436
Cerites	355	Hetruscorum nocturna cæ-	
Gratitudo Romanorū erga		des ingens	371
matronas suas	ibidē	Hetrusci & Romani inui-	
Gratitudo commilitonum		cem formidini sunt	361
erga M. Manlium	352	Hetruria rebellat	644
Gratitudo Camilli erga Ar		Hetrusci cælestium prodi-	
deates	348	giorum periti	47
Gratitudo Romanorū er-		Hetruscis literis olim cru-	
ga Timasicheum	331	diebantur pueri Ro.	570
H		Hetruscorū opes fract.	575
Hastati prima acies	480	Hetrusci ex insidijs cladem	
Henetorum in Italiam ad-		foedā Roman. inferūt	590
uentus	9	Hetruscorum insidiæ elu-	
Herennij Samnitis prudens		duntur	591
consilium	525	Horatiorum & Curiatio-	
Ap. Herdonius in Capito-		rum pugna	36. 35
lio occupato cæsus	166	Horatius uictor sororem	
Herminius moritur ex uul-		transfigit	ibidem
nere	97	Horatius absolvitur à po-	
Hernicis bellū indictū	422	pulo	36
Hernici cruento prælio ui-		Hybernacula militi in obsi-	
cti	424	dione Veiorum facta	298
Hernici bellum Romanis in		Hister Tusco uerbo Ludio	
		vocatur	

INDEX.

uocatur	417	xandri tempore	345
Historiæ ambiguitas	383	Imperatores qui iniussu senatus triūpharūt	625. 626
Homicidium falso obiectum		Imperium non est experientum cuius uis est in consensu obedientium	142
Cæsoni Quintio	160	Imperatoriae artes Fabij Maximi	624
Horatij Coclitis facinus	86	Interamna à Samnitibus frustra tentata	633
Hospitalitas benigna Romanorum erga Hetruscos	92	Induciæ centum annorum Veientibus datæ	25
Hostius Hostilius	21	Induciæ Veientibus in qudraginta annos datæ	136
Tullus Hostilius fulmine absumptus	43	Insidiæ Tarquinio Prisco ab Anci filijs paratæ	53
Hostia urbs ab Anco rege ædificata	46	Insidiæ Fabijs positæ à Veientibus	132
Humanarū rerum maximū momentum quod	323	Insula in Tyberi unde cœperit	80
I		Interregnum	27
Iani templū pacis ac belli index	28	Interreges xiiii. 500	
Iani templū bis clausum à Numa usq; ad August.	29	Inuidia M. Manlij in Cæmulum	374
Ianiculū urbi additum	46	Ioci militares in triumphantes	352
Icilia famulia patribus infestissima	288	Iudicium infame populi Rom.	226
Iciliij Virginie sponsi uerba animosa	196	Iulia gens	11
Idus Maiæ solennes incundis magistratibus	186	Iunonis simulachrum locutum	324
Idus decembres ineūdis magistratibus solennes	308		
Imber uictoriam Romæ dirimit	371		
Imperatores Romani Ale-			

V Iupiter

I N D E X.

Iupiter Feretrius	20	Latium subactum	488
Iupiter indiges Aeneas ap		Latini populi unde appella	
pellatus	11	ti	10
Ius civile uulgatum	586	Latini ab Anco uicti in ci=	
Iusiurandi reuerentia ma=		uitatem accipiuntur	46
xima apud Romanos	170	Latinorū aliquot oppida à	
Iusiurandum exactum à po		Tarquinio Prisco cap.	51
pulo Rom. per Brutū	77	Latini cum Romanis offi=	
Iustitiū ob magnos tumul=		cijſ certant	99
tus indici ſolitum	448	Lauicanis bellū indictū	278
Iuuentas & Terminus non		Lauicum captum & Colo=	
moti in augurio Capitoli		nia eò deducta	280
69. & 136		Lauinium oppidum	10
L		Lauinia filia Lati. regis ib.	
Laceratio fœda cadaueris		Laurentia Fausti uxore	13
Alexandri Epirotæ	502	Lauinium rebellat	387
Lacus Vadimonis	575	Lectisternium primum in	
Lacus Curtius	422	urbe	313
Lapidibus pluit	449	Lectorius manu promptior	
Latinus rex Laurentum	9	omnibus ætatis ſuæ	139
Latini deficiunt à populo		Legati ad Gallos miſſi	339
Romano	445	Legatio Cluſinorum	341
Latini cū Volſcis uno præ=		Legati ad Samnites	453
lio uicti	400	Legatus Romanorum uer=	
Latini alterum cōſulem ex		ba ad quercū dirigit	175
Latio creari poſtulāt	475	Legati Romanorum à Fide	
Latini iugum Rom. excuſſe		natibus caſi	248
runt	472	Legatio Romanorū Athe=	
Latini à T. Manl. uicti	483	nas	162
Latini & Campani dedun=		L. Lētuli cōſiliū	526. 527
tur	485	Leges tres populares à di=	
		ſtatore	

I N D E X.

Statore plebeio plateæ 487	Lex de ambitu 433
Leges Publicæ ibidem	Lex de unciario fœno. 434
Leges decem tabularum centuriatis comitijs plateæ 184	Lex de uicesima eorum qui manumittuntur ibidem
Leges Consulares 208	Lex ut qui tribunis plebis, ædilibus, iudicibus, decem uiris nocuisset, capite pleceretur 207
Lex Terentilla 158	Lex Aemylia de contractione ne censura 255
Lex de connubio patrum et plebis 235	Lex agraria iterum promulgatur 312
Lex de prouocatione 396	Lex Licinia 404
Lex agraria lata primum 124	Libri lintei in æde Moneæ 251
Lex ut quod tributum plebes iubeat, populum teneat 207	Licinius Stolo sua lege damnatus 435
Lex ne quis magistratum sine prouocatione crearet ib.	Lictores decemuirorum centum uiginti 186
Lex Porcia 397	Lictor repellitur à ple. 107
Lex ne quis nisi qui noxam meruisset neceretur 306	Lictor repellitur à Volerone 138
Lex ut liceat ambos consules plebeios creare 469	Lictores duodecim unde 17
Lex ne duo magistratus uno anno ab uno ciue geri possint ibidem	Literæ laureatæ uictoriam nuntiantes 332
Lex ne fœnerare liceat 468	Lituus augurum baculus 28
Lex ne quis eundem magistratum intra decem annos caperet ibidem	L. Liui. Q. Meli. intercedere deditioi sue tentat 532
Lex ne cuius militis nomen nisi ipso uolente deleat. 468	Longula Volscorum oppidum 112
Lex ut quodcumque postremum populus iussisset, id ratum esset 436	Lumina mater 470

Lucani Rom. foederati	600	Lustrū conditū quid sit	57
Lucani & Apuli in amici-		M	
tiam recepti	502	Magistratū solitudo Ro-	
Lucani à societate Roma-		mæ per quinquennium	404
na deficiunt	505	Maleuentum olim, nūc Be-	
Lucreiā colonia dedu.	556	neuentum	559
Lucerini iterum capti cum		Mamilij Tusculani origo	
Samnitū præsidio ad in-		ab Vluxe	63
ternicionem cæsi ibidem		Mamilius transfigitur à Ti-	
Lucius Sextius primus ex		to Herminio	98
plebe consul	415	Manlius consul occisus	129
Lucius Genutius consul ab		Manli gens Marci præ-	
Hernicis cæsus	422	nomen repudiat	386
Lucij Papyrij Cursoris se-		T. Manlij Torquati consu-	
ueritas	512	lis exitus	599
Lucretia à Sexto Tarqui-		T. Manlio reuertenti Ro-	
nio uim passa	73	mam nemo iuuenum obuiā	
Lucretia seipsa perimūt ibi.		prodit	485
Lucumo qui L. Tarquinius		T. Manlij seuerit. 479. 479	
Romam migrat	47	M. Manlius Capitolium de-	
Lucus camœnarum	30	fendit	352
Ludi Circenses à Prisco		M. Manli. post carcerē fero-	
Tarquiniio instituti	49	cior de regno agitat	382
Ludiones ex Hetruria ac-		M. Manlij decora	385
citi	417	M. Manlij supplicium	387
Ludorum scenicorum ori-		Manubiæ Pontinæ uix ad	
go	ibidem	fundamenta templi Capi-	
Lupa lactat Romulum &		tolini sufficiunt	69
Remum	13	M. Popilius consul Gallos	
Lupercal ludicrum ibidem		prælio uincit	443
Lustrale sacrificium	139	M. Curtij pietas erga pa-	
		triam	

INDEX.

triam	421	patribus conciliat	111
Marcus Coriolanus exula		Agrippa Menenius publico	
tum in Volscos abit	115	sumptu funeratus	113
Marcus Coriolanus Vol-		C. Mænij fiducia	380
scorum imperator	117	Meuania urbs Vmbro.	378
Marcus Coriolanus preci		Mezentius Hetruscorum	
bus matris copias ab urbe		rex	10
amouet	119	Metius Suffetius dictator	
Mare inferum et superum,		Albanorum creatus	32
Thuscū et Adriaticū	337	Metij Suffetij supplicium	40
Marrucini, marsi, Peligni,		Metia & Scaptia tribus	
Ferentini Romanis fœde-			493
rati	386	Milionia de Samnite capta	
Marsi dediti	390		629
Martij Rutilij solert.	464	Minturnæ coloniae dedu-	
Marsi quando primum Ro		ctæ	613
manorum hostes	378	Minutia Vestalis uiua de-	
Matutæ matris templū	325	fossa	490
Matronæ annum lugent		Minutius delator Melij bo	
Brutum	831	ue aurato donatur	247
Matronas post mortem lau		Mucamis oppidum de Vol	
dandi ius unde	355	scis captum	112
Maximi cognomen unde		Muliebris dolor ob Virgi-	
Fabio	387	niam	199
Mediolanum conditum à		Muliebris ambitio occasio	
Gallis	338	plebeij consulatus	403
Meduacus fluuius	389	Mulierum ritus	223
Medullia capta	51	Murgantia, Romulea, Fe-	
Melius regni affectator à		rëtinum oppida Samnitū	
Seruilio Hala casus	245	capta	606.607
Agrippa Menenius plebē		Murtia quæ & Venus di-	

I N D E X.

ſta	46	thagoræ creditus	27
Mutius ſcribam pro rege		Numa ritus ſacrorum tra=	
obtruncat	89	dit	30
Mutius dextrâ torret ibidē		Numerus Mineruæ inuen=	
N		tum	419
Naues Romanorum ab		Numicus fluuius	11
Ariſtodemo retentæ	113	Numitor rex Albæ ſaluta=	
Narnia colonia dedu.	398	tur	14
Neapolitani in fidem Ro=		O	
manorum ueniunt	304	Obſidio Capitoli j	348
Necti ob debitum nequis		Obſides ſexcenti equites	
poſſit cautum	306	Samnitibus dati	328
Nepet colon.deducitu.	387	Ocriculani in amicitia Ro	
Nepet Rom.recipiunt	373	manorum accepti	379
Nequinum olim nunc Nar		Odium finitimorum in Ro	
nia	397	manos	113
Nerulum in Lucanisui ca=		Offilij Calauij prudens di=	
ptum	330	ſtum	330
Nexi ob æs alienum ad mi		Olympias mater Alexan=	
litiam ſcribuntur	102	dri magni ſoror Alexan=	
Nymphius aſtu prætorem		dri Epirotæ	302
Samnitum decipit	303	Ogulnia rogatio de ſacer=	
Nola capta	360	dotijs cum plebe commu=	
Nomentum captum	31	nicandis	393
Norbæ colonia miſſa	113	Omen à uoce, Hic manebi=	
Nortia Hetruſca dea	419	mus optime	361
Nouendiale ſacrum ob plu		Oppia Veſtalis inceſti da=	
uiam lapidum	43	mnata	123
Nox interdium uiſa intendi		Oppida ſeptem Latinis æ=	
449		dempta à Tarquinio Pri=	
Numa falſo diſcipulus Py=		ſco	31
		Oppida	

INDEX.

Oppida undecim à Corio=	Tullium regem	32
Lano Romanis adēpta 118	Oratio Papyrij in Fabi.	314
Oppida quadraginta unum	Oratio Pontij ad fœciales	
Aequorum intra sexagin=	335	
ta dies capta 585	Oratio Posthumij	531
Oratio Annij ad Latinos	Oratio Sempronij in Ap=	
433	pium	566
Oratio Appij Claudij ad	Oratio Sex. Tullij ad dicta	
populum Romanum 299	toem	430
Oratio Appij Craſſi in tri=	Oratio supplex legatorum	
bunos 41	Campanorum ad ſenatum	
Oratio Canulei pro lege	504	
ſua 231	Oratio T. Quintij ad po=	
Oratio Camilli de non mi=	pulum	220
grando Veios 329	Oratio Tarquinij aduerſus	
Oratio Cincinnati cos. 168	Seruium	61
Oratio Coruini ad milites	Oratio Tullij in damnatio	
455	nem Suffetij	139
Oratio eiufdem ad ſeditio=	Oratio Veturiæ ad Corio=	
ſos milites 466	lanum filium	119
Oratio Decij in Appiū 594	Ordines Ro. exercitus	479
Oratio eiufdem ad commi=	Oſca lingua Samnitum	611
litones 458	P	
Oratio M. Fab. p filio 512	Pædagogi proditoris ſce=	
Oratio Lentuli ad Roma=	lus 329	
nos circumuentos 527	Palatinus mons	13
Oratio Manlij ſeditioſa ad	Palæpolitani dediti	503
plebem 383	Palma Græcorum more ui=	
Oratio Menenij dictatoris	ſtoribus data	647
557	Pandofia urbs in Epiro et	
Oratio Metij Suffetij ad	Lucania	501

INDEX.

Panis proiectus è Capito=	Perusia dedita	577	
lio	353	Pestilentia Romæ 153. &	
Papyrij libido & crudeli=	182.313.387.648		
tas	506	Pæstum urbs	493
L.Papyrij Cursoris seucri=	Phalanx Macedonica	548	
tas	511	Piacularia sacra Horatia	
L.Papyrij Cursoris elogi=	genti credita	137	
um	542	Picētes Rom.fœderati	599
L.Papyrius Ioui pocillum	Pila Horatia	37	
mulsi uouet	642	Pythagoras quo tempore	
L. Papyrius Cursor Alexā	& ubi floruit	27	
dro par	544	Plebs nexu liberata	505
L.Papyrij dictum familiare	Plebs Romana ad Veios ex		
ad equites	543	cita	322
L.Papyr. Cursor ab Fabio	Plebs Romana aspernatur		
inimico dictator diei.	474	largitionem Cassij cos.	121
Par nobile imperatorum	Plebiscitū ne ullus magistra		
Romanorum	507	tus sit sine puocatione	207
Pastorum facinus in Tar=	Plebiscitum ne quis patri=		
quinium Priscum	53	cius in arce aut capitolio	
Patauij solenne ludicrum ui	habitaret	386	
ctoriæ ergō	590	Pœnæ apud nullam gentem	
Patauinorum de Lacedæmo	q̃ Romanos mitiores	40	
nijis naualis uictoria	589	Politorium ab Anco diru=	
Pater patratus	34	tum	45
Patres & patricij unde ap	Pollustia oppidum	118	
pellantur	17	Pometia diruta	94. & 103
Patres conscripti unde uo=	Pomœrium quid	57	
centur	77	Pons sublicius	46
Pax cum Porfena	93	Pontius Samnitum impe=	
Pedū urbs, captū	487.488	rator	522
		Pon	

INDEX.

Pontificum & augurū nu-	niam expugnant	388
merus ductus	395	Prænestini exercitu ad ur-
Populus in curias diuisus	bem admoto tumultum ex-	
23	citant	396
Populi Gallorū à Belloueso	Prætexta toga ab Hetruscis	
in Italiam traducti	sumpta	171
337	Primus pontifex	30
Porfenna Romanis bellum	Primus de plebe consul	416
infert	85	Primus de plebe dictator
Sp. Posthumij facinus	335	Primus de plebe magister
Sp. Posthumij de pace cau-	396	equitum
dina i senatu sentētia	337	ibidem
Posthumia Vestalis abso-		
luta	278	Primus de pl. prætor
Posthumius tribunus militū	Primus de pl. censor	ibid.
ab exercitu lapidibus occi-	Primus prætor	416
sus	285	Prima prorogatio imperij
Potitiorum interitus	361	304
Præfectus annonæ	243	Primū Punicū bellū uiginti
Præfectus Capuæ	349	quatuor annorum
Prætura nouus magistratus	416	416
quando primum	416	Primi ædiles curules
Prætor Prænestinus suppli-	Primi consules	75
cij terrore perfunditur à	Primi tribuni militum cōsu-	
Papyrio	lari potestate	236
343	Priuernum deditur	434
Preces Romuli ad Iouem	Priuernum captum	470
20	Priuernates & Veliterni a-	
Prænestæ deditū paulopost	grum Rom. uasant	433
rebellat	Priuernatib. cū rebellassent	
398	uictis ciuitas data	498
Prænestæ ad Romanos defi-	Prodigia eò quòd sacra nō	
cit	rite fierent	123
96		
Prænestini Satricum colo-		

I N D E X.

Proucrbium Res ad Tria=		Pugna prima Romanorum	
rios redijt	481	& Samnitum	456
Pudicitiae patriciae ac ple-		Pugna Rom. & Samnitum	
beiae facella	618	ad Sueffulam	462
Pugna acerrima Romano=		Pugna Ro. & Volſcorũ tẽ=	
rum & Volſcorum ad Sa		peſtate dirempta	470
tricum	389.390	Pugna Roman. in Volſcos	
Pugna acris Ro.in Fiden=		duce Coſſo	377
tes & Vcientes	266	Pugna Romanorũ & Vol=	
Pugna acris Romanorũ in		ſcorum inter Ferentinum	
Tolumnium	25	& Ecetram	296
Pugna acris Romanorũ &		Pugna Romanorum in Ae=	
Sabinorum	216	quos et Volſcos duce Poſt	
Pugna Allienſis	343	humio	259
Pugna atrox Romanorũ et		Pugna Ro. & Volſcorũ du	
Hetruſcorum	127	ce Sempronio	270
Pugna atrox Romanorũ in		Pugna Ro. & Latinorũ ad	
Aequos et Volſcos ad Cor		radices Veſuuij	481
bionem	224	Pugna Ro. & Samnitũ ad	
Pugna Gallorũ & Roma=		Imbrinium	508
norum Popilio duce	435	Pugna Rom. & Samnitum	
Pugna Gallorũ & Roma=		per horas quinq; nuſquam	
norum ad Pædum	432	inclinata	519
Pugna Hernicorum & Ro		Pugna equeſtris Romano=	
manorum	422	rum & Samnitum ad Sa=	
Pugna Latinorũ & Rom.		triculam	551
ad lacum Regillum	96	Pugna Samnitum & Ro=	
Pugna nocturna Romano.		manorum duce Publio Phi	
in Aequos	332	lone	538
Pugna Præneſtinorum ad		Pugna Ro. & Samnitũ ad	
Alliam	397	Lautulas	552

Pugna

I N D E X.

Pugna cruenta Thufcorum	Samnitū cruenta	632.633	
et Romanorum	365	Pullarij inter prima signa	
Pugna anceps Samnitū et	constituuntur	639	
Romanorū duce Marcio			
Rutilio	374	Q	
Pugna Hetrufcorū et Ro-	Quæſtiones de coitioni-		
manorum ad lacum Vadi-	bus	358	
monis	375	Quæſtorium à Samnitibus	
Pugna mirabilis Roman.et	capitur, et quæſtor occi-		
Vmbrorum	379	ditur	628
Pugna Rom. et Samnitum	Quinqueviri, qui menſarij		
ad Aliphas	380	sunt appellati	440
Pugna Romanorū et Sa-	Quintia gens Alba oriun-		
mnitum ducibus Sulpitio	da	141	
et Petilio	359	Cæſoni Quintio dies dicta	
Pugna Ro.et Samnitum ad	160		
Longulam	375	Cæſonis Quintij exiliū	162
Pugna Ro. et Samnitū ad	T. Quintius cogitur eſſe im-		
Tifernum	383. et 602	perator ſeditioſorū	465
Pugna Ro. et Thufcorum	L. Q. Cincinnatus Acquos		
ad Volaterras	600	ſub iugum mittit	179
Pugna Rom. in Hetrufcos	L. Q. Cincinnatus ab ope-		
et Samnites	610	re agreſti ad dictaturā ra-	
Pugna Romanorū in Gal-	pitur	176	
los et Samnites	621	Quintius conſul plebem tu-	
Pugna Romanorum et Sa-	Quintij capitolini laus	241	
mnitum ducibus Claudio	Quiritatio Volcronis	138	
et Volumnio	626	Quirites à Curibus appel-	
Pugna Romanorum et iu-	lati	22	
ratorum Samnitum	641	Quirinalis mons urbi addi-	
Pugnae duæ Romanorū et	tus	37	

R		Romani mallunt defendere	
Reges Albani	12	Latinos, quàm eis arma	
Regnū res pulcherrima in-		permittere	108
ter deos hominesq;	85	Romani & Volsci utriq; se	
Reipublicæ Romanæ anti-		uictos putātes clām castra	
quæ laudes	8	deserunt	271. 272
Remus captus à latronibus		Romani in arcē attoniti su	
deditur Anulio ad suppli		giunt, ne clausis quidē Ro	
cium	13	mæ portis	342
Remi mors	15	Romani antiqui promissa	
Responsum Priuernatis le-		barba	346
gati	497	Romæ salubritas & aliæ cō	
Responsum Delphicū à solo		moditates	360
Bruto intellectum	71	Roma sine curuli magistrat-	
Responsum superbum sena		tu per quinquennium	404
tus Veiētis ad legatos Ro		Romani duces Alexandro	
manos	292	æquales	345
Responsum ferox Manlij ad		Romani à Samnite sub iu-	
Annum Latinum	475	gum missi	529
Responsum scitū Volūnij ad		Romana legio à Gallis de-	
Appij cauillum	609	leta	620
Rhetorum origo	337	Romani ultro ac uolētes ab	
Rex Sacrificulus	77	Aequis uicti	193
Rhea ex Marte Romulum		Romani in insidias Volscō	
& Remum parit	12	rum præcipitati	398
Rixa Romæ ob scorta	94	Romani in insidias præcipi	
Rogatio Sicinij de migran		tati cum ingēti Samnitum	
do Veijs	326	strage euadunt	364
Rogationis carmen	245	Romulus urbē condit	15
Roma caput orbis fore præ		Romulus consecratus	25
dicitur	26	Rorarij milites	480
		Rosellæ	

INDEX.

Rosellæ expugnatae	634	Samnitum erga Fregellæ	
Rostra Romæ	490	nos deditos perfidia &	
Ruffuli qui	421	crudelitas	537
S		Samnites Consules deditos	
Sabini nō prius ostendunt		non recipiunt	ibi.
Ro. bellū quā inſerāt	20	Samnites ab A. Cornelio	
Sabinarum mulierum inter		cæduntur	461
cursus aciem uirorū & pa		Sānites ad Sueſſulā magna	
rentum dirimit	22	cæde à Coruino uicti	462
Sabinorum tetrica disci-		Samnites uicti pacem à L.	
plina	27	Papyrio petunt	517
Sabini uincuntur à Roma-		Samnitum auratæ ac argen-	
nis	42	tatæ acies à Papyrio fuſæ,	
Sabini uſq; ad urbis portas		fugatæ, caſtris'que exutæ	
populantur	145		577
Sacer mons à plebe occu-		Samnitibus Romani ob Lu-	
patus	203	canos bellum inſerūt	600
Sacerdotes plebei primi		Samnites Calatiam & So-	
qui	596	ram expugnant	586
Sacerdotes facibus & an-		Samnites à Poſthumio &	
guibus armati Romanos		Minutio occiduntur	583
turbant	435	Samnitibus fœdus redditū	
Sacroſancti qui dicantur			584
	207	Sānites caſtra Romana cū	
Sagmina herbæ in fœdere		irrupiſſent expellūtur	627
ſeriēdo neceſſariæ	33.34	Saſſula urbs Tyburtum ca-	
Salij duodecim	29	pta	437
Salluuiorum in Italiam ad-		Satricum à Latinis incen-	
uentus	338	ſum	401
Samnites à Papyrio ſub iu-		Satricum à Romanis diru-	
gum miſſi	541	tum	448
		Satricū	

I N D E X.

Satricum captum	343	Seruius Tullius classes cen-	
Satricani ad Samnites de-		turiasq; describit	35
ficiunt	337	Sextius primus è plebe con-	
Scapius infamis iudicij po-		sul	416
puli Romani autor	227	L. Siccij cædes	193
Seditio propter nexos	100	Sidicini Latinis se dedunt	
Sellularij militiæ parū ido-			471
nei	496	Signia colonia	98
Semoni Sango bona Viru-		Signa ex ærario prompta	
uij consecrata	ibidem		224
P. Sempronij in Appium		Sinuessa & Minturnæ co-	
Claudium inuectio	366	lo. deductæ	613
Senatus à Romulo lectus	17	Sora ex Volscis capta	449
Senatus à Prisco Tarqui-		Sorani colonos Romanos	
nio auctus	49	interficiunt	352
Senatores primi conferunt		Sorani transfuga Romanis	
ad stipendiū militare	295	tradit	353
Senatus decreta de singulis		Sorani cccxxv. securi per-	
Latinorum populis	489	cussi	355
Senatus tribunos plebis ap-		Sororium Tigillum	37
pellat in consulem	258	Somnium T. Latinij	115
Seniores Romani ad custo-		Spelunca in Vmbria oppu-	
diam urbis scripti	309	gnata	387
Senones Clusium oppugna-		Spolia opima	20
tum ueniunt	338	Statius Cellius imperator	
Sepinum ex Samnite captū		Samnitum captus	384
ac direptum	645	Satue legatorum Fidenis	
Seruilia gens Alba oriun-		cæforum	248
da	41	Statua equestris Clæliæ	91
Seruius Tullio caput ar-		Stipendium miles ex æra-	
det	25	rio quando primum acce-	
		pit	

I N D E X.

pit	295	47	
Stratagema Pontij Samni-			Tanaquilis uerba ad Serui-
tis	325	um	54
Stratagema Quintij	146		Tarentinorum arrogantia
Stratagema Tullij Hosti-		340	
lij	39		Tarpeia necata ab Sabinis
Stratagema Manlij	483	21	
Stratagema Ser . Sulpitij			Tarquinius Superbus socerum occidit
432			61
Stratagema Papyrij	639		Tarquinius semper armatam custodiam habuit
Subitarij milites	156		63
Suessæ & Pontia colonie deductæ	560		Tarquinius primus bellum Volsceis mouit
Suggestum in foro rostris nauium ornatur	490		66
Supplicatio quatriduana quo bello primum	324		Tarquinijs bona direpta 80
Supplicium Vitruuij	496		Tarquinius Priscus senatum duplicat
Supplicium de proditoribus Romanis	81		49
Sutrium eodem die bis captum	365		Sextus Tarquinius à Gabinis interfectus
Syluij reges	12		75
Synope urbs ubi quondam, & quo iam appelletur nunc	613		Aruns Tarquinius & Brutus mutuis se uulneribus conficiunt
			82
T			Tarquiniensium captiuorum supplicium
Tabulæ duodecim	187		437
Talassij uox nuptialis	18		Tatij cædes
Tanaquil Lucumonis uxor		20	23
			Telienenses Romam traditi
			46
			Tempanij uirtus in re trepida
			270
			Templum omnium primum
			Templa

INDEX.

Templa non diruta in Alba	41	Trebia oppidum captum	118
Terram pluit multifariam	626	Trebulanis ciuitas data	587
Terror nocturnus Romæ		Triarij spectatæ uirtutis milites	480
ignoto autore	518	Tribus unde dicatur	57
Theanæses & Canusini dediti	549	Tribus quatuor additæ	368
Thusci à Cæditio noctu cæduntur	250	Tribuni militum in legionibus à populo creatur	297
Thusculanorum solertia in arcædo Romano bello	392	Tribus una & triginta	99
Thusculum à Latinis præter arcem capitur	401	Tribuni militum quinque creati	111
Thusculanus populus reus	518	Tribuni militum consulari potestate octo creatur	297
Tibicinum solennis per urbem licentiæ origo	562	Tribuni consulibus uinculaminantur	258
Tyburti populo bellum indicitur	425	Tribunus plebis domi mortuus inuenitur	137
Tyburtinorum exercitus nocte urbi admotus tumultum excitat	428	Tribunus militum consulari potestate primus ex plebe	312
Tifata colles Capuæ immittentes	450	Tribuni plebis duo innoxij damnantur à plebe	333
Timasitheï Liparensis religio	331	Tribuni plebis in dictatore rem coorti eum dictatura abire cogunt	419
T. Manlij pietas	420	Tribunus plebis iuramento adactus causæ dictionem	
Torquati cum Gallo monomachia	426	T. Manlio remittit	421
Tragicum scelus	59	Tribunus plebis Appium censorem	

I N D E X.

cenforem in uincula duci iubet	569	Triumphus Fabij de Samnitibus	625
Triginta populi in Romanos coniurati	95	Triumphus Aemylj Mercis de Veientibus ac Fidenatibus	251
Triumphus Papyrij patris de Samnitibus	577	Triumphus primus iussu populi sine autoritate senatus	217
Triumphus Papyrij filij de Samnitibus	646	Troia pagus in Venetia	9
Triumphus Caruilij	647	Troilium in Hetruria uicatum	646
Triumphus Quintij	179	Tullia gens Alba oriunda	141
Triumphus Gegani de Volscis	241	Tullia scelus	62
Triumphus Sulpitij de Galis	433	Tunica priuæ	461
Triumphus Plautij de Priuernatibus	496	Turni Herdonij mors	65
Triumphus Camilli de Veijs	325	V	
Triumphus eiusdem de Galis	354	Valerij Coruini monomachia	446
Triumphus Coruini de Volscis	448	Valerij Coruini elogium	455
Triumphus Popilij de Galis	444	Vates Hetruscus qui prodigium interpretaretur, quâ arte captus	316
Triumphus Lucretij	158	Veientes, Capenates, & Falisci in urbem accepti	366
Triumphus Posthumij Tullij berti	261	Veientes à Seruio rege summi	55
Triumphus Cossi	381	Veij cuniculo capiuntur	322
Triumphus Petilij	428	Veientanus ager plebi diuiditur	
Triumphus Posthumij & Minutij	584		

I N D E X.

uiditur	334	Romani seipsas confecerunt	8
Velitræ colonia	109	Virginibus Vestæ stipendium de publico	29
Velitræ expugnata	397	Virginius filiam transfigit	199
Veneficia mulierum indicata	493	Virginij concio & preces ad commilitones	201
Veneficæ suometipso ueneno pereunt	ibidem	Virtutis imperatoris exempla in Coruino	455
Verona urbs	338	Visceratio populo data à M. Flavio in funere matris	498
Vestini in amicitiam Rom. recepti	590	Vitellij & Aquilij capitaneæ coniurationis	79
Vestinis bellum indicitur	507	Vitellia colo. ab Aequis expugnata	332
Veturia mater Coriolani	119	Vitruvius Vaccus	494
Vexillum quodq; quot homines habeat	479	Vltio Romanorum in Veliternos	489
Via Nomentana	203	Vmbri arma in Romanos sumunt	578
Vicus Cyprius	62	Vmbrosũ populi dediti	579
Vicus sceleratus	ibid.	Vna hora duo exercitus Sabi- binorum & Veientum fusif	135
Vicus Thuscus	92	Voces seditiosæ plebis ob uincula Manlij	381
Victoriæ ex Latinis laus penes T. Manlium	483	Vociferationes iactatæ in decemuiros	203
Vigil de saxo deiectus	352	Volæ à Rom. capte	283
Viminalis collis urbi additus	57	Volana	
Vindicius index coniurationis, ex cuius nomine Vindicta appellata	81		
Vires Hetruscorum fractæ	575		
Vires prævalentis populi			

INDEX.

Volana, Palumbinum, &	Volsci Romanos fundunt
Herculaneum ex Samniti	& fugant 142
bus capta 645	Volsci Ardeam obsident
Volscius damnatur 180	240
Volcinienses prælio uicti 335	Volsci sub iugum missi ibi=
Volsci cum Latinis ac Her=	dem
niciis magno prælio uicti	Volscis & Aequis unde to=
377	ties milites suffecerunt 375
Volsci iam penè uictores,	Volsci gens ferocior ad re=
Camilli opera uicti 393	bellandum quàm ad bellan=
L. Volumnius Samnites du=	dum 448
ce capto profligat 612	Volfinij Perusia & Arre=
Vox nocturna Gallorū ad=	tium Hetruriæ capita pa=
uentus nuntia 335	cem petunt 634
Vox Syluani ex Arsia syl=	Voltumnæ fanum in Hetru=
ua 83	ria 256
Vox Posthumij stolidi 284	Vorago immensæ altitudi=
Volsci opem negant Roma	nis in foro Romano 421
nis fame laborantibus 113	Votum Camilli ex senatus=
Volsci Coriolanum belli du=	consulto 320
cem eligunt 117	Vulgi animi mutabiles 83
Volsci & Aequi à Latinis	
& Hernicis uicti 135	

FINIS.



LI
B
10

